

《續修四庫全書》編纂委員會編

續修四庫全書



上海古籍出版社

七四一・史部・地理類

朔方備乘六十八卷首十二卷圖二幅（卷一至卷四十一）〔清〕何秋濤撰 黃宗漢等輯補……………一

24152/0

朔方備乘卷第一

聖武述略一

東海諸部內屬述略敘

臣秋濤謹案東海諸部今屬吉林省統轄地周

二萬餘里古靺鞨諸國境也前代朔漠未賓幅

幘不廣以靺鞨蒙古為北徼我

聖朝

德教覃敷

天威遠震舉凡靺鞨蒙古悉屬內地以俄羅斯為北

朔方備乘

卷一

東海諸部內屬述略敘

一

徵恭查

盛京通志載

盛京統部北至俄羅斯界五千一百餘里然

盛京北距吉林實不與俄羅斯相接惟吉林東北

隅三姓副都統地與俄羅斯密邇三姓所屬打

牲採捕諸部落即舊時東海諸部慕

德嚮

化久為編氓是則為

盛京屏障者吉林也為吉林根本者東海諸部也

康熙年間羅刹侵擾至恒滾等地即吉林所屬

東海諸部舊壤此可見論北徼邊防不可不留

意於東海矣欽惟我

朝

列聖柔遠綏民開疆益地凡最強最大之部落如蒙古

喀部準部回部胥隸

併幪設官莅治其事昭著惟東海諸部止設姓長鄉

長未立專官是以

列朝載定撫綏之偉績罕有知者曩時道員臣趙翼撰

朔方備乘

卷一

東海諸部內屬述略敘

二

皇朝武功紀盛自康熙中征討三藩之役以後悉有

述略而東海之事闕載厥後知州臣魏源撰

聖武記於征東海諸部事亦祇附見而未有專紀之篇

臣秋濤不揣固陋敬考羣書以述其略誠知

大烈耿光昭垂億禩即欲繪天賦海末由形似萬一竊

以紀述

聖德自附於清廟生民之篇頌揚

神功追擬於車攻常武之什斯則歡忻抃舞之懷所不

能自己者爾

東海諸部內屬述略

東海諸部皆在長白山以東長白山為我

朝發祥之地松花江出焉北流至吉林又北轉東

流合黑水為混同江逕甯古塔三姓以入東海

水勢環抱拱衛

神京古肅慎渤海女真諸國相繼居此至明萬曆

年間諸國分建滿洲之部五日蘇克素護河

濤謹案一作蘇克蘇河日渾河日完顏臣秋濤謹案日棟

鄂一作董鄂日哲陳長白山之部二日納殷

朔方備乘

卷一 東海諸部內屬述略

三

日鴨綠江東海之部三日窩集臣秋濤謹案日

五爾喀日呼爾哈魏源曰一作虎爾喀一作庫

考庫爾喀與呼爾哈扈倫之部四臣秋濤謹案

日葉赫臣秋濤謹案日哈達日輝發日烏拉皆

金代部落之遺城郭土著射獵之國非蒙古行

國比也各主其方爭相雄長強凌弱眾暴寡而

扈倫四部最強皆在

興京之北今

盛京吉林兩將軍所轄境內至東海三部本明野

人衛地皆在甯古塔以東或瀕江海或居島嶼

距明邊絕遠多役屬於扈倫之烏拉部厥後我

朝奄有東海設吉林將軍統之亦以烏拉為治所

仍舊貫也

太祖高皇帝受命於天削平諸國於是滿洲五部長白

山二部以及扈倫四部以次收入版圖其用兵

最勤且征且撫者莫如東海三部及黑龍江之

索倫等部蓋此諸部種族散處山林非有會豪

為之雄長亦非如四扈倫之抗衡上國而

朔方備乘

卷一 東海諸部內屬述略

四

兩朝勞徠招攜之故則見於天聰八年

太宗諭諸將之征黑龍江者日茲地人民語言騎射與

我國同撫而有之即皆可為我用攻略時宜告以爾

我先世本皆一國之人載籍甚明毋甘自外是故屢

次用兵皆未嘗興大眾其收服之人即校射藝

區等第編旗披甲與兼弱攻昧之師不同茲謹

依

欽定開國方略諸書詳考東海諸部內屬之事稽年月

綴故實臚列於篇以便覽觀云其索倫諸部內屬事詳見次卷

太祖高皇帝戊戌年春正月招降安楚拉庫路先是大臣費英東初征瓦爾喀部取噶嘉路殺部長阿球降其眾以歸至是以安楚拉庫路舊屬瓦爾喀部

太祖命長子褚英幼弟巴雅喇與費英東噶蓋統兵一千征之星馳而往取屯寨二十餘招降萬餘人而還於是褚英

賜號洪巴圖魯巴雅喇

賜號卓哩克圖臣秋濤謹案滿洲源流考云安褚拉庫內河

朔方備乘 卷一 東海諸部內屬述略 五

三十餘與方略所記年分不同俟考己亥年春正月東海窩集部

之呼爾哈路長二人曰旺格曰彰格率百人來

朝獻黑白紅三色狐皮黑白二色貂皮自是呼

爾哈部朝貢時至其長博濟哩乞婚

太祖嘉其率先歸附因以大臣女六配其六長丁未年

春徙東海瓦爾喀部斐優城之眾於內地先是

丙申年陣獲烏拉布占泰釋歸主其國未幾布

占泰以珍物銅錘送葉赫貝勒納林布祿又以

我國所屬瓦爾喀部之安楚拉庫路內河路眾

所推服之三人送葉赫引其使人招誘安楚拉庫內河二路適有東海瓦爾喀部斐優城長策木特赫來朝告曰吾等因地方遙阻久附烏拉國今其國主布占泰遇吾等虐甚乞移家來附至是

太祖命弟舒爾哈齊長子褚英次子代善大臣費英東扈爾漢率兵三千至斐優城徙之時夜陰晦軍中大燾之上有光眾以為異捫視無有復樹之光如初舒爾哈齊曰吾自幼從

朔方備乘 卷一 東海諸部內屬述略 六

上征討所見多矣未有此異其非吉兆耶欲遣兵褚英

代善曰或吉或凶兆已定吾等遽還將何以報

命耶遂決意前進至斐優城盡收環城屯寨凡五百戶

令扈爾漢率兵三百護之先行烏拉貝勒布占

泰發兵萬人邀諸路扈爾漢見之令五百戶結

寨山巔以兵百人衛之使人馳告後隊諸貝勒

是夕烏拉兵萬人扈爾漢所率兵僅二百人各

據山一面結營相持翼日烏拉以萬人來攻我

大將揚古利馳至先眾奮擊斬烏拉兵七人我

兵止傷一人烏拉兵退渡河登山畏懼不敢前
兩軍相向駐營日過午我後隊諸貝勒率兵齊
至見烏拉兵甚多褚英代善策馬而前諭軍士
曰吾

父每有征伐無不摧堅陷敵今雖未親行而我等奉
命來此爾眾何憂昔布占泰侵我國我國擒而縛之吾
父宥其死復養之歸主其國為時未久人猶是人曾
從吾手而釋非有天幸得脫也今豈不能再縛
之耶彼兵雖多我國荷

朔方備乘

卷一

東海諸部內屬述略

七

天眷仗

天威吾

父威名夙著破敵兵必也眾軍士皆曰願効力遂渡河
褚英代善各率兵五百分二路緣山奮擊烏拉
兵大敗代善追及烏拉統兵貝勒博克多從馬
上左手攫其胄而斬之時天氣晴明忽陰晦大
雪寒冽被傷敵兵棄甲逃者僵仆甚眾是役也
陣斬博克多及其子生擒貝勒常住與貝勒瑚
哩布斬三千級獲馬五千匹甲三千副師還

太祖賜舒爾哈齊號達爾漢巴圖魯以褚英遇大敵率
先擊敗其眾

賜號阿爾哈圖們以代善陣斬博克多又與兄並進
克敵

賜號固英巴圖魯先是東海窩集部之赫席赫路鄂謨
和蘇嚕路佛納赫托克索路並附烏拉

太祖遣人招之降弗從五月

太祖命貝勒巴雅喇大臣額亦都費英東扈爾漢率兵
千人往征遂取三路屯寨俘二千人而還戊申

朔方備乘

卷一

東海諸部內屬述略

八

年九月窩集部之呼爾哈路千人侵我甯古塔
城我駐防薩齊庫路兵百擊敗之斬百人生擒
十二人獲馬四百匹甲百副餘眾悉降既而降
人有逃至窩集部之瑚葉路者匿弗以獻己酉
年十二月

太祖遣扈爾漢率兵千人討之扈爾漢取瑚葉路二千
戶而還

太祖嘉其功

賜號達爾漢賚甲胄馬匹時有歸附我國之窩集部級

芬路長圖楞爲窩集部之雅蘭路人所掠庚戌年十一月招降窩集部諸路長時

太祖遣額亦都率兵千人往窩集部之那木都祿路綏

芬路甯古塔路尼瑪察路招其路長曰康古哩

曰喀克篤哩曰昂古曰明安圖曰烏魯喀曰僧

額曰泥喀哩曰塘松阿曰葉克舒等來歸令其

挈家口前行額亦都旋師至雅蘭路遂擊取之

收萬餘人而還辛亥年秋七月取烏爾固辰穆

稜二路先是窩集部來歸路長僧額尼喀哩二

朔方備乘

卷一

東海諸部內屬述略

九

人以

太祖所賜甲四十副置綏芬地爲窩集部之烏爾固辰

穆稜二路兵掠去

太祖遣呼爾哈部長博濟哩

方略曰即己亥往二路宣年率眾歸附者

諭歸還所掠弗從乃

命第七子阿巴泰同大臣費英東安費揚古率兵千人

征烏爾固辰穆稜二路俘千餘人而還冬十一

月攻克扎庫塔城先是東海呼爾哈路扎庫塔

人來降

太祖賜之甲三十副其人以所

賜甲送黑龍江濱之窩集部人被於樹以試射又食烏

拉國布疋受其貝勒布占泰招撫至是

太祖遣額亦都何和哩扈爾漢率兵二千往征扎庫塔

城諭降弗從圍三日攻克其城斬千人俘二千

人並招降環近路長曰圖勒伸曰額勒伸令率

五百戶來歸癸丑年平烏拉國甲寅年冬十一

月征雅蘭錫琳二路先是窩集部之雅蘭路人

掠我所屬之綏芬路長圖楞我師征之有俘獲

朔方備乘

卷一

東海諸部內屬述略

十

係庚戌至是年事

太祖遣兵五百征窩集部之雅蘭錫琳二路收降二百

戶俘千人而還乙卯年冬十一月征克額赫庫

掄先是窩集部東額赫庫掄人寄語我國之人

曰人謂爾國驍勇可來與我等決一戰

太祖遣兵二千至固納喀庫掄招之不服遂布陣鳴螺

越壕三層毀其柵攻克其城陣斬八百人俘獲

萬人收撫其居民編戶口五百乃班師天命二

年春二月丙申朔遣兵收海邊部眾時東海沿

邊諸部尙多未附

太祖遣兵四百往征凡散處部眾悉收之其島居負險

不服者乘小舟盡取之而還四年正月庚戌

太祖遣大臣穆哈連率兵千人征東海呼爾哈路六月

己未收其丁壯二千以還

駕出城撫之椎牛二十列筵二百來降路長分二等

賜賚上等者男婦十馬牛各十衣五襲次等者男婦五

馬牛各五衣三襲其田廬器物具備馬十年三

月辛未征東海瓦爾喀部諸將曰喀爾達日富

朔方備乘

卷一 東海諸部內屬述略

十一

喀納曰塔裕攜降附之眾三百三十人以歸四

月初

太祖命族弟旺善大臣達珠瑚徹爾格統兵一千五百

人征東海瓦爾喀部俘獲甚眾是月己卯

駕出城迎之庚寅至必音地行獵凡四日會于穆瑚覺

羅地剗牛八祭燾畢旺善達珠瑚徹爾格率軍

士朝謁

太祖問曰爾等所向俱利耶旺善對曰仗

皇上洪福所至皆利因叩首

太祖與三臣行抱見禮以獵獲獸百餘及所攜酒二百

饗饗從征士卒及降附戶口還至瀋陽城北岡

復以牛羊四十酒四百饗分列四百筵大宴勞

之既入城又

賜從征士卒銀各五兩八月丁丑朔勞征克卦勒察軍

初

太祖遣大臣雅護喀穆達呢率兵征東海卦勒察部俘

獲二千人至是凱旋

駕出城宴勞之十月己卯勞征克呼爾哈軍初

朔方備乘

卷一 東海諸部內屬述略

十二

太祖遣第三子阿拜第六子塔拜第九子巴布泰率兵

一千由北路征東海呼爾哈部侍衛博爾晉備

禦曰偉齊曰扎努曰塞紐克曰衷諾曰通貴曰

尼堪率兵二千由南路征東海呼爾哈部博爾

晉等招降五百戶先還

駕至津河

御行幄出征諸將率招來頭目朝見

賜宴而還至是阿拜等俘獲一千五百人以歸

駕復出城宴勞之十一年十月丙辰往征東海卦勒察

部大臣達珠瑚等以俘獲人口百餘及馬牛百餘還

太宗文皇帝天聰元年十二月長白山迤東濱海呼爾

哈部三人來朝以黑貂皮入貢二年五月長白

山迤東濱海呼爾哈部頭目曰禮佛塔曰布克

善曰喀秀曰克伊克拉來朝各

賜鞍馬緞衣并弓矢囊韃三年秋七月乙未庫爾喀部

頭目九人來朝以海豹皮入貢四年五月呼爾

哈部二十一人來朝以貂皮入貢十一月那堪

朔方備乘

卷一

東海諸部內屬述略

三

泰路之呼爾哈人瑪爾圖等攜家屬來歸

命於甯古塔邊地駐牧五年

命大臣蒙阿圖率官八員兵三百人往征瓦爾喀

諭之曰爾等行軍宜嚴紀律毋妄殺毋劫掠歸附之眾

皆編為民戶攜還其所產貂皮及一切諸物毋得纖

毫私取若克建功績自加陞賞五年二月甲戌蒙阿

圖自甯古塔遣人奏報俘降男子千二百十九

名婦女千二百八十四口幼丁六百三名獲人

獲貂狐狍獾等皮及牛馬甚多三月甲午

駕出城十里外拜

天畢

御行幄凱旋主帥蒙阿圖遙拜一次近前復拜行抱見

禮副帥武巴海行禮同

詔獎蒙阿圖武巴海善於用兵出征勞苦設大宴特撤

御膳賜之六年冬

命大臣武巴海率兵征烏扎拉部武巴海分八旗兵為

四路並趨渥赫河斬三百三十八人俘五百餘

人獲馬三百七十貂狐狍獾貉貉虎狼等皮

朔方備乘

卷一

東海諸部內屬述略

四

千餘張裘二十餘領七年正月乙卯凱旋以所

俘分

賜將士有差十一月

命大臣吉思哈武巴海率官八員兵三百人征朝鮮接

壤之瓦爾喀部

諭之曰爾等勿專以俘獲為念致降順之人復叛逃而

去所俘婦女當擇謹厚人守護若有姦淫事覺從重

治罪至將領士卒身欲休息止許弛弓晝寢若昏夜

務環甲上弦不可怠忽其八貝勒家人遇用兵處皆

令入伍聽調遣凡所俘獲令各自立營以無父母之
 子女分給守視爾領兵諸將嚴飭軍士不許任意乘
 馬馬正行時勿飲以水駐營時須散放滾塵先令食
 草然後飲以水其甯古塔拉發二處人可分為三以
 二分留守一分隨征烏扎拉部落編戶人等亦令隨
 征有所俘獲任其自取八年五月甲辰吉思哈武巴
 海還至甯古塔遣人奏捷俘男子五百五十婦
 女幼稚一千五百獲馬一百九十四牛一百八
 十三貂狐貉獺狍獾黃鼠青鼠灰鼠等裘一
 朔方備乘 卷一 東海諸部內屬述略 圭
 百六十三領皮二千二百五十張貂皮褥三緞
 四布一百二十人獲八十斤初八旗每旗分隸
 牛象二十五後漸增至三十至是九月甲戌
 太宗諭貝勒大臣以吉思哈等俘獲之瓦爾喀人戶不
 必均隸八旗察明不足旗分撥補十一月使犬
 部蓋青屯頭目僧格率五十人來朝貢貂皮十
 二月癸卯遣大臣武巴海荆古爾岱率每旗將
 領一員每牛象甲兵一名共四百人往征瓦爾
 喀

太宗命管兵部貝勒岳託傳
 諭曰茲命爾等往征瓦爾喀所至務謹慎從事各副委
 任不可怠忽聞尼滿地方有千餘人在彼築城屯駐
 爾等宜往略之至各屯戶多少武巴海盡知可取者
 量力取之有分達哩所居之屯宜率鄉導往前先取
 餘可次第略定凡此諸屯非有統帥哨防不過泄泄
 然散處各村落然其人雖愚耳目頗眾爾等自甯古
 塔啟行之日即行防範毋令彼知覺伺其所在以智
 取之所有俘獲當加意守視時其衣食勿令凍餒前
 朔方備乘 卷一 東海諸部內屬述略 其
 遣達珠瑚以疎忽遇害念其効力年久著有勞績方
 令承襲世職爾等未能如達珠瑚之功儻不自慎欲
 希格外之恩不可得也夫攻略之後或俘人遁逃或
 自被戕害皆由與彼同處日久漫無防範以及戮辱
 其婦女所致前者正紅旗輝滿征瓦爾喀時所為多
 不義爾等慎勿效尤亦毋以其物力豐足妄行多取
 彼既服從秋毫不可犯爾等其毋違朕命 臣秋濤謹
 案方略曰
 達珠瑚於天聰元年征瓦爾喀為俘 卒所害故此 諭旨及之 九年正月
 使大部索瑣科來朝四月武巴海荆古爾岱等

自甯古塔遣噶爾珠奏報收撫瓦爾喀壯丁五百六十人婦女五百口幼稚九十口又俘獲婦女六十口馬六十牛百貂狍獐獐等皮六百六十有奇裘三十八領六月丙戌遣章京日塞紐克日沙努日喀克日徹尼日郎格日穆爾泰日佟阿圖日昂金等八員率各旗每牛彖兵一名往迎所降戶口是月丁酉武巴海荆古爾岱等攜所招降瓦爾喀部人至

命禮部諸臣出迎大宴之

朔方備乘

卷一

東海諸部內屬述略

七

賜屯長分達哩蟒緞朝服并緞褂其餘諸人依次分給房屋衣服諸物仍以所獲

賜將士有差敘功陞武巴海荆古爾岱等世職並加世襲二次十月癸未復發兵征之每旗派官二員每牛彖兵五名漢軍二名分八旗為四路兩旗合進一路兩黃旗武巴海為帥其副日昂金日謨默里日叟塞日鄂屯日伊里布日蒙格率兵二百九十七名進兵之地二日額赫庫掄日額勒約索取其地壯丁七百五十人兩紅旗多濟

里為帥其副日方金日布爾薩海日雅爾堪日聶努克日瑚什率兵三百五名進兵之地三日雅蘭日錫琳日瑚葉取其地壯丁七百五十七人兩藍旗扎福尼為帥其副日特穆祿日諾穆齊日多蘭日托密善日塞格率兵二百九十八名進兵之地二日阿庫里日尼滿取其地壯丁四百八十人兩白旗武什塔為帥其副日瑯糾日和勒多日拜斯哈爾日瑚新泰日滿岱日宜爾海率兵三百三十七名進兵之地二日諾囉

朔方備乘

卷一

東海諸部內屬述略

八

日阿萬取其地壯丁一千一十四人仍各攜鄉導人以往出征主帥各授軍律一道其應取壯丁及鄉導人姓名俱載四主帥軍律中武巴海武什塔軍律內增一款云烏扎拉部方略日即天聰六年武巴海征服者百壯丁家勿得侵擾並往招伊兄弟塞亨布克沙等之現居甯古塔者啟行之日兵部承政日徹爾格日伊遜率出兵大臣進見

太宗諭曰此番馬匹較前肥壯自京城以至出邊須令緩行休息既久即可兼程以進四路兵或有脫逃者

同時當記其數爾多濟里所往之地島嶼甚多有可取者造船取之如不可取當識之以為後圖至其中有從我國逃去者可遣人往招之諭以昔時爾等逃亡因年歲不登之故今諸蒙古俱傾心內附爾等宜速來歸如此開諭自當輸誠恐後也

論畢遂行十年臣秋濤謹案二月庚申武什塔等奏言

八旗將士共俘獲壯丁一千一百六十名婦女

一百四十口馬三百二十七牛百八十所獲貂

狐狍獬等皮及人獲無算比還

朔方備乘

卷一

東海諸部內屬述略

九

命禮部官迎宴於五里外論功擢武巴海鄂屯等世職

並

賜諸將士人口馬匹貂皮布疋有差崇德二年正月癸

亥

太宗於朝鮮軍營遣外藩科爾沁扎嚕特敖漢奈曼諸

部兵出朝鮮咸鏡道往征瓦爾喀

命蒙古衙門承政尼堪甲喇章京吉思哈牛象章京葉

克舒率每旗甲士十人導之以行道出會齊擊

敗朝鮮平壤巡撫兵二千人餘兵悉降五月十

九日至烏拉地方遣還蒙古十六旗兵七月己已復

命諸將曰喀凱曰塔克珠曰來虎曰舒書曰翁愛曰尼

噶禮曰克布圖曰輝山曰恩古里曰雅薩諸巴

日巴爾噶日遜綏日赫德日珠瑪喇日綽貝日

塔哈布日海塞日蒙格日哈什屯日雅布喀日

棟果爾日滿都祜日占楚喀日音達禮等率兵

一千二百分爲四路往征瓦爾喀兩黃旗一路

率阿庫里尼滿地壯丁一百名穆稜地壯丁四

朔方備乘

卷一

東海諸部內屬述略

三

十名烏爾固辰地南濟蘭牛象下喀克篤哩兄

弟等壯丁三十名共一百七十名以先來歸人

日圖必善日分達哩日瑪哈達為鄉導兩紅旗

一路率綏芬壯丁七十名雅蘭壯丁四十名瑚

葉壯丁二十名烏爾吉壯兵七十名共二百名

以先來歸人日圖球日恰塔日齊什訥為鄉導

兩藍旗一路率額赫庫掄壯丁六十名額勒以

東塞木克勒以西壯丁五十名共一百十名以

先來歸人日愛韜日多爾周日常濟里日濟布

朔方備乘

卷一

東海諸部內屬述略

三

楚為鄉導兩白旗一路率諾囉阿萬壯丁三百名以先來歸人曰雅爾布曰佛得密曰封濟達日蘇布特赫為鄉導十月癸亥諸將遣六人奏捷言兩黃旗舒書塔克珠率甲士六十人入烏爾固辰所獲日塞約日愛塔哈日佛珠日武克星額日塔克圖男子三十名家口八十馬七十有三兩紅旗恩古里克布圖率甲士六十人入綏芬所獲日剛球日畢爾哈木日巴爾珠男子二十八人家口六十五兩白旗哈什屯滿都祜

賜新獲五爾喀男婦幼稚等衣服居室器用牲畜等物
 四月師還
 并

賞喀凱等從征兵丁銀兩有差十二月
 太宗率諸王貝勒等西獵於大草灘及卓索圖爾格尼

等處

命葉克舒為右翼大臣星訥為左翼大臣與其下日阿福尼日赫葉訥日瑪喇希日喀木齊哈日喀爾喀瑪日鄂謨克圖日薩哈納日穆成額日叟塞日阿林日巴雅爾圖日塞赫日哈喇勒岱日訥爾特日穆圖日希福等率兵六百往征卦勒察部葉克舒星訥等師至薩哈勒察俘獲男子六百四十名家口一千七百二十名馬一百五十六匹牛一百有四頭三年四月

朔方備乘

卷一

東海諸部內屬述略

三

盛京留守諸王遣兵部啟心郎占巴等齋疏以聞遣禮部承政庫魯克達爾漢阿賴祝世昌姜新等迎宴之尋以所獲薩哈勒察等衣服

賜兩翼大臣并
 賞從征將士銀兩有差四年七月先是東方五爾喀部眾叛入熊島至是

太宗命朝鮮國王李倭以舟師攻熊島擒其首嘉哈禪等縛送

盛京將同謀叛逃之人分別議罪仍遣四將日薩

爾糾曰英古曰納爾泰曰錫圖等率兵百人往
瓦爾喀收其餘黨

諭曰爾等可於拉發地方牧馬前進兵少宜合為一隊
以行勿貪得輕殺勿妄取為俘抗拒者諭降之殺傷
我兵者誅戮之歸附之人編為戶口令貢海豹皮諭
以棄惡從善勉為良民軍行往返勿侵擾朝鮮境地

薩爾糾英古等遂攜嘉哈禪同往收捕餘黨五
百人五年閏正月甲申

命戶部行文朝鮮國王令所在官員計口給糧俟我軍

朔方備乘

卷一

東海諸部內屬述略

三

同時報明數目於額貢鳳凰城米內開除奏報
並

敕諭薩爾糾英古等曰爾等所率軍士及收獲人口並

嘉哈禪等所需口糧已諭令朝鮮計口給予勿令多

索至所獲人口內有強暴不可信者約束前來餘俱

仍留彼處擇其中可任使者一人統之如無可任使

之人即付與先降之嘉哈禪賴達庫分管二月丙辰

太宗遣多濟里喀珠等率八旗甲士八人嚮導四人往

甯古塔會同章京曰鍾果兌曰達敏等酌帶兵

三四百名往征烏扎拉部

諭曰爾等此行或由水路或由陸路往返宜速務以兵
扼其重地若得其地將遲誤貢獻及欺誑之人執之
以歸凡事公議而行毋得怠忽五月甲辰戶部啟心
郎布丹等自

盛京至錦州

御營奏薩爾糾等征瓦爾喀部俘獲男子三百三十六
人歸降男子一百四十九人內有捕海豹二百

四十三人捕貂鼠一百九十八人仍居彼地攜

朔方備乘

卷一

東海諸部內屬述略

三

來者四十四人俘獲家屬七百九十六口歸降

家屬四百八十一口攜來者八十三口又來朝

者曰羌都曰蘇拉庫曰塞木得三人輝克地方

朱吉喇一人及先降之賴達庫與嘉哈禪之子

日奇喇納曰艾都曰達松阿曰託和訥俱至尋

以所獲壯丁四十二人充補各旗披甲之缺額

者其歸降一百四十九人及新獲二百九十二

人俱留置鄆朱屯中令每年貢貂皮海豹等物

時多濟里等至烏扎拉俘獲百有十人於六月

癸酉師還

命於五里外迎宴之以烏扎拉壯丁四十三人補各旗披甲之缺額者

賜多濟里喀珠鍾果兌等各貂皮五十布三十其從征將士各論功分

賞貂皮布疋有差七年九月

太宗命二將曰沙爾琥達曰珠瑪喇率將士往征松阿里江之呼爾哈部閏十一月沙爾琥達等遣人

還奏喀爾喀木屯遮克特庫屯塔圖庫屯福提

朔方備乘

卷一

東海諸部內屬述略

三

希屯鄂爾璉屯幹齊奇屯庫巴察拉屯額提奇

屯薩里屯尼葉爾伯屯十屯人民俱已招降於

月之初十日自松阿里江旋師八年正月辛亥

師還

命禮部官迎宴入城計獲男婦幼稚一千六百十九人

牲畜六百三十有奇

命給新獲男婦衣服房屋及所用器皿分補各旗人丁

缺額者敘功

賜沙爾琥達珠瑪喇等各緞布有差自是東海諸部悉

隸版圖順治十年始於甯古塔設昂邦章京副

都統以鎮守之康熙元年改昂邦章京為鎮守

甯古塔等處將軍十五年移將軍駐吉林烏拉

留副都統鎮守甯古塔三十年設白都訥副都

統雍正元年設甯古塔值年御史一年而更三

年設阿勒楚喀協領一員四年於吉林設永吉

州於甯古塔設泰甯縣於白都訥設長甯縣俱

隸奉天府七年罷泰甯縣設三姓副都統乾隆

元年罷長甯縣併歸永吉州九年設拉林副都

朔方備乘

卷一

東海諸部內屬述略

三

統十二年罷永吉州改設吉林理事同知二十

一年設阿勒楚喀副都統二十二年改甯古塔

將軍為吉林將軍自是始稱吉林省三十四年

罷拉林副都統此設官莅治之大略也按東三

省駐防兵有老滿洲有新滿洲猶史言生女真

熟女真也

國初收服諸部往往遷其家屬於

盛京選其壯丁入旗披甲故凡種人之能成數佐

領數十佐領者咸歸於滿洲若瓦爾喀若呼爾

哈若葉赫若輝發若烏拉若哈達今皆無此名
目蓋已歸入滿洲故也其順治康熙年間續有
招撫壯丁願遷內地編佐領隸旗籍者則以新
滿洲名之

國語所謂伊徹滿洲也至東北邊部落來宵古塔
納貢者或謂之伊徹滿洲或仍其部落之名每

年四月至六月以次入貢自宵古塔東北行四

百餘里居呼爾哈河松花江兩岸者曰諾雷臣

濤謹案一作開雷一作
擊耶勒天聰五年朝貢曰克宜克勒臣秋濤謹

朔方備乘

卷一

東海諸部內屬述略

三

依克勒一作克益克曰祐什哈哩臣秋濤謹案

勒崇德二年朝貢禮一作虎習哈禮此三喀喇臣秋濤謹案喀

崇德三年朝貢喇漢言姓也役

屬八其頭目壯丁漸移家內地編甲入戶有服
官於

京師者初以魚皮為衣後被

德化冠服修飾柳邊紀略曰俗稱窩皆稱伊徹滿洲

臣秋濤謹案伊徹一作窩集部其地產貂三姓城即因三

作異齊一作伊車喀喇為名也自宵古塔東行千餘里居烏蘇里

江兩岸者曰木掄臣秋濤謹案一作木輪一作

作尤倫俗類窩集產貂又東二百餘里居尼滿柳

紀略作伊河源者曰奇雅喀喇會典圖作奇雅喀

喇爾其人黥面地產貂無五穀夏食魚冬食獸

以其皮為衣自宵古塔東北行千五百里居混

同江黑龍江兩岸者曰赫哲喀喇臣秋濤謹案

流考柳邊紀略作刺髮黑金喀此從滿洲源

喇通志作赫錦喀喇一作赫真俗類窩集產貂

以上皆每年入貢又東北行四五百里居烏蘇

里江混同江黑龍江三江匯流左右者曰額登

喀喇臣秋濤謹案此從通志柳邊紀略作不刺

髮黑金喀喇滿洲源流考亦曰赫哲喀喇

一作赫真其人披髮鼻端貫金環衣魚獸皮陸行乘

舟或以舟行冰上駕以犬柳邊紀略曰御者持

者然木篙立舟上若水行所謂使大國也其語與窩集異無文字筆

墨裂革以記事如古之結繩然地產貂通志曰

塔水路至其部東北自宵古界共四千五百餘里又東北行七八百里曰飛

牙喀臣秋濤謹案一作費雅喀俗與額登喀喇同而赤股無

袴以皮蔽其前自宵古塔東北行三千里曰奇

勒爾臣秋濤謹案一作欺勒爾濱大東海俗產與奇雅喀喇

同以上各部皆三年一貢柳邊紀略曰凡歲貢

朔方備乘

卷一

東海諸部內屬述略

三

什器之外宴一次固山達以下陪宴三年 又有
一貢者宴三次甯古塔梅勒章京陪宴

使鹿鄂倫春使馬鄂倫春二部臣秋濤謹案鄂倫春一作俄倫

春一作鄂樂春皆在混同江北岸使鹿部在使馬部之外使馬鄂倫春距齊齊哈爾城五六百里使鹿鄂倫春距齊

齊哈爾城千餘里 又有遠在海中不能至甯古塔之庫葉一部每年六月遣官至距甯古塔

三千里之普祿鄉收貢頒賜魏源曰又有不編佐領之使鹿部曰

奇勒爾日費雅喀與海中之庫頁島皆更在鄂倫春之外每歲不能以時至甯古塔則以六月

期集於三千里外之普祿鄉而章京舟行如期往受之斯則不惟非滿洲亦非索倫等部幾同

土番羈縻矣臣秋濤謹案庫葉島所居凡三種日庫葉日費雅喀日鄂倫春所居既遠自與海

朔方備乘 卷一 東海諸部內屬述略 三

朔方備乘

卷一

東海諸部內屬述略

三

以內各部習俗稍別紀載未能詳也普祿鄉當即普隆雷噶珊亦作滿壘噶山在庫葉島之西

偏 凡此諸部皆滿洲所屬故會典不列於理藩院然赫哲費雅喀來京娶婦則禮部光祿寺供

筵燕

盛京工部供薪藁略如蒙古儀蓋皆遵用

國初撫循東海諸部舊典也異域錄載俄羅斯伊

聶謝柏興有一種人乘鹿者呼鹿曰俄倫此可

見俄倫春命名即以使鹿之故而東北濱大拉

該海諸地壤接俄羅斯習俗大略相同康熙初

年羅利犯境自牛滿河東抵恆滾侵擾赫哲奇

勒爾等部又有自北海來之羅利與費雅喀人

戰又脅取鄂倫春部質子勢甚蔓延我

聖祖仁皇帝神武布昭勦撫並施始臻平定二百年來

東海諸部共樂昇平以自古荒遠不聞之地遠

至邇安億兆蒙福如此

聖德

神功負乎莫並矣

朔方備乘

卷一

東海諸部內屬述略

三

朔方備乘卷一

拔貢張惇德初校 知縣吳壽坤覆校

朔方備乘卷第二

聖武述略二

索倫諸部內屬述略敘

臣秋濤謹案黑龍江為東三省之一其地居人

不盡索倫也有滿洲有漢軍則徙自吉林有巴

爾呼一作巴爾虎有鄂勒特即額魯特之異文則歸自蒙古

有達呼爾有俄倫春有畢喇爾則其同鄉而別

為部落者世於黑龍江人不問部族概稱索倫

而黑龍江人居之不疑亦雅喜以索倫自號說

朔方備乘

卷二

索倫諸部內屬述略敘

一

者謂索倫驍勇聞天下故藉其名以自壯茲記

黑龍江諸部事蹟以索倫冠之職是故也我

太祖高皇帝開國之初多用兵於

盛京吉林之境然尼堪外蘭築城鄂勒歡實今齊

齊哈爾之地蓋遁居僻遠思遣天誅而

聖皇親御桴鼓即日蕩平征討及於龍江實自茲始厥

後

命帥奏功則有若黑龍江之薩哈連呼爾哈等部薩哈

連即黑龍江之別名呼爾哈即布特哈之音轉

與東海之呼爾哈部及族同而地域異也

太宗文皇帝續緒詰戎屢征索倫並取雅克薩鐸陳諸

城於是諸部畏

威懷

德來享來王幅員有截式廓日增誠亘古未有之盛事

也自索倫諸部既平而俄羅斯國亦以是時略

地而東遂於順治年間竊據雅克薩地侵擾索

倫等部垂四十年賴我

聖祖仁皇帝廟謀先定築城運糧屢奏克捷察罕汗上

朔方備乘

卷二

索倫諸部內屬述略敘

二

書請和立石定界索倫諸部遂得並臻清謐而

黑龍江之建為省會肇基於此敬述原委於以

見

列聖謨烈萬世永賴云

索倫諸部內屬述略

索倫諸部者黑龍江省土著之民也黑龍江省

以水為名地在吉林之北東西三千餘里南北

四千里後魏時為黑水部屬勿吉唐曰黑水靺

鞨跨江分南北部黑水部之北為思慕靺鞨郡

利鞞鞞窟說鞞鞞近西北者為室韋部唐會要

言思慕等部南與渤海德里府接東至大海北

至小海今考黑龍江極北有小海即泰西人所

謂大拉該海也北史所云于已尼大水即北海

者當即指此其地溟渤遠環興安層抱重江疊

嶂控扼諸藩雖遼金之盛亦止統轄其南境至

其北境則歷代皆羈縻之地不能列入版圖也

國初時有薩哈連部臣秋濤謹案薩哈連部雖屬

之東當時各部地域相錯類如此今以濱黑龍江地皆類載於此卷以便檢閱云卦爾

朔方備乘

卷二

索倫諸部內屬述略

三

察部薩哈勒察部呼爾哈部索倫部又有音達

琿塔庫喇喇路諾囉路錫拉忻路皆附近薩哈

連部者又有博和里屯諾爾噶勒屯都里屯小

噶里達蘇屯大噶里達蘇屯綽庫禪屯能吉勒

屯皆呼爾哈部之別也又有瑚爾布爾屯臣秋濤謹案

案一作扈沃呀屯臣秋濤謹案烏魯蘇屯塞布

奇屯臣秋濤謹案郭博爾屯臣秋濤謹案額蘇

哩屯阿里岱屯臣秋濤謹案克音屯臣秋濤謹案

殷海倫屯裕爾根屯固濃屯昆都倫屯烏蘭屯

皆濱黑龍江又有多科屯噶勒達遜屯穆丹屯

臣秋濤謹案都孫屯臣秋濤謹案烏爾堪屯臣

一作納木丹德篤勒屯臣秋濤謹案鐸陳城阿薩

津城雅克薩城多金城及博木博果爾暨使鹿

之喀木尼堪部皆索倫部之別也我

太祖高皇帝於癸未年征尼堪外蘭克圖倫城尼堪外

蘭遁於嘉班越兩月

太祖復率兵征嘉班尼堪外蘭攜其子及兄弟數人逃

於鄂勒歡地築城居之鄂勒歡臣秋濤謹案在

朔方備乘

卷二

索倫諸部內屬述略

四

齊齊哈爾城西南三十餘里周二里許丙戌年

秋七月

太祖率師往征鄂勒歡克其城尼堪外蘭遁入明邊境

旋伏誅此我

朝用兵黑龍江地之始天命元年七月丁亥

太祖遣大臣安費揚古扈爾漢率兵二千征東海薩哈

連部二臣行至烏勒簡河剝舟二百水陸並進

取沿河南北三十六寨八月丁巳駐營黑龍江

南岸江水常以九月始冰是日啟見他處未冰

獨我營近地距對岸二里許結冰如橋約廣六十步皆以為異安費揚古扈爾漢曰觀此冰橋天佑我國也遂引兵以渡取薩哈連部十一寨及兵還舊所過冰橋已解其西偏復如前結冰一道我兵既渡冰盡解後至九月仍應時而冰遂又招服音達琿塔庫喇喇路方略曰即諾囉路錫喇使大路忻路師於九月甲午凱旋三年二月音達琿塔庫喇喇諾囉錫喇忻三路路長四十人率百餘戶來歸

朔方備乘

卷二

索倫諸部內屬述略

五

太祖命以餼糧及馬百匹迎之授官有差各給與奴僕牛馬田廬衣服器用無妻者並令婚配十一月乙亥東海呼爾哈路長納喀達率百戶來歸太祖遣二百人迎之

御殿受朝設宴

諭令挈家口願留我國者為一行未攜家口而願歸者為一行分別聚立

賜願留者為首八人各男婦二十口馬十匹牛十頭錦裘蟒服并四時之衣田廬器用諸物畢具部眾

大悅其願歸之人感激乞留甚眾乃因還家者寄語曰他國之軍士欲攻伐以殺我等俘掠我家產而

上以招徠安集為念收我等為羽翼

恩出望外我鄉兄弟諸人其即相率而來無晚也十一年十二月黑龍江二十六人來朝貢犬及黑白紅三色狐皮黑貂捨猢猻水獺青鼠等皮

太宗文皇帝天聰五年六月黑龍江有五頭目曰伊扎納曰薩克提曰伽期納曰鄂哩喀曰康柱來朝

朔方備乘

卷二

索倫諸部內屬述略

六

七月諾囉路呼爾哈部頭目曰薩達蘭曰伊扣曰扎濟喇曰瓦爾禪四人來朝貢貂狐捨猢猻水獺皮又有頭目額克星格攜家來歸又黑龍江濱呼爾哈部四頭目曰託思科曰羌圖禮曰恰克謨曰察球亦皆來朝俱貢貂狐捨猢猻等皮七年十一月丙申薩哈勒察部頭目曰費揚古曰滿岱率四十六人獻貂皮一千七百六十九張青布二千六百三十四匹朝見畢宴之賜鞍馬裘鞋蟒衣帽靴銀器絨布等物有差八年時有

呼爾哈所屬之黑龍江濱頭目日羌圖禮日瑪爾罕率六姓六十七人來朝貢貂皮六百六十八張

太宗以羌圖禮等自歸附以來貢獻不絕宴之賜鞍馬緞布有差

諭之日呼爾哈慢不朝貢將發大兵往征爾等勿與往來以致誤殺此次出師不似從前兵少必集大眾以行爾等如有舊相識者欲見之不爾禁也五月丙戌

朔黑龍江濱索倫部頭目巴爾達齊率四十八

朔方備乘

卷二

索倫諸部內屬述略

七

來朝以貂皮一千八百一十八張入貢丙申

命大臣阿什達爾漢伊拜往科爾沁調兵隨征大軍西發之次日渡遼河抵陽什穆河沿河立二十營

伊拜從科爾沁至奏言噶勒珠塞特爾

方略曰科爾沁

貝勒額爾濟格之子海賴句布延岱句白固類句塞布類

等託言往取北方索倫部財賦自給各率部眾

叛去科爾沁土謝圖濟農扎薩克圖杜稜句秉

圖貝勒句卓哩克圖貝勒句已率兵往追之矣

太宗遣戶部承政英固爾岱文館舉人敦多惠回

盛京傳

諭留守貝勒日可亟令索倫部來朝頭目巴爾達齊速還國恐致噶勒珠塞特爾等襲取其地宜善言訓諭而遣之又

命巴克什希福同伊拜往科爾沁傳

諭日法律所載叛者必誅爾科爾沁貝勒若獲噶勒珠塞特爾等欲誅則誅之不誅欲以其人民為奴者聽

六月乙亥希福還奏土謝圖濟農等已追殺噶

勒珠塞特爾等五人盡收其戶口冬十月壬辰

朔方備乘

卷二

索倫諸部內屬述略

八

索倫部巴爾達齊又與同部日景古齊日哈拜

日孔恪泰日烏都漢日訥赫徹特白日哈爾塔

等率三十五人來朝以貂狐皮入貢十二月壬

辰

太宗命大臣巴奇蘭薩木什喀分左右翼率官四十一

員兵二千五百名往征黑龍江地方

諭之日爾等此行道路遙遠務奮力直前毋怠毋忽至俘獲之人須善言撫慰飲食甘苦一體共之則人心

歸附必眾且此地人民語言與我同攜之而來可以

爲我用攻略時宜諭之曰爾之先世本皆我一國之人載籍具在爾尙未之知是以甘於自外我皇上久欲收服特時有未暇耳如此諭之有不翻然來歸者乎爾等其勉體朕意

諭畢

賜食又

諭曰入略之後或奏捷或送俘必由錫伯綽爾門方略曰科

爾沁所屬地地方經過將來遣使往還及運送軍糧亦必

於此處相待其應略地方須問鄉導人有夏姓烏音

朔方備乘

卷二

索倫諸部內屬述略

九

屯長喀拜及從役二人庫魯木圖屯長都爾敦及從

役二人方略曰本月喀拜都爾敦等率從者六十九人來朝貢貂皮又納屯一人

適已偕至今俱令從軍爾等率之往經行道路詢彼

自知若彼處已經略定此歸附三屯不可稍有侵擾

宜令留於本處並諭以因爾等輸誠來歸故使復還

故土嗣後宜益加恭順償往來稍間必謹責立至矣

若所略不獲如願則不必留此三屯當盡攜來凡器

用之屬有資軍實者無使遺棄軍還務使結隊而行

不可分散又

召屯長喀拜都爾敦等及其從人進宮
賜食既出

命沙爾琥達穆成額傳諭喀拜等令其引我軍前行凡各屯寨善爲指示復

命貝勒薩哈璘杜度大臣納穆泰額駙達爾漢兵部承政伊遜徹爾格並參政等官送於二里外按旗分列簡士卒閱器械宣讀

敕諭給諸將各一道遂令起行九年三月丁巳

特遣甲喇章京瑚什布率每旗二人往迎之四月癸巳

朔方備乘

卷二

索倫諸部內屬述略

十

巴奇蘭薩木什喀令兵部啟心郎二人日額色

赫日伊木布奏報收服呼爾哈編戶壯丁二千

四百八十有三人口七千三百有二馬八百五

十有六牛五百四十有三駝八辛丑

詔貝勒阿巴泰率眾官迎凱旋將士於蒲河之岡大宴

之五月乙卯巴奇蘭以所招降頭目人等至

太宗御殿凱旋諸臣率眾朝見

太宗以諸臣出師勤勞

命主將巴奇蘭薩木什喀二臣行抱見禮巴奇蘭薩木

什喀出班叩頭抱

上膝見次招降二千人叩見次索倫部長巴爾達齊等

方略曰四月壬寅黑龍江索倫部長巴爾達齊率二十二人來朝貢貂獺皮叩見

命招降軍士俱較射設大宴

召巴奇蘭薩木什喀以金卮酌酒

親賜之次飲各旗出征署旗務大臣次飲以下諸臣並

招降頭目宴畢

上回宮陞巴奇蘭薩木什喀等世職加世襲二次隨征

之吉思哈等三十六員各陞世職一級翼日巴

朔方備乘

卷二

索倫諸部內屬述略

十一

奇蘭等籍俘獲人口一百十六名馬二十有四

牛十有七貂狐狍獾水獺等皮共三千一百

五十皮裘十五領以

聞

太宗念將士勞苦卽分賜右翼五旗主帥巴奇蘭左翼

五旗主帥薩木什喀其章京以下各賞賚有差

招降之七千三百人俱

賜房屋田地衣食器皿等物九年九月

諭出征諸貝勒曰又黑龍江貢貂者塞布奇屯十六人

噶勒達蘇屯四人郭博爾屯二人額蘇哩屯二十四

人阿里岱屯八人克音屯四人烏魯蘇屯二人此皆

舊往還之人又新至者海倫屯二人裕爾根屯固濃

屯昆都倫屯烏蘭屯各一人又索倫部內先至者四

人其因馬疲留於科爾沁地方者兩起共六十七人

皆革心向化不似先時執拗矣十年臣秋濤謹案是年即崇德元年

也

太宗命阿賴達爾漢率外藩蒙古諸貝勒兵往追茂明

安部下逃人至使鹿部喀木尼堪地方招集葉

朔方備乘

卷二

索倫諸部內屬述略

十三

雷舍爾特庫巴古奈土古奈等及其從役家口

來獻俱

賜官服纓韃等物有差葉雷等旋往盜科爾沁部占巴

拉方略曰天聰八年秋七月與其弟塞爾固楞率兵來朝部下馬八百匹

及秉圖王方略曰即部下馬四十五匹而逃是

時秉圖王及伊勒都齊貝勒方略曰即伊爾登

方略曰即哈坦巴圖魯方略曰即固穆二人等皆郭爾羅斯部長

所屬有四五家散處及出外採捕約五十人皆

被殺秉圖王部下十七人追及之逃人還擊殺

三人又奪馬十七匹而去經

興京守將奏

聞

命下甲喇章京錫特庫執信牌往甯古塔會同守將武

巴海率甯古塔兵追之又遣正黃旗牛彙章京

噶爾糾執信牌率卦勒察兵沿烏拉地方追緝

又遣蒙古衙門撥什庫博羅執信牌往科爾沁

部令土謝圖親王巴達哩卓哩克圖親王武克

善發兵躡追兼令防失牲畜錫特庫等率二十

朔方備乘

卷二

索倫諸部內屬述略

十三

二人躡逃人蹤跡自多爾博庫地方行至烏拉

駐防邊城武巴海率四十五人來會時科爾沁

部土謝圖親王下鄂爾多木卓哩克圖親王下

託和泰奉

命率兵二百往尼喀善城駐防聞信即簡甲士四十人

往追占巴拉之弟塞爾固楞貝勒亦率所部兵

橫截追之鄂爾多木追至博木博果爾地方

爾乃黑龍江頭目行月餘會遇武巴海錫特庫

同行途次見天鵝三鄂爾多木射中其一帶箭

而飛逐取忽不見乃見逃人營中遺火遂星夜

馳往至温多地方圍之諭降不從因攻殺九十

四人生擒八十七人獲馬五十六匹問葉雷安

在葉雷殺鹿為食攜妻子遁去矣錫特庫武巴

海即率兵前進葉雷聞知乃殺其妻子遁入山

中我兵追至與葉雷縱矢交射忽有白狐躍起

觸葉雷弓而馳因射殺葉雷有葉雷兄弟率四

十人攜妻子欲歸我國途遇葉雷留之亦被殺

五月癸未奏

朔方備乘

卷二

索倫諸部內屬述略

十四

聞錫特庫等凡七閱月始還

太宗命管旗大臣出城五里迎宴之

葉雷復逃錫特庫追至北海斬之閱七月始還

知此次追兵直抵北海矣又按柳邊紀略云使

鹿部大約在使犬諸部之外崇德元年五月阿

賴達爾漢追毛明安部下逃人至使鹿部喀木

尼漢地方獲男女二十九來獻至今未通朝貢

無由見其國人但聞其駕車耕地使鹿若使牛

馬而巳又異域錄云自厄爾庫城至伊聶謝柏

興地方其間水程三千餘里沿途河岸寬闊之

處間有田畝俄羅斯與布喇特及索倫人等雜

處又曰伊聶謝柏與俄羅斯呼索倫為喀穆尼

漢又呼為通古斯俱畜鹿以供乘馱載其鹿

灰白色形似驢騾有角名曰俄倫所謂喀穆尼

漢即喀木尼堪也據此則喀穆尼堪即索倫別

部無疑今其地屬俄羅斯考總記言俄羅斯於

崇德四年始得白哈兒湖附近之地則當崇德元年尚未屬俄羅斯也由此北行數月直抵北海按之方隅道里無不密合

崇德二年二月黑龍江地方額

蘇里屯內鄂倫扎爾固齊克訥布魯達爾漢率

九人至奏言額蘇里屯東約計六日程有從未

通我國者三十九屯今欲來貢不知進貢禮儀

特遣人來求我等同

皇上使臣一人至彼即備方物隨使入貢並藉其所貢

貂狐等皮數目以

聞閏四月黑龍江索倫部博木博果爾等來朝貢貂皮

朔方備乘

卷二

索倫諸部內屬述略

十五

等物六月辛丑敘遠追喀木尼堪部逃人功擢

武巴海錫特庫噶爾糾世職加

賜衣服馬匹奴僕莊田

賜鄂爾多木號卓哩克圖庫魯克達爾漢子孫世職其

隨征將士並

賞銀兩衣服有差冬十月丙午黑龍江巴爾達齊率五

十七人朝貢又精格里河瑋春屯內扈育布祿

初未入貢至是亦來朝貢貂皮俱令禮部迎宴

之

賜扈育布祿及其從人蟒緞朝衣冠帶橐韃弓矢鞍轡等物有差十二月己丑朔

賜朝貢諸外藩宴時黑龍江諸部至者曰黑龍江薩哈

連方略曰額駙巴爾達齊之弟曰瑚爾布爾屯費揚古曰沃

喀屯武第堪曰烏魯蘇屯莽古珠等五十一人

曰索倫部博木博果爾透特等九人曰呼什哈

禮氏納木達哩等十人曰巴雅喇氏滿第特喀

下二人曰布克圖禮等五人曰賴達庫等四人

均以貢貂朝見

朔方備乘

卷二

索倫諸部內屬述略

十六

太宗御崇政殿賜宴

命七家以次宴之

賜綵緞銀兩衣服鞍馬等物有差三年十月黑龍江索

倫部博木博果爾等來朝貢貂皮既而叛去四

年十一月辛酉遣諸將曰索海曰薩木什喀曰

穆成額曰葉克舒曰永順曰拜曰伊遜曰羅奇

等率官兵征之

命貝勒多鐸額駙英固爾岱傳

諭曰爾等所經屯內有已歸順納貢之屯又有博木博

果爾取米之屯毋誤行侵擾行軍之際勿忘紀律新附之人令該管大臣以下各官查核其有兄弟及殷實者方令從征爾等亦應詳驗之左翼軍薩木什喀領之副以伊遜右翼軍索海領之副以葉克舒兩翼軍分行則聽該翼將令同行則聽兩翼將令凡事俱公議行之五年三月己丑索海等遣章京二人日法譚日宜爾格得奏言臣等至呼瑪爾河分兵各旗派定地方攻取因道遠定期四十日至廂藍旗所派烏蘭海倫屯乃令承政伊遜率每旗官

朔方備乘

卷二

索倫諸部內屬述略

七

一員每牛象兵二人往拉里闡地方伊遜等既行有四木城曰鐸陳曰阿薩津曰雅克薩曰多金四城之人抗拒不降令右翼將領葉克舒拜阿哈尼堪譚布藍拜武巴海率每旗官二員每牛象下有俘獲之兵丁二人無俘獲之兵丁三人助之遂克雅克薩城當攻城時綏赫德所守汛地先舉火焚燒城南關廟八旗將領各率兵二十人前進和託率轟先入珠瑪喇繼之俱以火攻克之有四人曰達爾布尼曰阿恰勒都瑚

日伯庫都曰漢必爾岱四人聚七屯之人於烏庫爾城薩木什喀伊遜穆成額拜令眾軍乘旦攻之日暮克之至鐸陳城力攻一日次日聞各路報博木博果爾以兵來援恐傷我軍遂還烏魯蘇屯之索倫鄂爾吞奇勒里精奇哩烏拉布丁屯以東烏木內克巴哈納以西黑龍江額爾圖屯以東阿里闡以西兩烏拉兵共六千來襲正藍旗後隊索海以兵設伏薩木什喀護輜重殿後二人率眾掩擊斬殺甚眾生擒四百人博

朔方備乘

卷二

索倫諸部內屬述略

六

木博果爾既敗遂攻取其營正白正紅鑲黃三旗相繼馳入博木博果爾及餘眾二百俱遁薩彌圖卓布泰武班宜爾格得率眾九十人往助薩木什喀鐸陳阿薩津二城人以兵四百阻截我軍擊敗之斬五十人薩木什喀令伊遜率章京五員兵一百三十於鐸陳設伏斬七人又遣阿哈尼堪巴山郎圖薩祿等往攻卦喇勒屯屯內人來詣索海言屯內有索倫兵五百索海喀喀木幹都等率兵往攻奪柵而入斬二百人生

擒一百三十人據額駙巴爾達齊於三月十八日來會云惟我多科屯人未曾附逆其小烏拉各處兵皆往助博木博果爾及大兵所向克捷於是七屯之人曰郭博勒屯之温布特曰博和哩屯之額爾噴曰噶勒達遜屯之科奇納曰穆丹屯之諾奇尼曰都孫屯之奇魯特曰烏爾堪屯之博卓戶曰德篤勒屯之科約布魯俱已歸附巴爾達齊別屯雖現在逃竄不久終必來歸也并藉所獲人口皮張等細數以

朔方備乘

卷二

索倫諸部內屬述略

九

聞癸巳

太宗命每旗官一員率兵往迎出征索倫大軍

諭之曰爾等此行如能過錫伯地方至克勒朱爾根處相會可謂神速矣會後由哈爾必雅勒回軍沿途宜加意防護入境時須從法庫門入不可由葉赫行以伊等習知路徑恐再至逃亡也兵丁早晚放馬務令解鞍休息尤須官爲察看勿用外藩蒙古驛馬供應乙巳薩木什喀索海復遣一人曰當習曰郭查奏言前次俘獲人口二千二百五十有四後自

額蘇哩屯以西額爾圖屯以東又獲九百人共計男婦大小六千九百五十有奇馬四百二十有四牛七百有奇又先後獲貂捨狢獾狼青鼠水獺等皮五千四百裘二十領四月乙亥凱旋

命禮部承政滿達爾漢及安平貝勒杜度饒餘貝勒阿

巴泰等先後迎宴將至

盛京

太宗復率親王以下大臣迎至實勝寺北館祭纛行禮

朔方備乘

卷二

索倫諸部內屬述略

十

宴勞之敘功分別加授世職

賜領翼主將索海及穆成額各貂皮七十七人口四葉

克舒永順拜譚布藍拜等各貂皮四十七人口

三其從征軍士按功分

賞貂皮人口並以所獲男婦五千六百七十有三人分

隸八旗編爲牛衆

賞給衣服布疋復令較射分別等第一等視甲喇章京

二等視牛衆章京三等視半個牛衆各照等第

賜朝服袍褂等物

臣秋濤謹案通志言俄羅斯於崇德四年據雅克薩俞正變俄羅斯事輯

諸書皆沿之今考開國方略記此事知是年據雅克薩者乃索倫非俄羅斯也觀此可知通志之誤五月戊戌分編來降索倫戶口初薩木

什喀等征索倫部時未降者二百三十七戶共壯丁四百八十一人至是來降

太宗命理藩院參政尼堪率八旗護軍將士攜蟒緞素緞梭布往迎之

諭之曰爾等可令索倫來歸之眾同郭爾羅斯部眾於烏庫瑪勒格稜額呼蘇昂阿察喀地方駐劄耕種任其擇便遷移視其中有能約束眾人堪為首領者授

朔方備乘

卷二

索倫諸部內屬述略

三

為牛象章京分編牛象爾等將攜去緞布以次給賞之尼堪等遵

諭給賞分編八牛象乃還六年春正月壬辰錫特庫等

自索倫部擒獲博木博果爾凱還先是五年三月索倫部博木博果爾敗而遁走七月丙午

太宗命錫特庫濟什哈率護軍並徵兵外藩往征之

命內大臣巴圖魯管理藩院參政尼堪等

諭外藩蒙古曰敖漢奈曼烏拉特阿魯科爾沁四子等部從征將士俱彙集扎嚕特部內齊地悉令較射選

壯勇者二百四十名令錫特庫將之以行以伊爾鞏固圖哈納綽隆為嚮導其從役駝馬甲冑器械糗糧俱細加檢閱毋忽十二月庚申錫特庫等遣二人曰

歸亨岱曰青蒙格圖曰艾達漢邁圖以擒獲博木博果爾報次日

太宗遣貝子洛託齋

敕往錦州

諭鄭親王濟爾哈朗等曰博木博果爾自叛後抗拒我軍彼時朕已定計欲令其北遁以便擒獲故揚言我

朔方備乘

卷二

索倫諸部內屬述略

三

軍將於黑龍江牧馬必擒博木博果爾彼聞此言果北遁朕已知之未及與爾等共議即令錫特庫濟什

哈率外藩蒙古兵從蒙古北邊追躡錫特庫等越兩

月十三日至甘地獲其弟及家屬又閱十四日至齊洛台地方遂獲博木博果爾及其家屬男婦幼稚共

九百五十六人馬牛八百四十有四特諭知之至是

凱旋遣官迎宴於北驛館次日

召錫特庫濟什哈及從征之護軍四十人外藩台吉等三十三人

賜宴仍

命諸王貝勒各宴一次擢錫特庫世職一等三月庚戌命護軍統領阿爾津哈甯阿等率將士往征黑龍江之呼爾哈部所向克捷攻克三處曰博和哩曰諾爾噶勒曰都里又招降四處曰小噶爾達蘇曰大噶爾達蘇曰綽庫禪曰能吉勒並籍俘獲戶口數目自軍中奏報五月己丑迎宴索倫歸降部眾索倫部蒙塞爾瓦岱之子巴爾達齊於是月丁亥率其戶下二百四人來降越二日己丑

朔方備乘

卷二

索倫諸部內屬述略

三

又有索倫部一千四百七十一人來降俱

命迎至北驛館宴之七月戊戌征黑龍江呼爾哈之師

凱還

命將歸順男子一千四十九人按丁披甲編補各旗缺

額者其餘俘獲分

賜出征將領

賜阿爾津哈甯阿等貂皮銀兩其從行軍士廝卒及陣

亡被傷者分別

賞給銀兩有差八年十一月

命梅勒章京鄂羅塞臣巴都哩往征黑龍江呼爾哈部

順治元年正月又

命甲喇章京沙爾琥達征之五月鄂羅塞臣沙爾琥達等凱旋參政明安達禮往迎宴勞之以所獲人口分隸八旗其餘

賞給出征將士於是黑龍江全境索倫諸部皆稱臣妾

奉正朔我疆我理盡東北海矣至順治初年俄

羅斯所屬之羅刹始吞併尼布楚地又東竊據

雅克薩築城以居索倫達呼爾諸部皆被其侵

朔方備乘

卷二

索倫諸部內屬述略

三

掠由是索倫達呼爾南徙於嫩江之濱當是時

尙未分設黑龍江省所部軍務皆屬甯古塔章

京統轄順治五年羅刹之伍朗格里自拔來歸

九年甯古塔章京海色擊羅刹於烏扎拉村失

利十一年大臣明安達禮統兵征羅刹敗敵於

黑龍江十二年明安達禮進兵至呼瑪兒攻其

城頗有斬獲旋以餉匱班師十四年甯古塔章

京沙爾瑚達破羅刹於尙堅烏黑之地十五年

又破之於松花庫爾瀚兩江之間十六年沙爾

瑚達卒以其子巴海為甯古塔將軍討羅刹十
七年巴海大破羅刹於古法壇村十八年設船
廠於吉林

命昂邦章京薩兒吳代監造船艦將以水師征羅刹也
康熙四年羅刹入索倫部取貂皮淫婦女將軍
巴海襲而殲之七年羅刹宜番等自拔來歸八
年秋羅刹復來寇九年羅刹奉表投誠十年

諭巴海曰羅刹雖云投誠亦當加意防禦毋墮狡計十
三年自吉林移水師分駐黑龍江地方十五年

朔方備乘

卷二

索倫諸部內屬述略

三

俄羅斯察罕汗遣尼果賴等進貢

詔諭察罕汗嚴禁羅刹勿擾邊陲二十一年以羅刹蔓
延益甚

命副都統郎坦公朋春等率官兵往索倫等處因至雅

克薩城下偵探情形以後用兵勦撫諸事詳見

欽定平定羅刹方略二十二年

命將軍巴海留鎮烏拉副都統薩布素等領兵移駐額

蘇哩九月

命官兵永成愛琿以薩布素為將軍此黑龍江設將軍

之始自是分吉林西北隅之地為黑龍江省築
愛琿即今黑龍江城卜魁墨爾根等城設立台站屯田

積穀增置副都統佐領以下員額將軍初駐愛
琿後移駐墨爾根最後移駐卜魁即今齊齊哈
爾城也先是索倫達呼爾諸部皆以採捕打牲
為業未設額兵故順治康熙間用兵羅刹皆調
京師及他省官兵以往迨薩布素鎮守其地所統
之兵亦自吉林甯古塔調至官為移其家口所
費甚鉅至康熙三十年

朔方備乘

卷二

索倫諸部內屬述略

三

聖祖諭曰齊齊哈爾地方以索倫達呼爾之眾酌量令
其披甲駐防遣滿洲兵二百人往彼教訓之伊等居
址附近亦心樂披甲如此既無遠徙之苦亦不致需
用糗糧矣自是遂為定制今黑龍江將軍所屬八旗

兵滿洲漢軍之外有索倫兵達呼爾兵俄倫春
兵畢喇爾兵皆土著之戶而附以自蒙古遷往

之巴爾呼兵鄂勒特兵是為黑龍江八部落云

說者謂索倫本遼之後裔散處山谷挽強命中

洞兕虎跡奔獸龍沙紀略曰索倫音近蒙古間
雜漢語挽弓十石能自縛於樹

射熊虎洞穿負之而歸馬有逸失者雖數百里外皆能蹤跡得之

雄於諸部自

康熙以來編旗給精訓以紀律平時自應其役

軍興皆聽調撥往往以勇猛敢戰取翠翎珊頂

及巴圖魯名號如寄此海內所以稱勁旅也又

索倫族類至繁有敖喇都喇爾布喇穆等姓多

居布特哈呼倫貝爾境而齊齊哈爾等三城較

少亦有流寓俄羅斯者其國謂之喀穆尼漢又

謂之通古斯蓋羅刹作亂劫去者西清黑龍江

外紀云數十年前嘗有願歸故土之請今不聞

朔方備乘

卷二

索倫諸部內屬述略

三

矣達呼爾一作達瑚哩一作打虎兒

臣秋濤謹案或作打

狐狸皆譯字不同也著姓有克因精奇里瓦蘭果布勒等

氏多占籍於齊齊哈爾等三城及布特哈而呼

倫貝爾則不過數家俄倫春者索倫達呼爾類

也黑龍江以北精奇里江源以南皆其射獵之

地其眾夾精奇里江以居亦有姓都喇爾者似

與索倫為近其隸布特哈八旗為官兵者謂之

摩凌阿俄倫春其散處山野僅以納貂為役者

謂之雅發罕俄倫春

臣秋濤謹案摩凌阿雅發罕者滿洲語猶云馬上步

下雅發罕俄倫春有布特哈官五員分治三歲

一易號曰諳達諳達歲以徵貂至其境其人先

期畢來奉命維謹過此則深居不可蹤跡矣畢

喇爾亦然有驍騎校四員分治之其人有姓默

訥赫爾者有姓都訥亨者乃畢喇爾之著族也

呼倫泊以南喀爾喀以西巴爾呼居焉巴爾呼

本外蒙古喀爾喀屬部其成此者闖入俄羅斯

境我軍征俄羅斯時來歸遂編入八旗即以其

人為佐領

黑龍江外紀曰巴爾呼亦有新舊之別在齊齊哈爾者舊巴爾呼也在呼

朔方備乘

卷二

索倫諸部內屬述略

三

倫貝爾者新舊巴爾呼相間而新者盛也

鄂勒特一作厄魯特征準部時徙其降人於此多居呼倫貝爾而卜魁城

亦間有之呼倫貝爾布特哈呼蘭三處皆無城

郭而設兵駐防號為重地呼蘭之設城守尉也

始於雍正十二年呼倫貝爾遣內大臣或侍郎

一員為統領始於雍正十年至乾隆八年改設

副都統銜總管一員

臣秋濤謹案其下按部設官有索倫總管巴爾呼總

管新巴爾呼總管鄂勒特總管其下又各設副總管佐領等官焉布特哈初設

索倫達呼爾總管二員副總管八員謂之打牲

頭目副頭目康熙三十年以後陸續增設滿洲
總管一員副總管八員蓋布特哈為打牲部落
之總稱故東北數千里內處山野業採捕者悉
隸之總管駐劄處在伊伯河西岸地名扎克丹
每歲五月大會於齊齊哈爾城納貂互市號曰
楚勒罕譯言盟會也呼倫貝爾之西北境以額
爾古納河為俄羅斯界布特哈之北境以興安
大嶺為俄羅斯界觀諸部之土俗民情其歸嚮
德化敵愾奏功出乎天性考其原委而防邊之道思

朔方備乘

卷二

索倫諸部內屬述略

三

過半已

朔方備乘卷二

教諭劉淮炬初校
知縣吳壽坤覆校

朔方備乘卷第三

聖武述略三

喀爾喀內屬述略敘

臣秋濤謹案瀚海亘地中央不毛者數千里天
以界中外漠南水南流入內地漠北水北流達
俄羅斯我

朝

太宗文皇帝既平察哈爾林丹汗內扎薩克四十九旗
咸入版圖而北有喀爾喀為屏蔽故未與俄羅

朔方備乘

卷三

喀爾喀內屬述略敘

一

斯相接然崇德年間土謝圖汗車臣汗並以俄
羅斯烏鎗為獻俄羅斯之名聞中國實始於此
至順治年間喀爾喀時擾邊陸屢經

命將捷伐蓋以朔漠險遠羈縻待之雖九白之貢已頻
登於

闕廷而五等之封尙未盟於帶礪迨康熙年間噶
爾丹構釁喀部潰敗內徙

聖祖仁皇帝撫綏安輯出水火而衽席之於是
錫爵秩編佐領莅會盟咸視內蒙古例龍沙雁海之圖

億鍾萬彘之民獨峯駝無尾羊之部奔湊萬里
臣妾一家而我

朝拓境直抵楚庫河布爾古特山與羅剎爲鄰界
矣庫倫設辦事大臣二人其一卽以喀爾喀之
王公扎薩克爲之故欲考俄羅斯不可不先考
喀爾喀爰述

列聖戡定撫卹之事具著於篇

喀爾喀內屬述略

外蒙古喀爾喀本元太祖裔以在漠北故謂之

朔方備乘

卷三

喀爾喀內屬述略

二

外蒙古大部四曰土謝圖汗部爲喀爾喀後路

曰車臣汗部爲東路曰扎薩克圖汗部爲西路

曰賽因諾顏部爲中路分左右翼距

京師各三數千里舊服屬於察哈爾

太宗文皇帝天聰九年大軍平察哈爾車臣汗碩壘偕

烏珠穆沁蘇尼特諸部長上書通好貢駝馬崇

德元年春以車臣汗部私與明市

諭責之曰明朕仇也前者察哈爾林丹汗貪明歲幣沮

朕伐明且欲助之朕故移師往征天以察哈爾爲非

故以其國予朕今爾與明市馬是助明也爾當以察
哈爾爲戒冬碩壘遣偉徵喇嘛等來朝請與明絕市
上嘉之

命察罕喇嘛往賚貂服朝珠弓刀金幣此喀爾喀部通
好之始自是土謝圖汗衮布扎薩克圖汗素巴
第賽因諾顏部長圖蒙冒相繼至初喀爾喀無
汗稱衮布祖阿巴岱赴唐古特謁達賴喇嘛迎
經典歸眾服之稱汗至衮布始號土謝圖與碩
壘素巴第同時爲三汗喀爾喀有所謂紅教者

朔方備乘

卷三

喀爾喀內屬述略

三

與黃教爭圖蒙冒尊黃教爲之護持達賴喇嘛
賢之授賽因諾顏號令所部奉之視三汗圖蒙
冒尋卒次子丹津喇嘛復受諾捫汗號於達賴
喇嘛居翁吉河霍岳爾克爲喀爾喀八扎薩克
之一二年車臣汗碩壘獻所產獸曰獺喜二年
扎薩克圖汗素巴第謀掠歸化城

上親征之所部遁遣使謝罪並貢馬及獨峯駝無尾羊
諭曰朕以兵討有罪以德撫無罪惟行正義故上天垂
佑蒙古察哈爾諸部皆以畀朕爾等皆其所屬當卽

相率歸誠否則亦惟謹守爾界乃反興兵構怨謀肆
侵掠豈以遠處西北即為征討不及之區耶今與爾
約嗣後慎勿復入歸化城界重貽罪戾是年土謝圖

汗袞布遣使貢駝貂皮雕翎及俄羅斯烏鎗車

臣汗貢馬及甲冑貂皮雕翎俄羅斯烏鎗回部

弓箠鞍轡阿爾瑪斯斧白鼠裘唐古特元狐皮

臣秋濤謹案此俄羅斯名聞中國之始

詔歲貢白駝一白馬八謂之九白之貢以為常他物毋

入獻賽因諾顏亦遣使通貢

朔方備乘

卷三

喀爾喀內屬述略

四

世祖章皇帝順治三年車臣汗碩壘誘蘇尼特部長騰

機思叛豫親王多鐸率師追勦至扎濟布喇克

碩壘遣子本巴等土謝圖汗袞布遣其屬喇瑚

里等合丹津喇嘛兵五萬餘援騰機思大軍敗

之棄駝馬而竄有楚琥爾者袞布族也復私掠

巴林部人畜師旋

詔責碩壘曰蘇尼特本察哈爾屬部向化來歸爾誘之

使叛朕遣兵追勦時猶誠勿加兵於爾詎意爾反稱

兵抗拒以致上蒼降譴立見敗衄儻非朕飭令班師

大兵既壓爾境何難長驅直入耶今爾若知自悔欲

贖前愆其速擒騰機思來獻并詰責袞布丹津喇嘛

協擒騰機思歸所掠巴林人畜扎薩克圖汗素

巴第聞

詔欲代解罪偕同族俄木布額爾德尼上書乞好

上因其書不稱名辭近悖慢切責之五年騰機思乞降

車臣汗碩壘遣使獻駝百馬千入謝土謝圖汗

袞布等並上表引罪

詔各遣子弟來朝不從七年扎薩克圖汗部人俄木布

朔方備乘

卷三

喀爾喀內屬述略

五

額爾德尼等詭稱行獵私入歸化城界掠牧產

詔遣官飭歸所掠會其汗素巴第卒子諾爾布嗣稱畢

錫喀勒圖汗遣使入貢

諭曰朕本欲許爾等和好故命察歸所掠以贖前罪今

反以朕留爾逃人為辭是何心耶朕統一四海爾等

彈丸小國勿恃荒遠勿聽奸辭致隕爾緒尋賽因諾

顏部長丹津喇嘛遣子額爾德尼諾木齊上書

乞好

詔偕土謝圖汗袞布約誓定議八年土謝圖汗袞布不

歸巴林人畜僅獻駝十馬百入謝

嚴諭詰責九年以車臣汗部妄爭歲貢賞

諭責之十年

命侍郎畢哩克圖往土謝圖汗部察巴林被掠人畜

布等匿不盡給會其屬喇瑚里子台吉本塔爾

攜眾來歸封扎薩克親王駐牧張家口外塔爾

渾河因詭言巴林人畜本塔爾攜往應就被取

并乞遣本塔爾等還

諭曰不遣子弟來朝不進九白常貢不盡償巴林人畜

朔方備乘

卷三 喀爾喀內屬述略

六

冒此三罪反請遣還來歸之人是何理也今即遵旨

釋此三罪朕亦弗使本塔爾等還爾等其自擇之秋

袞布遣使補貢九白至張家口

詔弗納十一年扎薩克圖汗部人額爾德尼諾木齊復

表至

諭曰爾奏言喀爾喀左翼四旗皆爾統攝凡有敕諭罔

弗遵行今即如所請可速飭爾部長遣子來朝有不

遵者即行奏聞十二年夏土謝圖汗袞布子察璉多

爾濟車臣汗碩壘子巴布並繼其父稱汗偕扎

薩克圖汗諾爾布賽因諾顏部長丹津喇嘛各

齋表遣子弟來朝

諭曰爾等遵旨服罪朕不咎既往其應歸巴林人畜缺

數悉從寬免嗣有逃人來此當即遣還冬土謝圖汗

等復遣使乞盟

許之賜盟於宗人府是年設喀爾喀八扎薩克仍分左

右翼

命察璉多爾濟巴布丹津喇嘛及察璉多爾濟同族壘

爾根諾顏各領左翼扎薩克之一諾爾布及同

朔方備乘

卷三 喀爾喀內屬述略

七

族俄木布額爾德尼車臣濟農昆都倫陀音各

領右翼扎薩克之一

命丹津喇嘛歲貢九白如三汗例十五年

遣大臣齋服物資諸扎薩克

敕曰朕觀爾等審知天命誠心誓好凡一詔下靡不敬

從自茲以往其益勵忠貞仰膺寵眷以慰朕懷柔至

意果克恪慎罔懈以獲天眷以承國恩奕世永享太

平之福矣十八年

賜賽因諾顏部長丹津喇嘛遵文順義號給之印

聖祖仁皇帝康熙元年先是扎薩克圖汗諾爾布卒子
旺舒克襲稱汗同族扎薩克俄木布額爾德尼
卒子額琳沁襲號羅卜藏台吉至是額琳沁以
私憾襲殺旺舒克土謝圖汗察琿多爾濟賽音
諾顏部長丹津喇嘛並發兵擊之奔就厄魯特
其叔父表布伊勒登避難來歸封扎薩克貝勒
駐牧喜峰口外察汗和朔圖三年

詔賽音諾顏所部毋越界游牧尋丹津喇嘛卒子塔斯
希布襲頃之塔斯希布卒子善巴襲

朔方備乘

卷三

喀爾喀內屬述略

八

賜信順額爾克岱青號九年

命旺舒克弟成袞襲扎薩克圖汗號先是旺舒克被戕

兄綽墨爾根自立為汗以未請於

朝眾弗附多歸土謝圖汗察琿多爾濟至是

詔廢綽墨爾根以成袞襲扎薩克圖汗輯其眾十六年

厄魯特部鄂齊爾圖汗為同部台吉噶爾丹所

襲土謝圖汗察琿多爾濟救之會鄂齊爾圖汗

被戕因與噶爾丹構難遣台吉色稜達什引兵

三百劫其貢使事聞

諭罷兵誓好十八年噶爾丹自稱博碩克圖汗虐附近
諸部土謝圖部扎薩克畢瑪里吉哩諦偵知其
謀侵喀爾喀遣使來告

上嘉賚之畢瑪里吉哩諦者賽音諾顏圖蒙冒第九子

也號巴圖爾額爾德尼諾顏十九年扎薩克圖

汗成袞遣使貢喀爾喀舊俗汗最貴濟農次之

諾顏又次之有多爾濟者為右翼扎薩克之一

以濟農號表貢尋成袞與之隙奪濟農號授其

從昆弟薩瑪第俾代貢九白理藩院請卻其使

朔方備乘

卷三

喀爾喀內屬述略

九

詔納之噶爾丹屬額爾德尼和碩齊私掠內扎薩克烏

喇特部界畢瑪里吉哩諦以所居哈嚕特山距

烏喇特六日程慮還掠偵額爾德尼和碩齊竄

處額濟內河以聞

詔設汛防禦二十一年

詔遣大臣分資諸扎薩克冠服佩帶弓刀器幣內大臣

費揚古等往土謝圖汗部散秩大臣博洛特等

往車臣汗部副都統班達爾什等往賽因諾顏

部都統阿密達等往扎薩克圖汗部各入朝謝

扎薩克圖汗部以額琳沁之亂屬眾潰多依土
謝圖汗成袞既襲汗遣告察琿多爾濟索逃眾
匿弗子至是厄魯特台吉噶爾丹送額琳沁歸
成袞以其舊列八扎薩克令隨已入貢額琳沁
懼前罪弗從反約俄羅斯來攻成袞覺之遣子
沙喇率兵萬餘襲執額琳沁尋逸復奔厄魯特
成袞盡收其尸畜復遣赴察琿多爾濟所索逃
眾會達賴喇嘛遣阿爾布奈召察琿多爾濟與
成袞盟卒弗聽成袞自是與察琿多爾濟交惡

朔方備乘

卷三

喀爾喀內屬述略

十

車臣汗以所屬巴爾呼人私掠烏珠穆沁部界
議增汛兵防禦會貢使至

諭曰朕聞爾屬眾與界內蒙古互相竊奪彼此效尤恐
乖生計朕已飭界內人毋許出境滋擾爾亦當約束
所部守分安居違者卽拘治之毋稍姑息尋又

詔車臣汗部毋越噶爾拜瀚海游牧大軍征俄羅斯絕
弗與通市先是俄羅斯部人散居雅木薩尼布
楚諸地車臣汗諾爾布屬巴爾呼與接壤時以
牲畜及貂互市其黠者闖入黑龍江沿邊肆掠

人因呼之爲羅刹至是大軍往征

詔車臣汗諾爾布飭所屬與絕市諾爾布巴布子也二
十二年

詔車臣部賽因諾顏部毋越噶爾拜瀚海舊界游牧先
是都統畢哩克圖奉

命勘喀爾喀與內扎薩克游牧以噶爾拜瀚海爲界久
之多越界互竊議置哨至是善巴以蒙古舊俗
逐水草居疏乞免置哨

詔舊界毋越二十三年

朔方備乘

卷三

喀爾喀內屬述略

十一

命內大臣阿齊圖格隆偕達賴喇嘛赴扎薩克圖土謝

圖二汗諭和會達賴喇嘛所遣參巴陳布呼圖
克圖至歸化城病卒

詔阿齊圖格隆還二十五年

詔理藩院尙書阿喇尼齋

敕與達賴喇嘛使噶爾旦西勒圖會未至成袞卒

詔其子沙喇襲扎薩克圖汗隨阿喇尼赴庫倫伯勒齊
爾與察琿多爾濟盟察琿多爾濟不親至使弟
哲卜尊丹巴呼圖克圖往受盟令盡遣所收逃

眾告沙喇亦如之既而察琿多爾濟僅歸其半於沙喇復交惡是盟也察琿多爾濟長子噶爾旦多爾濟弟西第什哩威與並授扎薩克扎薩克圖汗部人朋素克喇布坦嗣薩瑪第稱額爾德尼濟農遣使貢

詔歸導其汗睦鄰修好

賜珊瑚朝珠二十六年土謝圖汗察琿多爾濟偕車臣

汗諾爾布疏請給印且上

尊號

朔方備乘

卷三

喀爾喀內屬述略

三

諭卻之曰爾等恪恭敬順具見悃忱但宜仰體朕一視

同仁無分中外至意自今以後親睦雍和毋相侵擾

永享安樂庶慰朕懷勝於受尊號也亦不允給印尋

察琿多爾濟長子扎薩克噶爾旦多爾濟率宰

桑額爾德尼額爾克等來貢會大閱扈

駕往觀命之射秋土謝圖汗與噶爾丹構兵先是庫掄

伯勒齊爾之盟哲卜尊丹巴呼圖克圖與達賴

喇嘛使噶爾旦西勒圖抗禮噶爾丹聞之怒其

不尊達賴喇嘛也又怨察琿多爾濟嘗助鄂齊

爾圖汗攻已且以女妻其孫羅卜藏袞布阿喇布坦貽書詰責揚言率眾來攻察琿多爾濟奏請往擊

詔守前約勿復興兵端有噶爾丹戚屬曰阿喇布坦沙

喇女兄之夫也噶爾丹因誘沙喇攻察琿多爾

濟為會於固爾班赫格爾台吉卓特巴德克德

赫從察琿多爾濟惡沙喇迎附噶爾丹追擊之

殺沙喇及德克德赫卓特巴遁事聞

命傳諭達賴喇嘛召還噶爾丹而先遣學士拜哩等諭

朔方備乘

卷三

喀爾喀內屬述略

三

察琿多爾濟罷兵比至察琿多爾濟已執殺沙

喇等復偕其婿羅卜藏袞布阿喇布坦追斬噶

爾丹之弟多爾濟扎卜進屯喀喇額爾奇克察

罕額爾奇克地與噶爾丹相拒噶爾丹尋遷沙

喇妻布尼特達喇子巴朗恭格居阿爾台山陽

二十七年春內大臣索額圖等率兵赴色楞額

河與俄羅斯議界道出喀爾喀

詔所部安堵無恐尋噶爾丹引眾三萬由杭愛山入掠

察琿多爾濟暨子噶爾旦多爾濟禦之於特穆

爾敗績奔翁吉噶爾丹偵哲卜尊丹巴呼圖克圖居額爾德尼昭遂分兵越圖拉河東趨克魯倫掠車臣汗牧地別遣將丹津鄂木布由喀喇卓爾渾攻額爾德尼昭哲卜尊丹巴呼圖克圖搆察琿多爾濟孛避居額古穆爾時噶爾丹鋒銳甚喀爾喀眾洵懼有議北奔俄羅斯者哲卜尊丹巴呼圖克圖曰俄羅斯素不奉佛不可投也宜歸順

大皇帝以圖安全耳因南走蘇尼特部界馳告急

朔方備乘

卷三

喀爾喀內屬述略

四

詔發阿巴哈納爾部兵沿瀚海防禦之秋噶爾丹自克魯倫還掠圖拉察琿多爾濟悉眾由尼列圖至鄂羅會諾爾慶戰三日眾潰遂自察袞庫勒踰瀚海會哲卜尊丹巴呼圖克圖額請內附噶爾丹上書訴其棄好興兵妄殺無辜請勿納

上弗許

命入居蘇尼特界內鄂琳圖於是察琿多爾濟悉族來

歸弟曰西第什里

賜收蘇尼特界內阿嚕額塔蘇台從弟曰巴朗曰岱青

諾顏洪果爾收蘇尼特界內烏納齊族子曰禮塔爾附牧右翼親王諾內部族弟曰固噶什喜牧四子部落界外洪果爾發歸化城倉粟賑之

尋

命與噶爾丹會盟議和噶爾丹既遷沙喇妻子沙喇弟策旺札布隨母扎爾穆轉徙年餘遂相失至是策旺札布偕同族色稜阿海等相繼至

詔附牧烏喇特諸部是時車臣汗部賽音諾顏部並避噶爾丹難率屬來歸初車臣汗諾爾布卒伊勒

朔方備乘

卷三

喀爾喀內屬述略

五

登阿喇布坦嗣稱汗駐牧克魯倫河北巴顏烏蘭伊勒登阿喇布坦卒子烏默客襲

上遣侍衛阿南達往賻會噶爾丹敗察琿多爾濟偵烏默客幼弱由圖拉踰克魯倫謀掠巴顏烏蘭所部聞之懼欲遁烏默客叔父納木扎勒倡議內附眾始定因白烏默客母率眾來歸阿南達以

聞

詔附牧烏珠穆沁界外阿爾圖地先是烏珠穆沁及浩齊特蘇尼特阿巴噶阿巴哈納爾皆舊為車臣

汗屬部後相繼南徙隸內扎薩克獨阿巴哈納爾諸台吉有留故土者曰根敦額爾克曰阿海烏巴什曰伊克岱青額爾克烏巴什凡千餘戶仍隸車臣汗至是隨烏默客至并所部十餘萬戶均於界外

賜牧安置有車布登者亦烏默客叔父號額爾克台吉駐牧克嚕倫河之南烏純地隨烏默客來歸以烏純距邊近遣歸牧

命烏默客襲汗號如故烏默客幼

朔方備乘

卷三

喀爾喀內屬述略

六

詔納木扎勒駐牧烏珠穆沁界外布哈和賴距烏默客居一日程兼領其眾代掌旗務賽音諾顏部長善巴嘗以兵助察琿多爾濟禦噶爾丹於鄂羅會諾爾不敵兵潰攜孥來歸

賜牧烏喇特部界外其再從弟丹津額爾德尼仍駐牧哈嚕特山丹津額爾德尼者畢瑪里吉哩諦之孫也其偕至之伊勒登楚琥爾烏巴什居烏爾布拉克地諾木齊岱青居都什地喀喇庫蘭居奧吉碩隴地木札勒墨爾根居茂金口地阿玉

什額爾克阿海居蘇巴爾罕地阿喇布坦岱青阿海居楚布魯洪郭爾地烏巴什居喀喇和碩地皆附牧烏喇特界有扎薩克圖汗部人曰索諾木曰伊斯札布者額爾德尼濟農朋素克喇布坦從弟也率屬由和碩託輝來歸

報可

命科爾沁親王沙津等往示內地法度

朔方備乘

卷三

喀爾喀內屬述略

七

諭曰朕因爾等為厄魯特所掠憐而納之今觀爾等並無法制約束部曲恐劫奪不已離析愈多爰命增置扎薩克分掌旗隊禁止盜賊各謀生業爾等果能遵而行之寇盜不興禍亂不作庶副朕撫育歸降愛養羣生之至意是年為噶爾丹故

上幸塞外駐蹕紅川車臣汗部人洪俄爾岱青率眾來降先是洪俄爾岱青世為琿台吉駐牧克嚕倫河之南穆壘和碩瑪塔特諸界以時入貢最恭順噶爾丹掠所部誘達賴宰桑授之檄令還誘

其主洪俄爾岱青弗從遣使乞內附
召覲行幄

諭曰爾喀爾喀與厄魯特世世通貢朕一體優禮從無
偏私今聞互相結怨亟遣使諭令和睦使臣未至而
喀爾喀敗遁悉至汎界朕以亂尙未定故留之未遣
朕昔遣兵討羅刹時爾母達賴達喇納豫備糗糧牛
羊資送大軍今爾又率屬歸誠朕甚嘉之特賜爾御
用朝珠一以示優獎尋

命附牧札賚特界外瑛圖塔什海授扎薩克二十八年

朔方備乘

卷三

喀爾喀內屬述略

六

土謝圖汗察琿多爾濟疏乞免與噶爾丹會盟

諭廷臣曰朕統御天下窮者救絕者繼離散者使之完
聚交惡者使之和協恆欲中外生靈羣底安樂察琿
多爾濟與噶爾丹交惡朕屢遣使諭止不肯罷兵以
致屬眾潰散窮困來歸朕因其昔日職貢維謹憐而
納之留置邊境頒給米粟但念兵端未息生民何日
可安是以敕令議和今伊既以會盟爲難朕亦不强
其諭使知朕意

詔授察琿多爾濟族弟固嚕什喜濟農號

諭曰墨爾根諾顏固嚕什喜係喀爾喀舊扎薩克職貢
有年今因所部潰亂卽率眾內附洵不愧墨爾根號
朕甚嘉悅着晉號濟農居三汗之次尋以固嚕什喜
與諾顏呼圖克圖爭產互訐
遣官諭解並

諭諸部輯所屬潰散者土謝圖汗族岱青諾顏洪果爾
至

命巴朗兼領其眾洪果爾者巴朗族弟順治初巴朗之
父喇嘛塔爾及洪果爾之父額爾克岱青嘗貢

朔方備乘

卷三

喀爾喀內屬述略

九

方物蒙

頒賚會騰機思叛逃衮布碩壘皆遣兵迎獨喇嘛塔爾
與額爾克岱青不可且遣送前使至

世祖嘉悅

諭曰爾等自通好以來悃忱甚摯今復不肯舉兵助逆
忠順如此朕豈有不報之理耶嗣是朝貢不絕

賜賚便蕃既聞噶爾丹肆掠岱青諾顏洪果爾因避居
楚克地巴朗亦徙收色楞額河近俄羅斯之地
巴朗先內附至是岱青諾顏洪果爾亦攜屬七

百餘戶來歸同族台吉諾木齊岱青子齊巴克額爾克及鄂齊爾子達什敦多卜等相繼至

命察琿多爾濟轄之車臣汗部台吉額爾克綽克圖暨包爾呼巴特瑪達嚕噶索諾木達嚕噶等攜屬踵至

命烏默客轄之尋授烏默客叔父車布登扎薩克時大軍征噶爾丹車布登捐助弁兵乏馬者有阿南達者車臣汗碩壘第十子烏默客曾叔祖也駐牧克嚕倫河之北索和尼至是率子貢楚克暨

朔方備乘

卷三

喀爾喀內屬述略

三

台吉札布伊勒登等來歸

詔阿南達所攜戶屬分牧錫喇什寶台及烏珠穆沁界內之都什多羅特浩齊特界內之固都哩呼而令阿南達留牧阿嚕科爾沁界內之呼嚕蘇台往來防護會其屬泰賴等糾眾肆劫

命嚴懲之

授賽因諾顏部長善巴扎薩克

詔隸內扎薩克之喀爾喀右翼親王諾內往示內地法度弁

遣官發殺虎口倉粟賑其眾扎薩克圖汗部人根敦者

世居和託輝特其地為喀爾喀極邊西近厄魯特北近俄羅斯俗喜鬪烏梁海復錯處其間捕貂射獵依木而居納賦和託輝特有事則藉之為兵故和託輝特雖隸扎薩克圖汗實自為一部尚書阿喇尼於二十五年奉

命赴庫倫伯勒齊爾泣喀爾喀盟時根敦從兄子額琳沁戕其汗旺舒克西奔厄魯特久無統屬阿喇尼承

朔方備乘

卷三

喀爾喀內屬述略

三

制授根敦扎薩克使領其眾迨噶爾丹侵所部徙屬避色楞額河自引兵擊走噶爾丹將濟喇克偉徵哈什哈等既而所部齊巴克塔爾及諾木齊札朗阿伊爾札海等附噶爾丹逸走根敦追執之收其戶畜乘勝由杭愛山趨阿爾台斬噶爾丹將察罕台吉及烏爾袞而還十二月善巴等請赴宵夏互市

許之是年秋土謝圖汗部減收
遣內大臣伯費揚古往賑

諭廷臣曰朕聞土謝圖汗屬眾有乏食致斃者深為軫念費揚古採買牲畜尙需時日著速發張家口倉粟運往散給計支一月牲畜繼之則眾命可活矣二十

九年春

詔察土謝圖汗所屬貧戶遣就食張家口故扎薩克圖汗沙喇子巴朗等由阿爾台逃歸遇故台吉卓特巴偕內附聞同族岳蘇圖阿海游牧烏爾往依之三月土謝圖汗族人昆都倫博碩克圖昆布爲噶爾丹所掠集眾來歸

朔方備乘

卷三

喀爾喀內屬述略

三

命同族扎薩克噶爾丹多爾濟選兵借車臣汗部兵隨尙書阿喇尼侍郎溫達赴圖拉河援之謀袞布居額爾古納河遣郎中馬迪往迎渡克噶倫河而南時噶爾丹居阿爾坦額默爾在克噶倫河北由烏爾順喀爾喀二河來追袞布敗走大軍迎擊噶爾丹遁論成袞移牧內汛賽音諾顏部人托多額爾德尼素勇悍噶爾丹之自杭愛山轉掠克噶倫所部多潰走托多額爾德尼獨拒戰殺傷略相當賊眾稍

衰有兩人共一騎及削木爲杖者至是偵噶爾丹居巴顏烏爾偕同族素泰伊勒登以兵三千赴圖拉遏噶爾丹歸路五月巴朗率所屬來朝乞襲汗號

上憫其父無辜被殺欲俟會閱以雪其冤而後命之襲未許也授卓巴特扎薩克

賜居歸化城同族台吉日喇布坦日納木札勒鄂齊爾日冰圖岱青等相繼降

命轄之發粟賑所屬貧戶十月托多額爾德尼自軍營

朔方備乘

卷三

喀爾喀內屬述略

三

入觀優賚之士謝圖汗部人敖巴私縱屬千餘劫驛騎上憫其無知不忍治檄察哈爾兵制之車臣汗部人洪俄爾岱青及達賴宰桑爲噶爾丹所掠不獲歸洪俄爾岱青兄子罕篤代領其眾肆劫內地命尙書阿喇尼遣罕篤攜眾入科爾沁界附親王沙津游牧罕篤至仍肆劫遣出界其兄車布登乞留牧論飭屬毋爲盜扎薩克圖汗部扎薩克博貝來朝先是

博貝奉貢至奏喀爾喀習尙偷情必敗亡彼時
臣必來歸至是

上憶前奏嘉其先見

賜賚甚厚三十年正月

上以噶爾丹服罪立誓上書請降慮其狡詐

命賽音諾顏部扎薩克善巴隨侍郎五岱赴圖拉河偵

禦路由克嚕倫土謝圖汗從弟錫布推哈坦巴

圖魯率諸弟迎五岱降初噶爾丹由杭愛山肆

掠錫布推哈坦巴圖魯逆擊之有和托輝特二

朔方備乘

卷三

喀爾喀內屬述略

三

台吉誓相戮力既而背盟怒而拘之會噶爾丹

誘降又執其使避走克嚕倫河至是來歸

上嘉之

諭曰爾於察琿多爾濟為兄弟行職貢有年當噶爾丹

誘爾時獨知大義雖敗不降今隨大軍慕化歸誠朕

甚嘉悅特封爾為扎薩克輔國公爾其勛之仍歸巴

顏烏蘭游牧尋徙圖拉河

上以察琿多爾濟來歸後喀爾喀全部內附封爵官制

宜更定且降眾數十萬錯處應示法制俾遵守

將

巡幸多倫諾爾行會閱禮

詔三汗及賽因諾顏諸部長隨四十九旗扎薩克先集

以俟尙書馬齊奉

命往議禮定賞格九等坐次七行以察琿多爾濟為之

首夏四月

駕至喀爾喀汗濟農諾顏台吉等三十五人以次朝見

諭曰爾等以兄弟之親自相侵奪啟釁召侮致全部潰

散其時若令四十九旗扎薩克將爾人眾收取爾部

朔方備乘

卷三

喀爾喀內屬述略

三

早已散亡朕好生之心出於天性不忍視爾滅亡置

附界內給與贍養自古以來未有如朕拯救愛養如

此者也用是親臨教誨普加賞賚會同之時見爾等

傾心感戴特沛恩施俾與四十九旗同列以示一體

撫育罔分中外爾等其知朕意

命土謝圖車臣扎薩克圖三汗仍留汗號如故改諸部

濟農諾顏舊號封王公貝勒台吉等爵有差各

授扎薩克編佐領一如內蒙古之制三十二年

土謝圖汗部人車稜札布集屬六百自俄羅斯

來歸乞附巴顏烏蘭牧

允之尋授一等台吉仍兼扎薩克三十四年車臣汗部鎮國公罕篤誘奪錫喇布所屬懼討執郎中音札納以叛協台吉札木巴拉等遁附俄羅斯既而札木巴拉等謀擒罕篤不克乃自拔歸謀罕篤由博爾濟河走俄羅斯弗納攜五百餘眾棲額克阿喇勒勢甚憊八月俄羅斯擒罕篤以獻伏誅三十五年

聖祖親征噶爾丹大將軍費揚古等大破賊眾於昭莫

朔方備乘

卷三

喀爾喀內屬述略

三

多二十六年噶爾丹竄死朔漠悉平

詔遣喀爾喀諸部並歸舊牧加封有功諸台吉增編為五十五旗屯田於鄂爾昆河左右並徵其兵防

秋於阿爾泰山

世宗憲皇帝雍正五年以庫倫恰克圖為土謝圖汗部

與俄羅斯互市地

詔非市期毋許俄羅斯踰楚庫河界

命賽音諾顏部郡王額駙策凌偕內大臣伯四格侍郎

圖理琛等赴楚庫河與俄羅斯使臣薩瓦立石

定界策凌陳兵鳴礮謝天四格歸劾奏議罪應削爵

詔罰俸三年免削九年以策凌奮擊準噶爾立大功

詔晉封超勇親王錫黃帶城塔密爾河居之佩定邊左

副將軍印進屯科布多

授盟長便宜行事又分土謝圖汗部所滋息之二十一

旗隸賽音諾顏部而析所留之十六旗為二十

仍隸土謝圖汗部由是賽音諾顏部始為大扎

薩克與三汗部並列共七十四旗云初準噶爾

朔方備乘

卷三

喀爾喀內屬述略

三

欺喀爾喀部兵不競屢闖其庭如出入無人之

境及為策凌所挫孕重墮殞始駭喙不敢窺塞

高宗純皇帝登極與準噶爾議和定界皆令策凌會議

乾隆十五年策凌薨以功配享

太廟及平準噶爾策凌之子成衮札布車布登札布咸

從征有功於是喀爾喀戶口蕃盛增至八十四

旗建城烏里雅蘇台及科布多駐定邊左副將

軍及參贊大臣鎮撫之永為定制而定邊左副

將軍節制喀爾喀三汗一諾顏八十四旗及金

山天山間烏梁海等數十部落為漠北第一重鎮云

朔方備乘

卷二

喀爾喀內屬述略

天

朔方備乘卷三

舉人王樹枏初校
知縣吳壽坤覆校

朔方備乘卷第四

聖武述略四

準噶爾蕩平述略敘

臣秋濤謹案準噶爾舊為西北強部其境與俄羅斯接壤其勢亦與俄羅斯埒大昔康熙間克魯倫河之役地近東方故悉發東三省兵令黑龍江將軍薩布素統之自是戰於烏爾會捷於昭莫多地皆在杭愛以東既而窺青海寇西藏則邊警之來又在洮岷以西蓋沙磧之地號為

朔方備乘

卷四

準噶爾蕩平述略敘

一

瀚海準部恃勢憑陵出沒靡定即俄羅斯亦深憚之異域錄云俄羅斯東境城邑如塔喇斯科等處與策妄阿拉布坦相鄰每被侵擾足知準部剽劫之習犯天下之公怒也我

朝統一寰宇溥海內外罔弗臣服惟準部跳梁西陲勞

三朝廟算始克平之世咸知乾隆中取新疆闢地二萬餘里按準回二部東西六千餘里南北三千餘里以徑一圍三計之得周二萬餘里然康熙中

因準部攻喀爾喀

聖祖撫而收之計喀部東西五千餘里南北三千餘里其周已逾二萬里矣迨準部寇西藏

聖祖發兵逐之收其地入版圖計藏地東西南北各五六千里其周又逾二萬里矣雍正中青海羅卜藏丹津蓄叛謀

世宗命將收其地東至甘肅西至藏地三千餘里北至沙州南至中甸五千餘里其周又逾二萬里矣因此三地悉入疆索而西北萬里外之俄羅斯

朔方備乘

卷四

準噶爾蕩平述略敘

二

業已講信修睦永相和好然後

高宗西伐成功於指顧之間卽阿逆叛逃終爲羅刹執獻蓋外域之服

教畏

神非一日矣說者謂西北數萬里之版章

聖祖樹之

世宗培之

高宗穫之蓋惟有

善繼善述之美而後

文謨

武烈益顯著於天下固億萬世

聖子神孫所當永遠效法者已

準噶爾蕩平述略

準噶爾者厄魯特四部之一其先本元阿魯台部聲譌爲厄魯特後分爲四日和碩特日準噶爾日杜爾伯特日土爾扈特其游牧在金山之西各有分地以伊犁爲會宗處東鄰喀爾喀北鄰俄羅斯準噶爾兵力強於諸部

朔方備乘

卷四

準噶爾蕩平述略

三

國初時其會嘗遣使通貢後有噶爾丹者

臣秋濤謹案一

作噶爾旦一自立爲汗性兇狡攻滅和碩特鄂

作額諾德齊爾圖汗并其地遂侵掠其鄰喀爾喀部喀爾

喀地在我四十九旗蒙古之北與準噶爾接壤

至是爲所侵擾勢不支康熙二十七年喀爾喀

之士謝圖汗車臣汗等率全部來歸並不敢游

牧於故地避入我邊境

聖祖敕噶爾丹率衆西歸還喀爾喀侵地噶爾丹旣屢

勝益驕蹇遂據喀爾喀庭幕四出攻剽二十九

年五月俄羅斯使人吉里古里伊法尼齊等至京

詔諭之曰噶爾丹揚言會爾國兵同侵喀爾喀喀爾喀已歸順本朝儻誤信其言是負信誓而開兵端也爾等可疾遣善馳者二人歸告尼布潮頭目令伊徧諭俄羅斯之眾當是時噶爾丹以追喀爾喀為名選銳東犯侵及烏爾會河尙書阿爾尼率兵備邊會厄魯特驅掠喀爾喀人畜過阿爾尼以蒙古兵擊之而令喀爾喀奪還所掠喀爾喀務爭取陣

朔方備乘

卷四

準噶爾蕩平述略

四

遂亂厄魯特因而乘之反為所敗乃以裕親王福全為撫遠大將軍恭親王常寧為安北大將軍出師至烏蘭布通大敗其眾噶爾丹始以書來乞和然弗悛也其兄子策旺阿拉布坦亦為所凌虐嘗遣間使來附我使者往為厄魯特所害三十三年約其來會盟不報而擾喀爾喀益甚

聖祖仁皇帝念喀爾喀為我外藩不庇之使安游牧勢將以近邊蒙古地處之則蒙古生計亦受害自

非大創噶爾丹不可乃決計用兵又恐我兵至而敵先遁也三十四年圖謝圖親王沙津來覲于木蘭具言噶爾丹約其為內應將入邊

聖祖仁皇帝命沙津偽與相結誘其兵來是秋噶爾丹果掠喀爾喀之納木扎爾陀音所部駐兵於土喇及克魯倫河之間自秋徂冬不去亦不犯漠南遣使往激之賊令使者徒步歸且大言借俄羅斯烏鎗兵六萬將大舉內犯蓋以烏蘭布通之役火器不如中國而敗故佯假西洋火器以

朔方備乘

卷四

準噶爾蕩平述略

五

張其軍其實俄羅斯並無意助寇且噶爾丹懲前敗亦未敢深入也三十五年春三路出師聖駕統禁旅由中路出獨石口向克魯倫河進發黑龍江將軍薩布素率東三省兵出東路遏其衝撫遠大將軍伯費揚古率將軍孫思克總兵康調元等出西路向土喇進發五月五日大兵至克魯倫河噶爾丹已遁追之不及

聖駕回鑾費揚古兵至昭莫多探知噶爾丹在特勒克濟相距僅二十里遣碩岱誘之孫思克陣東阜

康調元陣西阜以待賊果大至我軍擊之自未
至酉噶爾丹大敗追殺三十餘里斬數千級生
擒數百人牛二萬餘羊四萬餘軍資器械無算
噶爾丹之妻阿奴哈屯亦死於亂軍其他台吉
宰桑陣歿者不可數計投費揚古軍者二千餘
人投馬思喀軍者五百餘人噶爾丹既敗與台
吉會於塔米爾噶爾丹欲往翁金丹濟喇欲往
阿爾台阿賴卜灘臣秋濤謹案一作阿拉布坦及丹津俄木
布欲往俄羅斯邊境皆無定議已而丹津俄木

朔方備乘 卷四 準噶爾平述略 六

布之人盜噶爾丹部內羊馬噶爾丹責之遂有
隙丹津俄木布叛去惟丹濟喇及阿賴卜灘尙
隨之又有諾顏格隆及吳爾占扎卜等亦率其
屬以從然所屬各不過千人少僅數百人
聖祖仁皇帝欲乘勢遂滅之秋九月
聖駕再發京師往歸化城經理其事檄諭青海諸台吉
協擒噶爾丹諭策妄阿拉布坦亦如之又多遣
間使招其黨與時翁金有我軍所餘糧噶爾丹
欲資以度冬使丹濟喇來劫我副都統祖良璧

敗之其遣往達賴喇嘛之使人喇克巴過青海
亦爲我副都統阿南達所擒有台吉厄爾克巴
圖等皆承檄與策妄阿拉布坦會於阿爾台約
共擒噶爾丹噶爾丹聞之遂向白格爾西去十
二月

聖駕回京三十六年春噶爾丹之子塞卜騰巴爾珠爾
捕獸於巴爾思庫爾我哈密回目都拉達爾罕
遣子郭帕擊擒之俘送京師二月

朔方備乘 卷四 準噶爾平述略 七

聖駕啟鑿往寧夏時噶爾丹竄於薩克薩呼里克資野
獸以給勢益蹙諸台吉咸出怨言噶爾丹於三
月十三日仰藥死丹濟喇攜其屍及其女鍾濟
海來降
聖祖仁皇帝以噶爾丹餘衆界策妄阿拉布坦無何狼
子野心漸狂悖五十四年來擾哈密我駐防哈
密之遊擊潘至善拒之肅州總兵路振聲出兵
應援敵始去自是常發兵備邊五十六年以內
大臣傅爾丹爲振武將軍駐阿爾台尙書富寧
安爲靖逆將軍駐巴里坤散秩大臣祁里德爲

協理將軍在西路策應是年冬策妄阿拉布坦遣大策零敦多卜侵西藏藏中會長曰拉藏汗與達賴喇嘛及班禪厄爾得尼退守布達賴五十七年侍衛色楞率西寧兵會同青海王台吉等進援總督額倫特繼之未至而拉藏汗已為敵所殺額倫特敗賊於齊諾郭勒色楞敗賊於喀喇烏蘇尋合兵進勦八月朔日賊大至額倫特中槍殞我師敗績於是撫遠大將軍允禩率重兵駐西寧五十八年平逆將軍延信由青海

朔方備乘

卷四

準噶爾蕩平述略

八

定西將軍噶爾弼由打箭爐兩路進兵收復藏地傅爾丹富寧安祁里德等亦由西北兩路襲擊以分賊勢富寧安在僻展降回眾三百餘至吐魯番降番眾千餘祁里德亦降厄魯特宰桑塞卜騰等二千餘傅爾丹至格爾額爾格殺厄魯特二百餘擒宰桑貝肯等百餘然皆未深入也八月延信兵與大策零敦多卜戰於密諾郭勒綽瑪喇等處皆捷噶爾弼由南路乘虛入聞春丕宰桑以兵來拒及其未至先克墨朱工喀

所至望風歸款朱貢之胡土克圖獻地降第巴達克咱及喇嘛鍾科爾亦降即令聚皮船渡河乘勢直抵西藏藏中大小頭目及各寺喇嘛俱歡迎恐後盡擒獻準噶爾喇嘛百餘人其大策零敦多卜所授為總管者俱斬於軍前西藏遂復雍正元年青海王羅卜藏丹津叛以陝督年羹堯為撫遠大將軍提督岳鍾琪為奮威將軍入平之羅卜藏丹津走投策妄阿拉布坦

朔方備乘

卷四

準噶爾蕩平述略

九

世宗憲皇帝遣使索之不即獻惟不敢入犯乃撤兩路兵量留兵哈密護其耕作五年策妄阿拉布坦死子噶爾丹策零襲凶狡好亂過於其父又集兵窺邊乃復以傅爾丹為靖遠大將軍駐阿爾台岳鍾琪為寧遠大將軍駐巴里坤噶爾丹策零遣小策零敦多卜以二萬眾犯闕舍圖掠駝馬總兵樊延副將冷大雄拒退之九年六月傅爾丹出師敗績於和通淖爾兵二萬得歸者僅二千餘岳鍾琪聞傅爾丹被圍急出師遙為聲援亦不能大獲賊得志益猖獗大策零敦多卜

駐華額爾齊斯小策零敦多卜駐喀喇額爾齊斯日伺覺擾邊時方築城於科布多以地遠難守移營於察罕瘦爾以順承親王錫保為靖邊大將軍鎮之降傅爾丹仍為振武將軍又以馬爾賽為綏遠將軍駐歸化城為犄角兩策零敦多卜一由郭多里一由杭愛來掠喀爾喀公通靡克兩佐領人畜為所擄通摩克率所部內移小策零敦多卜自率大眾屯蘇克勒達錫保合喀爾喀親王丹津多爾濟及額駙策凌與戰於

朔方備乘

卷四

準噶爾漢平述略

十

鄂登楚克敗之時議以推河翁金河拜達里克河三處皆要地乃各築城為大營犄角馬爾賽率兵移守拜達里克城以扼山南之衝十年又有塞卜騰策零那木扎爾由烏魯木齊來擾哈密岳鍾琪遣總兵曹勳副將紀成斌拒之秋噶爾丹策零傾國入寇至額駙策凌所部策凌方入朝遂盡掠其貲畜二子一妾亦為所得策凌在途聞之割辮髮及所騎馬尾誓以死復讐即借各蒙古兵回救噶爾丹策零方酣飲為樂策

凌夜半由間道繞出山後黎明自山頂大呼壓而下賊驚起人不及甲馬不及鞍棄其軍貨猝遁策凌追及之於額爾德尼招左阻山右限大水賊無路走我兵乘勢蹙之擊殺數萬尸滿山谷河水數十里皆赤噶爾丹策零由鄂爾昆竄去策凌即檄馬爾賽出拜達里克城截殺臣秋案趙翼謂策凌急檄馬爾賽出歸化城邀擊魏源曰考方略馬爾賽是時已不在歸化況此戰在漠北歸化城在漠南相去二千餘里賊敗必西走何由轉繞大漠東南為歸路乎松筠新疆識略俞正燮癸巳類副將軍達爾濟整兵待發稿並沿其誤故辨之

朔方備乘

卷四

準噶爾漢平述略

十一

馬爾賽不許副都統傅鼐至跪求出兵亦不許軍士登城望見賊騎由城下過如亂鴉投林紛雜無行列翌日將士不稟命自出追之噶爾丹策零已從前隊過僅截其零騎馬爾賽由是伏法而噶爾丹策零衰弱亦不敢擾邊等遣人來議和十二年傅鼐及學士阿克敦報之尋以所議邊界不決使命往返至乾隆四年始定議厄魯特游牧不得過阿爾台喀爾喀游牧不得過札卜堪兩國各遵守已又許其通市易及進藏

作佛事人馬貨物各限以數乃盡撤西北兩路兵十年噶爾丹策零死其子策妄多爾濟那木扎爾嗣位昏暴不恤國事十五年其姊夫賽音伯勒克弒之立其庶兄喇嘛達爾濟本噶爾丹策零外婦所生子也有大策零敦多卜之孫達瓦齊於喇嘛達爾濟為近屬喇嘛達爾濟忌之輝特台吉阿睦爾撒納者最狡黠欲搆達瓦齊篡亂而已從後圖之乃與達瓦齊合兵突入伊犁弒喇嘛達爾濟達瓦齊自立為汗阿睦爾撒

朔方備乘

卷四

準噶爾平定略

三

納欲襲之而力不敵十九年遂與都爾伯特台吉訥默庫和碩特台吉班珠爾率所部二萬餘人來降且乞師往靖亂其意欲借我兵力滅達瓦齊而已得據其處也先是喇嘛達爾濟之立以台吉達什達瓦素為策妄多爾濟那木扎爾所任用執而廢之欲以其部眾分賞各台吉其部有宰桑薩拉爾不肯他屬率千戶來降

高宗純皇帝授為散秩大臣詢以準夷事備悉其內亂狀然尙未欲用兵也迨達瓦齊之篡有都爾伯

特台吉策凌臣秋濤謹案一作車凌下同及策凌烏巴什策凌蒙克率所部來降益得悉其情形亡可企足待

高宗純皇帝念我朝數十年設斥埃議邊防厲兵秣馬欲殄滅準噶爾而未能者今事會適有可乘時不可失於是用兵之策遂決方調兵籌餉以圖大舉而阿睦爾撒納來降尙書舒赫德奉

命往撫率請留其壯丁於烏里雅蘇台軍營而部落悉徙蘇尼特斥罷之更以尙書班第往輯其眾俾

朔方備乘

卷四

準噶爾平定略

三

游牧於札卜堪阿睦爾撒納等至熱河封為親訥默庫班珠爾皆封郡王寵賚甚至二十年春兩路出師北路以班第為定北將軍阿睦爾撒納為定邊左副將軍副之西路以陝甘總督永常為定西將軍薩拉爾為定邊右副將軍副之所至準夷各部落大者數千戶小者數百戶攜醢酪獻羊馬跪迎恐後兩路兵行數千里無一人抗顏行者五月五日齊抵伊犁達瓦齊已遁於格登山阻淖為營眾尙萬餘我兵追及之侍

衛阿玉錫等夜以二十二騎直薄其營呼噪突入賊萬眾驚潰達瓦齊竄於呼爾滿回酋霍集斯承檄縛獻軍門並獲青海叛賊羅卜藏丹津及前歲已降復叛之巴朗先後檻送入京行獻俘禮是役也出師僅百餘日不傷一兵不折一矢犁庭掃穴生縛名王沙漠萬里悉入版宇信自古未有之駿烈也厄魯特之先故有四衛拉特華言四大部也部各有汗

高宗純皇帝之初用兵也欲俟平定後仍其舊設四汗

朔方備乘

卷四

準噶爾蕩平述略

古

眾建以分其勢可以消亂萌息邊釁如喀爾喀之編七旗至今長享太平而阿睦爾撒納志不在此也

高宗純皇帝預燭其情甫出兵即密諭班第示以分封四汗之意以消其妄念又以額駙色布騰巴爾珠爾本科爾沁親王與阿睦爾撒納語言相通氣類相近令與阿睦爾撒納偕行俾耦居無猜實陰伺察之乃額駙反與之昵阿睦爾撒納遂恃為奧援既平伊犁班第及西路參贊大臣鄂

容安留伊犁與阿睦爾撒納薩拉爾共籌善後事宜阿睦爾撒納輒隱以汗自處事多不稟承將軍生殺任意置副將軍印不用用其國汗舊傳小紅鈐記發書鄰部哈薩克及俄羅斯之烏梁海又使其黨布流言謂不立阿睦爾撒納為汗準部終不得安班第鄂容安密以其事馳奏得

旨即軍中誅之毋濡忍貽後患而是時大兵已撤隨將軍者僅五百兵其餘皆厄魯特也班第等遂不

朔方備乘

卷四

準噶爾蕩平述略

五

敢舉事時先有

旨令阿睦爾撒納以九月至熱河行飲至禮班第等乃趣其入覲欲使入我境則易擒也先是六月中額駙先回阿睦爾撒納私以總統四部之意乞其代奏並約略時日以七月下旬為期及額駙歸不敢奏而阿睦爾撒納待信不至以入覲期迫班第又令喀爾喀親王額林沁多爾濟伴行阿睦爾撒納不得已自伊犁起行途次屢遷延迨八月中旬尚無信疑事中變十九日行至烏

隆古距其舊游牧僅一日程詭稱歸辦裝以副將軍印付額林沁多爾濟使先行約一二日即追及遂率所部逃去額林沁多爾濟久之始悟其給已急追之已不及阿睦爾撒納寄聲伊犁眾厄魯特嗾其反又使其黨阿巴噶斯哈丹等掠西路軍台先已潛遣人迎其妻子及部眾於札卜堪賴先事已奉

聖諭烏里雅蘇台軍營得為備其妻子遂不能去而伊犁宰桑克什木敦多卜曼集等蠢起為亂二十

朔方備乘

卷四

準噶爾蕩平述略

六

三日班第鄂容安薩拉爾率五百兵奪路歸賊萬眾圍之至崆吉斯薩拉爾先遁五百兵皆散班第鄂容安自刎死定西將軍永常方駐木壘聞軍台被掠六七處恐賊大至乃退回巴里坤時新降諸台吉方覲於熱河噶爾藏多爾濟封為綽羅斯汗沙克都爾滿津封為和碩特汗巴雅爾封為輝特汗其先降之策凌已封親王至是亦封為都爾伯特汗其餘宰桑呢嗎丹津巴桑厄魯錐音哈薩克錫拉等各授官賞銀幣皆

願歸出兵協勦阿睦爾撒納

高宗純皇帝以額駙匿情不奏致誤軍事革其爵發軍前効力額林沁多爾濟與阿睦爾撒納偕行而聽其兔脫立賜之死又以永常恇怯退兵逮問來京以公策楞為定西將軍富德玉保達爾黨阿俱為參贊大臣由巴里坤速進兵十一月師行玉保為前隊諸降夷入覲後回游牧者亦各以兵從二十一年正月薩拉爾自伊犁脫歸迎大軍於吐魯番玉保至特克勒探知阿睦爾撒納僅距一日程急進可追及忽有報台吉諾爾布已擒阿睦爾撒納來獻者玉保遂駐兵待之先以紅旗報捷於策楞策楞亦不暇審虛實即以紅旗報入

朔方備乘

卷四

準噶爾蕩平述略

七

京而不知報擒阿睦爾撒納者即阿睦爾撒納所遣慮我兵追及故以此緩師而已得逸去也二月策楞兵至伊犁阿睦爾撒納已逃入哈薩克乃禡策楞玉保職用達爾黨阿為定西將軍富德副之以擒阿睦爾撒納事專任此二人直入

哈薩克索取繼

命巴里坤辦事大臣兆惠為定邊左副將軍往軍營應

援諸降夷在軍前者皆撤歸使得休息夏六月

忽有喀爾喀郡王青滾雜卜臣秋濤謹案一作青滾咱卜撤

軍台之事北路郵驛本喀爾喀各部應役自用

兵以來軍報絡繹需人馬頗多青滾雜卜苦之

遂撤其所設台文報中斷又以額林沁多爾濟

之賜死謂我喀爾喀本青吉斯汗子孫例不治

罪以此散流言眾喀爾喀惑之自十六台至二

朔方備乘

卷四

準噶爾蕩平述略

六

十九台一時盡撤乃以超勇親王策凌之子成

袞扎布為定邊左副將軍往勦捕又

命尙書納延泰侍郎阿桂等往各台旋即復設達爾黨

阿等之追賊至哈薩克界阿睦爾撒納方借哈

薩克兵來拒我兵擊敗之陣獲哈薩克人楚魯

克等願說其會長阿布賚擒阿睦爾撒納來獻

阿布賚旋遣人送馬並為阿睦爾撒納乞命達

爾黨阿不許使命往返迄數月未得賊時將冬

寒

命達爾黨阿等撤兵由北路歸與成袞扎布協擒青滾

雜卜是年冬阿桂追獲之始伏誅而西路諸降

夷巴雅爾呢噶爾藏多爾濟哈薩克錫拉等聞

青滾雜卜之變亦羣起叛亂我副都統和起殲

馬策楞玉保逮入京在途亦為所害兆惠方駐

兵濟爾喀朗聲息阻隔或傳其率兵途次為賊

所截者巴里坤大臣募人往探大風雪莫敢應

有守備高天喜獨請行侍衛圖倫楚已由巴里

坤率兵往兆惠方率千有五百兵轉戰而東自

朔方備乘

卷四

準噶爾蕩平述略

七

十一月起行戰於塔勒奇戰於鄂壘前後殺賊

數千二十二年正月至烏魯木齊諸賊皆會自

十二日至十七日數十百戰然軍中無馬皆步

行雪淖中履襪亦多不完所食惟瘦駝疲馬且

將盡二十三日特納格爾今阜康縣不復能衝殺

乃結營固守三十日圖倫楚兵至諸賊始解圍

去兆惠得圖倫楚兵又往勦巴雅爾部落始回

巴里坤是歲再出師擒阿睦爾撒納並勦洗諸

叛者成袞扎布出北路兆惠出西路皆於三月

中起行會諸賊自相吞噬扎納噶爾卜襲殺噶爾藏多爾濟呢嗎又欲襲扎納噶爾卜不果阿睦爾撒納自哈薩克歸會諸賊於波羅塔拉欲自立為汗我兵將至又遁去諸賊皆竄匿於是兆惠擒原任內大臣巴桑鄂博什擒原任散秩大臣厄魯錐音圖倫楚擒原任貝勒訥奇木海蘭察擒巴雅爾烏爾登擒呢嗎扎納噶爾卜已病故台吉璋齊達瓦以其首來獻惟阿睦爾撒納尚未獲夏六月兆惠富德等又窮追至哈薩

朔方備乘

卷四

準噶爾蕩平述略

三

克阿布賚誓擒以獻適阿睦爾撒納率二十人往投阿布賚約以詰朝相見先使人收其馬阿睦爾撒納驚又逃阿布賚執其兄達什策凌送軍門阿睦爾撒納徒步入俄羅斯為樵者所得守卡之瑪玉爾送往其國察罕汗處理藩院行文俄羅斯索之阿睦爾撒納患痘死俄羅斯以其屍送入邊兆惠富德因擇地過冬明年再盡勦厄魯特之漏網者二十三年春兆惠由博羅布爾噶蘇富德由賽里木如獵場中分兩翼合

圍會於伊犁凡山陬水涯可漁獵資生之地悉搜剔不遺於是準部悉平設伊犁將軍以莅治之建官屯田築城開渠遂為西北一大都會億萬年被聖澤於無涯云

朔方備乘

卷四

準噶爾蕩平述略

三

朔方備乘卷四

拔貢張惇德初校知縣吳壽坤覆校

朔方備乘卷第五

聖武述略五

征烏梁海述略敘

臣秋濤謹案西北部族有居國行國之殊人人

能言之至同一行國而有游牧採捕之別則知

之者罕今漠北之地烏梁海業採捕散處山林

而受役屬於喀爾喀準噶爾諸大部蓋自古漠

北之俗以游牧者為強國而捕貂打牲之人附

之匈奴之興役屬丁零諸部突厥之興役屬鐵

朔方備乘

卷五

征烏梁海述略敘

一

勒諸部以古準今若合符節康熙年間喀爾喀

既內屬其所屬之烏梁海等亦皆歸順

天朝供賦聽役比於內地惟準噶爾所屬之烏梁海

部人在烏里雅蘇台之北俄羅斯之南阻深負

固未供貢役

聖祖初亦度外置之已而策妄阿拉布坦跋扈倚烏梁

海為援始議征烏梁海以殺準部之勢厥後北

路大兵控扼要衝因以漸撫勦迨及乾隆年間

又屢征之而卡倫外之烏梁海遂全歸版籍矣

自定界以外直抵俄羅斯國別有屬彼之烏梁

海人貢貂於彼國蓋風俗同而統轄異也烏梁

海部落雖小然金山劍海之間古為用武之地

自

天威遠震疆以戎索而卡倫以外闢地數千里所謂

無形之金湯也臣秋濤謹詳稽其事以志

聖世幅員之廣迥超前代云

征烏梁海述略

烏梁海即明時兀良哈部族在蒙古諸部之北

朔方備乘

卷五

征烏梁海述略

二

而役屬於蒙古諸部大抵蒙古事游牧非平原

曠野弗便也烏梁海事採捕非深山密林弗便

也瀚海以外迤南近內扎薩克多平原曠野喀

爾喀蒙古居之迤北近俄羅斯多深山密林烏

梁海居之以故烏梁海種人與俄羅斯尤為密

邇有我

朝所屬之烏梁海歲以五貂貢於我

朝有俄羅斯所屬之烏梁海歲以五貂貢於俄羅

斯其附近邊境者又有彼此各取一貂之烏梁

海至雍正五年始議停止然俄羅斯仍私征一
貂如故我

朝亦姑置勿問也又尼布楚城本我茂明安蒙古
舊地其樹林中亦多烏梁海種人康熙二十八
年議界割屬俄羅斯然此皆未嘗征所征者乃
屬準噶爾之烏梁海也先是扎薩克圖汗部人
根敦者世居和託輝特其地為喀爾喀極邊西
近厄魯特北近俄羅斯俗喜鬪烏梁海復錯處
其間捕貂射獵依木而居納賦於和託輝特有
朔方備乘 征烏梁海述略 卷五 三
事則藉之為兵故和託輝特雖隸扎薩克圖汗
實自為一部康熙二十五年尙書阿喇尼菴監
承

制授根敦扎薩克使領其眾四十四年根敦卒以其嗣
子博貝襲扎薩克輔國公四十八年

諭曰博貝與厄魯特接壤防守不可不嚴念伊力孤必
得族中兄弟助之方克有濟納瑪琳藏布本和託輝
特人著授扎薩克一等台吉與博貝同居尋

賜牧塔斯郭勒克木克木齊克地厥後遷烏梁海人於

此因號克木克木齊克烏梁海云五十四年
上以準噶爾策妄阿喇布坦扇眾喀爾喀

命散秩大臣祁里德率大軍赴推河偵禦扎薩克博貝
從往博貝因言準噶爾不靖恃烏梁海障之乞
往招若抗即以兵取扎薩克台吉濟納彌達阿
哩雅及根敦羅卜藏兵俱習戰請與同往

上聽其議從之此征唐努山烏梁海之始九月烏梁海
頭日和羅爾邁率屬降先是和羅爾邁居吹河
嘗以越界射獵為博貝縛獻

朔方備乘 征烏梁海述略 卷五

四

上宥其罪

諭還巢至是將遣子瑚洛虎納請降博貝至因遷其游

牧赴特斯冬和羅爾邁遁博貝追至喀爾罕什

巴爾執之還五十九年八月大軍自阿爾台分

路進勦準噶爾博貝偕朋素克喇布坦隨征西

將軍祁里德由布魯勒進勦至鏗格爾河偵宰

桑色布騰率眾據山守大軍分擊之降其屬二

千餘並擒烏梁海逃眾四百封多羅貝勒藉準

噶爾降眾賜之六十年調車臣汗兵防護烏梁

海降衆於巴顏車爾克雍正元年有厄魯特羅
卜藏錫喇布者烏梁海人初隸厄魯特和託輝
特貝勒博貝擒降之置汗阿林後徙置察哈爾
授佐領偕藍翎侍衛春丕勒轄其屬至是攜衆
叛逃土謝圖汗部扎薩克車木楚克納木扎勒
偕同部扎薩克車布登車臣汗部貝勒旺扎勒
偕同部輔國公車稜旺布扎薩克色稜達什等
追擒之射斃賊衆阿玉什額博壘等

上嘉悅敘功晉封車木楚克納木扎勒爲多羅貝勒以

朔方備乘

卷五

征烏梁海述略

五

車布登父原爵貝子晉封多羅貝勒封旺扎勒
多羅郡王尋授副盟長二年正月貝勒博貝來
朝

諭廷臣曰朕詢貝勒博貝管轄烏梁海何以資生據奏
在將軍祁里德處借餉一萬八千餘兩買牲分給各
得產業今勝於昔所借項伊自以貝勒俸逐年扣抵
朕思博貝宣力戎行動績卓著且烏梁海均朕百姓
豈有朕之百姓而借餉於朕之理所借銀兩著不必
扣還諭祁里德知之三年和羅爾邁復遁由阿哩克

竄準噶爾界博貝遣次子額琳沁由托濟邀擒
而自赴克木克木齊克緝叛黨誅之四年正月
博貝偕策凌奉

命勘阿爾台形勝初厄魯特與喀爾喀未構兵時錯處
科布多烏蘭固木地噶爾丹旣滅喀爾喀西境
直抵阿爾台故自唐努山陰之克木克木齊克
至博木等處皆博貝及來歸之厄魯特貝子策
稜旺布所屬烏梁海游牧其地至是策妄阿喇
布坦奏克木克木齊克舊隸準噶爾乞還

朔方備乘

卷五

征烏梁海述略

六

上弗許慮伺間掠烏梁海

詔博貝率所部兵千隨前鋒統領定壽駐唐努山陽特
斯地防護之尋

諭理藩院曰朕詳思克木克木齊克烏梁海皆博貝等
所屬和羅爾邁旣已就擒交博貝撫恤居之公所但
念此等人向在喀爾喀邊外林木中射獵爲生與準
噶爾所屬烏梁海接壤又與俄羅斯連界宜令博貝
等同大臣前往曉諭令自爲豫備以防不虞著傳諭
博貝知之五年博貝率子額琳沁追擒烏梁海逃人

和羅爾邁於托濟降其眾雍正八年博貝卒康熙年間征烏梁海之議發自博貝厥後撫輯降眾殫竭心力而唐努山北之烏梁海遂入版圖皆博貝功也乾隆七年

賜扎薩克圖汗部一等台吉額琳沁公品級

命轄烏梁海降眾十四年烏梁海降人巴黨遁有烏勒

木濟者馳告旺布多爾濟追至貢贊伯勒齊爾

盡擒還理藩院議雖擒獲究因疏懈所致停敘

功

朔方備乘

卷五

征烏梁海述略

七

上以旺布多爾濟聞信疾追奮勇可嘉仍

賜幣旺布多爾濟額琳沁子也尋授二等台吉十六年

三月博貝之孫青滾咱卜坐縱屬私與準噶爾

互市罪削爵

諭曰青滾咱卜縱所屬人私出汎界與準噶爾回眾貿

易以致潛居烏梁海甚屬疏懈且於特諭擒解之喇

嘛札木闡尙未解到怯懦推諉深負朕恩著革副將

軍及扎薩克貝勒爵朕觀額琳沁人材出眾著襲扎

薩克多羅貝勒但念青滾咱卜係博貝長孫一旦全

削朕心殊為不忍著即以額琳沁所遺公品級扎薩克台吉職令其調補

詔額琳沁議定烏梁海出入汎界例並飭禁所部越境

與準噶爾及回眾私市十八年扎薩克圖汗部

二等台吉達什朋素克隨北路軍營參贊大臣

薩拉爾擒私入科布多汎之烏梁海人札木闡

等薩拉爾者厄魯特人初為準噶爾宰桑乾隆

十五年準噶爾內亂薩拉爾率四十七戶投誠

授散秩大臣至是立功

朔方備乘

卷五

征烏梁海述略

八

高宗嘉獎之授內大臣尋

命薩拉爾收烏梁海及札哈沁眾此征阿爾泰烏梁海

之始是年杜爾伯特部三車凌來歸十九年二

月烏梁海人博羅特瑚圖克等擅入汎界土謝

圖汗部扎薩克輔國公巴木丕勒多爾濟次子

車登三丕勒隨參贊大臣薩拉爾擒之有

詔獎諭薩拉爾遂由崆格進屯卓克索招撫烏梁海青

滾咱卜額琳沁等並率兵從旋追擒禡木特黨

札木闡等額琳沁尤奮勵薩拉爾以聞

詔封輔國公二月

諭成衮扎布日前因軍營無事額駙策凌年老就近以

塔密爾作為軍營今有辦理烏梁海之事軍營應移

駐烏里雅蘇台以塔密爾作為內地尋與尙書舒赫

德議防秋

詔來京面授方略三月以收撫烏梁海

詔桑齋多爾濟署所部副將軍偕車布登率諸部兵親

隨成衮扎布駐防鄂爾海喀喇烏蘇尋偕參贊

大臣安崇阿德甯等移駐庫克嶺九月青滾咱

朔方備乘

卷五

征烏梁海述略

九

卜及土謝圖汗部扎薩克台吉三都布多爾濟

各以兵千隨參贊大臣努三等赴阿勒和碩偵

烏梁海宰桑赤倫通吹河乃率兵由喀喇莽奈

直抵所居降其眾四百四十五戶徙所屬台吉

班札喇克察於特斯偉衮安置之薩拉爾又率

額琳沁車布登札布貢格敦丹車木楚克札布

等勦撫烏梁海宰桑達克車根等於察罕烏蘇

尋復擊宰桑禡木特及通禡木特降之十一月

敘功晉封青滾咱卜郡王品級復授所部副將

軍二十年正月烏梁海降臣察達克招包沁種

人來歸並察獲杜爾伯特所屬以獻

詔給所部敘功授察達克內大臣七月固爾班和卓等

賊眾千餘戶潛通烏梁海誘同逃大軍猝與遇

分路掩擊盡誅之先是班第之勦達瓦齊於伊

犁也道出阿爾台以烏梁海潛附準噶爾遣車

布登沿途勦捕至固爾班爾塔克及烏蘭布拉

克喀喇哈巴地遇烏梁海副都統察達克屬得

木齊綽罕宰桑圖布慎屬得木齊喀喇曼濟等

朔方備乘

卷五

征烏梁海述略

十

眾盡降之並獲叛賊巴朗從賊二百餘戶師旋

車布登偕副都統敦多卜率兵二百由薩噶勒

巴什嶺往收汗烏梁海汗即烏梁海所居地也

宰桑郭爾卓輝鄂木布及布魯古特宰桑根都

什特楞古特宰桑瓜齊楞皆率眾降青滾咱卜

又招降宰桑齊巴漢等自是烏梁海地略定編

新降旗分補授總管以青滾咱卜習烏梁海情

命總轄之先是巴朗叛逃青滾咱卜追至和通鄂博率

兵還言巴朗由西路額琳哈畢爾噶遁故追不

及至是巴朗就擒青滾咱卜言盡妄

諭責之尋烏梁海逸賊戕守汛侍衛貝多爾時齊巴克

札布率兵駐防奇爾吉斯諾爾即偕根敦往捕

至察罕烏蘇遇青滾咱卜自伊犁歸與合兵赴

巴斯庫斯收撫烏梁海時舊屬準噶爾之烏梁

海散居汗哈屯等處青滾咱卜宣揚

上命於是各宰桑日哈爾瑪什日瑪濟岱日納木札勒

日保袞日莽噶拉克日納穆克布日珠庫鄂木

等相繼降敘功車布登封多羅貝勒齊巴克札

朔方備乘

卷五

征烏梁海述略

十一

布公品級九月

諭青滾咱卜率烏梁海兵隨參贊大臣哈達哈勒阿逆

方大軍之勦達五齊也青滾咱卜與阿逆同隊

交甚暱定北將軍班第與參贊大臣薩拉爾密

奏阿睦爾撒納逆狀青滾咱卜微聞之私以相

告阿逆既叛青滾咱卜潛遣烏梁海人諾爾布

丹津赴阿逆所至是事發

諭哈達哈擒解來京未幾

上追念其招撫烏梁海功

宥弗究會烏梁海賊郭勒卓輝博博等諂傳阿逆煽哈

薩克阿布賚汗入寇仍

命青滾咱卜以參贊大臣隨哈達哈進勦二十一年三

月以阿睦爾撒納煽烏梁海梗哈薩克道

詔札哈沁公札木禪從哈達哈勦烏梁海叛賊有固爾

班和卓者奇爾吉斯宰桑也攜千餘戶潛赴烏

梁海車布登札布及車登三丕勒等邀擒之因

進兵哈薩克界五月達爾齊雅及納木札勒齊

蘇隴等由海喇蘭伯勒齊爾旺勦烏梁海之倡

朔方備乘

卷五

征烏梁海述略

十二

亂者追至庫楚克及哈達什伯根斬獲甚眾大

軍抵烏梁海青滾咱卜私攜所部兵還牧搆逆

且遣人赴烏里雅蘇台軍煽眾喀爾喀令散歸

輝特逆賊普爾普德濟特等由固都爾格叛逃

齊巴克札布追擒之復隨參贊大臣納穆札爾

捕烏梁海逃眾至阿固特賊逸尾擊之歿於陣

事聞

諭日齊巴克札布歿於行陣深堪嘉憫著追封輔國公

賜銀三百兩治喪視一品大臣例賜祭葬入祀昭忠祠

其子巴圖濟爾噶勒襲爵並授扎薩克

詔貢楚克札布由翁吉達什和碩解內扎薩克馬納烏里雅蘇台自青滾咱卜屢干重譴

上不忍置之法

恩宥者三至是叛蹟顯著不可復追

諭廷臣曰青滾咱卜受朕恩最深去歲將軍大臣參奏阿逆伊敢私自漏洩百計趨承以致阿逆趾高氣揚肆行無忌後於追緝之時觀望退縮妄言必得兩路出師五萬方可追擒種種乖謬指不勝屈前此屢欲

朔方備乘

卷五

征烏梁海述略

三

擒治念伊祖博貝夙著勤勞施恩寬宥今無故自軍營擅歸又揚言額琳沁多爾濟達木巴扎布等治罪之後衆心疑懼而喀爾喀數年以來皆以用兵爲累以其怨望之私託爲他人之說妄行瀆奏藐法已極斷難姑容必當明正典刑以示懲戒著傳諭舒明阿蘭泰如已歸游牧可諭哈達哈等旋師往勦如至舒明所駐地方卽降旨擒解青滾咱卜之叛造僞符撤汛兵衆扎薩克多爲所惑延丕勒多爾濟子旺沁多爾濟等並棄汛歸牧土謝圖汗部貝勒達

什丕勒亦慮所屬游牧被掠由烏里雅蘇台軍

營私歸尋覺其詐督兵護台汛獨桑齊多爾濟

飭所屬安伍察獲台吉阿雅喇所匿僞符扎薩

克圖汗部台吉遜篤布與車臣汗部扎薩克台

吉成袞扎布亦察其詐安堵如故初遜篤布等

以檄由德沁札布所至疑與青滾咱卜通以聞

諭曰僞檄流傳或係他人假冒德沁札布之名亦未可

定著加恩免究飭令速歸營汛接理驛務毋自貽誤

遜篤布督兵嚴守各汛誓以死拒事聞

朔方備乘

卷五

征烏梁海述略

四

諭曰喀爾喀王公等爲青滾咱卜所煽多擅離職守遜篤布等特一扎薩克台吉耳獨明大義不肖附逆誓死效力朕甚嘉之

賜公品級以示獎勵

詔獎桑齊多爾濟之能授北路參贊大臣

命往諭烏梁海總管赤倫協擒青滾咱卜時汗哈屯烏

梁海衆附青滾咱卜叛

詔杜爾伯特汗車凌率兵從勦自諸扎薩克棄汛後驛

路中梗軍書旁午不得達經過官吏輒遇害車

木楚克札布督兵績遞文報同部三等台吉噶
瓦供給牲畜為之護送且多捐馬助驛用諸汎
之路始通

詔晉封車木楚克札布多羅貝勒

賜噶瓦公品級

諭達什丕勒曰昨聞達什丕勒私歸游牧朕卽料其不
過為浮言所惑今果知悔悟率兵接遞驛務前咎不
足深責仍加恩晉封郡王品級但驛站既係新設非
加意巡察恐有遲誤著達什丕勒會同總管達松阿

朔方備乘

卷五

征烏梁海述略

五

等悉心辦理七月宣

諭喀爾喀王公等曰青滾咱卜係獲罪斥革之人復加
恩令襲貝勒並授副將軍去歲從征伊犁封授郡王
稍有人心自當圖報孰意深負朕恩實出情理之外
此次辦理烏梁海授為參贊予以自新之路伊至烏
梁海並未擒獲鄂木布郭勒卓輝等卽撤兵還雖自
有哈達哈率兵往勦伊卽退還無關輕重但既為參
贊並不奏請諭旨亦未咨報將軍率兵擅還律以軍
法罪不容誅且妄造浮言煽惑眾聽其心實不可問

試思辦理準噶爾一事原為喀爾喀經理長久之計
命將興師以期一勞永逸然選派爾部官兵俱經賞
給錢糧米石購辦牲畜何次不給價值而伊乃以連
年用兵為累是誠何心至軍營賞罰乃國家憲典所
必行達木巴札布係管理杜爾伯特游牧之人縱令
巴朗遁走諱匿不報額琳沁多爾濟監視阿逆來京
明知叛蹟已著袖手旁觀致令免脫一人情罪斷無
可追然猶不忍加以顯戮令其自裁此而曲為寬貸
國法何在伊乃謂成吉思汗裔向不治罪此語舛謬

朔方備乘

卷五

征烏梁海述略

六

更甚如朕宗室中有犯刑章者朕又何嘗廢法耶至
於稍知奮勉如巴雅爾什第桑齋多爾濟及車布登
札布等則優封顯秩賜賚便蕃伊寧不聞之耶本應
除其屬眾削其封爵朕始終眷念舊勲不忍遽令澌
滅所有貝勒爵仍著施恩以額琳沁子輔國公旺布
多爾濟承襲先是眾喀爾喀為青滾咱卜所煽棄汎
私歸或乘間肆劫青滾咱卜又分遣其黨誘厄
魯特貝子朋素克公丹拜及烏梁海總管赤倫
察達克等與同叛及聞

聖諭無不悔悟乞罪七月

詔旺布多爾濟就近擒獻青滾咱卜

諭曰逆賊青滾咱卜背恩叛逆所襲之爵自不應復令

承襲但念此爵本係博貝所襲且效力有年不忍遽

削著加恩即令旺布多爾濟晉襲青滾咱卜所屬盡

轄之會哲布尊丹巴呼圖克圖以青滾咱卜悔罪乞

宥具奏

詔弗許青滾咱卜窘懼為擁兵自衛計脅所屬曰伊克

和託輝特曰巴罕和託輝特曰明噶特曰哈柳

朔方備乘

卷五

征烏梁海述略

七

沁曰托斯曰奢集努特六鄂拓克及烏梁海十

六鄂拓克附已大兵至皆棄去青滾咱卜攜孥

由托濟走斯吉特謀遁俄羅斯

諭旺布多爾濟爾必無與逆賊同謀之事朕可深信昨

據貝勒車布登札布屬人告稱逆賊令遷爾游牧爾

雖聽從並非有心附之今大兵已抵和託輝特爾若

能擒獻朕必加重賞否即率屬速赴軍營既可承受

朕恩且不墮爾祖博貝舊勲况青滾咱卜屬人不過

脅從若棄之來歸概免治罪爾其熟思審慮善自為

計毋貽後悔十一月成衮扎布遣參贊大臣納穆札

爾輕騎往追青滾咱卜旺布多爾濟亦率兵從

至杭哈將噶斯擒青滾咱卜及其子曰車蘇隆

多爾濟曰齊旺札布巴里械送京師賊平解德

沁札布參贊大臣職十二月

諭曰親王成衮扎布奉命討罪實心效力迅奏膚功朕

甚嘉之著賞杏黃帶封伊第四子占楚布多爾濟為

世子以獎忠勤成衮扎布奏和託輝特屬六鄂拓克

並烏梁海十六鄂拓克聞大兵至即解向知感

朔方備乘

卷五

征烏梁海述略

八

戴和託輝特輔國公旺布多爾濟係貝勒博貝

嫡嗣輔國公多爾濟車登台吉達什朋素克係

博貝從子皆未附逆請令轄青滾咱卜屬至車

登札布助逆時台吉諾爾布曾經誅沮弗聽乃

率眾台吉馳赴烏里雅蘇台軍汛訴世受

國恩誓不從賊因率屬由博羅哈卜齊爾赴察罕

托輝游牧洪應駝馬亦極奮勉請授扎薩克令

轄車登札布屬庶伊等不致離析各扎薩克知

感自必嚴加鈐束

詔獎協機宜如議行二十二年正月青滾咱卜伏誅

特旨宥其幼子巴里八月車木楚克札布偕唐喀祿奏

言杜爾伯特貝勒巴圖博羅特公舍稜台吉阿

喇善等通阿逆走額爾齊斯不從其汗車凌徙

牧臣等偵得狀偕副都統瑚爾起馳赴輝巴郎

山後擒巴圖博羅特並勦烏梁海賊五十戶乃

旋兵赴塔爾巴噶台緝哈薩克錫喇

諭嘉其能和衷且協機宜以

御用佩飾賜之飭敘加級九月

朔方備乘

卷五

征烏梁海述略

七

諭車木楚克札布偕車布登札布招降烏梁海宰桑博

和勒納木札勒等車布登札布奏請遣烏梁海

內大臣察達克往招之並由布延圖軍選兵策

應

上聽其議於是察達克率兵四百往招車木楚克札布

檄布延圖兵百繼進盡降之有特勒伯克札爾

納克者阿勒坦諾爾之烏梁海宰桑也聞之亦

攜屬至

詔車木楚克札布定貢賞例宣示

德意此阿爾泰諾爾烏梁海歸附之始十二月

諭曰車木楚克札布數年宣力戎行勤勞懋著近復招

降烏梁海善為撫納著晉封多羅郡王二十二年先

是杜爾伯特及烏梁海未內屬錯收額爾齊斯

後杜爾伯特諸台吉游牧札克拜達里克初徙

牧額克阿喇勒再徙額爾齊斯烏梁海就撫以

烏蘭固木地給之車凌等復請由額爾齊斯往

徙遣都統納穆札爾往勘杜爾伯特及烏梁海

牧界車凌復請以烏蘭固木為屯耕地而游牧

朔方備乘

卷五

征烏梁海述略

三

於科布多額克阿喇勒

允之

詔嚴禁所屬勿攘竊尋以錯收不便定烏蘭固木為杜

爾伯特牧別以科布多為烏梁海牧車凌謀明

噶特烏梁海眾叛竄哈喇爾榜復遣兵勦之

詔酌賞從軍弁兵免追從征達瓦齊所給駝馬有察袞

者車凌婿也附阿逆叛聞追軍至竄和落霍斯

河為達什所擒獻論誅宥其妻給車凌準噶爾

竄黨有額爾克勝者準噶爾二十四鄂拓克之

一也既降尋叛謀竄俄羅斯有不從者二人中道脫歸至車凌所以告車凌以其一械送科布多軍以一給輝特扎薩克衮布爲導令率兵六十往勦衮布馳踰阿爾台遇賊於杭愛海圖擒斬其男俘妻女歸無脫者

獎賜茶幣二十三年春車木楚克札布奏借察達克勒烏梁海戶口其得秦有十餘戶二十餘戶不等分置得木齊及收楞額等員請並戶少者約四十戶編得秦一

朔方備乘

卷五

征烏梁海述略

三

上知其悉烏梁海情

詔如所請四月烏梁海總管阿拉善攜戶百餘叛逃車木楚克札布率扎薩克圖部公多岳特追捕有車根者亦烏梁海總管也縛獻阿拉善收其衆又有烏梁海人恩克叛逃

命成衮扎布調諸部兵悉擒其屬衆並

賜銀幣尋

諭扎薩克圖部公多爾濟車登借參贊大臣福祿緝烏梁海劫賊布爾古特布格等擒之並蒙

獎賚時烏梁海賊阿木古朗等劫馬扎薩克圖部扎薩克達什朋素克護所屬福祿劾之

詔削扎薩克留軍效力尋隨福保追擒阿木古朗等實於法

詔宥前罪仍授扎薩克恩克等之叛竄也其屬已就擒惟恩克未獲九月車木楚克札布謀恩克竄哈屯河疏請暫歸阿勒和碩屯駐冬雪後賊必就擒

許之十二月車木楚克札布果擒恩克

朔方備乘

卷五

征烏梁海述略

三

賚幣是年烏梁海種人明噶特叛定邊左副將軍成衮扎布檄杜爾伯特扎薩克輔國公巴圖蒙克追勦之明噶特舊爲厄魯特屬以大軍定伊犁乞降

詔置之黑龍江之呼倫貝爾既而由納林喀喇泥叛遁巴圖蒙克追之遇諸烏蘭固木河環以兵不卽降中夜圍稍懈賊乘間逸成衮扎布劾之

上以杜爾伯特部新附且聞檄卽以兵往

詔免飭責仍量加賞賚二十四年七月車都布多爾濟

隨杜爾伯特郡王車凌烏巴什等追勦烏梁海
宰桑庫克辛盡降其眾

詔嘉之

命乾清門行走先是烏梁海人郭木薩以擅殺懼罪遁

俄羅斯車都布多爾濟追至和寧嶺縛之獻至
是並

查幣示獎八月

詔賽音諾顏親王成衮扎布安置新撫烏梁海眾是時

烏梁海以科布多產貂無多生計艱難請徙就

朔方備乘

卷五

征烏梁海述略

三

阿爾台山陽額爾齊斯之源採捕

上諭車凌烏巴什等曰額爾齊斯為爾舊牧今爾移處

烏蘭固木烏梁海察達克請游牧額爾齊斯地向會

降旨爾等若願歸舊牧聽爾便今哈薩克已全部內

附伊犁厄魯特賊眾復殲無子遺若爾果願歸舊牧

可即徙往額爾齊斯所遺烏蘭固木自可給烏梁海

處之但哈薩克新附非爾等久為內屬者比務宜嚴

飭所屬安靜無事若爾部眾既遵鈐束而哈薩克反

來肆擾可即擒誅之爾等或安土重遷則額爾齊斯

地與其為哈薩克俄羅斯所竊據不若令烏梁海往
徙之也車凌烏巴什等奏察達克所請地係烏梁海

舊牧距臣等牧遠且烏蘭固木地饒水草臣等

游牧人請勿徙以額爾齊斯地給烏梁海

詔如所請十二月哈薩克襲烏梁海杜爾伯特以兵三

百餘擊走之得

旨獎賚二十五年烏梁海為哈薩克部人巴圖克巴圖

爾所掠賽因諾顏部公額爾克沙喇獲被掠者

詰之告以烏梁海游牧遠以故被掠且哈薩克

朔方備乘

卷五

征烏梁海述略

三

汗阿布查遣使至欲擒獻巴圖克巴圖爾

諭曰額爾克沙喇久駐哈薩克界可撤兵還即以朕旨

宣諭曰劫掠烏梁海係巴圖克巴圖爾一人所為與

其部長無涉使彼知之尋車布登札布偕車木楚克

札布擒獲巴圖克巴圖爾二十六年三月賽因

諾顏親王成衮扎布奏喀爾喀汎舊設阿爾台

今準夷回部底定向時戍區俱成內地請展札

哈沁烏梁海喀爾喀等汎資耕牧奉

詔會勘二十八年奏柰曼明安至度濟察罕布爾噶蘇

所設汎宜展至烏嚕木齊烏梁海內大臣察達
克等勒巴顏珠爾克至烏拉克沁伯勒齊爾及
烏嚕木齊可設汎十五俱相隔百里爲率軍機
大臣遵

旨議奈曼明安舊汎應遠徙但千里長途喀爾喀難遙
制應將附近烏嚕木齊之烏爾圖布拉克賽塔
喇納里特濟木薩四汎令索倫綠旗兵駐防其
蘇伯昂阿至烏拉克沁伯勒齊爾十一汎令成
衮扎布督理

朔方備乘

卷五

征烏梁海述略

五

詔依議旣而成衮扎布來朝以督理烏梁海與哈薩克
互市協夷情

諭獎之是年烏梁海叛賊庫克辛走俄羅斯道掠哈薩
克馬土爾扈特親王車凌烏巴什率兵緝之偵
匿和羅圖郭爾馳往擊賊潰竄尾至林際獲之
斬庫克辛及從黨五十八人俘其孥及尸七十
餘歸

詔賜幣並酌賞弁兵是後烏梁海咸沐

聖化永遠綏謐迄今種人之著名者有三曰唐努山烏

梁海凡四十五佐領曰阿爾泰烏梁海凡七旗
曰阿爾泰諾爾烏梁海凡二旗分隸於烏里雅
蘇台之定邊左副將軍及科布多之參贊大臣
以地在卡倫之外密邇俄羅斯禁止商民前往
貿易惟赴各城納貂之便許與民市仍禁賒借
云

朔方備乘

卷五

征烏梁海述略

美

朔方備乘卷五

舉人王樹枏初校
知縣吳壽坤覆校

朔方備乘卷第六

聖武述略六

哈薩克內屬述略敘

臣秋濤謹案西北之國與俄羅斯為鄰者曰哈薩克本回部之俗恃畜牧為生東接塔爾巴哈台南接伊犁二城之境賴哈薩克為屏蔽其分部大者有三曰左曰右曰北左右二部最近新疆右部之西即俄羅斯始起地也阿睦爾撒納之叛遁也實與左部相掎角及

朔方備乘

卷六

哈薩克內屬述略敘

一

天戈進討摧朽拉枯左部既稽首稱臣右部亦舉國內附於是膺王公台吉之爵歲時朝覲納租賦悉與內地各蒙古相等自古康居大宛之地未有服屬中國若此者也至北哈薩克一部距中國最遠雖未受職納賦然其部當俄羅斯東俄南俄之中路通莫斯科窪僅三千里程實為俄羅斯腹心大患故常宿重兵以防之然則講北徼邊防者詎可以蘇對小國忽不加察哉敬考

高宗純皇帝神武戡定之烈綴以地形山川為哈薩克

內屬述略一卷庶邊事有可稽云

哈薩克內屬述略

左部哈薩克東南與準噶爾接西與右部接北與俄羅斯接其常所會廷曰葉什勒傍葉什勒河東去塔爾巴噶台南去伊犁皆千里東南去鎮西府四千五百餘里其部曰鄂圖爾玉茲無城郭逐水草事遊牧冬夏別居無常處地廣人稠甲於他部境西北隅有獨樹一株其上五枝

朔方備乘

卷六

哈薩克內屬述略

二

盤挐蔭廣可容二百騎名鄂噶引噶克义莫朵為西域神物風俗物產大略與準噶爾等文字同言語稍異其君曰汗其汗族而為首領者名蘇爾統相傳其地為古大宛今詳考之蓋古康居國也其汗阿布賚初乘達瓦齊亂數侵擾準噶爾乾隆二十年二月準噶爾平

詔遣使往諭阿布賚言於使臣侍衛順德訥達永阿日向聞

大皇帝臨御中土以山川之故貢譯未通今

天威遠播掃伊犁興黃教俾與準夷俱慶昇平實無疆之福敢以誠心歸於

德化九月順德訥等以其使博洛布拜等歸伊犁阿睦爾撒納適以伊犁叛明年走哈薩克阿布賚納之

詔遣將軍達爾黨阿由西路哈達哈由北路先後以大軍進阿睦爾撒納之走哈薩克也有奈曼鄂拓克納拉巴圖者邀劫之不獲勦其眾阿睦爾撒納以三騎走附阿布賚其屬欲擒獻阿布賚不

朔方備乘

卷六

哈薩克內屬述略

三

可乃遣和集博爾根以兵從阿睦爾撒納走努拉自率千騎西行會於蒿哈薩拉克鄂拉下以待我師七月將軍達爾黨阿兵至於雅爾拉與和集博爾根前隊二千餘兵遇賊設伏佯敗我師登於山俯其陰則伏在焉蜂屯蟻聚隨以號火乃堅壁壘繕營伍賊不敢出越宿遣烏爾登以輕騎致師分阿里衮鄂實哈甯阿明瑞爲左右翼將軍達爾黨阿副將軍扎拉豐阿執纛以中軍進齊努渾瑪瑞特通額爾登分部從之

賊倉猝不及顧潰於山麓斬首五百七十餘級餘敗去我兵乘勝進努拉擒楚魯克是時和集博爾根方與阿睦爾撒納引二千騎西行我軍逼之列而陣出入鏖戰良久獲其纛及礮賊乃亂斬三百四十餘級阿睦爾撒納易纛褫衣冠而遁初順德訥歸自哈薩克以阿布賚恭順狀聞復遣齋

勅往諭七月至博爾喀爾綽闊爲哈薩克兵所阻不得達至將軍哈達哈營乃遣扎薩克三都布等擊

朔方備乘

卷六

哈薩克內屬述略

四

敗阿布賚兵於蒿哈薩拉克鄂拉下斬首百餘級奪其馬匹輜重無算阿布賚遁師從之復斬首百餘獲馬二百鎗械百餘獲昭華什由是三戰皆捷師至於伊什勒於是達爾黨阿哈達哈兩軍合楚魯克昭華什既獲而見將軍極陳阿布賚之欲內附也將軍縱之俾往諭曰

大皇帝命將討叛爾從賊則死若能擒以來臣僕無二於是阿布賚亦稔知爲阿睦爾撒納所賣將擒賊以求臣於我其謀泄阿睦爾撒納乃竊哈薩

克馬十餘騎逃歸準噶爾二十二年將軍兆惠參贊大臣富德等復將兵西征阿睦爾撒納再走哈薩克六月阿布賚以兵三萬助擒阿睦爾撒納遣其弟阿布勒比斯為前隊與我兵遇奉將軍馬一參贊馬一陳情請罪願受約束於是兆惠等復遣使往諭阿布賚乃遣亨集噶爾等奉良馬四表請內附其文曰自臣祖額什木汗楊吉爾汗以來從未得通中國聲教今祇奉

朔方備乘

卷六

哈薩克內屬述略

五

大皇帝諭旨加恩邊末部落臣暨臣屬靡不懼忭感慕皇仁臣阿布賚願率哈薩克全部歸於鴻化永為中國臣僕奏入

詔受之秋阿布賚使臣至

避暑山莊朝謁

賜宴萬樹園觀燈火阿布賚既臣於我遂以其兵助擒賊與順德訥遇於途而言曰我哈薩克以阿睦爾撒納之故獲罪

天朝仰荷

大皇帝鴻慈不棄覆載為臣為僕願悉力擒賊庶贖前

罪毋有二心阿睦爾撒納敢外幟幟是不祥人也是有天道其何能活乃以托忒烏珠克字印文導我師巡行諸部是月阿布賚將以計擒阿睦爾撒納於阿爾察圖不獲奔俄羅斯執其從賊額布濟齊巴罕來獻先是二十一年努拉之役和集博爾根以殘兵遁至是聞阿布賚降乃與喀拉巴拉特者親率其屬三萬戶款於軍門日外臣不識文字謹以身詣降將軍兆惠為啟帳命東向坐將軍南向坐列筵食之牲體哈薩

朔方備乘

卷六

哈薩克內屬述略

六

克俗必持咒破戒始食於是乃言為

大皇帝臣豈敢稱禁因共飽啖畢引觀馬射懸鎖子甲射之徹其裏益大駭服約助擒賊叩首去左部咸服二十三年五月哈薩克拜濟格特部落之拜布拉克巴圖魯等獲布庫查罕六月哈薩克哈爾津等獲厄魯特和碩齊皆獻於軍械送京師二十四年阿布賚復遣其兄子俄羅斯蘇爾統及其頭目伯克訥等來朝

賜宴

高宗較射於

御園得與觀焉二十五年復遣使來朝宴之

命觀圍獵

賜勅諭俾約束所部毋越境游牧二十六年正月

賜勅諭寬所屬巴圖克巴圖爾侵掠烏梁海罪六月伴

送使臣入

覲回程定派

乾清門侍衛禁哈薩克於烏里雅蘇台市易二十

七年二月哈薩克阿布勒瑪木比特等遣使來

朔方備乘

卷六

哈薩克內屬述略

七

朝值

聖駕南巡

覲於揚州

行在

賜冠服所屬哈喇圖魯什送歸厄魯特人口賞賚有加

參贊大臣阿桂收取越界游牧之哈薩克等

諭寬其罪而還之五月弛烏里雅蘇台市易之禁仍禁

私市七月阿布賚遣使來朝

命隨觀木蘭圍

賜冠服以陪臣烏默爾為

乾清門侍衛令暫歸挈眷移居伊犁二十九年二

月阿布勒瑪木比特遣使來朝

賜冠服三十四年正月阿布勒比斯遣子卓爾齊來朝

三月阿布賚遣子幹里蘇爾統來朝三十八年

正月哈薩克波羅特繼其父阿布勒瑪木比特

為汗遣使來朝阿布賚子卓爾齊亦來朝四十

一年正月阿布賚遣使來朝俱宴賚如例哈薩

克建廷葉什勒居客斯騰城其地北極高四十

朔方備乘

卷六

哈薩克內屬述略

八

六度二十分至四十八度距京師偏西二十二

度至三十七度當準噶爾北全境東西千里南

北六百里四山環繞山脉亦自西而東其南境

之山曰喀拉巴克喀爾海山又東為喀爾克圖

哈薩拉克山又東為札拉圖哈薩拉克山又東

為勒克楞山踰山而南入準噶爾境齋爾界又

東為鄂綽沁吉斯山又東為阿爾津沙拉什保

台山又東北為阿爾輝西里入準噶爾境額米

爾界自喀拉巴克喀爾海山西北行折而東為

厄勒伊們山葉什勒河源出焉又北為尼雅克
圖山又東為尼滿哈濟蘭山又東北為喀爾瑪
奇爾哈山又東為阿克奇拉山又東為巴顏山
又東為蒿哈薩拉克山即將軍哈達哈敗阿布
賚處又東南為阿巴拉爾山又東至塔爾巴噶
台而止羣山內外源泉經絡其最著者為綽多
爾圖河出喀拉巴克喀爾海山東為克巴什博
爾濟爾河又東為哈薩拉克布拉克又東為博
爾喀得克布拉克又東為額特倫布拉克又東

朔方備乘

卷六

哈薩克內屬述略

九

北為什納噶布拉克沮洳渙散燦若列星又東
為奎蘇布拉克又東為阿爾齊圖布拉克又東
為青吉斯布拉克又北為阿林布拉克又東為
阿濟蘇布拉克又東為烏爾圖布拉克又東北
為色爾格河又東為罕拉海圖布拉克又東為
三察爾河又東為楚庫魯克河又東南踰山入
塔爾巴噶台界其在右哈薩克西北境者為葉
什勒河沿河西北行二百里為哈薩克春吉索
波藍地苦寒其汗盛夏常居此自是以西地益

曠渺左部境內岡阜層沓折而西北行二千里
為伊底克山當塔拉斯河東南境入右部右部
哈薩克東去左部二千里北至俄羅斯界西南
至塔什罕其部曰烏拉克玉茲汗曰阿比里斯
其巴圖爾有三曰吐里拜曰輝格爾德曰薩薩
克拜阿比里斯駐塔什罕城不事事受成而已
惟吐里拜實專其政其俗大略與左部等其地
在古康居國西境初阿布賚告於順德訥曰我
哈薩克之有三玉茲如準噶爾之有四衛拉特

朔方備乘

卷六

哈薩克內屬述略

十

也鄂圖爾玉茲則我為政矣他如奇齊克玉茲
烏拉克玉茲族兄為政當與偕來作中土臣乃
使其弟阿布勒比斯往而參贊大臣富德方以
兵索逆賊哈薩克錫拉至右部遣蒙固爾岱赫
善等往撫次軍於莽格特城外是時吐里拜等
方與塔什罕回人吐爾古戰於河上兩不相下
蒙固爾岱赫善因諭以睦鄰守土之道並宣示
聖主成德乃大感悟罷蠻觸之爭於是吐里拜等感
德畏

威諸軍門納款奉馬進表以降其文曰伏念臣者久思

內附遠處邊末與左部阿布賚各長一方為準

噶爾阻絕末由自通近聞左部輸服被

恩優渥恭維

天使惠來祇領

宸訓得均隸臣僕誠懼誠忭謹遣臣子弟入

覲瞻仰

天顏如天覆育之

聖人在上臣願竭衰駑奮勉自効永無二心倍于左部

朔方備乘

卷六

哈薩克內屬述略

十一

表聞乃受正朔列外藩焉二十三年吐里拜遣

其子卓蘭及輝格爾德之弟博索爾滿朝

京師

賜宴盤山靜寄山莊並隨至

南苑與觀

大閱及燈火

恩賚甚渥今測其地北極高四十三度至四十五度距

京師偏西四十五度四十八分東與左部接東南

與伊犁西北境接南與布魯特及安集延那木

干諸部接西踰塔什罕西六百餘里北至依底

克山接北哈薩克部界北哈薩克者以寇鈔為

俗時侵掠俄羅斯邊境俄羅斯設兵防之西南

為格根河又西南為納穆爾河又南為雅哈爾

斯河又西南為錫爾河又西為薩哈斯河又北

為塔拉斯河格根河東近塔拉斯河者為哈拉

庫爾為達布孫淖爾薩哈斯錫爾兩河之間岡

巒綿亘為穆呼札爾山為哈拉綽克多嶺為莽

阿錫魯嶺為柯格納斯嶺嶺北大澤名騰吉斯

朔方備乘

卷六

哈薩克內屬述略

十二

周數百里蓋小海也海之東南崖有部名沙爾

又東北薩哈斯河南有達拉什城噶拉楚克城

錫爾河西北有波拉克城其東有那幹喀特城

又南有蒿達克城由蒿達克西踰錫爾河為塔

什罕其城寄居右哈薩克部內而別自為部不

相統也

朔方備乘卷六

教諭劉淮姪初校
知縣吳壽坤覆校

朔方備乘卷第七

考一

北徼星度考敘

臣秋濤謹案天體正圓地球之體亦渾圓周天三百六十度應大地七萬二千里是故論坤輿者必上考星度誠以憑地測天數緣理顯非如占驗祿祥之說多傳會亦非如考論分野之數有所窮也人居地而有南北則北極出地有高下而晝夜之長短因以不同是為南北里差人

朔方備乘

卷七

北徼星度考敘

一

居地而有東西則見時刻有早晚偏東一度見時應遲四分偏西一度見時應早四分是為東西里差康熙年間

欽定皇輿全圖於直省各府州縣悉測北極高度以定

緯並依

京師中線考偏東偏西之度以定經迨乾隆年間

平定西域

特命推步之臣乘傳前往測量經緯度數補入全圖於是新疆回部各處星度皆可按籍而稽及奉

詔修西域圖志以晷度列為一門而龍沙蔥雪之間準

道里之遠近憑儀器之審求俯察仰觀弗踰銖

黍洵可永為後世地志諸書之槩獲茲臣纂集

北徼彙編敬考

欽定皇輿全圖自喀爾喀以北直抵北海星度經緯粲

然具在蓋

聖德洽乎遠邇以故夷情恭順自獻圖籍以備職方之

掌聞內府有俄羅斯圖具載經緯度數

石渠天祿之藏非外臣所得窺見謹就

朔方備乘

卷七

北徼星度考敘

二

皇輿圖中恭錄北徼星度悉以距

京師偏東偏西之度次其遠近以昭示掌之形徵

拱極之義亦論邊事者所當知己

北徼星度考

聖祖仁皇帝聖訓曰東方朔記北方有層冰千尺冬夏

不消今年俄羅斯來朝其地去北極二十度以上名

為冰海堅冰凝結人不能至始知東方朔所言不謬

臣秋濤謹案輿地之圖自唐以前者皆不傳於

世宋以後之圖間有傳世者亦第有開方而無

天度雖爲準望測量之法要不足爲憑也至外
藩各部及邊徼之外自古無能詳言其境者無
論圖矣惟我

聖祖於地圖一事極爲留心每

命人乘傳詣各部落詳詢精繪並

命精於推步之人測驗天度經緯或有不能身履其地

者必周諮博訪而載之既成鑄以銅版垂諸永

久乾隆乙亥平定準噶爾各部

高宗命何國宗等率西洋人分道往各部測量星度占

朔方備乘

卷七

北徼星度考

三

候節氣補入輿圖己卯諸回部悉隸版籍復

命明安圖等前往備繪地圖一如舊制蓋

皇輿圖內備載星度實由

兩朝

大聖人創制顯庸永爲典則誠自古未有之盛舉也謹

附志於此以昭策筮云

聖訓曰推算天象中國與瀚海俱在赤道四十五度之

內四十五度之南水皆向南而東流四十五度之北

俱向北流此皆天文地理之相合者也

臣秋濤謹案俄羅斯自烏拉嶺以東訖於大拉
該海凡近中國邊界發源之水在外興安嶺雪
莪嶺金山以北者俱向北流入冰海蓋其緯線
皆在赤道四十五度之北也

聖訓曰中國與西洋地方俱在赤道北四十度內海洋
行船中國人多論更次西洋人多論度數自彼國南
行八十度至大狼山始復北行入廣東界嘗六閱月
在海中不見一山又自西洋至中國有陸路可通因
隔鄂羅斯諸國行人不便故皆從水路而行

朔方備乘

卷七

北徼星度考

四

臣秋濤謹案歐羅巴州緯綫自赤道北三十六
度起至七十一度止經綫自

京師午綫偏西四十八度起至一百二十六度止

與中國壤地相連本係一州而分爲二者歐羅

巴人奉天主教似欲自爲一區以示別異也

聖祖御瀛臺召見尙書庫勒納等奏對畢庫勒納請曰

黑龍江日長夜短雖晚日落不至甚暗不知何

故

聖祖諭之曰黑龍江極東北之地日出日入皆近東北

方所以黑龍江地方日長夜短日落亦不甚暗

臣秋濤謹案夏至日長者冬至日必短此渾天之妙也黑龍江夏至晝六十四刻冬至晝三十二刻雅克薩汗山哈屯河唐努烏梁海夏至晝六十七刻冬至晝二十九刻此皆地方實測所及以九十六刻計者也以上黑龍江等處均與俄羅斯接界俄羅斯更在黑龍江等處之北北極出地愈高圖理琛云伊聶謝柏與晝長夜短夜亦不甚暗雖日落夜深猶可圍碁不數刻東

朔方備乘

卷七

北微星度考

五

方已曙正與唐書骨利幹國之北晝長夜短之說相合觀於黑龍江而餘處可以類推矣

黑龍江外紀曰土人言黑龍江地處極高去天較近故夜深不甚暗壹似日在地中返照者出關東行漸遠益高所過岡阜既上輒平坦有軌途法庫門又東岡起愈平無俯瞰低下勢土人謂之上天邊子可以驗地形矣地高則天愈近測量家惟依北極高度為準日月出輪較大色亦深赤夜見斗杓橫屋角星點亦大手若可捫

四時之氣多風四月猶霏雪霰夏日偶暄或南風作必雨不雨則江漲蓋興安嶺一帶陰山中雨雪不常或冰漸融入谿澗所致惟雷至四月始聞伏天多雹大者如盃七月已霜八月則無不雪所謂高處不勝寒可以驗天時矣臣秋濤謹案西清所記龍江風景甚詳北微星度高至五十度以上者大抵皆然也錄之可備參考

附近北微各處經緯度均見會典欽天監事例

朔方備乘

卷七

北微星度考

六

黑龍江城 北極高五十度一分偏東十度五

十八分

尼布楚城 北極高五十一度四十八分偏西

十七分以上俱乾隆二十二年奏准

克魯倫河巴爾城 北極高四十八度六分偏

西二度五十二分

圖拉河汗山 北極高四十七度五十七分偏

西九度十二分以上俱康熙五十二年奏准

烏里雅蘇台 北極高四十七度四十八分偏

西二十二度四十分

唐努山烏梁海 北極高五十度四十分偏西
二十四度二十分

烏蘭固木杜爾伯特 北極高四十九度二十
分偏西二十五度四十分

科布多城 北極高四十八度二分偏西二十
七度二十分

阿爾泰山烏梁海 北極高四十八度三十分
偏西二十八度三十五分

阿爾泰諾爾烏梁海 北極高五十三度二十

朔方備乘 卷七 北極星度考 七

分偏西二十八度四十分

哈屯河 北極高五十一度十分偏西二十九
度

額爾齊斯河 北極高四十八度三十五分偏
西三十二度二十五分

齊桑諾爾 北極高四十八度三十五分偏西
三十二度二十五分 以上俱乾隆三十
七年奏准

哈薩克 北極高四十七度三十分偏西二十
四度五十分

塔爾巴哈台 北極高四十七度偏西三十度

以上俱乾隆二十
二年奏准

巴爾噶什諾爾 北極高四十七度偏西三十
八度十分

特穆爾圖諾爾 北極高四十二度五十分偏
西三十九度二十分

吹河 北極高四十四度五十分偏西四十二
度 以上俱乾隆三十
七年奏准

臣秋濤謹案以上經緯各度均係欽天監奉

朔方備乘 卷七 北極星度考 八

旨測定凡

皇輿全圖及每歲頒行時憲書皆依以立算茲謹錄
附近北極諸地則俄羅斯地之經緯度可以
舉隅而得矣

俄羅斯境經緯度總載

俄羅斯本境在歐邏巴州之東緯綫自赤道北
三十八度起至七十度止經綫自

京師偏西五十三度起至九十四度止其氣候南
境與北境迥異北當冬時寒冽殊甚川有堅冰

日光所不照常覺晦冥夏時溽暑逼人雲霧四塞有晝無夜西南則天朗氣清無疾風暴雨故其富庶之地多在西南之域

俄羅斯東藩西伯利部在亞細亞州北境緯綫自赤道北四十五度起至七十八度止經綫自

京師偏東七十四度起至偏西五十六度止氣候極冷冰雪凝積

俄羅斯南藩高加索部在亞細亞州西境緯綫自赤道北四十度起至四十五度止經綫自

朔方備乘

卷七

北徵星度考

九

京師偏西六十六度起至七十九度止氣候溫和

俄羅斯屬地在亞墨利加州西北者緯綫自赤道北五十四度起至七十二度止經綫自

京師偏東七十七度起至百有三度止其地道光

五年俄羅斯始議定疆界東至英吉利屬地西

至白令海峽西南接大平洋北枕北冰海長四

千里廣二千六百里

臣秋濤謹案右俄羅斯境經緯度本之西人地

理全志其經度以

京師為中綫蓋外夷而知尊

王之義者亟錄之以備攷至西人艾儒略地圖以

極西之福島為經綫第一度遞推而東至三百

六十度止又西人瑪吉士地理備考以佛郎西

國為經度中綫推偏東偏西度皆不足為訓概

從刪斥不錄謹發其凡於此

俄羅斯境各屬經緯度

京師中綫偏東各度

偏東五十分北極高六十八度五十分 惹爾

莽阿和屯

偏東一度北極高七十三度 作租和屯

偏東三度五十分北極高七十三度 郭列穆

斯歸和屯

臣秋濤謹案即阿哥德斯科一作阿谷又按此卷地名悉依內府與圖所列惟於一統志異域錄諸書習見之地則注明以備考餘詳疆域考

偏東四度五十分北極高七十四度 德爾吉

郭列穆斯歸和屯

偏東五度北極高七十四度五十分 佳達刮

噶珊

朔方備乘

卷七

北徵星度考

十

偏東五度五十分北極高七十五度 博特錫

倭爾斯歸和屯

偏東二十三度五十分北極高六十一度五十

分 噶穆薩特喀和屯 臣秋濤謹案卽岡札
德加一作甘查甲

京師中綫偏西各度

偏西二度五分北極高六十八度四分 巴達

爾斯歸和屯

偏西四度二分北極高六十九度五十分 邁

歸和屯

朔方備乘

卷七

北極星度考

十一

偏西四度三十分北極高六十七度三十分

冬古爾斯歸和屯

偏西五度二十分北極高六十四度五十分

集敏噶噶珊

偏西五度五十分北極高五十八度二十分

巴爾古錫穆和屯

偏西五度五十分北極高五十七度 伊談珠

拜商

偏西五度五十分北極高五十六度二十分

烏德拜商 臣秋濤謹案
卽烏的柏興

偏西六度四十分北極高六十七度三十分

列訥和屯

偏西六度四十分北極高五十一度三十分

伊拜商

偏西六度五十分北極高六十四度 鄂爾佛

拉特噶珊

偏西六度五十分北極高五十一度五十分

鄂伯爾齊都勒拜商

朔方備乘

卷七

北極星度考

十二

偏西六度五十分北極高六十九度二十分

惹鞠斯歸和屯 臣秋濤謹案卽
亞古德斯科

偏西六度五十分北極高五十九度五十分

格勒噶珊

偏西七度十分北極高五十六度二十分 米

德里斯克噶珊

偏西七度四十分北極高五十四度 楚庫拜

商 臣秋濤謹案
卽楚庫柏興

偏西七度五十分北極高六十一度十分 倭

爾郭任斯歸和屯

偏西八度二十分北極高五十九度十分 伊

爾古斯歸和屯

臣秋濤謹案即義爾古德斯科亦作額爾口城一作厄爾

庫

偏西十一度二十分北極高五十九度五十分

博拉斯歸和屯

偏西十一度五十分北極高六十一度十分

伊林斯歸和屯

偏西十一度五十分北極高六十六度五十分

朔方備乘

卷七

北極星度考

三

希穆斯歸和屯

偏西十二度五十分北極高五十三度五十分

通肯圖拉

偏西十九度北極高六十度五十分 噶們噶

噶珊

偏西十九度三十分北極高六十一度四十分

惹尼色斯歸和屯

臣秋濤謹案即也尼塞斯科一作伊聶謝柏興

偏西二十一度四十分北極高六十度五十分

瑪古斯歸和屯

偏西二十一度五十分北極高五十八度五十

分 阿穆哈拜商

偏西二十一度五十分北極高五十六度五十

分 烏邁圖拉

偏西二十二度二十分北極高六十度五十分

鄂羅錫金噶珊

偏西二十二度五十分北極高六十度五十分

穆納薩爾噶珊

偏西二十四度北極高六十八度十分 德羅

朔方備乘

卷七

北極星度考

四

伊特斯郭格珠克特亨

偏西二十四度四十分北極高六十八度二十

分 多羅三色吉和屯

偏西二十四度四十分北極高六十二度二十

分 色爾日噶珊

偏西二十六度五十分北極高五十九度十分

托穆斯歸和屯

臣秋濤謹案即阿慕斯科

偏西二十七度北極高七十四度 烏格里達

臣秋濤謹案此色務格河入海處海船常泊於此



偏西二十七度三十分北極高五十八度五十

分 阿巴圖拉

偏西二十七度四十分北極高五十七度四十

分 納生斯噶珊

偏西二十七度五十分北極高五十八度二十

分 蘇斯德必噶珊

偏西二十八度五十分北極高五十八度三十

分 博蘇噶珊

偏西二十八度三十分北極高六十九度 薩

朔方備乘

卷七

北極星度考

十五

達里莽阿斯和屯

偏西二十九度二十分北極高五十八度十分

吉爾日斯噶珊

偏西二十九度五十分北極高五十九度十分

德勒尼特斯噶珊

偏西三十度四十分北極高六十一度五十分

格野斯歸和屯

偏西三十度五十分北極高五十三度三十分

僧博羅特圖拉

偏西三十度五十分北極高六十二度

納隆和屯

偏西三十度五十分北極高六十二度三十分

瓦欣阿噶珊

偏西三十一度二十分北極高六十度十分

拉林斯歸和屯

偏西三十一度二十分北極高五十一度四十

分 鏗格爾圖拉

偏西三十一度五十分北極高七十七度 伊

朔方備乘

卷七

北極星度考

十六

策二布拉島

臣秋濤謹案此北海中大島俄羅斯之極北境也

偏西三十二度五十分北極高六十二度四十

分 羅納郭昂噶珊

偏西三十三度五十分北極高五十九度三十

分 巴拉彬斯歸和屯

偏西三十四度五十分北極高六十四度二十

分 蘇爾古特和屯

偏西三十五度二十分北極高六十四度十分

瑪齊木噶珊



偏西三十五度五十分北極高五十八度 伊

錫穆斯歸和屯

偏西三十六度北極高六十五度 格里穆噶

穆噶珊

偏西三十六度北極高六十四度五十分 薩

林噶珊

偏西三十六度五十分北極高六十六度 郭斯

郭薩和屯

偏西三十六度五十分北極高六十四度二十分

朔方備乘

卷七

北極星度考

七

薩瑪羅特和屯

偏西三十六度二十分北極高六十七度十分

色瑪斯噶珊

偏西三十六度三十分北極高六十六度五十

分 索噶爾噶珊

偏西三十六度三十分北極高六十四度五十

分 惹底噶珊

偏西三十六度五十分北極高六十六度五十

分 訥特斯噶爾古噶珊

偏西三十六度四十分北極高六十七度十分

格倫錫甘噶珊

偏西三十六度五十分北極高六十六度十分

伯蘇噶珊

偏西三十六度五十分北極高六十八度五十

分 惹薩克吉和屯

偏西三十七度北極高六十六度十分 郭特

斯歸和屯

偏西三十七度二十分北極高六十七度五十

朔方備乘

卷七

北極星度考

八

分 巴拉索瓦和屯

偏西三十七度二十分北極高五十八度四十

分 多拉和屯

偏西三十七度四十分北極高六十八度二十

分 羅郭衛噶珊

偏西三十七度五十分北極高六十九度 阿

布定噶珊

偏西三十七度五十分北極高六十三度二十

分 倭克噶珊

偏西三十八度北極高六十二度十分 底穆

彥斯歸和屯 臣秋濤謹案即狄穆演斯科

偏西三十八度北極高五十八度五十分 五

噶噶珊

偏西三十八度三十分北極高六十三度 廿

薩穆噶珊

偏西三十八度三十分北極高五十八度二十

分 伊順斯歸和屯

偏西三十八度四十分北極高六十七度五十

朔方備乘

卷七

北極星度考

十九

分 伊斯噶爾噶珊

偏西三十八度五十分北極高五十八度五十

分 阿傅瑪克噶珊

偏西三十九度二十分北極高五十八度五十

分 瓦都歸和屯

偏西三十九度二十分北極高五十八度二十

分 多爾噶惹爾噶珊

偏西三十九度四十分北極高六十一度二十

分 惹穆尼郭傅和屯

偏西三十九度五十分北極高五十九度十分

巴拉克和屯

偏西四十度五十分北極高六十九度十分

索布色噶惹和屯

偏西四十度五十分北極高六十六度二十分

巴必努郭羅特和屯

偏西四十度五十分北極高五十九度五十分

托博爾和屯

臣秋濤謹案即托波爾一作托博勒

偏西四十二度二十分北極高六十一度二十

朔方備乘

卷七

北極星度考

二十

分 鄂達巴里噶珊

偏西四十二度五十分北極高五十六度四十

分 達爾林斯歸和屯

偏西四十三度二十分北極高五十七度五十

分 烏底多爾斯噶和屯

偏西四十三度五十分北極高六十度四十分

達傅達噶珊

偏西四十四度北極高六十二度五十分 伊

斯瑪和屯

偏西四十四度二十分北極高六十一度 郭蘇特斯歸和屯

偏西四十四度二十分北極高五十三度 都

捫和屯 臣秋濤謹案即多木斯科一作圖敏

偏西四十四度三十分北極高六十五度五十

分 伯色爾斯歸和屯

偏西四十四度五十分北極高六十六度五十

分 布斯堆羅色爾歸和屯

偏西四十五度北極高七十二度 衛噶特島

朔方備乘

卷七

北極星度考

三

臣秋濤謹案此北海中島

偏西四十五度北極高六十一度二十分 羅

斯衛斯歸和屯

偏西四十六度十分北極高七十度五十分

色達登島 臣秋濤謹案此北海中小島

偏西四十六度十分北極高五十六度五十分

彙衛陽斯歸和屯

偏西四十六度三十分北極高五十九度五十

分 雅班沁和屯 臣秋濤謹案即鴉班沁城

偏西四十六度五十分北極高六十二度二十

分 古斯達雅噶珊

偏西四十七度二十分北極高六十一度五十

分 博和穆噶珊

偏西四十七度五十分北極高五十七度五十

分 烏特格和屯

偏西四十七度五十分北極高五十度二十分

塔奇和屯

偏西四十八度五十分北極高七十一度 郭

朔方備乘

卷七

北極星度考

三

臣秋濤謹案此北海中島

偏西四十八度五十分北極高七十度 多爾

格島 臣秋濤謹案此北海中小島

偏西四十八度五十分北極高六十四度二十

分 蓋郭羅特和屯 臣秋濤謹案即改郭羅多城

偏西四十八度五十分北極高六十二度五十

分 索里噶穆斯歸和屯 臣秋濤謹案即索里喀穆斯科

偏西四十八度五十分北極高六十度五十分

五爾郭都里雅和屯 臣秋濤謹案即費耶爾和土爾斯科

偏西四十九度二十分北極高六十三度五十

分 蘇爾頂和屯

偏西五十度四十分北極高五十四度五十分

鄂博和屯

偏西五十度三十分北極高五十九度五十分

博冷噶和屯

偏西五十度四十分北極高五十九度 巨古

爾和屯

偏西五十一度四十分北極高五十九度五十

朔方備乘

卷七

北極星度考

三

分 鄂薩和屯

偏西五十一度四十分北極高五十六度五十

分 薩瑪拉和屯

臣秋濤謹案即西穆必爾斯科

偏西五十二度十分北極高六十度四十分

薩拉布特和屯

偏西五十二度二十分北極高六十二度五十

分 色羅博達和屯

偏西五十二度五十分北極高六十二度二十

分 赫里諾傳和屯

臣秋濤謹案即赫林諾付

偏西五十二度五十分北極高五十六度二十

分 德都爾噶珊

偏西五十二度五十分北極高五十七度三十

分 烏薩噶珊

偏西五十二度五十分北極高五十四度十分

薩拉多博和屯

臣秋濤謹案即薩拉托付一作薩拉德夫

偏西五十三度十分北極高六十一度五十分

郭勒布特和屯

偏西五十三度五十分北極高五十七度五十

朔方備乘

卷七

北極星度考

三

分 巴達雅噶珊

偏西五十四度四十分北極高四十八度五十

分 阿噶錫和屯

偏西五十四度四十分北極高五十度五十分

錫拉哈米斯和屯

偏西五十四度四十分北極高四十九度五十

分 達里特薩拉斯和屯

偏西五十四度四十分北極高四十七度五十

分 揚噶拉和屯

偏西五十四度四十分北極高四十六度四十分
分 色爾克斯和屯

偏西五十四度五十分北極高四十六度五十分

分 阿斯達拉罕和屯 臣秋濤謹案即阿斯塔爾漢一作阿薩塔

偏西五十五度二十分北極高五十九度五十分

分 來索爾和屯

偏西五十五度三十分北極高四十九度五十分

分 索爾拉噶珊

朔方備乘

卷七

北極星度考

三

偏西五十五度四十分北極高六十七度五十分

分 墨三和屯

偏西五十五度四十分北極高六十五度二十分

分 索魯歪特集岳克達和屯

偏西五十五度五十分北極高五十五度五十分

伊羅法和屯

偏西五十五度五十分北極高五十七度四十分

分 德都斯和屯

偏西五十五度五十分北極高四十九度五十分

分 雜里和屯

偏西五十六度北極高六十度十分 郭壘斯

和屯

偏西五十六度二十分北極高四十九度四十分

分 惹爾納雜噶珊

偏西五十六度三十分北極高四十九度二十分

分 薩爾噶珊

偏西五十六度四十分北極高四十九度四十分

分 索魯克薩爾噶珊

朔方備乘

卷七

北極星度考

三

偏西五十六度四十分北極高四十八度五十分

分 古里克三噶珊

偏西五十六度五十分北極高五十六度三十分

分 色非阿斯噶噶珊

偏西五十六度五十分北極高四十九度三十分

分 巴達欣和屯

偏西五十七度三十分北極高五十七度五十分

分 噶贊和屯

臣秋濤謹案即喀什斯科一作加匿

偏西五十七度四十分北極高六十三度四十分

分 倭羅克達和屯

偏西五十七度五十分北極高四十四度 得

爾集和屯

偏西五十八度北極高五十九度四十分 尼

斯納和屯

偏西五十八度十分北極高四十三度二十分

特爾奔和屯

偏西五十八度四十分北極高六十七度五十

分 必納噶和屯

朔方備乘

卷七

北極星度考

三

偏西五十八度五十分北極高六十七度 郭

爾謨郭羅特和屯

偏西五十八度五十分北極高五十二度十分

色羅克和屯

偏西五十八度五十分北極高四十一度五十

分 沙馬吉和屯

偏西五十九度二十分北極高六十七度四十

分 阿爾甘惹爾和屯

臣秋濤謹案即亞爾
干日爾部一作亞干

日

偏西五十九度三十分北極高六十七度十分

三尼郭拉和屯

偏西五十九度三十分北極高五十九度五十

分 郭羅郭歪斯德和屯

偏西五十九度四十分北極高五十一度六十

分 畢都克和屯

偏西六十度北極高六十一度五十分 惹勒

斯拉傅和屯

偏西六十度十分北極高六十三度 羅瑪諾

朔方備乘

卷七

北極星度考

天

傅和屯

偏西六十度十分北極高六十一度十分 郭

爾多斯瑪和屯

偏西六十度四十分北極高五十九度五十分

倭羅威謨爾和屯

偏西六十度五十分北極高四十一度五十分

額里旺和屯

偏西六十一度北極高五十七度五十分 巴

斯多傅和屯

偏西六十一度十分北極高四十八度四十分

畢斯達賴惹噶珊

偏西六十一度五十分北極高四十八度四十

分 格里博根和屯

偏西六十一度五十分北極高五十七度五十

分 密科艾和屯

偏西六十二度三十分北極高五十六度五十

分 薩特博和屯

偏西六十二度五十分北極高五十七度 噶

朔方備乘

卷七

北極星度考

五

都穆和屯

偏西六十二度五十分北極高五十五度五十

分 丹博傅和屯

偏西六十二度三十分北極高六十六度十分

噶爾噶噶博爾占噶爾斯歸和屯

偏西六十二度四十分北極高五十七度四十

分 德拉特瑪和屯

偏西六十四度五十分北極高五十二度五十

分 郭斯羅傅和屯

偏西六十五度北極高六十一度 博勒斯拉

傅和屯

偏西六十六度三十分北極高五十七度二十

分 羅散和屯

偏西六十六度三十分北極高五十六度二十

分 勒斯科和屯

偏西六十六度四十分北極高四十五度五十

分 郭達底斯和屯

偏西六十六度四十分北極高四十八度三十

朔方備乘

卷七

北極星度考

三

分 仄爾噶斯歸和屯

偏西六十七度五十分北極高五十八度十分

謨斯夸和屯

臣秋濤謹案即墨斯科一作莫斯科窪一作莫斯科廓瓦俄羅斯

之舊都也

偏西六十七度五十分北極高四十八度五十

分 噶蘭薩和屯

偏西六十八度三十分北極高五十三度 鄂

羅尼和屯

偏西六十八度五十分北極高五十六度五十

分 倭勒都瓦和屯

偏西六十八度五十分北極高四十五度二十

分 佛德勒必宋達噶珊

偏西六十九度北極高五十三度五十分 達

勒特斯和屯

偏西六十九度三十分北極高五十八度三十

分 巴瑪拉噶珊

偏西六十九度四十分北極高四十八度三十

分 阿索富和屯

朔方備乘

卷七

北微星度考

三

偏西六十九度四十分北極高六十度二十分

多倭爾噶珊

偏西六十九度四十分北極高五十三度 舍

勒特斯和屯

偏西七十度北極高五十三度四十分 延噶

爾和屯

偏西七十度三十分北極高五十九度五十分

鄂羅克和屯

偏西七十度三十分北極高五十九度 謨來

斯格和屯

偏西七十度三十分北極高五十七度四十分

德爾必郭傅和屯

偏西七十度五十分北極高六十度三十分

倭斯瑪和屯

偏西七十度五十分北極高五十二度三十分

多訥特斯和屯

偏西七十一度十分北極高四十六度四十分

達捫和屯

朔方備乘

卷七

北微星度考

三

偏西七十一度五十分北極高五十五度 德

班和屯

偏西七十一度五十分北極高五十七度三十

分 多魯薩和屯

偏西七十二度二十分北極高五十五度四十

分 都拉和屯

偏西七十二度三十分北極高五十五度二十

分 烏巴和屯

偏西七十三度二十分北極高五十五度五十

分 阿多岳傳和屯

偏西七十四度北極高五十六度五十分 古

傳噶和屯

偏西七十四度四十分北極高六十二度五十

分 色布留斯博布魯克和屯

偏西七十四度四十分北極高五十二度五十

分 澤爾訥和屯

偏西七十四度五十分北極高五十五度五十

分 噶魯噶和屯

朔方備乘

卷七

北徵星度考

三

偏西七十四度五十分北極高五十五度二十

分 博羅傳和屯

偏西七十五度三十分北極高五十九度二十

分 索謨洽斯郭和屯

臣秋濤謹案即司馬連斯科一作斯摩速

一作斯摩
梭斯科

偏西七十五度五十分北極高六十度三十分

訥倭郭羅特和屯

偏西七十六度四十分北極高五十八度五十

分 圖古魯古傳訥和屯

偏西七十六度五十分北極高六十四度五十

分 衛布爾和屯

偏西七十六度五十分北極高五十九度三十

分 鄂爾薩和屯

偏西七十七度十分北極高四十五度三十分

喀法和屯

偏西七十七度二十分北極高四十七度二十

分 博羅歸和屯

偏西七十七度五十分北極高六十二度二十

朔方備乘

卷七

北徵星度考

三

分 散博德爾布珠克和屯

臣秋濤謹案即彼得羅堡一作

三皮提里普爾斯科
俄羅斯之新都也

偏西七十七度五十分北極高五十八度二十

分 因斯拉傳和屯

偏西七十八度十分北極高六十度十分 博

勒斯古和屯

偏西七十八度二十分北極高六十二度 郭

羅穆斯多托和屯

偏西七十八度三十分北極高六十一度五十

分 若安郭羅特噶珊

偏西七十八度四十分北極高五十二度五十

分 巴圖林和屯

偏西七十九度十分北極高六十一度五十分

訥爾瓦和屯

臣秋濤謹案即里窩尼亞部與瑞典國所屬之挪耳瓦部名同

地異

偏西七十九度十分北極高五十七度五十分

斯郭羅傅噶珊

偏西七十九度五十分北極高五十二度五十

朔方備乘

卷七

北微星度考

三

分 訥生噶珊

偏西八十度十分北極高六十度五十分 德

爾博特噶珊

偏西八十度十分北極高五十六度十分 郭

賴噶珊

偏西八十度五十分北極高五十二度五十分

博色羅和屯

偏西八十一度十分北極高五十度五十分

喀達克和屯

偏西八十一度五十分北極高五十二度 覺

傅和屯

臣秋濤謹案即幾富部一作究部一作計由斯科

偏西八十三度三十分北極高六十二度十分

多爾斯布爾噶珊

偏西八十五度三十分北極高六十二度二十

分 倭勒爾和屯

偏西八十七度三十分北極高六十一度二十

分 博爾訥和屯

偏西八十八度二十分北極高六十度四十分

朔方備乘

卷七

北微星度考

三

薩里斯噶珊

偏西八十九度四十分北極高六十度五十分

里噶和屯

朔方備乘卷七

拔貢張惇德初校知縣勞乃宣覆校

朔方備乘卷第八

考二

北徼界碑考

臣秋濤謹案自古聖人之治天下尙仁而不矜

智勇唐虞之際化洽四表然史臣紀聲教所漸

被東不盡東海西不盡流沙夫東海流沙豈足

以限聖人之聲教而必以是爲界何哉誠以德

在安民不勤遠略非如好大喜功之主窮智黷

武必欲俾遐荒絕域咸入版圖也三代以後亦

朔方備乘

卷八 北徼界碑考

一

有畫定疆界之事願銅柱漢標燿威稜之服遠

玉斧宋畫夸智慮之察微從未有

智能取之而

大度兼容

威能制之而

神武不殺如

聖祖仁皇帝之宥羅刹立界碑洵所謂智勇有餘而益

見其

至仁之不可及也夫如是故地有所弗取人有所弗臣

九州之表聽其爲羈縻之國而

量合乎天地

德冠乎古今八紘之廣莫不起尊親之念迄今二百年

來俄羅斯感沐

厚恩謹守成約界碑內外之民罔弗鼓腹含飴共享昇

平之樂豈不懿哉敬考設立界碑之始末綴以

遺聞著於篇

聖祖仁皇帝康熙二十五年七月

上諭議政王等向者羅刹侵犯雅克薩尼布潮諸地戕

朔方備乘

卷八 北徼界碑考

二

我居民邊境騷然會諭鄂羅斯察罕汗來使尼果來

等撤回其衆自後竟不復奏反在在侵犯肆行擾害

意尼果來未達前旨於察罕汗復令被擒羅刹持書

從喀爾喀地宣諭之因遣發官兵前往雅克薩招撫

羅刹不戮一人令其頭目額禮克謝等持書歸去羅

刹聞我師言旋復回雅克薩築城以居朕思本朝頻

行宣諭會未一答而雅克薩羅刹又死守不去或尼

布潮諸地阻隔前書未達或雅克薩羅刹皆彼有罪

之徒不便歸國俱未可知今問荷蘭國貢使稱伊國

與鄂羅斯接壤語言亦通其以屢諭情節備悉作書
用兵部印付荷蘭國使臣轉發鄂羅斯察罕汗處收
回雅克薩尼布潮羅利於何處立定疆界各毋得踰
越則兩界民人均得甯居不失丞相和好之意察罕
汗覆奏時令其使由陸路直來若陸路難通卽以來
疏付荷蘭國代奏再依此書發西洋國轉達之

臣秋
濤謹

案此我朝與俄
羅斯國議界之始

九月俄羅斯察罕汗遣使疏陳除嗣遣使臣議
定邊界外先奏請撤雅克薩之圍

朔方備乘

卷八 北徼界碑考

三

聖祖允之並

命喀爾喀土謝圖汗偵探俄羅斯分界使臣消息二十

六年七月土謝圖汗奏俄羅斯使臣已抵臣境

二十七年五月時俄羅斯使臣費要多羅等至

色冷格地方遣人來期我使至彼集議

聖祖命內大臣索額圖都統公佟國綱尙書阿爾尼左

都御史馬齊護軍統領馬喇往主其議並率漢

翰林部屬等官暨西洋官二員兵萬餘人前往

索額圖等奏言尼布楚本係我茂明安部游牧

之所雅克薩係我達呼爾總管倍勒兒故墟原

非羅利所有亦非兩界隙地也黑龍江最爲扼

要又恒滾牛滿淨溪里等江俱合流於黑龍江

環江左右均係我屬俄樂春奇勒爾畢喇兒等

民人及赫真費雅喀所居之地不盡取之邊民

終不獲安臣以爲尼布楚雅克薩黑龍江上下

及通此江之一河一溪皆屬我地不可棄之於

俄羅斯又我之逃人根特木爾三佐領等悉應

索還如彼皆聽從則我亦歸彼逃人定疆界許

朔方備乘

卷八 北徼界碑考

四

貿易否則不與彼和

聖祖允之索額圖等率師啟行至喀爾喀境適喀爾喀

爲噶爾丹所襲舉部潰走報至謠傳索額圖等

全軍敗沒

聖祖亟遣侍衛夸塞關保等往追及之始知索額圖等

尙在因卽傳

旨令退駐內蒙古之喀倫以道阻緣由作書遣參領索

羅希等前往色冷格曉諭俄羅斯使臣費要多

羅等費要多羅答書稱已遣人由尼布楚赴京

聖祖隨召索額圖等還

臣秋濤謹案是役有漢理事官張鵬翮及常熟舉人錢良擇等同行張鵬翮著有使俄羅斯行程錄錢良擇著有出塞紀略皆記此次往返程途事迹然張錄竟云索羅和即索羅希等已定議而還則失其實矣

要多羅等由色冷格東至尼布楚

聖祖乃復命索額圖等率官兵仗由黑龍江水路溯流

赴尼布楚就議索額圖等奏請仍如前議以尼

布楚為界

聖祖諭曰今以尼布楚為界必不與鄂羅斯則彼遣使

貿易無棲託之所勢難相通爾等初議時仍當以尼

朔方備乘

卷八

北徼界碑考

五

布楚為界彼使臣若懇求尼布楚可即以額爾古納

為界索額圖等既抵尼布楚城與俄羅斯來使費要

多羅額禮克謝等會議斥其侵犯之非宣諭

聖天子好生德意費要多羅等歡呼誠服遂出其地圖

議明分界事宜共相盟誓永歸和好

臣秋濤謹案乾隆五

十八年黑龍江將軍明亮奏查明尼布楚雅克薩原委一摺內稱前經松鄂托與俄羅斯使臣議以雅克薩城內屬尼布楚城屬俄羅斯等語謹查康熙年間往議大臣並無松鄂托其人或云松鄂托即索額圖蓋黑龍江檔案以清字書之故譯漢對音有不同耳記以俟考

聖祖命王大臣等集議奏言應於議定格爾必齊河額

爾古納河諸地立碑以垂永久勒滿漢字及俄

羅斯字喇地訥字

臣秋濤謹案

一統志作喇弟內 盛京通志作拉梯

諾 蒙古字於上今雖與俄羅斯和好邊界已定

但各省有官兵駐防之例仍照前議於墨爾根

黑龍江等城設官兵駐防疏入

聖祖從之十二月丙子

命遣官立界碑於格爾必齊河諸地其碑曰

臣秋濤謹案碑文

一統志 盛京通志所載多誤今依 平定羅利方略其會典事例及徐元文集所載 字句異同 備注於下

朔方備乘

卷八

北徼界碑考

六

大清國遣大臣與鄂羅斯國議定邊界之碑

一將由北流入黑龍江之綽爾訥

臣秋濤謹案 一統志

徐元文集訥皆 作納通志作諾 即烏倫穆河相近格爾必齊

河 臣秋濤謹案 盛京通志作吉爾巴齊河 為界循此河上流不

毛之地有石大興安 臣秋濤謹案徐元文集 此下有嶺字非是辨見

後 以至於海凡山南一帶流入黑龍江之溪

河盡屬中國山北一帶之溪河盡屬鄂羅斯

臣秋濤謹案此依

平定羅利方略徐 元文集云凡嶺南一帶流入烏龍江之溪河

盡屬我界其嶺以北一帶之溪河盡屬鄂羅斯 斯國界字句微異而意則同會典理藩院典

屬清吏司云自興安嶺以至於海嶺以南為內地嶺以北為俄羅斯地又理藩院事例云康熙二十八年議准自興安嶺以至於海山之陽為內地山之陰為俄羅斯地皆節錄碑文之詞文雖異而意則同也惟乾隆初年所修碑文有石大興安以至於海凡山南一帶之溪河盡屬鄂羅斯語意與事理全相矛盾殊不可解臣秋濤詳細校勘始知刊本一統志於碑文山南二字下脫落流入黑龍江之溪河盡屬中國十二字又脫去山北二字遂致文意舛誤關繫匪細乾隆四十年重修盛京通志開關門載分界石碑全與一統志同惟云循此河上流不毛之地有石界興安以至於海凡山路一帶之溪河盡屬俄羅斯蓋覺其語意外錯稍為更易而未及校正不知碑文本自瞭然也附識於此以見校警之不可不慎云

朔方備乘

卷八

北徼界碑考

七

- 一將流入黑龍江之額爾古納河為界河之南岸屬於中國河之北岸屬於鄂羅斯其南岸之眉勒爾喀河口臣秋濤謹案一統志喀作客盛京通志作默
- 勒肯臣秋濤謹案所有鄂羅斯房舍遷移北岸臣秋濤謹案
- 統志移
- 一將雅克薩地方鄂羅斯所修之城盡行除毀
- 雅克薩所居鄂羅斯人民及諸物用盡行撤
- 往察漢汗之地臣秋濤謹案盛京通志作察罕汗
- 一凡獵戶人等斷不許越界如有二小人擅

自越界捕獵偷盜者即行擒拏送各地方該管官該管官照所犯輕重懲處或十人或十五人相聚持械捕獵殺人搶掠者必奏聞即行正法不以小故沮壞大事臣秋濤謹案一統志通志

一從前一切舊事不議外中國所有鄂羅斯之人及鄂羅斯所有中國之人仍留不必遣還一今既承相和好以後一切行旅有准令往來文票者許其貿易不禁

朔方備乘

卷八

北徼界碑考

八

- 一和好會盟之後有逃亡者不許收留即行送還臣秋濤謹案此條徐元文集與第五條合為一條蓋元文初擬之稿如是後經聖裁分為二條也
- 附錄擬撰分界碑序臣秋濤謹案崑山徐元文集中有分界碑前載此序考元文於康熙二十八年官大學士此碑蓋其所撰原擬序文後未鐫刻覽之足知歸嚮之情與聖德廣大並可考遠人互證因附錄於此
- 皇帝撫有天下殊方重譯罔不賓服師武既揚文教亦訖蕩蕩巍巍以成大一統之治惟鄂羅斯國在

黑龍江西北陞夙嘗通使效貢後其邊人弗戢
潛入雅克薩築城以處擾我屬部獵戶使我獵
戶弗甯厥居於是

廟謨柔遠先之以文告既不共命則移偏師攻其城克
之惟

皇帝德並天覆神武不殺所獲之俘悉縱悉遣且資之
舟車餼糧俾返其所王旅旣旋抄略未已用興
師復圍其城彼乃遣使講好請定疆域康熙二
十有八年夏

朔方備乘

卷八

北徼界碑考

九

皇帝遣領侍衛內大臣索額圖等至於尼布潮之地宣
布德意鄂羅斯國使者費岳多羅臣秋濤謹案
諸書皆作費
要多羅要
或作耀額里克謝等皆悅服相與畫疆定界
使我邊人與其國人分境捕獵期永永輯睦無
相侵軼約既定勒之貞石以昭大信垂諸久遠
專條列如左

附石大興安考

臣秋濤謹案分界碑文第一條云將由北流入
黑龍江之綽爾訥即烏倫穆河相近格爾必齊

河為界循此河上流不毛之地有石大興安以

至於海昔人多不解石大興安之語或改云大

興安嶺或改云有石界興安以至於海於界字

斷句以臣秋濤考之諸說皆非也蓋興安即邱

陵之名乃滿洲語也或譯作孟安或譯作興安

其實皆同蓋此嶺乃南北之大分水嶺坡陀漸

高不覺其峻故滿洲呼為興安以是知碑文石

大興安之下不必有嶺字至改大為界遷就其

說則尤為不知而作矣黑龍江外紀曰黑龍江

朔方備乘

卷八

北徼界碑考

十

省山為北障山之最大者曰內外興安嶺內嶺環
衛諸城外嶺限制俄羅斯岡巒起伏聯絡羣山
諸水多出其下考分界碑文循興安嶺至海凡
嶺陽流入黑龍江之溪河盡屬中國又侍郎圖
理琛異域錄言奉使土爾扈特出張家口六日
度興安嶺則嶺之東西懸亘約略可知臣秋濤
謹案興安嶺有內外之分外興安嶺遶黑龍江
之北其山脈西南自肯特山北分支東北入俄
羅斯界至尼布楚河源之北又東北入中國界

遠精奇哩江源欽都河源恒淡河源之北又東至大海內興安嶺卽自肯特山南遶黑龍江之南故黑龍江一省介乎內外二嶺之間也若圖理琛等所度之興安嶺則爲正黃旗察哈爾所屬地與此內外二興安嶺皆不相涉且異域錄言興安嶺處甚多出張家口於六月初三日度察哈爾之興安嶺最其近者由察哈爾又行十餘日至喀爾喀阿拉布坦王所屬巴顏布拉克地方此處係興安之上有一帶石山產金桃皮

朔方備乘

卷八

北徼界碑考

十一

樹此蓋內興安嶺之橫亘而西者也又行二日至西拉布里度又行一日至瀚海南界阿里哈林圖枯布爾又行一日至瀚海適中朱爾輝又行一日至瀚海北界哈囊布拉克又行三四日至那拉忒赤勞錄言地皆曠野惟此有山一處則瀚海中無山可知又行三日至達布蘇台又行三日地勢漸下七月初三日自鄂什欣布里度地方下興安嶺北界至汗山東邊枯爾布里度地方蓋卽汗山之東所謂東庫倫者也此蓋

外興安嶺由肯特山西行者山脈再迤而西則土拉河鄂爾渾河色楞格河皆出其北迤而又西則與杭愛山相連不復名興安嶺矣又行二日始至土喇河又行十日始至喀爾喀北界博拉地方色楞格河環繞山北又行一日至兩國接壤之蘇布克圖此蓋今之恰克圖附近地再北行二日始至俄羅斯之楚庫柏興皆不復言興安嶺蓋外興安嶺循黑龍江北岸爲中外之界至肯特山以西則外興安嶺轉在內地而嶺

朔方備乘

卷八

北徼界碑考

十二

北之色楞格河庫倫等處爲我喀爾喀土謝圖汗游牧地別以喀倫爲界不以外興安嶺爲界也且色楞格南岸卽元之和林故地元時設嶺北行中書省正指外興安嶺以北而言嶺北水皆北流入北海乃瀚海北之大界限也近刻瀛環志略繪圖自東海直至科布多皆以外興安嶺爲俄羅斯界是不知外興安嶺祇可爲黑龍江省之北界其土謝圖汗以西唐努山烏梁海及科布多等地接壤俄羅斯皆以他山爲界不

得概目為外興安嶺也至異域錄又云阿玉奇汗游牧地方西北兩面有佛兒格即厄濟兒河其厄濟兒河之西岸自薩拉托付以至勝紀斯湖又有俄羅斯屬之西喇喀穆什察里次噶喇斯諾岳爾綽爾那雅爾阿斯塔爾漢諸人柏興自城池柏興以至馬努托海地方西南一帶皆興安山嶺或疑此即外興安嶺橫亘而西直至西海也臣秋濤謹案阿玉奇汗游牧處在裏海之北所謂勝紀斯湖即裏海厄濟兒河即窩瓦

朔方備乘

卷八

北徼界碑考

十三

河窩瓦河東有烏拉河源出烏拉嶺烏拉嶺自蔥嶺分支北抵冰海嶺東之水東北流嶺西之水西南流烏拉河窩瓦河皆在烏拉嶺西皆西南流入裏海窩瓦河西之西喇喀穆什城即內府圖之錫拉哈米斯和屯也察里次噶喇斯城即內府圖之達里特薩拉斯和屯也諾岳爾綽爾城即內府圖之阿噶錫和屯也那雅爾城即內府圖之揚噶拉和屯也阿斯塔爾漢城即內府圖之阿斯達拉干和屯也凡此諸城悉在極

西其西南山脈與高加索山相連與黑龍江之外興安嶺相距在二萬里外何由相接哉或曰然則異域錄何以有興安山嶺之稱臣秋濤曰此正足證興安非山名乃滿洲語邱陵之名也土爾扈特阿玉奇汗本蒙古別部故呼裏海為勝紀斯湖蒙古語稱湖皆曰勝紀斯也圖理琛本葉赫人則其稱西喇喀穆什以西之山曰興安嶺無足怪者明乎此則分界碑文石大興安之語可以渙然冰釋已

朔方備乘

卷八

北徼界碑考

十四

附考格爾必齊額爾古納二界碑臣秋濤謹案方略言立界碑於格爾必齊河諸地則不止一處矣今輿圖共載二處其在格爾必齊河東岸者則

大清一統志

盛京通志皆載之其在額爾古納河南岸者則

欽定皇朝通志載之具錄其道里方隅於後

大清一統志曰分界石碑在齊齊哈爾城西北二千

五百里黑龍江城西北一千七百九十里格爾

必齊河口東岸

盛京通志曰分界石碑在吉爾巴齊河口東岸臣秋

濤謹案吉爾巴齊河即格爾必齊河也與圖云安巴格爾必齊河志云大格爾必齊河

欽定皇朝通志金石略云

御製與俄羅斯定約分界碑文康熙二十九年

國書行書俄羅斯蒙古捷提諾五種書額里古納

河摩崖臣秋濤謹案額爾古納河在齊齊哈爾城西北二千里源出呼倫湖北流八百

餘里入黑龍江河之北岸即俄羅斯界一統志通志不言有分界石碑蓋遺漏也

附分界盟約清文

朔方備乘

卷八 北徼界碑考

十五

西清黑龍江外紀曰格爾畢齊河源出興安嶺

南入黑龍江河口東岸有石勒清漢蒙古及俄

羅斯喇第諾五體字康熙二十八年所立分界

碑也余嘗從土人得分界盟約清文較世傳界

碑漢文微有異同

昭代掌故所關譯出以備參考其文云中國

大聖皇帝欽差分界大臣議政大臣領侍衛內大臣索

額圖內大臣都統一等公員員佟國綱都統郎

談都統班達爾善鎮守黑龍江等處將軍薩布

素護軍統領瑪喇理藩院侍郎溫達會同俄羅

斯察罕汗使臣俄昆尼等在尼布楚地方公議

得一將自北流入黑龍江之綽爾納即烏魯木

河附近之格爾畢齊河為界沿此河口之大興

安嶺至海凡嶺陽流入黑龍江之河道悉屬中

國其嶺陰河道悉屬俄羅斯惟烏地河以南興

安嶺以北中間所有地方河道暫行存放俟各

還國察明後或遣使或行文再行定議臣秋濤

藩院則例俄羅斯事例云一烏特河等處地方暫置為兩邊公中地方均不得侵佔居住查此

朔方備乘

卷八 北徼界碑考

十六

條係雍正五年議定烏特河一將流入黑龍江

之額爾古納河為界南岸屬中國北岸屬俄羅

斯其南岸墨里勒克河口現存俄羅斯廬舍著

徙於北岸一雅克薩地方俄羅斯所築城垣盡

行拆毀居民諸物悉行撤回察罕汗處一分定

疆界兩國獵戶不得越過如有一二宵小私行

越境打牲偷竊者拏送該管官分別輕重治罪

此外十人或十五人合夥執仗殺人劫物者務

必奏聞即行正法其一二入誤犯者兩國照常

和好不得擅動征伐一除從前一切舊事不議外中國現有之俄羅斯及俄羅斯國現有中國之人免其互相索還著即存留一兩國既永遠和好嗣後往來行旅如有路票聽其交易一自會盟日起逋逃者不得收納拏獲送還一兩國大臣相會議定永遠和好之處奉行不得違誤

附記界碑附近山川雜事

龍沙紀略曰艾渾在墨爾根東三百四十里鎮城在黑龍江西岸江之東有舊艾渾城相傳元

朔方備乘

卷八

北徼界碑考

七

黑龍衛城也自鎮城西北千一百里為雅克薩城舊址過此而西又千餘里今邊界立有界碑又曰按輿表黑龍江將軍境北至俄羅斯三千

里據卜魁言也俄羅斯自西北表延至正北為域甚廣今界碑在西北昂班格里必齊河之東而北有山為限又曰黑龍江在俄羅斯境內河之自西而東入江者九曰巴爾稽曰阿哈楚曰他爾巴哈泰曰圖魯泰曰他拉巴爾集曰特楞曰俄克碩曰俄

倫曰昂衣德河之自南而北入江者三曰撲拉訶集曰圖里格曰温多其自界碑橫而東也河之由西北而南入江者九曰阿集格格里必齊曰卓爾克奇曰昂班格里必齊曰俄羅曰倭爾多昆曰烏里蘇曰博倫穆達曰額爾格曰必勒覃自南而北入江者四曰鄂爾姑納河曰末河曰厄牧勒河曰旁庫河鄂爾姑納為俄羅斯界河故其名獨著

附記黑龍江巡察邊界事略

朔方備乘

卷八

北徼界碑考

六

龍沙紀略曰五月謂每年三城各遣大弁率百

人巡邊三城謂卜魁城墨爾根城艾渾城也臣秋濤謹案卜魁即齊齊哈爾城艾渾即

黑龍江城至鄂爾姑納河臣秋濤謹案即額爾古納河分界處也河以

西俄羅斯境察視東岸沙草有無牧痕防侵界

也往返各五六十日卜魁往者渡諾尼江臣秋濤謹案即

嫩江指西北過特爾姑爾峯興安嶺臣秋濤謹案此內興

安嶺涉希尼客河開拉里依木等河草路瀟漫無

轍迹辨方而行刻大樹皮以識歸路墨爾根往

者亦渡諾尼江西北過興安嶺盤旋層嶂中其

路徑爲易識艾渾往者從黑龍江溯流北上折而西過雅克薩城故墟至界碑

黑龍江外紀曰黑龍江與俄羅斯分界處歲以五六月間派齊齊哈爾墨爾根黑龍江協領各一員佐領驍騎校各二員共兵二百四十名分三路至格爾畢齊額爾古納默里勒克楚爾海圖等河巡視謂之察邊格爾畢齊額爾古納二河齊齊哈爾卓帳處也墨里勒克河墨爾根卓帳處也楚爾海圖河黑龍江卓帳處也每齊齊

朔方備乘

卷八

北徼界碑考

十九

哈爾協領與墨爾根協領會墨爾根協領與黑龍江協領會各書銜名月日於木牌瘞山上明年察邊者取歸以呈將軍副都統又各瘞木牌以備後來考驗此爲定例 又曰察邊之事歲於七月內咨報理藩院而邊界清謐例於年終專摺奏

聞至將軍惟新任者察邊餘不爾

龍沙紀略曰路多蝥如蜂其長徑寸天無風或雨後更熾行人嘗虛廬帳以納蝥而宿於外帶

十數齊下人始得食齧馬牛流血身股盡赤馬軼覓深草間見蝥高如邱知其必斃棄不顧矣此以下五條皆述 又曰囊餽糧於樹歸時取食之近頗爲捕生者所竊乃埋而識之 又曰渡河伐樹爲筏馬馮水以過

黑龍江外紀曰扎哈小船也較威呼尤輕捷裁受兩三人相傳墨爾根察邊者猝遇江漲協領那里勒泰以馬革爲扎哈徑渡其後預以樺皮爲之猶那遺法 又曰圖窪探路兵也官遠行

朔方備乘

卷八

北徼界碑考

二十

如察邊之類例有圖窪爲前導其精幹者馬上望之能測數里外有無泥水是否當迂路行亦一長也圖窪哨望之謂切讀成一字乃合

龍沙紀略曰興安嶺一曰新安嶺或曰葱嶺之支絡也盤旋境內數千里襟帶三江之左右爲眾流發源由卜魁至墨爾根艾渾置驛嶺上巡邊者渡諾尼江西北數百里則陟降取道松栢數十圍高窮目力穿林而行午不見日石色斑駁若趙千里畫幅間物有石洞洞中几榻天然

如琢行者開草得之藉少憇焉

臣秋濤謹案此指內興安嶺

又曰察哈巖峰在黑龍江東北隅山形如剖壁

面西南背東北峭削千尋根插江底土色黃赤

無寸草腰亘兩帶深黑火光出帶間四時騰熾

不絕大雨則煙煤入雨氣中延罩波上巡邊者

舟過其下續長竿取火為戲兩帶相去數丈許

竿止及下帶也山背萬木葱鬱藍翠異狀雖窮

冬不凋

臣秋濤謹案察哈巖峰在黑龍江城北九百里志乘不言其為火山得此可補

其闕

朔方備乘

卷八

北徼界碑考

三

黑龍江外紀曰察邊者既至格爾畢齊河瑪玉

爾先來謁待以賓禮明日請我官過其地盛設

酒肴極款洽意屋不甚高敞四面多窗無樁皆

嵌玻璃酒五色頗香清然限三爵不多進食則

用匕故我官宴瑪玉爾設挂麪瑪玉爾愛之難

於入口以彼俗不慣用箸也瑪玉爾俄羅斯官

名 又曰瑪玉爾來或與妻偕以喇嘛為侍從

跬步不離喇嘛深目高鼻鬚髮類西洋人官兵

望而遠之不與談 又曰將軍觀明初下車察

邊瑪玉爾過河來謁將軍不陳甲仗召與談帳

中後瑪玉爾見官兵稱將軍大人且有名一

錢我國盡知之語每官兵歸必傳語問將軍安

然則瑪玉爾亦異域之解事者歟

龍沙紀略曰俄羅斯居有城屋以板為瓦廊廡

隆起層疊望之如西洋圖畫耕以馬不以牛牛

千百為羣牧於野欲食牛則射而仆之曳以歸

邊卒攜一縑值三四金者易二馬煙草三四斤

易一牛

朔方備乘

卷八

北徼界碑考

三

黑龍江外紀曰官兵與俄羅斯問答以索倫蒙

古語亦有通其語者不過數句其人衷甲佩刀

髀至胫纏屬布坐皆伸足瑪玉爾冠上插物類

雞毛帚或即以是分爵秩其妻服衫甚長見通

草花印板畫易以皮毳殊珍重官兵緣以為利

龍沙紀略曰秋盡俄羅斯來互市或百人或六

七十人一官統之宿江之西居氊幕植二旗於

門衣冠皆織屬為之禿袖方領冠高尺許頂方

而約其下行坐有兵卒監之所攜馬牛皮毛玻

璃佩刀之類易縑布煙草薑椒饅餉諸物以去
黑龍江外紀曰按今互市法我兵一手持酒與
之飲一手攬其手中物酒盡物亦得或從而鞭
之不則酒爲騙去然其所有不過佩刀妝鏡鐵
盤樺皮斗及羔獺等皮而官兵利已三倍若墨
里勒克所得遠勝此地顧其人獷悍不易制故
官兵輜重皆納窖中以防竊蓋其人乃俄羅斯
之得罪戍邊者

龍沙紀略曰俄羅斯來文二函一彼國字一蒙

朔方備乘

卷八

北徼界碑考

三

古字貴官與商賈名悉載康熙丙申歲來文稱

察罕汗一千七百一十六年蓋遡自有城郭人

民始也

臣秋濤謹案此用天主教紀年耳諸家不知皆妄爲之說署銜具先

代官職於前重世祿也將軍以其文達兵部理

藩院

臣秋濤謹案以上皆黑龍江等處與俄羅斯交涉之事故附錄於此

附威伊克阿林界碑考

楊賓柳邊紀略曰威伊克阿林極東北大山也

上無樹木惟生青苔厚常三四尺康熙庚午與

阿羅斯分界

天子命鑲藍旗固山額真巴海等分三道往視一從亨

烏喇入一從格林必拉入一從北海遶入所見

皆同時方六月大東海尙凍遂立碑於山上碑刻滿洲阿

羅斯喀爾喀文臣秋濤謹案此事惟柳邊紀略

載之他書皆未記述檢

大清一統志

盛京通志皆不載威伊克山之名疑當在外興安

嶺極東北隅近北海處或疑康熙時本無立威

伊克山界碑之事楊賓草野傳聞未足爲據臣

朔方備乘

卷八

北徼界碑考

四

秋濤謹案楊賓係康熙時人親至黑龍江所記

必有所本我

聖祖神靈首出威加四海格爾必齊河界碑係在黑龍

江北岸額爾古納河界碑係在黑龍江南岸皆

在龍江一省之西北境其龍江省之東北隅表

延數千里斷無不立界碑之理則其勒石於威

伊克山有必然者後來龍江將弁巡邊者憚其

遙遠不復巡歷故幾至湮沒失傳耳

大清一統志

盛京通志皆止載格爾必齊一界碑而額爾古納界碑兩書皆未載至威伊克阿林界碑尤為遠地其失載也固宜今額爾古納界碑巍然尚存豈得以志乘失載之故而疑之乎謹附錄於此以備稽考

朔方備乘

卷八

北徼界碑考

三

朔方備乘卷八

舉人王樹枏初校
知縣吳壽坤覆校

朔方備乘卷第九

考三

北徼條例考敘

臣秋濤謹案禹貢有要服之文說者謂要服去王畿已遠其文法略於中國謂之要服者取要約之義特羈縻之而已昔契為司徒敬敷五教箕子治朝鮮設八條之約蓋邊裔之地治貴易簡自古然也北徼俄羅斯國在幽都極北漢唐以來或用兵撻伐或徒事羈縻從未有能設政令敷文教以治之者惟我

朔方備乘

卷九

北徼條例考敘

一

聖朝

深仁厚澤咸五登三舉凡海滋山陬靡不霑濡

德化自康熙二十八年與俄羅斯定黑龍江界立約

七條刻於豐碑至雍正五年定喀爾喀界立約

十一條合前為十八條至乾隆五十七年

恩准恰克圖市易復立約五條合前為二十三條二百

年來該國恪奉成規小心恭順實為從古所未

有至

京師建俄羅斯館以養喇嘛立俄羅斯學以教子弟皆著爲律令永遠遵行葢頒禁令則咸俾易知易從

需恩施則視如一家一體洵古帝王所未能盡行而創見於

太和翔洽之世者也謹具錄各條例爲一卷以見聖治之盛云

康熙二十八年與俄羅斯定黑龍江界立約七條

朔方備乘

卷九

北徼條例考

二

一將由北流入黑龍江之綽爾訥卽烏倫穆河相近格爾必齊河爲界循此河上流不毛之地有石大興安以至於海凡山南一帶流入黑龍江之溪河盡屬中國山北一帶之溪河盡屬鄂羅斯

一將流入黑龍江之額爾古納河爲界河之南岸屬於中國河之北岸屬於鄂羅斯其南岸之眉勒爾喀河口所有鄂羅斯房舍遷移北岸

一將雅克薩地方鄂羅斯所修之城盡行除毀雅克薩所居鄂羅斯人民及諸物用盡行撤往察漢汗之地

一凡獵戶人等斷不許越界如有一二小人擅自越界捕獵偷盜者卽行擒拏送各地方該管官該管官照所犯輕重懲處或十人或十人相聚持械捕獵殺人搶掠者必奏聞卽行正法不以小故沮壞大事仍與中國和好毋起爭端

朔方備乘

卷九

北徼條例考

三

一從前一切舊事不議外中國所有鄂羅斯之人及鄂羅斯所有中國之人仍留不必遣還

一今既永相和好以後一切行旅有準令往來文票者許其貿易不禁

一和好會盟之後有逃亡者不許收留卽行送還

雍正五年與俄羅斯定喀爾喀界會議通商定約十一條

一自定議之日始彼此各嚴飭所屬敦尙和睦

遵依定界各將屬下之人嚴行管束毋許滋事

一既經和好所有往事毋庸追論以前之逃人不
不必索取均聽其照常住留嗣後之逃逸者
兩邊均不准容留務須嚴行查拏送交各守
界之人

一恰克圖之小河溝地方有俄羅斯卡倫房間
鄂爾輝圖山上有中國卡倫鄂博於此卡倫
房間鄂博之中間分中設立鄂博為南北通

朔方備乘

卷九

北徼條例考

四

商之地由此地起分兩邊邊界之處迤東循
布爾固特依山梁至奇蘭卡倫自奇蘭卡倫
至齊克泰阿嚕奇都喀阿嚕哈當蘇此四卡
倫鄂博之基以此一路之楚庫河為邊界自
阿嚕哈當蘇至額伯爾哈當蘇卡倫鄂博自
額伯爾哈當蘇至察罕敖拉蒙古卡倫乃係
俄羅斯屬下所佔之地與中國蒙古卡倫之
鄂博將此兩間之空地照恰克圖地方分中
劃界近俄羅斯屬下人所佔之地如有山河

台噶以山河台噶為界近蒙古卡倫鄂博如
有山河台噶以山河台噶為界如無山河之
平明地面自正中分中設立鄂博為界自察
罕敖拉卡倫鄂博至額爾因訥河堤蒙古卡
倫鄂博之外另立鄂博為界自恰克圖鄂爾
輝圖兩間為界所立之鄂博迤西鄂爾輝圖
山特們庫珠渾之弼齊克圖霍碩果貝勒蘇
圖山庫克齊老圖黃果爾鄂博庸科爾山博
斯口棍咎山呼他海圖山科山梁布呼圖嶺

朔方備乘

卷九

北徼條例考

五

額古登昭山梁多什圖嶺克色訥克圖嶺固
爾弼嶺努克圖嶺額爾吉克塔喇噶克台噶
托羅斯嶺肯哲瑪達霍尼音嶺克木克木齊
克之博木沙弼奈嶺循此山梁由正中分中
劃界此間如有橫出之山河將山河橫斷分
中為界自沙弼奈嶺至額爾固訥河堤以山
之陽為中國山之陰為俄羅斯彼此屬下如
有不肖之徒偷入游牧佔地居住及蓋房居
住者查明各令移回本處邊地之人如有犬

牙相錯居住者亦查明各令收回本處肅清邊界其兩邊各取五貂之烏梁海仍令照舊各歸其主彼此各徵一貂之烏梁海自定界之日起將各取一貂之處永行停止

一中外既經通商其商人之數照原議之額不得過二百人間三年一次舉行伊等既係商人其供給食物盤費之處照舊例停止買者賣者均不徵稅商人到界時預將前來緣由呈明酌量派員迎入令其貿易如途次購買

朔方備乘

卷九 北徵條例考

六

駝馬糧食僱覓人工令其自行購買僱覓其管理貿易官弁等將屬下人妥爲管轄儻有爭端秉公辦理此隨行貿易之官弁既均係有職分之人均從重看待凡買賣之項不得阻止彼此禁止之物不准買賣儻有欲潛行留住之人無頭目之言不准容留若病故者伊所有之物交給各本國之人至中外通商外其附近邊界之地零星買賣在尼布楚色楞格二處擇平安地面蓋造住房令願往貿

易者前往貿易住房週圍牆柵量與修造亦不徵稅均由官定路徑行走如有繞道或赴他處貿易者將貿易貨物入官一體派員按名數撥兵同心守護

一京城之俄羅斯館嗣後惟俄羅斯之人居住其使臣薩瓦所欲建造之廟宇令中國辦理俄羅斯事務大臣在俄羅斯館建造現在京居住喇嘛一人其又請增遣喇嘛三人之處著照所請俟遣來喇嘛三人到時亦照前來

朔方備乘

卷九 北徵條例考

七

喇嘛之例給予盤費令住此廟內至俄羅斯等依本國風俗拜佛念經之處毋庸禁止再薩瓦所留在京學藝之學生四名通曉俄羅斯拉替努字話之二人亦令在此處居住給與盤費養贍

一彼此移送文卷印信最爲緊要中國行俄羅斯之公文仍照從前用理藩院印信咨行俄羅斯薩那特衙門俄羅斯行中國之公文用俄羅斯國薩那特衙門及托博勒城守尉印

信臣秋濤謹案托博勒城即托博爾異域錄作托波兒乃錫伯利部總管噶噶林所駐也咨行中國理藩院衙門其餘近邊地方偶

有偷竊逃亡等事行文時中國在邊之圖什業圖汗王俄羅斯在邊之城守尉各用畫押鈐印公文為憑由圖什業圖汗王咨俄羅斯公文由俄羅斯咨圖什業圖汗王公文其送文之人由恰克圖一路行走

一烏特河等處地方暫置為兩邊公中地方均不得侵佔居住

朔方備乘

卷九

北徼條例考

八

一設立邊界頭目凡事務須秉公辦理速行完結如懷私推諉貪黷等情各按本國刑律治罪

一兩地奉差大小使臣因公事到邊時說明因何事前來係何等人在邊候信聽候迎接俟迎接之文到時均給予驛站廩給照看進界到時給與住房支放廩餼遇非貿易之年不得進來貿易如有緊急事件差驛夫一二人將帶來執照給守邊官員驗明免其呈報即

差人看待給與廩餼馬匹彼此文移差人之

事最為緊要不得稍有遲誤推諉嗣後彼此

移文時如有將差人勒措並不即行令回推

諉遲滯不給回文既非和議之道於遣使貿

易有礙暫為停止俟事明後方准照舊貿易

一嗣後凡各卡倫遇有持軍器強劫者無論傷

人未傷人一經拏獲務將被獲之人嚴究其

由何處出卡倫同夥幾人審明暫行看守由

本卡倫章京等一面將所供出之卡倫踪跡

朔方備乘

卷九

北徼條例考

九

交查外並將未獲賊名交付查拏一面呈報各管卡倫之扎薩克台吉俄羅斯頭目等即會同扎薩克頭目即赴該處審明出具緣由呈報辦理邊務大臣出派賢能品級較大之員遣赴該卡倫會同該扎薩克頭目等覆審仍呈報辦理邊務大臣強劫屬實無分首從係中國人報理藩院斬決係俄羅斯人報薩那特衙門斬決將此應斬人犯拏赴各邊界處斬首示眾賊騎之馬匹鞍轡軍器給拏獲

賊犯之人以示鼓勵所竊牲畜馬匹物件給付失主外仍一倍罰十倍如當時未能弋獲先將踪跡查明將彼此坐卡倫之章京等調齊詳驗失事處所及屍傷並生傷傷痕各書手記即著落該卡倫章京予限一月查拏逾限不獲各呈報辦理邊務處將應罰之馬匹牲畜物件即於承緝不力之卡倫章京兵丁名下一倍罰取十倍如有未帶軍器行竊者當時拏獲鞭一百示眾賊騎之馬匹鞍轡給

朔方備乘

卷九 北徼條例考

十

拏獲賊犯之人以示鼓勵其所竊馬匹牲畜物件給付失主外初次一倍罰取五倍二次者一倍罰取十倍三次者即照強盜例辦理如當時未獲查其踪跡係由某卡倫之處或給文書或給號記其承緝賊犯即著落某卡倫之章京兵丁緝捕予限一月弋獲時鞭一百示眾所竊馬匹牲畜物件之數日照現時拏獲賊犯之例以次罰取卡倫官兵逾限未獲應罰馬匹牲畜物件即於承緝不力之卡

倫官兵名下按一倍五倍罰取兩邊之人收得逸失馬匹牲畜即取和交還各該卡倫如當時未獲查看逸失馬匹牲畜踪跡或行文或給號記五日內尋得此馬匹牲畜按原色給還若逾限收留隱藏不給或後來將遺失馬匹牲畜內認出一二各卡倫章京呈報辦理邊務處行文領取將原失牲畜給付外仍一匹罰取二匹如無文憑持械越邊者雖未行竊未殺人一經拏獲所帶器械鞍馬均給

朔方備乘

卷九 北徼條例考

十一

拏獲賊犯之人以示鼓勵如越邊打牲被獲所得牲畜器械鞍馬並給拏獲之人以示鼓勵該犯鞭一百示眾如未帶軍器越邊被獲時卡倫章京頭目詢明若實係迷路者各卡倫章京頭目即派人送原卡倫處交明如在樹林山窪隱藏形迹可疑拏獲時馬匹鞍轡並給原拏之人以示獎勵仍鞭五十示眾凡人犯應責者中國人照例鞭責俄羅斯人杖責

一 此次議定互相給與之憑文使臣薩瓦用俄

羅斯文字兼書拉替努文字鈐印畫押交中

國大臣存貯中國大臣用滿洲文字兼寫俄

羅斯拉替努文字鈐印畫押交俄羅斯使臣

薩瓦存貯將此文刷印通諭在邊人等知之

乾隆五十七年遵

旨與俄羅斯定約五條

一 恰克圖互市於中國初無利益

大皇帝普愛眾生不忍爾國小民困窘又因爾薩那特

朔方備乘

卷九 北徼條例考

三

衙門籲請是以

允行若復失和罔再希冀開市

一 中國與爾國貨物原係兩邊商人自相定價

爾國商人應由爾國嚴加管束彼此貨物交

易後各令不爽約期即時歸結勿令負欠致

起爭端

一 今爾國守邊官皆恭順知禮我游牧官率相

稱好爾從前守邊官皆能視此又何致兩次

妄行失和以致絕市乎嗣後爾守邊官當慎

選賢能與我游牧官逐順相接

一 恰克圖以西十數卡倫爾之布里雅特哈里

雅特不法故致有烏呼勒咱之事今爾國宜

嚴加禁束杜其盜竊

一 此次通市一切仍照舊章已頒行爾薩那特

衙門矣兩邊民人交涉事件如盜賊人命各

就近查驗緝獲罪犯會同邊界官員審訊明

確後本處屬下人由本處治罪爾處屬下人

由爾處治罪各行文知照示眾其盜竊之物

朔方備乘

卷九 北徼條例考

三

或一倍或幾倍罰賠一切皆照舊例辦理

俄羅斯事例

臣秋濤謹案以下諸條見理藩院則例又按則例內尚有

俄羅斯交界通商各條例即雍正五年所定之十一條也茲不復載

增纂

恰克圖部員回賞俄羅斯禮物准其覈銷

一 俄羅斯致送恰克圖部員禮物其回禮准酌

量彼處應用顏色綢緞賞給仍呈明庫倫辦

事大臣查覈報銷

臣秋濤謹案此條嘉慶五年議准

增纂

獎懲卡倫官員兵丁

一喀爾喀四部落在俄羅斯邊界駐守卡倫之

扎薩克參領章京驍騎校等如經歷三年巡

防妥善該卡座並無盜賊事故各賞給紀錄

二次五年期滿時再各賞加一級其統稽邊

卡之扎薩克等五年期滿如果統稽嚴密各

卡座並無事故各賞加一級科布多烏里雅

蘇台之駐卡官兵年滿時該管卡座如無盜

賊等事亦各賞給紀錄二次若遇有盜賊之

朔方備乘

卷九

北徼條例考

十四

事將該員等應得加給紀錄扣抵其四部落

駐卡兵丁於三年內巡防妥善者每名賞亮

梭布一對每對作價銀一兩磚茶二塊每塊

作價銀二錢黃烟一包每包作價銀一錢如

三年內遇有事故將玩誤之卡倫官員兵丁

併扎薩克記檔停其賞賜治罪此項賞需於

公務之便由口北道庫支領銀兩在庫倫恰

克圖購辦分賞至每年應賞俄羅斯瑪玉爾

等級正等物應用銀三十九兩六錢亦由口

北道庫支領統造具細冊移咨戶部查覈秋

溥謹案此條嘉慶十五年奏准

增纂

俄羅斯偷竊馬匹奏明請

旨

一俄羅斯男婦私行逃出越界經沿邊地方拏

獲後訊無別情遣人送回僅有夥眾偷竊馬

匹等事奏明請

旨臣秋濤謹案此條乾隆四十五年定例

朔方備乘

卷九

北徼條例考

十五

增纂

恰克圖卡倫十年巡查一次

一恰克圖東西兩邊所設卡倫自嘉慶八年為

始責令駐劄庫倫辦事大臣每屆十年輪流

親往稽查一次往查之時豫將肅清邊界查

驗鄂博各緣由詳明曉諭俄羅斯人等凜遵

臣秋濤謹案此條嘉慶七年定例

增纂

內地與俄羅斯交界

一黑龍江與俄羅斯地方相近以格爾必齊河

為界自大興安嶺至海山之陽為內地地界

山之陰為俄羅斯地界臣秋濤謹案此條康熙二十八年定例已

前見

增纂

內地民人與俄羅斯分界居住

一俄羅斯人所居近山河者以山河為界無山

河之空地設立鄂博為界自東邊之額爾古

納河以內至額爾哈當蘇卡倫外空地從

朔方備乘

卷九 北徼條例考

七

中平分如有偏出偏入交錯居住之人彼此

查明令各移於界內居住以齊邊界臣秋濤

條雍正五年定例

增纂

俄羅斯交界黑龍江所屬卡倫官兵分班更

換

一內地與俄羅斯連界之珠爾台等十二卡倫

駐劄官兵作為三班三月一換臣秋濤謹案

十八年議准又案珠爾台即珠爾特依卡倫也

增纂

俄羅斯私越邊界拏獲治罪

一俄羅斯私越邊界潛至精奇里烏拉等處捕

貂行走者行文尼布楚城守尉查拏治罪如

城守尉查拏不嚴行文該國外併將城守尉

治罪臣秋濤謹案此條康熙三十二年覆准

增纂

俄羅斯等准其在恰克圖貿易

一俄羅斯等除在恰克圖地方交易外其霍尼

朔方備乘

卷九 北徼條例考

七

邁拉呼卡倫俱不准通商若由薩訥特衙門

行文時即將原文報明理藩院聽候辦理臣

濤謹案此條嘉慶二年奏定

增纂

查驗貿易執照

一內地商民出邊與俄羅斯互相貿易至卡倫

時查驗部給執照覈其車輛駝隻數目相符

另給執照至恰克圖時該駐劄司員再行查

驗如無執照不准入市交易臣秋濤謹案此

條乾隆四十五

年議
准

理藩院則例 軍政

舊例

軍器等物不准賣與俄羅斯等處

一內外各扎薩克蒙古等不得將盛甲弓箭軍

器賣給俄羅斯及額魯特回子人等若有偷

賣并遺送親戚或被獲或被入拏獲首告者

已未管旗王貝勒貝子公扎薩克台吉塔布

囊等罰俸一年無俸台吉塔布囊罰馬五十

朔方備乘

卷九

北徼條例考

六

匹平人為首者擬絞監候籍沒其產畜為從

者鞭一百罰三九牲畜抄罰之產畜俱賞給

拏獲首告之人若奴僕首主令其出離主家

臣秋濤謹案此條
係乾隆七年議准

理藩院則例附錄

司員筆帖式外差

恰克圖管理買賣事務司員一員 每日廩給銀一兩由院咨

戶部支領
三年更換

庫倫管理買賣事務司員一員 每日廩給銀一兩由院咨戶部

支領三
年更換

庫倫管理印房事務司員一員筆帖式二員司

員 每日廩給銀一兩由院咨戶部支領筆帖式每
日廩給銀一兩由該處印房支領均三年更換

護送換班俄羅斯筆帖式一員 事畢旋
京不駐

右駐劄司員均由院揀選擬定正陪帶領引

見補放筆帖式由堂官僉派

司員筆帖式內差

俄羅斯館監督一員

俄羅斯學提調官一員

朔方備乘

卷九

北徼條例考

六

均係堂官僉派

俄羅斯館助教

一俄羅斯學生到京時令其在俄羅斯館居住

咨取國子監滿洲助教一員漢助教一員在

館教習清漢文字

考試八旗俄羅斯學生文義

一八旗學習俄羅斯文義學生考試等第作為

五年一次考列頭等者作為八品官考列二

等者作為九品官考列三等者交該學勤加

教誨由八品官復行考列頭等者作為七品
官由七品官考列頭等者作為主事分部學
習行走遇缺即補

領催出差

一庫倫辦事大臣處設立領催三名管理商民
事務司員衙門設立領催一名恰克圖司員
衙門設立領催一名均由院出派三年更換
一駐京俄羅斯之達喇嘛學生等每屆十年換
班派領催一名隨同筆帖式送至恰克圖往

朔方備乘

卷九

北徼條例考

三

返照料其俄羅斯不服水土送回本處毋庸
出派領催前往

司屬職掌

一典屬清吏司承辦俄羅斯來往事件駐京俄
羅斯學生支領衣服銀兩庫倫恰克圖等處
駐劄司員筆帖式等任滿更換

一司務廳承辦挑補俄羅斯館館夫等事

吏役定額

一本院俄羅斯館除揀派領催輪班到館照料

外額設館夫二名專承應看守館門不准閒
人濫入等事缺出招募挑補

朔方備乘

卷九

北徼條例考

三

朔方備乘卷九

拔貢張惇德初校
知縣勞乃宣覆校

朔方備乘卷第十

考四

北徼喀倫考敘

臣秋濤謹案尙書有慎固封守之文周官有掌固司險之職漢制邊郡皆設亭障此卽

國朝邊境安設喀倫所由昉也更番候望之所曰臺

國語謂之喀倫亦作卡倫又有稱卡路喀龍者皆播譯對音之轉也北徼喀倫之設始於雍正五

朔方備乘

卷十

北徼喀倫考敘

一

年郡王策凌伯四格侍郎圖理琛等會同俄羅斯使臣薩瓦勘定疆界並設喀倫五十九座極東之十二喀倫就近屬黑龍江將軍統轄輪派索倫官兵戍守迤西之喀倫四十有七以喀爾喀四部屬下蒙古按其游牧遠近每喀倫安設章京一員率領兵丁皆令攜眷戍守其對面俄羅斯亦一體安設喀倫所有兩面喀倫適中隙地蒙古語謂之薩布石堆曰鄂博凡薩布處所皆立鄂博爲界間有叢林無可堆石卽削大樹

鑄記是時庫倫尙未派駐大臣凡喀倫事務俱

係辦理夷務之喀爾喀王統轄至乾隆二十七年始設

欽差大臣駐庫倫專理恰克圖貿易事自是以後喀爾喀四十七喀倫分屬於庫倫烏里雅蘇台而烏

梁海平後科布多增設喀倫準噶爾平後塔爾巴噶台伊犁增設喀倫一如前制且加派侍衛

分駐巡查所以固封圉而昭慎重也謹考各處喀倫後多添設如

朔方備乘

卷十

北徼喀倫考敘

二

盛京通志載黑龍江另設之十五喀倫所以防禦

俄羅斯來路蓋已增於十二喀倫之數其他添置之處皆關繫北徼防維不可或略至若新疆

等處開齊布克申之制尤爲周密蓋我國家威靈遠振版圖日見式廓則規制日覺精詳

謹臚列於篇以備覽觀云
黑龍江將軍所屬各喀倫

珠爾特依喀倫

黑龍江外紀作珠爾特伊在額爾古納河東岸喀倫北有伊穆河西北流入額爾古納河額爾古納河卽呼倫湖之委其上源實克魯倫河也

呼倫池通志云特尼河在布特哈西四百四十里當即此也

崇古林谷口喀倫 一作崇古林口 一作冲固嶺山溝

墨爾根河喀倫 一作默勒肯河口 一作墨爾根河口 其河在呼倫貝爾城

北六十餘里西北流入開拉哩河

阿爾噶圖谷口喀倫 一作阿爾噶圖河口 一作河爾坡圖山溝

喀喇鄂索谷口喀倫 一作錫蘭鄂索河口 一作喀喇俄索山溝

薩奇勒圖山喀倫 一作薩爾奇特山 一作薩爾奇圖山

開拉哩河翁昆喀倫 一作凱喇爾河 按開拉哩河在齊齊哈爾城西

北六百九十里源出西北興安嶺

朔方備乘 卷十 北微喀倫考 五

温都爾額塔蘇喀倫 一作開拉哩河温都爾額塔蘇 一作翁庫按温

都爾山在呼倫貝爾城西北三百二十里

烏蘭昂阿喀倫 一作烏蘭綱安

布拉克圖舍哩喀倫 一作布拉克圖 一作布喇克圖泉

摩該圖舍哩喀倫 一作墨會圖泉

托勒輝圖舍哩喀倫 一作拖洛會圖

鄂勒圖舍哩喀倫 一作俄爾托布喇克泉

以上十五喀倫係在呼倫貝爾城東北

黑龍江外紀 盛京通志則云在游牧處北面又關郵門云從東境至北境

拒俄羅斯來路隸呼倫貝爾副都統專轄每處駐防官一員領兵設守每月一更

特穆德赫喀倫 一作特穆得黑在齊齊哈爾城西南五十五里

温托琿喀倫 一作温托昏在特穆德赫西南七十五里喀倫南有温托昏泊

臣秋濤謹案黑龍江外紀載此喀倫屬布特哈或同名異地也

多鼐喀倫 一作多奈在温托琿西南七十五里

塔勒哈喀倫 一作塔爾哈在多鼐西南七十五里喀倫南有塔爾哈泊

古魯喀倫 一作庫魯在塔勒哈西南六十七里

烏蘭諾爾喀倫二處 在古魯西南五十五里

朔方備乘 卷十 北微喀倫考 六

托馨喀倫 一作墨馨 一作謨心在烏蘭諾爾西南四十五里

四家子喀倫 通志未詳里至

阿拉克泰喀倫 通志云蒙古語阿拉克泰花花搭搭也未詳里至

拜塔拉喀倫 通志云國語拜塔拉用之也未詳里至

以上十一喀倫係在齊齊哈爾城境內

清謹案此十一座見盛京通志關郵門設有官兵駐防統於

黑龍江將軍

拉哈鄂佛羅喀倫 通志未詳里至

温德亨喀倫 通志未詳里至

蘇克台蘇蘇喀倫通志云 國語蘇蘇籍貫也未詳里至

以上和倫部喀倫三處均在齊齊哈爾城

境內臣秋濤謹案此三座見盛京通志關郵門設有官兵駐

防統於黑龍江將軍

莽鼐喀倫

三合清文鑑云莽鼐蒙古語山額也未詳里至

綽羅喀倫

通志云綽羅勒山在呼倫貝爾東二百四十一里疑即此

博爾齊勒喀倫

外紀未詳里至

以上三喀倫亦在齊齊哈爾城境內臣秋濤謹案此三座盛京通志不載今依黑龍江外紀補入外紀云又有茂興等十二喀倫

朔方備乘

卷十

七

蓋臺站亦稱喀倫也此不具錄隸齊齊哈爾城副都統專轄

諾敏河巴延和羅喀倫

諾敏河源出墨爾根城西與安嶺東南流

五百餘里入嫩江喀倫在諾敏河旁有巴延和羅山處

甘河商和哈達喀倫

甘河源出西北與安嶺東北流五百餘里入嫩

江喀倫在甘河旁有商和哈達山處

伊拉喀喀倫

在喀穆尼東北四十二里又東北至墨爾根城七十里

喀穆尼喀倫

一作喀木尼喀在博爾多東北四十三里

博爾多喀倫

一作博多爾在拉哈東北六十里

拉哈喀倫一作喇哈在甯年東北八十里

甯年喀倫一作甯尼顏在塔拉爾東北七十五里

塔拉爾喀倫在齊齊哈爾城東北六十里

以上八喀倫係在墨爾根城境內臣秋濤謹案此

八座見盛京通志關郵門設有官兵駐防隸墨爾根

城副都統專轄

塞楞額山喀倫

臣秋濤謹案塞楞額山當即靈阿山在墨爾根城東南六十里

喀穆尼峯喀倫

在黑龍江城東南一千一百里

朔方備乘

卷十

八

以上和倫部喀倫二處係在墨爾根城境

內臣秋濤謹案此二座見盛京通志關郵門設有官兵駐防

隸墨爾根城副都統專轄

庫爾爾河喀倫

庫爾爾河在黑龍江城東南一千一百六十里源出與安

嶺西南流入黑龍江

諾敏河喀倫

通志云諾敏河在齊齊哈爾城東北二百七十里源出與安嶺東

南流五百餘里入嫩江此與呼爾所屬之諾敏河同名異地通志又云墨爾根城西

至內與安嶺諾敏河源三百里當即設喀倫處

喀布齊勒峰喀倫

通志云喀布齊勒峯在墨爾根城西北三十里即此

綏楞額山喀倫臣秋濤謹案疑即前塞楞額山喀倫譯漢文異誤分爲二

也俟考

布爾札木喀倫外紀未詳里至

以上五喀倫亦在墨爾根城境內臣秋濤謹案此

五座盛京通志不載今依黑龍江外紀補入外紀尙有喀木尼峯喀倫一處已見

通志故隸墨爾根城副都統專轄

巴拉畢喇昂阿喀倫通志云巴爾河在齊齊哈爾城東七百五十里

源出與安嶺東南流入混同江當卽此也

伊瑪畢喇昂阿喀倫通志云伊瑪河在齊齊哈爾城西北一千八百

朔方備乘

卷十

北徵喀倫考

九

五十里源出西北興安嶺西流入額爾古納河

精奇哩江喀倫一作淨溪里江源出北興安嶺南流會欽都鐵牛翁額等

河至愛瑋城北入黑龍江或作淨理溪者誤也

烏魯蘇穆丹喀倫一作烏魯蘇木丹在黑龍江城西北有城其城南濱

黑龍江

科洛爾喀倫一作和羅爾在墨爾根城東北七十五里

喀塔奇喀倫一作喀爾塔爾在科洛爾東北七十六里

庫墨勒喀倫一作庫穆爾在喀塔奇東北八十五里

額葉爾喀倫一作額裕爾在庫墨勒東北二十五里

以上八喀倫係在黑龍江城境內臣秋濤謹案此

八座見盛京通志關郵門

設有官兵駐防隸黑龍江城副都統專轄

紐勒們河喀倫外紀作牛曼河口卽牛滿河在黑龍江城東北一千六百

里源出東北興安嶺又黑龍江城東南亦有紐勒們河蓋同名異地也

遜河口喀倫外紀作孫河口按孫河源出西興安嶺在黑龍江城南一百八

里十

訥默爾河源喀倫外紀作訥墨爾河在墨爾根城南一百七

十里源出東南興安嶺西流入嫩江

朔方備乘

卷十

北徵喀倫考

十

以上和倫部喀倫三處係在黑龍江城境內臣秋濤謹案此三座見

盛京通志關郵門設有官兵駐防隸黑龍江副都統專轄

烏魯蘇灣喀倫在黑龍江城西北三百二十里卽黑龍江中流環繞之灣

也臣秋濤謹案此與烏魯蘇穆丹蓋卽一地外紀誤分爲二

畢喇拉河口喀倫卽畢拉河在黑龍江城東北一千二百二十里又通

志云布特哈境西北五百二十里有畢拉河下流入努敏河與此名同地異

黑龍混同兩江會口喀倫在黑龍江城東南兩江匯流處黑龍

江自西北來混同江自西南來合於喀倫之東其東岸有山曰阿克他拉山

以上三喀倫亦在黑龍江城境內臣秋濤謹案此

三處盛京通志不載今依黑龍江外紀補入外紀尚有牛曼河口等三喀倫已見通志茲隸黑龍江城副都統專轄不復載

喀爾開圖喀倫通志哈勒噶圖山在齊齊哈爾城東三百五十里即此

烏爾布齊喀倫臣秋濤謹案外紀云布特哈爾有土城因山起伏西去數千里直達木蘭土人謂之烏爾科亦曰古長城當即設喀倫處

吉爾吉哈諾爾喀倫吉爾吉哈諾爾乃布特哈爾境內小泊也未詳里至

温托琿喀倫臣秋濤謹案通志温托琿河在齊齊哈爾城西南一百三十里北徼喀倫考

朔方備乘

卷十

十一

又有温托琿池在城南三百里是同名異地之顯證志載温托琿喀倫屬齊齊哈爾而外紀載布特哈有此喀倫今兩存之以俟考

喀喇山喀倫臣秋濤謹案外紀云齊齊哈爾西北四十里有喀喇屯蓋屯因

山為名也

以上五喀倫係在布特哈駐防境內臣秋濤謹案此五處盛京通志不載今從黑龍江外紀補入又通志載布特哈城喀倫六處與此不同而外紀亦未言其所以互異之故今附錄六喀倫之名以備參考曰烏魯蘇穆丹喀倫曰巴拉畢喇昂阿喀倫曰伊瑪畢喇昂阿喀倫曰庫爾喀倫曰諾敏河喀倫曰科卜齊勒喀倫以上各名有與外紀所記他城所轄之喀倫同名者疑

有移設改隸而外紀未之詳也今亦不敢臆定謹識於此隸布特哈總管專轄

有移設改隸而外紀未之詳也今亦不敢臆定謹識於此隸布特哈總管專轄

珊延富勒哈喀倫外紀未詳里至

綽羅河口喀倫通志碩羅河在呼蘭城東二百六十里即此

諾敏河口喀倫臣秋濤謹案黑龍江省境內水名諾敏者有數處皆同名異地此河又名納敏河在呼蘭城西北其水南流入呼蘭河

布勒噶里喀倫外紀未詳里至

以上四喀倫係在呼蘭城境內臣秋濤謹案此四處

朔方備乘

卷十

十二

附載黑龍江與喀爾喀車臣汗分界各喀倫

喀卜齊哈圖喀倫通志關郵門作喀布齊哈圖會典作哈布齊罕圖黑龍江外紀作喀布齊海圖在霍爾津池西

阿拉勒圖喀倫一作阿喇爾圖在喀卜齊哈圖南

扎拉喀倫一作扎喇布爾奇勒一作吉拉在阿拉勒圖南

布爾克圖喀倫一作布拉克爾一作布喇克爾一作布爾克爾在扎拉南喀魯倫北岸

和爾哈圖喀倫一作瑚爾哈圖一作闕爾海圖一作呼爾罕圖在布爾克倫河南岸

和爾哈圖喀倫一作瑚爾哈圖一作闕爾海圖一作呼爾罕圖在布爾克倫河南岸

哈薩圖喀倫一作哈沙圖一作海沙圖在和爾哈圖南

音辰喀倫一作音沁一作音撤在哈薩圖東南

阿嚕布拉克喀倫一作阿魯布札克在音辰東

穆敦哈薩圖喀倫一作墨敦哈沙圖一作莫敦海沙圖在阿嚕布拉克

東喀倫東南濱貝爾湖之西北隅

扎穆呼都克喀倫一作扎密霍都克一作查末在穆敦哈薩圖北喀倫

東臨鄂爾遜河

貝爾布隆德爾蘇喀倫一作布爾布隆德爾蘇一作布伊爾布隆德爾素一作貝爾布隆德爾在扎穆呼都克東北喀倫東臨鄂爾遜河南倚都蘭

朔方備乘

卷十 北徼喀倫考

三

山哈拉

鄂爾遜河烏蘭昂阿喀倫一作鄂爾順烏蘇剛愛一作俄爾孫

河一作烏爾順河在貝爾布隆德爾蘇東南按喀爾喀河自貝爾湖流出曰鄂爾遜河亦作鄂爾順河

北流注於呼倫湖

額布都克喀倫在鄂爾遜河烏蘭昂阿東南喀倫西南有喀爾喀河

拉們罕布爾都哩喀倫一作拉們哈布爾都哩一作希林霍都克

一作西林瑚都克在額布都克東南喀倫西南有喀爾喀河

烏默克依布拉克喀倫一作額布爾布喇克一作額布爾布拉克

在拉們罕布爾都哩東南喀倫西南有喀爾喀河

納爾蘇喀倫一作納爾蘇圖在烏默克依布拉克東南

以上十六喀倫係在呼倫貝爾西南說本黑龍

江外黑龍江與喀爾喀車臣汗分界處每

二處駐防官一員每處派兵設守一月一

更臣秋濤謹案此十六喀倫雖不與俄羅

斯境壤相接然地距邊界甚近實為北徼

要衝故特設喀倫以示防微杜漸之義茲

附載於此以備檢閱

臣秋濤謹案

朔方備乘

卷十 北徼喀倫考

古

盛京通志曰黑龍江徼外境壤牙錯地無邊牆各

處俱設喀倫所以防禦俄羅斯每年四五月

間經將軍派協領三員佐領六員驍騎校六

員兵二百四十名分三路前往楚爾海圖句

默哩納克句格爾畢齊河口額爾古訥河口

等處巡察遇有越境之俄羅斯即行捕送將

軍請

旨辦理觀此定制用昭我

聖朝慎固疆圉戢兵安民之至意敬附識於此其巡

界之事仍詳
載界碑考

庫倫辦事大臣所屬各喀倫臣秋濤謹案庫倫以西各喀倫名載

在會典事例內府輿圖及各書者往往譯字不同茲擇其習見之名載之而錄他書一作於下其會典本書中亦有互異者均詳錄以備參考

枯布勒哲庫喀倫一作科博爾集庫一作庫布勒哲庫東與黑龍江屬

之察罕鄂拉喀倫相望西至蒙克托羅蓋約六十里

蒙克托羅蓋喀倫一作孟克托羅海一作孟克陀羅蓋西至哲格勒它

音五十里

哲格勒它音喀倫一作澤倫圖一作哲格勒圖西至孟格几各六十里

朔方備乘

卷十

北徼喀倫考

五

喀倫東南有察罕淖爾西有達布遜淖爾

孟格几各喀倫一作茂格集格一作孟格集格西南至華鄂博果六十五里

里

華鄂博果喀倫一作花鄂博果一作鄂博圖西北至鄂凌圖九十五里

倫東北有扎達海淖爾北有伊瑪爾和河

鄂凌圖喀倫一作烏林圖一作鄂凌土西至托爾羅克二百里喀倫南有伊

瑪爾和河

托爾羅克喀倫一作多爾魯漢西至土爾克能六十里伊瑪爾和河在喀

倫西達流其南

土爾克能喀倫一作圖爾齊訥一作圖爾克納西北至托克托爾四十里

喀倫東有伯爾克水西有額穆圖水

托克托爾喀倫西至呼林納爾素四十里喀倫南有珠齊河

呼林納爾素喀倫一作和林訥拉蘇一作和南有珠齊河東

四十里喀倫南有珠齊河東南有小泊曰僧都爾圖克

托蘇克喀倫一作托素克圖一作托素克一里珠齊河源即

在喀倫之東

夥爾秦喀倫內府圖作莽克忒努克疑有遷改非此地也一作夥爾沁一作

和爾秦泰當是秦字之謬西南至博爾克七十五里

朔方備乘

卷十

北徼喀倫考

六

博爾克喀倫一作伯爾克西南至烏爾和特七十五里

烏爾和特喀倫一作烏爾胡特一作烏勒混西北至巴彥阿都爾噶一百

二十里

以上十四喀倫均在敖嫩河之東敖嫩河即黑龍

江上源也係喀爾喀車臣汗部所設有專管喀

倫扎薩克一員此十四喀倫地多平坦喀

倫以外係俄羅斯界喀倫以內駐有庫什

固爾兵二百名以資巡防係車臣汗所屬

庫什固爾蒙古語猶云保障也

巴彥阿都爾噶喀倫 內府圖作塔本托羅海疑有遷改非此地也西

南至阿嘎
楚九十里

阿嘎楚喀倫 西至齊勒博爾八十里
喀倫東臨阿嘎楚河

齊勒博爾喀倫 一作集爾伯勒一作集爾博
爾西南至集爾渾九十里

集爾渾喀倫 一作齊爾混西至
庫木里八十里

庫木里喀倫 一作庫謨里一作庫木哩西南
至哈蘇魯克八十里喀倫西臨

庫謨
里河

哈蘇魯克喀倫 一作哈蘇拉科一作阿魯蘇
魯克西南至阿仍烏五十里

喀倫西臨鄂博
爾哈蘇拉科河

朔方備乘

卷十

七

阿仍烏喀倫 一作阿欣阿一作阿興阿西至
庫野五十里喀倫西臨阿欣阿

庫野喀倫 西北至明几五十里
喀倫西臨庫野河

明几喀倫 西北至烏雅勒喀四百二十
里庫謨里河源在喀倫東

烏雅勒喀喀倫 一作烏呀勒嘎西北至庫得
里三百五十里喀倫北臨楚

庫
河

庫得里喀倫 一作庫德里西南至奇克泰
九十五里喀倫北臨楚庫河

奇克泰喀倫 一作齊科台一作齊克泰一作
齊克達西至奇蘭一百里喀倫

西臨齊科台河臣秋濤謹案內府圖奇克
泰之東尚有阿魯齊都勒喀倫又東尚有

阿魯齊當蘇喀倫理藩院則例亦載此二
喀倫為中國地惟會典事例不載今附存
其名
於此

奇蘭喀倫 一作齊蘭一作奇林西南至薄拉
九十五里喀倫東臨齊蘭河又有

齊蘭
淖爾

薄拉喀倫 一作布拉克西至恰克圖六
十五里喀倫南臨布拉河

以上十四喀倫均在敖嫩河之西恰克圖

之東 臣秋濤謹案恰克圖亦作必齊科圖
在貝勒蘇圖山之東南其西臨色楞

格河北與俄羅斯之
都爾班喀倫為界 係喀爾喀土謝圖汗

部所設有專管喀倫扎薩克一員喀倫以

朔方備乘

卷十

六

外係俄羅斯界自敖嫩河迤西一帶多山

且多叢林僅有恰克圖為通衢大路自恰

克圖至庫倫連亘八百餘里一路扼要有

色楞格大河東岸聯岡自此迤南直至袞

圖達巴罕其間或有峽溝或有叢樹諸險

隘皆屬天然洵要鎮也

臣秋濤謹案車臣汗土謝圖汗兩部喀倫

事務屬庫倫大臣管理仍派有總管兩部

喀倫之蒙古扎薩克一員由庫倫北行十

一站至恰克圖為俄羅斯與中國互市處約有八百餘里前庫倫大臣松筠曰俄羅

斯久沐

皇仁可信其永遠恭順況各扎薩克屬下額兵俱善

圍獵鎗箭本其所長俄羅斯馬少且無習

射者固不敢入即其或入亦不足當沿途

一圍耳

臣秋濤又案恰克圖邊外迤東有哈木尼

罕部落習俗與邊內哲布尊丹巴胡土克

朔方備乘

卷十 北徼喀倫考

九

圖屬下打牲之哈木尼罕同又有柰瑪爾

部落習俗與邊內巴爾呼同皆隸俄羅斯

為之防守邊境核其地域當在以上二十

八喀倫之外附記於此

烏里雅蘇台將軍所屬各喀倫

察罕烏蘇喀倫 一作察漢烏蘇 一作查罕烏蘇 東至恰克圖九十五里西

至哈拉呼几 爾九十五里

哈拉呼几爾喀倫 一作哈拉胡集爾 一作哈拉呼集爾 西北至哈布塔

海九十五里喀倫 西臨哈拉呼集爾河

哈布塔海喀倫 一作哈博塔克西北至濟爾格岱一百五十里喀倫南臨澤

勒圖 勒河

濟爾格岱喀倫 一作集爾格特 一作集爾格 武一作几爾格代西至鄂爾

多果二百一十里喀倫東臨 布爾胡努克河西臨車集河

鄂爾多果喀倫 一作鄂爾多和西至特穆倫 七十五里喀倫東有額爾多

和河東流入 澤勒圖勒河

特穆倫喀倫 一作特木倫西南至額林沁拉 木九十五里喀倫東有努拉河

額林沁拉木喀倫 一作額林沁西北至阿勒 混博勒爾九十五里喀倫

東有努 拉河

朔方備乘

卷十 北徼喀倫考

十

阿勒混博勒爾喀倫 一作阿拉渾博勒爾西 至鄂依拉噶一百五十里

喀倫西有阿拉 渾博勒爾河

鄂依拉噶喀倫 西至達爾沁圖九十五里 喀倫西有鄂依拉噶河

達爾沁圖喀倫 一作達爾秦吐西南至庫克 托羅蓋八十五里喀倫西有

達爾沁圖河其北為 烏梁海二佐領牧地

庫克托羅蓋喀倫 一作庫克陀羅蓋 一作庫 克它羅蓋西南至哈特呼

勒卜木一百五十里喀 倫南有庫克陀羅蓋河

哈特呼勒卜木喀倫 一作哈特呼爾西南至 博爾特斯二百里喀倫

北有庫蘇古爾泊西 與南皆臨額赫河

以上十二喀倫均在恰克圖迤西係喀爾

喀賽音諾顏部所設有專管喀倫扎薩克

一員喀倫以外東偏係俄羅斯界西偏係

烏梁海二佐領游牧外接俄羅斯界

博爾特斯喀倫一作伯爾圖斯一作博爾圖

里喀倫北有章哈山山北為扎薩

察罕布隆喀倫一作察漢布隆一作查罕布

喀倫南有德勒格爾河河北有陶托

阿噶里喀倫一作阿哈里一作阿噶哩西南

朔方備乘

卷十

北徼喀倫考

三

有德勒格爾河又北有唐努

灑巴利喀倫一作錫巴爾一作錫巴里西至

齊噶勒喀倫一作齊哈爾一作齊爾勒西至

哈起克喀倫北有唐努山扎噶泊南臨戈壁

巴彥布拉克喀倫一作得爾古烏占巴顏布

科布多所屬近吉里克喀倫一作津濟里克一作金集里

倫界喀倫東北有扎噶泊

以上七喀倫均在唐努山迤南係喀爾喀

扎薩克圖汗部所設有專管喀倫扎薩克

一員喀倫以外係唐努山烏梁海及哲布

尊丹巴胡土克圖所屬烏梁海扎薩克圖

汗部所屬烏梁海賽音諾顏部所屬烏梁

海各游牧境之廣狹自數百里至千餘里

不等游牧以外方接俄羅斯界

臣秋濤謹案賽音諾顏扎薩克圖汗兩部

喀倫事務屬烏里雅蘇台將軍管理仍派

有總管兩部喀倫之蒙古扎薩克一員又

朔方備乘

卷十

北徼喀倫考

三

案自恰克圖邊外迤西有布哩雅特部落

習俗與邊內喀爾喀相似蓋蒙古別部也

布哩雅特部迤西有哈哩雅特部落習俗

與邊內唐努山烏梁海同蓋烏梁海別部

也皆隸俄羅斯為之防守邊境核其地域

當在以上十九喀倫之外附記於此

科布多參贊大臣所屬各喀倫

近吉里克喀倫一作津濟里克一作金集里

倫北有納林河

額爾遜喀倫 一作特斯卓額爾孫呢博爾齊

噶勒台八十里喀倫 一作額爾沁西至薩木

薩木噶勒台喀倫 一作色墨爾特衣一作薩

一百十里喀倫東

阿拉克鄂博喀倫 一作阿拉克西至鄂爾濟

臨古爾班錫博爾

鄂爾濟呼布拉克喀倫 一作鄂爾吉和布拉

至齊齊爾噶那一百十

齊齊爾噶那喀倫 一作齊齊爾噶納一作齊

朔方備乘

卷十

三

那西北至漢達蓋圖一百四十里喀倫西

南臨烏布薩泊有特俚河出喀倫東逕喀

漢達蓋圖喀倫 一作罕達該圖一作漢達蓋

羅沁格格圖七十里喀倫東臨托

博羅沁格格圖喀倫 一作博羅依樓噶一作

博羅依樓格吐西南至博陀羅尼

博陀羅尼霍壘喀倫 一作博托過尼豁壘西至

烏魯克諾爾一百四十

烏魯克諾爾喀倫 一作鄂魯克淖爾西至齊

倫西臨淖爾其南

齊格爾素台喀倫 一作棲格爾蘇特依西至

喀倫北有根德克圖泊南有布克

哈韜烏里雅蘇台喀倫 一作哈叨烏里雅蘇

百五里喀倫西有戴舒爾泊東臨烏

哈克諾爾喀倫 西至索果克六十里喀倫西

爾泊南為杜爾伯特右翼十

索果克喀倫 一作索克郭圖博爾齊爾噶倫

西南有索郭克

朔方備乘

卷十

三

衛霍爾喀倫 一作尾古爾淖爾一作謂火爾

尾古爾淖爾

噶魯圖喀倫 一作噶樓圖淖爾依一作噶爾

倫北臨噶

烏科克喀倫 一作烏克克西北至沁達垓圖

喀倫南遠

沁達垓圖喀倫 一作沁達噶圖博爾齊爾一

西至烏爾魯一百二十里

烏爾魯喀倫 一作鄂爾魯衣鄂烏蘇西至昌

嶺

昌吉斯台喀倫

西至那林一百十里喀倫西

有圖拜山臣秋濤謹案乾隆四十八年八月科布多參贊大臣海甯奏稱昌吉斯台卡座投到俄羅斯男婦五十九人據稱係巴爾納郭城居民因俄

羅斯舊例即首俱以二指後改三指實屬忌諱遂率領戶口逃出巴爾納郭城在雅

扎瓦地方耕種業已二十餘年但在二國之間殊非久遠之計不若投入大國圖沐

皇恩請即安插科布多城南欽奉高宗純皇帝訓旨按戶賞給盤

費好言撫諭飭令回巢即此喀倫也

那林喀倫

夏季安設一作納林色欽喀倫西至庫爾阿吉爾噶一百里有那林

河亦名烏庫爾烏蘇河源出喀倫之東逕其北西入額爾齊斯河

朔方備乘

卷十

三

塔木博勒濟爾喀倫

冬季安設在昌吉斯台之南喀倫東南有納齊

庫河發源南入額爾齊斯河上游

庫爾阿吉爾噶喀倫

夏季安設一作胡拉阿爾噶一作枯蘭阿吉

爾噶一作枯蘭河濟爾噶西至和尼邁拉虎九十里

噶勒濟爾巴什喀倫

冬季安設在塔木博勒濟爾西南額爾齊斯河

上游北岸宰桑淖爾之東喀倫西有塔爾巴哈爾河

和尼邁拉虎喀倫

夏季安設一作和尼邁拉呼一作和尼邁拉額爾齊斯河隔河與輝邁拉

瑪尼士噶圖勒喀倫

冬季安設在噶勒濟爾巴什西額爾齊斯河上

游北岸宰桑淖爾之東喀倫西有哈雅爾巴斯河

以上二十三喀倫以冬夏移設之喀倫合計則為二十三若分計

之則為二十六喀倫均屬科布多參贊大臣管理由喀爾喀四部扎薩克選派台吉章京帶領

兵丁分駐戍守一年一換官給錢糧所有總管喀倫侍衛由

京師派往三年更代又接近吉里克喀倫之外有

克木克木齊克烏梁海迤西有阿爾泰淖爾烏梁海又西有阿爾泰烏梁海各游牧

爾烏梁海又西有阿爾泰烏梁海各游牧

塔爾巴哈台參贊大臣所屬各喀倫

輝邁喇虎喀倫一作輝邁拉虎一作輝邁拉齊斯河西岸與東岸科布多所屬夏季安設之和尼邁拉虎喀倫東西相望西南至

札哈蘇淖爾八十里

札哈蘇淖爾

札哈蘇淖爾喀倫西南至策克德

策克德克果勒喀倫西南至喜泥

喜泥烏蘇喀倫在策克德克果勒西南自喀

南行四十餘里

至干濟罕莫多

朔方備乘

卷十

三

干濟罕莫多喀倫 在喜泥烏蘇東南其北臨

所匯自喀倫東南行

至哈喇布拉喀倫 南至特穆爾綽

特穆爾綽爾霍喀倫 西南至哈達

哈達蘇喀倫 西南至回爾班烏里雅蘇圖六

俄羅斯人在哈達蘇喀倫外向哈薩克台
吉罕巴爾索討安集延人口伊犁將軍晉
昌遣協領哈芬布前往查辦哈芬布出喀
倫外數十里安設帳房摘傳俄羅斯安集
延頭目數人面為開導令兩
造公議償還即此喀倫也

固爾班烏里雅蘇圖喀倫 南至博洛呼

朔方備乘 卷十 北微喀倫考 三

博洛呼濟爾喀倫 西南至板廠

板廠溝喀倫 在博洛呼

哈瑪爾達巴罕喀倫 在板廠溝西烏

烏里雅蘇圖喀倫 在塔爾巴哈台城北七十

里自喀倫東北行三十里

至楚呼楚山根又向東

南行至板廠溝三十里

以上十三喀倫均係夏季安設是為塔爾

巴哈台東路喀倫 隸領隊大臣專管

瑪妮圖噶圖勒干喀倫 在額爾齊斯河上游

南岸宰桑淖爾之東

自喀倫西至鄂倫布

鄂倫布拉克喀倫 西南至烏里雅

烏里雅蘇圖喀倫 與夏季安設之喀倫同名

異地此喀倫在鄂倫布拉

克西南又西南至

俄棟果勒喀倫 西南至烏蘭

烏蘭布拉喀倫 西南至布爾噶

布爾噶蘇台喀倫 西南至博勒

博勒濟爾喀倫 西南至錫伯圖

錫伯圖喀倫 西南至塔爾巴

朔方備乘 卷十 北微喀倫考 三

以上八喀倫均係冬季安設是為塔爾巴

哈台東路喀倫 隸領隊大臣專管

臣 秋濤謹案夏季所設之輝邁喇虎喀倫

北面微外與俄羅斯接界蓋沿額爾齊斯

河西岸以達彼境也其附近塔爾巴哈台

城各喀倫西微外均與哈薩克接界然哈

薩克並無城郭越哈薩克境即俄羅斯計

距綏靖城所屬內地不過四五百里之遙

斯譏察防閑兼及羅利固不僅以控臨蘇

對設此戎索已

附載塔爾巴哈台西南各喀倫

巴克圖喀倫 在塔爾巴哈台城西七十里西南至瑪妮圖六十里

瑪妮圖喀倫 西南至沙拉布拉克九十里

沙拉布拉克喀倫 西南至察罕托海九十里

察罕托海喀倫 西南至額爾格圖八十里

額爾格圖喀倫 西南至巴爾魯克九十里

巴爾魯克喀倫 西南至莫多巴爾魯克九十里

莫多巴爾魯克喀倫 西南至阿魯沁達蘭一百里

阿魯沁達蘭喀倫 在莫多巴爾魯克西南自此南至伊犁所屬之哈布

朔方備乘

卷十

北微喀倫考

三

塔海喀倫一百二十里

以上八喀倫均在阿拉克圖古勒淖爾之東踰淖爾即哈薩克游牧哈薩克之外則

俄羅斯也是為塔爾巴哈台西路喀倫以專理游牧領隊大臣一員兼管焉凡塔爾

巴哈台所屬喀倫由京師派侍衛管理三年更代

附載伊犁將軍所屬各喀倫

沙喇布拉克喀倫 春季添冬季撤在惠甯城西北一百一十里東北至

朔方備乘

塔勒奇喀倫 常設東北至干珠罕一百一十里

塔勒奇七十里

干珠罕喀倫 常設西北至察哈爾屬之碩博圖六十里

庫庫哈瑪爾喀倫 春季添冬季撤在惠甯城東北八十里

畢齊克圖喀倫 春季添冬季撤在庫庫哈瑪爾東北六十里

庫庫鄂囉木喀倫 春季添冬季移開里沁在惠甯城東北一百八十里

鄂博勒齊爾北達巴罕喀倫 春季設冬季移博羅布爾噶蘇

東與哈什圍場交界

固勒札渡口喀倫 常設在惠甯城東南三十里伊犁河北岸

博羅布爾噶蘇喀倫 冬季由鄂博勒齊爾北達巴罕移設在惠甯城

東一百四十里

闕里沁喀倫 冬季由庫庫鄂囉木移設在惠甯城東北三十餘里

以上各喀倫均係惠甯城領隊大臣所轄

內常設喀倫三座 有二座係由京派侍衛管理 移設喀倫二座 按移設喀倫隨時易地雖地名有

只計二座 添撤喀倫三座 後仿此

固爾班扎海喀倫 常設一作固爾班托海在惠遠城西南七十里西至

朔方備乘

卷十 北微喀倫考 三

安達拉 七十里

安達拉喀倫 常設西至沙巴爾托海七十里

沙巴爾托海喀倫 春季設秋季移察罕托海西至托里七十里

托里喀倫 春季設夏季移額木訥察罕烏蘇秋季移托賴圖西至瑪哈沁布拉克五

克五 十里

瑪哈沁布拉克喀倫 春季設夏季移輝圖察罕烏蘇秋季移額哩音

莫多西至春 稽八十里

春稽喀倫 常設西南至塔木哈八十里

烏里雅蘇圖喀倫 夏季添秋季撤東北至沙爾托海西南至額木訥

朔方備乘

卷十

北徽喀倫考

三

察罕烏蘇 六十里

額木訥察罕烏蘇喀倫 夏季由托里移設西至輝圖察罕烏蘇六十

里

輝圖察罕烏蘇喀倫 夏季由瑪哈沁布拉克移設西至塔木哈六十

里

塔木哈喀倫 春季設秋季移察林河東北至春稽九十里

察罕托海喀倫 秋季由沙巴爾托海移設西南至沙巴爾托海八十里西

北至托賴 圖七十里

托賴圖喀倫 秋季由額木訥察罕烏蘇移設西至沙喇托羅海八十里

沙喇托羅海喀倫 秋季添冬季撤西南至額哩音莫多一百里

額哩音莫多喀倫 秋季由輝圖察罕烏蘇移設西南至頭勒克六十里

頭勒克喀倫 秋季設春季移厄魯特營之巴噶塔木哈夏季移塔木哈色沁

東南至春稽九十里西 南至察林河口四十里

察林河口喀倫 秋季由塔木哈移設東至春稽四十里

塔木哈色沁喀倫 夏季由巴噶塔木哈移設在塔木哈西南河口

大橋喀倫 常設在惠遠城東南一百一十里

以上各喀倫均係錫伯營領隊大臣所轄

內常設喀倫四座移設喀倫五座添撤喀

朔方備乘

卷十

北徽喀倫考

三

倫二座

舊霍爾果斯安達拉喀倫 春季添冬季撤在惠遠城西北一百

二十里西北至齊齊罕安達拉六十里

齊齊罕安達拉喀倫 春季添冬季撤西北至霍爾果斯九十里

霍爾果斯喀倫 常設北至齊齊罕二十里

齊齊罕喀倫 常設北至奎屯三十里

奎屯喀倫 常設西北至博羅呼濟爾一百二十里

博羅呼濟爾喀倫 常設西南至崆郭羅鄂倫一百二十里

崆郭羅鄂倫喀倫 常設東南至輝發七十里

輝發喀倫 常設東北至霍爾果斯七十里南至河岸五十里

河岸喀倫 冬季添夏季撤在伊犁河北岸

奎屯色沁喀倫 冬季添夏季撤西北至博羅呼濟爾二十里

以上各喀倫均係索倫營領隊大臣所轄

內常設喀倫六座 均係由京派侍衛管理 添撤喀倫

四座

干珠罕布拉克安達拉喀倫 春季添冬季撤在惠遠城東北

二百九十里東北至烏蘭布喇七十里

烏蘭布喇喀倫 常設東至綽倫古爾一百二十里

朔方備乘

卷十 北徵喀倫考

三五

綽倫古爾喀倫 春季添冬季撤東至達爾達木圖五十里

達爾達木圖喀倫 常設北至札克鄂博八十里

札克鄂博喀倫 常設西北至哈布塔海八十里

哈布塔海喀倫 常設東北至音德爾圖四十里

音德爾圖喀倫 春季添冬季撤西至烏柯克六十里

烏柯克喀倫 常設西至沁達蘭六十里

沁達蘭喀倫 常設西至索達巴罕五十里

索達巴罕喀倫 常設西至沖庫克四十里

沖庫克喀倫 常設西至喀喇烏珠爾一百二十里

喀喇烏珠爾喀倫 春季添冬季撤西至阿爾濟圖哈瑪爾四十里

阿爾濟圖哈瑪爾喀倫 春季添冬季撤西至木魯魯四十里

木魯魯喀倫 春季添冬季撤西至沙喇布魯克三十里

沙喇布魯克喀倫 春季添冬季撤西南至察奇爾圖呢蓋八十

察奇爾圖呢蓋喀倫 春季添冬季撤西南至庫庫托木一百里

庫庫托木喀倫 常設西南至察罕烏蘇八十里

察罕烏蘇喀倫 春季添冬季撤東南至雅瑪圖八十里

雅瑪圖喀倫 春季添冬季撤東至鄂托克賽哩安達拉一百四十里

鄂托克賽哩安達拉喀倫 春季添冬季撤東至碩博圖四十里

朔方備乘

卷十 北徵喀倫考

三五

碩博圖喀倫 春季添冬季撤東南至干珠罕六十里

以上各喀倫均係察哈爾營領隊大臣所轄

內常設喀倫九座 有五座由京派侍衛管理 添撤

喀倫十二座

特穆爾哩克喀倫 春季添冬季移鄂博圖渡里北至特穆爾哩克渡口九十里

特穆爾哩克渡口喀倫 冬季添夏季撤西至雅巴爾布拉克六十

里

雅巴爾布拉克喀倫 冬季添夏季撤西至鄂博圖五十里

鄂博圖喀倫 冬季添夏季撤西南

鄂博圖渡口喀倫 冬季由特穆爾哩克移設東至雅巴爾布拉克六十

里西至額爾

額爾格圖喀倫 冬季添夏季撤西南

札拉圖喀倫 冬季添夏季撤東南

哈爾干圖喀倫 夏季添冬季撤東南

齊齊罕圖喀倫 夏季添冬季撤東

庫圖勒喀倫 夏季添冬季撤東北至特穆爾

格根喀倫 鄂爾果珠勒七十

朔方備乘

卷十

三

鄂爾果珠勒喀倫 夏季添冬季撤西南

哈爾奇喇喀倫 夏季添冬季撤東至

沙喇雅斯喀倫 夏季添冬季撤東南至

特克斯色沁喀倫 常設東至敦達哈

敦達哈布哈克喀倫 常設東至伊克哈

伊克哈布哈克喀倫 常設東至察

察察喀倫 常設東至那林

那林哈勒噶喀倫 夏季添冬季撤東與

巴噶塔木哈喀倫 春季添夏季撤東北至錫

里

察林河渡口喀倫 冬季添夏季撤東北至錫

里

察林河察罕鄂博喀倫 冬季添夏季撤南至

格根西哩克喀倫 夏季添冬季撤在鉛廠外

銅廠外喀倫 夏季添冬季撤在惠

烏努古特喀倫 春季設冬季移昌曼在惠遠

特四

那喇特喀倫 夏季添冬季撤東北至

朔方備乘

卷十

三

博爾柯阿滿喀倫 夏季添冬季撤

昌曼喀倫 冬季由烏努古特移設東北至烏

里

綽羅圖喀倫 秋季添冬季撤西南

博托木喀倫 秋季添冬季撤西南

拜布喇克喀倫 秋季添冬季撤西南

垓爾巴特喀倫 秋季添冬季撤與

以上各喀倫均係厄魯特營領隊大臣所

轄內常設喀倫四座移設喀倫四座添撤

喀倫二十四座

伊犁河口喀倫常設在惠遠城南伊犁河北岸

達爾達木圖喀倫春季添秋季撤在錫伯營所轄沙巴爾托海西南一百餘里

以上各喀倫均係伊犁營務處專轄內常

設喀倫一座添撤喀倫一座

臣秋濤謹案伊犁塔爾巴哈台地處極邊

分設喀倫所以控制邊內外游牧諸部也

然邊內之土爾扈特和碩特厄魯特等涵

朔方備乘

卷十

北徼喀倫考

七

詠

聖化共安熙皞即邊外之哈薩克布魯特等歲納租

馬供調遣亦與內地藩部無異惟俄羅斯

地在哈薩克以外勢漸強盛其距我喀倫

雖尚有千數百里遠近不等而哈薩克諸

部皆無城郭遷徙不常是以俄羅斯人竟

可直至喀倫之外如嘉慶年間有俄羅斯

向哈薩克人索取安集延人口之事即係

至塔爾巴哈台喀倫之外由伊犁將軍奏

明辦理其明驗也然則紀北徼喀倫之設

即伊犁等處亦不容或略矣爰詳考道理

遠近添撤移改之故備著於篇

朔方備乘

卷十

北徼喀倫考

美

朔方備乘卷十

知縣吳壽坤初校
知縣勞乃宣覆校

朔方備乘卷第十一

表五

北徼形勢考敘

臣秋濤謹案中國之北古稱幽都難以詳考禹貢冀州不言北界說者謂其北境大抵以沙漠為限然無確據至秦漢以後北築長城則沙漠之南且不能有無論漠北也遼金雖起自龍江吉林之境然北境未能及大興安嶺其西如黠戛斯之屬皆為屬國則喀爾喀以北亦同羈縻元代建設藩封地屆冰海而尾大不掉日尋干戈至明人力弱地狹不能及遠更無論已惟我

朔方備乘

卷十一

北徼形勢考敘

一

德隆萬古

聖朝

化洽九垓東至莫曳西迄碎葉舉鴻荒以來不賓之地悉入版圖北邊萬里與俄羅斯為鄰馨感聖化恭順逾常所謂守在四夷也更何須效漢唐諸儒區區講地利論形勢哉惟是邊防之事有備無患謹考北邊鎮戍之大者自最東迄於最西

日吉林省日庫葉島日三姓日黑龍江省日黑龍江城日呼倫貝爾日庫倫日烏里雅蘇台日車臣汗日土謝圖汗日三音諾顏日扎薩克圖汗日唐努山烏梁海日科布多日塔爾巴哈台日伊犁凡十有六處各詳論其形勝而以俄羅斯形勢考三篇附於後庶言邊務者有所考焉

吉林省形勝

吉林為東三省之一在 京師東北二千三百餘里古肅慎氏地漢挹婁北朝勿吉隋靺鞨唐

朔方備乘

卷十一

北徼形勢考

二

燕州等為渤海所據遼甯江州金肇州信州及率賓等路地元海蘭府明分設各衛所後屬

本朝初設將軍於甯古塔後移吉林而別設吉林

甯古塔白都訥阿勒楚喀三姓各副都統以佐其治論者第以吉林北接龍江南輔遼瀋為東方四達之衢不知其地域廣遠東至庫葉島跨海外數千里東北至赫哲費雅喀部落延袤三千餘里接俄羅斯境重關巨局捍衛天府實為東北第一雄鎮不僅遠迎長白近繞松花稱形

勝之美也

庫葉島形勝

東三省中吉林所轄地最廣吉林所屬中三姓副都統所轄地最廣會典分三姓所轄為一圖曰海以外圖則庫葉島地也庫葉雖一洲島幅頓千里為混同江口外大護沙其間捕牲部落曰庫葉曰費雅喀曰俄倫春歲時貢貂皮於吉林環庫葉之島大小數十詳庫葉附其崇山則近諸島考有圖克蘇圖音格繩之屬其名川則有博和畢

朔方備乘

卷十一

北徼形勢考

三

郭多和之屬其地四圍皆海北控俄羅斯南控日本拱護海口屹然為東三省保障是庫葉島之形勝也臣秋濤謹案此地隸於三姓副都統因地瘠民淳從前未專設大臣鎮守若生齒日繁似亦宜加屯戍以重邊防也

三姓形勝

自混同江口以西溯流而上抵三姓城皆三姓副都統所屬地其北境大山老林直接俄羅斯界凡數千里會典分為三姓所屬海以內圖蓋東北抵海西北抵外興安嶺其嶺南所出之水

自索倫河以東皆小川東入海自噶穆河以西

為哈滾河恆滾河格楞河諸大川皆南入混同

江其境北控俄羅斯南接甯古塔萬山環疊雄

障東陲是三姓之形勝也臣秋濤謹案三姓地界遼遠而通志敘其疆域殊未明晰如云東至佛楞窩集六百餘里甯古塔界而不言東至庫葉島云北至吉潭河四百餘里黑龍江界而不言北至俄羅斯皆舉其細而遺其大至云東北至威哈珠河吉林界不知三姓在吉林東北由三姓東北抵大海皆三姓所屬地乃云係吉林界可乎惟嘉慶年間重修大清會典地圖開載

詳明臣秋濤謹依以立說焉

黑龍江省形勝

黑龍江為東三省之一在 京師東北三千三

百餘里古肅慎氏遺墟漢鮮卑魏勿吉隋黑水

靺鞨唐黑水府宋契丹遼上京金蒲與路元開

元路明朶顏衛皆其地也我

朝初入版圖屢為俄羅斯屬部羅利所侵掠

聖祖遣使宣諭仍負固乃發大軍由吉林水陸並進逼

所踞尼布楚城等納款乞盟以興安嶺為界於

是東南至吉林西至蒙古喀爾喀車臣汗部北

至俄羅斯廣輪數千里鎮以重臣屯以勁旅以

朔方備乘

卷十一

北徼形勢考

四

黑龍江為東三省之一在 京師東北三千三百餘里古肅慎氏遺墟漢鮮卑魏勿吉隋黑水靺鞨唐黑水府宋契丹遼上京金蒲與路元開元路明朶顏衛皆其地也我朝初入版圖屢為俄羅斯屬部羅利所侵掠聖祖遣使宣諭仍負固乃發大軍由吉林水陸並進逼所踞尼布楚城等納款乞盟以興安嶺為界於是東南至吉林西至蒙古喀爾喀車臣汗部北至俄羅斯廣輪數千里鎮以重臣屯以勁旅以

齊齊哈爾為省會而墨爾根黑龍江呼倫貝爾布特哈呼蘭五城隸之二百餘年來與吉林奉天為唇齒屹然稱重鎮

黑龍江城形勝

黑龍江 國語曰薩哈連烏喇初為都會因以名省嗣將軍移駐齊齊哈爾而黑龍江城設副都統以莅其治今通稱其地為愛呼以附近有愛琿古城轉琿為呼也城在齊齊哈爾東北八百里所轄之境甚廣凡外興安嶺發源之溪河

朔方備乘

卷十一

北徼形勢考

五

南入混同黑龍二江者皆其境也自恆滾河以東歸三姓副都統轄牛滿河以西如欽都河精奇哩江皆名川也雅克薩城烏魯蘇穆丹城愛琿城皆昔年要鎮也均在轄內北至俄羅斯界凡二千里其地勢則左枕龍江右環興嶺允為東省屏藩北門鎖鑰是黑龍江城之形勝也

呼倫貝爾城形勝

呼倫貝爾一作呼倫布爾通稱海蘭兒蓋其地有池一曰呼倫一曰貝爾官軍屯駐二池間

因以名地而謂之海蘭兒則指凱喇爾一河亦音轉也昔遼太祖金甌一箭定都茲土所謂上京臨潢府諸蹟雖已無存稽之史冊宋人奉使契丹固嘗往來斯地則拘墟之士動謂江塞從古不通中華其謬可知地在齊齊哈爾西北八百四十里東至吉爾起克山西南皆接蒙古喀爾喀車臣汗境西北二百二十里為額爾古納河與俄羅斯接壤其地勢則北控俄羅斯南撫喀爾喀山河險固並重龍江是呼倫貝爾城之

朔方備乘

卷十一

北徼形勢考

六

形勝也

庫倫形勝

庫倫在汗山之北距 京師二千八百八十里自庫倫北行凡十有二站而達於恰克圖為通俄羅斯互市之道乾隆二十八年始設庫倫大臣所以經理俄羅斯邊境事務繼而車臣汗土謝圖汗二部之事務皆歸統轄屹然為漠北雄藩其地本哲布尊丹巴呼土克圖駐劄處喀爾喀四部尊崇黃教咸宗仰焉唐回紇牙帳近仙

娥河卽今色楞格河元太祖和林故都亦在色楞格河南岸蓋自古漠北會宗之地土拉河鄂爾渾河諸水皆會於色楞格以入北海庫倫實據上游所謂扼其吭而拊其背也

烏里雅蘇台形勝

烏里雅蘇台距京師四千九百六十里自雍正年間北路大軍由科布多移駐於此屯田積穀秣馬厲兵控制準噶爾部垂三十年至乾隆二十年以後準夷既平仍設定邊左副將軍於

朔方備乘

卷十一 北徼形勢考

七

此以鎮撫北方繼而賽音諾顏扎薩克圖汗二部事務咸歸統轄洵朔漠之綱維邊徼之保障也其地古爲薛延陀突厥諸部東倚杭愛山西倚金山濱札布堪水天下勁兵處也所轄喀倫係雍正五年所設及乾隆中闢地西北陲烏梁海諸部落悉入版圖是以各喀倫外拓地凡數千里而喀倫之制則尙仍其舊焉

車臣汗部形勝

喀爾喀四部以車臣汗部爲東路凡三十三旗

東起左翼前旗當索岳爾濟山之北濱臨喀爾喀河次西北爲中右旗又西爲左翼後末旗又西爲中前旗又西爲中左前旗又西爲左翼左旗皆跨喀嚕倫河北至卡倫與俄羅斯爲界統論全境東接呼倫貝爾西接土謝圖汗部南臨瀚海北接俄羅斯其名山則以肯特山爲最高敖嫩河出其北喀嚕倫河出其南敖嫩河北入俄羅斯境又東北經尼布楚城復入中國境爲黑龍江喀嚕倫河東北流入呼倫池出爲額爾

朔方備乘

卷十一 北徼形勢考

八

古納河實爲中國與俄羅斯交界處昔元太祖始起在斡難河卽敖嫩河也其子朮赤取樹林中百姓卽沿敖嫩以東尼布楚諸地由是循謙河水而平俄羅斯東境焉明成祖用兵抵臚胸河改曰飲馬川卽喀嚕倫河也我

聖祖北征噶爾丹亦嘗勒銘於此蓋瀚海之北邊防固以車臣部爲首重矣

土謝圖汗部形勝

土謝圖汗部稱喀爾喀北路凡二十旗在肯特

山之西南汗山峙其境汗山之北為庫倫有辦事大臣治焉土拉河鄂爾坤河色楞格河縈繞旗境合流北注北抵卡倫與俄羅斯為界自庫倫達於恰克圖為俄羅斯互市處統論全境東接車臣汗西接三音諾顏部南臨瀚海北至俄羅斯為自古漠北用武之地漢之浚稽山涿邪山燕然山皆在境內唐之烏德健山當與今杭愛山相近溫昆河即今鄂爾坤河仙娥河即今色楞格河也蓋古匈奴故地隋唐間為突厥所

朔方備乘

卷十一

北徼形勢考

九

據頡利亡而薛延陀得之薛延陀滅而回鶻得之至元時復於其地建嶺北行省其形勝大略可觀矣

三音諾顏部形勝

三音諾顏部稱喀爾喀中路凡二十二旗統論全境東至土謝圖汗部南踰瀚海接烏喇特三旗及阿拉善旗額濟納旗西與北皆接扎薩克圖汗部東北至唐努烏梁海越烏梁海境即俄羅斯也地處杭愛山之陽為諸水發源處曰齊

老圖河色楞格河之上源也曰哈綏河疑即元之和林河也曰塔米爾河鄂爾坤河之上源也皆東北流下游匯合至俄羅斯境入北海曰札布堪河曰烏里雅蘇台河皆西流下游至科布多人阿拉克泊此外小水南流入瀚海瀦為小泊者又不一而足焉地介西北兩路之要道康熙雍正年間準夷東犯是部尤為兵衝超勇親王策凌奮起戎旅之間屢奏克捷遂為西北巨防洵漠北扼要之區也

朔方備乘

卷十一

北徼形勢考

十

扎薩克圖汗部形勝

扎薩克圖汗部稱喀爾喀西路凡十八旗統論全境東至三音諾顏部西至科布多南踰瀚海接額濟納旗及甘肅鎮西廳界北接唐努烏梁海越烏梁海境即俄羅斯也地處喀爾喀最西濱於沙漠北境之水以特斯河為大西流瀦於烏布薩泊中央之水以札布堪河為大西流瀦於阿拉克泊惟東北之額赫等河東流注於色楞格河其沙漠中水多瀦為湖泊渟而不流桑

錦達賚泊察漢泊之屬其著者也康熙年間進征朔漠以此爲西路雍正年間防禦準夷以此爲北路屯戍之跡具在方策詎可以承平日久而忽之哉

唐努山烏梁海形勝

唐努山烏梁海分爲四屬皆在烏里雅蘇台之北卡倫之外定邊左副將軍所屬烏梁海二十五佐領其二佐領在格勒德爾河東岸其二佐領在庫蘇古爾泊東北其四佐領當貝克穆河

朔方備乘

卷十一

北徼形勢考

十一

折西流處其三佐領當謨和爾阿拉河源其四佐領當噶哈爾河源俱北與俄羅斯爲界其十佐領在西北跨阿爾泰河阿穆哈河亦與俄羅斯爲界扎薩克圖汗部所屬烏梁海五佐領其一佐領在庫蘇古爾泊北其一佐領在格勒德爾河西岸其一佐領北臨貝克穆河西與前俱臨華克穆河其一佐領在謨什克河西其一佐領當扎庫爾河源三音諾顏部所屬烏梁海十三佐領俱南依鄂爾噶汗山西與科布多所屬

阿爾泰諾爾烏梁海二旗接北與俄羅斯爲界哲布尊丹巴呼圖克圖門徒所屬烏梁海三佐領在陶托泊北西臨華克穆河北與俄羅斯爲界境內之山以唐努爲大唐努山東麓之水皆入額赫河東流注於色楞格河南麓之水皆瀦爲烏布薩泊北麓之水曰大克穆河曰噶哈爾河曰阿努河皆北流入俄羅斯界注於伊聶謝斯界注於額爾齊斯河全境北控羅利南衛卡倫峻嶺迴環巨川縈繞洵極邊之保障也

朔方備乘

卷十一

北徼形勢考

十二

科布多形勝

科布多距京師六千二百八十里本雍正年間屯兵地後設參贊大臣治焉所統之部落凡七日新土爾扈特二旗在城西南南臨烏隴古河其北爲新和碩旗西臨青吉斯河其東爲扎哈沁旗西臨布爾干河明阿特旗在城北南臨阿拉克泊其東爲杜爾伯特左翼三旗輝特下後旗俱在烏布薩泊南其北爲阿爾泰諾爾烏

梁海二旗當阿爾泰泊南其西南為杜爾伯特右翼十一旗輝特下前旗其南為額魯特旗其西為阿爾泰烏梁海七旗南皆依阿爾泰山北皆與俄羅斯為界境內之水分注諸泊曰阿拉克泊曰烏布薩泊曰赫薩爾巴什泊皆滙而不流曰阿爾泰泊出為阿爾泰河下游入哈屯河曰齊桑泊額爾齊斯河所瀦也二水皆北入俄羅斯界而合流焉全境西倚金山北臨羅利極邊重戍雄鎮巖疆洵西北之要地也

朔方備乘

卷十一

北徼形勢考

十三

塔爾巴哈台形勝

塔爾巴哈台舊為準噶爾游牧之地準噶爾既平始築雅爾城設官兵駐守後經奏明遷於楚呼楚之地曰綏靖城即今參贊大臣治所也所統之部落凡四曰厄魯特游牧曰察哈爾游牧皆在城東南曰東路土爾扈特游牧濱和博克河曰內附之哈薩克游牧在城西北卡倫外境內之水東北皆入額爾齊斯河瀦於宰桑泊北流至俄羅斯境入北海西南皆匯於阿拉克

圖古勒泊全境東接科布多西接外藩哈薩克南接伊犁北由輝邁拉虎卡倫沿額爾齊斯河西岸達於俄羅斯屬之鏗格爾圖喇城乾隆年間討阿睦爾撒納將軍兆惠遣裨將追至俄羅斯之森博羅特城即由此道進兵也地處金山之西沙陀之北古為五單于角逐之場三葛邏憑陵之地今設重兵更番戍守西撫蘇對北扼羅車形勝蓋甲於西北云

伊犁形勝

朔方備乘

卷十一

北徼形勢考

十四

伊犁在天山之北將軍所駐惠遠城距京師一萬九里本屬城九曰惠遠城惠寧城熙春城綏定城廣仁城瞻德城拱宸城塔爾奇城寧遠城皆在伊犁河北岸其所統則天山北路之塔爾巴哈台城庫爾喀喇烏蘇城天山南路回疆之葉爾羌城喀什噶爾城英吉沙爾城喀喇沙爾城庫車城阿克蘇城烏什城和闐城賽哩木城拜城皆隸焉計新疆全境東西七千餘里南北三千餘里周圍二萬餘里各城分設參贊辦

事領隊大臣而事皆統於伊犁將軍乾隆年間既定準夷旋有在俄羅斯南境游牧之土爾扈特汗烏巴錫率數十萬眾抵伊犁乞內附嗣分舊土爾扈特部居於喀喇沙爾庫爾喀喇烏蘇晶阿塔爾巴哈台地方以東西南北四路別之其新土爾扈特部別屬科布多蓋伊犁之水北流入巴勒喀什泊故伊犁西與北皆接哈薩克界西南至特穆爾圖泊接布魯特界由是而西為霍罕安集延諸回部皆濱納林河納林河西朔方備乘

卷十一

北徼形勢考

五

流入達里岡阿鄂謨即所謂鹹海也鹹海之西有大鄂謨號裏海裏海在俄羅斯國之東南凡俄羅斯國都莫斯科窪及喀山諸部之水皆匯於佛爾格河以入裏海裏海北為舊時土爾扈特汗渥巴錫等牧地裏海南為回部大國布哈爾地裏海西為俄羅斯之高加索部新藩地高加索之西為阿索富城濱黑海其灣曰阿速灣即古阿速國境元太祖伐阿羅思欽察各部由阿速進兵即其地也今土爾扈特既東徙內附

而布哈爾亦為俄羅斯所攻日益微弱其安集延等部俄羅斯亦有索取人口之事由哈薩克部落可直抵伊犁卡外是俄羅斯所以不敢窺伺哈薩克布魯特者皆懾我伊犁兵威也蓋天山冰嶺之間雄師重鎮實為中國之屏藩兼司北徼之衝策固不僅建四鎮之幕府稱西域之都護也已

俄羅斯形勢考上

或問於臣秋濤曰人皆言俄羅斯為北徼極大

朔方備乘

卷十一

北徼形勢考

六

之邦從古不隸中國其說信乎臣秋濤曰非也俄羅斯在古時壤地最小多為北國附庸以故史家罕傳其事今撫其可徵者言之漢時匈奴強盛北服渾庾屈射丁靈鬲昆薪犁諸國邛支單于北擊烏揭降發其兵西破堅昆北降丁令丁令即丁靈也按堅昆在烏孫之北烏揭之西以地理診之即今哈薩克西北之地正俄羅斯初立國處也丁令又在堅昆之北地在北海之南即今俄羅斯西伯利部地也邛支單于留都堅昆東

去單于庭七千里南去車師五千里是俄羅斯地在漢時乃匈奴一隅耳然陳湯甘延壽矯詔發西域兵討斬郅支之首懸於漢北闕下則知俄羅斯兵力素弱中國甫出偏師即奏大捷其明證也匈奴既衰拓跋氏帝有中原其北有烏洛侯國遠來朝貢烏洛侯一作烏洛侯即俄羅斯一聲之轉此俄羅斯之名見於史籍之始而即奉琛納貢至於洛陽豈得謂其從古不隸中國乎周齊隋唐之際柔然高車突厥鐵勒薛延

朔方備乘

卷十一

北徼形勢考

七

陀迴紇諸部遞起北方而唐書載骨利幹國處瀚海北其地北距海去京師最遠又北度海則晝長夜短日入烹羊胛纔熟東方已明太宗時入朝以其地為元關州按今俄羅斯極東北牙特庫之地距北海大洋一月程晝長夜短夜亦不甚暗雖日落夜深猶可圍碁不數刻東方已曙即唐骨利幹地也又唐書載流鬼國在北海之北地氣互寒其君孟犂遣子可也余志以太宗貞觀十四年三譯而來朝貢又黠戛斯國即

古堅昆國亦名結骨國在迴紇西北三千里勝兵八萬南阻貪漫山多林木夏沮洳冬積雪有水從迴紇北流貞觀二十一年其君長遂身入朝又駁馬國亦名曷刺國地近北海去長安萬四千里有兵三萬人馬三十萬匹其土境東西一月行南北五十日行土地嚴寒與結骨數相侵伐永徽中遣使朝貢是則俄羅斯在唐時其君長及子皆身自入朝不僅通貢已也元太祖興自朔漠即今喀爾喀科布多諸部之地創業

朔方備乘

卷十一

北徼形勢考

六

用兵北伐欽察阿速撼合納斡羅思諸部莫不一舉蕩平或以封其子如朮赤之屬世有厥土或設立郡縣如謙州益蘭州之類載在史志以是言之俄羅斯地在元代固已建設親藩分置州縣而說者願謂其未隸中國豈非攷之未詳而輕於持論哉或曰是則然矣然同一塞外之國而古今異形前後異勢者多矣俄羅斯既為蒙古所滅乃後來蒙古部落中如土爾扈特者轉弱於彼而為所役屬何也曰俄羅斯本小部

落之名元太祖遣一驍將率三千兵轉戰而北遂滅其國以封長子朮赤為大王厥後陸續征伐旁近諸部得之皆割隸朮赤故其提封甚大而遠及元政不綱順帝北走蒙古勢已衰弱然朮赤之後封於俄羅斯者猶世守厥土民無背叛元亡之後享國又二百年宗祀不斬至明世宗嘉靖年間俄羅斯土人始借瑞典之兵驅逐蒙古以復其國按魏氏源 聖武記云俄羅斯稱汗當在元明之際故至康熙五十二年為其國三百五十餘年也按元明之際朮赤之裔尙襲封未亡疑俄羅斯土人

朔方備乘 卷十一 北徼形勢考 九

即於元季自稱為汗與元所封之蒙古王並立爭強至嘉靖時始逐去蒙古而自擅其國也於是東西諸境凡蒙古兵力所開闢之地俄羅斯因而有之是俄羅斯壤地本小轉藉蒙古之力以成其大也至於土爾扈特原牧伊犁之北以與準噶爾不協北走額濟勒河初非服屬於俄羅斯也特以境地相鄰資其贍給遂從其征調耳自汗渥巴錫歸順後蒙古之留於彼境者諒亦無多而習俗亦與俄羅斯人枘鑿不入豈得以蒙古人之強為俄羅斯人之強哉究之其

地五方雜處部族迥殊俄羅斯之君長亦不過羈縻為治地域廣袤則誠有之至謂兵力之強物產之富有逾他國斯不然矣其人喜讀中國書事

天朝極恭順蓋自古以來朝貢弗絕漸摩德化已久異乎泰西他國之獷野臣獨怪昔人之漫弗深攷也故詳論之如此

我 俄羅斯形勢考中

朔方備乘 卷十一 北徼形勢考 十

朝臨御九寓天戈所指莫不蕩平惟俄羅斯一國經

太宗 世祖

聖祖三朝命將撻伐而終許其和撫以恩信夫列聖神武威加海內所以不極兵力者蓋有故焉俄羅斯地處極北冰厚六尺木皮三寸石田千里得之不可以為富而迤北諸部實繁有徒自東海費雅喀大島西至烏梁海哈薩克之屬地域相

距幾二萬里其間人民有居國行國之別奉回
奉釋之殊衣冠風俗種種各異自古未有能相
安無事者柔然衰而高車起突厥滅而迴紇興
汗青所載前事足監俄羅斯之撫有其眾亦不
過扼其要害羈縻相安耳然既有俄人以相羈
縻則足為北徼之屏藩矣是故康熙二十七年
遣參領等官前往曉諭而俄人悅首聽命黑龍
江北之雅克薩城舊為俄人所據悉遷其人民
而歸其地於我

朔方備乘

卷十一

北徼形勢考

三

朝凡

聖祖之所以柔遠安邊開億萬年無疆之治者胥於是
乎在

廟謨之垂裕遠矣且我

聖祖之御極也天方遣大投艱藉殷憂以啟

神聖是故三藩之亂始於甲寅至康熙二十年雲南始

平二十二年臺灣始靖而黑龍江之齊齊哈爾

等城亦以是年收入版圖及俄人來爭僅以偏

師定其經界雖屢奏克捷而終不大興師旅誠

以三藩甫平瘡痍未復不宜大舉以傷元氣也
迨二十七年始與俄羅斯議定疆界而西北準
部業已猖獗噶爾丹率眾犯蒙古諸部侵凌寇
掠累年不已當時以俄羅斯既和專力進討噶
爾丹用能摧破強敵永清沙漠夫

聖謨廟略誠非庸愚所能窺測萬一今謹就其地勢觀
之黑龍江地近吉林距

盛京邊界尚三千里開創之初地利固在所必爭
然地本瘠苦僻在東北一隅無關天下大局至

朔方備乘

卷十一

北徼形勢考

三

於噶爾丹所侵之金山杭愛山漠北之地則歷
代行國匈奴突厥蠕蠕韃靼之都會勢足以凌
暴中原我

聖祖睿慮周詳權衡輕重於俄羅斯則撫之所謂棄所

當棄也於噶爾丹則征之所謂誅所當誅也自

是之後俄羅斯謹守和約東北無毫髮之警而

世宗

高宗因是得以專力西陲平定準回二部拓地二萬餘

里固由天心助順

武功十全而追溯本原則實自我

聖祖仁皇帝之因事制宜貽謀深遠

聖德

神功超軼千古歷觀史冊孰是可以比隆也哉

俄羅斯形勢考下

聖祖之撫綏俄羅斯也雖不欲震耀以武功而未嘗不

欲詳知其疆域以故因土爾扈特阿玉奇汗之

入貢特遣侍讀圖理琛等假道俄羅斯前往土

爾扈特宣諭前後凡四載始克旋歸著有異域

朔方備乘

卷十一 北徼形勢考

三

錄一書進呈

御覽而俄羅斯山川道里靡不詳著於目中矣康熙三

十五年

親征噶爾丹之役途次傳言有謂其借俄羅斯兵六萬

來者

聖祖不爲動而西路兵遂奏大捷二十六年噶爾丹謀

奔俄羅斯不果旋仰藥自盡朔漠遂平嚮使非

撫俄羅斯於前則噶爾丹未必不借兵未必不

遁入彼境也乾隆二十二年我兵窮追阿睦爾

撒納至哈薩克部阿睦爾撒納徒步入俄羅斯

守卡者送往其國察罕汗處

上命理藩院行文索之阿睦爾撒納患痘死俄羅斯取

其屍由恰克圖送入邊葢

聖主明見萬里威稜震疊以故號令所及靡不奔走恐

後也阿逆旣殞準部遂平凡附近俄羅斯之烏

梁海等國悉入版圖自古用兵朔漠拓地廣遠

未有如

高宗之盛者昔漢空朔庭而不能屯戍其土於是鮮卑

朔方備乘

卷十一 北徼形勢考

三

烏桓據其故壤矣唐滅突厥而不能保障其地

於是契丹回紇踵其舊習矣皆由當時之君狃

於常勝而不爲後圖故也惟

大聖人處此則當武功極盛之時益務爲長治久安之

計是故自

高宗之朝北邊軍制始益詳備統計北徼自東迄西接

壤俄羅斯之處不啻萬里其最東則自海以外

之庫葉大島迤而西至海以內之混同江口恆

滾河源以及外興安大嶺約橫亘三千餘里我

朝設三姓副都統轄其地以吉林將軍統之其外以控制赫哲費雅喀俄倫春諸部其內以捍衛甯古塔白都訥也自三姓以西直抵牛滿欽都精奇哩諸水上源限以興安大嶺約橫亘亦三千餘里我

朝設黑龍江將軍統之其外以控制索倫達呼爾諸部其內以捍衛吉林奉天也自黑龍江以西約二千餘里為克魯倫河諸水上游我

朝設庫倫辦事大臣統之其外以控制車臣汗土謝圖汗諸部其內以捍衛蒙古東四盟及直隸山西邊境也自庫倫以西約二千餘里為色楞格河諸水上游我

朝設烏里雅蘇台將軍統之其外以控制唐努山烏梁海及扎薩克圖汗賽音諾顏諸部其內以捍衛蒙古西二盟及陝西甘肅邊境也自烏里雅蘇台以西約千里據額爾齊斯河上游我朝設科布多參贊大臣統之其外以控制阿爾泰烏梁海及杜爾伯特新土爾扈特諸部其內以

朔方備乘

卷十一

北微形勢考

三

捍衛巴里坤烏魯木齊諸境也以上皆與俄羅斯接壤之處各有重兵形勢聯絡自科布多以西約千餘里為塔爾巴哈台有大臣駐焉自塔爾巴哈台以西約千餘里為伊犁有將軍駐焉其外境皆哈薩克部落受封爵納賦稅比於內地蒙古各部而哈薩克之外惟俄羅斯為強國然則邊防所重蓋可知矣夫

國家承平二百餘年西北諸部若內蒙古若喀爾喀若杜爾伯特若土爾扈特若烏梁海若哈薩

朔方備乘

卷十一

北微形勢考

三

克皆我

朝所戡定而卵翼之者綢繆固結更無邊釁可虞然常宿重兵於漠北將帥大臣星羅碁布東西相望其所以防患於未然者意至深遠乾隆嘉慶年間滿洲大臣多自西北軍營入襄綸閣樞庭之治若兆惠阿桂舒赫德等皆起自新疆軍營松筠任庫倫辦事大臣伊犁將軍前後十餘年之久慶桂以科布多參贊入輔政誠以西北塞防乃

國家根本故久其任用而峻其遷擢也恰克圖之

市易尚矣而乾隆二十九年四十四年四十九

年皆嘗閉關不許其市俄羅斯亦不敢以為恨

必待其執送賊犯懇

恩固請而後開市

聖主之駕馭遠夷範圍曲成類如此斯遠荒之人所以

感

恩知義永遠嚮化也蓋我

朝邊圉之政至

朔方備乘

卷十一

北徼形勢考

三

高宗而集其大成司事諸臣可不深思其故哉

朔方備乘卷十一

知縣吳壽坤初校
舉人胡景桂覆校

朔方備乘卷第十二

卷六

俄羅斯館考敘

臣秋濤謹案古制外藩朝貢皆以賓禮待之漢

尚書置客曹主外國宋時置同文館以待高麗

諸使明之會同館即沿其制至我

朝始於舊會同館修建屋宇以館俄羅斯國之人

良以俄羅斯自明以來阻於朔漠未通中國及

順治康熙年間嚮慕

朔方備乘

卷十二

俄羅斯館考敘

一

德化重譯來庭故特設邸舍以優異之也其國有貢使

有商人有來

京讀書學生有住

京喇嘛又有來學醫術之人雖事不恆見然皆以

俄羅斯館為寓居之所是皆有關掌故不可或

略爰彙為一卷至該國地遠俗殊禮節異於中

土今亦詳考其見於載籍者附著卷末以皆館

中所有事也若乃八旗習俄羅斯字之學生亦

稱俄羅斯館則名同實異詳於俄羅斯學考茲

不復出云

俄羅斯館官制

俄羅斯館監督一員

以理藩院司員充由堂官僉派

臣秋濤謹案四裔考載乾隆二年監督俄羅斯館御史赫慶則從前此

缺亦係御史之差不知何時改定專用理藩院司員

院司員

俄羅斯學提調官一員

以理藩院司員充由堂官僉派

俄羅斯館助教滿洲一員漢人一員

朔方備乘

卷十二

俄羅斯館考

二

凡俄羅斯學生到京時令其在俄羅斯館

居住咨取國子監滿洲助教一員漢助教一

員在館教習 清漢文字

俄羅斯館領催

領催一員

由理藩院揀派輪班到館照料

俄羅斯館館夫

額設館夫二名

專承應看守館門不准閒人濫入等事缺出

由理藩院司務廳招募挑補

俄羅斯館定例

理藩院則例曰京城之俄羅斯館嗣後惟俄羅

斯之人居住其使臣薩瓦所欲建造之廟宇令

中國辦理俄羅斯事務大臣在俄羅斯館建造

現在京居住喇嘛一人其又請增遣喇嘛三人

之處著照所請俟遣來喇嘛三人到時亦照前

來喇嘛之例給予盤費令住此廟內至俄羅斯

等依本國風俗拜佛念經之處毋庸禁止再薩

朔方備乘

卷十二

俄羅斯館考

三

瓦所留在京學藝之學生四名通曉俄羅斯拉

替努字話之二人亦令在此處居住給與盤費

養贍

支領銀兩等件

理藩院典屬清吏司承辦俄羅斯學生支領衣

服銀兩

供用蔬菜

光祿寺事例俄羅斯諸國貢使每日廩給所用

蔬菜據禮部劄給發

供用羊及羊肉

光祿寺事例俄羅斯等國貢使給羊羊肉據禮部劄給發

換班護送

護送換班俄羅斯理藩院筆帖式一員由堂官僉派事畢旋京不駐

駐京俄羅斯之達喇嘛學生等每屆十年換班派領催一名隨同筆帖式送至恰克圖往返照料

朔方備乘

卷十二

俄羅斯館考

四

理藩院典屬清吏司承辦俄羅斯來往事件

俄羅斯不服水土送回

理藩院則例俄羅斯不服水土送回本處毋庸出派領催前往

俄羅斯館總裁

康熙二十八年與俄羅斯國定界議和俄羅斯約束其邊界人等永不滋事復申請遣人進

京學習

國書俟通曉文理後換回遇事即以

清文兼俄羅斯及西洋字話繕寫馳遞庶有印證

以免舛誤至今永為定例臣秋濤謹案此條見年分今補又案此俄羅斯緞服紀略原書未載遣子弟來京讀書之始

三十二年理藩院議准俄羅斯國貿易人不得過二百名隔三年來

京一次在路自備馬駝盤費一應貨物不令納稅犯禁之物不准交易到

京時安置俄羅斯館不支廩給定限八十日起程

臣秋濤謹案此條見會典事例俄羅斯館始見於此

朔方備乘

卷十二

俄羅斯館考

五

三十三年立俄羅斯館於

京城中玉河橋西臣秋濤謹案此條見俄羅斯事輯又癸巳存稿引戶部則例云俄羅斯在京文館月費人制錢三千文在東華門外北池街西不知始於何年附記於此

京

聖祖因馬齊舊管俄羅斯事復令其管理臣秋濤謹案此條見八旗

通志馬齊傳後設管理俄羅斯館大臣仿於此

五十一年俄羅斯商人科密薩爾稟稱俄羅斯番僧在

京師者現止有米提理一人年已老邁儻有不測則行我俄羅斯佛教之人必致斷絕若准我國送番僧前來我即送來等語經大臣據稟奏聞詔允所請並令伊國若有外科良醫一併交使臣圖理琛等攜帶來

京臣秋濤謹案此條見異域錄據此知俄羅斯番僧米提理業已住京多年當即在俄羅斯館居住但米提理進京之年月無攷似當在設館之後也

五十二年使臣圖理琛等於七月初四日至托波兒城向俄羅斯國之噶噶林馬提飛費多爾

朔方備乘 卷十二 俄羅斯館考 六

委翅言我等事竣還朝時爾國若將行教番僧外科醫士給發令我等帶去噶噶林日此等情節我科密薩爾俱曾告訴番僧現今在此預備醫士此處無甚良者已差往莫斯科窪城調取尚未曾到天使回國時可以到此臣秋濤謹案此條見異域錄

五十四年俄羅斯達喇嘛跟隨中國使臣圖理琛來

京居住臣秋濤謹案此條見理藩院檔冊

康熙年間俄羅斯遣人至中國學痘醫由撒納特衙門移會理藩院衙門在

京城肄業

俄羅斯有學蒙古接骨大夫者僅康熙年一至

臣秋濤謹案以上二條見癸巳存稿

雍正五年郡王策凌內大臣伯四格侍郎圖理

琛等與俄羅斯使臣薩瓦等定議修

京城俄羅斯館來

京讀書幼童及教習等官給養贍願回者聽臣秋濤謹

朔方備乘 卷十二 俄羅斯館考 七

案此條見四裔考

是年圖理琛等奏現在住

京俄羅斯喇嘛僅止一人再請咨取喇嘛三名並

學藝俄羅斯孩童四名會俄羅斯拉提諾文字

人二名均住該館並照以前來

京俄羅斯喇嘛給予廩餼俟其學有成效再行酌

量回國臣秋濤謹案此條見理藩院檔冊

是年理藩院議准俄羅斯館內設立廟宇令在

京之俄羅斯僧一人居住並照該國所請增俄羅

斯僧三人俟送到時一併給與口糧食物聽其於廟內行俄羅斯教禮拜念經無庸禁止又使臣薩瓦及留

京學書之俄羅斯四人教習二人亦令在館居住

一例給與口糧食物臣秋濤謹案此條見會典事例又案以上三條係屬

一事而諸書所載互有詳略故並錄之

是年俄羅斯國遣其官生魯喀佛多德宜宛喀

喇希木四人來學即舊會同館設學臣秋濤謹案此條見

學校考

朔方備乘

卷十二 俄羅斯館考

八

六年俄羅斯國遣陪臣子弟觀光

國學

特命即舊會同館設俄羅斯館教之臣秋濤謹案此條見會典國子監事

例又案俄羅斯遣子弟來京讀書前已有之至是年始請入國子監選助教等官教之蓋

其國嚮化之念久而彌篤矣

是年議准俄羅斯國學生俟送到時令其在俄

羅斯館居住交與國子監選滿漢助教各一人

往館教習

清漢文臣秋濤謹案此條見會典事例俄羅斯館條內

九年理藩院奏准俄羅斯買賣人來時喀爾喀土謝圖汗等報院具奏請

旨委官一人馳驛前往恰克圖地方伴接沿途照看

其買賣人仍依原議不給口糧食物一應夫馬

聽其自備由張家口至

京路途歇寓令官兵護送看守到

京進館後兵部奏派副都統及官兵看守買賣人

出館行走皆令護軍等伴行

特簡內大臣部院堂官數人總理俄羅斯事務其監

朔方備乘

卷十二 俄羅斯館考

九

視貿易官二人開列侍讀學士科道等職名引

見簡用

十年奏准俄羅斯貿易事舉起程時照例委官

撥兵沿途護送并開列監視貿易官等職名候

欽點一人送至邊界臣秋濤謹案以上二條均見會典理藩院事例俄羅斯互市條

內

乾隆二年監督俄羅斯館御史赫慶奏言俄羅

斯互市止宜在於邊境其住居

京城者請禁貿易止令以貨易貨勿以金銀相售

在

京讀書子弟亦不可任其出入使知內地情形與

圖違禁等物禁勿售與臣秋濤謹案此條見四裔考

六年國子監奏准俄羅斯遣子弟入學習讀

清漢書本監於滿漢助教內揀選文理明白者引

見候

旨簡用滿漢各一人令其兼管教習學生衣服飲食

等項由理藩院給發

九年國子監奏准俄羅斯學漢助教准為額外

朔方備乘 卷十二 俄羅斯館考 十

助教咨部別行銓補

十五年奏准俄羅斯學滿洲助教既非專設之

員其漢助教亦不必額外專設應行裁汰嗣後

以六堂內助教兼管俄羅斯學務臣秋濤謹案以上三條均

見會典國子監事例

四十六年正月奉

旨據車登多爾濟等奏俄羅斯之固必爾那托爾等呈

稱遵伊主之令將現在住京之俄羅斯喇嘛學滿漢

話之俄羅斯學生照例派出喇嘛學生前往更換請

旨允准等語俄羅斯喇嘛學生住京已屆十年著施

恩即照車登多爾濟等所奏准固必爾那托爾遣人

更換臣秋濤謹案此條見四裔考

嘉慶十六年四月奉

上諭前據蘊端多爾濟奏俄羅斯固畢爾納托爾特呼

斯沁懇請遣人探望伊之喇嘛及學生並齋送盤費

等語當經交該部議奏茲據該部奏稱向來俄羅斯

駐京之喇嘛並無遣人前來接濟盤費探望之例其

請沿途供應駝馬路費廩給之處應不准行所駁甚

朔方備乘 卷十二 俄羅斯館考 十一

是著蘊端多爾濟等咨覆該處諭以此事已咨理藩

院據院駁稱事不合例本院未敢具奏即著飭回臣

濤謹案此條見聖訓

附俄羅斯禮節考

臣秋濤謹案春秋之義諸侯朝聘悉書惟白狄

來介葛盧來之類但書來而不書朝聘說者以

為書其來者嘉嚮化之誠不書朝聘者恕不能

為禮也唐書載大食國開元初遣使獻馬鈿帶

謁見不拜有司將劾之中書令張說謂殊俗慕

義不可寘於罪元宗赦之使者又來辭曰國人
止拜天見王無拜也有司切責乃拜案大食國
在西陲唐時已尙天主教故不習跪拜今西洋
各國皆尙天主教禮節殊異非獨俄羅斯國爲
然我

列聖德洋恩溥涵容感化俾其咸知禮義盛矣哉古未
嘗有也臣秋濤謹詳考羣籍撫其禮俗之異者
咸著於篇

俄羅斯不習跪拜並表文不合體式

朔方備乘

卷十二

俄羅斯館考

三

緩服紀略曰其俗不習跪拜但以指扣眉卽如

叩首臣秋濤謹案乾隆四十八年科布多大臣
海甯奏言俄羅斯舊例叩首俱以二指後

改三指

張玉書外國紀曰順治十二年十三年俄羅斯
兩有使至皆以不習跪拜遣還十七年復至朝
議仍應逐其使去

朝廷寬之

命禮部論以不遜之罪

四裔考曰順治十二年察罕汗遣使來朝貢方

物

上嘉其誠款降

勅及

恩賜令來使齋回國

臣秋濤謹案此與
張玉書所紀異

十三年遣使奉

表來朝貢方物以來使不諳朝儀卻其貢而遣

之十四年復遣使奉表進貢途經三載以十七

年五月至表稱俄羅斯一千一百六十五年語

多矜夸廷臣咸謂其不遵正朔宜逐之奏入得

旨察罕汗雖恃爲酋長表文不合體制然外邦從化宜

朔方備乘

卷十二

俄羅斯館考

三

加涵容以示懷柔俄羅斯來使著該部與宴貢物查

收察罕汗及其使量加恩賚但不必遣使報書爾衙

門卽可以表文矜詡不合陛見之故諭而遣之康熙

十五年五月察罕汗又遣陪臣尼果賴罕伯里

爾鄂維策進貢方物奏言俄羅斯僻處遠方從

古未通上國

臣秋濤謹案俄人自爲此言蓋不
所以掩飾其不習禮儀之非也

諳中華文義及奏疏禮儀兩次輸誠致多缺失

今特敬謹遣使奉貢仰祈矜宥得

旨准其進貢

臣秋濤謹案異域錄載尼果賴來中國行
止恃戾豈其表詞雖恭順而來使禮節仍

未諳習耶

會典事例云康熙三十二年覆准俄羅斯察罕

汗奏文與外國奏文體式不合應將貢物奏文

一併發回但該國地遠不知中國制度應將原

奏不合之處明白曉諭來使

召見時照常

恩賜帶來貨物仍令貿易嗣後該國奏文先令黑龍江

將軍開看若有不合即自邊地駁回驗明合式

方准入奏到京之日先令來使於午門前跪奉

朔方備乘

卷十二

俄羅斯館考

古

黃案行三跪九叩之禮

臣秋濤謹案此事在平定羅利之後蓋備我兵

威而然嘉慶年間奉

諭旨云來使至庫倫時不令行三跪九叩頭禮與此不同蓋

聖人因時制宜不執成見也

異域錄云康熙五十一年四月二十二日恭請

聖訓奉

旨往返之時俄羅斯察罕汗僮遣使欲會爾等即往相

會或俱往相會或著幾人見聽其來言著阿顏圖理

琛並新滿洲二人去見若彼不欲見不使人來請則

已至相見禮儀依彼國禮見之可也更須向其使言

從前爾國尼果賴到中國時行止悖戾我等斷不若此

俄羅斯事輯曰嘉慶十年今汗遣正使來至邊

界議禮不合而返今汗者始以男汗治俄羅斯

地遠禮別我

朝亦置不問也

康熙癸酉以後俄羅斯未遣專使進貢

異域錄曰商人科密薩爾在

京師時曾有

朔方備乘

卷十二

俄羅斯館考

圭

諭旨爾國人民雖每歲前來貿易俱係平素商賈察罕

汗並未特遣人進貢所以朕亦不曾遣使此所遣使

者是往阿玉奇汗處去的爾察罕汗如欲相會詢問

地理情形著其中一半人前往相見

臣秋濤謹案順治十二二十三年

七等年俄羅斯初與中國通使當是專使前來進貢自康熙二十八年定議立界以後二十九

年尚有使臣吉里古里等至京三十二年始定例以該國奏文不合款式一併發回蓋自是

該國未遣專使進貢也俞正燮竟以順治年間來使皆謂是貿易商人誤矣

仁宗睿皇帝聖訓曰嘉慶十五年三月奉

上諭據蘊端多爾濟等奏伊等在恰克圖交界會見俄

囉斯固畢爾納托爾據云俄羅斯人等欲遣使納貢
仍請答使伊等已置之不問蘊端多爾濟即回庫倫
等語俄囉斯人等性情詭詐不可深信是以節次降
旨令蘊端多爾濟等於遣使之事斷不可俯就今閱
蘊端多爾濟等所奏會見俄囉斯固畢爾納托爾情
形現在暫不遣使仍希冀天朝先遣使臣前往此事
斷不可行蘊端多爾濟等既已置之不問自應聽伊
等如何呈請至此時固畢爾納托爾若遣人探問蘊
端多爾濟等即云爾俄羅斯國若遣使納貢儘可呈
朔方備乘 卷十二 俄羅斯館考 六

等一面對酌具奏一面仍遵前旨辦理儻呈請文內
仍有答使之語即以不敢具奏飭駁再行奏聞斷不
可令其遣使也臣秋濤謹案雍正五年俄羅斯遣使
臣薩瓦來賀 世宗憲皇帝登
極當是專使至乾隆年間並無使至嘉慶十年
俄羅斯新汗始遣正使來至邊界議禮不合而
返至是以答使爲請故欽奉 訓旨明
加曉諭所以宣示遠人俾恪守恭順之節意至
深矣

俄羅斯餽送禮物與中國禮異
異域錄云圖理琛等欲以緞十二匹差人送與
噶噶林有管待飯食俄羅斯官曰差人餽送於
朔方備乘 卷十二 俄羅斯館考 七

我國禮不合天使大人親往之時帶去方可我
等言此非佳物我等自中國遠來經過爾噶噶
林地方備承厚意故以此相酬我中國凡以物
與人並無親送之禮今差人餽送於爾國禮不
合若我等親身帶去又於我中國之禮有礙以
此微物豈可壞兩國大體不如停止遂公議停
止餽送

俄羅斯以脫帽去裘爲至敬
四裔考曰俄羅斯卑幼見尊者免冠立地而叩

尊長不免冠平等相遇皆免冠立地而叩男子

與婦人遇男子免冠婦人立地而叩臣秋濤謹案此所謂

立地而叩當是以指扣眉即為叩首

綏服紀略曰國人見其汗時皆脫帽去裘以為

至敬

又松筠等因固畢爾納托爾設宴延請歸而記

其事曰由恰克圖市圈至彼約里許固畢爾納

托爾豫派小頭人步行擺對遠迎時孟春雪大

天寒殊甚人皆大帽重裘此次固畢爾納托爾

朔方備乘

卷十二

俄羅斯館考

七

脫帽去裘先於門外迎立益見其感激

皇仁倍申誠敬

異域錄曰噶噶林差伊俄羅斯官來請曰天使

大人明日起行如蒙不棄今日可來一飯否於

是前往噶噶林見余所帶小刀再三顧盼不勝

稱羨即解以贈之噶噶林免冠拜受

俄羅斯使臣入

觀

俄羅斯事輯曰康熙十五年貿易商人尼果賴

等至

聖祖仁皇帝召見之

賜察罕汗書諭邊界事

臣秋濤謹案此次尼果賴召見諸書皆未載俞正燮言

之甚詳當有所本

會典事例曰康熙三十二年覆准俄羅斯察罕

汗奏文與外國奏文體式不合將貢物奏文一

併發回但該國地遠不知中國制度將原奏不

合式之處明白曉諭來使

召見時照常

朔方備乘

卷十二

俄羅斯館考

九

恩賜其帶來貨物仍令貿易嗣後俄羅斯奏文先令黑

龍江將軍開看驗明合式方令人奏到

京之日令來使於

午門前跪奉置黃案上行三跪九叩禮

臣秋濤謹案是年不

收奏文貢物而仍蒙恩召見來使亦曠典也

四裔考曰雍正五年三月察罕汗遣使表賀

上登極附貢方物八月遣郡王策凌等與使臣薩瓦議

定楚庫河等處邊界隨

召見薩瓦等

賞賜有差並優

賜察罕汗等遣薩瓦歸國

臣秋濤謹案此次俄羅斯來使叨蒙

聖恩賞賚極為優渥其表文儀節自必皆合體式而諸書均未敘及殊為疎漏附識於此

朔方備乘

卷十一

俄羅斯館考

二十

朔方備乘卷十一

拔貢張悌德初校舉人胡景桂覆校

朔方備乘卷第十三

考七

俄羅斯學考敘

臣秋濤謹案自古聖帝明王設國學以教育子推而及於公卿大夫之世暨庶民之秀穎者咸令入學其要荒之國未有以學聞者非不欲施以教化而力有未逮自漢以後惟唐貞觀中高麗百濟新羅吐蕃請遣子弟入國學至於明代琉球有遣陪臣子弟來京讀書之例然皆行之未久旋即寢罷至若窮髮之北限於朔漠文教不及更無論已惟我

朔方備乘

卷十三

俄羅斯學考敘

一

聖朝

道隆化美遠人歸嚮梯航入貢合東鷄西鯨以偕來舞蹈臚歡信北燮南諧之並至於是俄羅斯國自歸誠以後請遣幼童來

京讀書年滿更換二百年來恪守成規絃誦不輟洵所謂

聲教四訖臣古來未臣之國雖三代之隆未足以擬

我

國家文治之盛也臣謹詳稽掌故錄為俄羅斯學考一卷至內閣衙門別設八旗學生專習俄羅斯文字以備繙譯亦謂之俄羅斯學茲以事體相類附載於後其俄羅斯國兼用字體並詳著之庶便於檢閱云

俄羅斯學總載

臣秋濤謹案俄羅斯學有二名雖同而職掌不同國子監之俄羅斯學為俄羅斯來

朔方備乘

卷十三

俄羅斯學考

二

京讀書子弟而設所以柔遠人也內閣理藩院之俄羅斯學為八旗習俄羅斯字學生而設所以通象譯也國子監之學理藩院事例載入俄羅斯館條內以其學在舊會同館與俄羅斯喇嘛所住之館同居一地也至八旗習俄羅斯字之學理藩院事例載入俄羅斯學條內而會典述內閣職掌亦稱為俄羅斯館與修書各館並列茲分別二學以事類相從而先舉其大凡如此

國子監俄羅斯學

會典國子監俄羅斯學助教二人掌分教俄羅斯子弟此官制也

康熙二十八年俄羅斯察罕汗遵

旨定界議和復申請遣人進

京學習

國書俟通曉文理後換回此俄羅斯國遣子弟來京讀書之始

雍正五年親王策凌內大臣伯四格侍郎圖理琛等會同俄羅斯使臣薩瓦等議修

朔方備乘

卷十三

俄羅斯學考

三

京城俄羅斯館來

京讀書幼童及教習等官給養贍願回者聽於是

圖理琛等奏請咨取學藝俄羅斯孩童四名請

俄羅斯拉提諾文字人二名均住俄羅斯館既

而俄羅斯國遣其官生魯喀佛多德宜宛喀喇

希木四人來學即舊會同館設學焉猶未屬其

事於國子監也六年俄羅斯復遣陪臣子弟來

京始有觀光

國學之請經理藩院議准俄羅斯國學生俟送到

時令其在俄羅斯館居住交與國子監選滿漢助教各一人往館教習

清漢文乾隆六年國子監奏准俄羅斯遣子弟入學習讀

清漢書本監於滿漢助教內揀選文理明白者引見候

旨簡用滿漢各一人令其兼管教習學生衣服飲食等項由理藩院給發九年國子監奏准俄羅斯學漢助教准爲額外助教咨部別行銓補十五

朔方備乘

卷十三

俄羅斯學考

四

年奏准俄羅斯學滿洲助教既非專設之員其漢助教亦不必額外專設應行裁汰嗣後以六堂內助教兼管俄羅斯學務四十六年正月庫倫大臣奏言俄羅斯之固必爾納托爾呈稱住京之俄羅斯喇嘛及俄羅斯學生已居十年請派人前來更換奉

旨允准嘉慶十六年四月俄羅斯固必爾納托爾懇請遣人探望伊之喇嘛及學生並齋送盤費部議事不合例應不准行奉

旨著蘊端多爾濟等咨覆以理藩院駁稱事不合例本

院未敢具奏即著飭回道光二十五年十一月俄羅斯國汗因換班學生進

京呈進書籍三百五十餘種此國子監俄羅斯學之原委也

內閣俄羅斯學

內閣俄羅斯學亦謂之俄羅斯館會典內閣云俄羅斯館專司繙譯俄羅斯文字選八旗官學生二十四人入館肄業五年後考試一次一等

朔方備乘

卷十三

俄羅斯學考

五

授八品官二等授九品官三等不授官皆留學八品官再考列一等授七品官九品官再考列一等授八品官其不及原考等第者各照現考等第分別降級留學七品官又考列一等以主事即補額設助教二人於教習內奏補教習即於考得職品各員內派委以蒙古侍讀學士或侍讀一人充提調官專司稽察課程再由理藩院派委郎中或員外郎一人兼轄此官制也又曰內閣典籍廳掌章奏文移內閣行文各衙門

皆鈐用典籍廳關防內廷修書各館俄羅斯館
 文移稿案亦移本廳借用關防又曰內閣蒙古
 房侍讀學士蒙古二人侍讀蒙古二人掌繙譯
 外藩各部文字稽俄羅斯館之課程內扎薩克
 及喀爾喀四部落阿拉善額濟納青海蒙古用
 蒙古字科布多伊犁之杜爾伯特土爾扈特和
 碩特用托忒字各回部用回子字西藏用唐古
 特字俄羅斯用俄羅斯字緬甸南掌用緬字西
 洋諸國用拉體諾字遇有陳奏事件及表文皆

朔方備乘

卷十三

俄羅斯學考

六

譯出具奏又曰內閣蒙古房中書蒙古十有六
 人貼寫中書蒙古六人學習竹筆字以供譯寫
 蒙古字以竹筆書之其托忒字回子字唐古特
 字俄羅斯字緬甸字各傳該館人至蒙古三房譯
 寫拉體諾字傳西洋堂人譯寫臣秋濤謹案以
 上各條係內閣職掌皆稱俄羅斯館與俄羅斯
 喇嘛及學生所住之館不同俞正燮云內閣俄
 羅斯學八旗學生二十四人學俄羅斯語為繙
 譯者理藩院事例專指此為俄羅斯學云嘉慶

八年奏定考試俄羅斯學生等第作為五年一
 次考列頭等者作為八品官考列二等者作為
 九品官考列三等者著交該學善加教誨由八
 品官復行考列頭等者作為七品官由七品官
 考列頭等者作為主事分部學習行走遇缺即
 補臣秋濤謹案理藩院則例亦載此條詳見條例考此內閣俄羅斯學
 之原委也

附俄羅斯國兼用各體文字考

臣秋濤謹案張玉書外國紀云康熙九年四月

朔方備乘

卷十三

俄羅斯學考

七

俄羅斯遣使奉表投誠表文字不可識字體自
 下而上類道家符篆因令其來使譯文以進厥
 後定例八旗設俄羅斯學生習彼國文字遇有
 檄諭則以俄羅斯字書之是俄羅斯國文字八
 旗諸生亦既童而習之矣米利堅人雅裨理云
 西洋之普魯士國墨地利亞國與俄羅斯國語
 言文字皆相同蓋因壤地相接之故餘國皆不
 相同當康熙年間俄羅斯國未能通解
 清漢書每有表奏文移往往兼用他國之字龍沙

紀略云康熙丙申俄羅斯來文二函一彼國字一蒙古字是也我

朝與彼國立和約設界碑亦勒以五體字一

清文一漢文一蒙古字一拉提諾字一俄羅斯字

是也古稱越裳入貢九譯乃通與此相類伏查

康熙四十四年大學士等以俄羅斯來使原文

進呈

聖祖仁皇帝閱之諭曰此乃喇提諾託多烏祖克鄂羅

斯三種文也恭繹

朔方備乘

卷十三

俄羅斯學考

八

聖訓蓋是年俄羅斯來文兼用三體書寫或疑俄羅斯

字乃以三種字湊合而成失其義矣俞正燮云

俄羅斯書橫行自左而右東合拉提諾西合托

忒烏珠克而轉譯蒙古

清漢文魏源又釋之曰拉提諾者西洋字體托忒

者厄魯特字體烏珠克者唐古特字體也臣秋

溥謹案托忒即託多乃準部字烏珠克即準部

竹筆之名恭繹

聖訓拉提諾為一種字託多烏祖克為一種字鄂羅斯

為一種字合而計之為三種文魏源分托忒為

一種烏珠克為一種其誤顯然又西洋在俄羅

斯西厄魯特在俄羅斯東則當云西合拉提諾

東合托忒烏珠克俞正燮所云亦屬筆誤總而

論之俄羅斯嘗為奇渥溫氏所併是以語言多

同蒙古如呼居室曰拜星呼譯曰阿模之類文字亦兼習托忒若

拉提諾則西洋各國公共之字體俄羅斯教門

技藝皆學西洋宜其諳習於是也

聖訓昭垂洞見萬里臣謹考此二體之字附錄於後至

朔方備乘

卷十三

俄羅斯學考

九

唐古特字為黃教喇嘛經咒所用俄羅斯亦有

喇嘛則其文字亦必兼用是體爰並著之以資

辨證廣見聞云

拉提諾字體考亦作臘底諾亦作喇提諾

楊賓柳邊紀略曰阿羅斯錢銀質無肉好大若

瓜子率重一分陰作交戟或人馬形陽則其國

書也若梵經一錢必書數十字不可辨或曰文

字用臘底諾話臘底諾者西洋諸國之官話也

欽定四庫全書提要經部小學類存目曰西儒耳目資

無卷數 兩江 總督採進本 明金尼閣撰金尼閣字四表西

洋人其書作於天啟乙丑成於丙寅以西洋之

音通中國之音中分三譜一曰譯引首譜二曰

列音韻譜皆因聲以隸形三曰列邊正譜則因

形以求聲其說謂元音有二十九自鳴者五日

了額衣阿午同鳴者二十日則測者捲格克百

魄德忒日物弗額勒麥搦色石黑無字者四自

鳴者為萬音之始無字者為中國所不用也故

惟以則測至石黑二十字為字父其列音分一

朔方備乘

卷十三

俄羅斯學考

十

了二額三衣四阿五午六愛七澳八益九安十

歐十一硬十二恩十三鴉十四葉十五藥十六

魚十七應十八音十九阿荅切二十阿德切二

十一瓦二十二五石切二十三尾二十四屋二

十五而二十六翁二十七至二十九非中國所

有之聲皆標西字而無切三十隘三十一堯三

十二陽三十三有三十四煙三十五月三十六

用三十七雲三十八阿蓋切三十九無切四十

阿剛切四十一阿干切四十二阿根切四十三

歪四十四威四十五王四十六彎四十七五庚

切四十八溫四十九碗五十遠皆謂之字母其

輾轉切出之字則日子日孫日曾孫皆分清濁

上去入五聲而五聲又各有甚次與本聲為三

大抵所謂字父即中國之字母所謂字母即中

國之韻部所謂清濁即中國之陰平陽平所謂

甚次即中國之輕重等子其三合四合五合成

音者則西域之法非中國韻書所有矣考句瀆

為穀丁甯為鉦見左氏傳彌牟為木見於檀弓

朔方備乘

卷十三

俄羅斯學考

十一

相切成音蓋聲氣自然之理故華嚴字母出自

梵經而其法普行於中國後來雖小有增損而

大端終不可易由文字異而聲氣同也鄭樵七

音略稱七音之韻出自西域雖重百譯之遠一

字不通之處而音義可傳所以瞿曇之書能入

諸夏而宣尼之書不能至跋提河聲音之道有

障礙耳是或一說歟歐邏巴地接西荒故亦講

於聲音之學其國俗好語精微凡事皆刻意研

求故體例頗涉繁碎然亦自成其一家之學我

皇上者定成功拓地慈嶺

欽定西域同文志兼括諸體巨細俱收歐邏巴驗海占

風久修職貢固應存錄是書以備象胥之掌惟

此本殘闕頗多列音韻譜惟存第一攝至十七

攝自十八攝至五十攝皆佚已非完書故存其

目焉

表音西號圖

臣秋濤謹案言拉提諾字體之書甚多頗

涉繁碎難以備錄惟西儒耳目資書內載

朔方備乘

卷十三

俄羅斯學考

三

有表音西號圖於尺幅之間備列西洋字

體且以漢字箋記於傍頗覺簡而易明茲

錄於後以例其餘

同鳴○則測者摺格克百魄德忒○

了○シツククセ七七○清

自 a 元 子母二號其子三號 會一

額母意 遇沅 具阮 願孫濁 五

鳴 e 一 沅四八

衣號 表音西 號上聲

字 其

阿子記

號圖

其 西

母

○ 二 月 厥 概 五

午號 孫母三號其子四號 號入 號

字父 ○ 日物弗額勒麥擲色石黑 ○

大抵西字有二自鳴者五列於上方同鳴

者二十列於左右各以二合三合四合之

法配合成字而文不可勝用矣

美理哥合眾國志曰美理哥國之文字皆同英

朔方備乘

卷十三

俄羅斯學考

三

吉利國雖有法蘭西荷蘭等國之人而新國獨

效英吉利者因國初地廣人稀雖各國皆來貿

易惟英吉利居十之九從其語音者較多至今

則與英吉利無異此外則或文字相同而言詞

獨異如法蘭西荷蘭者是亦有文字不同而言

詞亦異如中華日本安南暹羅者是雖文字言

語不同而切音未嘗有異中華固不異乎日本

日本亦無異於西洋且新國不過倣英吉利國

二十六字母耳其一曰△音喉二曰B音碑三曰C

四曰D音咄五曰E音依六曰F音符七曰G音芝

八曰H音住九曰I音矮十曰J音遮十一曰K音脚

十二曰L音兒十三曰M音唵十四曰N音燕十五

曰O音軻十六曰P音丕十七曰Q音翹十八曰R音鴉

十九曰S音時二十曰T音梯二十一曰U音嚶二

十二曰V音非二十三曰W音布二十四曰X音賜

時二十五曰Y音威二十六曰Z音思其中有三字

能獨用無別字貫之者如△工○是也△者一

朔方備乘 卷十三 俄羅斯學考 十四

也工者我也○者歎詞字母雖止二十六及相

連相生變化無窮連字之法有以二字連成一

句或二字至九字不等從左手起橫讀至右非

如漢文自上至下也二十六字母散之則無窮

合之則有限其用不測然雖三尺童子亦可學

習凡天下事物皆賴二十六字詳說之其始製

歷歲百稿三易而始成故雖盈千累萬之書亦

不外此二十六字母也此字母西洋各國皆同

托忒字體考 臣秋濤謹案托忒亦作託多

欽定皇輿西域圖志曰準噶爾字書名托忒共十五字

頭每一字頭凡七音音阿額音衣臥音屋

子音窟互音互為第一字頭前三音開口呼屬陽後

四音合口呼屬陰皆發端阿字之轉音也故合

為一字頭後仿此音那訥音訥呢音諾奴音奴

拏音拏挪音挪為第二字頭音哈哈音哈豁音呼呼音呼嗒音嗒欺音欺

顛音顛枯音枯為第三字頭音噶噶音噶郭音郭孤音孤哥音哥

基音基適音適觚音觚為第四字頭音搭搭音搭得音得低音低多音多

都音都堵音堵哆音哆為第五字頭音塔塔音塔忒音忒梯音梯

朔方備乘 卷十三 俄羅斯學考 十五

托音托秃音秃圖音圖脫音脫為第六字頭音巴巴音巴伯音伯逼音逼

博音博不音不撥音撥卜音卜為第七字頭音瑪瑪音瑪抹音抹蘇音蘇

米音米摸音摸模音模木音木摩音摩為第八字頭音拉拉音拉勒音勒

里音里羅音羅魯音魯樂音樂鹿音鹿為第九字頭音渣渣音渣又

遮音遮饑音饑拙音拙朱音朱著音著啄音啄為第十字頭音又

車音車七音七綽音綽出音出播音播楚音楚為第十一字頭

乙音乙噎音噎友音友藥音藥於音於約音約聿音聿為第十二

字頭音喇喇音喇唎音唎哩音哩囉音囉嚙音嚙樂音樂少音少鹿音鹿此七

字卷舌音為第十三字頭音紗紗音紗不音不除音除多音多詩音詩形音形朔

銳甚如刀之口取墨於髮帶以作字髮帶準語曰必爾以髮爲之長四寸許縱束如帶狀其末半寸餘不束浸墨潘令恆濕欲書則以烏珠克蘸其墨焉右說本西域圖志是烏珠克乃器物名非月一種字體也而魏氏源以爲烏珠克卽唐古特字誤矣今附載唐古特字體於後以備參考

唐古特字體考

臣秋濤謹案唐古特字卽西番字藏地佛經皆

朔方備乘

卷十三

俄羅斯學考

六

用此體伏查

欽定同文韻統所載西番字母配合字譜文盈一卷難以盡錄茲謹載其字母三十字而以清文列於上漢文音於下以備舉隅

西番字母表

清文

唐古特西番字漢文

子 子 子

𐑖 𐑗 𐑘

嘎 喀 噶

古點切今用哥阿切
牙緊切
苦格切今用珂阿切
歌阿切
牙緩切

𐑖 𐑗 𐑘 𐑙 𐑚 𐑛 𐑜 𐑝 𐑞 𐑟 𐑠 𐑡 𐑢

朔方備乘

卷十三

俄羅斯學考

六

𐑣 𐑤 𐑥 𐑦 𐑧 𐑨 𐑩 𐑪 𐑫 𐑬 𐑭 𐑮 𐑯

𐑰 𐑱 𐑲 𐑳 𐑴 𐑵 𐑶 𐑷 𐑸 𐑹 𐑺 𐑻 𐑼 𐑽 𐑾 𐑿

巴 葩 拔 嘛 匝 擦 雜 幹 紗

迎阿 齋鴉 妻鴉 齋鴉 尼鴉 得阿 舌頭 塔 達 納

迎阿切
半鼻喉
齋鴉切
齒頭切
妻鴉切
齒頭切
齋鴉切
尼鴉切
得阿切
舌頭切
塔切
達切
納切
舌頭切

道阿切
重唇切
鋪阿切
重唇切
鋪阿切
重唇切
模阿切
重唇切
谷阿切
齒頭切
雌頭切
齒頭切
資阿切
齒頭切
無阿切
輕唇切
時阿切
正齒切

朔方備乘卷十三

舉人王樹枏初校
知縣勞乃宣覆校

朔方備乘

ㄣ ㄣ ㄣ ㄣ ㄣ ㄣ ㄣ ㄣ

ㄣ ㄣ ㄣ ㄣ ㄣ ㄣ ㄣ ㄣ

卷十三

俄羅斯學考

二十

阿 哈 薩 沙 拉 喇 鴉 婀 鞞

喉 厄 喉 阿 齒 思 正 師 半 勒 彈 吟 喉 衣 喉 厄 齒 寺
鴉 阿 頭 阿 齒 阿 阿 阿 阿 阿 阿 阿 阿 阿 阿 阿 阿 阿 阿 阿 阿
切 切 切 切 切 切 切 切 切 切 切 切 切 切 切 切 切 切 切 切

朔方備乘卷第十四

考八

雅克薩城考敘

秋濤謹案東北邊境與俄羅斯接界最著者莫如雅克薩城由雅克薩城以西千里而近為尼布楚地已入於羅刹由雅克薩城以北千里而遙為外興安嶺中間別無城戍惟雅克薩為水陸扼要之區雖未設官置戍然每歲察邊會哨必至焉其繫邊防甚鉅不可不詳考也按我

朔方備乘

卷十四

雅克薩城考敘

一

朝用兵於雅克薩城凡二次其一在

太宗崇德年間以征索倫之故其一在

聖祖康熙年間以征羅刹之故乃紀載家不知有征索

倫之事遂誤以崇德四年羅刹已據雅克薩城

致勞大兵撻伐直至康熙二十一年以後始克

平定是皆考覈未精訪聞未確之故志乘諸書

互相沿襲莫有知其非者夫崇德年間之征索

倫雅克薩城實先載定載在

欽定開國方略並八旗通志諸臣列傳事蹟昭彰赫赫

耳目而誤以征索倫為征羅利是考覈有未精也

盛京通志及龍沙紀略黑龍江外記諸書皆詢訪土人登諸卷帙追溯龍江舊事既以無所徵而不錄訪及索倫遺老又因有所諱而弗言致誤之由職此之故是訪聞有未確也臣秋濤哀輯北徼事蹟詳加掣究爰知雅克薩城一區中國隸籍在前羅利兵爭在後所宜詳徵博考訂前人之譌誤以示傳信而

朔方備乘

卷十四

雅克薩城考敘

二

三朝大聖人德威遠邇遐邇從風之盛亦因以備見焉
雅克薩城星度

水道提綱曰雅克薩城東六度四分極高五十

三度弱臣秋濤謹案欽定皇朝文獻通考及會典欽天監事例皆止載尼布楚城極度偏度雅克薩城未經列入嘉慶年間重修會典程同文議將雅克薩城度數載入說詳尼布楚城考今現頒時憲書具載雅克薩城節氣時刻皆依星度推算也

雅克薩城方隅里至

盛京通志城池門曰雅克薩城在黑龍江城西北一千三百餘里城東即提咸河灣臣秋濤謹案通志山川門

云提咸河灣在黑龍江城西北九百二十里里數不同疑刻本有誤附記於此

黑龍江外紀曰境內多廢城最著者曰愛琿雅

克薩二城雅克薩城羅利築也久為大兵所毀

遺址在黑龍江城西北一千三百里

臣秋濤謹案雅克薩

城本索倫部築嗣因博木博果爾等據城以叛崇德四年大兵討平之墟其城順治初年羅利竊據又築之康熙二十五年復克其城外紀單言羅利殊屬疏漏

龍沙紀略曰黑龍江將軍所轄地考四境元時

盡隸版圖明代皆蒙古席帛達呼里紅呼里索

倫散處之

朔方備乘

卷十四

雅克薩城考

三

國朝之初悉歸附焉後俄羅斯侵入境內築城曰

雅克薩又順黑龍江而南據呼麻拉康熙二十

三年

上命寧古塔副都統薩布素率舟師由松花江湖黑龍

江上流伐之彼自呼麻拉退保雅克薩城大兵

於艾渾立城與之相拒康熙二十八年圍雅克

薩城攻之急彼遣使問道詣

闕額請

命解圍聽其去而雅克薩城廢西距千餘里立界石艾

渾遂永為重鎮以薩布素為黑龍江將軍從征
軍士自寧古塔遷婦子家焉復於墨爾根設參
領卜魁設副都統分兵為協鎮康熙三十二年
薩帥以墨爾根居兩鎮間首尾易制奏請移節
而艾渾改駐副都統康熙三十八年復以墨爾
根地瘠不可容眾奏移卜魁而墨爾根增置副
都統今將軍仍稱黑龍江者沿艾渾立官之始
也

柳邊紀略曰黑龍江即薩哈連兀愛渾一作城
刺源出塞北

朔方備乘 卷十四 雅克薩城考 四

在船廠東北後魏時曰黑水部屬勿吉唐曰黑

水靺鞨置黑水府唐開元十六年以部長為都
督賜姓名曰李獻誠授雲麾

將軍兼黑水經略使金曰合懶路元曰合蘭府水達達路

合蘭府設軍民萬戶府五日桃温日胡里改日

幹朶憐日脫幹憐日字苦江分領混同江南北

之民錢糧戶數共 明日黑龍江忽黑平寨
二萬九百六十

大清天命元年八月

太祖命達爾漢順科落巴圖魯征之江水每九月始冰
時流漸忽合若浮

梁遂濟取 後朝貢為羈縻國康熙十三年始築
屯寨十一 城二十二年設將軍一員梅勒章京三員滿洲
一水

手一索 滿洲披甲千人索倫披甲千人所謂黑
倫一

龍江新披甲是也原注凡強盜竊盜大船四十
免死者多給為奴

花船七十槳船十七而以船廠寧古塔流人為

水手幫兒各八百二十四人二十九年將軍統

其半駐墨爾根以衛索倫索倫者屬國也原注
案天

聰八年五月黑龍江索倫頭目巴爾達齊來朝

貢貂皮十月巴爾達齊又率京古齊哈拜孔恰

泰吳都漢內赫徹特白哈爾塔等朝貢其未附

屯寨則於崇德四年十一月遣曹海等六年七

月遣席特庫等會蒙古款漢奈曼吳產美貂號
喇忒四子諸部兩度征之乃為屬國

索倫皮與西北阿羅斯為鄰康熙四年乙巳阿

羅斯率八十餘人入索倫部取貂皮而淫其婦

女臥未覺寧古塔將軍巴海輕騎往襲之盡殲

其軍脫者四人耳於是築城於雅克薩為邊患

者二十餘年康熙二十八年己巳

天子命舅舅公佟國綱內大臣索額圖往諭禍福乃毀

雅克薩城退地五百里以尼不格為界臣秋濤
謹案尼

不格即尼布楚也 而索倫貂乃盡貢內府矣

卜魁城賦曰當夫城之未建也沙漠千里水草
殷繁或達呼爾或則索倫非蒙古之苗裔非曼

朔方備乘 卷十四 雅克薩城考 五

珠之根源人分異地星戴一天相逐游牧隨遇而安乃有黠夏斯通處豕突狼奔恣意侵奪大肆凶殘

聖人憫愚蒙之疾苦拯水火於辛艱師齊步伐將熟韜鈴功成一戰令肅五申穴清蛾子野淨烽煙因設官以建節始夫康熙癸亥之年自注城池未定以前皆係打牲人居住俄羅斯時或越境搶劫康熙二十二年奉

旨調派寧古塔副都統薩布素領寧古塔吉林官兵由朔方備乘 卷十四 雅克薩城考 六

水陸並進駐防黑龍江額素哩地方二十三年以薩布素為黑龍江將軍侍郎溫布岱給事中雅奇納授副都統修築城池統率官兵留駐防禦至二十八年平定雅克薩城始與俄羅斯分界臣秋濤謹案以上各條言雅克薩城均止及羅利之竊據而崇德年間征討索倫之事皆未敘及殊屬疏漏故錄而辨之

索倫據雅克薩城

臣秋濤謹案天聰崇德年間索倫部落歸附者以巴爾達齊最為恭順即後為額駙者也其甫

歸附旋抗違致煩征討者以博穆博果爾為尤築黠濱黑龍江諸城屯多附之者崇德四年

太宗命將八人分路進攻旌旗所指悉就平定臣謹案

志乘諸書稽其地域所在以便檢閱云 雅克薩城一作雅克塞城時為博穆博果爾屬人所據方隅里至己見前 鐸陳城時為博穆博果爾屬人所據通志曰鐸陳城在黑龍江城西北九百里滿洲源

阿薩津城時為博穆博果爾屬人所據通志曰阿薩津城在黑龍江城西北九百里 多金城時為博穆博果爾屬人所據通志曰多金城在黑龍江城西北一千三百餘

朔方備乘 卷十四 雅克薩城考 七

里城西即 烏庫勒城一作烏庫爾城一作伍庫爾城一作厄庫爾城時有達爾布尼阿恰勒都

烏魯蘇城此城通志曰在黑龍江城西北三百里 魯蘇阿灣又曰烏魯蘇河灣即烏魯蘇穆丹在

黑龍江城西北三百二十里即黑龍江中流環繞之灣也又湖爾漢烏魯蘇河灣在黑龍江城東南達呼爾原駐劄

郭博勒屯屯長曰溫布特初附博穆博果爾後歸順滿洲源流考作果博爾一作郭博爾 博爾臣秋濤謹案通志有果布噶爾城在黑龍江城西北一百餘里即此

博和哩屯 屯長曰額爾噴初附博穆博果爾後歸順通志曰博和哩河在黑龍江城

南一百五十里即此

噶勒達遜屯 屯長曰科奇納初附博穆博果爾後歸順或曰噶里達蘇屯也

穆丹屯 屯長曰諾奇尼初附博穆博果爾後歸順滿洲源流考作納木丹屯

都孫屯 屯長曰奇魯特初附博穆博果爾後歸順滿洲源流考作尼都遜屯

烏爾堪屯 屯長曰博卓戶初附博穆博果爾後歸順通志有烏埒格河在黑龍江城

北六百七十里即此滿洲源流考作烏喇喀屯

德篤勒屯 屯長曰科約布魯初附博穆博果爾後歸順滿洲源流考作德都爾屯

海倫屯 外紀曰呼倫貝爾通稱海爾兒指凱刺

朔方備乘 卷十四 雅克薩城考 八

爾一河亦音轉也當即此海倫矣

額蘇哩屯 附博穆博果爾為大兵勦平通志曰額蘇哩城在黑龍江城西北八十里餘

額爾圖屯 附博穆博果爾為大兵勦平通志曰額勒格河在黑龍江城西北一千三百里即此

征雅克薩城索倫

崇德二年十二月己丑朔

賜朝貢諸外藩宴黑龍江諸部至者曰黑龍江薩哈連

額駙巴爾達齊之弟曰瑚爾布爾屯費揚古曰沃呼屯武

第堪曰烏魯蘇屯莽古珠等五十一人曰索倫

部博穆博果爾透特等九人曰呼什哈禮氏納

木達哩等十人曰巴雅喇氏滿第特喀下二人

曰布克圖禮等五人曰賴達庫等四人均以貢

貂朝覲

太宗御崇政殿

賜宴

命七家以次宴之

賜綵緞銀兩衣服鞍馬等物有差三年十月黑龍江索

朔方備乘 卷十四 雅克薩城考 九

倫部博穆博果爾等來朝貢貂皮既而叛去四

年十一月辛酉遣諸將曰索海曰薩木什喀曰

穆成額曰葉克舒曰永順曰拜曰伊遜曰羅奇

等率官兵征之

命貝勒多鐸額駙英固爾岱傳

諭曰爾等所經屯內有已歸順納貢之屯又有博穆博

果爾取米之屯毋誤行侵擾行軍之際勿忘紀律新

附之人令該管大臣以下各官查核其有兄弟及殷

實者方令從征爾等亦應詳驗之左翼軍薩木什喀

領之副以伊遜右翼軍索海領之副以葉克舒兩翼軍分行則聽該翼將合同行則聽兩翼將令凡事俱公議行之五年三月己丑索海等遣章京二人曰法

譚曰宜爾格得奏言臣等至呼瑪爾河分兵各旗派定地方攻取因道遠定期四十日至廂藍旗所派烏蘭海倫屯乃令承政伊遜率每旗官一員每牛象兵二人往拉里闡地方伊遜等既行有四木城曰鐸陳曰阿薩津曰雅克薩曰多金四城之人抗拒不降令右翼將領葉克舒拜

朔方備乘

卷十四

雅克薩城考

十

阿哈尼堪譚布藍拜武巴海率每旗官二員每牛象下有俘獲之兵丁二人無俘獲之兵丁三人助之遂克雅克薩城當攻城時綏赫德所守汛地先舉火焚燒城南關廂八旗將領各率兵二十人前進和托率纛先入珠瑪喇繼之俱以火攻克之有四人曰達爾布尼曰阿恰勒都瑚曰伯庫都曰漢必爾岱四人聚七屯之人於烏庫爾城薩木什喀伊遜穆成額拜領眾軍乘旦攻之日暮克之至鐸陳城力攻一日次日間各

路報博穆博果爾以兵來援恐傷我軍遂還烏魯蘇屯之索倫鄂爾吞臣秋濤謹案鄂爾吞即俄倫春奇勒里臣秋濤謹案奇勒里即畢喇爾精奇哩烏拉布丁屯以東烏木

內克巴哈納以西黑龍江額爾圖屯以東阿里闡以西兩烏拉兵共六千來襲正藍旗後隊索海以兵設伏薩木什喀護輜重殿後二人率眾掩擊斬殺甚眾生擒四百人博穆博果爾既敗遂攻取其營正白正紅鑲黃三旗相繼馳入博穆博果爾及餘眾二百俱遁薩弼圖卓布泰武

朔方備乘

卷十四

雅克薩城考

十一

班宜爾格得率眾九十人往助薩木什喀鐸陳阿薩津二城人以兵四百阻截我軍擊敗之斬五十人薩木什喀令伊遜率章京五員兵一百三十於鐸陳設伏斬七人又遣阿哈尼堪巴山郎圖薩祿等往攻卦喇勒屯屯內人來詣索海言屯內有索倫兵五百索海喀喀木幹都等率兵往攻奪柵而入斬二百人生擒一百二十人據額駙巴爾達齊於三月十八日來會云惟我多科屯人未曾附逆其小烏拉各處兵皆往助

博穆博果爾及大兵所向克捷於是七屯之人
曰郭博勒屯之温布特曰博和哩屯之額爾噴
曰噶勒達遜屯之科奇納曰穆丹屯之諾奇尼
曰都孫屯之奇魯特曰烏爾堪屯之博卓戶曰
德篤勒屯之科約布魯俱已歸附巴爾達齊別
屯雖現在逃竄不久終來歸也并藉所獲人口
皮張等細數以

聞癸巳
太宗命每旗官一員率兵往迎出征索倫大軍

朔方備乘

卷十四

雅克薩城考

十三

諭之曰爾等此行如能過錫伯地方至克勒朱爾根處
相會可謂神速矣會後由哈爾必雅勒回軍沿途宜
加意防護入境時須從法庫門入不可由葉赫行以
伊等習知路徑恐再至逃亡也兵丁早晚放馬務令
解鞍休息尤須官爲察看勿用外藩蒙古驛馬供應
乙巳薩木什喀索海復遣二人曰當習曰郭查
奏言前次俘獲人口二千二百五十有四後自
額蘇哩屯以西額爾圖屯以東又獲九百人共
計男婦大小六千九百五十有奇馬四百二十

有四牛七百有四又先後獲貂獺狍狐狼青
鼠水獺等皮五千四百裘二十領四月乙亥凱
旋

命禮部承政滿達爾漢及安平貝勒杜度饒餘貝勒阿
巴泰等先後迎宴將至

盛京

太宗復率親王以下大臣迎至實勝寺北館祭纛行禮
宴勞之敘功分別加授世職

賜領翼主將索海及穆成額各貂皮七十七人口四葉

朔方備乘

卷十四

雅克薩城考

十三

克舒永順拜譚布藍拜等各貂皮四十七人口
三其從征軍士按功分
賞貂皮人口並以所獲男婦五千六百七十有三人分
隸八旗編爲牛衆

賞給衣服布疋復令校射分別等第一等視甲喇章京

二等視牛衆章京三等視半箇牛衆各照等第

賜朝服袍褂等物

臣秋濤謹案通志言俄羅斯於崇德
四年據雅克薩會正變俄羅斯事輯

諸書皆沿之今考
是年據雅克薩者乃索倫非俄羅斯也觀此可
知通志
之誤時博穆博果爾戰敗遁走

太宗命錫特庫濟什哈率護軍並徵兵外藩往征之十
二月錫特庫遣歸亨岱等奏擒獲博穆博果爾
六年正月凱還

征雅克薩城索倫附考

索海傳曰索海滿洲鑲黃旗人費英東第六子
也任刑部承政崇德四年十二月同工部承政
薩穆什喀往征索倫部索海領右翼兵偵知掛
喇爾屯有敵兵五百與理事官喀喀木等輕騎
襲之奪其柵斬二百級擒百三十人及左翼薩

朔方備乘

卷十四

雅克薩城考

古

穆什喀攻取雅克薩城旋攻鐸陳城不下而還
烏喇與兀魯蘇屯之博穆博果爾臣秋濤謹案
兀魯蘇屯即
烏魯蘇穆丹城也在今黑龍江城
西北三百里博穆博果爾據此合兵六千襲
其後索海率眾設伏衝擊之獲其輜重生擒四
百人乘勝往攻博穆博果爾營馳馬直入敵眾
大潰是役也先獲二千二百五十四人後至額
蘇里屯以西額爾圖屯以東又獲男婦五千餘
牛羊駝馬無算凱旋

太宗親率諸王郊迎宴勞之敘功授二等輕車都尉世

職部議索海出征索倫不豎立營寨嚴束士卒
以致疎脫俘囚應罰贖追還賞賚

太宗以索海功罪相抵

詔特免之

薩穆什喀傳曰薩穆什喀滿洲正白旗人扈爾
漢第三弟也積功授輕車都尉世職

太宗時列十六大臣天聰八年任參領同貝勒杜蘭防
守海州十二月奉

命副巴奇蘭往征黑龍江虎爾哈部明年四月降其眾

朔方備乘

卷十四

雅克薩城考

古

盡取其地俘獲無算敘功加三等子授步軍統
領崇德元年隨武英郡王阿濟格等征明入長
城同額駙蘇納率兵攻容城縣先登克之三年
授議政大臣後隨武英郡王攻皮島薩穆什喀
督前鋒兵渡江先抵岸與都統阿山葉臣等攻
克之斬其守將沈士奎七月敘功晉二等子是
月任工部承政四年同刑部承政索海分統左
右翼往征索倫部有達爾布尼阿哈木都戶白

庫都漢必爾代四人於厄庫爾城臣秋濤謹案
厄庫爾城即

烏庫勒城聚眾抗拒薩穆什喀帥左右翼兵攻克之
又攻下雅克薩城隨攻鐸陳城不下會佐領薩
必圖等引兵來助鐸陳阿撒二城兵潛出截戰
薩穆什喀設伏敗之斬七十人五年師還

上郊勞賜宴旋因征索倫時所得三屯人民不加撫輯
以致復叛及博穆博果爾兵攻掠正藍旗輜重
坐視不救致士卒為所殺議應革職籍沒得

旨削世職免籍家產罰贖以懲薩穆什喀復辨曰博穆
博果爾攻掠時實率將士五十人擊敗其眾復

朔方備乘

卷十四

雅克薩城考

六

追里許值右翼索海譚布伏兵衝擊二人遂冒
吾功

上命王貝勒及議政大臣等詳審會議以薩穆什喀巧

辯欺誑應論死籍其家

上念其舊著勞績從寬宥之

伊遜傳曰伊遜姓瓜爾佳氏隸滿洲鑲白旗

太宗設十六大臣以伊遜佐理鑲黃旗事崇德三年更
定部院官制仍授為兵部承政明年兼管副都

統奉

命副工部承政薩穆什喀率左翼兵征索倫至虎爾哈

部是時達爾布尼阿哈爾都戶白庫都漢必爾

岱等聚眾抗拒於伍庫爾城臣秋濤謹案伍庫爾一作厄庫爾

盛京通志作烏庫勒城在黑龍江城西北一千三百餘里與雅克薩城方隅道里皆同蓋相距

在咫尺伊遜乘夜舉火攻克之進攻鐸陳未下

聞博穆博果爾兵來援我師遂遣已而佐領薩

必圖卓布退等率師繼至伊遜復整兵往鐸陳

設伏斬敵七十餘級當薩穆什喀之以師還也

博穆博果爾以兵襲我輜重甲士廝卒多陣亡

朔方備乘

卷十四

雅克薩城考

七

者伊遜坐不急入援罪應罷職

詔寬免以罰贖懲之

瓦爾喀珠瑪喇傳曰瓦爾喀珠瑪喇姓那木都

魯氏世居瓦爾喀琿春地祖察禮

太祖高皇帝時率族人來歸隸滿洲正白旗任佐領時

葉赫有同名者

命稱瓦爾喀珠瑪喇以別之崇德四年十一月隨承政

索海薩穆什喀統左右翼兵征索倫部珠瑪喇

俘獲十九人道攻虎爾哈之雅克塞城臣秋濤謹案雅

克塞城即雅克薩城也 我軍火焚其郭佐領和託先登珠

瑪喇繼之克其城師還黑龍江濱虎爾哈潰眾

復合烏魯蘇屯之博穆博果爾兵六千來襲我

正藍旗後隊珠瑪喇與索海設伏掩擊殲敵略

盡五年六月晉三等輕車都尉

葉克舒傳曰葉克舒姓輝和氏世為尼瑪察部

長

太祖高皇帝初年隨其父率屬來歸隸滿洲正紅旗崇

德二年十一月偕參政星訥分統左右翼往征

朔方備乘

卷十四

雅克薩城考

六

卦爾察至黑龍江俘獲甚眾明年班師

特遣大臣迎勞等任兵部右參政四年七月授副都統

十一月與刑部承政索海統右翼兵征索倫部

至雅克薩城攻克之敗其部長博穆博果爾而

還五年四月復任都統七月敘功授騎都尉世

職

優賞部議征索倫時葉克舒督造監獄不堅致俘囚逃

逸應罰鍰追奪

賜物

上以葉克舒功罪相抵免之

法譚傳曰法譚滿洲正紅旗人任佐領以功給

騎都尉世職崇德四年冬隨承政薩穆什喀索

海等征瑚爾哈部攻雅克薩城五年春先還奏

捷

阿哈尼堪傳曰阿哈尼堪姓富察氏世居葉赫

天聰時來歸隸滿洲鑲黃旗崇德二年從征朝

鮮先右翼眾兵突過朝鮮戰艦遂取江華島五

年正月承政薩穆什喀索海征虎爾哈部阿哈

朔方備乘

卷十四

雅克薩城考

九

尼堪同右翼兵助戰克雅克薩城時烏魯蘇屯

之博穆博果爾及烏喇哈兵六千來襲正藍旗

後隊右翼索海設伏擊之斬殺甚眾阿哈尼堪

與焉又攻掛喇爾屯先入有功四月任禮部參

政敘功授騎都尉世職

藍拜傳曰藍拜世居佟佳以地為氏隸滿洲鑲

藍旗累官至副都統崇德四年五月以不稱職

解任十一月

命承政薩穆什喀索海分統左右翼征索倫部仍以藍

拜管副都統事取道虎爾哈部攻克雅克薩城
獲丁壯甚多索倫部長博穆博果爾迎戰藍拜
同索海設伏擊敗其眾敘功授騎都尉世職分
賜貂皮及所獲人戶

譚布傳曰譚布滿洲正黃旗人姓舒穆祿氏崇
德三年列議政大臣四年十一月奉

命隨承政薩穆什喀索海等征索倫部取道虎爾哈部
同諸將攻克雅克薩城獲丁壯三百餘索倫部
長博穆博果爾迎戰擊卻之護所獲以歸五年

朔方備乘 卷十四 雅克薩城考 三

三月奏凱分

賜貂皮及人戶授騎都尉世職

征雅克薩城羅利

康熙二十二年四月

命將軍巴海留鎮烏拉副都統薩布素等領兵移駐額
蘇哩先是令烏拉寧古塔兵往駐愛琿呼瑪爾
尙未啟行尋尙書伊桑阿以造船赴寧古塔
上命傳諭巴海等兵抵黑龍江應駐何地其詳議以聞
至是巴海等奏言愛琿呼瑪爾距雅克薩城遠

遠若駐兵兩處則勢分道阻難於防禦且過雅
克薩有尼布楚等城羅利儻水路運糧增兵救
援更難爲計宜乘其積儲未備速行征勦况羅
利殺我斐雅喀居民留嫚書而去俟造船畢度
七月初旬能抵雅克薩卽親統大兵直薄城下
宣諭招撫否則駐劄墨克頂諸地卽遣官兵與
奉

命赴羅利甲士宜番馳至雅克薩宣諭兼觀其形勢若
何再議進止機宜令宜番一併奏聞烏拉官兵

朔方備乘 卷十四 雅克薩城考 三

乘往馬匹恐長途疲羸不任馳驅索倫邊墨克
頂宜令選肥馬五百匹送呼瑪爾河口酌量給
用議政王等議如巴海等所請

上諭所議進征羅利軍務殊爲疏略烏拉寧古塔兵未
經征戰不諳行陣紀律將軍巴海及副都統官兵又
彼此不合巴海其留守烏拉薩布素瓦禮祐俱以副
都統領兵前往不必授爲將軍至所議七月兵到卽
行攻戰亦屬未可俟抵彼相度形勢奏請可進之時
京城每旗精簡五十人參以軍前獲罪人員委授奪

蘭大參領別遣將由陸路直趨五旬可達我兵至冬時攻戰乃能有濟若今冬不便克取來夏令烏拉齊古塔兵仍往彼地或令撤還至期約行又郎坦言取馬蒙古不能即得可選兵部上駟院肥馬二千匹於本年七月內預發索倫地方收放俟禁旅到後留其羸馬更以所備肥馬乘往其傳集郎坦朋春再行會議於是議政王等奏

上諭深中事宜固應祇遵但前奉暫停攻取相機舉行之

朔方備乘

卷十四

雅克薩城考

三

旨尤為切當烏拉齊古塔兵不須往墨克頂勘得愛輝呼瑪爾之間額蘇哩地方可以藏船且有田隴舊跡即令大兵建立木城於此駐劄至巴海留守烏拉薩布素五禮祐統兵以行及預備馬匹於索倫悉應遵

旨辦理額蘇哩索倫村莊之間應設四驛令赴索倫理藩院大臣董其事

上報可

二十三年五月

命將軍薩布素等取羅利田禾時馬喇等奏

臣

至索倫

屢密詢羅利情形皆云現在雅克薩尼布湖二

城各止五六百人其得以盤踞多年者惟賴額

爾古納河口至雅克薩十餘處雅克薩至布爾

馬夫河口十餘處築室散居耕種自給因以捕

貂尼布湖田畝不登但取資納米雅兒諸姓貢

賦喀爾喀巴爾呼人時販牲畜等物至尼布湖

尼布湖人亦捕貂與之交易得以生存至得冷

白地方耕種田畝無幾且不通水路麪食等物

朔方備乘

卷十四

雅克薩城考

三

雖零星負載亦不足恃及聞從尼布湖逃回之布赫德云舊納米雅兒新納米雅兒托空臥兒徹爾克吉兒巴林喀吉兒夸諾兒破塔噶兒巴牙噶兒等八姓之人并我根特木爾黨內逃人亦同彼遊牧貝河額爾古納河等處

臣請

敕喀爾喀徹臣汗收其所部附近尼布湖者兼禁止交

易再請

敕黑龍江將軍水陸並進作攻取雅克薩狀因取其田

禾則羅利不久自困而伊屬索倫俄樂春諸姓

人亦難以竊據再量遣輕騎勦滅似易

七月辛巳

命將軍薩布素等偵探羅利情形時馬喇等奏臣等遣打虎兒副頭目倍勒兒等偵探雅克薩城情形路過羅利殺其二人生獲一人據生獲之費要多羅云大兵未來之先雅克薩城已加修造昨歲聞大兵進發城外復增木柵所在農人盡調入城內打獵收貂亦皆罷止田禾未熟卽行刈穫因今春不見兵至遂於旁臥一帶仍舊遣人

朔方備乘

卷十四

雅克薩城考

五

耕種昂古墨阿山頂設五人更番瞭望今夏自尼布湖復增發四百人計見在雅克薩者約九百人在尼布湖者不知其數雅克薩設丁壯八十人耕種以收穫之糧支給兵食每月人各一斗餘悉造房收貯一遇歉歲不能如數支給在前豐歲僅僅足用今已增人量必不敷雅克薩舊有船八艘吉禮過里等運糧前行被大兵擒獲故雅克薩無船大兵未來於野諾西納城內復造船二百艘各城派兵運糧不知兵數多寡

并運往何處吉禮過里黨內人逃回雅克薩云

大兵勢盛戰艦絡繹不絕眾驚失措今自尼布

湖增發人眾大兵進時不知時勢若何又據釋

歸之人云投誠者

聖主悉免死且加恩賞此外別無人至等語其生獲羅

利一并解送疏入

上諭雅克薩增發羅利或欲侵害我虞人其移文薩布素等時加偵探相機以行倍勒兒等理藩院照例獎賞送到羅利交戶部安插

朔方備乘

卷十四

雅克薩城考

五

二十四年正月

諭議政王等兵非善事不得已而用之向者羅利無故犯邊收我逋逃後漸越界而來擾害索倫赫真費雅喀奇勒爾諸地不遑甯處剽劫人口搶奪村莊攘奪貂皮肆惡多端是以屢遣人宣諭復移文來使羅利竟不報命反深入赫真費雅喀一帶擾害益甚爰發兵愛渾扼其來往之路羅利又竊據如故不送還逋逃應卽剪滅今仰副天心大兵逼臨雅克薩城姑再傳旨羅利云前屢經遣

人移文命爾等撤回人眾以逋逃歸我數年不報反
深入內地縱掠民間子女構亂不休乃發兵截爾等
路招撫恆滾諸地羅利赦而不誅因爾等仍不去雅
克薩特遣勁旅徂征以此兵威何難滅爾但率土之
民朕無不惻然垂憫欲其得所故不忍遽加殲除反
覆告誡爾等欲相安無事可速回雅庫於彼為界捕
貂收賦毋復內地構亂歸我逋逃我亦歸爾逃來之
羅利果爾則界上得以貿易彼此安居兵戈不興儻
執迷不悟仍然拒命大兵必攻破雅克薩城殲除爾

朔方備乘 卷十四 雅克薩城考 三

眾矣如此宣諭後羅利果回雅庫為界即駐師於愛
渾設斥堠於雅克薩令疆圉帖然否則大兵酌量進
止不如此宣諭今縱克取雅克薩城我進則彼退我
退則彼進用兵無已邊民不安可否舉行爾等其詳
議之於是議政王等奏言

上諭周詳遵此舉行甚裨於事統兵督耕大臣恭候
欽簡疏入

上命都統公彭春統兵護軍統領佟寶副都統班達爾
沙參贊戶部侍郎薩海督耕彭春等抵黑龍江發往

雅克薩城文書用黑龍江將軍印

丁亥給馬喇副都統銜

上諭大學士覺羅勒德洪等馬喇遣用以來殊為効力
且頗知雅克薩諸地形勢其授副都統銜參將軍務

四月乙未

命自墨爾根至雅克薩設立驛站

上諭議政王等凡奏報軍機自雅克薩至額蘇里經愛
渾前來恐迂道遲延令理藩院侍郎明愛於杜爾伯
特扎賴特派兵五百人并索倫兵酌自墨爾根至雅

朔方備乘 卷十四 雅克薩城考 三

克薩設驛馳奏軍機庶免貽誤明愛往來覺察驛夫
糧食匱乏以索倫所貯米支給愛渾以內每驛原設
三十人應核減一半并入蒙古若蒙古兵五百人過
多再為核減索倫効力勤勞傳諭異日加恩以示鼓
勵

戊戌

命獎賞達呼爾副頭目倍勒兒等

臣秋濤謹案黑龍江外紀云布特哈初設
索倫達呼爾總管二員副總管八員謂之打牲
頭目副頭目則此副頭目即今之副總管也

馬喇等奏 臣等今年正月二十八日遣打虎兒

副頭目倍勒兒率兵三十餘人往雅克薩城北務擒其生口并詳勘情形以報三月初五日倍勒兒等生擒羅刹七人回云雅克薩城垣廬舍如故又據生擒羅刹噶瓦力喇等云去歲雅克薩城內設立重木中實以土聞大兵至額蘇里即遣人各處求援援兵千人今年二月前隊已至後隊未來去歲新到頭目額禮克謝傳諭人眾大兵來此皆爾等殺掠所致自後再聞有侵擾索倫打虎兒者定行誅戮是以我等往來不

朔方備乘

卷十四

雅克薩城考

三

敢持軍器前者釋回二人已送往國主處迄今未得主命雅克薩兵眾不滿千人後增發者未知其數等語生擒羅刹逸去一人見在六人遞送至京

上諭倍勒兒等直抵雅克薩探其情形生擒羅刹可嘉所司如例獎賞其送至六人各給時服一襲送將軍薩布素處俟大兵進勦時示以寬大之意悉行釋放六月癸巳侍郎明愛等奏官兵克雅克薩城時都統朋春等帥師進發五月二十二日抵雅克

薩城下宣諭

皇仁浩蕩不忍加誅令還本境羅刹仍恃巢穴堅固遷延不去二十三日分水陸兵爲兩路列營夾攻復移置火器二十五日黎明急攻之城中大驚羅刹頭目額禮克謝等臣秋濤謹案盛京通志作額里克舍一作額里克勢迫詣軍前稽顙乞降於是朋春等復宣諭

皇上好生之德釋回羅刹人眾其副頭目巴十里等四十人不願歸去因留之我屬蒙古索倫逃人及

朔方備乘

卷十四

雅克薩城考

三

被虜者咸加收集雅克薩城以復

二十五年二月

命將軍薩布素等帥師進攻雅克薩城先是薩布素奏驍騎校碩克色等往探羅刹情形據回言職至旁臥地方因人少馬疲未抵雅克薩而還途遇奇勒爾慶定吉爾云羅刹復來雅克薩築城盤踞臣請於冰消時督修船艦親率官兵相機進勦

上以薩布素所奏乃傳聞之言並非遣人親抵雅克薩

偵取確音不便遽爾用兵因令薩布素及理藩院郎中滿丕等確探情形以聞至是滿丕奏臣遣索倫副頭目烏木布爾代等抵雅克薩城生擒羅利鄂克索木果訊之云去歲尼布潮臣秋濤謹案此又一宜即尼布楚頭目宜番番非前投誠之宜番也令大兵釋歸之額禮克謝率五百餘人復至雅克薩依舊址築城其城夾木爲之中實以土寬一丈五尺高一丈木外墻之以泥及訊以糧米可食幾月又云所獲足支二年疏入

朔方備乘

卷十四

雅克薩城考

三

上諭今羅利復回雅克薩築城盤踞若不速行征勦勢必積糧堅守圖之不易其令將軍薩布素等姑停遷移家口如前所請速修船艦統領烏拉甯古塔官兵馳赴黑龍江城至日酌留盛京兵鎮守止率所部二千人攻取雅克薩城并量選候補官員及現在八旗漢軍內福建藤牌兵四百人令侯林興珠率往

七月

命宣諭鄂羅斯察罕汗

上諭議政王等向者羅利侵犯雅克薩尼布潮諸地朕

我居民邊境騷然曾諭鄂羅斯察罕汗來使尼果來等撤回其眾自後竟不復奏反在在侵犯肆行擾害意尼果來未達前旨於察罕汗復令被擒羅利持書從喀爾喀地宣諭之亦不覆奏因遣發官兵往雅克薩招撫羅利不戮一人令其頭目額禮克謝等持書歸去羅利聞我師言旋復回雅克薩築城以居朕思本朝頻行宣諭曾未一答而雅克薩羅利又死守不去或尼布潮諸地阻隔前書未達或雅克薩羅利皆彼有罪之徒不便歸國俱未可知今問荷蘭國貢使

朔方備乘

卷十四

雅克薩城考

三

稱伊國與鄂羅斯接壤語言亦通其以屢諭情節備悉作書用兵部印付荷蘭國使臣轉發鄂羅斯察罕汗處收回雅克薩尼布潮羅利於何處分立疆界各毋得踰越則兩界民人均得甯居不失永相和好之意察罕汗覆奏時令其使由陸路直來若陸路難通即以來疏付荷蘭國代奏再依此書發西洋國轉達之

九月己酉

命解雅克薩圍

時鄂羅斯國察罕汗遣使上疏其略

云謹奉

上撫御華夏洋溢寰區率賢臣共圖治理分任疆土滿漢兼統聲名遠播

大聖皇帝曰向者父阿列克席米汗羅為池會使尼果來等齋書至

天朝通好以不諳中國典禮語言舉止鄙陋無文望寬宥之至頌揚

皇帝之處外謬失體亦因地處荒遠典禮素昧所致幸勿見罪

朔方備乘

卷十四

雅克薩城考

三

皇帝在昔所賜之書下國無通解者未悉其故及尼果來歸問之但述

天朝大臣以不還逋逃根特木爾等騷擾邊境為詞近聞

皇帝與師辱臨境上有失通好之意如果下國邊民構釁作亂

天朝遣使明示自當嚴治其罪何煩輒動干戈今奉詔旨始悉端委遂令下國所發將士到時切勿交兵恭請察明我國作亂之人發回正法除嗣遣使臣

議定邊界外先令米起佛兒魏牛高宜番法俄羅瓦等星馳齋書以行乞撤雅克薩之圍仍詳悉作書曉諭下國則諸事皆寢永遠輯睦矣疏入

上諭鄂羅斯國察罕汗以禮通好馳使請解雅克薩圍朕本無意屠城欲從寬釋其令薩布素等撤回雅克薩之兵收集一所近戰艦立營并曉諭城內羅刺聽其出入毋得妄行攘奪俟鄂羅斯後使至日定議

康熙二十六年正月戊子

朔方備乘

卷十四

雅克薩城考

三

遣醫視軍士疾

上諭將軍薩布素等自雅克薩城解圍以來聞軍士間有患疾者此皆屬滿洲精兵朕甚憫焉今特遣醫二人賚藥調治之至羅刺雖與我對壘但我兵攻雅克薩城從未誅戮其人如城中有患疾之羅刺亦聽其就醫使還彼國傳布德意

七月戊子撤雅克薩官兵還愛琿墨爾根先是喀爾喀土謝圖汗奉

上諭偵探鄂羅斯國分界使臣消息至是土謝圖汗奏

鄂羅斯國使臣已抵臣境

上諭命薩布素等統率官兵乘天時未寒遣至愛璦墨爾根修整器械休養馬匹以度隆冬仍於要地嚴設斥埃并以察罕汗遣使請和撤遣大兵之故曉諭雅克薩城內羅刹知之

康熙二十八年分界碑云一將雅克薩地方鄂羅斯所修之城盡行除毀雅克薩所居鄂羅斯人民及諸物用盡行撤往察罕汗之地

雅克薩雜記

朔方備乘

卷十四

雅克薩城考

五

黑龍江外紀曰康熙二十一年將軍郎談疏言臣等從達呼爾墨爾根諸邊圍獵而行凡十六日至羅刹雅克薩城從黑龍江順流回凡十五日至愛璦城觀水勢從愛璦至雅克薩舟楫可通無險阻之患兩岸俱可牽纜而行從愛璦至黑龍江混同江會合處馬行可半月程從兩江會口至雅克薩城馬行可一月程舟行逆流可三月程疏載八旗通志名臣傳時尚未置驛站故道里如此

又曰達呼爾部舊有提督鎮守八旗通志將軍郎談傳云是晚令鎮守達呼爾提督白克進戰船於雅克薩城東南以備水戰事在康熙二十四年五月二十四日時黑龍江已設將軍提督一官未詳駐劄何地何時裁撤

又曰八旗通志將軍郎談傳臣等愚意欲取雅克薩諸城非紅衣礮不可破記奉天府有紅衣礮數座若速遣官得二十礮即可濟用又言令副都統温岱等潛進紅衣礮於城北攻之護軍

朔方備乘

卷十四

雅克薩城考

五

參領博里秋等於兩翼放神威將軍礮夾攻之又言率護軍參領馬世基以龍礮擊之然則今日庫存礮具皆平定羅刹故物也
又曰齊齊哈爾墨爾根黑龍江皆有礮日神威無敵大將軍齊齊哈爾黑龍江各四位日神威將軍齊齊哈爾黑龍江各十二位墨爾根八位日龍礮齊齊哈爾六位日威遠礮齊齊哈爾黑龍江各一位日子母礮齊齊哈爾二十位墨爾根黑龍江各十位其雅克薩城所獲羅刹礮三

位烏甯克爾珠爾亨等處所獲羅利礮二位並
殘毀子母礮一百九十五位行營礮四位皆齊
齊哈爾庫存永遠不動

又曰歲操額設烏鎗齊齊哈爾黑龍江各四百
五十杆墨爾根一百杆呼倫貝爾五百九十六
杆例皆演放時領出應用而齊齊哈爾墨爾根
黑龍江有額外殘毀及俄羅斯烏鎗數千杆存
庫不動臣秋濤謹案此烏鎗亦係征雅克薩時所獲也俄羅斯烏鎗其
受藥筒中凹凸如梅花不圓此與內地鎗迥異

朔方備乘

卷十四

雅克薩城考

美

察邊至墨里勒克者購而售之俄倫春利嘗數
倍餘察邊者不能得臣秋濤謹案外紀云商販舊與鄂倫春互市地名齊凌轉為麒麟因有麒麟營子之號後將軍傅玉搜獲逋逃無算乃禁互市今無聞蓋俄倫春即鄂倫春地與俄羅斯相近故俗貴俄羅斯烏鎗從所習也

朔方備乘卷十四

知縣吳壽坤初校知縣勞乃宣覆校

朔方備乘卷第十五

考九

尼布楚城考敘

臣秋濤謹案尼布楚城本中國蒙古屬地初非羅利所有亦非甌脫之區也俄羅斯於崇德四年始略有麥嘉湖及菴雅臘河附近之地又數年始據尼布楚城由是而東侵雅克薩南侵額爾古納擾害索倫諸部垂四十年皆恃尼布楚為巢穴及我

朔方備乘

卷十五

尼布楚城考敘

一

聖祖仁皇帝命將出師兼施勦撫於雅克薩額爾古納
皆收入版圖而尼布楚則捐以畀之蓋
聖度如天覆幬萬有既嘉察罕汗之上疏引咎情詞恭
順又憫其屬人無貿易棲託之所爰於龍江附
近

賜以一廛

厚澤

深仁霑濡絕徼二百年來彼國感戴

鴻慈堅守信約皆我

聖祖至誠化育貽謀深遠之所致也尼布楚亦作尼布
潮尼布抽尼布綽又作泥樸處又作泥撲處又
作你不楮實一地而譯文各異近來諸書紀載
往往誤分尼布潮尼布楚為二地又以尼布楚
為在江塞界內皆失事實乾隆五十八年經黑
龍江將軍遵

旨查明尼布楚城前經使臣定議屬俄羅斯然後此地
之原委始明臣謹哀集羣書加以考覈其歷代
舊蹟諸史所載亦附著於篇援古證今益以昭

朔方備乘 卷十五 尼布楚城考敘 二

謨烈相承垓垓化洽之盛云

尼布楚城星度

會典欽天監事例曰尼布楚城北極高五十一
度四十八分偏西十七分臣秋濤謹案水道提
綱作極高四十六度
八分偏西二分與會典
事例不同存以備考

欽定皇朝文獻通考曰尼布楚北極高五十一度四十
八分偏西十七分夏至晝冬至夜各六十五刻
十三分夏至夜冬至晝各二十刻二分節氣時
刻早一分

朔方備乘 卷十五 尼布楚城考 三

程同文論會典地圖里差書曰承垂詢雅克薩
一條足徵細心舊會典所載經度五十一有奇
偏西度十七分者乃尼布楚城也其曰偏十七
度者度為分字之譌尼布楚自康熙二十八年
與俄羅斯定界後此城已入俄羅斯境內自不
應列入雅克薩城為中國土壤居黑龍江全境
之北詳其里差未為不可但此城遠在尼布楚
之東經緯度皆不同捉瓜替李殊憤憤矣又所
示經緯度皆同諸處惟布魯特安集延係兩部
落萬無同理今更正若阿巴噶阿巴哈納爾雖
亦兩部落但係同祖即今兩部落之左翼兩旗
同境游牧其里差同者當指兩左翼旗若阿巴
噶右翼阿巴哈納爾右翼乃各為游牧在兩左
翼之西舊會典遺之者與科爾沁六旗祇載一
旗鄂爾多斯七旗祇載一旗者同例謬難盡糾
惟有仍之而已若布嚨堪布爾噶蘇台若薩克
薩克圖古里克者各合八字為一地名布嚨堪
亦有節去下五字者薩克薩克圖古里克則不

能節也崆格札布堪乃兩河名若指兩河合處則經緯度不符若案舊經緯度處札布堪河實經之崆格河不相涉也或改為札布堪河阿爾洪則經緯度恰合蓋札布堪河甚長里差當指其一處札布堪河阿爾洪者言札布堪河之側有阿爾洪山處以他處例之如曰克嚕倫河巴爾喀河言克嚕倫河之側有巴爾喀城也曰喀爾喀河克勒和碩者言喀爾喀河之側有克勒和碩山處也曰圖拉河汗山者言圖拉河之側

朔方備乘 卷十五 尼布楚城考 四

有汗山處也曰鄂爾坤額爾德尼昭者言鄂爾坤河之側有額爾德尼昭處也唐古特語謂廟曰昭額爾德尼昭者喇嘛廟也曰額爾齊斯河齋桑諾爾者言額爾齊斯河匯為齋桑諾爾處也以上各經緯度相同者皆當合其讀故於添出之木魯烏蘇亦作木魯烏蘇庫克賽爾多渾言木魯烏蘇河當庫克賽爾多渾渡處也

尼布楚方隅里至

盛京通志尼布楚城在黑龍江城西北二千餘里

建置年代無考

柳邊紀略曰愛渾將軍臣秋濤謹案即黑龍江將軍所屬東至海西至你不楮臣秋濤謹案即尼布楚阿羅斯界南至甯古塔界北至海以上不設郡縣無版圖羈縻之國居多焉

尼布楚城水道

水道提綱曰黑龍江折而東流曲曲稍北二百數十里有泥撲處河自西北大山東南流七百餘里合五水來會齊召南曰此水源在西二度六分極四十八度九分

朔方備乘 卷十五 尼布楚城考 五

東入內地黑龍江界臣秋濤謹案此語誤當刪說見下經泥撲處城南齊召南曰即尼布楚城在中度稍偏西二分極高四十六度八分臣秋濤謹案此所載度數與會典不同存以備考又東南流數十里折向東北二百里折而東稍北二百餘里經界碑南即與鄂羅斯國分界處也臣秋濤謹案此即諸班格爾必齊河界碑也自界碑以東始入內地黑龍江省界觀此可知前文之誤

龍沙紀略記黑龍江曰江在俄羅斯境內河之自西而東入江者九曰巴爾稽曰阿哈楚曰他爾巴哈泰曰圖魯泰曰他拉巴爾集曰特楞曰

俄克碩曰俄倫曰昂衣德河之自南而北入江

者三曰撲拉訶集曰圖里格曰温多

臣秋濤謹案巴爾稽

即巴勒集河與阿哈楚河皆在卡倫外匯敖嫩河方式濟以為在俄羅斯境非也其餘諸水皆在俄羅斯境悉屬尼布楚城統轄地

又曰黑龍江源上游為敖嫩河敖嫩源出阿毋

巴興安諸山之南東流六百里與科勒蘇河合

又東北八百里受眾流為黑龍江北合泥撲處

河經泥撲處城東蓋城因水為名也

黑龍江外紀曰黑龍江發源蒙古喀爾喀部之

朔方備乘

卷十五

尼布楚城考

六

聖特山其上游蒙古謂之鄂倫河他書亦作敖

嫩河即元史幹難河元太祖始興地也自此東

北流經俄羅斯尼布楚城之南入省北境受西

南來之額爾古訥河經雅克薩城折而東南至

黑龍江城北九十里受北來之精奇里江繞城

東南流會混同江入吉林境受烏蘇里江及恆

袞格林諸水東入於海

尼布楚城事蹟

尼布楚舊為中國屬部

崇德六年是時俄羅斯國始吞併尼布楚之地

臣秋濤謹案尼布楚本係布拉忒烏梁海茂明

安諸部落游牧採捕之地後為俄羅斯所併其

吞併之事未知確係何年恭繹康熙三十九年

聖祖仁皇帝聖諭云尼布楚等處原係布拉忒烏梁海

諸部落之地彼皆林居以捕貂為業人稱為樹中人

後鄂羅斯強盛遂并吞之已五六十年矣溯查當在

崇德年間以崇德六年辛巳距康熙三十九年

庚辰恰六十年故繫於此又謹案方略會典皆

朔方備乘

卷十五

尼布楚城考

七

載尼布楚原係我茂明安部游牧之所蓋茂明

安游牧時布拉忒烏梁海人皆為所役屬故會

典方略但言茂明安而不言布拉忒等舉其部

落之大者言也及茂明安部南徙布拉忒烏梁

海等仍在其地捕貂俄羅斯乃乘虛襲而據之

故

聖諭但言布拉忒等而不言茂明安舉其部落之現居

是地者言也

俄羅斯初併尼布楚

臣秋濤謹案異域錄曰俄羅斯國向無汗號原僻處於西北近海之計由地方而地界甚狹傳至依番瓦什里魚赤之時求助於西費耶斯科國王許助兵八千因假此兵力征收其族類而自號爲汗迄今三百餘年從此強盛將喀山並托波兒等處地方俱已征獲其後又侵占伊聶謝並厄爾庫泥布楚等地方國勢愈大據此是俄羅斯自西拓地漸至東方也一統志云俄羅斯地分八道一道自托波兒河東至尼布楚與

朔方備乘

卷十五

尼布楚城考

八

中國分界處曰西畢爾斯科俄羅斯國總記云康熙三十九年俄羅斯國取得甘查甲部地是西畢爾斯科東境甚廣獨舉尼布楚者與中國接界處也

偵探尼布楚情形

康熙二十二年將軍巴海等奏言過雅克薩城有尼布楚等城羅刹儻水路運糧增兵救援更難爲計臣秋濤謹案二城皆濱黑龍江故水路可以相通

二十三年馬喇等奏臣至索倫屢次密詢羅刹情形皆云現在雅克薩尼布潮二城各止五六百人尼布潮田畝不登但取資納米雅兒諸姓貢賦喀爾喀巴爾呼人時販牲畜等物至尼布潮尼布潮人亦捕貂與之交易得以生存又從尼布潮逃回之布赫德云舊納米雅兒新納米雅兒托空臥兒徹爾克吉兒巴林喀吉兒夸諾兒破塔噶兒巴牙噶兒等八姓之人並我根特木爾黨內逃人亦同彼游牧良河額爾古納河

朔方備乘

卷十五

尼布楚城考

九

等處

七月馬喇等奏臣等遣打虎兒副頭目倍勒兒等偵探雅克薩城情形云今夏自尼布潮復增發四百人計見在雅克薩者約九百人在尼布潮者不知其數

二十五年先是薩布素奏羅刹復來雅克薩築城盤踞遣理藩院郎中滿丕等確探情形以聞至是滿丕奏生擒羅刹鄂克索木果訊之云去歲尼布潮頭目宜番令大兵釋歸之額里克謝

率五百餘人復至雅克薩依舊址築城

檄察罕汗收回尼布潮之眾

康熙二十五年七月

聖祖諭曰向者羅刹侵犯雅克薩尼布潮諸地朕思本朝頻行宣諭曾未一答而雅克薩羅刹又死守不去或尼布潮諸地阻隔前言未達或雅克薩羅刹皆彼有罪之徒不便歸國俱未可知今問荷蘭國貢使稱伊國與鄂羅斯接壤語言亦通其以屢諭情節備悉作書付荷蘭國使臣轉發鄂羅斯察罕汗處收回雅

朔方備乘

卷十五

尼布楚城考

十

克薩尼布潮羅刹

以尼布楚地畫界

康熙二十五年丙寅正月甲戌

上諭大學士勒德洪學士麻爾圖曰日者大兵往征鄂羅斯破雅克薩城釋鄂羅斯不誅赦之使生還其時不並取尼布潮地者蓋以尼布潮地畫為疆索使鄂羅斯不得越尼布潮界外聽其捕牲也今薩布素等奏言鄂羅斯復來城雅克薩地今當即往征而滅之耶抑或緩之以待黑龍江墨爾根地將士移家既

定然後進兵為宜耶令議政王貝勒大臣及與鄂羅

斯之役彭春佟保班達爾沙郎談同爾等會議以聞

臣秋濤謹案 盛京通志尼布潮作尼布楚蓋譯字偶殊或誤會一統志之文謂為二地非也

大兵直抵尼布楚城

黑龍江外紀曰又有尼布楚城者他書作尼布抽亦作尼布潮亦羅刹築東南距黑龍江城二千里大兵進勦直抵城下羅刹懼乃定分界之議今屬俄羅斯康熙三十九年

聖祖諭云尼布楚等處原係布拉忒烏梁海諸部落之

朔方備乘

卷十五

尼布楚城考

十一

地彼皆林居以捕貂為業稱為樹中人後俄羅斯強盛遂并吞之可見地本非其有特中國不屑爭尺寸

耳臣秋濤謹案康熙二十四年以後大軍兩次

進勦雅克薩城此事之顯著世所共知者至大

兵直抵尼布楚城下則惟此書言之或疑其未

確今案

欽定平定羅刹方略載康熙二十七年遣內大臣索額圖等與俄羅斯來使集議派出借往之八旗前鋒護軍火器營等兵各數百人命都統郎坦等

率之偕往錢良擇出塞紀略言是役軍容甚盛
合徒役計之幾二萬人因喀部與準部構兵道
阻而還至二十八年復

命索額圖等赴尼布楚會議方略云官兵同往者量增
於前又

命調黑龍江兵千五百人各帶仗械由水路赴尼布楚
與索額圖等會是官兵大隊前進直抵尼布楚
城下羅刹畏我兵威斷不致有劫盟之事此以
見

朔方備乘

卷十五

尼布楚城考

三

廟算周詳無微不至已

費耀多羅等定議邊界

康熙二十七年五月俄羅斯國使臣費耀多羅
等至色冷格地遣人來期我使至彼會議

聖祖命內大臣索額圖都統公國舅佟國綱及尙書阿
爾尼左都御史馬齊護軍統領馬喇往主其議
並派八旗前鋒兵二百護軍四百火器營兵二
百每翼前鋒參領一員署前鋒參領一員署前
鋒侍衛二員每旗護軍參領二員署護軍參領

六員每翼火器營協領一員參領一員每旗章
京一員令都統郎坦班達爾沙副都統納秦札
喇克圖率之偕往因

諭索額圖等曰羅刹侵我邊境交戰於黑龍松花呼馬
兒諸江據我屬所居尼布楚雅克薩地方收納逃人
根特木爾等與大兵築城愛渾兩次進勦雅克薩攻
圍其城一切情事瑪拉可與諸臣詳言之俾洞曉其
故始知朕從事羅刹原委至爾等奉使前往有應酌
議者卽詳議以聞索額圖等奏言查鄂羅斯所據尼

朔方備乘

卷十五

尼布楚城考

三

布楚本係我茂明安部游牧之所雅克薩係達
呼爾總管倍勒兒故墟原非羅刹所有亦非兩
界隙地也况黑龍江最爲扼要未可輕忽視之
由黑龍江而下可至松花江由松花江而下可
至嫩江南行可通庫爾瀚江及烏拉甯古塔錫
伯科爾沁索倫達呼爾諸處若向黑龍江口可
達於海又恆滾牛滿等江及淨溪里江口俱合
流於黑龍江環江左右均屬我屬俄樂春奇勒
爾畢喇兒等民人及赫真費雅喀所居之地不

盡取之邊民終不獲安臣以為尼布楚雅克薩黑龍江上下及通此江之一河一溪皆屬我地不可棄之於鄂羅斯又我之逃人根特木爾等三佐領及續逃一二人悉應索還如一遵行即歸彼逃人及大兵俘獲招撫者與之畫疆分界貿易往來否則臣當即還不與彼議和矣

上允之是日索額圖等起行未抵色冷格地方適喀爾喀厄魯特爭戰報至

上即遣侍衛夸塞關保追索額圖等令其退駐喀倫地

朔方備乘 卷十五 尼布楚城考 四

臣秋濤謹案使俄羅斯行程錄作喀龍 以道阻緣由遣人曉諭

鄂羅斯使臣於是索額圖等以前情作書令前

鋒參領索羅希臣秋濤謹案使俄羅斯行程錄作索羅和等送往伊

等遂暫回喀倫等鄂羅斯使臣答書稱已遣人

由尼布楚赴京索羅希等以書奏

覽

上隨召索額圖等還康熙二十八年四月壬辰

聖祖復遣內大臣索額圖等與鄂羅斯使臣會議時鄂

羅斯使臣所遣人至言其大使者費羅多羅等

前來尼布楚地方

聖祖乃遣索額圖等赴尼布楚就議官兵同往者量增

於前又

命調黑龍江兵千五百人各帶仗械由水路赴尼布楚

與索額圖等會索額圖等奏言尼布楚雅克薩

既係我屬所居地臣等請仍如前議以尼布楚

為界此內諸地均歸於我

聖祖諭曰今以尼布楚為界必不與鄂羅斯則彼遣使

貿易無棲托之所勢難相通爾等初議時仍當以尼

朔方備乘 卷十五 尼布楚城考 五

布楚為界彼使者若懇求尼布楚可即以額爾古納

為界是日索額圖等啟行十二月丙子

聖祖遣官立界碑於格爾彌齊河諸地時內大臣索額

圖等抵尼布楚城與鄂羅斯國來使費羅多羅

額禮克謝會議彼初猶以尼布楚雅克薩為所

擴之地固執爭辨索額圖等以鄂嫩尼布楚係

我國所屬茂明安諸部落舊址雅克薩係我國

人阿爾巴西等故居後為所竊據細述其原委

開示之因直斥其侵犯之非復宣諭

皇上好生德意於是費耀多羅等及俄羅斯國人眾皆歡呼誠服遂出地圖議明分界事宜共相盟誓永歸和好

索額圖赴尼布楚城會議

索額圖滿洲正黃旗人姓赫舍哩氏內大臣一等公索尼第三子初任侍衛由三等海遷至一等

聖祖仁皇帝康熙七年授吏部右侍郎旋授國史院大學士改保和殿大學士十一年加太子太傅十

朔方備乘

卷十五

尼布楚城考

七

九年八月索額圖以疾請解大學士任尋授議政大臣因事落職二十五年八月授領侍衛內大臣時俄羅斯屢犯黑龍江邊境侵踞雅克薩地我兵攻圍之其眾乞降徙去未幾又來踞

聖祖復發兵攻圍其察罕汗乃遣人謝罪請釋圍

詔許退兵令別遣使來議地界尋遣使費耀多羅等至

色冷額請議二十七年

命索額圖偕瑪拉等率師由喀爾喀前往會議行至中途值噶爾丹侵掠喀爾喀部道路梗阻乃班師

聖祖命傳諭費耀多羅等緩期定議二十八年四月命索額圖同都統佟國綱等往尼布楚定議索額圖奏言尼布楚雅克薩應仍歸界內

上曰以尼布楚為界則鄂羅斯遣使貿易無棲托之所彼若乞與尼布楚可即以額爾固納河為界索額圖

至尼布楚費耀多羅等欲以尼布楚雅克薩歸彼界固執爭辨索額圖詳述舊屬我

朝原委斥其侵踞之非宜感戴

皇上好生之德意於是定議以額爾固納河及格爾必

朔方備乘

卷十五

尼布楚城考

七

齊河為界立碑垂示久遠此索額圖兩次奉使之始末也

尼布楚城守尉處分

會典事例曰康熙三十二年覆准俄羅斯有私越邊界者應拏送治罪今俄羅斯復有潛至精奇里烏拉等處打貂行走恐伊等頭目不知應行文尼布楚城守尉查拏治罪並申飭嗣後不許越界如城守尉查拏不嚴即行文察罕汗將城守尉一併治罪

臣秋濤謹案此條後經理藩院纂入則例所言城守尉乃

俄羅斯國所設官也

尼布楚互市

理藩院則例云中外既經通商其附近邊界之地零星買賣在尼布楚色楞格二處擇平安地面蓋造住房令願往貿易者前往貿易住房周圍牆柵量與修造亦不徵稅均由官定路徑行走如有繞道或赴他處貿易者將貿易貨物入官一體派員按名數撥兵同心守護臣秋濤謹案此係雍正五年定例今黑龍江互市即在尼

朔方備乘

卷十五

尼布楚城考

七

布楚地也

龍沙紀略曰俄羅斯近邊曰泥樸處城色楞額城尼爾苦斯城尼爾苦斯有總管駐守入通市者皆泥樸處人別其種曰羅利誤老鎗又誤老羌臣秋濤謹案老鎗誤老羌不誤蓋烏孫本羌種也

尼布楚與巴爾呼人絕互市

藩部要略曰康熙二十一年

詔車臣汗部大軍征俄羅斯絕弗與通市先是俄羅斯

部人散居雅木薩臣秋濤謹案雅木薩當即雅非黑龍江之雅克薩也尼布楚諸地車臣汗諾爾布屬巴爾呼與接壤時以牲畜及貂互市其黠者闖入

黑龍江沿邊肆掠人因呼之為羅利至是大軍往征

詔車臣汗諾爾布飭所屬與絕市臣秋濤謹案方略載三年此則繫於二十一年未詳孰是

尼布楚越境之犯格外

恩宥

朔方備乘

卷十五

尼布楚城考

七

異域錄曰使臣圖理琛等向噶嚕林言爾國所屬之泥布楚城臣秋濤謹案泥布楚即尼布楚居住之庫似克等共十口越境至中國地方伐木打牲被我巡邏兵役拏獲理應遵定邊界和議之款治罪我大皇帝仁慈寬大姑宥其罪其寬免情由曾有文書交與商人科密薩爾帶來使爾知會爾察罕汗此文書曾到否噶嚕林曰文書已到業已差人稟知我察罕汗其回信尙未會收我從前在泥布楚城作頭目時似此等私行越境人亦有割耳

鼻者亦有砍手者大辟者

尼布楚口糧議借黑龍江輓運

乾隆二十二年八月

上諭軍機大臣等俄羅斯驛遞來人在理藩院呈遞薩納特衙門文書內稱伊國東北邊界居人被災現造船輓運口糧必由東路尼布楚地方陰葛達河額爾袞河及黑龍江行走求勿攔阻等語初與俄羅斯議定十一條內並無踰界遣人運送什物一項已交該院行文飭駁矣但外夷不識事體或以已在理藩院

朔方備乘

卷十五

尼布楚城考

三

呈遞文書遂不俟回文即向臺站人等求其放過亦事所必有將軍綽勒多即令臺站官員曉諭伊等云爾薩納特衙門雖已行文理藩院我等並未接准理藩院文書豈敢據爾一面之詞私放入境假令我等口稱曾行文爾薩納特衙門即欲進爾邊界行走爾等信乎務須加意防守卡座勿令私過儻不聽阻止恃強前行台站官員報到時綽勒多即酌派官兵擒拏照私越邊界辦理

查明尼布楚屬俄羅斯原委

乾隆五十八年癸丑二月丁丑

上諭軍機大臣等據明亮奏查明尼布楚城雅克薩城原委一摺該處境地既經松鄂托與俄羅斯使臣議以雅克薩城內屬尼布楚城屬俄羅斯並令將向住雅克薩之俄羅斯盡撤回伊察罕汗地方現在雅克薩會否設卡撥人駐守著明亮等查明奏聞臣秋濤謹案康熙二十八年與俄羅斯議定疆界往議大臣姓名載在平定羅利方略獨未見松鄂托之名或曰松鄂托三字與索額圖對音相同蓋黑龍江檔案係屬清文故譯漢字有不同耳考黑龍江外紀乾隆五十八年明亮任黑龍江將軍

朔方備乘

卷十五

尼布楚城考

三

尼布楚境即古烏洛侯國考

臣秋濤謹案烏洛侯國即俄羅斯

欽定皇朝文獻通考已有定論惟魏書北史所載烏洛侯國疆域甚狹而今俄羅斯地域較廣遂有疑其非一地者茲集諸說詳加考證知今尼布楚城屬地即古烏洛侯國實屬俄羅斯境非中國地明時烏洛侯之名久湮而艾儒略地圖即以烏洛侯為俄羅斯確有所見洵遠西之能讀古書者也謹備錄魏源張穆諸說而以臣秋濤管

闕之見附於後云

魏源海國圖志曰魏書烏洛侯國從難水北行二十餘日有于己尼大水即北海

欽定皇朝通考據此疑烏洛侯即俄羅斯然魏史列於高麗百濟勿吉契丹諸東國間又稱為拓拔先世舊墟且難水今黑龍江則所稱有于己尼大水者蓋塞外得水謂海之例非俄羅斯北之大海明矣

盛京通志云今黑龍江東北有大泊即于己尼大

朔方備乘

卷十五 尼布楚城考

三

水又一統志幹難河即黑龍江之源故黑龍江亦名難水舊唐書曰烏羅渾國即後魏之烏洛侯也亦謂之烏羅護在長安東北六千三百里東與靺鞨南與契丹北與烏桓相接云云是烏洛侯即今索倫錫伯之地非俄羅斯益可證四裔考之誤况原書作烏洛侯而徑改侯為侯以叶斯音亦涉牽強今並不取

張穆身齋籤記曰

欽定皇朝文獻通考有云俄羅斯即元魏之烏洛侯國

朔方備乘

卷十五 尼布楚城考

三

案烏洛侯乃元魏先世所居地也魏書序紀宣皇帝推寅南遷大澤方千餘里厥土昏冥沮洳謀更南徙未行而殂獻皇帝鄰時有神人言於國曰此土荒遐未足以建都邑宜復徙居帝時年衰老乃以位授子聖武皇帝詰汾奉帝命南移山谷高深九難八阻於是欲止有神獸其形似馬其聲類牛先行導引歷年乃出始居匈奴之故地云云案以圖理琛所紀證之匈奴故地今喀爾喀四部地也喀爾喀接壤俄羅斯國俄羅斯自元以來漸著載籍又經四五百年之開鑿至康熙末年尚稱沮洳泥淖山高林密賴嚮導指引而行則元魏以前之茫昧榛莽可知自非有神人異獸何由轉徙而南乎然則所謂山谷高深九難八阻必由俄羅斯出自喀爾喀之道殆即今喀倫以北圖理琛諸人所經行矣序紀遠溯黃帝適形其誕若此南遷之蹟則其祖宗以來相傳國史不同架空誣捏矣紀傳之言有歷數百載而始契證有據者謂非讀書考古

之奇快乎

又曰魏書世祖紀真君四年三月壬戌烏洛侯國遣使朝貢四夷傳勿吉在高句麗北失韋在勿吉北千里地豆干在失韋西千餘里烏洛侯在地豆干之北去代都四千五百餘里西北二十日行有于己尼大水所謂北海也世祖真君四年來朝稱其國西北有國家先帝舊墟石室南北九十步東西四十步高七十步室有神靈民多祈請世祖遣中書侍郎李敏告祭焉刊祝

朔方備乘

卷十五

尼布楚城考

五

文於室之壁而還靈徵志魏先世之居幽都也鑿石爲宗祖之廟於烏洛侯國西北自後南還其地隔遠真君中烏洛侯國遣使朝獻云石廟如故民常祈請其神驗焉其歲遣中書侍郎李敏詣石室告祭天地以皇祖先妣配敏等既祭斬樺木立之以置牲體而還後所立樺木生長成林其民益神奉之石室南距代京可四千餘里云云案以里到方位考之烏洛侯爲今俄羅斯地無可疑者尤可據者靈徵志言斬樺木以

置牲體後所立樺木生長成林而異域錄所紀俄羅斯物產亦惟松樺爲多艾儒略職方外紀漠北有烏洛侯

皇朝通考四裔考因之且言侯乃侯之形譌斯則侯之聲轉直以烏洛侯爲俄羅斯非鑿空也俞君理初但檢魏書本紀而不核傳志因疑俄羅斯時尚未起非侯必侯譌舊唐書唐會要烏羅渾國並云蓋後魏烏洛侯今亦謂之烏羅護是侯護同一對音字不應就中國字形嬗改爲侯復

朔方備乘

卷十五

尼布楚城考

五

轉其音爲侯以就西夷向壁之論竊謂侯字即非侯譌其地南至代都四千五百餘里亦必爲俄羅斯地無疑况如漢之屯氏至隋而屯譌爲毛因於其地立毛州安知此渾護之音不因侯字既譌侯而移謬若此乎寰宇記云烏羅渾國亦謂之烏護乃言譌也總緣譯無定字輾轉格誤考者但以里到山川核之證其沿革可矣俞君之言非通議也

臣秋濤謹案北史云魏之先出自黃帝軒轅氏

黃帝子曰昌意昌意之少子受封北國有大鮮卑山因以為號其後世為君長統幽都之北廣漠之野畜牧遷徙射獵為業淳樸為俗簡易為化不為文字刻木結繩而已黃帝以土德王北俗謂土為托謂后為跋故以為氏其裔始均仕堯時逐女魃於弱水北人賴其勳舜命為田祖歷三代至秦漢獯鬻獫狁山戎匈奴之屬累代作害中州而始均之裔不交南夏是以載籍無聞積六七十代至成皇帝諱毛立統國二十六

朔方備乘

卷十五

尼布楚城考

三

大姓九十九威震北方臣秋濤謹案據此元魏之先亦以鮮卑為號其地在金錫伯利部境錫伯即鮮卑也史又言成帝之後節皇帝貸莊皇帝觀明皇帝樓安皇帝越宣皇帝推寅相次立又言宣帝南遷大澤方千餘里厥土昏冥沮洳謀更南徙未行而殂所謂大澤當即今柏海爾湖在錫伯利部東南境史又言宣帝之後景皇帝利元皇帝俟和皇帝肆定皇帝機信皇帝蓋威皇帝僧獻皇帝鄰相次立時有神人言此土

荒遐宜徙建都邑獻帝年老乃以位授子聖武皇帝詰汾奉命南移山谷高深九難八阻於是欲止有神獸似馬其聲類牛導引歷年乃出始居匈奴故地其遷徙策略多出宣獻二帝故時人並號曰推寅蓋俗云鑽研之義案柏海爾湖周千餘里湖之北曰額爾庫城自湖北繞至湖東曰巴爾古錫穆城又由湖東至尼布楚城南黑龍江南岸地即魏時烏洛侯國本境魏之先世石室史言在烏洛侯國西北當在尼布楚城

朔方備乘

卷十五

尼布楚城考

三

正西之地自湖之北之東至尼布楚城地皆大山密林險阻沮洳至今猶然所云匈奴故地即今喀爾喀土謝圖汗之境詰汾南移歷年乃出蓋其時黑龍江上源幹難河肯特山等處尤為高峻道路未通故仍繞路至柏海爾湖之東南伊坦珠等地以及湖南之楚庫河等地然後傍色楞格河兩岸抵恰克圖庫倫諸境今雖年代已遙其道路形勢固約略可見也或疑此所舉各地程途不及萬里何以當日南移經年始達

不知幽都以北道路艱阻觀康熙年間使臣圖
理琛所記以通衢驛路或遇雪深凍阻或遇冰
泮泥融動輒數月裹足不前况當詰汾之時並
無正路鑿空前行安得不遲至累年哉至烏洛
侯故墟在今尼布楚境則以史文西北有完水
之說知之說詳於後

北史曰烏洛侯國在地豆干北去代都四千五
百餘里其地下濕多霧氣而寒人冬則穿地爲
室夏則隨原阜畜牧多豕有穀麥無大君長部

朔方備乘

卷十五

尼布楚城考

无

落莫弗

臣秋濤謹案莫弗即其國酋長之號

皆世爲之其俗繩髮

衣服以珠爲飾人尙勇不爲姦竊故慢藏野積
而無寇盜好射獵樂有筮篲木槽草面而施九
弦其國西北有完水東北流合於難水其小水
皆注於難東入海又西北二十日行有于己尼
大水所謂北海也太武真君四年來朝稱其國
西北有魏先帝舊墟石室南北九十步東西四
十步高七十尺室有神靈人多祈請太武遣中
書侍郎李敞告祭焉刊祝文於石室之壁而還

臣秋濤謹案此云烏洛侯國西北有完水魏書

作貌水蓋貌本作兒與完字形相近故致譌誤
當依北史作完水爲是即黑龍江也所云東北
流合於難水難水即今嫩江亦名腦温江亦名
諾尼江者也今地志以嫩江入黑龍江而北史
謂完水入難水蓋今人以黑龍爲經流故言嫩
江入之北史則以嫩江爲經流故言完水入之
其實一也云諸小水皆注於難水東入海蓋通
黑龍江下游皆以難水目之也以水道方隅互

朔方備乘

卷十五

尼布楚城考

无

相印證則知烏洛侯國當在今俄羅斯東境黑
龍江南之地車臣汗部北境各卡倫之北爲尼
布楚城屬地今黑龍江源別名敖嫩河一作鄂
倫河亦即烏洛侯烏羅渾之音轉魏源疑烏洛
侯即索倫錫伯之地不知雖係索倫附近之境
而仍爲俄羅斯地此

欽定皇朝文獻通考所言烏洛侯即俄羅斯考古證今
實爲確不可易也至史又云烏洛侯西北二十
日行有于己尼大水即北海以方隅道里計之

尼布楚西北二十日行有惹尼色河乃漠北最大之川匯色楞格諸水入於北海惹尼色當卽于己尼下游入北海非卽北海也史文卽以爲北海蓋傳聞之誤通志以黑龍江東北大泊當之則與史文西北之語不合魏源以爲塞外得水謂海之海則又失之武斷矣

尼布楚卽林木中百姓考

康熙三十九年鄂羅斯遣使者齎奏至

聖祖曰鄂羅斯地方遙遠僻處西北海隅然甚誠敬噶

朔方備乘

卷十五

尼布楚城考

三

爾丹窘迫求救於彼曾拒而不答曩者遣人分畫疆界卽獻尼布楚地以東爲界尼布楚等處原係布拉忒吳郎海諸部落地彼皆林居以捕貂爲業人稱之爲樹中人後鄂羅斯強盛遂并吞之已五六十年矣遠服聲教畫疆獻地出自忠誠卽此允當軫念也

臣

秋濤謹案元祕史云免兒年成吉思汗命拙

赤領右手軍往征林木中百姓令不哈引路幹

亦刺種之忽都哈別乞比萬幹亦刺種先來歸

附遂引拙赤往征萬幹亦刺入至失黑失惕地

面幹亦刺秃巴思諸種皆來歸降至萬乞兒吉思處其官人也迪亦納勒等歸附獻白海青白駟馬黑貂於是自失必兒等種以南林木中百姓拙赤皆收捕之遂率乞兒吉思萬戶千戶並林木中百姓之官人並齎海青駟馬等物以歸獻於成吉思汗汗以幹亦刺種之忽都哈別乞先來歸附以女扯扯亦堅妻其子亦納勒赤又以拙赤之女豁雷罕妻亦納勒赤之兄又以女阿刺哈妻汪古種人並論拙赤曰我諸子中爾

朔方備乘

卷十五

尼布楚城考

三

最長今日初出征盡服林木中百姓我卽以百

姓賚爾

臣秋濤謹案祕史原文語多俚俗今改正以便觀覽

案此書所云

林木中百姓舊不知其所在

臣秋濤恭繹

聖訓知尼布楚等處捕貂部落有樹中人之稱今所謂

樹中人卽元時所稱林木中百姓也是時元太

祖居幹難河距尼布楚最近故先取之至乞兒

吉思卽吉利吉思地在謙河之濱今俄羅斯阿

穆哈拜商以南地也

雅庫考

臣秋濤謹案雅庫乃中國與俄羅斯交界之地
屢見於

聖祖仁皇帝聖訓諸書不言其地所在臣恭繹

聖訓當即尼布楚相鄰之地謹案康熙二十二年

聖祖諭曰大兵前臨雅克薩以朕諭旨遣人宣布俄羅斯諭之曰不忍將爾等遽行殄滅爾等欲各安生業共享太平則當即返雅庫地方以雅庫爲界於彼處捕其貂皮於彼土收其物產勿入我邊界恣意妄爲又曰俄羅斯果能遵旨即回以雅庫爲界而我兵駐

朔方備乘

卷十五

尼布楚城考

三

劄愛璋則於雅克薩地方安置哨兵令疆界甯謐康

熙二十五年

諭大學士勒德洪學士麻爾圖曰日者大兵往征俄羅斯破雅克薩城釋俄羅斯不誅赦之使生還其時不並取尼布楚地者蓋以尼布楚地畫爲疆索使俄羅斯不得越尼布楚界外聽其捕牲也是二十五年用兵本未取尼布楚城之明證二十四年正月諭曰姑再傳旨羅刹爾等欲相安無事可速回雅庫於彼爲界捕貂收賦毋復入內地謹案二十二年二十

四年

聖諭皆言雅庫而不言尼布楚二十五年

聖諭則言尼布楚而不言雅庫均係與俄羅斯畫界之

地考俄羅斯國總記有雅古薩部魏源曰此俄

一部非黑龍江之雅克薩也即雅庫也亦曰亞谷斯科亦曰

亞古德斯科亦曰牙谷內府圖所載惹鞠斯歸

當即其地尼布楚亦其所統轄也大抵以部落

言則曰雅庫以城池言則曰尼布楚松漠以北

寥廓無垠雖一部所屬之地而相去闊遠往往

朔方備乘

卷十五

尼布楚城考

三

有之不足異也

全祖望鮎埼亭詩集曰畫雅庫志討俄羅斯也

貌雅庫極朔漠層冰千尺經三伏鼯鼠千斤穿

絕谷虎狼姿兼以火器恣狂毒四十年來未臣

服彼索倫我之屬歲貢貂稱恭肅乃遭吞噬一

何酷

哲后嫌佳兵累書戒迷復充耳若不聞始出輕兵到樺

屋敵援自水來乘筏沿流速五百搨刀飛入江

滾牌所至指可掬不降且燎原編管秉杆各一

東賊乃鼠竄輸其城郭大帽凱歸不遺鏃賊尙
狡戀殘局幾林之屯更迭前偏強安得保種族
自今朝

滿座船廠聲靈遠赫濯自注初俄羅斯以順治十七年
入貢不知正朔稱一千一百六十三年其國最
精火器地大兵多稱極北地去北極祇二十度
耳自古所未通及築城於索倫之境奪其貢貂
索倫告急

詔書屢諭之俄羅斯不奉命至康熙二十四年始征之

朔方備乘

卷十五

尼布楚城考

五

大將林興珠別領藤牌兵五百敗其援兵於江
中俄羅斯未識藤牌驚曰此大帽軍也興珠乘
勝登陸欲焚其城俄羅斯棄城走師還僅以病
故損五人稱奇捷然次年俄羅斯復築城

詔黑龍江以北屯兵更番前逼之二十七年復出師而
別遣使臣張鵬翮等諭之俄羅斯奉

命歸我侵地及城始畫雅庫而守之嗣是遣使入朝矣
三十七年厄魯特反從之乞援俄羅斯拒之遂
永為不叛之臣案此詩所詠雅庫乃分界處與

諸書所言合錄之以備考證云

朔方備乘

卷十五

尼布楚城考

五

朔方備乘卷十五

知縣吳壽坤初校
知縣勞乃宣覆校

朔方備乘卷第十六

考十

波羅的等路疆域考

波羅的路總載

波羅的路一曰波羅的海東部因地在波羅的海之東故以為名或亦謂之東俄羅斯以在西俄之東也古為奄蔡國西境明代屬瑞典國康熙年間俄羅斯彼得羅王始取其地建城以為新都即三皮提里普爾斯科也是為八道之一

朔方備乘

卷十六

波羅的等路疆域考

一

乾隆末年謂之東俄羅斯領五部嘉慶年間謂之波羅的海東部道光初年為西方各鎮道光末年改稱波羅的路凡統五部

全境八到

東至大俄路諾弗哥倭羅克達等部界
南至大俄路北斯哥及西俄路威得比斯科界
西至波羅的海渡海接瑞典國界
北至瑞典國那威所屬之肥引墨部界
東北至白海接亞干日界
東南至大俄路窩羅達北斯哥等部界
西南至西俄路明斯克維里納及波蘭等部界

西北至瑞典國臘巴爾部界

三皮提里普爾斯科

三皮提里普爾斯科部波羅的路所屬五部中之首部也俄羅斯國王建新都於此一統志四裔考所載並同此名內府圖作散博德爾布魯克城異域錄又作三柯忒撤忒爾總記作比特革部志略作彼得羅堡又作必特爾士木爾又作桑比斯德爾不爾扼備考作桑比德爾斯不爾厄全志作彼德堡事輯作散丕特里普爾進

朔方備乘

卷十六

波羅的等路疆域考

二

呈書籍記作丕葉忒爾布爾噶皆一地也古為奄蔡國西境元為欽察國西境明代屬瑞典國亦名西費耶斯科國康熙四十餘年間俄羅斯國彼得羅王與西費耶戰勝割其東境芬蘭之地築城於海濱而遷都焉遂以已名之轄小部落六幅員萬八千九千方里戶口八十萬八千五百一十二志略曰居民四十二萬五千內水陸兵五萬五千客民二萬五千臣秋濤謹案諸書所載方里戶口沿海一帶平野蒼茫松榆茂密間有狹田地氣寒甚半年為

冬都城在尼瓦河口近偪海港西風起則潮湧入城街衢泛溢遇風潮壯猛之年田廬多被水患道光九年浸溺幾及萬人乃奇稜也土產稻麥樹木乾隆末年三皮提里普爾為東俄羅斯首部嘉慶年間為波羅的海東部之首部道光初年為北方十二鎮之首部道光末年為波羅的路之首部

全境八到 東至倭羅克達部界 南至北斯哥部界 西至波羅的海 北至芬蘭部界

朔方備乘

卷十六

波羅的等路疆域考

三

東北至白海接諾弗哥部界 東南至窩羅達部界 西南至斯多尼亞部界 西北至芬蘭部界

斯多尼亞

斯多尼亞部波羅的路所屬五部中之一部也內府圖作郭羅穆斯多托城總記作里圭部志略備考並作斯多尼亞部皆一地也本屬瑞典國元成宗大德四年為日耳曼國所奪後歸於俄羅斯轄小部落三幅員六千八百九十方里戶口三十九萬零三十二土番宏土種類皆習額

利教地在芬蘭海灣之南平行多湖夾岸茂林美田疇播種豐稔乾隆末年屬東俄羅斯嘉慶年間屬波羅的海東部道光中年為北方十二鎮之一道光末年屬波羅的路

全境八到 東至三皮提里普爾斯科部界 南至威得比斯科部界 西至波羅的海界 北至芬蘭海灣界 東北至三皮提里普爾斯科部界 東南至北斯哥部界 西南至里窩尼亞部界 西北至波羅的海界

那耳瓦

朔方備乘

卷十六

波羅的等路疆域考

四

那耳瓦部波羅的路所屬五部中之一部也一統志所載同此名南懷仁圖作里福尼亞異域錄作那爾瓦城內府圖作訥爾瓦城總記備考並作利窩尼亞全志作里窩尼亞皆一地也本屬俄羅斯明嘉靖年間俄羅斯之以萬王異域錄作依番五什里起兵攻韃韃里維時瑞典即西費耶斯科國方強以萬王割那耳瓦城以賂西費耶國西費耶國王借兵八千與之遂盡取大俄諸部地自是那耳瓦城屬西費耶國至康熙年間彼

得羅王遣使向西費耶國索還那耳瓦城西費耶國不與由是竟成仇敵日尋干戈後西費耶兵敗失城數處那耳瓦城復歸俄羅斯統屬轄小部落五幅員二萬一百一十方里戶口七十三萬七千七百三十四土番宏土種類皆習額利教其地在芬蘭海港之南窪土多湖樹木稠密厥田稱上上乾隆末年屬東俄羅斯嘉慶年間屬波羅的海東部道光初年爲西方十二鎮之一道光末年屬波羅的路

朔方備乘

卷十六

波羅的等路疆域考

五

全境八到

東至三皮提里普爾斯科部界
南至戈爾部界
西至波羅的海
北至斯多尼部界
東北至利牙海灣
東南至威得比斯科部界
西南至戈爾部界
西北至波羅的海

戈蘭

戈蘭部波羅的海所屬五部中之一部也總記所載同此名又作戈爾蘭又作哥爾蘭南懷仁圖作古爾蘭的亞內府圖作倭勒爾城志略作孤爾蘭的亞備考作孤爾耶的亞全志作孤蘭

皆一地也本屬瑞典元成宗大德四年爲耶麻尼所奪後歸於波蘭乾隆五十七年俄羅斯攻波蘭割得此部幅員九千五百四十四方里戶口五十六萬八千六百九十土番宏土種類皆習額利教其地亦在芬蘭海港之南少北平壤有湖叢樹木豐五穀乾隆末年屬東俄羅斯嘉慶年間屬波羅的海東部道光初年爲西方八鎮之一道光末年屬波羅的路

朔方備乘

卷十六

波羅的等路疆域考

六

全境八到

東至那耳瓦部界
南至威那部界
西至波羅的海
北至波羅的海
東北至那耳瓦部界
東南至威得比斯科部界
西南至普魯士國界
西北至波羅的海

芬蘭

芬蘭部波羅的路所屬五部中之一部也志略全志所載同此名南懷仁圖作非納康熙中瑞典有西費耶之稱費耶卽非納也總記作宏蘭備考作非蘭的亞大地全球說作肥閑進呈書籍記作費陽梁皆一地也本瑞典東北境俄羅斯

斯彼得羅王於康熙年間屢次攻伐戰勝割得之層巒疊嶽林深箐密地極廣莫而氣候寒列人戶貧乏轄小部落三十有三幅員十三萬四千四百四十四方里戶口百有三十四萬六千一百三十九土番宏土種類淳朴勤力作語音朗爽異他部乾隆末年屬東俄羅斯嘉慶年間屬波羅的海東部道光初年為北方十二鎮之一道光末年屬波羅的路

全境八到 東至阿占牙爾城 南至三皮提里普爾斯科部界

朔方備乘 卷十六 波羅的等路疆域考 七

西至波羅的海 北至冰海 東北至白海接亞干日部界 東南至諾弗哥部界 西南至波羅的海 西北至瑞典國所屬肥引墨部界

大俄路總載

大俄路一曰大俄羅斯部乃俄羅斯舊都北襟白海南帶窩瓦幅員遼闊故稱大俄漢時為康居國王夏所居地其近北海處為奄蔡國境其後烏孫自葱嶺西徙據其地譯者稱阿羅斯國即俄羅斯也元太祖遣速不台等滅之以封長

子朮赤為國王傳至月祖伯大王即以王名為國號又稱月即別部西洋人記韃韃里併俄羅斯即指此事韃韃里者蒙古游牧諸部之總名也朮赤封地距元大都最遠驛馬急遞二百餘日始達京師故其事跡史不能詳終元之世朝貢不絕元順帝時天下雲擾而朮赤之後封於俄羅斯者爵位如故既而俄羅斯種人依番瓦什里魚赤自窩羅克達地起兵驅逐蒙古據大俄羅斯地始自稱汗即所稱以萬王也是為今

朔方備乘 卷十六 波羅的等路疆域考 八

之俄羅斯立國之始明嘉靖年間俄羅斯既併喀山及阿斯塔爾汗諸地分國中為十六道曰莫斯科未亞曰俄羅斯定曰達斯達利亞曰泥閣辣曰所爾刺大曰因的日亞曰必查納曰官多拉以上八道皆今大俄之地康熙年間俄羅斯國分八道曰莫斯科窪即舊都曰佛羅尼使斯科統國都東南諸部落曰司馬連斯科統國都以西諸部落曰郭羅多阿木喀斯科統國都東北諸部落以上四道亦皆大俄地也乾隆末年

始合諸道爲一號曰大俄羅斯嘉慶年間爲大
俄部道光初年爲中央及北方各鎮道光末年
稱大俄路凡統十九部

全境八到

東至塔山所屬諸部界
南至南俄路所屬給爾孫諸部界
西至西俄路所屬摩宜勒威諸部
界
北至白海
東北至托波爾部界
東南至端可薩諸部界
西南至小俄路所屬諸部界
西北至波羅的路所屬各部界

莫斯科窪斯科

朔方備乘

卷十六

波羅的等路疆域考

九

莫斯科窪斯科大俄路所屬十九部中之首部
也俄羅斯自以萬王建國以來皆都於此康熙
年間彼得羅王既取三皮提里普爾以建新都
因呼此爲舊都亦謂之南都一統志四裔考所
載並同此名內府圖作謨斯夸城異域錄作莫
斯科窪總記作莫斯科海國圖作莫斯科窪志略
全志並作墨斯科備考作墨斯溝綏服紀略作
莫斯科瓦進呈書籍記作莫斯科廓瓦皆一地也
艾儒略圖之莫哥斯未亞南懷仁圖之沒箇斯

未亞亦卽此地轄小部落三幅員萬有五百方
里戶口百二十八萬九千八百二十兵二萬二
千土番皆習額利教北界近芬蘭諸地層巒疊
嶺林木葱龍天寒多雪尙不害麥亦產穀其城
結構鉅麗頭目所居皆飾金銀嘉慶十六年佛
郎西國擊破命王以重兵圍攻城將陷俄羅斯
燒之而走火旬日不息佛郎西師還時天驟嚴
寒士卒凍死十七八俄羅斯乘其敝而敗之城
經兵燹之餘極目荒曠嗣乃次第修復仿蒙古

朔方備乘

卷十六

波羅的等路疆域考

十

建佛廟仿佛郎西建衙署監獄輪奐之美無異
疇曩焉乾隆末年爲大俄羅斯首部統十九部
道光初年爲中央十四鎮之首部道光末年曰
大俄路仍統十九部
全境八到
東至拉的迷部界
南至都拉部界
西至司馬連斯科部界
北至底窪部界
東北至日羅斯拉部界
東南至利森部界
西南至加奧牙部界
西北至底窪部界
拉的迷

拉的迷大俄路所屬十九部中之一部也全志所載同此名內府圖作倭羅威謨爾城總記作阿那里麻又作窩拉里麻志略備考並作五拉的迷爾皆一地也轄小部落四幅員萬八千六百六十九方里戶口百三十萬六千零四十六土番皆額利教產鐵器乾隆末年為大俄羅斯屬部道光初年為中央十四鎮之一道光末年仍隸大俄路

全境八到

東至尼諾弗哥部界
南至利森部界

朔方備乘

卷十六

波羅的等路疆域考

十一

西至莫斯科窪部界
北至日羅斯拉部界
東北至郭羅多阿木喀部界
東南至尼諾弗哥及當波弗部界
西南至利森及莫斯科窪部界
西北至底窪部界

尼諾弗哥

尼諾弗哥大俄路所屬十九部中之一部也全志所載同此名內府圖作尼斯納城總記作尼斯諾科志略備考並作尼內諾烏疴羅又一作尼內諾弗哥皆一地也濱臨窩爾牙河為亞細亞洲歐羅巴洲各國商賈所聚惟河漲時有淹

溢之患轄小部落五幅員二萬五百零一方里戶口百三十四萬土番皆額利教乾隆末年為大俄羅斯屬部道光初年為中央十四鎮之一道光末年仍隸大俄路

全境八到

東至喀山斯科部界
南至奔薩部界
西至拉的迷部界
北至郭羅多阿木喀斯科部界
東北至維亞德加部界
東南至新比斯克部界
西南至當波弗部界
西北至郭羅多阿木喀斯科部界

利森

朔方備乘

卷十六

波羅的等路疆域考

十二

利森大俄路所屬十九部中之一部也全志所載同此名內府圖有羅散城即此地總記志略並作赫阿區部備考作里牙三皆一地也轄小部落五幅員萬四千五百五十三方里戶口百二十七萬二百九十土番俱額利教乾隆末年為大俄羅斯屬部道光初年為中央十四部之一道光末年仍隸大俄路

全境八到

東至當波弗部界
南至當波弗部界
西至都拉部界
北至拉的迷部界

東北至尼諾弗哥部界
東南至當波弗部界
西南至都拉部界
西北至莫斯科窪斯科部界

加婁牙

加婁牙大俄羅斯所屬十九部中之一部也志略全志所載並同此名總記作加魯牙備考作加婁架皆一地也轄小部落四幅員萬二千七百三十六方里戶口百十五萬九千六百土番皆習額利教土腴產粗尼粗布貿易蕃盛乾隆末年爲大俄羅斯屬部道光初年爲中央十四

朔方備乘

卷十六

波羅的等路疆域考

十三

鎮之一道光末年仍隸大俄路

全境八到

東至都拉部界
南至痾勒部界
西至司馬連斯科部界
北至莫斯科窪斯科部界
東北至莫斯科窪斯科部界
東南至都拉部界
西南至查尼俄部界
西北至司馬連斯科部界

司馬連斯科

司馬連斯科大俄羅斯所屬十九部中之一部也一統志四裔考所載並同此名內府圖作索謨令斯郭城總記作斯摩連志略作斯摩梭斯

科備考作斯摩梭斯哥全志作斯摩梭科大地

全球說作司馬廉斯科又作斯摩皆一地也轄小部落六幅員二萬二千零八十八方里戶口百二十九萬七百有五十土番皆額利教廟宇華麗康熙年間俄羅斯彼得羅王始攻取其地建爲八道之一設噶噶林於此總治西方諸部事務其時波蘭方強西俄之威得比斯科等部皆爲波蘭所屬故以司馬連爲邊疆重鎮也嗣俄羅斯於乾隆五十七年攻取西俄波蘭勢衰

朔方備乘

卷十六

波羅的等路疆域考

十四

於是罷噶噶林以司馬連爲大俄羅斯屬部道光初年爲中央十四鎮之一道光末年仍隸大俄路

俄路

全境八到

東至莫斯科窪斯科部界
南至痾勒部界
西至威得比斯科部界
北至底窪部界
東北至底窪部界
東南至加婁牙部界
西南至日希里部界
西北至北斯哥部界

都拉

都拉大俄羅斯所屬十九部中之一部也內府

圖有都拉城即此部志略全志所載並同此名

總記作都臘備考作斗拉皆一地也元史斡羅

思有秃里思歌城秃里即都拉思歌即斯科是

此城為俄羅斯著名之區今轄小部落四幅員

萬一千九百零四方里戶口百零九萬三千七

百二十土番皆習額利教產鐵器居民富庶乾

隆末年為大俄羅斯屬部道光初年為中央十

四鎮之一道光末年仍隸大俄路

全境八到 東至利森部界 南至疴勒部界

朔方備乘 卷十六 波羅的等路疆域考 五

西至加婁牙部界 北至莫斯科窪斯科部界

東北至利森及莫斯科窪斯科部界

東南至當波弗部界 西南至疴勒部界

西北至加婁牙部界

當波弗

當波弗大俄路所屬十九部中之一部也志略

備考全志所載並同此名內府圖作德班城總

記作旦摩甫皆一地也所轄小部落數處幅員

戶口未詳土番皆習額利教乾隆末年為大俄

羅斯屬部道光初年為中央十四鎮之一道光

末年仍隸大俄路

全境八到 東至端可薩部界 南至佛羅尼使斯科部界

西至疴勒部界 北至利森部界

東北至尼諾弗哥部界 東南至加的勾巴爾的哥部界

西南至古爾斯克部界 西北至都拉部界

疴勒

疴勒大俄羅斯所屬十九部中之一部也全志

所載同此名內府圖作阿多岳傅城志略備考

朔方備乘 卷十六 波羅的等路疆域考 六

並作疴勒爾總記作阿臘爾又作何臘爾又作

阿里爾又作阿臘里轄小部落五幅員萬六千

七百七十九方里戶口百二十七萬零八十五

土番皆習額利教美田疇產稻穀運售於比特

革乾隆末年為大俄羅斯屬部道光初年為北

方十二鎮之一道光末年仍隸大俄路

全境八到 東至佛羅尼使斯科部界 南至古爾斯克部界

西至查尼俄部界 北至都拉部界

東北至當波弗部界 東南至佛羅尼使斯科部界

西南至查尼俄部界
西北至加婁牙部界

佛羅尼使斯科

佛羅尼使斯科大俄羅斯所屬十九部中之一部也一統志四裔考所載並同此名內府圖作鄂羅尼城總記作窩羅義斯又作阿羅匿斯志略備考並作窩羅尼日全志作窩羅尼皆一地也端河東西兩源皆繞城下一曰鄂羅尼斯東河一曰鄂羅尼斯西河故即鄂羅尼斯為城名音轉為佛羅尼使轄小部落十一幅員三萬二

朔方備乘

卷十六

波羅的等路疆域考

七

千四百八十七方里戶口百有四萬四千八百二十土番皆習額利教土沃商賈盛康熙年間俄羅斯彼得羅王始取其地設噶嚕林治之列為八道之一凡國都東南諸部事成莅治焉嗣俄羅斯又闢南俄及高加索日爾日諸地於是罷噶嚕林以佛羅尼使為大俄羅斯屬部道光中年為中央十四鎮之一道光末年仍隸大俄路

全境八到

東至端可薩部界
南至端可薩部界

西至古爾斯克部界
北至當波弗部界
東北至當波弗部界
東南至端可薩部界
西南至加的勾巴爾的哥部界
西北至疴勒部界

古爾斯克

古爾斯克大俄羅斯所屬十九部中之一部也志略備考所載並同此名內府圖作古傳噶城總記作戈塞全志作古爾斯克皆一地也轄小部落五幅員萬四千九百五十四方里戶口百六十一萬一千一百土番皆額利教道光初年

朔方備乘

卷十六

波羅的等路疆域考

六

為大俄羅斯屬部道光中年為中央十四鎮之一道光末年仍隸大俄路

全境八到

東至佛羅尼使斯科部界
南至佛羅尼使斯科部界
西至查尼俄部界
北至疴勒部界
東北至當波弗部界
東南至佛羅尼使斯科部界
西南至計由斯科及加底里諾部界
西北至查尼俄部界

郭羅多阿木喀斯科

郭羅多阿木喀斯科大俄羅斯所屬十九部中

之一部也一統志四裔考所載並同此名南懷
仁圖作達斯達利亞內府圖作郭爾多斯瑪城
異域錄作郭羅多阿爾哈連一作郭羅多阿爾
哈達總記作果斯多羅麻又作果士多羅麻志
略備考並作哥斯德羅馬全志作哥斯德罵皆
一地也轄小部落六幅員三萬八千五百七十
方里戶口百四十二萬二千七百七十五番皆額利
教明嘉靖年間為十六道之一康熙年間為八
道之一設噶噶林於此總治國都東北諸部事

朔方備乘

卷十六

波羅的等路疆域考

十九

務倚為重鎮嗣俄羅斯罷噶噶林於道光初年
以郭羅多阿木喀斯科為大俄羅斯屬部道光
中年為北方十二鎮之一道光末年仍隸大俄

路

全境八到

東至維亞德加部界
南至尼諾弗哥部界
西至日羅斯拉部界
北至窩祿那部界
東北至窩祿那部界
東南至喀山斯科部界
西南至拉的迷部界
西北至窩祿那部界

日羅斯拉

日羅斯拉大俄羅斯所屬十九部中之一部也
志略全志備考所載並同此名總記作耶羅斯
羅內府圖作惹勒斯拉傅城皆一地也在大俄
羅斯之中央轄小部落五幅員萬四千五百二
十八方里戶口百有二萬二千九百九十土番
皆額利教道光初年為大俄羅斯屬部道光
年為北方十二鎮之一道光末年仍隸大俄路

朔方備乘

卷十六

波羅的等路疆域考

二十

底窪

東北至窩祿那部界
東南至拉的迷部界
西南至莫斯科部界
西北至倭羅克達部界

底窪大俄羅斯所屬十九部中之一部也總記
所載同此名又作底瓦內府圖作多倭爾噶珊
志略備考全志並作的威爾皆一地也其地附
近窩爾牙河轄小部落五幅員二萬四千二百
十三方里戶口百二十三萬三千三百五十八
土番皆習額利教道光初年為大俄羅斯屬部

道光中年爲北方十二鎮之一道光末年仍隸大俄路

全境八到

東至日羅斯拉部界
南至莫斯科霍斯科部界
西至北斯哥部界
北至倭羅克達部界
東北至倭羅克達部界
東南至拉的迷部界
西南至司馬連斯科部界
西北至倭羅克達部界

北斯哥

北斯哥大俄羅斯所屬十九部中之一部也全

志所載同此名內府圖作博勒斯古城總記作

朔方備乘

卷十六

波羅的等路疆域考

三

伯斯果甫又作伯斯果付志略備考並作北斯

哥弗大地全球說作白斯果甫皆一地也在大

俄羅斯之西轄小部落四幅員二萬二千二百

九十三方里戶口七十八萬三千九百四十五

番皆額利教道光初年爲大俄羅斯屬部道光

中年爲北方十二鎮之一道光末年仍隸大俄

路

全境八到

東至底窪部界
南至威得比斯科部界
西至威得比斯科部界
北至三皮提里普爾斯科部界

東北至倭羅克達部界
東南至司馬連斯科部界
西南至威得比斯科部界
西北至斯多尼部界

窩祿那

窩祿那大俄羅斯所屬十九部中之一部也總

記所載同此名又作阿鹿那內府圖作索魯歪

特集岳克達城志略全志備考並作疴勒內皆

一地也轄小部落十有九幅員十六萬三千七

百有十二方里戶口八十萬零二千一百七十

樹木蕃茂俗尚織機不產五穀皆仰商販土番

朔方備乘

卷十六

波羅的等路疆域考

三

皆額利教道光初年爲大俄羅斯屬部道光中

年爲北方十二鎮之一道光末年仍隸大俄路

全境八到

東至托波爾部界
南至白爾摩部界
西至倭羅克達部界
北至亞干日部界
東北至托波爾部界
東南至白爾摩部界
西南至郭羅多阿木喀斯科部界
西北至諾弗哥部界

倭羅克達

倭羅克達大俄羅斯所屬十九部中之一部也

內府圖作倭羅克達城南懷仁圖作所爾刺大

志略備考並作窩羅疔達總記作那窩俄落又作諾戈落又作諾科落全志作窩羅達皆一地也其地本漢奄蔡國地元時為欽察國按奄字欽字皆合口音倭羅二字亦合口音兩合則成奄字急讀則成欽字蔡察與克達音亦相近奄蔡鄰北海即今白海欽察極西北有寬田吉思海即今阿尼牙湖以道里方隅計之正相符合元史稱欽察人赤髮青睛猛勇善戰今俄羅斯人紅毛綠瞳而倭羅克達地俗最强悍其為欽

朔方備乘

卷十六

波羅的等路疆域考

三

察故壤無疑地處北隅並轄麻爾底瀕海各地為至蠻悍之區不受約束後為元太祖命將征滅其國以其地封長子朮赤遂為蒙古韃韃里別部至元順帝末年有俄羅斯種人依番瓦什里魚赤據倭羅克達地起兵遂盡取大俄羅斯諸部逐蒙古所立之王而自稱汗即所云以萬王也故倭羅克達為今俄羅斯國始興之地轄小部落八幅員五萬六千五百五十一方里戶口九十一萬五千五百其壯麗雖不及國都亦

俄羅斯至大之部落明嘉靖年間為十六道之一道光初年為大俄羅斯屬部道光中年為北方十二鎮之一道光末年仍隸大俄路

全境八到

東至窩祿那部界
南至底窪部界
西至三皮提里普爾斯科部界
北至諾弗哥部界
東北至亞干日部界
東南至日羅斯拉部界
西南至北斯哥部界
西北至三皮提里普爾斯科部界

諾弗哥

諾弗哥大俄羅斯所屬十九部中之一部也全

朔方備乘

卷十六

波羅的等路疆域考

三

志所載同此名內府圖作訥倭郭羅特城南懷仁圖作泥閣辣總記作阿羅義斯志略備考作諾弗哥羅皆一地也在大俄羅斯之北轄小部落七幅員七萬有七百八十九方里戶口三十五萬二千九百土番俱額利教多樹少五穀仰商販道光初年為大俄羅斯屬部道光中年為北方十二鎮之一道光末年仍隸大俄路

全境八到

東至亞干日部界
南至倭羅克達部界
西至芬蘭部界
北至亞干日部所屬阿占牙爾地

界
東北至亞干日部界
東南至窩祿那部界
西南至三皮提里普爾斯科部界
西北至芬蘭部界

亞干日

亞干日大俄羅斯所屬十九部中之一部也全志所載同此名內府圖作阿爾甘惹爾城備考作亞爾甘日耳志略作亞爾干日爾干乃干字之誤皆一地也地濱白海在大俄路之極北轄小部落四十有五地域最爲廣遠南懷仁圖有

朔方備乘

卷十六

波羅的等路疆域考

三

因的日亞必查納等處悉在部境幅員三十四萬六千一百三十三方里戶口十六萬二千六百六十又有一城名阿占牙爾亦曰阿占牙地在亞干日之西襟白海內府圖作噶爾噶噶博爾占噶爾斯歸城糧食俱由南方商舟運至舟不同帆至卽拆鬻爲薪以材木賤也土番皆額利教俗皆業漁乾隆末年以阿占牙爾統全部爲大俄羅斯屬部嘉慶年間移治於亞干日卽以亞干日爲部名道光初年亞干日爲北方十

二鎮之一道光末年仍隸大俄路
全境八到

東至托波爾部界
南至窩祿那部界
西至芬蘭部界
北至冰海
東北至冰海
東南至托波爾部界
西南至諾弗哥部界
西北至白海接芬蘭部界

小俄路總載

小俄路一曰小俄羅斯部地在黑海之北濱濕博爾河昔俄羅斯國被元太祖攻伐避居於此猶齊人之保卽墨也嗣仍爲元定宗等所取後

朔方備乘

卷十六

波羅的等路疆域考

三

數百年俄羅斯種人復盛建爲部落此地最稱膏腴因所統地狹故稱小俄異域錄言俄羅斯國向無汗號原僻處於西北近海之計由地方而地界甚狹卽指此也所云近海指黑海或作海北卽指黑海之北而言諸家援引誤爲北海非也康熙年間俄羅斯國分八道此曰計由斯科其後波蘭國強盛侵割計由斯科之地乾隆五十七年俄羅斯攻伐波蘭復取計由斯科道光初年曰小俄羅斯統三部九年以後爲小俄

部道光中年為南方及中央諸鎮道光末年稱小俄路凡統四部

全境八到

東至大俄路所屬佛羅尼使斯科
南至南俄路所屬比沙拉比部界
西至西俄路所屬窩黎尼亞部界
北至大俄路所屬司馬連斯科部界
東北至大俄路所屬古爾斯克部界
東南至南俄路所屬給爾孫部界
西南至南俄路所屬比沙拉比部界
西北至西俄路所屬日希里部界

計由斯科

朔方備乘

卷十六

波羅的等路疆域考

三

計由斯科小俄羅斯所屬四部中之首部也一
統志四裔考所載並同此名內府圖作覺傅城
總記全志作幾富又作幾付志略備考作究皆
一地也元時為阿羅思屬地太祖征俄羅斯其
民避兵多居於此太宗時又命皇子貴由皇姪
蒙哥征之貴由即定宗也城名計由蓋即貴由
殆戰勝之後以己名名城用旌武功也後數百
載俄羅斯以萬王始復國仍取其地建為部落
康熙年間計由斯科為俄羅斯八道之一厥後

為波蘭國所侵據乾隆五十七年復為俄羅斯
攻取按此地前併於蒙古後陷於波蘭相距凡
四百餘年總記云本俄羅斯舊地為韃韃里波
蘭兩國所據後復奪回似二國同時侵略者然
敘次殊未明晰茲附辨之計由斯科轄小部落
二十有二幅員萬七千五百五十七方里戶口
百三十五萬三千八百首部落有新舊之別舊
城廟宇多荒蕪新城極壯麗土番皆額利教俗
尚潔勤工作屋牆俱飾以白人多好勝道光初

朔方備乘

卷十六

波羅的等路疆域考

三

年為小俄羅斯首部統三部道光中年為南方
四鎮之首部道光末年曰小俄路統四部

全境八到

東至布多注部界
南至給爾孫部界
西至窩希尼部界
北至窩希尼部界
東北至查尼俄部界
東南至加底里諾部界
西南至比沙拉比部界
西北至窩希尼部界

查尼俄

查尼俄小俄羅斯所屬四部中之一部也全志
所載同此名總記作查尼俄甫又作渣尼俄付

志略備考並作者爾厄疴弗皆一地也轄小部落七幅員二萬二千九百八十八方里戶口百三十七萬八千五百土番皆額利教道光初年為小俄羅斯屬部道光中年為中央十四鎮之一道光末年仍隸小俄路

全境八到

東至古爾斯克部界
南至計由斯科部界

西至明斯克部界

北至疴勒部界

東北至疴勒部界

東南至布多注部界

西南至窩希尼部界

西北至司馬連斯科部界

朔方備乘

卷十六

波羅的等路疆域考

无

布多注

布多注小俄羅斯所屬四部中之一部也全志所載同此名內府圖作博羅傳城總記作布爾多注志略作加的勾巴爾的哥皆一地也惟備考以巴爾的哥加爾勾為二部與諸書異未詳孰是布多注轄小部落五幅員萬六千八百零十方里戶口百九十三萬三千土番皆額利教土產穀麥農商富庶道光初年為小俄羅斯屬部道光中年為中央十四鎮之一道光末年仍

隸小俄路

全境八到

東至佛羅尼使斯科部界
南至加底里諾部界

西至計由斯科部界

北至查尼俄部界

東北至古爾斯克部界

東南至加底里諾部界

西南至計由斯科部界

西北至查尼俄部界

色羅伯斯

色羅伯斯小俄羅斯所屬四部中之一部也全志所載同此名內府圖有舍勒特斯城即其地也幅員戶口未詳土番皆習額利教道光末年

朔方備乘

卷十六

波羅的等路疆域考

三

自為一部隸小俄路

全境八到

東至佛羅尼使斯科部界
南至多訥特斯城界

西至澤爾訥城界

北至當波弗部界

東北至達勒特斯城界

東南至噶蘭薩城界

西南至多訥特斯城界

西北至當波弗部界

南俄路總載

南俄路一曰南俄羅斯部地在阿速海灣之北濱端河古匈奴康居西境唐為突厥可薩部元初為俄羅斯與阿速二國接壤之地元太祖屢

征俄羅斯皆由阿速進兵蓋其地富庶易資糧
餉由此抵莫斯科窪皆平坦無險阻自西域伊
犁哈薩克諸境卷甲直進徑擣中堅此固制俄
羅斯之一奇也太祖既取俄羅斯並滅阿速以
其地封長子朮赤元順帝時俄羅斯種人復興
至明初阿速入貢蓋又分為兩國矣其壤平行
宜麥東道過裏海之北繞其東又越鹹海之北
而東道撒馬兒罕南道沿黑海之東又南越土
耳其諸國通天方其土番有所謂西底奄者最

朔方備乘

卷十六

波羅的等路疆域考

三

為曠野難制厥後俄羅斯日強先取端可薩部
其種人曰可薩者即突厥可薩部之遺裔驍勇
善戰俄羅斯用之以闢錫伯利廣土至康熙年
間彼得羅王又南取給爾孫諸部地迨加底尼
里王時阿速海灣以北諸地始盡隸俄羅斯道
光初年曰南俄羅斯統五部九年以後為南俄
部道光中年為南方諸鎮道光末年稱南俄路
凡統五部
全境八到 東至東俄路所屬阿斯達拉干部界

南至黑海
西至西俄路所屬窩希尼部界
北至大俄路所屬佛羅尼使斯科部界
東北至喀山路所屬新比耳斯克部界
東南至高加索路所屬薩加社部界
西南至西俄路所屬波多里部界
西北至小俄路所屬計由斯科部界

加底里諾

加底里諾南俄路所屬五部中之首部也全志
所載同此名總記作加底里一作斯底里加那

朔方備乘

卷十六

波羅的等路疆域考

三

甫志略備考並作厄加德黎諾斯拉皆一地也
乾隆六十年俄羅斯波爾王始於此地設部落
招商買今則為俄羅斯國中等之埠土壤肥沃
而艱於取水轄小部落四幅員二萬九千七百
五十五方里戶口九十四萬四千九百四十道
光初年為南俄羅斯首部道光中年為南方四
鎮之一道光末年仍隸南俄路

全境八到

東至端可沙部界
南至持里達部界
西至給爾孫部界
北至布多注部界

東北至端可沙部界
東南至端可沙部界
西南至擣里達部界
西北至計由斯科部界

給爾孫

給爾孫南俄羅斯所屬五部中之一部也志略備考全志所載並同此名內府圖作格里博根城總記作卡循皆一地也轄小部落十有一幅員二萬五千七百二十八方里戶口五十二萬三千六百道光初年為南俄羅斯屬部道光中年為南方四鎮之一道光末年仍隸南俄路

朔方備乘

卷十六

波羅的等路疆域考

三

全境八到

東至加底里諾部界
南至擣里達部界
西至比沙拉比部界
北至計由斯科部界
東北至加底里諾部界
東南至阿索富城部界
西南至比沙拉比部界
西北至計由斯科部界

擣里達

擣里達南俄羅斯所屬五部中之一部也志略全志所載並同此名內府圖作澤爾訥城總記作擣利達又名格里彌阿備考作道里達皆一地也在俄羅斯極南境三面皆環黑海惟北面

微地與南俄相連小山疊秀地氣溫煦稱樂土前屬耶麻尼後屬蒙古俄羅斯連年攻戰而得之轄小部落四幅員四萬三千五百六十二方里戶口四十三萬七千四百道光初年為南俄羅斯屬部道光中年為南方四鎮之一道光末年仍隸南俄路

全境八到

東至阿速海
南至黑海
西至黑海
北至給爾孫部界
東北至加底里諾部界
東南至阿速海

朔方備乘

卷十六

波羅的等路疆域考

三

比沙拉比

比沙拉比南俄羅斯所屬五部中之一部也全志所載同此名總記作密沙那彌又作密沙那米志略備考並作比薩拉比亞皆一地也轄小部落八幅員萬八千七百一十方里戶口三十一萬道光初年為南俄羅斯屬部道光中年為南方兩會城之一道光末年仍隸南俄路

全境八到

東至給爾孫部界
南至黑海

西至波多里部界
北至窩希尼部界
東北至計由斯科部界
東南至壽里達部界
西南至波多里部界
西北至窩希尼部界

端可薩

端可薩南俄羅斯所屬五部中之一部也全志
所載同此名又作端可沙總記作端戈沙司又
作端科薩斯備考作敦皆一地也按端河一作
敦河名地曰端可薩者謂居端河旁之可薩部
也在南俄諸部之東其種人曰可薩一作可沙

朔方備乘

卷十六

波羅的等路疆域考

三

本唐可薩突厥部落乃韃韃里蒙古種類悍勇
善戰馳騎如飛俄人每用以破敵稱為勁旅狀
貌修偉性情淳朴富足好施力農尚武其天性
也俄羅斯開拓錫伯利廣土皆此部兵力其鎮
守錫伯利之兵亦此部人部落生殺自擅所征
賦稅每年稍助俄羅斯新藩兵餉而已轄小部
落十有九幅員七萬七千零三十四方里戶口
三十一萬查加色首部部落也濱臨端河常被水
患遷城高阜仍其舊名民免昏墊而貿易不若

舊部之便按此部即異域錄之薩拉托付城內
府圖作薩拉多博城一作薩拉多博志略作薩
拉德夫惟圖理琛言薩拉托付濱佛爾格河而
端可薩則濱端河是端可薩在西薩拉托付在
東本為二地道光初年以端可薩統全部屬南
俄羅斯九年以後移治於薩拉托付既又以敦
為南方兩會城之一道光末年仍名端可薩隸
南俄路

全境八到

東至阿斯達拉干部界
南至阿斯達拉干部界

朔方備乘

卷十六

波羅的等路疆域考

三

西至佛羅尼使斯科部界
北至奔薩及新比斯克部界
東北至阿鄰堡部界
東南至阿斯達拉干部界
西南至加的勾巴爾的哥部界
西北至當波弗部界

東俄路總載

東俄路一曰東俄羅斯部地在裏海之北濱佛
爾格河古突厥得疑海東西部地也至明而阿
斯達拉干之名始大著明之中葉俄羅斯始併
有之名曰東俄言在國都莫斯科窪以東也考
波羅的路亦稱東俄羅斯蓋對西俄羅斯言也

然在國之西而稱以東究覺未協厥後改稱波羅的路而以阿斯達拉干二部爲東俄按之方隅較爲得實明崇禎年間額魯特蒙古土爾扈特部自塔爾巴哈台地西徙越哈薩克抵俄羅斯俄羅斯以阿斯達拉干東境地與之游牧康熙年間使臣圖理琛嘗至其境嗣至乾隆二十六年土爾扈特全部歸順俄羅斯仍收其地別建他藩揆厥形勢東控沙漠接蘇對而達葛邏西富膏腴撫和通而鄰阿速蒙回雜處戶口殷繁亦俄羅斯衝要之區也道光初年地爲南新藩高加索屬部道光中年爲東方諸鎮道光末年稱東俄路凡統二部

阿斯達拉干

阿斯達拉干東俄路所屬二部中之首部也志略所載同此名一作迂大罕內府圖作阿斯達拉罕城利瑪竇圖作亞斯大蠟甘南懷仁圖作亞私大蠟甘艾儒略圖湯若望圖並作亞斯德辣罕異域錄作阿斯塔爾漢又作阿斯塔兒汗

朔方備乘

卷十六

波羅的等路疆域考

三

朔方備乘

卷十六

波羅的等路疆域考

三

總記作阿薩塔干又作阿斯特臘贊又作歐色特里海國圖作亞沙塔干城備考作亞斯達拉干全志作阿斯達干皆一地也地居裏海之北古爲西域繁富之區故利瑪竇諸圖皆著其名明嘉靖間俄羅斯始兼併之以爲藩部轄小部落四十有一幅員戶口未詳地多曠野崇山爲高加索五藩部之都會窩瓦河從西北來由此入裏海兩岸草場豐美牧畜蕃庶卽土爾扈特寄居游牧之地也其地通衢四達西域游牧各部互市者絡驛於途故富饒爲五部之最女子絕美各部爭買爲婢妾價極貴有才能者或爲妃后裏海產鱧魚龍土人長於釣捕販行甚遠巴社之絲髮寶石諸貨皆售諸此土番亦富足善貿易貧者捕魚爲生東南隅有阿喇湖可以煮鹽格廉敏爲舊時首部今雖頽廢居民尙七萬餘內有英吉利佛蘭西巴社印度各國之商而都魯機國之阿敏尼阿人最衆其地明嘉靖間爲俄羅斯十六道之一道光初年爲俄羅斯

南新藩高加索五部之首部道光中年為東方八鎮之一道光末年改為東俄路之首部

全境八到

東至裏海
南至裏海
西至薩加社部界
北至端可薩部界
東北至阿鄰堡部界
東南至裏海
西南至薩加社部界
西北至端可薩部界

阿鄰堡

阿鄰堡東俄羅斯所屬二部中之一部也志略所載同此名又作疴倫不爾厄備考亦作疴倫

朔方備乘

卷十六

波羅的等路疆域考

无

不爾厄南懷仁圖作納加賀爾達總記作阿林墨又作阿林墨薩全志作疴倫堡皆一地也界亞細亞歐羅巴兩洲之間在北哈薩克之西烏拉嶺之西南裏海之東北豐草鋪原沙漠相間東隅有河發源烏拉嶺謂之烏拉河由境內南流歷阿斯達拉干東境而注裏海轄小部落三十有三幅員戶口未詳阿林墨本首部緣近邊界改移總領官於烏臘故近日以烏臘為首部土番頑梗漸歸馴服西域回部及蒙古諸部互

市於此以馬牛羊易布疋其地明嘉靖間為俄羅斯十六道之一道光初年為俄羅斯南新藩

高加索之屬部道光中年為東方八鎮之一道光末年改隸東俄路

全境八到

東至多木斯科部界
南至阿斯達拉干部界
西至喀山斯科部界
北至白爾摩部界
東北至托波爾部界
東南至北哈薩克部界
西南至阿斯達拉干部界
西北至維德加部界

喀山路

朔方備乘

卷十六

波羅的等路疆域考

罕

喀山路一曰加區俄羅斯部一曰加區俄部一曰加森部濱佛爾格河在莫斯科窪城東境烏拉嶺之西元史記西北地名有柯散國即其地也久為蒙古所據明嘉靖中俄羅斯王攻逐蒙古庫程汗遂有其地為十六道之一拓地東方實始於此庫程汗所屬多和通人奉回教蓋地鄰哈薩克諸部皆回教故居民亦漸染其風康熙中使臣圖理琛嘗至喀山地記述風土特詳是為俄羅斯八道之一道光初年為加區俄羅

斯道光中年改為東方各鎮道光末年復稱喀山路統五部

全境八到

東至東俄路所屬阿鄰堡部界
南至南俄路所屬端可薩部界
西至大俄路所屬尼諾弗哥部界
北至大俄路所屬窩祿那部界
東北至錫伯利路所屬多木斯科部界
東南至東俄路所屬阿斯達拉干部界
西南至大俄路所屬當波弗部界
西北至大俄路所屬郭羅多阿木喀斯科部界

喀山斯科

朔方備乘

卷十六

波羅的等路疆域考

望

喀山斯科喀山路所屬五部中之首部也一統志四裔考異域錄所載同此名元史作柯散南懷仁圖作加撒納內府圖作噶贊城總記志略作加區備考作加三全志作加森皆一地也轄小部落五幅員二萬二千二百七十二方里戶口百有十三萬八千八百先時街道咸鋪木板嗣因不戒于火改用磚石地多樹本產銅鐵土番普魯社種類勤耕種精硝皮製造番嶮本蒙古地明嘉靖三十九年始歸俄羅斯為十六道

之一康熙年間為八道之一道光初年為加區俄羅斯首部道光中年為東方八鎮之一道光

末年仍隸喀山路

全境八到

東至阿鄰堡部界
南至新比斯克部界
西至尼諾弗哥部界
北至維德加部界
東北至維德加部界
東南至阿鄰堡部界
西南至新比斯克部界
西北至郭羅多阿木喀斯科部界

新比斯克

新比斯克喀山路所屬五部中之一部也全志

朔方備乘

卷十六

波羅的等路疆域考

望

所載同此名南懷仁圖作木耳度瓦內府圖作薩瑪拉城異域錄作西穆必爾斯科總記作新麥塞又作新麻塞志略作新比耳斯克備考作新比爾斯克皆一地也濱臨佛爾格河轄小部落七幅員二萬九千九百一十方里戶口百有九萬五千一百四十一番普魯社種類出產銅鐵樹木本蒙古地明嘉靖三十九年始歸俄羅斯為十六道之一道光初年為加區俄羅斯屬部道光中年為東方八鎮之一道光末年仍隸

喀山路

全境八到

東至阿鄰堡部界
南至端可薩部界
西至奔薩部界
北至喀山斯科部界
東北至阿鄰堡部界
東南至阿斯達拉干部界
西南至端可薩部界
西北至尼諾弗哥部界

奔薩

奔薩喀山路所屬五部中之一部也志略備考全志所載並同此名內府圖作畢都克城總記作冰耶皆一地也大地全球說以奔薩音近欽

朔方備乘

卷十六

波羅的等路疆域考

星

察疑卽元之欽察國按欽察地在斡羅思之北而奔薩在今莫斯科窪之南方隅不合迥非一地奔薩濱臨蘇臘河轄小部落五幅員萬六千五百九十七方里戶口百有四萬四千八百土番普魯社種類勤耕種地多樹本蒙古地明嘉靖三十九年始歸俄羅斯道光初年爲加匱俄羅斯屬部道光中年爲東方八鎮之一道光末年仍隸喀山路

全境八到

東至新比斯克部界
南至端可薩部界

維得加

西至當波弗部界
北至喀山斯科部界
東北至喀山斯科部界
東南至端可薩部界
西南至當波弗部界
西北至尼諾弗哥部界

維得加喀山路所屬五部中之一部也全志所載同此名南懷仁圖作未亞得加總記作未壓加志略作維亞德加備考作維牙得加皆一地也轄小部落十有二幅員四萬七千三百八十一方里戶口百二十六萬九千五百土番普魯

朔方備乘

卷十六

波羅的等路疆域考

星

社種類產五穀多運售於阿占牙爾兼產銅及番嶮本蒙古地明嘉靖三十九年始歸俄羅斯爲十六道之一道光初年爲加匱俄羅斯屬部道光中年爲東方八鎮之一道光末年仍隸喀山路

全境八到

東至白爾摩部界
南至喀山斯科部界
西至郭羅多阿木喀斯科部界
北至窩祿那部界
東北至窩祿那部界
東南至阿鄰堡部界
西南至尼諾弗哥部界
西北至窩祿那部界

白爾摩

白爾摩喀山路所屬五部中之一部也志略備考全志所載並同此名內府圖作巴達雅噶珊南懷仁圖作白爾米亞又作白爾墨勿利各總記作巴母皆一地也轄小部落十有五幅員十二萬七千零一十七方里戶口百二十三萬二千四百七十土番普魯社種類西隅之山產銅鐵尤旺本蒙古地明嘉靖三十九年始歸俄羅斯為十六道之一道光初年為加區俄羅斯屬

朔方備乘

卷十六

波羅的等路疆域考

望

部道光中年為東方八鎮之一道光末年仍隸喀山路

全境入到

東至多木斯科部界
南至阿鄰堡部界
西至維得加部界
北至高祿那部界
東北至托波爾部界
東南至阿鄰堡部界
西南至維得加部界
西北至高祿那部界

西俄路總載

西俄路一曰西俄羅斯因其地在莫斯科窪之西故名坤輿圖載有里度瓦你亞未爾納波多

里亞等部或屬波蘭或自為國皆非俄羅斯地

也明建文四年時有渣遮爾倫國居於哥德諾之地與波蘭女主婚配遂合為一國併屬波蘭萬曆三十二年俄羅斯國波利斯王卒時波蘭國拉的斯勞王方強侵奪俄羅斯地及康熙年間俄羅斯彼得羅王始耀兵講武傳至加達利納女主乃發兵攻克波蘭奪其土壤三分之二是為西俄路所統之八部其戈蘭計由二部亦復歸於俄國時乾隆五十七年也按西俄羅斯

朔方備乘

卷十六

波羅的等路疆域考

望

有二一名里都阿尼即南懷仁所言里度瓦你亞也一名屋列尼則南圖未載蓋以波多里亞賅之也里都阿尼所屬五大部落曰威那曰威得比斯科曰哥德諾曰明斯克曰日希里後又增一部落曰北亞里屋列尼所屬二大部落曰窩希尼曰波多里土番二種曰白俄羅斯曰黑俄羅斯哥德諾一部黑俄羅斯也其餘威那等部皆白俄羅斯幅員十六萬五千方里戶口八百八十萬人甚麤曠地多砂石耕僅餬口產鐵

木蜜糖及豹狼熊牲畜道光初年曰西俄羅斯
道光中年改為西方各鎮道光末年復為西俄
路凡統八部又會城一

全境八到

東至小俄路所屬查尼俄部界
南至黑海

西至波蘭路所屬各部及塞地利
亞國界

北至波羅的路所屬戈蘭部界
東北至大俄路所屬司馬連斯科

部界
東南至南俄路所屬比沙拉比部

界
西南至土耳其國界

西北至波蘭路所屬各部界

朔方備乘

卷十六

波羅的等路疆域考

罍

威那

威那西俄路所屬八部中之首部也全志所載

同此名南懷仁圖作未爾納總記作威爾那志

略備考並作維里納皆一地也本屬波蘭乾隆

五十七年俄羅斯攻取之轄小部落二十有七

幅員戶口未詳首部落即名威那有教習技藝

館教習天文館教習造船館貿易繁盛道光初

年為西俄羅斯屬部道光中年為西方八鎮之

一道光末年仍隸西俄路

全境八到

東至明斯克部界
南至哥德諾部界

西至普魯士國界
北至戈蘭部界

東北至戈蘭部界
東南至哥德諾部界

西南至波蘭路所屬各部界
西北至波蘭路所屬各部界

威得比斯科

威得比斯科西俄路所屬八部中之一部也全

志所載同此名志略作威德比斯科備考作威

德比斯科總記作威底塞又作委底塞又作威

尼塞大地全球說作威底色皆一地也遠古沿

朔方備乘

卷十六

波羅的等路疆域考

罍

革未詳明以來本屬波蘭乾隆五十七年俄羅

斯攻取之轄小部落二十有二幅員戶口未詳

首部落即名威底塞貿易亦盛乾隆末年為西

俄羅斯屬部道光初年為西方八鎮之一道光

末年仍隸西俄路

全境八到

東至司馬連斯科部界
南至明斯克部界

西至威那部界
北至北斯哥部界

東北至北斯哥部界
東南至日希里部界

西南至明斯克部界
西北至斯多尼部界

哥德諾

哥德諾亦稱黑俄羅斯西俄路所屬八部中之一部也全志所載同此名總記作俄羅斯志略備考並作哥羅德諾皆一地也本渣遮爾倫國故都後歸波蘭乾隆五十七年俄羅斯攻取之其城郭樓臺僅存基址而已轄小部落十有四首部落即名俄羅斯道光初年為西俄羅斯屬部道光中年為西方八鎮之一道光末年仍隸西俄路

朔方備乘

卷十六

波羅的等路疆域考

突

全境八到

東至明斯克部界
南至窩希尼部界
西至波蘭路所屬五肖地界
北至威那部界
東北至威得比斯科部界
東南至窩希尼部界
西南至塞地利亞國界
西北至波蘭路所屬各部界

明斯克

明斯克西俄路所屬八部中之一部也志略備考全志所載並同名總記作敏塞皆一地也本屬波蘭乾隆五十七年俄羅斯攻取之轄小部落三十有五幅員戶口未詳地卑濕南隅多湖

恆有水患乾隆末年為西俄羅斯屬部道光

年為西方八鎮之一道光末年隸西俄路

全境八到

東至目希里部界
南至窩希尼部界
西至威那部界
北至威得比斯科部界
東北至威得比斯科部界
東南至查尼俄部界
西南至哥德諾部界
西北至戈蘭部界

目希里

目希里西俄路所屬八部中之一部也全志所載同此名總記作目希里甫又作目希里付志

朔方備乘

卷十六

波羅的等路疆域考

平

略備考並作摩宜勒威皆一地也本屬波蘭乾隆五十七年俄羅斯攻取之轄小部落十有三幅員戶口未詳首部落即名目希里甫商賈所匯乾隆末年為西俄羅斯屬部道光中年為西方八鎮之一道光末年隸西俄路

全境八到

東至司馬連斯科部界
南至查尼俄部界
西至明斯克部界
北至威得比斯科部界
東北至司馬連斯科部界
東南至查尼俄部界
西南至明斯克部界
西北至明斯克部界

北亞里

北亞里西俄路所屬八部中之一部也全志載此部他書多遺之本屬波蘭乾隆五十七年俄羅斯攻取之幅員戶口全境八到均未詳

窩希尼

窩希尼西俄路所屬八部中之一部也全志所載同此名總志作窩爾希尼又作阿爾希尼阿志略備考並作窩黎尼亞皆一地也本屬波蘭乾隆五十七年俄羅斯攻取之轄小部落三十

朔方備乘

卷十六

波羅的等路疆域考

五

有一幅員戶口未詳地氣和暖平疇交錯歲多豐稔產穀酒牛羊道光初年為西俄羅斯屬部道光中年為西方八鎮之一道光末年仍隸西俄路

全境八到

東至計由斯科部界
南至波多里部界
西至波蘭路所屬注肖地界
北至明斯克部界
東北至查尼俄部界
東南至比沙拉比部界
西南至波多里部界
西北至哥德諾部界

波多里

波多里西俄路所屬八部中之一部也全志所載同此名南懷仁圖志略備考並作波多里亞總記作波羅里亞皆一地也本屬波蘭乾隆五十七年俄羅斯攻取之轄小部落十有七幅員戶口未詳地平曠略有小山田疇美商賈盛道光初年為西俄羅斯屬部道光中年為西方八鎮之一道光末年仍隸西俄路

全境八到

東至計由斯科部界
南至黑海
西至塞地利亞國所屬牙里西阿部界
北至窩希尼部界
東北至窩希尼部界
東南至比沙拉比部界
西南至土耳其國界
西北至塞地利亞國界

朔方備乘

卷十六

波羅的等路疆域考

五

比牙黎斯德會城

附

比牙黎斯德即利牙地也志略云斯多尼亞里窩尼亞兩部內港有大埔頭日利牙每年出入商艘千餘俄羅斯海港貿易以此為最盛南懷仁圖作利加備考作比牙黎斯德會城亦俄羅斯國西方重鎮也

波蘭路總載

波蘭路一作破蘭在西俄路之西舊為波蘭國
 艾儒略職方外紀南懷仁坤輿圖說並作波羅
 尼亞總記曰波蘭國即古時之麻底阿其人則
 斯可臘與種類也語音龐雜風俗強悍當意大
 里盛時征討各國惟波蘭未失寸土自宋太宗
 淳化元年臣秋濤謹案原作九百九十年今改正有摩尼斯老士
 始立國稱王建都於注肖明建文四年臣秋濤謹案原
作千有四百
年今改正協稔女主嗣位與里都阿那酋長
 朔方備乘 卷十六 波羅的等路疆域考 五

查遮爾倫婚配合為一國仍曰波蘭其後國中
 土豪聚黨數十萬擅權自恣國王稍不如意動
 輒廢立擅田土賦稅政自下出王不能制乾隆
 三十餘年臣秋濤謹案原作一千七百七十餘年今改正普魯社俄羅
 斯歐塞特里阿三國遣人說波蘭王願助兵誅
 鋤頑梗約割地酬勞議未決乾隆五十七年臣
秋濤謹案原作一千七
百九十二年今改正三王合兵來攻於是被俄
 羅斯奪去敏塞幾付波羅里窩爾希尼俄羅斯
 威爾那哥爾蘭威的塞目希里付北亞里十部

落普魯社奪去東普魯社西普魯社波新三部

落歐塞特里國奪去雅爾西阿一部落波蘭僅
 存注肖與格那耦一作格臘耦兩部落而格那
 耦近又不服統轄波蘭惟注肖一區然膏腴阜
 產亦足供給各小部落設有總領如遇會議各
 以兵自隨稍不合輒爭鬪王亦置若罔聞惟視
 其強弱而左右之法舊嚴峻近改寬大人咸欣
 悅而各部落亦較前馴帖是時波蘭國東界俄
 羅斯南界歐塞特里西北界寒牙里幅員四萬
 朔方備乘 卷十六 波羅的等路疆域考 五

八千六百五十五方里戶口三百七十萬轄小
 部落四十有七土人奉加特力教由教額利教
 產銀銅鐵錫煤白玉紋石硫黃磁器布呢麥穀
 樹木此乾隆五十七年以後波蘭未併於俄羅
 斯之疆域情形也至嘉慶十九年俄羅斯始滅
 波蘭國盡併其地於是分注肖一區為八部道
 光十二年波蘭遺臣據地起兵與俄羅斯軍戰
 潰敗而逃其地卒歸於俄羅斯仍稱波蘭路凡
 統八部道光中年八部皆稱會城焉

馬索維

馬索維波蘭路所屬八部中之首部也全志所載同此名南懷仁圖有瑪所未亞即此志略備考並作馬索維亞皆一地也有小部落名瓦爾索維亞即注肖亦曰瓦肖乃都會也每年由俄羅斯國派噶噶林一員駐劄節制波蘭全部事務

三多迷

三多迷波蘭路所屬八部中之一部也全志所

朔方備乘

卷十六

波羅的等路疆域考

五

載同此名志略備考並作三多迷爾備考云係會城其所屬首部名拉冬或云南懷仁圖之羅桑加即此

加利斯

加利斯波蘭路所屬八部中之一部也志略全志備考所載並同此名備考云係會城其所屬首部亦名加利斯大地全球說有加里西亞即此

魯伯林

魯伯林波蘭路所屬八部中之一部也志略備考全志所載並同此名大地全球說作魯伯林南懷仁圖有各北林蓋即此也備考云係會城其所屬首部亦名魯伯林

波羅咯

波羅咯波蘭路所屬八部中之一部也志略全志所載並同此名備考作波羅各云係會城其所屬首部亦名波羅各

波達拉給

朔方備乘

卷十六

波羅的等路疆域考

五

波達拉給波蘭路所屬八部中之一部也全志所載同此名志略備考並作波達拉給亞備考云係會城其所屬首部名協德勒

亞烏斯多

亞烏斯多波蘭路所屬八部中之一部也全志所載同此名志略備考並作亞烏斯多窩備考云係會城其所屬首部名蘇瓦爾給

加拉哥

加拉哥波蘭路所屬八部中之一部也全志所

載同此名志略備考並作加拉哥維亞備考云
係會城其所屬首部名密爾侯按即總記所載
格那耦部也密爾侯即格那耦之音轉惟備考
於波蘭八部之外別載加拉哥維亞國為俄羅
斯附庸與此部同名志略亦云在八部之外今
別詳於後云

加拉哥維亞國 附載

臣秋濤謹案加拉哥維亞國乃俄羅斯之附庸
非波蘭路所屬以其本係波蘭故壤又與波蘭

朔方備乘

卷十六

波羅的等路疆域考

壬

八部中之加拉哥部同名易致相溷茲附載於
此以便識別云

總記曰格那耦東南俱界牙里西阿西界普魯
社北界注肖在注肖之南地土肥厚幅員五百
方里戶口二萬四千八百土人尊奉加特力教
近自專制一方不歸波蘭所轄 臣秋濤謹案格
那耦當即加拉哥維亞部於波蘭未滅時已自
為國嗣後俄羅斯併波蘭而加拉哥維亞仍自
為一區為俄羅斯附庸云

志略曰波蘭故地尙有加拉哥維亞國表延百
餘里乃波蘭遺民所立自推鄉長理事不立君
長地在俄屬波蘭部之西南

備考曰加拉哥維亞國原係波羅尼亞國之地
當波羅尼亞國版圖入厄羅斯國時厄羅斯國

王欲兼併加拉哥維亞地而奧斯的里亞國王

臣秋濤謹案即 以其地附近本國亦欲據之互
墨地利亞國

相爭競議論紛紜迨嘉慶二十年 臣秋濤謹案
原作一千八

百十 各國公使齊集維也納地方會議時將其

朔方備乘

卷十六

波羅的等路疆域考

壬

地而不歸併另立一國且議以厄羅斯奧斯的
里亞不魯西亞 臣秋濤謹案 三國鄰近之邦互
即普魯士國 相覆庇其國土在北極出地四十九度五十八
分起至五十度十六分止徑線自佛郎西國都
城東十度五十三分起至十七度五十二分止
東北皆連波羅尼亞國西界比里尼加河南枕
維世都拉河地面積方約有六百二十里烟戶
一億一萬四千口本國一望平原景色雅緻田
土肥饒穀果豐登至若地氣較之波羅尼亞國

尤為暖煦至於朝綱不設君位黎庶自立官長
辦理公務每屆二載舉行更易所奉之教乃羅
馬天主教其餘別教人或奉之概不禁止民
人勤勞貿易昌盛會城亦名加拉哥維亞建於
維世都拉河岸邊屋宇廟堂靡弗壯觀街市衢
路實為坎珂匠肆林立貨物駢集其加拉辣多
慕拉哥爾塞索維斯二處溫泉甚多赴浴如市
乃本國人烟輻輳之地也

全境八到

東至俄羅斯所屬波蘭路界
南至塞地亞國界

朔方備乘

卷十六

波羅的等路疆域考

美

西至普魯士國界
北至俄羅斯所屬波蘭路界
東北至俄羅斯所屬波蘭路界
東南至塞地亞國界
西南至塞地亞國界
西北至俄羅斯所屬波蘭路界

朔方備乘卷十六

知縣吳壽坤初校
舉人張銓覆校

朔方備乘卷第十七

考十一

錫伯利等路疆域考敘

錫伯利路

高加索路

臣秋濤謹案論地利者重險要形勢務治理者
徵德教源流觀於俄羅斯東土錫伯利路可見
也俄羅斯地分兩土就彼國言之西土波羅的
等路固為根本要地而就中國邊防言之則東

朔方備乘

卷十七

錫伯利等路疆域考敘

一

土錫伯利路切近卡倫尤不可忽自古丁零堅
昆鐵勒諸部形勢無聞於史冊蓋緣匈奴突厥
跨據朔漠幽都地遠難達中華既未接於封疆
自罕知其風土西洋人好談地理而登都鞋鞞
得自傳聞殊多謬誤之語他可知矣恭遇

聖朝宅中圖大悉主悉臣東海索倫歸順於前喀部
準夷疆理於後凡此諸地咸與錫伯利路鄰境
用能設畛繪圖補亘古黃圖所未悉猗歟盛已
抑不僅此也戴斗惟尚武功自昔不諳聲教三

代以後惟唐太宗威震北海咸設羈縻郡縣此錫伯利路聲教之一通也既而默啜再起回紇強盛又復隔絕元太祖開拓其地封建親藩此錫伯利路聲教之再通也無何尾大不掉尋干戈者五十餘載至明更以荒外視之職是故也我

聖朝德化覃敷殊俗賓貢於是錫伯利之人始得因俄羅斯以觀光

上國既而

朔方備乘

卷十七

錫伯利等路疆域考

二

命將致討震曜以武功設館育才

訓迪以文教在俄羅斯舉國眾庶無不感沐

鴻慈而錫伯利附近中國霑被尤速至今日則冰海以

南金山以北咸獲乂安各務絃誦斯皆二百年

來涵泳

聖澤之所致蓋

聖朝修德徠遠之效彰彰如此豈往代帝王所能企

及萬一哉臣謹考古證今略具梗概庶足以宣

德意而備披尋至若高加索路乃安息舊壤地屬亞

細亞附著於後用備參稽其尼布楚城雖現在亦屬錫伯利路而事迹較繁前已別自為卷茲不復載云

錫伯利路總載

臣秋濤謹案錫伯利路本鮮卑舊壤故有錫伯之名考漢書匈奴傳云黃金犀毗一顏師古注曰犀毗帶鉤也亦曰鮮卑語有輕重耳據此知鮮卑音近錫伯今黑龍江境有錫伯一種亦作席伯亦作席北既非索倫亦非蒙古即鮮卑遺

朔方備乘

卷十七

錫伯利等路疆域考

三

民也此路在俄羅斯屬境各部中最高為廣大一

統志四裔考異域錄並作西畢爾斯科南懷仁

圖作西北里亞一作細密里亞總記作悉比釐

阿又作西比里阿海國圖作悉畢爾斯科又作

細密里志略全志並作西伯利志略又作悉比

釐又作西卑里亞與備考同海國圖見錄作細

密里也顛林圖說作什卑釐國大地全球說作

什卑釐也又作悉畢爾亞又作昔白利牙皆一

地也其疆域東至堪察加海北至北海西接大

俄喀山諸路南與中國接界在吉林黑龍江庫倫烏里雅蘇台科布多塔爾巴哈台伊犁各將軍大臣所轄境外居中國藩屬索倫達呼爾俄倫春畢喇爾布拉特巴爾呼喀爾喀蒙古車臣汗土謝圖汗唐努山烏梁海阿爾泰諾爾烏梁海阿爾泰山烏梁海左哈薩克右哈薩克北哈薩克安集延布哈爾諸部落之北漢為堅昆丁零烏揭諸國又為匈奴北境後漢為鮮卑北境後魏為烏洛侯大鮮卑諸國地又為蠕蠕北境朔方備乘

朔方備乘

卷十七

錫伯利等路疆域考

四

周齊隋時為契骨諸國及突厥西突厥北境唐初為鐵勒流鬼骨利幹都播僕骨同羅拔野古多濫葛斛薛阿跋鞠國俞於大漠白雪結骨駃馬鬼國鹽漠念驅度麻拔悉彌諸國初隸突厥後屬薛延陀又屬回紇太宗時置狼山瀚海各都護府領仙萼元闕等州自漠北抵北海皆為羈縻郡縣其後為黠戛斯及木馬突厥所據遼為轄戛斯及乃滿部地金為乃蠻克烈諸部地元設謙州益蘭州又為昂可刺撼合納烏斯吉

朔方備乘

卷十七

錫伯利等路疆域考

五

利吉思諸部地後為叛王海都等所據用兵五十餘年乃降明時阻於朔漠未通中國利瑪竇地圖有墨文元亞登都國門臥耳羅荒野亞馬是理諸名艾儒略職方外紀圖有登都國其里目西國韃而韃單務得諸名南懷仁坤輿圖有等都達賴爾猛護爾單護得伯爾轄亞泥比加爾里把兒獲那穰加福那母都喜加辣諸名案其所圖皆在錫伯利路境內然其事蹟不詳於史冊疆域亦茫昧難考大抵元時分封諸王於此元政既衰土番仍自起割據各設頭目不相統攝既而俄羅斯興於西方錫伯利遂為所服屬先是元太祖長子朮赤之裔封於俄羅斯世膺王爵有大俄諸部地既而俄羅斯復興逐去朮赤之裔之為王者國號俄羅斯自稱為汗國人稱之曰察罕汗亦曰察爾都於莫斯科窪猶未得錫伯利寸土也嗣是俄羅斯之商舶於水消時駛至錫伯利海岸以洋貨易皮貨與其頭目日漸狎熟盛誇俄羅斯之富強各頭目惑焉

間有率其屬人至俄者睹其國都市廛臺榭之壯麗傾心歸向各部競相傳播咸願歲貢方物爲藩屬俄羅斯遂於烏彌河海口建礮台扼險要以控制之漸徙罪人供力役築城戍於是錫伯利西方諸部不費兵力咸爲俄有初蒙古之裔旣失大俄地猶據喀山及阿斯達拉干等處沿佛爾格河至裏海皆游牧部落也俄羅斯之伊挽王及洼爾西王益治兵攻戰盡取喀山及阿斯達拉干諸地蒙古人皆東走俄人駐兵於

朔方備乘

卷十七

錫伯利等路疆域考

六

阿鄰堡地防之有庫程汗所屬之塔塔拉部落居托波兒俄兵破降之又有蒙古頭目耶爾麻者率部眾六千餘人東據錫伯利地欲自立國而力不敵仍臣服於俄羅斯耶爾麻旋爲其部下所殺俄羅斯取其地於是俄羅斯王移駐防阿鄰堡之兵關地而東至伊聶謝地一作華尼西阿其居民曰儻俄斯族一作通古斯亦曰喀木尼漢卽索倫別部也其俗使鹿土沃民淳俄兵甫至爭貢皮毳復循昂噶拉河溯流而南其

居民曰模臘斯蒙古猛勇異常蓋卽黑龍江之索倫也俄羅斯憚於前進改道北略循列訥河東而行崎嶇冰雪跋涉多阻旣而端可薩之兵不畏冰雪往來其地至

大清崇德四年有端可薩之彌特厘者直至東洋荷葛斯海岸偵探道路復增兵前往昂噶拉河以及白哈爾湖遠近之地無不攻取遂得厄爾庫城巴爾古錫穆城楚庫拜商烏德拜商伊談珠拜商伊拜商各地南界始與喀爾喀接壤由是

朔方備乘

卷十七

錫伯利等路疆域考

七

車臣汗部土謝圖汗部皆與之市易得其烏鎗以入貢焉自後俄羅斯復南侵據蒙古舊屬之尼布楚城旋於順治初年俄國所屬之羅剎來擾我黑龍江所屬之雅克薩呼瑪爾等處羅剎卽可薩之音轉也屢經

大兵征討頻奏克捷順治十二年察罕汗遣使入貢

世祖章皇帝賜敕諭之自後屢貢獻而羅剎仍寇黑龍江等處如故索倫等部皆不獲安

聖祖仁皇帝既平三藩乃經營東北邊地

命將出師勦撫兼施遂於康熙二十二年設黑龍江將

軍二十四年克復雅克薩城虛其地不戮羅利

一人悉遣歸國二十五年羅利再築雅克薩城

大兵復進圍之察罕汗上疏乞撤圍定界遂於康

熙二十八年

欽差大臣索額圖等與俄國使臣費岳多羅等定議立

碑事詳

平定羅利方略俄羅斯自是固守邊疆撫其所得之地

朔方備乘

卷十七

錫伯利等路疆域考

八

復於康熙三十九年取得甘查甲地而錫伯利

東方諸部咸隸俄羅斯矣案海國聞見錄細密

里也本境當止轄托波兒附近之地俄羅斯設

噶噶林於此總理東方後來所取之伊聶謝尼

布楚以至甘查甲地遂概名為錫伯利路其地

東西長一萬三千餘里南北寬約五千餘里境

土大於歐羅巴一洲綜錫伯利全土東部所產

惟皮貨專運至恰克圖售於中國西部兼產五

金之鑛泰西諸國咸仰給焉康熙年間曰西畢

爾斯科為八道之一乾隆末年分所屬為都莫

司等四部嘉慶年間分為德波爾等八部道光

初年改為鎮四會城二郡二道光末年為錫伯

利路仍統八部

全境入到

東至堪察加海

西至中國喀爾喀四十七卡倫及

科布多塔爾巴哈台並伊犁將軍

所屬哈薩克回部界

西北至北海

東北至鄂爾噶海

東南至中國吉林黑龍江二省界

西南至北哈薩克及安集延諸國

朔方備乘

卷十七

錫伯利等路疆域考

九

托波爾

臣秋濤謹案托波爾錫伯利路所屬八部中之

首部也一統志四裔考所載並同此名異域錄

作托波兒內府圖作托博爾城理藩院則例作

托博勒城總記作都莫斯又作都莫司志略作

德波爾斯科備考作德波爾斯各鎮全志作德

波斯科龍沙紀略作脫博斯奇皆一地也本唐

都播國地亦作都波距今千載其名固相沿未

易也新唐書引賈耽所記中受降城入回鶻道云中受降城正北如東八十里有呼延谷谷南口有呼延柵谷北口有歸唐柵車道也入回鶻使所經又五百里至鵬鷓泉又十里入磧經慶鹿山鹿耳山錯甲山入百里至山鷺子井又西北經密粟山達旦泊野馬泊可汗泉橫嶺綿泉鏡泊七百里至回鶻衙帳又別道自鵬鷓泉北經公主城眉間城恒羅思山赤崖鹽泊渾義河爐門山木燭嶺千五百里亦至回鶻衙帳東有

朔方備乘 卷十七 錫伯利等路疆域考 十

平野西據烏德韃山南依噶昆水北六七百里至仙娥河河北岸有富貴城又正北如東過雪山松樺林及諸泉泊千五百里至骨利幹又西十三日行至都播部落又云骨利幹都播二部落北有小海亦堅時馬行八日可度海北多大山其民狀貌甚偉風俗類骨利幹晝長而夕短診察方隅是都播在骨利幹之西處小海之南正與托波爾疆域符合異域錄言西畢爾斯科之總管官號噶噶林者駐此四裔考曰凡通市

諸物有噶噶林印記者准市餘則否理藩院則例曰俄羅斯行中國之公文用俄羅斯國薩那特衙門及托博勒城守尉印信蓋俄國諸路惟錫伯利地域最鉅其方面之任亦惟托波爾城之噶噶林權寄最專志略云俄有大酋駐多木斯科總理東方蓋誤以托波爾為多木也托波爾轄大小邑三十有九西境與大俄路之亞干日窩祿那及喀山路之白爾摩等部相連以烏拉嶺為界地氣寒甚產金銀銅鐵錫五穀皮貨

朔方備乘 卷十七 錫伯利等路疆域考 十一

馬酒材木脂膏乾隆末年為悉畢厘阿四部之首部嘉慶年間為八部之一道光初年為四鎮之一道光末年仍為錫伯利路八部之首部而分設將軍駐此總理西方三部之政事云
全境入到
東至雅庫部界
南至托穆斯科部界
西至大俄路所屬窩祿那部及喀山路所屬白爾摩部界
北至北海
東北至雅庫部界
東南至伊聶謝斯科部界
西南至多木斯科部界
西北至大俄路所屬亞干日部界

多木斯科

臣秋濤謹案多木斯科錫伯利路所屬八部中之一部也志略全志所載並同此名南懷仁圖作都悶內府圖作都捫城異域錄作圖敏海國圖作土鄰邑志略云一作多僕備考作多木斯各鎮皆一地也圖理琛言自托波兒起程由厄爾齊斯河向西南入托波兒河溯流越九宿至圖敏沿途皆塔塔拉之人挽緯岸旁林木叢密無緯路俱行泥水之中俄羅斯兵丁猶加答楚

朔方備乘

卷十七

錫伯利等路疆域考

三

催促到彼之日管柏興官排列旂幟兵丁迎接款宴復餽送食物供給俄羅斯出征擄來之西費耶國人亦安置於此自此西北由土拉河溯流五百餘里抵鴉班沁地方捨舟陸行蓋多木斯科地居托波兒河土拉河之間在托波爾城西南亦一都會也元史速不台征幹羅思之後移家禿拉河上禿拉河當即此土拉河與土謝圖汗境內之土拉河名同地異不可不知其疆域南皆沙漠與西域之哈薩克同部毗連哈薩

克等以游牧剽斂為俗時來侵掠有北哈薩克部尤強勁俄羅斯雖有防兵不能禁也五金之鑛最多專設官以督理鑛務乾隆末年為托波兒屬地嘉慶年間設部為八部之一道光初年為四鎮之一道光末年屬錫伯利西路隸托波爾城將軍統轄

全境入到

東至托穆斯科部界
南至沙漠接北哈薩克國界
西至東俄路所屬之阿鄰堡部界
北至托波爾部界
東北至托波爾部界
東南至哈薩克國界

朔方備乘

卷十七

錫伯利等路疆域考

三

托穆斯科

臣秋濤謹案托穆斯科錫伯利路所屬八部中之一部也四裔考及異域錄所載並同此名內府圖作托穆斯歸斯歸即斯科之異文總記作科利弗志略全志並作疴慕斯科志略云一作東色備考作疴慕斯各皆一地也其地在金山之北古黠戛斯地後為吉利吉思部地元太祖

取之後為北邊諸王海都等所據諸王既降命將屯田於此地頗豐饒俗善釀酒人多沈酒康熙年間準噶爾未平使臣圖理琛經此言其地為俄羅斯及策妄阿拉布坦與哈薩克國哈拉哈兒叭國四國交界今案此地南境與烏梁海接界是時阿爾泰諾爾烏梁海尚為策妄阿拉布坦屬部故圖理琛云然也其地居民有塔塔拉及巴爾巴忒二種舊與俄羅斯及策旺阿拉布坦兩國納賦仍苦哈薩克人自西南來時肆

朔方備乘 卷十七 錫伯利等路疆域考 古

侵掠今則地屬俄羅斯與中國唐努山烏梁海接壤邊境之事中國以科布多塔爾巴哈台諸大臣蒞治之地在伊聶謝之西志略云在也尼塞東誤也轄大小城十產金銀銅鐵鉛乾隆末年為悉畢厘阿四部之一嘉慶年間為八部之一道光初年為兩會城之一道光末年屬錫伯利西路隸托波爾城將軍統轄

全境入到 東至伊聶謝斯科部界 南至中國所屬唐努山烏梁海部 西至多木斯科部界

北至托波爾部界 東北至雅庫部界 東南至中國所屬卡倫界 西南至中國所屬阿爾泰諾爾烏梁海及哈薩克各部界 西北至托波爾部界

額爾口城

臣秋濤謹案額爾口城錫伯利路所屬八部中之一部也綏服紀略所載同此名內府圖作伊爾古斯歸城異域錄作厄爾庫又作額爾庫又作厄爾口海國圖作額爾古克城志略作義爾古德斯科一作耳谷備考作義爾古德斯各鎮

朔方備乘 卷十七 錫伯利等路疆域考 圭

全志作義古斯科大地全球說作阿爾古克龍沙紀略作尼爾苦斯皆一地也古匈奴北境丁零國地厥後鮮卑突厥諸國遞有其地唐時為鞠國亦曰穢部元為昂可刺部東南境明為加大閭辣東南境

大清崇德年間俄羅斯侵有其地疆域處伊聶謝之東城在柏海爾湖之西北一百五十餘里西臨昂噶拉河有額爾口河自西南來入之故城以水名地廣大出銀鉛鑛兼產皮貨每年所得鉛

與皮甚多足助國用其人多美風姿頗講文學南境抵外興安嶺與中國所屬喀爾喀蒙古土謝圖汗車臣汗兩部接壤康熙年間俄羅斯設總管於此南界有甲他城與中國所設恰克圖市集相距一里許中國與俄羅斯人互市於此雍正五年

欽派大臣會同俄國使臣分定界址建設卡倫始立貿易章程理藩院專派司員管理仍歸庫倫大臣稽察乾隆末年俄國總管移治雅庫以額爾口

朔方備乘

卷十七

錫伯利等路疆域考

六

為屬地嘉慶年間額爾口為八部之一道光初年為四鎮之一道光末年仍為錫伯利路八部之一而分設將軍駐此總理東方五部之政事云

全境八到

東至雅庫部界
南至楚庫河接中國所屬各卡倫

界

西至伊聶謝斯科部界

北至雅庫部界

東北至雅庫部界

東南至中國所屬車臣汗部界

西南至中國所屬土謝圖汗部界

西北至伊聶謝斯科部界

伊聶謝斯科

臣秋濤謹案伊聶謝斯科錫伯利路所屬八部

中之一部也一統志四裔考異域錄並作伊聶謝柏興內府圖作惹尼色斯歸城總記作華尼西阿志略作也尼塞斯科一作云益士備考作也尼塞斯各全志作也尼斯科皆一地也古匈奴北境鮮卑突厥諸國遞有其地唐為骨利幹國地元為昂可刺部地明時曰加大閣辣即昂可刺之音轉喀木尼堪部居此俄羅斯兵自托

朔方備乘

卷十七

錫伯利等路疆域考

七

波爾闊地而東至伊聶謝喀木尼堪部眾皆降遂收其地建柏興設管柏興官治之其地在額爾口城之西北有中國發源之色楞格河北流瀕為柏海爾湖又北流為昂噶拉河自額爾口城西北流至伊聶謝柏興東南又有中國發源之大克穆河北流為伊聶謝河亦至柏興東南與昂噶拉河合而北流注北海內府圖作惹尼色河一作惹尼色斯河或作因尼西河或作日尼塞亞河或作日尼塞河皆伊聶謝譯字之音

轉詳見色楞格河源流考篇內此地
在托穆之東志略誤以爲在疴慕西因謂北接德波爾南接哈薩克皆誤也其疆城南與中國所屬之喀爾喀蒙古及烏梁海諸部接壤康熙中使臣圖理琛由額爾口城舟行三千餘里經伊聶謝柏興至柏興西北二十里外烏斯乞木地方登岸陸行乘馬過麻科佛斯科嶺至揭的河復乘舟達托波爾此水路也及其歸時由托波爾陸行三千七百餘里至托穆斯科又東北行一千六百里抵伊聶謝柏興又東南行二千餘里至伊里穆城又千餘里至額爾口此陸路也是伊聶謝爲水陸要衝康熙時僅設柏興駐兵八百名乾隆末年爲雅庫屬部嘉慶年間建爲伊聶謝斯科列八部之一駐兵四千名道光初年爲四鎮之一道光末年屬錫伯利東路隸額爾口城將軍統轄

全境八到

東至額爾口城部界
南至中國所屬各卡倫及烏梁海部界
西至托穆斯科部界

朔方備乘

卷十七

錫伯利等路疆域考

六

北至北海
東北至雅庫部界
東南至中國所屬各卡倫界
西南至中國所屬烏梁海各部界
西北至托波爾部界

雅庫

臣秋濤謹案雅庫錫伯利路所屬八部中之一部也

聖祖仁皇帝聖訓內載此地名內府圖作惹勒斯歸城莊廷專地圖作惹勿總記作雅古薩志略作亞古德斯科一作牙谷備考作亞古德斯各全志

朔方備乘

卷十七

錫伯利等路疆域考

九

作亞古斯科皆一地也古爲匈奴東境唐爲鞠國北境明爲加大閭辣以東地俄羅斯兵既取伊聶謝湖昂噶拉河而上至額爾口城又北循列訥河取得此地其城東濱列訥河疆域廣遠北至冰海寒威凜冽冰雪之消融者每歲止得三四月人戶稀少射獵之外無生計俄人取其所得之皮以供賦稅其南界抵外興安嶺與黑龍江接壤尼布楚城屬焉康熙年間羅剎擾邊侵及黑龍江雅克薩等處屢奉

聖諭令其速回雅庫卽此地也嗣於康熙二十八年奉旨議定疆界立碑於格爾必齊額爾古納河等處界碑之外皆屬此部所轄領大小城五十有三土產皮貨之外惟銀鉛凡俄羅斯駐防錫伯利兵共二萬二千駐托波爾者半駐雅庫者亦半派守各口礮臺者十之六派守南界者十之四皆以端可薩部人充伍乾隆末年雅庫爲悉比釐阿四部之一設大頭目駐此嘉慶年間爲八部之一道光初年爲兩會城之一道光末年屬錫伯

朔方備乘

卷十七

錫伯利等路疆域考

三

利東路隸額爾口城將軍統轄

全境八到

東至甘查甲部界
南至中國黑龍江省界
西至伊聶謝斯科部界
北至北海
東北至郭列穆斯科部界
東南至中國吉林省三姓副都統所屬地界
西南至中國呼倫貝爾城界
西北至北海

郭列穆斯科

臣秋濤謹案郭列穆斯科錫伯利路所屬八部

中之一部也內府圖作郭列穆斯科歸城海國圖

作燭惡砥族志略作疴哥德斯科一作阿谷備考作疴哥德斯各全志作疴哥斯科皆一地也地濱北海唐駁馬國所居其極東北海隅則唐夜叉國地也唐書記駁馬土境東西一月行南北五十日行地近北海與此部疆域相合又言地嚴寒每冬積雪樹木不沒者纔一二尺今其地寒冽過於雅庫知史所載不誣至其東北海隅與北亞墨利加洲相近北亞墨利加洲舊俗殺人祭魔與夜叉國噉人之俗正同自天主教

朔方備乘

卷十七

錫伯利等路疆域考

三

行而惡俗漸革矣土人亦以獵獸爲生俄羅斯自雅庫進兵略地於

大清崇德四年直抵東洋荷葛斯海岸由是收郭列

穆斯科地設官以賦其皮並築城海濱與海東

各島通商以收皮貨乾隆末年爲雅庫屬地嘉

慶年間建爲郭列穆斯科列八部之一道光初

年爲兩郡之一道光末年屬錫伯利東路隸額

爾口城將軍統轄

全境八到

東至郭爾噶海
南至大拉該海接甘查甲及雅庫

二部界
西至雅庫部界
北至冰海
東北至冰海
東南至甘查甲部界
西南至雅庫部界
西北至冰海

甘查甲

臣秋濤謹案甘查甲錫伯利路所屬八部中之一部也總記所載同此名內府圖作噶穆薩特喀城志略備考並作岡札德加全志作堪察加皆一地也其地斜伸入海形如大刀頭三面皆

朔方備乘

卷十七

錫伯利等路疆域考

三

抵大海惟西北一面與郭列穆斯科部相接即唐時流鬼國地也唐書言流鬼在北海之北北至夜叉國餘三面皆抵大海南去莫設鞞船行十五日莫設鞞即今庫葉島與甘查甲部隔海南北相望俄羅斯於康熙三十九年始取得甘查甲部斗出大洋風土迥異似別有天地其東之少南即日本國所屬之薩牙連島熱斯梭島正東邊界則與歐羅巴濱海諸國相連地處極邊俄羅斯屯兵甚眾東洋遙遠北海阻水

或行數日無人煙河道紆曲荒遠荏苒出沒貿易跋涉艱難無匹徒以產豐利厚故商旅不絕冒險爭鶩甘查甲物產尤富運至雅庫征稅甚輕其地終年寒冽草木稀疏海鳥翔集如蠅蚋內有火山十座吐燄不息地常震動居民捕魚為食衣以魚皮穴地而居身體猥瑣用犬若馬俄羅斯人設口收皮頭目有重罪者流竄於此乾隆末年為悉比釐阿四部之一嘉慶年間為八部之一道光初年為兩郡之一道光末年屬

朔方備乘

卷十七

錫伯利等路疆域考

三

錫伯利東路隸額爾口城將軍統轄

全境入到

東至堪察加大海
南至大洋海
西至大拉該海
北至郭列穆斯科部界
東北至堪察加大海
東南至大洋海
西南至大拉該海
西北至郭列穆斯科部界

新錫伯利三島

臣秋濤謹案新錫伯利一作新西卑利一作新西卑里一作新西卑里亞皆一地也又名列哥畱乃北洋中巨島俄羅斯取其地名之曰新錫

伯利几三島相連地極廣大在雅庫所屬列訥
河入海處東北海中備考以為二島全志圖列
三島今從全志幅員戶口未詳

全境八到

東至冰海 南逾冰海按雅庫部界

西至冰海

北至冰海

東北至冰海 東南逾冰海至郭列穆斯科部界

古里利羣島

臣秋濤謹案古里利羣島一作古里利亞斯為

朔方備乘

卷十七

錫伯利等路疆域考

三

島二十有五在甘查甲部之南隔海相望備考

稱諸島皆在疴各度斯各海即堪察加海也地

多火山為日本國與俄羅斯互市之地土產狐

狸貂鼠兔獺之類珍寶繁衍五金之鑛甚多

羣島八到

東至大洋海 南至大洋海

西逾海至中國所屬庫葉島界 北逾海至甘查甲部界

東北至堪察加海 東南至大洋海

西南逾海至日本國屬島界 西北至大拉該海

高加索路總載

臣秋濤謹案高加索路因高加索山為名亦作
高架所亦作告甲俗亦作高加薩斯據艾儒略
南懷仁之說皆謂高架所山為歐羅巴境以東

極高之山又西人以天下輿地分隸五洲而高

加索山列入亞細亞洲故今敘次是地附於錫

伯利部之後其疆域在兩海之間東裏海西黑

海也漢為康居南境安息北境唐為突厥可薩

部南境波斯大食二國北境元為阿速國東境

太祖滅之以封朮赤明時有阿速國及阿斯達

朔方備乘

卷十七

錫伯利等路疆域考

三

拉干惹鹿惹也諸國各據一隅阿速有其西北

近黑海地阿斯達拉干有其東北近裏海地惹

鹿惹也有其南境地明嘉靖間俄羅斯始盛遂

併阿斯達拉干而是時阿速地併入土耳其國

惹鹿惹也地併入波斯國於是高加索一區遂

為三大國連年攻戰之所康熙年間使臣圖理

琛記自阿斯塔爾汗即阿速之西南一帶皆興

安山嶺過此向西行百餘里俱係圖里耶斯科

國王拱喀爾汗所屬圖理耶即土耳其國拱喀

爾汗乃汗名後來記述家誤以控噶爾爲國名皆因此致譌案俄羅斯與土耳其構兵凡二次初次在康熙年間異域錄言俄羅斯國取拱喀爾汗之阿藻城至康熙五十三年二國講和還其阿藻城自阿藻城東北盡入俄羅斯國此初次構兵之事也二次構兵則在乾隆中年維時俄羅斯女主秉權戰攻甚銳土耳其衰機甫兆兵力猶強勝負之數大略相當自乾隆五十四年俄羅斯屢戰克捷土耳其失地喪師頻割屬

朔方備乘

卷十七

錫伯利等路疆域考

五

城以資講解由是阿速舊壤及薩加社等處悉爲俄羅斯所有俄國又攻克波斯之附庸諾尼阿部已而波斯所併之惹鹿惹也即日爾日部亦皆入於俄羅斯幅員之大益沈洋於西國矣乾隆末年日俄羅斯南新藩統薩加社納希斯丹諾尼阿阿斯達拉干阿鄰堡五部嘉慶年間日高加索南新藩部新增日爾日部而納希斯丹併入焉仍統五部道光初年阿斯達拉干阿鄰堡二部別爲東方之鎮而高加索等地分爲

部八會城一道光末年爲高加索路凡統九部全境八到

東至裏海
南至波斯國及土耳其國界

西至黑海
北至東俄路及南俄路所屬各部

界
東北至東俄路所屬之阿斯達拉

干部界
東南至波斯國界

西南至土耳其國界
西北至南俄路所屬各部界

高加索

高加索高加索路所屬九部中之首部也志略全志所載並同此名坤輿圖作高架所總記作

朔方備乘

卷十七

錫伯利等路疆域考

七

高加薩斯或作告甲俗備考作高加索會城皆一地也元時爲阿速屬地明以來高加索山南北並屬土耳其所轄土番種類獷悍異常近年俄羅斯割取其地備考日緯度自赤道北四十五度起至四十五度止經度自佛郎西國東三十五度起至四十七度止東枕加斯比約海西連西爾加西亞地南接高加索山北界黑海長約二千餘里寬約七百二十里地面積方約四萬五千里煙戶一億三萬口境內山嶺綿亘峯巒

層疊地多渴鹵其宜稼之地則隴畝膾腴穀果
豐茂土產蠟蜜牛狐貂鼠海虎各皮地氣溫和
人安物阜首部名斯達窩羅波爾乾隆末年為
薩加社諾尼阿日爾日三部屬地道光初年改
設高加索會城道光末年屬高加索路

全境入到

東至裏海
南至高加索山
西至薩加社部界
北至阿斯達拉干部界
東北至阿斯達拉干部界
東南至薩加社部界
西北至加底里諾部界
西南至明哥里部界

朔方備乘

卷十七

錫伯利等路疆域考

天

日爾日亞

臣秋濤謹案日爾日亞高加索路所屬九部中
之一部也備考所載同此名南懷仁圖作日入
阿的亞海國聞見錄作惹鹿惹也志略全志並
作日爾日志略又作熱阿義皆一地也志略誤
以惹鹿惹也為波蘭國別名音既不近且覈之
方隅里到亦皆不合其誤顯然案海國聞見錄
載惹鹿惹也一國亦不通海東傍裏海西傍死
海北聯俄羅斯南接東西多爾其女人姿色美

而毛髮紅氣味臭衣著同白頭貢於包社詳其
地域寔即日爾日亞譯字偶殊蓋康熙年間尙
自為一國附於波斯包社即波斯也其後為波
斯所併仍以日爾日為部名至嘉慶十八年波
斯與俄羅斯構兵敗績割北境之日爾日部以
請和於是日爾日亞地隸俄羅斯矣其地西距
諾尼阿東距裏海跨高加索山之南北民俗與
諾尼阿同備考日緯度自赤道北四十度起至
四十二度四十八分止經度自佛郎西國東四

朔方備乘

卷十七

錫伯利等路疆域考

天

十一度起至四十五度止東至是爾彎地暨加
斯比約海西枕黑海暨亞爾美尼亞地南接土
耳基亞白爾西亞二國北界高加索山長約一
千里寬約六百餘里煙戶三億口境內崇山峻
嶺絡繹不絕田土膾腴穀米豐稔草木禽獸甚
屬繁茂地氣參差寒暑俱極技藝庸陋貿易清
淡首部名的非利斯志略作得勒全志作得非
勒相傳內有靈泉可療疾病俄之大臣駐此統
轄城舊卑陋俄羅斯修飾之漸改觀矣嘉慶年

間始建此部爲高加索五部之一而省納希斯丹部蓋併入諸部中也道光初年日爾日爲南新藩道光末年隸高加索路

全境八到

東至裏海
南至波斯國界

西至諾尼阿部界
北至薩加社部界

東北至納希斯丹部界
東南至是爾灣部界

西南至諾尼阿部界
西北至義米勒多部界

義米勒多

臣秋濤謹案義米勒多高加索路所屬九部中

朔方備乘

卷十七

錫伯利等路疆域考

三

之一部也志略備考全志所載並同此名備考

曰義米勒多在亞細亞洲之西黑海之濱岡陵

重疊峯巒參天平原甚多沃壤寥寥土產穀果

木料等物魚類充斥土人弗取地氣溫和人安

物阜首部名古泰西嘉慶年間未設部落道光

初年爲南新藩道光末年隸高加索路

全境八到

東至日爾日亞部界
南至諾尼阿部界

西至黑海
北至明哥里部界

東北至薩加社部界
東南至諾尼阿部界

西南至黑海
西北至明哥里部界

明哥里

臣秋濤謹案明哥里高加索路所屬九部中之

一部也全志所載同此名志略備考並作明哥

勒里亞皆一地也備考曰明哥勒里在亞細亞

洲之西東至義米勒多地西枕黑海南接日爾

日亞地北界西爾加西亞地長約五百里寬約

一百五十里煙戶約十萬口境內岡陵接連絡

繹不絕樹林居多隴畝無幾果木茂盛禽獸充

朔方備乘

卷十七

錫伯利等路疆域考

三

斥土產絲酒極爲紛繁首部名宋鼻的全志曰

明哥里民庶而貧專以販鬻男女爲利云嘉慶

年間未設部落道光初年爲南新藩道光末年

隸高加索路

全境八到

東至薩加社部界
南至義米勒多部界

西至黑海
北至高加索部界

東北至高加索部界
東南至薩加社部界

西南至黑海
西北至亞巴西亞部界

是爾灣

臣秋濤謹案是爾彎高加索路所屬九部中之一部也志略備考全志所載並同此名本屬波斯國地志略曰波斯之極西北曰義蘭一作伊蘭又作倚蘭背負裏海前阻連山廡原衍沃林密草芳河流足資灌溉耕牧皆宜又曰義蘭在西域最著名昔有大城極富庶今廢四裔考謂愛烏罕取默沙特諸部於伊蘭伊蘭即義蘭乃波斯北部著名大城其為指波斯無疑按義蘭聲與是爾彎相近診察方隅亦相符合實即一

朔方備乘

卷十七

錫伯利等路疆域考

三

地備考曰是爾彎在亞細亞洲之西緯度自赤道北三十八度四十分起至四十一度三十八分止經度自佛郎西國東四十二度四十分起至四十七度三十九分止東枕加斯比約海西連日爾日亞地南接白爾西亞國北界達日斯丹地東西相距八百里南北相距五百里地面積方約一萬二千二百里煙戶一億五萬口境內岡嶺層疊峯巒參天冰雪凝積永弗融化田土膏腴穀果豐登禽獸充牣草木茂盛地氣溫

和四季相適技藝庸常貿易蕭疎首部名巴古有火田石漿溢滿地氣焦灼波斯之敬火者昔皆來此朝拜焉嘉慶年間未設部落道光初年為南新藩道光末年隸高加索路

全境八到

東至裏海

南至波斯國界

西至日爾日亞部界

北至日爾日亞部界

東北至納希斯丹部界

諾尼阿

朔方備乘

卷十七

錫伯利等路疆域考

三

臣秋濤謹案諾尼阿高加索路所屬九部中之一部也總記志略所載並同此名志略云一作額里內府圖裏海之西有額里旺城即此南懷仁圖裏海之西有亞兒墨泥亞備考作亞爾美尼亞全志作亞爾美尼皆一地也其地乃高加索山之陽初本一部後分為二南偏屬土耳其國北偏屬波斯國北偏又名黑里彎即額里旺之音轉元憲宗時諸王旭烈兀西征取乞里彎國當即此地巖巒盤互萬木參天山深多曠隸

波斯有年因波斯國王與俄羅斯交兵徵國中
年不及壯之丁盡入行伍諾尼阿人憤怨背叛
原欲自制方面不意復爲俄羅斯所得建爲諾
尼阿部時乾隆末年猶有數部落屬於波斯至
道光八年乃全歸俄羅斯轄小部落二十土番
壯勇而女多美戶口三千餘萬習額利教者大
半習馬哈墨回教者僅小半其俗權貴之家御
僕殘刻無論田之穰沃倍額收租不恤耕奴凍
餒故赤貧甚衆劫掠四出雖良農負耒而耕亦

朔方備乘

卷十七

錫伯利等路疆域考

三

必手械自衛貧民多販鬻子女爲奴婢民俗悍
獷甚於薩加社特付里斯首部落也俗舊淳樸
今漸華靡有習武館軍製庫互市蕃盛備考曰
亞爾美尼亞屬厄羅斯者又名黑里彎東北界
日爾日亞地西連土耳其亞國南接白爾西亞
國長寬皆約七百三十里地面積方約九千九
百里煙戶一億六萬口臣秋濤謹案備考所載
戶口之數與總記不同
未詳境內岡陵平原互相間隔田土肥饒穀果
孰是豐茂地氣溫和人物咸宜西北地名黑里彎首

部亦曰黑里彎東南地名那各斯齊彎首部亦
曰那各斯齊彎臣秋濤謹又案志略以諾尼阿
本屬土耳其其後稱兵叛土俄羅斯征服之收爲
藩部蓋不知諾尼阿即亞爾美尼亞分屬土耳其
其波斯兩國俄羅斯所取者乃波斯之舊屬非
土耳其之舊屬也志略又曰土耳其國亞爾美
尼亞一作亞麥尼在古爾的斯丹美索不達迷
亞兩部之北阿臘山在其境內峯壑險峻洞峽
幽深水漲則巨舟泊於峯當雲擾時其地被兵

朔方備乘

卷十七

錫伯利等路疆域考

三

絕少故戶口較他部獨繁其民半奉耶蘇教勤
於商賈家有恒產會城曰黑爾斯倫一作葉西
倫地氣寒甚七月中即見雪巴牙息在山腳居
民之學館也平地近河日地里北客城與鄰國
通商山內古耳得族建堡於洞壑之間素爲盜
巢云云是即土耳其之屬部名同而地異者合
而考之可證其非一地已乾隆末年諾尼阿爲
俄羅斯南新藩五部之一道光初年爲南新藩
八部之一道光末年屬高加索路

全境入到

東至日爾日亞部界
南至土耳其國界
西至黑海
北至日爾日亞部界
東北至日爾日亞部界
東南至波斯國界
西南至土耳其國界
西北至義米勒多部界

納希斯丹

臣秋濤謹案納希斯丹高加索路所屬九部中之一部也總記所載同此名志略作達日斯丹備考作達爾斯丹全志作達其但皆一地也元史記西北地名有的希斯丹即此總記云納希

朔方備乘

卷十七

錫伯利等路疆域考

美

斯丹部東界裏海南界巴社西界諾尼阿北界薩加社近海岸土膏沃領小部落十有三備考日達爾斯丹緯度自赤道北四十度三十三分起至四十三度四十八分止經度自佛郎西國東四十三度三十分起至四十六度四十分止東枕加斯比約海西連西爾加西亞日爾日亞二地南接是爾彎地北界高加索會城長約九百三十里寬約二百二十里地面積方約一萬二千里煙戶二億六萬口境內崇山峻嶺絡繹

不絕湖河甚多田土膾厚穀果豐茂葡萄等類不植自生禽獸蕃衍鱗介充斥土產錫鐵硫磺等物地氣不一令熱互異技藝蕭疎貿易清淡首部名沽巴嘉慶年間為南新藩道光末年隸高加索路

全境入到

東至裏海
南至日爾日亞部界
西至日爾日亞部界
北至薩加社部界
東北至裏海
東南至是爾彎部界
西南至日爾日亞部界
西北至薩加社部界

朔方備乘

卷十七

錫伯利等路疆域考

美

臣秋濤謹案亞巴西亞高加索路所屬九部中之一部也志略備考所載並同此名全志作古里利實一地也備考日亞巴西亞緯度自赤道北四十二度三十分起至四十四度四十五分止經度自佛郎西國東三十四度四十八分起至三十八度二十一分止東至明哥勒里亞地西連西爾加西亞地南枕黑海北界高加索山長約八百餘里寬約五百里煙戶一億九萬餘

口境內岡陵居多平原間隔田土廡腴穀果極
 豐鳥獸草木靡弗蕃衍土產蠟蜜熟皮等物地
 列二名一曰大亞巴西亞諸酋統攝各分部
 一曰小亞巴西亞隸厄羅斯國兼攝道光初年
 爲南新藩道光末年隸高加索路
 全境八到 東至高加索部界 南至黑海 西至黑海 北至高加索部界 東北至高加索部界 東南至明哥里部界 西南至黑海 西北至阿索富城界

朔方備乘 卷十七 錫伯利等路疆域考 三

薩加社

臣 秋濤謹案薩加社高加索路所屬九部中之
 一部也總記志略所載並同此名志略云一作
 色爾各設一作額勒阿西又云薩加社諾尼阿
 日爾日三部近年又分爲八部一曰西爾加西
 亞備考亦有西爾加西亞部覈其方隅則西爾
 加西亞卽薩加社譯字偶殊實一地也總記曰
 薩加社部境內崇山峻嶺最高曰高加薩斯山
 千三百二十丈終年積雪土不饒而宜麥領小

部落十有四首部曰摩斯諾設有礮臺地極崎
 嶇自俄羅斯關山石造橋梁五年始葺設總領
 一人及玉士領千五百名玉士領武官也所乘
 馬皆雄壯善走兵器弓矢鳥銃甲堅能禦銃彈
 所有奴僕分二等一備戰陣一司耕作其備戰
 陣之奴僕多至萬人修偉趨捷女多妍麗出則
 以布蒙面而躡木屐童女則皮束下體釘以銀
 扣俟嫁時夫親釋之生兒女三四歲親朋卽抱
 去撫育教習事業無異親生男至堪臨陣女至
 可婚配始還其父母謂親自鞠養恐其溺愛也
 機士臘小部落瀕氏力河市埠萬家而都魯機
 之阿敏阿人十居七八產絲髮及酒志略曰阿
 斯達拉干之南曰薩加社在高加索山之陰種
 人居巖谷不事耕作貧甚而性特悍猛習於剽
 劫鄉皆土堡自練丁壯爲兵梗令揭竿時時有
 之義軍收捕往往挫衄僅羈縻以固邊圉不能
 使之馴擾也備考曰西爾加西亞緯度自赤道
 北四十一度五十二分起至四十五度十一分

朔方備乘 卷十七 錫伯利等路疆域考 三

止經度自佛郎西國東三十四度二十分起至四十四度四十五分止東枕加斯比約海暨達日斯丹地西界黑海南接日爾日亞地北連高加索山長約二千里寬約五百里地面積方約二萬七千七百三十里烟戶二億六萬餘口境內岡陵層疊巒巒參天冰雪凝積永弗融化湖河甚多灌溉田畝稼穡甚茂種植適宜土產穀果絲棉禽獸鱗介等物地氣互異平原溫和高陵寒凜地列兩名一曰大加巴爾達一曰小加

朔方備乘

卷十七

錫伯利等路疆域考

卑

巴爾達嘉慶年間為南新藩道光末年隸高加索路

全境八到

東至裏海
南至日爾日亞部界
西至明哥里部界
北至高加索部界
東北至高加索部界
東南至納希斯丹部界
西南至義米勒多部界
西北至明哥里部界

朔方備乘卷十七

拔貢張惇德初校
舉人張銓覆校

朔方備乘卷第十八

考十二

俄羅斯亞美里加屬地考

臣秋濤謹案俄羅斯屬地跨據三州其在歐羅巴州者為波羅的等路在亞細亞州者為錫伯利等路臣已詳考其疆域矣尙有北亞墨利加州之地雖俄國僅據一隅地氣寒瘠無足重輕然縱廣各三千里環繞各島亦關海防不可略也總記稱此地為北墨利加州內俄羅斯屬

朔方備乘

卷十八

俄羅斯亞美里加屬地考

一

地全志則稱俄羅斯亞墨利加備考則稱呢囉嘶亞美里加皆因州名為地名猶米利堅墨西哥二國均以州名為國之號外國之俗貴沿襲而不嫌雷同也今因亞美里加為一州總名而茲編所記者專係俄國所屬之地故依瑪吉士諸家之例冠以俄羅斯用示區別是地原屬土番古難詳考自康熙五十四年以後俄國已由海道尋得嗣因與英吉利國北邊荒地接壤彼此互爭至道光五年始定界址全志以為道光

五年俄羅斯始得此地者非也附辨其失庶荒服之情形畢露可補前史所未悉已

亞美里加總載

臣秋濤謹案亞美里加一作亞墨利加一作亞墨理駕一作墨利加一作彌利堅一作墨詩哥一作美里駕一作墨西哥一作墨是哥皆一地也西人以此為五大州之一其土與亞細亞歐羅巴阿非利加三土不相連地分南北兩土北土形如飛魚南土似人股之著肥禪中有細腰

朔方備乘

卷十八

俄羅斯亞美里加屬地考

二

相連北距北冰海南近南冰海長二萬八千餘里東距大西洋海與歐羅巴阿非利加兩土相望水程約萬里西距大洋海直抵亞細亞之東境無別土極西北之一隅與亞細亞之極東北一隅隔一海港此亞美里加全土之形勢也俄羅斯國所據之地即在全土極西北隅故諸書紀載稱俄羅斯亞美里加云

亞美里加沿革

臣秋濤謹案亞美里加別一區宇以地球大勢

言之三土在東亞美里加在西三土在地球之面亞美里加在地球之背西洋輿地諸書言亞美里加自剖判以來未通別土蓋以前明宏治

年間西班牙之臣有可倫者一作閣龍一作個倫又作哥倫波

駕巨艦西尋新地始抵加勒海灣羣島先取一地遂以可倫比亞名之歐羅巴人知有亞美里加廣土蓋自是始厥後西班牙人見墨西哥等處廣大富饒率兵取之以次蠶食西南各部西班牙人流布雜居因此致富葡萄牙海船因風

朔方備乘

卷十八

俄羅斯亞美里加屬地考

三

至巴西見其土曠徙國人開墾佛郎西英吉利二國亦相繼尋至佛據南北英據其中荷蘭瑞國噠國之人亦來墾闢後多為英吉利所奪自是亞美里加兩土西班牙葡萄牙得其南英吉利得其北倚為外府者數百年乾隆中米利堅畔英吉利英人不能與爭腴壤盡失僅餘北境荒寒之土嘉慶時墨西哥諸部畔西班牙巴西雖奉葡萄牙王子為王然別為海西大國不屬於葡此歐羅巴人據有亞美里加南北兩土得

失之大略也然西班牙荷蘭英佛諸國皆係自本國之西面跨海而西由亞美里加之東登岸惟俄羅斯之據亞美里加西北一隅乃係自本國之東面跨海而東由亞美里加之西登岸考亞美里加全境舊皆野番散處自墨西哥至可倫比亞祕魯玻利非亞智利諸部古時即分國土有城邑雖不知其何代然措設頗近中華地理全志亦謂其與亞細亞東南規制相似至因底阿土番風俗有與東三省相類者以此言之

朔方備乘

卷十八

俄羅斯亞美里加屬地考

四

古昔亞細亞州與亞美里加州相通已久魏略言自倭國以東浮海尚有數十國以方隅道里計之當即亞美里加之地特世遠年湮土番別無紀載遂無可稽考耳西人以為自剖判以來未通別土非也

俄羅斯訪尋亞美里加原委

臣秋濤謹案歐羅巴人講輿地者往昔但知有三州即歐羅巴州亞細亞州阿非利加州是也

後於明之中葉訪得亞美里加州然尚未得其

詳西人買船阻於冰海罕至北洋於錫伯利路地形亦未能諳悉故其地圖冰海以南大漠以北甚為疏舛至亞細亞州之東北隅與北亞墨利加洲之西北隅或以為有微地相連或以為中隔海洋論者多以為疑嗣俄羅斯國既得托波爾及伊聶謝額爾口諸城略地而東闢土益廣由是欲窮東界所極以決羣疑屢訪之蘭頓荷蘭各商船皆無知者旋令荷蘭人操舟訪察久之訖無端緒順治五年俄國有端可薩頭目特斯紐及孤底那二人相繼舟訪始知二洲實不相連至康熙二十八年俄國彼得羅王上疏我

朔方備乘

卷十八

俄羅斯亞美里加屬地考

五

朝定界議和其後益講求歐羅巴人制器繪圖之法移兵向東北海隅拓地三十九年取得甘查甲五十四年以後取得北亞墨利加洲一小隅之地即監札加也又得附近海島數處報至國都而彼得羅王已逝其女加特臘因嗣位於康熙五十九年繼述父志復遣頭目三人一士般

麻一芝利果一墨領攜熟諳天文輿地之特里
斯列乘船東邁一無所獲而返雍正六年墨領
復至東隅考明亞細亞與北亞墨利加中隔一
峽雖不相連而相距不甚遠遂以已名命之曰
墨領峽自是俄國不復遣使東出矣歐羅巴人
據此繪入地圖名亞細亞洲之海角曰東海角
北亞墨利加洲之海角曰西海角近刻墨領峽
作白令峽因並名其海曰白令海昔永嘉伐木
始知雁蕩之奇博望絕幽終啟大宛之捷雖在

朔方備乘

卷十八

俄羅斯亞美里加屬地考

六

絕域事有同符亦足異已

亞美里加英俄交界地

臣秋濤謹案志略曰北亞墨利加一土自米利
堅以北本皆佛郎西所壑闢英吉利既得米利
堅之地以兵力爭其北土與佛交戰八年佛棄
其地英人括而有之乾隆末年華盛頓據地起
兵米利堅諸部盡為華盛頓所割惟北土用佛
例稅額甚輕其民未畔故為英轄北至冰疆南
界米利堅東距大西洋海西距大洋海其地大

半平坦溪河錯雜河之最長者曰桑羅梭索又
有伊爾釐休倫等大湖地氣嚴寒略如中國之
塞北西偏林木輻輳毛蟲所宅英人窮險極幽
獵野獸而取其皮貂鼠駭鼠洋灰鼠海龍海駝
之類皆有之或失路困冰雪中凍餓死又以火
酒羶羶與土人而易其皮土人得酒輒沈醉往
往腐腸而斃所得之皮由俄羅斯轉鬻中國大
利尤在林木英人結隊入林伐木而投之河順
流達於海港或在濱海造船或販往英國新著

朔方備乘

卷十八

俄羅斯亞美里加屬地考

七

島一帶海面多魚夏季尤旺諸國漁船蟻集捕
魚鱸之販往天主教各國以天主教各國齋戒
食鱸魚故也計每年五穀木料皮張鱸魚各項
值價銀數百萬兩居民約一百二十餘萬英吉
利三島之民年年有西渡謀食者地分六部曰
上加拏他曰下加拏他曰新不倫瑞克曰新蘇
格蘭曰散約翰島曰新著大島六部總名新北
勒達尼亞附近小島皆屬焉其西北荒地遼邈
無垠尚未墾闢荒地之北即冰疆荒地之西北

則俄羅斯屬地也是為英俄二夷東方交界處

冰疆

臣秋濤謹案北極之下謂之冰疆志略曰北亞墨利加洲之極北境環北冰海如玦地當黑道之下陰凝特甚夏亦見雪未秋先凍湖海皆冰嗟峨如銀山萬疊至臘兩月日不曬星不隱人畜皆蟄伏五六兩月長晝不夜海冰皆拆浮洋面如邱陵船觸之立為齏粉其海產鯨魚歐羅巴諸國有釣船百餘隻英吉利荷蘭為多其船

朔方備乘

卷十八

俄羅斯亞美里加屬地

八

冬月停結冰中至夏冰釋乃往來海面得鯨魚油與骨皆獲重價得海犬海馬則食其肉而取其油釣鯨魚最險或觸冰沈舟或巨鯨吞餌牽舟沒重淵然利之所在不遑恤也土人甚稀捕魚鼈為糧衣海犬之皮穴地而居冬時晝夜燃油為燭肢體甚短黑醜麤具人形其地分三域曰北德溫曰北日爾曰亞日巴非英巴利極西北之一隅名監札加原注一作甘查甲與亞細亞之極東北隅僅隔海港五十餘里臣秋濤謹案全志云僅隔海港五十

里 峩羅斯從北地跨而有之獺野獸之皮以供販鬻貂鼠海虎為多其人皆居地窟中

監札加路總載

臣秋濤謹案監札加一作甘渣甲係俄羅斯國所據北墨利加洲之地因自亞細亞洲極東境之甘查甲部跨海而得之故即以監札加為部落之名志略曰北亞墨利加之西北隅曰監札加其人逾疴哥德之墨領海峽跨而有之地寒凍無他產所得者皮貨而已全志曰俄羅斯屬

朔方備乘

卷十八

俄羅斯亞美里加屬地

九

地在亞墨利加西北緯線自赤道北五十四度起至七十二度止經線自中華北京偏東七十七度起至百有三度止臣秋濤謹案備考云緯四十分起至七十五度止經度自佛郎西國西一百三十三度起至一百七十度止度數多寡與此迥殊未知孰是記以俟考東至英吉利屬臣秋濤謹案備考曰東連新北亞界西至白令海峽西南接大平洋北枕北冰洋長四千里廣三千六百里總計積方百七十萬里戶口六萬臣秋濤謹案備考云長寬皆約四千餘里地面積方約四十萬里煙戶五萬餘口所言地域戶口之數皆與全志不同存以俟考峯巒疊從

冰雪凝積嚴寒凜冽人莫能禁地多磽瘠物產
 維艱總記曰北亞墨利加洲地方屬俄羅斯者
 在英吉利屬地之西三面濱海僅東隅與英吉
 利所屬連界犬牙相錯兩國互爭迨道光五年
 臣秋濤謹案原作一千始定疆界其地與俄羅
 八百二十五年今改正斯之阿細亞洲東隅中隔一海對渡僅五十二
 里前有佛郎林谷麻領等先後航海至彼考察
 因天氣寒沍故至七十餘度而止幅員雖百有
 三十萬方里而所建部落惟監札加一區餘皆
 朔方備乘 卷十八 俄羅斯亞墨里加屬地考 十
 海中島嶼穹厓峻谷人跡罕到常時火焰交秋
 即冰土多不毛惟監札加地尙宜種植豐物產
 居於監札加之人似蒙古非蒙古似伊斯歸毛
 士又非伊斯歸毛士竟莫詰其原委然馴良勤
 敏無獷狂之習窟地而居覆以泥土每一巢穴
 人至百餘儼若村落前此麥厘舟至其地登岸
 遊行忽陷地中見有無數之人在內工作大抵
 居山者務畝濱海者務漁此監札加疆域風土
 之大略也所屬九部地界原圖未經分畫謹闕

之以俟考
 全境八到

東至北亞墨利加洲英吉利屬地
 新至北亞墨利加洲英吉利屬地
 南至大海
 西至墨領海峽逾海接錫伯利路
 所屬甘查甲部界
 北至冰疆及北海
 東北至冰疆
 東南至北亞墨利加英吉利屬地
 界
 西南至大海
 西北至北海

義斯基茂

臣秋濤謹案義斯基茂監札加路所屬九部中

朔方備乘

卷十八

俄羅斯亞墨里加屬地考

十一

之首部也備考云係會城幅員戶口全境八到
 俱未詳此部土民種類蕃衍諸書或稱伊斯歸
 毛士或稱鴨斯基毛民皆一類也

基德內

臣秋濤謹案基德內監札加路所屬九部中之
 一部也備考云係會城幅員戶口全境八到俱
 未詳

朱克濟

臣秋濤謹案朱克濟監札加路所屬九部中之

一部也備考云係會城幅員戶口全境八到俱未詳

哥乃給

臣秋濤謹案哥乃給監札加路所屬九部中之一部也備考云係會城幅員戶口全境八到俱未詳

給乃塞

臣秋濤謹案給乃塞監札加路所屬九部中之一部也備考云係會城幅員戶口全境八到俱未詳

朔方備乘

卷十八

俄羅斯亞美里加屬地考

十三

未詳

朱加至

臣秋濤謹案朱加至監札加路所屬九部中之一部也備考云係會城幅員戶口全境八到俱未詳

烏加達世米于德

臣秋濤謹案烏加達世米于德監札加路所屬九部中之一部也備考云係會城幅員戶口全境八到俱未詳

古盧至

臣秋濤謹案古盧至監札加路所屬九部中之一部也備考云係會城幅員戶口全境八到俱未詳又所屬一海島亦名古盧至疑卽一地

新加里佛爾良

臣秋濤謹案新加里佛爾良監札加路所屬九部中之一部也備考云係會城首部名昔德加建於海島之中幅員戶口全境八到俱未詳

亞美里加白令海

朔方備乘

卷十八

俄羅斯亞美里加屬地考

十三

臣秋濤謹案備考云亞美里加州有外海內海外海者東亞德蘭的海西平海又名大海南南海北冰海四面環繞並皆相通內海者東安的列斯海西白令海北巴非英海阿德孫海皆各自爲道不相通達本州海灣二十有四在白令海者二曰諾爾敦曰比利斯度爾本州海峽大而著者有九其一曰白令在亞細亞亞美里加二州之間卽諸書所云墨領峽也峽東曰西海角屬亞美里加峽西曰東海角屬亞細亞又亞

美里加州之北有山名曰羅說索一名落機大山位在西偏由白令海峽起至巴那馬徑止跨越數處名隨地異故有維爾德岡名不勒岡馬德勒岡之稱此白令海山川形勢之大略也

尼亞俺地

臣秋濤謹案尼亞俺地俄羅斯所屬也在亞美里加北州西境因底阿土番之西亞美里加北州之國惟米利堅最大米利堅國北界英吉利屬地及其荒地西界因底阿土番土番種類甚

朔方備乘

卷十八

俄羅斯美里加屬考

十四

多總稱爲因底阿地縱廣數千里中有落機大山諸大河多從此發源而東流注於海土番長大多力五官停正似中華面色紫赤髮與睛皆黑色不解耕織炊汲茹毛飲血或啖果菜瓜以草本爲蘆蘆蔽風雨不知文字病無方藥惟藉祝由以解其人明信知敬老受侮必報湯火不辭無錢幣以樹皮珠石相交易有頭目以約束番衆其東方近米利堅者米人教以耕作風氣漸開密執安湖之西已立威士干遜及衣呵華

兩部兩部之西仍係土番約其地形分爲三部曰威斯頓達多里曰威斯頓底特力曰阿里顏達多里阿里顏達多里又名戈攬彌阿達多里在落機大山之西西境距大洋海又名大平海卽中國之東洋大海也其俗生男女卽以物束頭俾其頂鼻挺直又一種人生子卽以物壓頭欲其匾故亦稱匾頭人威斯頓底特力之西有尼亞俺地屬俄羅斯轄蓋俄國由監札加路東南略得此地乃俄與米接壤處也

朔方備乘

卷十八

俄羅斯美里加屬考

十五

亞美里加俄屬諸島

臣秋濤謹案亞美里加俄羅斯國所屬各島甚多環列海中總記云各島之人皆伊斯歸毛士種類臣秋濤謹案伊斯歸毛士亦作鴨斯基毛民乃土番中別一種也卽前所云義斯基茂習俗剛柔不齊備考曰各島地氣嚴寒不便居棲田土磽瘠物產維艱庶民生計惟在漁耳今詳考圖籍備錄各島之名於後

銅島

臣秋濤謹案銅島在亞美里加白令海中總記

曰銅島高千有三百丈銅礦甚旺至今無人開採惟附近居民耕種工作技藝日漸精巧

乍爾加島

臣秋濤謹案乍爾加島在亞美里加白令海中居民以魚為糧見總記

哥的亞島

臣秋濤謹案哥的亞島備考作哥的亞各全志作哥的略皆一地也在監札加地之西大太平洋中東西長而南北狹港汊紛岐民習漁捕

朔方備乘

卷十八

俄羅斯亞美里加屬地考

六

阿留德斯島

臣秋濤謹案阿留德斯島在亞美里加海中居民以魚為糧見總記

亞律森島

臣秋濤謹案亞律森島在亞美里加海中白令島以東全志曰俄羅斯亞墨利加島嶼中最大者曰亞律森總計方三萬五千里戶口一萬內有火山吐燄不息

亞律森羣島

臣秋濤謹案亞律森羣島據圖凡十餘島在亞美里加海中西北至堪察加海東南與亞他島相望見全志

維里斯島

臣秋濤謹案維里斯島在亞美里加海中港汊分岐見全志

阿爾拉島

臣秋濤謹案阿爾拉島在亞美里加海中見全志

朔方備乘

卷十八

俄羅斯亞美里加屬地考

七

戈底阿島

臣秋濤謹案戈底阿島在亞美里加海中總記云北墨利加州鄰近有戈底阿島長六十里島之北有谷港谷港之前有尖沙曰比士威林所居民肥短頭大面寬鼻準如鈎各刺鼻唇多孔飾以珍寶毳衣善漁漁艇多裹以皮俄羅斯人亦往貿易第港口礁淺此外小島尙多臣秋濤謹案總記所言頭大面寬及刺鼻唇飾珍寶乃專指戈底阿一島而言全志則謂俄羅斯亞墨利加部偏地皆然誤也附辨於此

渣治達島

臣秋濤謹案渣治達島在亞美里加海中總記云島之最大者有渣治達島阿彌臘兀島港汊紛岐前人汪戈瓦注至此周歷博訪欲尋一河直達赤城湖或達阿蘭底海臣秋濤謹案阿蘭底海即備考所云亞德蘭竟不可得又云渣治達島內居人多自俄羅斯遷至謂之麻臘甫種類

阿彌臘兀島

臣秋濤謹案阿彌臘兀島在亞美里加海中說

朔方備乘

卷十八

俄羅斯亞美里加屬地考

六

見渣治達島條內

新亞干日島

臣秋濤謹案新亞干日島全志作新阿干日總記作紐阿占牙按西洋譯語謂新日紐或書作烏阿占牙即亞干日也是紐阿占牙與新亞干日實為一地正如伊策三布拉即新增白臘之異文耳臣秋濤謹案伊策譯言新三布拉即增白臘也備考作新森不拉全志作新森拉實皆一地其沿革風土均已詳北微水道考內此地乃俄羅斯新闢之區內居千人廬舍礮臺皆用木植多產魚及

皮囊海舶赴粵者皆購焉歲得值約銀二十萬員

摩底牙島

臣秋濤謹案摩底牙島亦俄羅斯於亞美里加州新闢之土總記曰俄羅斯邇年所據之摩底牙港口形勢雖不甚良然與紐加兀科海岸相連故貿易亦蕃庶

白令島

臣秋濤謹案白令島在亞美里加與亞細亞兩

朔方備乘

卷十八

俄羅斯亞美里加屬地考

七

州交界海中凡有數島其東即亞律森羣島也

見全志

加拉爾哥島

臣秋濤謹案加拉爾哥島在亞美里加白令海中見備考

桑馬罷斯島

臣秋濤謹案桑馬罷斯島在亞美里加白令海中見備考

桑保羅島

臣秋濤謹案桑保羅島在亞美里加白令海中見備考

桑若爾日島

臣秋濤謹案桑若爾日島在亞美里加白令海中見備考

亞稜德斯羣島

臣秋濤謹案亞稜德斯羣島在亞美里加白令海中見備考

勞梭島

朔方備乘

卷十八

俄羅斯亞美里加屬地考

二十

臣秋濤謹案勞梭島在亞美里加白令海中正當白令峽口見全志

亞他島

臣秋濤謹案亞他島在亞美里加海中西北與亞律森羣島相望見全志

失加島

臣秋濤謹案失加島一作失德加島在亞美里加海中哥的亞島之東南見全志

朔方備乘卷十八

知縣吳壽坤初校 舉人張銓覆校

朔方備乘卷第十九

考十三

北徼城垣考敘

臣秋濤謹案西北諸藩部自古有居國行國之別今蒙古喀爾喀額魯特哈薩克布魯特諸國恃游牧為生冬夏隨時遷移皆行國也其北徼之俄羅斯建城垣設官吏則居國也以蓄積而論行國不若居國之富蓋行國皆附近沙漠地瘠產薄俄羅斯有城郭居農商之所致舟車之

朔方備乘

卷十九

北徼城垣考敘

一

所通擅西北之利筭富可知已以兵力而論居國不若行國之強元人有言城居之人不耐勞苦故蒙古速不台等伐斡羅思欽察等國如摧枯拉朽所向無敵康熙年間俄羅斯之塔喇斯科等處常懼策妄阿拉布坦侵奪又其多木斯科等處壤接北哈薩克重兵戍守猶不免剽掠時聞其明證也滿洲語呼城曰和屯蒙古語則曰和塔或曰圖拉諸書所記俄羅斯之城垣有稱和屯者亦有稱圖拉者今徧考圖籍彙為一

卷並嚴其道里風土附着於下斯居國之情形
不難按籍而稽已

國王所居之城

謨斯夸和屯

臣秋濤謹案謨斯夸和屯卽莫斯科窪一作

莫斯科窪一作莫斯科窪

斯溝一作木吉俄羅斯國王舊居之城也志

略云莫斯科在四境適中之地頗爲富麗頭

目之居皆飾以金銀嘉慶十六年佛郎西團

朔方備乘

卷十九

北徼城垣考

二

之俄人燒之而走火旬日不息師退乃次第

修復王居廣七十七丈長二百一十丈西洋

屋宇之高大殆無與比總記曰先是莫斯科

之屋廬牆用木板上覆以瓦或有以鐵爲門

以鐵代瓦者自遭兵燹極目荒曠行人常虞

迷失嗣後鳩工興築磚瓦崇麗修廟則仿之

韃韃里造衙署監獄則仿之佛蘭西而寶利

之輪奐營帳之嚴壯皆埒諸國

散博德爾布珠克和屯

臣秋濤謹案散博德爾布珠克和屯一作三

皮提里普兒斯科一作三柯忒撒忒爾一作

散丕特里普爾一作彼得羅堡一作彼得堡

一作比特革康熙年間俄羅斯國王遷居於

此異域錄云三皮提里普兒城原係西費耶

斯科國地察罕汗征取修葺城池隨汗名字

呼爲三皮提里普兒此城修葺勝於莫斯科

窪城其地據波羅的海東岸志略曰在尼瓦

河口近偏海港西風起則水湧入城街衢泛

朔方備乘

卷十九

北徼城垣考

三

溢城內多廣廈傑構王廷長四十五丈闊三

十八丈金彩耀目宏麗爲西國之最居民四

十二萬五千內水陸兵五萬五千客民二萬

五千別有藏軍器之城曰立冕

和屯

臣秋濤謹案和屯圖拉皆城垣之稱似毋庸

更爲區別然考內府圖所載稱圖拉者皆附

近蒙古地方其餘則皆稱和屯是知稱名旣

殊自必各有取義所當分別部居毋使雜廁

如各省志乘同一山也而岡嶺峯巖必加區別同一水也而川泉谿澗以次臚陳固可比類以推也今悉依原文具載仍以稱和屯者列於前稱圖拉者次之其附錄諸城則列於後庶便檢閱至每類之中敘次皆自東而西以東方諸部與中國相近故先書之並可與山脈水道諸考互證云

噶穆薩特喀和屯

臣秋濤謹案噶穆薩特喀和屯一作甘查甲

朔方備乘

卷十九

北徼城垣考

四

一作岡札德加其地東西南三面距海僅一面通陸西北至博特錫倭爾斯歸和屯約三千里西南隔海與中國庫葉島相直

博特錫倭爾斯歸和屯

臣秋濤謹案博特錫倭爾斯歸和屯南與中國雅克薩城相直約四千三百餘里北臨冰

海東倚金山西南距佳達刮噶珊

德爾吉郭列穆斯歸和屯

臣秋濤謹案德爾吉郭列穆斯歸和屯在博

特錫倭爾斯歸和屯西南城西北兩面俱臨郭列穆瑪河西南接郭列穆斯歸和屯

郭列穆斯歸和屯

臣秋濤謹案郭列穆斯歸和屯在作租和屯東有郭列穆瑪河自南來分為兩支繞城東西至城北復合又北流入德爾吉郭列穆斯歸和屯境

作租和屯

臣秋濤謹案作租和屯在郭列穆斯歸和屯

朔方備乘

卷十九

北徼城垣考

五

西有伊斯鞠郭特斯都克河發源城北又北流入於海

惹爾莽阿和屯

臣秋濤謹案惹爾莽阿和屯在作租和屯西

南有郭列穆瑪河發源城東南山北流至德爾吉郭列穆斯歸和屯境入北海

巴達爾斯歸和屯

臣秋濤謹案巴達爾斯歸和屯在惹爾莽阿和屯西有邁納甘湖在城東南境湖水西北

流爲瑪雅河

邁歸和屯

臣秋濤謹案邁歸和屯在巴達爾斯歸和屯

西北有瑪雅河流逕城南與希濃河合西流

注於列訥河

冬古爾斯歸和屯

臣秋濤謹案冬古爾斯歸和屯在邁歸和屯

南有都日爾河發源城東南境流逕城西曰

烏勒克瑪河西流注於列訥河

朔方備乘

卷十九

北徽城垣考

六

巴爾古錫穆和屯

臣秋濤謹案巴爾古錫穆和屯在尼布楚城

西北約七百里城西濱柏海爾湖東岸城北

有德爾集昂噶拉河南有巴爾古錫穆河皆

西注於湖

列訥和屯

臣秋濤謹案列訥和屯在冬古爾斯歸和屯

西以城西列訥河爲名

惹鞠斯歸和屯

臣秋濤謹案惹鞠斯歸和屯卽亞古德斯科

錫伯利八部之一也在列訥和屯北有列訥

河南來逕城東又北流注於海

倭爾郭任斯歸和屯

臣秋濤謹案倭爾郭任斯歸和屯在列訥和

屯西南相去約一千二百里城東境有列訥

河來自東南逕城東又北流入列訥和屯境

伊爾古斯歸和屯

臣秋濤謹案伊爾古斯歸和屯卽義爾古德

朔方備乘

卷十九

北徽城垣考

七

斯科亦作額爾口城亦作厄爾庫城在倭爾

郭任斯歸和屯西南約四百里異域錄云厄

爾庫城在柏海兒湖之西北相去一百五十

餘里沿途及附近厄爾庫城之山不甚大皆

平坂山岡昂噶拉河來自東南繞過厄爾庫

城西向西北而流厄爾庫河來自西南入昂

噶拉河無城垣似柏興居住八百餘戶皆樓

房俱係大木營治大半俄羅斯蒙古人少有

天主堂五座有市廛厄爾庫城及附近小柏

興地方皆屬厄爾庫城之頭目伊斯多爾尼
衣番訥翹統轄駐兵五百名

博拉斯歸和屯

臣秋濤謹案博拉斯歸和屯在伊爾古斯歸
和屯西有昂噶拉河逕城北集達雅河出城
東南境逕城西注於昂噶拉河

伊林斯歸和屯

臣秋濤謹案伊林斯歸和屯在博拉斯歸和
屯北有伊爾尼河出城北繞其東又繞其南

朔方備乘

卷十九

北徼城垣考

八

而西流注於昂噶拉河

希穆斯歸和屯

臣秋濤謹案希穆斯歸和屯在伊林斯歸北
相去約一千二百里有郭勒斯郭野河自城

南發源西流為冬古薩河亦曰通古斯河又

西流過伊里穆城南北會小水數十西流至

德羅伊特斯郭格廟北注於昂噶拉河源流

長千二百里

伊里穆和屯

臣秋濤謹案伊里穆和屯在希穆斯歸和屯
西相去約六百餘里城北有通古斯河西有

伊里穆河按圖載二河而失載此城今依異

域錄補入異域錄曰伊里穆城在伊聶謝之

東南臣秋濤謹案當作東北相去二千餘里沿途俱山

林有嶺亦由通古斯河舟行陸路亦通伊里

穆城似柏興四面皆山林有杉松馬尾松楊

樺叢柳櫻菓其伊里穆河來自東北環流伊

里穆城歸入通古斯河伊里穆河北岸有廬

朔方備乘

卷十九

北徼城垣考

九

舍居二百餘戶俱俄羅斯有天主堂二座設

管轄柏興頭目一員駐兵二百名自伊里穆

城往厄爾庫城向東南行其間千有餘里沿

途皆山林有嶺亦由昂噶拉河舟行陸路亦

可行

惹尼色斯歸和屯

臣秋濤謹案惹尼色斯歸和屯亦作也尼塞

斯科即伊聶謝柏興也其地為水陸之衝康

熙年間圖理琛奉使時猶為柏興後改斯科

爲錫伯利八部之一異域錄曰伊聶謝柏興在厄爾庫城之西北其間水程三千餘里陸路一月程川谷寬闊四面皆山岡伊聶謝河自南流來大於昂噶拉河其昂噶拉河來自東南離柏興十餘里歸入伊聶謝河又繞過柏興向東北流入北海無城郭居住千有餘戶俱俄羅斯有天主堂八座有市廛設管轄柏興頭目一員駐兵八百名俄羅斯呼索倫爲喀穆尼漢又呼爲通古斯俱畜鹿以供乘

朔方備乘

卷十九

北徵城垣考

十

馭馱載其鹿灰白色形似驢騾有角名曰俄倫林藪之內有鷓鴣北地最寒有一種獸行地內遇陽氣卽死身大重萬斤骨色甚白潤類象牙質柔不甚傷損每於河濱土內得之俄羅斯獲其骨製碗碟梳篦用之內性最寒人食之可除煩熱梵名麻門橐窪華名磳鼠此地相去北海大洋一月程時夏至前後夜不甚暗雖日落夜深猶可圍碁不數刻東方卽曙而日出矣

瑪古斯歸和屯

臣秋濤謹案瑪古斯歸和屯卽麻科斯科有達格河自此發源西流卽揭的河也異域錄曰麻科斯科在伊聶謝之西北相去二百五十餘里皆山路揭的河來自東南繞過麻科斯科向西北而流柏興內有廬舍四十餘間俱俄羅斯居住有天主堂一座其河內有寬一丈長七尺許船二十餘隻舟艇甚多由水路之人俱於此處登舟赴托波兒城

朔方備乘

卷十九

北徵城垣考

十一

多羅三色吉和屯

臣秋濤謹案多羅三色吉和屯在惹尼色斯歸和屯西北約一千四百里城東有惹尼色斯河卽昂噶拉河下游也又有惹羅珊河自城西南發源逕城南注於昂噶拉河

托穆斯歸和屯

臣秋濤謹案托穆斯歸和屯卽托穆斯科亦曰疴慕斯科錫伯利八部之一也異域錄曰托穆斯科在塔喇斯科之東南相去二千五

百餘里鄂布河從托穆斯科二百里外來自東南向西北而流俄羅斯呼為鄂布河其巴爾巴忒人呼為牙巴里河托穆河來自東南由西面繞過柏興向西北而流至百里外歸入鄂布河自塔喇斯科三百里內皆數林有杉松馬尾松楊樺樹叢柳櫻莢俱俄羅斯居住間有田畝從此至鄂布河沿途地甚平坦惟樺木片片叢生甚稀生蘆荻處甚多有水澤無溪澗此處塔塔拉與巴爾巴忒兩種人

朔方備乘 卷十九 北徼城垣考 三

雜處夏秋則飲澤中及低窪處潦水冬春則食雪冰俄羅斯哈薩克國哈拉哈兒叭國策旺拉布坦四國連界接壤此處所居塔塔拉並巴爾巴忒人與俄羅斯策旺拉布坦兩國皆納賦不時被哈薩克國人侵奪擄掠自鄂布河以至托穆斯科沿途皆林藪有杉松馬尾松樺楊樹叢柳櫻莢俄羅斯與塔塔拉人間有田畝托穆河東岸有廬舍居千餘戶俄羅斯與塔塔拉並貨通及克爾紀斯厄魯特

各種人雜處柏興左近地方田畝甚多天主堂十座設管轄柏興頭目一員駐兵五百名薩達里莽阿斯和屯

臣秋濤謹案薩達里莽阿斯和屯在三羅多色吉和屯西約三百餘里城東南境窩集中有鄂謨水北流逕城東為達斯河又北流入海乃小海也

格野斯歸和屯

臣秋濤謹案格野斯歸和屯在瑪古斯歸和

朔方備乘 卷十九 北徼城垣考 三

屯西北水路約三千里

納隆和屯

臣秋濤謹案納隆和屯在格野斯歸和屯西北城南有鄂必河逾河即瓦欣阿噶珊也

拉林斯歸和屯

臣秋濤謹案拉林斯歸和屯在瓦欣阿噶珊

南城東西南三面皆窩集也城南二百里外

有惹謨斯夸大湖

巴拉彬斯歸和屯

臣秋濤謹案巴拉彬斯歸和屯在拉林斯歸和屯西少南約相去三百里城南有河從惹謨斯夸湖流出西注額爾齊斯河

蘇爾古特和屯

臣秋濤謹案蘇爾古特和屯在納隆和屯西北約四百里卽蘇爾呼忒柏興也蓋圖理琛奉使時尙爲柏興後乃改爲和屯異域錄曰蘇爾呼忒柏興在那里穆柏興之西北其間由鄂布河舟行水程一千四百餘里其鄂布

朔方備乘

卷十九

北徼城垣考

十四

河來自東南流過柏興向西南與厄爾齊斯河合流復向西北流入北海大於伊聶謝河水濁溜緩水漲四溢洲渚甚多沿河兩岸地勢平坦皆林木有杉松楊樺櫻莢河邊多叢柳有一種鄂斯提牙斯科人在林內散處河之北岸向有柏興廬舍居二百餘戶天主堂三座因失火燒毀少半新給廬舍居住餘皆穴處俄羅斯設管轄柏興頭目一員駐兵百名

伊錫穆斯歸和屯

臣秋濤謹案伊錫穆斯歸和屯在森博羅特圖拉西北相去約千餘里城北有額爾齊斯河此城南與中國伊犁相直

郭斯郭薩和屯

臣秋濤謹案郭斯郭薩和屯在蘇爾古特和屯西北約四百里城西有伯蘇噶珊薩瑪羅特和屯

朔方備乘

卷十九

北徼城垣考

十五

也異域錄曰薩馬爾斯科在蘇爾呼忒柏興西南其間水程六百餘里厄爾齊斯河自南流來繞過柏興向西北流二十餘里歸入鄂布河其河東岸之上有土山不甚大有杉松楊樹河邊有叢柳山麓一帶廬舍百餘間居五十餘戶皆俄羅斯有天主堂一座設管理驛站船隻頭目一員無兵又曰林木甚多係水窪地方無耕種田畝俱從托波兒托穆斯科等處挽運麥石而食

惹薩克吉和屯

臣秋濤謹案惹薩克吉和屯在郭斯郭薩和

屯西北其西臨額爾齊斯河

郭特斯歸和屯

臣秋濤謹案郭特斯歸和屯在惹薩克吉和

屯南約五百里其東臨額爾齊斯河與伯蘇

噶珊隔河相望

巴拉索瓦和屯

臣秋濤謹案巴拉索瓦和屯在郭特斯歸和

朔方備乘

卷十九

北徼城垣考

六

屯北其東北臨額爾齊斯河

多拉和屯

臣秋濤謹案多拉和屯在伊錫穆斯歸和屯

西少北即塔喇斯科也異域錄曰塔喇斯科

在托波兒之東南相去一千二百餘里厄爾

齊斯河來自東南向西北而流塔喇河來自

東南於塔喇斯科相對地方歸入厄爾齊斯

河沿途地平坦俱林藪有杉松馬尾松楊樺

榆叢柳櫻菓沿厄爾齊斯河岸皆塔塔拉人

居住間有田畝厄爾齊斯河之南岸有廬舍

居千餘戶俄羅斯與塔塔拉雜處天主堂六

座設管轄柏與頭目一員駐兵五百名

底穆彥斯歸和屯

臣秋濤謹案底穆彥斯歸和屯即狄穆演斯

科異域錄曰狄穆演斯科在薩馬爾斯科之

西南由厄爾齊斯河溯流而上相去六百餘

里厄爾齊斯河來自西南向東北而流水濁

溜急其大如色楞格河自薩馬爾斯科至狄

朔方備乘

卷十九

北徼城垣考

七

穆演斯科沿河一帶東岸之上皆土山平坂

有杉松楊樺櫻菓等樹甚密河邊皆叢柳兩

岸有小柏與十餘處間有田畝俄羅斯與鄂

斯提牙斯科並塔塔拉人雜處其河東岸土

山之上廬舍百餘間居五十餘戶皆俄羅

斯柏興之四面皆田畝有天主堂一座其柏

興事務係薩馬爾斯科頭目兼管無兵

伊順斯歸和屯

臣秋濤謹案伊順斯歸和屯在多拉和屯西

額爾齊斯河南岸其北岸卽瓦噶噶珊

瓦都歸和屯

臣秋濤謹案瓦都歸和屯在伊順斯歸和屯

西北額爾齊斯河北岸城北有阿爾噶爾噶

河西入額爾齊斯河

惹穆尼郭傅和屯

臣秋濤謹案惹穆尼郭傅和屯在底穆彥斯

歸和屯西南額爾齊斯河東岸

巴拉克和屯

朔方備乘

卷十九

北徽城垣考

六

臣秋濤謹案巴拉克和屯在惹穆尼郭傅和

屯南額爾齊斯河北岸

索布色噶惹和屯

臣秋濤謹案索布色噶惹和屯在阿布定噶

珊西約三百里有無名河出城西南山中逕

城西達其北東流至阿布定噶珊北入海

巴必努郭羅特和屯

臣秋濤謹案巴必努郭羅特和屯在郭特斯

歸和屯西約三百數十里其北與索布色噶

惹和屯相直

托博爾和屯

臣秋濤謹案托博爾和屯卽托波兒城亦曰

德波爾亦曰德波斯科錫伯利八部之一也

異域錄云托波兒在狄穆演斯科之西南其

間溯流行六百餘里厄爾齊斯河來自東南

遶過托波兒向東北而流托波兒河來自西

南於托波兒相對地方歸入厄爾齊斯河沿

河兩岸地勢平坦有杉松楊樺櫻菓叢柳小

朔方備乘

卷十九

北徽城垣考

七

柏興五十餘處左近皆田畝托波兒以北二

十餘里河東岸之上有小土山極平坦無城

郭居千餘戶其廬舍皆大木營治有磚造廟

宇二所理事公署木房數間其山麓及河岸

一帶居二千餘戶其廬舍亦皆係大木營治

有市廛天主堂二十餘座駐兵二千餘名有

頭目十數員其西畢爾斯科省城堡及柏興

地方頭目兵丁俱屬噶噶林馬提飛費多爾

魚赤統轄

達爾林斯歸和屯

臣秋濤謹案達爾林斯歸和屯在托博爾西

南約六百里南與北哈薩克相直有額錫爾

河發源城南境北入托博爾河

烏底多爾斯噶和屯

臣秋濤謹案烏底多爾斯噶和屯在達爾林

斯歸和屯西北約二百里南境有伊澤特河

北境有都拉河

伊斯瑪和屯

朔方備乘

卷十九 北徼城垣考

三

臣秋濤謹案伊斯瑪和屯在托博爾和屯西

北約六百里城西有博羅河

郭蘇特斯歸和屯

臣秋濤謹案郭蘇特斯歸和屯在伊斯瑪和

屯南三百餘里城北有達傅塔河

都捫和屯

臣秋濤謹案都捫和屯一作圖敏即多木斯

科亦作多僕在托博爾和屯西南約四百餘

里異域錄曰自額爾齊斯河西南入托波兒

河溯流越九宿至圖敏途中皆塔塔拉之人

挽繚岸旁林木叢密無繚路俱行泥水之中

到彼之日管柏興官排列旗幟兵丁迎接即

此地也溯流行遲故四百餘里之程九宿方

至今其城為錫伯利八部之一志略曰多木

斯科在德波爾西南與海東部之白爾摩疴

倫不爾厄等部接壤其南與哈薩克回部毗

連游牧者時來侵掠雖有防兵不能禁也俄

羅斯有大酋駐此總理東方兼督鑛務

朔方備乘

卷十九 北徼城垣考

三

伯色爾斯歸和屯

臣秋濤謹案伯色爾斯歸和屯在伊斯瑪和

屯西北約六百里北臨布斯堆湖城東南三

百里外有博綽爾湖湖水流為博綽爾河

至城東入於布斯堆湖

布斯堆羅色爾歸和屯

臣秋濤謹案布斯堆羅色爾歸和屯在巴必

努郭羅特和屯西四百餘里南臨布斯堆湖

與伯色爾斯歸和屯隔湖相望湖水自城西

流出西北流為伯特蘇拉河入北海

羅斯衛斯歸和屯

臣秋濤謹案羅斯衛斯歸和屯在郭蘇特斯

歸和屯西有水自城西南發源逕城西遶城

北又東流注於達傅塔河

肅衛陽斯歸和屯

臣秋濤謹案肅衛陽斯歸和屯在都捫和屯

西南二百餘里有肅瓦河自西南來遶流城

西南東三面又東北流至都捫和屯南注於

朔方備乘

卷十九

北徽城垣考

三

都拉河都拉河即異域錄之土拉河也

雅班沁和屯

臣秋濤謹案雅班沁和屯即雅班沁城異域

錄曰雅班沁在圖敏之西北由土拉河溯流

舟行五百餘里沿河兩岸有杉松楊樺叢柳

甚稀有小柏興二十餘處柏興附近俱種田

畝俄羅斯與塔塔拉雜處土拉河之西岸有

柏興廬舍居二百餘戶俱俄羅斯有天主堂

三座設管轄柏興頭目一員無兵從此處捨

舟陸行

烏特格和屯

臣秋濤謹案烏特格和屯在肅衛陽斯歸和

屯西北二百餘里

塔奇和屯

臣秋濤謹案塔奇和屯在烏特格和屯南約

一千三百餘里城北有烏拉爾圖阿林即烏

拉嶺也有額勒克河源出烏拉嶺西南流入

裏海行千餘里蓋即烏拉河也

朔方備乘

卷十九

北徽城垣考

三

蓋郭羅特和屯

臣秋濤謹案蓋郭羅特和屯即改郭羅多城

也在伊斯瑪和屯西北約六百餘里異域錄

云改郭羅多在索里喀穆斯科之西北其間

四百餘里喀穆河來自西北繞過改郭羅多

向東南而流沿途皆山岡林藪有杉松馬尾

松楊樺小柏興六七處俄羅斯與一種別爾

馬羈之人雜處柏興之附近皆田畝居二百

餘戶皆俄羅斯有天主堂二座設管驛站頭

目一員無兵從此處向西北行通莫斯科窪城大路由西南行通喀山大路自托波兒至此處有二千二百餘里從此至莫斯科窪城亦有二千二百餘里

索里噶穆斯歸和屯

臣秋濤謹案索里噶穆斯歸和屯即索里喀穆斯科異域錄曰索里喀穆斯科在費耶爾和土爾斯科佛落克嶺之西南其間二百餘里沿途山不甚大地勢漸下俱林藪有杉松

朔方備乘

卷十九

北徽城垣考

三

馬尾松楊樺地甚泥淖喀穆河於索里喀穆斯科之北二十里外自東北向西南而流有烏索兒科之小河自東北由柏興中流出向西歸入喀穆河居五百餘戶皆俄羅斯天主堂六座有市屢設管轄柏興頭目一員駐兵三百名柏興之西北有鹽場場內有方木井四十餘處咸取井水煎鹽其鄰近之小柏興亦皆煎鹽莫斯科窪城等處俱食此地鹽瓦爾郭都里雅和屯

臣秋濤謹案瓦爾郭都里雅和屯即費耶爾和土爾斯科城異域錄曰費耶爾和土爾斯科城在鴉班沁之西北其間四百餘里無城郭沿途皆山岡多林藪惟有杉松楊樺地甚泥淖有小柏興四五處土拉河來自西北流過費耶爾和土爾斯科城之西面向東南而流河之東岸石山上下及河之兩岸有柏興廬舍居七百餘戶俱俄羅斯天主堂五座有市屢設管轄柏興頭目一員駐兵三百名

朔方備乘

卷十九

北徽城垣考

三

蘇爾頂和屯

臣秋濤謹案蘇爾頂和屯在蓋郭羅特和屯西南有喀穆河自西北來逕城之北又逕其東又南流入索里噶穆斯歸和屯境

鄂博和屯

臣秋濤謹案鄂博和屯在烏特格城西南六百餘里

博冷噶和屯

臣秋濤謹案博冷噶和屯在瓦爾郭都里雅

和屯西南約二百餘里

巨古爾和屯

臣秋濤謹案巨古爾和屯在博冷噶和屯南

約百餘里

鄂薩和屯

臣秋濤謹案鄂薩和屯在博冷噶和屯西約

二百里當喀穆河南岸其南六百里即薩瑪

拉和屯

薩瑪拉和屯

朔方備乘

卷十九

北徼城垣考

五

臣秋濤謹案薩瑪拉和屯即西穆必爾斯科

總記作新麥塞志略作新比耳斯克西穆必

爾斯科在喀山之正南相去三百餘里佛兒

格河來自東北繞城之南面向西南而流沿

途地勢平坦俱係曠野無林木田畝甚多有

小柏興十餘處俄羅斯與車爾米斯並塔塔

拉人雜處西穆必爾斯科有城郭係大木營

造小於喀山城皆損壞有八門環城俱係木

爲鹿角安置城之內外及河岸居千餘戶皆

俄羅斯有市廛天主堂四座設管轄城郭頭

目一員駐兵五百名

薩拉布特和屯

臣秋濤謹案薩拉布特和屯在鄂薩和屯西

北喀穆河北岸

色羅博達和屯

臣秋濤謹案色羅博達和屯在赫里諾傅和

屯東北約百餘里北境有瓦特噶河發源西

南流注於喀穆河

朔方備乘

卷十九

北徼城垣考

七

赫里諾傅和屯

臣秋濤謹案赫里諾傅和屯即黑林諾付亦

作赫林諾付異域錄曰黑林諾付在改郭羅

多之西南其間四百餘里費牙忒喀河其大

似色楞格河自費耶爾和土爾斯科佛落克

嶺陰發源來自東北繞過黑林諾付向西南

而流歸入喀穆河沿途皆山岡地勢漸下隨

處俱有小柏興甚稠密田畝亦多遙望林木

蒼然居千餘戶皆俄羅斯有市廛磚造天主

堂七座太木營治天主堂五座設管轄柏興頭目一員駐兵三百名

薩拉多博和屯

臣秋濤謹案薩拉多博和屯即薩拉托付亦作薩拉德夫其種人曰可薩一作可沙悍勇善戰故此部亦曰端可沙亦作端戈薩斯異域錄曰薩拉托付在西穆必爾斯科之西南相去五百餘里俄羅斯與土爾扈特兩國接壤之處佛兒格河來自東北繞薩拉托付之

朔方備乘

卷十九

北徽城垣考

天

南向南而流水濁溜緩此河俄羅斯國人名曰佛爾格河土爾扈特國之人名曰厄濟兒河沿途皆平坦地方間有山岡地勢漸下林木稀少有樺楊椴柞榆波羅等樹田畝甚多有小柏興二十餘處俄羅斯與車爾米斯並塔塔拉人雜處河之北岸有廬舍居五百餘戶俱俄羅斯其柏興之東北兩面皆山不甚大南面有佛爾格河環流東西北三面俱濠其外安置鹿角河內有寬一丈長七丈餘船

四五隻寬二丈長十丈餘船一隻小舟艇五十餘隻有市廛天主堂六座設管轄柏興頭目一員駐兵二百名

郭勒布特和屯

臣秋濤謹案郭勒布特和屯在赫里諾傳和屯西南有瓦特噶河從東北來遠城西又西南流入來索爾和屯境

阿噶錫和屯

臣秋濤謹案阿噶錫和屯在薩拉多博和屯

朔方備乘

卷十九

北徽城垣考

天

南一千一百餘里額集爾河西岸異域錄言沿額濟爾河西岸有俄羅斯屬之諾岳爾綽爾城當即此也錫拉哈米斯和屯
臣秋濤謹案錫拉哈米斯和屯在薩拉多博和屯南六百餘里額集爾河西岸異域錄言沿額濟爾河西岸有俄羅斯屬之西喇喀穆什城當即此也達里特薩拉斯和屯

臣秋濤謹案達里特薩拉斯和屯在錫拉哈米斯城南額集爾河西岸

揚噶拉和屯

臣秋濤謹案揚噶拉和屯在阿噶錫和屯西南額集爾河西岸異域錄言沿額濟爾河西岸有俄羅斯所屬之那雅爾城當即此也

色爾克斯和屯

臣秋濤謹案色爾克斯和屯在阿斯達拉罕和屯東南裏海北岸額集爾河分流繞城四面

朔方備乘

卷十九

北徼城垣考

三

面又南流入裏海藩部要略曰乾隆四十年土爾扈特親王策伯克多爾濟獻金削刀及色爾克斯所產馬色爾克斯紅豁爾屬部也按紅豁爾即土耳其國此地本土土耳其屬後為俄羅斯所取

阿斯達拉罕和屯

臣秋濤謹案阿斯達拉罕和屯亦作阿斯達拉干亦作阿薩塔干在揚噶拉和屯之南額集爾河自北來分為兩支遶城四面至城南

復合又南分為數支入裏海此城即異域錄所云阿斯塔爾漢也土爾扈特舊在此城附近游牧今其地蒙古回人波斯西洋人皆聚集焉總記曰此部領小部落四十有一蓋俄羅斯東南隅一都會也

來索爾和屯

臣秋濤謹案來索爾和屯在郭勒布特和屯西南約四百里東臨瓦特噶河

墨三和屯

朔方備乘

卷十九

北徼城垣考

三

臣秋濤謹案墨三和屯在色羅博達和屯西北約千里其城北臨冰海南至索魯歪特集岳克特和屯約四百里墨三即美森蓋因美森河得名

索魯歪特集岳克特和屯

臣秋濤謹案索魯歪特集岳克特和屯在倭羅克達和屯東北約四百里蓋即疴勒內部也

伊羅法和屯

臣秋濤謹案伊羅法和屯在錫拉哈米斯和屯西百餘里城西臨謨都瓦底擦河城南有倭爾噶河支津自東來西流入謨都瓦底擦河

德都斯和屯

臣秋濤謹案德都斯和屯在來索爾和屯西南約四百里倭爾噶河南岸

雜里和屯

臣秋濤謹案雜里和屯在伊羅法和屯南約

朔方備乘

卷十九

北徽城垣考

三

二百里端河之東

郭壘斯和屯

臣秋濤謹案郭壘斯和屯在來索爾和屯西

北百餘里

巴達欣和屯

臣秋濤謹案巴達欣和屯在雜里和屯西百餘里端河之西

噶贊和屯

臣秋濤謹案噶贊和屯即喀山斯科一作加

匱一作加三一作加森異域錄曰喀山在黑林諾付之西南其間五百餘里佛兒格河其大似鄂布河來自西北至喀山城之西南五里外向東南而流喀穆河來自東北於喀山之東南六十里外歸入佛兒格河沿途皆山岡地勢漸下多林藪有杉松馬尾松楊樺椴柞榆柳波羅荊條有小柏與二十餘處俄羅斯與塔塔拉並一種車爾米斯人雜處其柏與附近俱有田畝喀山左近地勢平坦林木

朔方備乘

卷十九

北徽城垣考

三

遼遠田畝甚多其喀山係排置大木為城有八門一面二里餘周圍八里餘有郭郭外環城俱以木為鹿角安置城內有市屋磚造天主堂五座大木營治廟三座居五千餘戶皆用大木營治樓房廬舍有俄羅斯與塔塔拉並車爾米斯及土爾扈特等人居住設立管理喀山斯科道總管顧比爾那忒費多爾薩馬落費赤統轄有小頭目十餘員駐兵二千餘名

倭羅克達和屯

臣秋濤謹案倭羅克達和屯亦作窩羅疴達又作那窩俄落又作諾戈落在郭壘斯和屯西北六百餘里蘇吉納河來自西南邊城之西北兩面又東北流入索魯歪特集岳克特和屯境

得爾集和屯

臣秋濤謹案得爾集和屯在阿斯達拉罕和屯西南約四百餘里裏海西岸本回部地為

朔方備乘

卷十九

北徼城垣考

三

俄羅斯所取

尼斯納和屯

臣秋濤謹案尼斯納和屯即總記之尼斯諾科志略之尼內諾烏疴羅也在噶贊和屯西北當鄂噶河入倭爾噶河處

特爾奔和屯

臣秋濤謹案特爾奔和屯在得爾集和屯南百餘里裏海西岸

必納噶和屯

臣秋濤謹案必納噶和屯在墨三和屯西約

三百里北境濱白海地悉窩集也

郭爾謨郭羅特和屯

臣秋濤謹案郭爾謨郭羅特和屯在必納噶和屯南數十里

色羅克和屯

臣秋濤謹案色羅克和屯在噶贊和屯西南一千一百餘里南臨端河

沙馬吉和屯

臣秋濤謹案沙馬吉和屯在特爾奔和屯西南裏海西岸有古爾河南入海

朔方備乘

卷十九

北徼城垣考

三

阿爾甘惹爾和屯

臣秋濤謹案阿爾甘惹爾和屯即亞爾干日爾部一作亞干日近刻瀛環志略作阿爾干日爾非也其地北濱白海有都伊納河海口衛色克達蘇吉納諸河咸會於此

三尼郭拉和屯

臣秋濤謹案三尼郭拉和屯在阿爾甘惹爾

和屯西南都伊納河南岸

郭羅郭歪斯德和屯

臣秋濤謹案郭羅郭歪斯德和屯在尼斯納

和屯西北鄂噶河北岸

畢都克和屯

臣秋濤謹案畢都克和屯即奔薩部在噶贊

和屯西南一千二百餘里端河北岸

惹勒斯拉傅和屯

臣秋濤謹案惹勒斯拉傅和屯即日羅斯拉

朔方備乘

卷十九

北徼城垣考

三

部在倭羅克達和屯西南約二百里倭爾噶

河北岸

羅瑪諾傅和屯

臣秋濤謹案羅瑪諾傅和屯在惹勒斯拉傅

和屯北約三百里

郭爾多斯瑪和屯

臣秋濤謹案郭爾多斯瑪和屯即哥斯德羅

罵亦作果斯多羅麻一統志所云郭羅多阿

木喀斯科異域錄所云郭羅多阿爾哈連斯

科亦即此也在惹勒斯拉傅和屯南倭爾噶

河南岸

倭羅威謨爾和屯

臣秋濤謹案倭羅威謨爾和屯即瓦拉的迷

爾亦作拉的迷在郭爾多斯瑪和屯西南

額里旺和屯

臣秋濤謹案額里旺和屯在沙馬吉和屯西

三百里阿拉斯河東岸

巴斯多傅和屯

朔方備乘

卷十九

北徼城垣考

三

臣秋濤謹案巴斯多傅和屯在倭羅威謨爾

和屯西南四百里

格里博根和屯

臣秋濤謹案格里博根和屯即給爾孫部在

畢都克和屯西南六百餘里敦河北岸

密科艾和屯

臣秋濤謹案密科艾和屯在巴斯多傅和屯

西百餘里鄂噶河南岸

薩特博和屯

臣秋濤謹案薩特博和屯在密科艾和屯西南約二百里

噶都穆和屯

臣秋濤謹案噶都穆和屯在薩特博和屯西南百餘里

丹博傅和屯

臣秋濤謹案丹博傅和屯在噶都穆和屯南三百里

噶爾噶噶博爾占噶爾斯歸和屯

朔方備乘

卷十九

北徼城垣考

三

臣秋濤謹案噶爾噶噶博爾占噶爾斯歸和屯即阿占牙爾其城南濱無名鄂謨東環窩

集北至白海約三百里

德拉特瑪和屯

臣秋濤謹案德拉特瑪和屯在密科艾和屯西百餘里

郭斯羅傅和屯

臣秋濤謹案郭斯羅傅和屯在丹博傅和屯西南三百里有鄂羅尼斯東河源出噶贊和

屯南境窩集中西流逕城南又西流至鄂羅尼和屯南入端河

博勒斯拉傅和屯

臣秋濤謹案博勒斯拉傅和屯在倭羅威謨爾和屯西北約五百里南臨訥勒爾河

羅散和屯

臣秋濤謹案羅散和屯即赫阿匱部亦作利森在德拉特瑪和屯西三百里

勒斯科和屯

朔方備乘

卷十九

北徼城垣考

三

臣秋濤謹案勒斯科和屯在羅散和屯南二百里

郭達底斯和屯

臣秋濤謹案郭達底斯和屯在額里旺和屯西北五百餘里有法色河二源並發西流入黑海

仄爾噶斯歸和屯

臣秋濤謹案仄爾噶斯歸和屯在郭達底斯和屯北約六百里敦河北岸

噶蘭薩和屯

臣秋濤謹案噶蘭薩和屯在仄爾噶斯歸和

屯西約百里敦河北岸

鄂羅尼和屯

臣秋濤謹案鄂羅尼和屯即佛羅尼使斯科

亦作窩羅尼日亦作窩羅尼在噶蘭薩和屯

西北八百餘里有鄂羅尼斯東河自東來逕

城南入端河又有鄂羅尼斯西河自西北來

於城西北境入端河

朔方備乘

卷十九

北徼城垣考

罕

倭勒都瓦和屯

臣秋濤謹案倭勒都瓦和屯在羅散和屯西

二百餘里

達勒特斯和屯

臣秋濤謹案達勒特斯和屯在倭勒都瓦和

屯南六百里

阿索富和屯

臣秋濤謹案阿索富和屯一作阿鎖甫在噶

蘭薩和屯西約二百里端河入黑海處也其

城北臨端河西臨黑海即古阿速國

舍勒特斯和屯

臣秋濤謹案舍勒特斯和屯在達勒特斯和

屯西南百餘里

延噶爾和屯

臣秋濤謹案延噶爾和屯在舍勒特斯和屯

北二百餘里

鄂羅克和屯

臣秋濤謹案鄂羅克和屯在謨斯夸西北二

朔方備乘

卷十九

北徼城垣考

罕

百數十里格勒斯瑪河南岸

謨來斯格和屯

臣秋濤謹案謨來斯格和屯在鄂羅克和屯

南百里

德爾必郭傅和屯

臣秋濤謹案德爾必郭傅和屯在謨來斯格

和屯南約二百餘里

倭斯瑪和屯

臣秋濤謹案倭斯瑪和屯在鄂羅克和屯北

一百數十里

多訥特斯和屯

臣秋濤謹案多訥特斯和屯在舍勒特斯和

屯西南端河南岸

達們和屯

臣秋濤謹案達們和屯在阿索富城西南二

百里其地北西南三面皆臨黑海惟東面有

山

德班和屯

朔方備乘

卷十九

北徽城垣考

星

臣秋濤謹案德班和屯即當波弗又作旦摩

甫在延噶爾和屯西北一百五十里有鄂羅

尼斯西河自城西境發源東北流折而西南

又東南流入端河

多魯薩和屯

臣秋濤謹案多魯薩和屯在德爾必郭傅和

屯西一百五十里南臨鄂噶河

都拉和屯

臣秋濤謹案都拉和屯亦作斗拉亦作都臘

在德班和屯西北百餘里

烏巴和屯

臣秋濤謹案烏巴和屯在都拉和屯西南數

十里

阿多岳傅和屯

臣秋濤謹案阿多岳傅和屯即疴勒爾一作

疴勒在都拉和屯西百里

古傅噶和屯

臣秋濤謹案古傅噶和屯即古爾斯克在阿

朔方備乘

卷十九

北徽城垣考

星

多岳傅和屯西北二百里南臨鄂噶河

色布留斯博布魯克和屯

臣秋濤謹案色布留斯博布魯克和屯在散

博德爾布珠克和屯東約三百里城在刺多

牙湖中洲上

澤爾訥和屯

臣秋濤謹案澤爾訥和屯在多訥特斯和屯

西四百里端河發源於此

噶魯噶和屯

臣秋濤謹案噶魯噶和屯在古傳噶和屯西南鄂噶河東岸

博羅傅和屯

臣秋濤謹案博羅傅和屯在噶魯噶和屯西南鄂噶河西岸

索謨冷斯郭和屯

臣秋濤謹案索謨冷斯郭和屯即司馬連斯科一作斯摩速一作斯摩梭斯科在謨來斯

格和屯西五百餘里涅博爾河南岸

朔方備乘

卷十九

北徽城垣考

星

訥倭郭羅特和屯

臣秋濤謹案訥倭郭羅特和屯即諾弗哥羅在倭斯瑪和屯西五百餘里

圖古魯古傳訥和屯

臣秋濤謹案圖古魯古傳訥和屯在索謨冷斯郭和屯西南一百餘里

衛布爾和屯

臣秋濤謹案衛布爾和屯即芬蘭部亦作非蘭的亞在散博德爾布珠克和屯北四百餘

里

鄂爾薩和屯

臣秋濤謹案鄂爾薩和屯在圖古魯古傳訥和屯北二百里

喀法和屯

臣秋濤謹案喀法和屯在博羅歸和屯南三百餘里城東及南皆臨黑海

博羅歸和屯

臣秋濤謹案博羅歸和屯在澤爾訥和屯西

朔方備乘

卷十九

北徽城垣考

星

南千里城東及西皆臨黑海

因斯拉傳和屯

臣秋濤謹案因斯拉傳和屯在圖古魯古傳訥和屯西南百餘里涅博爾河南岸

博勒斯古和屯

臣秋濤謹案博勒斯古和屯即北斯哥弗部在鄂爾薩和屯西北百餘里

郭羅穆斯多托和屯

臣秋濤謹案郭羅穆斯多托和屯在散博德

爾布珠克和屯西波羅的海洲中

巴圖林和屯

臣秋濤謹案巴圖林和屯在博羅傅和屯西

南四百餘里

訥爾瓦和屯

臣秋濤謹案訥爾瓦和屯即里窩尼亞部亦

作里窩尼在波羅的海南岸博斯布湖北岸

異域錄言俄羅斯初起時借兵於西費耶國

割那爾瓦城予之至康熙中察罕汗遣使向

朔方備乘

卷十九

北微城垣考

巽

西費耶國索取那爾瓦城遂啟兵爭即此地

也又瑞典國所屬有挪爾瓦部名同地異

博色羅和屯

臣秋濤謹案博色羅和屯在巴圖林和屯西

南二百里

喀達克和屯

臣秋濤謹案喀達克和屯在覺傅和屯東南

二百里

覺傅和屯

臣秋濤謹案覺傅和屯即幾富部一作究部

一作計由斯科在博色羅和屯西南百餘里

涅博爾河西岸

倭勒爾和屯

臣秋濤謹案倭勒爾和屯即孤爾蘭的亞一

作孤蘭亦作戈蘭在訥爾瓦和屯西六百餘

里波羅的海東岸

博爾訥和屯

臣秋濤謹案博爾訥和屯在倭勒爾和屯西

朔方備乘

卷十九

北微城垣考

巽

南二百里波羅的海南岸

里噶和屯

臣秋濤謹案里噶和屯在博爾訥和屯西南

約一百五十里波羅的海東岸

圖拉

通肯圖拉

臣秋濤謹案通肯圖拉在博拉斯歸西南一

千二百里額爾口河發源圖拉西境東北

流入昂噶拉河

烏邁圖拉

臣秋濤謹案烏邁圖拉在阿穆哈拜商南四百里其南與中國唐努山烏梁海境接有克穆河發源中國北流逕圖拉東又北流為伊聶謝河

阿巴圖拉

臣秋濤謹案阿巴圖拉在格野斯歸和屯東南六百里托穆河南岸

鏗格爾圖拉

朔方備乘

卷十九

北徽城垣考

吳

臣秋濤謹案鏗格爾圖拉在森博羅特南四百餘里額爾齊斯河東岸按西域水道記以河流在圖拉之東今據圖訂正乾隆三十六年土爾扈特全部歸順俄羅斯追至坑格勒圖喇乃還即此地也

森博羅特圖拉

臣秋濤謹案森博羅特圖拉一作僧博羅特城東有額爾齊斯河地距中國界千餘里阿睦爾撒納之窟也實由斯以遁定邊將軍兆

惠奏言委署參領額林策等至俄羅斯森博羅特圖喇向瑪玉爾查問阿睦爾撒納蹤跡即此城也

齊倫圖拉

臣秋濤謹案齊倫圖拉與森博羅特圖拉相近阿睦爾撒納窟至此處向刈草之人告言我係阿睦爾撒納可報知爾頭目前來渡我其人即告知喀丕坦臣秋濤謹案一作喀丕坦此潭俄羅斯國官名遣人操舟前往久未回報復遣人往看並無蹤

朔方備乘

卷十九

北徽城垣考

吳

跡惟於額爾齊斯河曲尋獲渡口小舟蓋由此渡河而東矣

達布遜圖拉

臣秋濤謹案達布遜圖拉在森博羅特圖拉東北其地有達布遜淖爾城因以名達布遜淖爾者鹽池也乾隆二十年參贊大臣富德奏言額爾齊斯之北有達布遜圖喇地方其地產鹽即此額爾齊斯河逕城北折而東北流

額爾圖拉

臣秋濤謹案額爾圖拉與森博羅特圖拉相近乾隆二十二年六月侍衛順德訥窮追阿睦爾撒納至額爾圖拉與俄羅斯喀比潭相見於額爾齊斯河上索阿睦爾撒納未得取喀比潭印狀歸卽此城也

附錄諸城

臣秋濤謹案城卽和屯圖拉也考魏源海國圖志載俄羅斯圖所列諸城與內府圖所列

朔方備乘

卷十九

北徽城垣考

辛

和屯圖拉名多歧異或兩圖互有遺漏或譯字對音各殊皆未可知謹備錄於後以備參考云

荷葛斯克城

臣秋濤謹案斯克卽斯科也荷葛斯克城在雅古薩部之北與同古斯族相近

尼爾城

臣秋濤謹案據圖尼爾城在黑龍江西岸疑卽尼布楚城也本中國地康熙年間割隸俄

羅斯詳見尼布楚城考

土羅幼城

臣秋濤謹案土羅幼城在黑龍江西岸尼爾城之南其南境接中國喀爾喀界

烏丁亥城

臣秋濤謹案烏丁亥城在拜刺湖之南中國喀爾喀之北拜刺湖卽白哈兒湖也

甲他城

臣秋濤謹案志略云義爾古德斯科南界有甲他城卽內地所稱恰克圖中國與俄人互

朔方備乘

卷十九

北徽城垣考

壬

市於此案恰克圖城乃中國地恰克圖之北一里許有俄人所建市圈設頭目管轄當卽所謂甲他城也

零爾金亥城

臣秋濤謹案零爾金亥城在拜刺湖之西額爾古克城東北

額爾古克城

臣秋濤謹案額爾古克城在零爾金亥城西

南中國喀爾喀之北

巴那爾城

臣秋濤謹案巴那爾城在巴里邑之北級納

邑之西蓋都莫斯部所屬也

雜米夜蘭城

臣秋濤謹案雜米夜蘭城在烏塔鄰邑之北

巴那爾城之西城西接哈薩克界

甲塔鄰城

臣秋濤謹案甲塔鄰城在都莫斯部之西甲

朔方備乘

卷十九

北徼城垣考

五

路土邑之南其西接烏拉嶺其南接哈薩克界

亞沙塔干城

臣秋濤謹案亞沙塔干城在裏海之北屬南

俄羅斯部蓋卽阿斯達拉罕和屯也

甲米展城

臣秋濤謹案甲米展城在亞沙塔干城北其

城西濱武羅牙河卽佛爾格河也

沙塔坡城

臣秋濤謹案沙塔坡城在甲米展城之西其城東有武羅牙河

天使頭城

臣秋濤謹案志略云天使頭城在白海內港之濱冰消之時商船可以出入

朔方備乘

卷十九

北徼城垣考

五

朔方備乘卷十九

知縣周錦心初校
舉人胡景桂覆校

朔方備乘卷第二十

考十四

北徼邑居考敘

臣秋濤謹案一統志異域錄並云俄羅斯國各處有城堡名曰柏興猶中國州縣大者兵民數百或千餘小者纔一二百設頭目一人管轄四裔考曰蒙古語謂民居為拜牲俄羅斯與蒙古鄰接疑即其轉音即明人所云板升者也按拜牲亦作拜星亦作拜商皆由譯字偶殊至內府朔方備乘

卷二十 北徼邑居考敘 一

與圖載俄羅斯諸柏興亦有作噶珊者考滿洲語稱鄉村為噶珊名雖有殊其實則一又海國圖志載俄羅斯諸邑名與他書所載多異今合而輯之庶便於稽考云

柏興

臣秋濤謹案柏興拜商噶珊本同一類然內府圖載拜商六處噶珊五十七處一圖之中譯字各異似當各有取義未可遽合為一也今悉依原文具載以稱柏興者彙於一處稱

拜商者次之稱噶珊者又次之其稱邑者列於後庶便於檢查云

楚庫柏興

臣秋濤謹案楚庫柏興亦作楚庫拜商亦作楚庫拜星在中國恰克圖之北約四百里異域錄曰楚庫柏興係俄羅斯國界相隔我國喀爾喀部長台吉車陵扎布之邊界博拉地方二百餘里其間皆山不甚大沿途皆林藪惟有杉松樺樹而已色楞格河寬四五十丈

朔方備乘

卷二十

北徼邑居考

二

不等水清溜急自西南向東北而流楚庫河來自東南流至柏興之南十里外歸色楞格河沿岸皆叢柳櫻菓榆樹二河交匯處有俄羅斯收貯貨物倉房十餘間居舍數間皆樓房用大木營治河內有船二十餘隻其船頭聳尾齊寬丈餘長七八丈不等自二河交匯處以北十里外色楞格河之東岸有大木營治樓房百餘間無城垣四面皆山此處俄羅斯與蒙古人等二百餘戶相雜散處有天主

堂三座小舟艇數百隻設管轄柏興頭目一員駐兵二百名

烏的柏興

臣秋濤謹案烏的柏興亦作烏德拜商以烏的河為名漢時匈奴北境有烏揭國蓋即此地異域錄曰烏的柏興在楚庫柏興之東北相去二百餘里山高大多林藪色楞格河邊寬闊之處間有田畝色楞格河自西南流過柏興向西北而流烏的河自東南來於柏興

朔方備乘

卷二十

北微邑居考

三

之西繞流歸入色楞格河四面皆山無城垣此處俄羅斯與蒙古人等二百餘戶雜處駐兵二百名設管轄柏興頭目一員有天主堂二座

那里穆柏興

臣秋濤謹案那里穆柏興當在瑪古斯歸和屯西瑪古斯歸即異域錄之麻科斯科也據圖有小河名訥里謨瓦河自窩集內發源南流注於達格河達格河即揭的河也訥里謨

瓦即那里穆柏興當在此河之旁而圖失載當依異域錄補之異域錄曰那里穆柏興在麻科斯科之西北其間水程二千五百餘里鄂布河自東南流來過柏興向西北而流大於伊聶謝河揭的河來自東南流至柏興附近歸入鄂布河居住四五十戶俱俄羅斯有天主堂二座設管轄柏興頭目一員無兵伊聶謝柏興

朔方備乘

卷二十

北微邑居考

四

臣秋濤謹案伊聶謝柏興即圖之惹尼色斯歸和屯說詳城垣考蘇爾呼忒柏興
臣秋濤謹案蘇爾呼忒柏興即圖之蘇爾古特和屯說詳城垣考拜商

伊談珠拜商

臣秋濤謹案伊談珠拜商一作伊坦珠一作衣攤尤以水為名東有大山西有色楞格河北有巴爾古錫穆河南有伊坦珠河伊坦珠

河出東南山中流至拜商西南入色楞格河
烏德拜商

臣秋濤謹案烏德拜商即烏的柏興已見前
伊拜商

臣秋濤謹案伊拜商與中國接界東有陽阿
林為楚庫河所出西與南皆至楚庫河逾河
即中國境也

楚庫拜商
臣秋濤謹案楚庫拜商即楚庫柏興已見前

朔方備乘 卷二十 七微邑居考 五

鄂伯爾齊都勒拜商
臣秋濤謹案鄂伯爾齊都勒拜商西臨楚庫
河逾河為中國界南至伊拜商

阿穆哈拜商
臣秋濤謹案阿穆哈拜商東臨阿穆哈河阿
穆哈河即中國之克穆河又有阿努河自中
國來合於阿穆哈河其合流處在拜商東拜
商北至瑪古斯歸和屯南至烏邁圖拉

噶珊

佳達刮噶珊

臣秋濤謹案佳達刮噶珊在郭列穆瑪河入
北海處噶珊北臨海西臨河東北至博特錫
倭爾斯歸和屯西南至德爾吉郭列穆斯歸
和屯

集敏噶噶珊
臣秋濤謹案集敏噶噶珊在衛底穆河西列
訥河東有巴多瑪徐噶雅河發源噶噶珊之西
西北流入列訥河

朔方備乘 卷二十 北微邑居考 六

鄂爾佛拉特噶珊
臣秋濤謹案鄂爾佛拉特噶珊在倭爾郭任
斯歸和屯東北噶珊東臨列訥河北臨古達
河

格勒噶珊
臣秋濤謹案格勒噶珊在列訥河發源處南
有大山隔山即白哈爾湖

米德里斯克噶珊
臣秋濤謹案米德里斯克噶珊在列訥河西

臣秋濤謹案米德里斯克噶珊在列訥河西

岸北有郭瓦倭河南有粗存河

噶們噶噶珊

臣秋濤謹案噶們噶噶珊在惹尼色斯歸和

屯東南噶珊西有噶們噶河北流合於色楞格河

鄂羅錫金噶珊

臣秋濤謹案鄂羅錫金噶珊在瑪古斯歸和

屯西有達格河源出噶珊之東流遶其北

穆納薩爾噶珊

朔方備乘

卷二十 北徽邑居考

七

臣秋濤謹案穆納薩爾噶珊在鄂羅錫金噶

珊西噶珊北有達格河即異域錄所云揭的河也

色爾日噶珊

臣秋濤謹案色爾日噶珊在穆納薩爾噶珊

西噶珊北有達格河

納生斯噶珊

臣秋濤謹案納生斯噶珊南與中國所屬之

亨吉泊相直東有哈屯河發源中國西北流

入額爾齊斯河西有色畢河

蘇斯德必噶珊

臣秋濤謹案蘇斯德必噶珊東北至阿巴圖

拉南逾哈屯河至納生斯噶珊西逾哈屯河至博蘇噶珊

博蘇噶珊

臣秋濤謹案博蘇噶珊東至蘇斯德必噶珊

西至吉爾日斯噶珊北至哈屯河南至沙拉哈爾海

朔方備乘

卷二十 北徽邑居考

八

吉爾日斯噶珊

臣秋濤謹案吉爾日斯噶珊東至博蘇噶珊南至汗阿林西有無名河北流入於哈屯河

德勒尼特斯噶珊

臣秋濤謹案德勒尼特斯噶珊東北有哈屯

河北流合於鄂必河西南有惹謨斯夸湖

瓦欣阿噶珊

臣秋濤謹案瓦欣阿噶珊東逾鄂必河至格

野斯歸和屯北逾鄂必河至納隆和屯西有

瓦欣阿河北流入鄂必河

羅納郭昂噶珊

臣秋濤謹案羅納郭昂噶珊東有瓦欣阿河

北有鄂必河二河合於噶珊東北

瑪齊木噶珊

臣秋濤謹案瑪齊木噶珊西有噶錫穆噶河

東有鄂必河二河合於噶珊之北

格里穆噶穆噶珊

臣秋濤謹案格里穆噶穆噶珊西至額爾齊

朔方備乘

卷二十

北微邑居考

九

斯河南至薩林噶珊

薩林噶珊

臣秋濤謹案薩林噶珊北至格里穆噶穆噶

珊南逾鄂必河至薩瑪羅特和屯鄂必河至

噶珊西南合於額爾齊斯河

色瑪斯噶珊

臣秋濤謹案色瑪斯噶珊西逾額爾齊斯河

至格倫錫甘噶珊南逾額爾齊斯河至索噶

爾噶珊

索噶爾噶珊

臣秋濤謹案索噶爾噶珊西北至格倫錫甘

噶珊西南至訥特斯噶爾古噶珊東臨額爾

齊斯河

惹底噶珊

臣秋濤謹案惹底噶珊東臨額爾齊斯河逾

河至薩林噶珊

訥特斯噶爾古噶珊

臣秋濤謹案訥特斯噶爾古噶珊東北至索

朔方備乘

卷二十

北微邑居考

十

噶爾噶珊西南至郭特斯歸和屯東臨額爾

齊斯河

格倫錫甘噶珊

臣秋濤謹案格倫錫甘噶珊東逾額爾齊斯

河至色瑪斯噶珊東南至索噶爾噶珊西北

至巴拉索瓦和屯

伯蘇噶珊

臣秋濤謹案伯蘇噶珊東至郭斯郭薩和屯

西逾額爾齊斯河至郭特斯歸和屯

羅郭衛噶珊

臣秋濤謹案羅郭衛噶珊東北逾額爾齊斯

河至惹薩克吉和屯東南逾作爾納雅河至

巴拉索瓦和屯北至阿布定噶珊

阿布定噶珊

臣秋濤謹案阿布定噶珊在額爾齊斯河入

北海處北濱海東濱河

倭克噶珊

臣秋濤謹案倭克噶珊南逾額爾齊斯河至

朔方備乘

卷二十

北徽邑居考

十一

底穆彥斯歸和屯北至袞達河西南至甘薩

穆噶珊

瓦噶噶珊

臣秋濤謹案瓦噶噶珊東至多拉和屯西至

阿傅瑪克噶珊南臨額爾齊斯河

甘薩穆噶珊

臣秋濤謹案甘薩穆噶珊東北至倭克噶珊

南逾額爾齊斯河至底穆彥斯歸和屯

伊斯噶爾噶珊

臣秋濤謹案伊斯噶爾噶珊東北至羅郭衛噶珊南臨作爾納雅河

阿傅瑪克噶珊

臣秋濤謹案阿傅瑪克噶珊東至瓦噶噶珊

西至瓦都歸和屯南臨額爾齊斯河

多爾噶惹爾噶珊

臣秋濤謹案多爾噶惹爾噶珊北逾額爾齊

斯河至瓦都歸和屯東至伊順斯歸和屯

鄂達巴里噶珊

朔方備乘

卷二十

北徽邑居考

十一

臣秋濤謹案鄂達巴里噶珊東南南北三面皆

老林窩集也東南數百里逾額爾齊斯河至

托博爾和屯西北數百里至伊斯瑪和屯

達傅達噶珊

臣秋濤謹案達傅達噶珊東北至鄂達巴里

噶珊西北至郭蘇特斯歸和屯

古斯達雅噶珊

臣秋濤謹案古斯達雅噶珊在勒拉河之北

噶珊東南至羅斯衛斯歸和屯西北至索里

噶穆斯歸和屯

博和穆噶珊

臣秋濤謹案博和穆噶珊東北至古斯達雅

噶珊西南至瓦爾郭都里雅和屯

德都爾噶珊

臣秋濤謹案德都爾噶珊東南北三面俱臨

倭爾噶河即佛爾格河也東逾河至薩瑪拉

和屯

烏薩噶珊

朔方備乘

卷二十

北微邑居考

三

臣秋濤謹案烏薩噶珊東北兩面俱臨倭爾

噶河其西南皆老林窩集也

巴達雅噶珊

臣秋濤謹案巴達雅噶珊南臨倭爾噶河東

南逾河至烏薩噶珊

索爾拉噶珊

臣秋濤謹案索爾拉噶珊東至額集爾河西

至襍里和屯

惹爾納襍噶珊

臣秋濤謹案惹爾納襍噶珊東北至襍里和

屯西南至薩爾噶珊

薩爾噶珊

臣秋濤謹案薩爾噶珊東北至惹爾納襍噶

珊南至索啻克薩爾噶珊

索啻克薩爾噶珊

臣秋濤謹案索啻克薩爾噶珊北至薩爾噶

珊南至古里克三噶珊西至敦河

古里克三噶珊

朔方備乘

卷二十

北微邑居考

四

臣秋濤謹案古里克三噶珊西臨敦河北至

索啻克薩爾噶珊

色菲阿斯噶噶珊

臣秋濤謹案色菲阿斯噶噶珊東北至德都

斯和屯西北至噶贊和屯即喀山也

畢斯達賴惹噶珊

臣秋濤謹案畢斯達賴惹噶珊南臨敦河西

臨多訥特斯河逾河至格里博根和屯

佛德勒必宋達噶珊

臣秋濤謹案佛德勒必宋達噶珊在法色河入黑海處西北臨河西南臨海

巴瑪拉噶珊

臣秋濤謹案巴瑪拉噶珊東北至謨斯夸國都西南至德爾必郭傅和屯

多倭爾噶珊

臣秋濤謹案多倭爾噶珊南北各有河至噶珊東合流為格勒斯瑪河下游入倭爾噶河若安郭羅特噶珊

朔方備乘

卷二十

北徽邑居考

十五

臣秋濤謹案若安郭羅特噶珊北濱波羅的海西逾河至訥爾瓦和屯

斯郭羅傅噶珊

臣秋濤謹案斯郭羅傅噶珊東與南皆臨涅博爾河東北逾河至因斯拉傅和屯

訥生噶珊

臣秋濤謹案訥生噶珊東北至巴圖林和屯西南至博斯羅和屯

德爾博特噶珊

臣秋濤謹案德爾博特噶珊東北臨博斯布湖逾湖至訥爾瓦和屯

郭賴噶珊

臣秋濤謹案郭賴噶珊北與西皆臨涅博爾河逾河東北行至斯郭羅傅噶珊

多爾斯布爾噶珊

臣秋濤謹案多爾斯布爾噶珊北臨波羅的海東直訥爾瓦和屯

薩里斯噶珊

朔方備乘

卷二十

北徽邑居考

十六

臣秋濤謹案薩里斯噶珊西北臨波羅的海東北沿海至博爾訥和屯

附錄諸邑

臣秋濤謹案邑即拜商噶珊也攷魏源海國國志載俄羅斯圖所列諸邑與內府圖所列拜商噶珊名多不同彼此互異難以強合蓋由譯字之殊或有更改皆未可知謹附著於後以資攷證其敘次仍自東而西便於檢查云

朱馬邑

臣秋濤謹案朱馬邑東直大拉該海西直荷葛斯克城

立尋邑

臣秋濤謹案立尋邑在拜刺湖之東其東與尼爾城相望

古亞西邑

臣秋濤謹案古亞西邑東南直額爾古克城西直級納邑蓋科利弗部所屬也

朔方備乘

卷二十

北徽邑居考

七

級納邑

臣秋濤謹案級納邑東直古亞西邑西直巴那爾城南直西安邑

西安邑

臣秋濤謹案西安邑東直額爾古克城西直巴里邑北直級納邑南直中國喀爾喀界

巴里邑

臣秋濤謹案巴里邑東直西安邑西直烏塔鄰邑北直巴那爾城南直中國喀爾喀界

烏塔鄰邑

臣秋濤謹案烏塔鄰邑東直巴里邑西直哈薩克界北直雜米夜蘭城南直中國喀爾喀界

界

圩屈邑

臣秋濤謹案圩屈邑東直華尼西河西直易武邑北直惡開牙港南直都莫斯部

阿士羅邑

臣秋濤謹案阿士羅邑東直惡開牙港西直米里續邑北直甲拉港南直圩屈邑

甲路土邑

臣秋濤謹案甲路土邑東直圩屈邑西直烏拉嶺北直易武邑南直甲塔鄰城

易武邑

臣秋濤謹案易武邑東直圩屈邑西直烏拉嶺北直土鄰邑南直甲路土邑

土鄰邑

臣秋濤謹案土鄰邑東直圩屈邑西直烏拉

朔方備乘

卷二十

北徽邑居考

六

嶺北直壁鄰邑南直易武邑

壁鄰邑

臣秋濤謹案壁鄰邑東直圩屈邑北境西直

烏拉嶺北直米里續邑南直土鄰邑

米里續邑

臣秋濤謹案米里續邑東直阿士羅邑西直

莫斯窪國都北直大山南直壁鄰邑

波束邑

臣秋濤謹案波束邑東直莫斯窪國都西直

朔方備乘

卷二十一 北徽邑居考

九

魯西國北直瓦黑特海南直小俄羅斯按方

隅當即今所稱波蘭部東字蓋蘭字之脫誤

也

朔方備乘卷二十

知縣吳壽坤初校
舉人胡景桂覆校

朔方備乘卷第二十一

考十五

良維窩集考敘

臣秋濤謹案東北方曰良維吉林黑龍江二省

實居良維之地山水靈秀拱衛

陪京其間有曰窩集者蓋大山老林之名良由地

氣深厚物產充盈故材木不可勝用洵所謂神

皋陸海也然窩集不僅稱富饒並足以資防衛

蓋自黑龍江以西皆設喀倫為界獨吉林等處

朔方備乘

卷二十一 良維窩集考敘

一

東限於海北接俄羅斯邊界數千里初未設立

喀倫惟賴窩集之險以限戎馬之足其興安嶺

以北俄羅斯境亦多窩集地氣苦寒人跡罕到

從古部落之居於是者非務游牧即事採捕以

故深山林木鮮羅斧斤之患而數千百里絕少

蹊徑較之長城巨防尤為險阻伊古以來多以

窩集為部落之名良有以也因詳徵其事以備

覽觀云

窩集總載

聖祖仁皇帝御製文集曰窩集東至海邊接連烏拉黑龍江一帶西至俄羅斯或寬或狹叢林密樹鱗次櫛比陽景罕曜如松柏及各種大樹皆以類相從不雜他木林中落葉常積數尺許泉水雨水至此皆不能流盡爲泥滓人行甚難有熊及野豕貂鼠黑白灰鼠等物皆資松子橡實以爲食又產人參及各種藥料人多不能識者蓋與南方湖廣四川相類

高宗純皇帝御製窩集行日履山念無海泛水忘有陸今茲識窩集萬彙唯一木江南塞北攬概類豈無林

朔方備乘 卷二十一 良維窩集考 二

箐皆子孫東方甲乙稟靈秀固應富有植類羣始從苾虜入麓口漸進蕭森失見後祇容線隙露天光馬弗敢旁遵路走不能婁舉丹黃青亦有翻書莫辨名爾雅所記限方域安能到此杞宋徵參天蔽虧絕飛鳥其下菁英茁仙草落葉布地似黃金疑是長者來問道華嚴海會諸佛處一菩薩一菩提樹心花顯映多吉祥世塵遠隔如雲霧宇宙以來便有此大椿扶桑非其比定應默煩靈祇呵不知遞閱人代幾陰晴變幻光怪奇谷神出巧能爾爲畫師未可形容擬大

匠詎敢斤斧斯初經與壤心神清色惟真色聲真聲欲笑嵇含花木疏點筆聊爲窩集行

高宗純皇帝御製駐蹕庫勒訥窩集口詩曰窩集夫何許遙瞻已不凡真堪稱樹海乍可悟華嚴紫翠紛間柯龍蔥鎖巖巖恰如望瀛渤未飲早知鹹

高士奇日錄云烏稽中皆喬松及樺柞樹間有榆椴鱗接虬蟠縷山帶澗蒙密紛糾白晝晦暝霜旦葉凋略見曦月樹根亂石礫碗錯落疑無道路臣秋濤謹案烏稽卽窩集

朔方備乘 卷二十一 良維窩集考 三

柳邊紀略曰自混同江至甯古塔窩稽凡二日那木窩稽一作諾木阿機一作納木阿機明初置納木河衛萬曆三十八年庚戌十一月大清日色出窩稽一作色赤阿機通額宜都取之志作色齊窩集那木窩稽四十里色出窩稽六十里各有嶺界其中萬木參天排比聯絡間不容尺近有好事者伐山通道乃漏天一綫而樹根盤錯亂石坑呀秋冬則冰雪凝結不受馬蹄春夏高處泥淖數尺低處匯爲波濤或數日或數十日不得達蚊虻之類攢嗜人馬馬畏之不前有死者乃焚

青草聚煙以驅之夜據木石燎火自衛山魃野
鬼嘯呼墮人心膽餒則咽乾糧或射禽獸燒而
食之糧盡又無所得久之水不涸則死矣凡人
窩稽者必挂一物於樹言笑不敢苟若齋然否
則多踳躓或曰山神爲祟云

甯古塔紀略載吳兆騫自甯古塔赦歸行二日
過石頭甸子第三日進大烏稽松林千里無際
皆太古時物車馬橫過六十里不見天日微風
震撼濤聲澎湃啼鳥號颺略不畏人初入林口

朔方備乘

卷二十一

良維窩集考

四

行人各取身旁小物懸樹以敬神夕宿嶺下滿
兵取大樹皮二三片闊丈餘鋪如船篷可容坐
臥取所獵獐鹿炙割而食夜半忽聞怪聲山摧
地裂乃千年枯樹摧折之聲也第五日復過小
烏稽三十里如前狀

黑龍江外紀曰山中林木蒼蔚水澤沮洳之區
號窩集黑龍江境內著名窩集四曰巴延窩集
庫穆爾窩集巴蘭窩集吞窩集見幕府圖籍而
盛京通志不載然通志稱甯古塔城東北六

百五十里混同江北有巴蘭窩集稍東百餘里
有吞窩集則圖籍似誤通志又稱齊齊哈爾城
東七百五十里有巴蘭河稍東三百里有吞河
並南流入混同江夫窩集河水所源河在齊齊
哈爾而以窩集屬甯古塔何相距之懸遠耶

窩集國名考

滿洲源流考曰謹案兩漢晉魏時國於東方者
爲夫餘挹婁三韓其邑落散處山海間者又有
沃沮濊等名以史傳核之沃沮之在東者東濱

朔方備乘

卷二十一

良維窩集考

五

大海北接挹婁夫餘又有北沃沮南沃沮並皆
散處山林無大君長所云單單大嶺卽長白山
單單與滿洲語珊延音固相近也今自長白附
近東至海邊北接烏拉黑龍江西至俄羅斯叢
林密樹綿亘其間魏母邱儉討高麗絕沃沮千
餘里到肅慎南界則沃沮者實卽今之窩集也

臣 秋濤謹案

欽定開國方略天命天聰年間屢征東海渥集部渥集
卽窩集蓋其人散居窩集之中卽以爲部落名

也至古人以此名國尙不止沃沮一國如元魏之勿吉國隋唐之靺鞨國唐之拂涅部遼之屋惹國皆卽窩集二字譯寫各異其以老林爲窩集而因以名國則數千年未有改也諸國事實詳見正史謹考其命名之本義如此

吉林黑龍江窩集

納穆窩集

滿洲語納穆生茶也在吉林城東一百二十里高三百餘丈城東南諸河

俱發源於此西接納穆達巴罕

塞齊窩集

滿洲語塞齊劃破之謂也在吉林城東二百二十里高五里週圍十里城

朔方備乘

卷二十一

良維窩集考

六

東諸河及甯古塔諸河俱發源於此

瑪爾瑚哩窩集

在吉林城東六百里

琿托和窩集

滿洲語琿托和半也在吉林城東七百六十里

聶赫窩集

滿洲語聶赫鳴也亦作尼葉赫在吉林城東八百里

蘇扎哈窩集

滿洲語蘇扎哈已支也在吉林城東一千里東南日鄂勒歡綏芬

勒富窩集

在吉林城東南一千五百四十里勒富河發源於此

烏蘇哩窩集

在吉林城東二千二百里

納泰窩集

滿洲語納泰海青也在吉林城東南七百三十里長白山之北崇岡疊嶂

茂樹深林百餘里城南諸河俱發源於此

色勒窩集

滿洲語色勒鐵也在吉林城東南四百五十里

庫勒納窩集

在吉林城西南一百四十里東接庫勒亨窩集北接庫楞窩集其南

卽長嶺子城西諸河俱發源於此乾隆十九年高宗東巡有御製駐蹕庫

勒納窩集口詩

納嚙窩集

在吉林城西南五百四十九里卽分水嶺之南密林叢翳周數十里城西

南諸河及興京界內諸河俱發源於此

錫蘭窩集

滿洲語錫蘭相連也在吉林城東北一百九十五里

和倫窩集

在吉林城東北二百五十三里西接鄂多諾山

瑪延窩集

在吉林城東北四百五十里

朔方備乘

卷二十一

良維窩集考

七

小窩集

在吉林城東北八百三十里

佛勒亨窩集

滿洲語佛勒亨草棚也在吉林城東北一千五百里

畢展窩集

在吉林城東北一千七百里

奇穆尼窩集

在吉林城東北一千七百里

吉林窩集

在吉林城東北二千一百里

亨庚窩集

在吉林城東北三千五百里臣秋濤謹案一作亨根倭集

敦敦窩集

滿洲語敦敦小蝶也在吉林城東北三千四百里

都林窩集

滿洲語都林一半也在吉林城東北三千六百里

阿庫密窩集

滿洲語阿庫密魚皮衣也在甯古塔城東一千四百二十里

僧庫勒窩集 滿洲語僧庫勒非茶也在甯古塔城東二千一百十四里

畢楞窩集 滿洲語畢楞母虎也在甯古塔城東二千二百六十六里

克呀穆窩集 滿洲語克呀穆城塚也在甯古塔城東二千三百三十三里

畢呀根窩集 滿洲語畢呀根柳條邊也在甯古塔城東二千六百五十九里

佛楞窩集 在甯古塔城南八十七里

索爾和綽窩集 在甯古塔城南一百里

瑪爾呼哩窩集 在甯古塔城南一百五十里 瑪哈哩河發源於此

珊延畢爾罕窩集 在甯古塔城東南五十里

阿勒哈窩集 在甯古塔城東北六百三十餘里

朔方備乘

卷二十一

長維窩集考

八

巴蘭窩集 滿洲語巴蘭形勢也在甯古塔城東北六百五十里在混同江之北相近

有巴 蘭屯

屯窩集 滿洲語屯海島也在甯古塔城東北八百餘里在巴蘭窩集之東混同江北

秋濤謹案一作吞窩集

溫登窩集 在甯古塔城東北一百一十里在混同江北

都爾窩集 在甯古塔城東北一千二百里在溫登窩集之東

喀穆尼窩集 在甯古塔城東北一千四百里在混同江北

畢欽窩集 滿洲語畢欽鞍轡平飾伴也在甯古塔城東北一千七百餘里

和羅窩集 滿洲語和羅山谷也在甯古塔城東北一千七百餘里

庫嚕窩集 滿洲語庫嚕餅也在甯古塔城東北一千八百餘里在喀穆尼窩集之東

明噶哩窩集 在甯古塔城東北一千八百五十七里

莊藹窩集 在甯古塔城東北二千二百五十九里

庫勒克窩集 在甯古塔城東北二千二百六十四里

海蘭窩集 在甯古塔城西北二百里西接畢爾罕窩集連接瑪展窩集綿亘數百里

畢爾罕窩集 在甯古塔城西北二百二十里西接塞齊窩集

庫穆哩窩集 蒙古語庫穆哩器即著也在黑龍江城西南一百五十里

呼瑪爾窩集 在黑龍江城西北七百里

朔方備乘

卷二十一

長維窩集考

九

附錄窩集發源諸水

依什河 滿洲語依什羅漢松也在吉林城東一百四十里源出塞齊窩集合噶嚕河

入混同江

額伊呼河 在吉林城東一百四十餘里源出納穆窩集南流合拉發河西入混同江

噶嚕河 滿洲語噶嚕天鷲也在吉林城東一百七十里源出塞齊窩集南流合拉發河

珠嚕多觀河 在吉林城東二百九十里源出塞齊窩集東南會勒富善河

山壁河 滿洲語山壁涼水投物也在吉林城東三百七十里源出塞齊窩集東南會珠嚕

多觀河

綏哈河 滿洲語綏哈艾也在吉林城西四十里源出庫勒訥窩集與蒐登河伊拉齊河

合北流為鄂河
北注混同江

蒐登河 在吉林城西八十餘里源出庫勒訥窩集

伊拉齊河 滿洲語西九十里源出庫勒訥窩集

薩喇河 滿洲語薩喇繖也 在吉林城西一百二十餘里源出庫勒訥窩集北流會伊勒

河們

伊勒們河 在吉林城西一百四十五里源出庫勒訥窩集其東有薩喇河西北流注

之西有勒富都岱二河俱北流注之北流注

邊會伊敦河入混同江金史溫屯噶布拉思

居長白山阿卜薩河從隆州額勒敏河額勒

敏即伊勒們之轉音也明一統志有伊密河
在開原城北四百里源出艾河北山北流合
伊圖河入松花江即此按溫屯噶布拉思原

作溫屯姑蒲刺史阿卜薩原作阿不辛額勒
敏原作移里閔伊密原作一迷並乾隆年間
改譯

勒富河 在吉林城西一百六十餘里源出庫勒訥窩集北流入伊勒們河

安巴雅哈河 在吉林城西三百二十餘里源出庫勒訥窩集西北會克爾素河

阿濟格雅哈河 在吉林城西三百四十餘里源出庫勒訥窩集會安巴雅哈河

克爾素河 在吉林城西四百餘里源出庫勒訥窩集北流西邊即遼河上流也其東

北支流曰穆當阿克爾素河乾隆八年

高宗東巡有御製至克爾素河奉

天官兵來接詩

佛爾們河 在吉林城南四十三里源出庫勒訥窩集東入混同江

海蘭河 在吉林城南七十里源出庫勒訥窩集東入混同江

得佛河 滿洲語得佛緞幅也 在吉林城南七十五里源出庫勒訥窩集東南入輝發河

瑪延河 在吉林城南一百七十里源出庫勒訥窩集東入混同江又有一在城東北百

三十里

輝發河 在吉林城南三百二十里源出納魯窩集即雅吉善河圖們河三屯河合流處

東北入混同江明一統志有輝發江源出瀋陽衛廢貴德州東北流入松花江西去開原

城三百五十里即此

奇爾薩河 滿洲語奇爾薩沙狐狸也 在吉林城南四百二十五里源出庫勒訥窩集

東南流入輝發其上流即曰庫勒訥河

朔方備乘 卷二十一 艮維窩集考 十一

坦頻河 滿洲語坦頻瓶也 在吉林城南四百七十里源出庫勒訥窩集東南流入輝發

河

布爾堪河 在吉林城南四百七十里源出庫勒訥窩集東南流合坦頻河入輝發河

其東南又有支流曰固恩河

發河 在吉林城南四百七十里源出佛斯亨山北流入輝發河又有一在城南六百六十

餘里源出納魯窩集北流至兩額音合流處入混同江

三屯河 在吉林城南四百八十里源出納魯窩集東北流會雅吉善河圖們河即為輝

發河又南有支流曰塔木品河

圖們河 在吉林城南五百里源出納魯窩集東北流合雅吉善河三屯河即為輝發河

明志有徒門河流經建州衛東南一千里入於海即此又其北有支流曰楊武河西北曰

覺河

幹穆呼河 在吉林城南五百五十里源出納秦窩集北流至三音額音額赤額音兩

河會流處並入混同江

摩克托含哩河 在吉林城南八百二十餘里源出納秦窩集西流入額赫額音

河

佛多和河 滿洲語佛多和柳樹也在吉林城南入額赫額音河有二十一在城東三百

八十里源出納穆窩集西流入混同江

泥堪河 滿洲語泥堪漢人也在吉林城南八百七十二里源出納秦窩集西北入額赫

朔方備乘

卷二十一

長維窩集考

十三

額音河

哈薩喇河 在吉林城北二百十五里源出錫蘭窩集西北流入拉林河

額赫茂河 在吉林城南六十里源出納穆窩集西流入混同江

拉發河 在吉林城南九十六里源出納穆窩集即額伊呼伯辰依什噶嚕四河合流

處西南入混同江

雅們河 在吉林城南九十八里源出納穆窩集西南入混同江

穆陳河 滿洲語穆陳盆也在吉林城南三百十里源出塞齊窩集西流入混同江

色勒河 在吉林城南四百六十六里源出塞齊窩集西流入混同江

汗察罕河 蒙古語汗君長也察罕白色也在吉林城南四百三十里源出塞齊窩

集東南會勒富善河

堪濟哈河 滿洲語堪濟哈紅嘴白頭雁也又眼

十里源出塞齊窩集東南入勒富善河

薩穆什河 滿洲語薩穆什散也在吉林城南四百四十里源出塞齊窩集西南入

混同江

農額勒海蘭河 在吉林城南五百八十七里源出塞齊窩集西南流入混同

江

達呼河 滿洲語達呼端罩也在吉林城南六百七十里源出納秦窩集西北流入混

同江

朔方備乘

卷二十二

長維窩集考

十三

五里河 在吉林城南七百七十里源出納秦窩集北流入混同江

吉朗吉海蘭河 在吉林城南七百九十里源出納秦窩集北流入混同江

庚吉音河 滿洲語庚吉音明也在吉林城南八百二十七里源出塞齊窩集南流

入混同江

永安錫庫河 滿洲語永安砂也錫庫撒袋內襯

里源出納秦窩集北流入混同江

哈瞻河 滿洲語哈瞻木柵欄也在吉林城南九百六十餘里源出納秦窩集北流入

混同江

塞珠倫河 滿洲語塞珠倫滑葉菜也在吉林城南九百九十五里源出納秦窩集

北流入
混同江

温德亨河 在吉林城西南五里源出庫

齊努混河 滿洲語齊努混銀珠也在吉林城西
南五十里源出庫勒訥窩集東入温

德亨
河

雅吉善河 在吉林城西南五百三十里源出納

蘇克素護河 在吉林城西南五百七十五里源
出邊外納嚕窩集西南流入邊門

距奉天府一百
七十里入渾河

噶桑阿河 在吉林城西南六百餘里源出納嚕

納嚕窩集入英峩邊會納嚕窩河即為渾河

朔方備乘

卷二十一

良維窩集考

十四

馬佳河 在吉林城西南六百九十里源

尼瑪蘭河 在吉林城西南六百九十里源出

哈當阿河 在吉林城西南六百九十里源

通錫庫河 在吉林城西南六百九十里源

章京河 在吉林城西南七百三十五里

錫勒們河 滿洲語錫勒們鶴也在吉林城西南
八百九十餘里源出納嚕窩集東入

三音額
音河

温水河 在吉林城西南九百里即哈勒庫穆克

哲松額河 在吉林城西南九百九十餘里源

伊罕河 在吉林城東北二十五里源

錫蘭河 在吉林城東北九十五里源出

和倫河 在吉林城東北二百三十里

珊延河 在甯古塔城東北四里源出珊延畢

花蘭河 在甯古塔城東北五里源出花

尼滿河 在甯古塔城東北一千三百五十里源

阿庫密河 在甯古塔城東北一千三百

畢欽河 在甯古塔城東北一千五百餘里源

和羅河 在甯古塔城東北一千五百餘里源

朔方備乘

卷二十一

良維窩集考

十五

鄂倫河 滿洲語鄂倫肘帶也在甯古塔城東二
千五百八十里源出薩哈連窩集東流入

僧庫勒河 在甯古塔城東二千一百十四

畢楞河 在甯古塔城東二千三百六十

克埒穆河 在甯古塔城東二千三百六十九

托穆津河 在甯古塔城東二千八百五十九

愛呀河 滿洲語愛呀母貂鼠也在甯古塔城西
一百三十里源出畢爾罕窩集南會畢

爾罕
河

畢爾罕河 在甯古塔城西北一百四十里源出畢

騰湖其東支流曰額伊呼河

珠克騰河 在甯古塔城西一百六十里源出畢爾罕窩集南流入畢爾騰湖

阿拉河 在甯古塔城西一百七十里源出畢爾罕窩集南流會珠克騰河

搭拉河 在甯古塔城西一百八十里源出畢爾罕窩集南流會阿拉河

都林谷河 在甯古塔城西二百十里源出塞齊窩集南流會勒富善河入畢爾騰湖

佛多和河 在甯古塔城西二百三十里源出塞齊窩集南流會都林谷河又有一在

佛多和城北

索爾和綽河 在甯古塔城南十里源出索爾和綽窩集北流入瑚爾哈河

噶哈哩河 在甯古塔城南一百五十里源有二一出瑪勒呼哩窩集一出尼葉赫窩

朔方備乘

卷二十一

良維窩集考

七

集南流會布爾哈圖河入圖們江

海蘭河 在甯古塔城南四百十里源有三俱出西南五百九十里無名山東流入布爾

哈圖河 在甯古塔城南四百十里源出海蘭河即此河有二一在城西西北四十里源出海蘭窩集

東流入瑚爾哈河又相近有穆霞河亦流入瑚爾哈河

瑪展河 在甯古塔城北五十里源出西北瑪展窩集南流會海蘭河入瑚爾哈河有

二一在城東南五百四十里源出東南瑪展窩集南流入圖們江

舍赫河 在甯古塔城北五十里源出舍赫窩集南流會海蘭河入瑚爾哈河

鄂克托河 在甯古塔城北九十里源出無名小山南流會海蘭河入瑚爾哈河

南流會海蘭河入瑚爾哈河

扎穆圖河 在甯古塔城北五十里源出扎穆圖窩集南流會海蘭河入瑚爾哈河

富達密河 在甯古塔城北一百二十里源出富達密窩集南流入瑚爾哈河

薩爾布河 在甯古塔城北一百五十里源出薩爾布窩集南流入瑚爾哈河

舒蘭河 在甯古塔城北二百五十里源出舒蘭窩集南流入瑚爾哈河

阿木蘭河 在甯古塔城北三百里源出阿木蘭窩集南流入瑚爾哈河

安巴河 在甯古塔城北三百五十里源出安巴窩集南流入瑚爾哈河

阿斯罕河 在甯古塔城北四百里源出阿斯罕窩集南流入瑚爾哈河

綏芬河 在甯古塔城南四百四十里源出綏芬窩集南流入海

哈濟密河 在甯古塔城南五百三十里源出錫伯窩集

朔方備乘

卷二十二

良維窩集考

七

伊濟密河 滿洲語伊濟密梳頭也又紡線也在甯古塔城東南五百三十里源出錫

伯窩集

們河 在甯古塔城東南五百里源出城東南四百里蘇扎哈窩集東南五百里源

呼蘭河 在甯古塔城東南五百里源出呼蘭窩集南流入圖們江

蘇扎哈河 在甯古塔城東南五百餘里源出城東四百餘里蘇扎哈窩集南流入興

凱湖

呼雅河 滿洲語呼雅海螺也又鹿也在甯古塔城東南九百十里源出城東南一千

窩集中東北流

額伊呼河 在甯古塔城東南一千四百里源出東南無名窩集西北流入烏蘇哩江

額圖密河	在甯古塔城東南一千四百里源出城東南六百里窩集中西北流入烏蘇哩江
勒富勒河	在甯古塔城東南二千三百八十八里源出勒富勒窩集東南流入海
烏爾欽河	在甯古塔城東南二千六百二十八里源出勒富勒窩集東南流入海
瑪爾呼哩河	在甯古塔城西南五十里與阿布會湖爾騰哈河等河並源出瑪爾呼哩窩集北流入畢爾騰湖
阿布河	在甯古塔城西南六十五里源出瑪爾呼哩窩集西南流入畢爾騰湖
松吉河	在甯古塔城西南一百里源出瑪爾呼哩窩集西南流入畢爾騰湖
札津河	滿洲語札津長梁也在甯古塔城西南一百十里源出瑪爾呼哩窩集北流入畢爾騰湖
朔方備乘 卷二十一 良維窩集考 六	
呼錫哈哩河	在甯古塔城東北二十五里源出呼錫哈哩窩集北流入瑚爾哈河
尼葉赫河	在甯古塔城東北六十里源出尼葉赫窩集西北流入瑚爾哈河
特林河	在甯古塔城東北七十里源出特林窩集北流入瑚爾哈河
翁錦河	滿洲語翁錦凡物安柄之孔也在甯古塔城東北六百里源出阿勒哈窩集北流入混同江
巴蘭河	在甯古塔城東北六百餘里源出巴蘭窩集
屯河	在甯古塔城東北七百里源出屯窩集東南流會十餘水入混同江
溫登河	在甯古塔城東北九百餘里源出溫登窩集南流入混同江

都爾河	在甯古塔城東北一千一百餘里源出都爾窩集南流入混同江
庫嚕河	在甯古塔城東北一千五百八十九里源出庫嚕窩集東南流入混同江
敦敦河	在甯古塔城東北一千九百五十七里源出明鳴哩窩集西北流入混同江
畢呼哩河	在甯古塔城東北二千三百三十二里源出莊葛窩集西北流入混同江
查克菟爾河	在甯古塔城東北二千五百八十八里源出莊葛窩集西北流入混同江
瑪延河	在阿勒楚喀城東北二百餘里源出瑪展窩集北流入混同江
鄂摩和湖	在甯古塔城西北一百四十里源出畢爾騰湖
附良維弱水考	
臣秋濤謹案後漢書云夫餘國北有弱水晉書云挹婁國東濱大海北極弱水唐書云貞觀三年以奚國阿會部為弱水州是良維之地古有弱水而今吉林黑龍江諸境志乘皆無此名胡渭禹貢錐指釋禹貢弱水云弱水下流不知所歸據後漢書云云則似弱水自居延澤東北流歷夫餘挹婁之北境而歸於東海其所行之遠當亦不下黑水也 臣秋濤謹案禹貢弱水發源在今甘州府南所入之流沙即居延澤在今額濟納舊土爾扈特旗北居延澤在沙磧中水至	
朔方備乘 卷二十一 良維窩集考 九	

此已停而不流東距夫餘挹婁不啻萬里風馬牛遠不相及胡渭素精地理之學其為此言者蓋因黃河初源有伏流沙磧潛源重發於星宿海之說疑良維之弱水亦即居延之弱水隱而復見耳考之載籍皆無所徵不足信也且水有同名而異地者辨方正位難以強合兩弱水水名偶同固不得移東以就西矣或曰按滿洲源流考未詳夫餘挹婁弱水所在然則良維弱水究係何水臣秋濤謹案近人紀述詳考之知古

朔方備乘

卷二十一

良維窩集考

三

所謂弱水即今所謂哈湯也甯古塔紀略云甯古塔去京四千餘里冬則冰雪載道其深丈餘其寒令人不能受夏則有哈湯之險數百里俱是泥淖其深不測邊人呼水在草中如淖者曰紅銹水人依草墩而行略一轉側人馬俱陷所以無商賈往來往來者惟滿洲人而已音信難得歲僅一至真所云家書抵萬金也後來哈湯之上俱鋪樹木年年修理往來者始多哈湯亦作哈呀黑龍江外紀曰相傳齊齊哈爾東北

山中亦產人蓐以路隔紅眼哈呀人不敢過紅眼哈呀淤泥地也人行輒陷萬無生理野鳥亦不敢落昔年有盜採者紅眼哈呀既凍去將化還率以俄倫春為前導否則路徑易迷虎狼害尤不測按此哈湯之源皆出於窩集蓋吉林黑龍江二省之境東抵大海北至俄羅斯一帶皆叢林密樹鱗次櫛比號為樹海廣袤幾五六千里東方屬甲乙木故有此大林也林中人迹不至陽景罕曜落葉常積數尺許雨水泉水皆不

朔方備乘

卷二十一

良維窩集考

三

能流盡為泥滓入者必陷疑於不能載物故古稱弱水非別有一水謂之弱水也窩集亦作烏稽甯古塔紀略亦作烏雞林古稱吉林地曰雞林其取義亦因窩集也我

朝東北境接壤俄羅斯自雅克薩城以東未設卡倫當以弱水為天然重險謹詳考其說如此若金史載有陷泉屬臨潢府則僅一泉之微不足當弱水之目且地距夫餘挹婁尚遠必非一地諸書或指為良維弱水故附辨之

朔方備乘卷二十一

知縣吳壽坤初校
舉人胡景桂覆校

朔方備乘

卷二十一

良維窩集考

三

朔方備乘卷第二十二

考十六

庫葉附近諸島考敘

臣秋濤謹案海中有山謂之島釋名云島者到也言航海之人望島如歸故以名焉禹貢於冀州紀島夷皮服於揚州紀島夷卉服說者謂卉服即蕉葛木棉之屬皮服即貂鷹狐獺之屬今按東南之人以卉為服島國岸國皆然東北之人以皮為服亦島國岸國皆然而禹貢云云者所以見揚州東南之島冀州東北之島皆唐虞聲教所訖也我

聖朝

德化之盛遠媲勳華東北諸島胥歸疆索謹稽東三省屬地黑龍江境不濱海

盛京濱海有島嶼然在腹地無關邊防惟東北大海自混同江口迤而西南抵圖們江口之東北約五千餘里均歸吉林省轄諸島屬中國者咸隸焉而俄羅斯國東北境甘查甲部斜折入海

朔方備乘

卷二十二

庫葉附近諸島考敘

一

其南島嶼甚眾皆屬俄羅斯言地理者以東北之海為大拉該海而中國與俄羅斯各有所屬之島若中分此海者則庫葉附近諸島亦論北徼事者所不可不考也謹衷中西圖籍詳著於篇

庫葉島方域水道臣秋濤謹案諸島無大於庫葉島者故先

敘之一名黑龍嶼見魏源海國圖志亦作庫頁島

大清一統志曰吉林甯古塔所屬大洲臣秋濤謹案即庫葉

島在城東北三千餘里混同江口之東大海

朔方備乘

卷二十二

庫葉附近諸島考

二

中南北二千餘里東西數百里距西岸近處

僅百里許有山曰圖可蘇庫其長竟州林木

深騎有小水數十東西分流入海臣秋濤謹案圖可蘇

庫盛京通志作圖克蘇護

大清會典圖說曰三姓城所屬海以外當混同江

口之東有大洲臣秋濤謹案即庫葉島也亘千里洲之上

西有博和畢河汪艾河低巴努河温忒呼河

楚克津河楚拉河特肯河伊對河俱西流東

有額里野河皮倫圖河薩伊河達喜河郭多

和河塔塔瑪河努烈河啟社什河阿當吉河俱東流皆入於海臣秋濤謹案各水源

水道提綱曰大長島臣秋濤謹案為黑龍江

口臣秋濤謹案當海中大護沙南北袤長一

千六百餘里南自極高四十九度八分東西

最闊三四百里或一二百里西近黑龍南小

六度半至東北斜處地形天矯如游魚中脊

為東三十度四分

有山連峯自北至南松林相望蜿蜒不絕水分流東西入海近海平地有居人數處其山

朔方備乘

卷二十二

庫葉附近諸島考

三

有名者曰英額申山臣秋濤謹案一正居島

中其水西流入海者有八臣秋濤謹案即白

東流入海者有九臣秋濤謹案即郭

又曰白恬必河臣秋濤謹案一源出英額申

南麓西南流有一水自東來會又西南曲曲

入海長三百里此河之南為汪艾河口又東

南為低巴怒河口臣秋濤謹案一又東南為

温忒呼河口南岸即拉喀噶山也臣秋濤謹

哈噶珊噶珊或作以上皆西南流者又東南

為出可金河口臣秋濤謹案一作楚克津河此河源隔山即弩烈河源也

又東南為出拉河口臣秋濤謹案一作楚拉河又南為特

懇河口臣秋濤謹案一作特肯河南岸有噶山臣秋濤謹案即特肯

噶珊以上皆西流者又東南為衣堆噶珊河

口臣秋濤謹案一作伊對河南岸有伊對噶珊西南流者又東南

二百里為蒲壘噶山臣秋濤謹案一作普隆噶珊蓋鄂倫春人等

所又東南曲曲而南為島之南盡處自白恬

必河口而北而東北九百餘里無水也島西

近黑龍江口兩岸惟白恬必河口亦正為島

朔方備乘

卷二十二

庫葉附近諸島考

四

地之中其北其南則與兩岸遠數百里矣

又曰自白恬必河源而東隔山為郭多活河

臣秋濤謹案一作郭多和河兩源合東流入海其東北二

百餘里為奴列河口臣秋濤謹案一作弩烈

郭多和河西長三百餘里臣秋濤謹案十

非東北也此誤又北為達喜河口臣秋

餘里者乃郭多和河又北為薩伊河

案一作達善河善與喜字形又北為薩伊河

有噶山臣秋濤謹案又北稍西二百餘里為

披倫兔河口臣秋濤謹案一作皮倫圖噶珊又北百數十里為厄里耶河臣秋

濤謹案即皮倫圖噶珊又北百數十里為厄里耶河臣秋

有噶山臣秋濤謹案即額里野噶珊莊廷勇

乃一部落名額里野則一噶自此而北百里

為島北盡處也自郭多活河口而南而西南

二百里為他他馬河口臣秋濤謹案一作塔

山與音格繩山對峙塔塔瑪河東南流會西

來一水又東南流入海李兆洛圖此水在郭

多和河之西南弩烈河之東又東南二百餘

朔方備乘

卷二十三

庫葉附近諸島考

五

里為啟社什河口臣秋濤謹案此水出阿

東南三百里為阿當衣河口臣秋濤謹案一

阿當吉山東麓兩自此曲曲而南而東而西

南至盡處無水

庫葉島內各山

圖克蘇圖山臣秋濤謹案一作圖可蘇庫山

額里雅河出其東麓其

音格繩山臣秋濤謹案一作英額申山在圖

麓

塔塔瑪山臣秋濤謹案一作他他馬山在音

西麓即庫葉人等所居

阿當吉山臣秋濤謹案一作阿當衣山在島

社什河出其北麓特肯河出其西麓伊對

庫葉島沿革

或曰唐書流鬼國去京師萬五千里其地直

黑水靺鞨東北少海之北臣秋濤謹案黑水

地三面皆阻海人依嶼散居有魚鹽之利通

典曰流鬼在北海之北疑即今庫葉島也臣

朔方備乘

卷二十二

庫葉附近諸島考

六

秋濤謹案唐書明言流鬼國三面阻海則一

面通陸可知庫葉島在海中四面阻海與流

鬼不得為一地考庫葉島東北隔海為俄羅

斯國之甘查甲部亦曰堪察加亦曰岡札德

加其地東南西三面皆阻海惟北地與疴哥

德部相連其為古流鬼部無疑甘查甲西面

之海即黑龍江省東北之海亦係切非大

海也故唐書謂之少海又云在黑水靺鞨東

北也或曰流鬼部既非庫葉島則庫葉島在

古當為何國黃紘圖考以庫葉島即古女國

亦名毛人國考其說信歟臣秋濤謹案後漢

書北沃沮海中有女國唐書日本東北限大

山外即毛人今庫葉島在海中恰與混同江

口東西相直正與所謂北沃沮海中合北沃

沮今甯古塔東北之地沃沮猶今言窩集又

作渥集皆同音異字實一地也庫葉島南隔

一海峽即日本國明開原志云苦兀在奴兒

干海東人身多毛其鄰吉里迷男女多知

朔方備乘

卷二十二

庫葉附近諸島考

七

女國毛人皆在此島矣三才圖會有奚部小

如者部其國無男小如者本室韋部名當與

庫葉島相近梁四公記有扶桑國此記多荒

誕之言然所紀外藩風俗物產尙有不盡誣

者所謂扶桑國即今甯古塔極東北之地其

官名與高麗同其俗使鹿尤為切證特扶桑

之名出於附會耳記云扶桑國東千餘里有

女國身有毛則知女國毛人蓋本一地傳聞

失實以為無男耳唐書記流鬼南鄰莫曳部

明稱苦兀今稱庫葉皆莫曳音轉吉里迷元
史又作帖烈滅故此島今又名額里野又作
野所也合而論之則庫葉之沿革思過半已
庫葉島地形物產

地理全志曰庫頁島在吉林之東長二千里
廣數百里總計八十萬里南北峯巒聳翠林
木紛繁中央平原坦闊間有藪澤沿海之處
下陷砂磧水浸氣候嚴寒霧露迷離五穀不
登少有黍稷以漁營生貿易止通吉林間通

朔方備乘

卷二十一

庫葉附近諸島考

八

日本人身短小言語文詞自成一律

庫葉島海峽

地理全志曰有庫頁海峽在庫頁島吉林之
間有北路西峽在日本庫頁島之間

庫葉島貢獻

魏源曰有不編佐領之使鹿部曰奇勒爾曰
費雅喀與海中之庫頁島皆更在鄂倫春之
外臣秋濤謹案庫葉島中亦有鄂倫春人每
居之此指附近甯古塔之鄂倫春也每
歲不能以時至甯古塔則以六月期集於三

千里外之普祿鄉而章京舟行如期往受之
斯則不惟非滿洲亦非索倫等部幾同土番
羈縻矣會典雖不隸於理藩院然赫哲費雅
喀來京娶婦則禮部光祿寺供筵宴

盛京工部供薪藁略如蒙古儀其以非滿洲客
之歟抑八旗而外材武不可勝用不以遠滿
洲擯之歟要之使犬諸部在混同江以南其
海近朝鮮使鹿諸部在混同江以北其海近
俄羅斯故朝鮮亦有契站而俄羅斯亦有鹿

朔方備乘

卷二十二

庫葉附近諸島考

九

車

混同江口海中各島

東海島 在吉林城東北
四千四百十里

沃新楚魯峯島 在吉林城東
北四千里

圖勒庫島 在吉林城東
北四千里

雅普格哩島 在吉林城東
北四千里

海內天然八島 在吉林城東北四千里臣秋
濤謹案與圖內或作天然巴

島巴字
誤也

臣秋濤謹案以上諸島皆當混同江入海處

在庫葉島之西在吉林城東各四千餘里島中居民皆以魚皮為服東省亦謂之魚皮鞋子云

水道提綱曰七嘉可山即大興安山包黑龍

江之北綿亘數千里不斷至此而東蟠為耶

噶達敖佛洛山及面噶達敖佛洛山為黑龍

入大海口之北岸兩山之東隔海數十里有

長島形如偃月長百數十里闊五十里南北俱尖島南又隔

海數十里有小圓島曰角即哈達圓徑二十餘里西望

朔方備乘

卷二十二

庫葉附近諸島考

十

面噶達七十餘里西南望杜郎噶達百數十
里二島在東二十七度長島極高五十三度
六分至八分圓島極高五十三度四分強
高五十三度四分強其南岸自啟不林敖佛
洛及瓦巾朱魯哈達而南為卓活林敖佛洛
前後有小河口五隔海有小島十一又東有
天阿河口五河一在瓦巾朱魯哈達之南河
口闊四十餘里有小島又南為你
滿山其西南即你滿河口又南有一河口又
南有察滿河口又東南百里至索母寧噶山
有客勒母忒河口口之北有免而庫及牙不
哥里二島隔水相望又北即海內八島也自
索母寧隔海北望入島相去百餘里自八島
隔海北望杜郎噶達相去二百餘里矣南自
極高五十二度三分北則極高五十三度二
分強矣又東南百里為天阿河口河出厄非

金山之北支峯厄非金山亦海岸大山自南
而北綿亘千餘里者也自河口而東北數十
里為空什鋪為空什鋪弩敖佛洛及青噶里
敖佛洛二大山亦三面懸海與北岸面噶達
四百里相望為外大海門其東隔海二十里
亦有小圓島曰厄里必哈達與北小圓島又
相望也南小圓島東二十六度一
分極高五十二度三分自小圓島
隔海東百數十里為東大長島之白恬必河
口

庫葉以西海中各小島

朔方備乘

卷二十二

庫葉附近諸島考

十一

珊延島在吉林城東南一
千一百四十餘里
小多壁島國語多壁狐也在吉林城
東南一千二百五十里
西斯赫島國語西斯赫禱也在吉林
城東南一千二百六十里
阿薩爾烏島在吉林城東南一
千二百七十里
大多壁島在吉林城東南一
千二百七十里
妞妞斐顏島國語妞妞呼愛小兒之詞斐顏
色也在吉林城東南一千三百
里
扎克塘吉島在吉林城東南
一千三百里
法薩爾吉島在吉林城東南
一千三百里

岳杭噶島

國語岳杭噶猶言有絲棉者在吉林城東南一千三百十里

鄂爾博綽島

在吉林城東南一千三百二十里

特依楚島

在吉林城東南一千三百二十里

翁郭勒綽島

在吉林城東南一千三百三十里

和爾多島

在吉林城東南一千三百三十里

菟楞吉島

在吉林城東南二千二里

勒富島

在吉林城東南二千一百里

雅哈島

國語雅哈無燄火也在吉林城東北一千九百里

摩琳烏珠島

在吉林城東北二千一百里

朔方備乘

卷二十二

庫葉附近諸島考

十三

日鹿島

在吉林城西北未詳里至

甯古塔所屬海中各島

舒圖島

在甯古塔城東南五百九十三里

勒富島

在甯古塔城東南八百八十四里

附錄俄羅斯國所屬各島

臣秋濤謹案此諸島皆在庫葉島之東北

故附載以備考

古利羣島一作古里利在庫葉島正東迤北

各島接甘查甲部迤南各島接日本國屬島

界地理備考曰古里利亞斯共二十五島地

理全志曰古里利二十五島亦多火山為日

本俄羅斯互市之地地產狐狸貂鼠兔獺之

類珍寶繁衍五金之鑛甚多

亞律羣島一作阿律在庫葉島東北迤西南

各島接甘查甲部之東界迤東北各島接亞

墨利加洲之監札加

亦俄羅斯屬部南界

以上各島均產皮貨俄羅斯海船往來收皮

鬻於中國

朔方備乘

卷二十二

庫葉附近諸島考

十三

朔方備乘卷二十二

知縣吳壽坤初校知縣丁紹基覆校

朔方備乘卷第二十三

考十七

北徼山脈考

臣秋濤謹案禹貢著導山之文說者或分三條或分四列山脈之辨莫先於此然馬融王肅以導岍為北條鄭康成以導岍為陰列大抵西起岍岐而不及河隴以外東迄碣石而不及松漠以北蓋僅據禹貢九州言之耳一行兩戒之說較為詳明然其言曰北戒自三危積石負終南

朔方備乘

卷二十三

北徼山脈考

一

地絡之陰東及秦華逾河並雷首底柱王屋太行北抵常山之右乃東循塞垣至濊貊朝鮮是為北紀是亦僅就貞觀時北方疆域言之其實崑崙大幹北包瀚海之外凡大幹所經之山山水皆南流山北水皆北流如一行所舉三危積石東抵朝鮮諸山皆不為南北大分水之脊則其所述北戒僅可謂之中幹耳前代渡漠之軍所至如狼居胥山寘顏山浚稽山涿邪山燕然山皆北幹山名距代郡定襄朔方二三千

後世讀史者皆莫知其所在

本朝德化翔洽朔漠盡入版圖於是近儒著述始詳北幹以為發前人未發之祕也然大地之北寥廓無垠必極諸北極之下北海之濱而後北幹之支條脈絡始可詳辨此北徼俄羅斯之山脈誠不可略而弗論者也爰蒐采圖籍排比先後以中國與俄羅斯分界諸山列於前俄羅斯境內諸山次之至阿爾泰諸山乃中國名嶠而支幹所分實為俄羅斯國眾山之祖並蒐采諸說附綴於末云

朔方備乘

卷二十三

北徼山脈考

二

中國與俄羅斯交界處諸山

外興安嶺

臣秋濤謹案興安嶺亦曰新安嶺見龍沙紀略有

內外二嶺內興安嶺盤旋黑龍江省境內數

千里襟帶三江之左右三江者松花江黑龍江嫩江也由卜

魁至墨爾根艾琿置驛嶺上每歲巡邊官弁

渡嫩江而西北行數百里皆沿此嶺陟降取

道松柞數十圍高窮目力穿林而行午不見

日石色斑駁若畫圖中物有石洞洞中几榻天然如琢不知所自來行者闢草得之藉以少憩蓋是山爲

陪京左翊故幽深靈異有如此者以山在內地茲不具記若外興安嶺則爲北徼分界之山實吉林黑龍江二省外障所繫於邊防甚鉅而諸家志乘言之甚略今故詳徵典實以備掌故按一統志云大興安山在敖嫩河北小肯特山東自此綿亘而東直抵黑龍江入海

朔方備乘

卷二十三

北徼山脈考

三

處會典事例云山之南爲中國地山之北爲俄羅斯國地案

盛京通志云

盛京統部疆域北至黑龍江外興安嶺五千一百餘里俄羅斯界黑龍江將軍所轄疆域北至外興安嶺三千二百餘里俄羅斯界黑龍江城北至外興安嶺二千五百里俄羅斯界今按外興安嶺橫亘數千里爲北徼之大分水嶺其袤延與新疆之天山相等然天山隨

地異名蓋以百數外興安嶺則別名甚少惟職方外紀有東金山之目或以爲卽外興安嶺別名然據地圖金山阿林自外興安嶺以北連峯不斷直抵東北海隅與諾斯哈達相連則知山脈長遠幾及萬里允爲東北鉅鎮矣

臣秋濤謹又案外興安嶺山脈自鄂嫩河源肯特山分支東北行連峯不斷達俄羅斯境皆曰外興安嶺又東北曰楊阿林楚庫河出

朔方備乘

卷二十三

北徼山脈考

四

焉又東北烏的河出其北麓又東北伊坦珠河出其北麓此三水均西北流注色楞格河又東北分東西二支西支包白哈爾湖之東之北達列訥河源沿其西至北海其東支東北行恩吉德河出其南麓南注黑龍江又東北尼布楚河出焉南流至尼布楚城注黑龍江又東北衛底穆河出焉西北流注於列訥河自此分爲二大支一東行抵海爲外興安嶺一東北抵俄羅斯之郭列穆斯科境爲金

阿林二大支之間廣袤各數千里盡窩集也東抵大拉該海南與中國相接外興安嶺一支折而東行安巴格爾必齊河出焉河以東屬中國河以西屬俄羅斯又東行卓羅克齊河綽魯納色勒烏魯穆河格爾必齊河鄂爾河鄂爾多昆河烏爾蘇河波羅穆達河皆出其南麓注黑龍江屬於中國其北麓窩集屬俄羅斯又折而東北行有額爾格河巴爾坦河皆出南麓屬中國其北麓窩集屬俄羅斯

朔方備乘

卷二十三

北微山脈考

五

又折而東行南麓有托克河精奇哩江諸水屬中國北麓有拉瑪河東流注大拉該海屬俄羅斯由是分爲南北二支其南支又分爲二一折而南行千餘里爲達爾別薩阿林阿爾吉河烏能河烏拉喀河皆出西麓欽都河恩古里泊甯尼河楊奇尼河皆出南麓二麓之水皆注黑龍江屬於中國一折而東南行麓水南流者曰西里穆底河曰恒滾河曰噶穆河皆屬中國麓水東流者曰達溫河曰鄂

朔方備乘

卷二十三

北微山脈考

六

和達河曰烏拉克河曰烏底雅河曰鄂斯都爾納薩河曰阿老河諸水皆屬俄羅斯曰烏底河自此以南至索倫河爲甌脫地康熙二十八年分界盟約云烏地河以南興安嶺以北中間所有地方河道暫行存放俟各還國察明後或遣使或行文再行定議雍正五年定例云烏特河等處地方暫置爲兩邊公中地方均不得侵佔居住烏地河也山脈又東南行索倫河出北麓東注海是爲中國吉林省三姓副都統所轄地又東南行沿噶穆河之北岸又折而東行抵混同江海口其西麓南麓水皆注噶穆河及混同江其東麓水曰阿拉河瑪尼噶河吉特河其北麓水曰鄂古河圖胡魯河皆注於海此皆外興安嶺之南支也其北支東北行沿拉瑪河北岸而東有鄂拉河納勒春河出東麓注大拉該海又折西北行其東麓所出諸水爲達達哈河奔什納河山脈遂與金阿林一支相合詳見俄羅斯境諸山茲不具錄云

準齊爾山

臣秋濤謹案準齊爾山在額爾古訥河北其南岸卽和倫河入額爾古訥河口也又案自此山以東皆以額爾古訥河爲界直抵黑龍江南岸其北岸則以安巴格爾必齊河爲界故未列山名

都穆達爾都齊爾山

臣秋濤謹案都穆達爾都齊爾山在準齊爾西其南有黃佳多輝山

黃佳多輝山

朔方備乘

卷二十三

北微山脈考

七

臣秋濤謹案黃佳多輝山在都穆達爾都齊爾南其南卽額爾古訥界河

謨果爾綽克阿林

臣秋濤謹案謨果爾綽克阿林在都穆達爾都齊爾西其南接中國阿巴亥圖阿林及額爾德尼陀羅海克鄂博界

溫都爾山

臣秋濤謹案溫都爾山在謨果爾綽克阿林西南其南接中國蘇克特卡倫鄂博界

巴倫齊爾山

臣秋濤謹案巴倫齊爾山在謨果爾綽克阿林西

托羅海山

臣秋濤謹案托羅海山在巴倫齊爾山南其南接中國呼拉晉河界呼拉晉河之南卽鄂爾晉卡倫鄂博又西有一山與中國塔奔托羅海克鄂博接界

波羅托羅海山

臣秋濤謹案波羅托羅海山在托羅海山西

朔方備乘

卷二十三

北微山脈考

八

其南與中國察罕歐拉卡倫鄂博接界

沙拉托羅海山

臣秋濤謹案沙拉托羅海山在波羅托羅海山西其南與中國達爾巴噶達胡克鄂博接界

塔拉第一山

臣秋濤謹案塔拉第一山在沙拉托羅海山西其南與中國科博爾集庫卡倫鄂博接界卽枯布勒庫卡倫屬車臣汗

塔拉第二山

臣秋濤謹案塔拉第二山在塔拉第一山西其南與中國昂阿爾海克鄂博接界

塔拉第三山

臣秋濤謹案塔拉第三山在塔拉第二山西其南與中國孟克托羅海卡倫鄂博接界

格集格托羅海山

臣秋濤謹案格集格托羅海山在塔拉第三山西其南與中國額英克托羅海克鄂博接

朔方備乘

卷二十三

北微山脈考

九

界

穆魯都伯山

臣秋濤謹案穆魯都伯山在格集格托羅海山西其南與中國溫都爾山接界

達布遜淖爾北山

臣秋濤謹案達布遜淖爾北山在穆魯都伯山西其南與中國澤倫圖卡倫鄂博接界

塔里淖爾南山

臣秋濤謹案塔里淖爾南山在達布遜淖爾

北山西其南與中國齊布圖克鄂博接界

穆魯都伯山

臣秋濤謹案穆魯都伯山與溫都爾接界山同名在塔里淖爾南山其南與中國茂格集格卡倫

鄂博接界

古布德溫都爾托羅海山

臣秋濤謹案古布德溫都爾托羅海山在穆魯都伯山西其南與中國尼布寫克鄂博接

界

朔方備乘

卷二十三

北微山脈考

十

錫里山

臣秋濤謹案錫里山在古布德溫都爾托羅海山西其南與中國鄂博圖卡倫鄂博接界

哈拉托羅海山

臣秋濤謹案哈拉托羅海山在錫里山西其南與中國額倫克鄂博接界

庫克托羅海山

臣秋濤謹案庫克托羅海山在哈拉托羅海山西其南與中國烏林圖卡倫鄂博接界

察罕淖爾南山

臣秋濤謹案察罕淖爾南山在庫克托羅海山西其南與中國伊瑪爾和克鄂博接界

岳隆沃阿林

臣秋濤謹案岳隆沃阿林在察罕淖爾南山西其南與中國多魯爾漢卡倫鄂博接界

圖爾齊訥阿林穆魯

臣秋濤謹案圖爾齊訥阿林穆魯在岳隆沃阿林西其南與中國準圖爾齊訥克鄂博接

朔方備乘

卷二十三

北徽山脈考

十一

界

伯爾克溪北哈拉托羅海山

臣秋濤謹案伯爾克溪北哈拉托羅海山在

圖爾齊訥阿林穆魯西有伯爾克必爾漢流

逕其南必爾漢譯言溪也其山南與中國圖

爾齊訥卡倫鄂博接界

托克托爾穆魯

臣秋濤謹案托克托爾穆魯在哈拉托羅海山西其南與中國胡額錫赫克鄂博接界

沙拉托羅海山

臣秋濤謹案沙拉托羅海山在托克托爾穆魯西其南與中國托克托爾卡倫鄂博接界

沙拉托羅海西山

臣秋濤謹案沙拉托羅海西山在沙拉托羅海山西其南與中國和林布里都山接界

華錫里山

臣秋濤謹案華錫里山在沙拉托羅海西山西其南與中國和林訥拉蘇卡倫鄂博接界

朔方備乘

卷二十三

北徽山脈考

十一

華錫里西山

臣秋濤謹案華錫里西山在華錫里山西其南與中國珠齊達巴漢克鄂博接界

托索克阿林穆

臣秋濤謹案托索克阿林穆在華錫里山西南其南與中國珠齊河源接界

伊克圖爾根伯爾齊山

臣秋濤謹案伊克圖爾根伯爾齊山在托索克阿林穆西其南與中國托索克圖卡倫鄂

博接界

穆魯都伯達漢得里山

臣秋濤謹案穆魯都伯達漢得里山在伊克

圖爾根伯爾齊山西其南與中國庫爾克伊

鄂博接界

伯爾克伊克西里山

臣秋濤謹案伯爾克伊克西里山在穆魯都

伯達漢得里山西其南與中國莽克忒努克

卡倫鄂博接界

朔方備乘

卷二十三

北微山脈考

三

鄂嫩河南哈拉托羅海山

臣秋濤謹案鄂嫩河南哈拉托羅海山在伯

爾克伊克西里山西其南與中國胡爾察克

鄂博接界鄂博之南即巴彥東山也

和集里淖爾北山

臣秋濤謹案和集里淖爾北山在鄂嫩河南

哈拉托羅海山西其南與中國伯爾克卡倫

鄂博接界

科碩齊老山

臣秋濤謹案科碩齊老山在和集里淖爾北

山西其南與中國必投肯克鄂博接界臣秋

案必投肯克鄂博在鄂嫩河北自此以西沿鄂嫩河皆屬中國界矣

特倫河西山

臣秋濤謹案特倫河西山在科碩齊老山西

其南與中國烏爾胡特卡倫鄂博接界

阿達爾哈東山

臣秋濤謹案阿達爾哈東山在特倫河西山

西其南與中國夯阿魯克伊鄂博接界

朔方備乘

卷二十三

北微山脈考

十四

阿達爾哈阿林

臣秋濤謹案阿達爾哈阿林在阿達爾哈東

山西北其南與中國塔本托羅海卡倫鄂博

接界

郭卓爾台必爾漢北山

臣秋濤謹案郭卓爾台必爾漢北山在阿達

爾哈阿林西南其南與中國尼爾齊魯克鄂

博接界

和爾瑪齊伯爾齊爾山

臣 秋濤謹案和爾瑪齊伯爾齊爾山在郭卓

爾台必爾漢北山西其南與中國集爾伯圖

河源接界

巴顏珠爾克阿林

臣 秋濤謹案巴顏珠爾克阿林在和爾瑪齊

伯爾齊爾山西其南與中國阿爾塔哈納克

鄂博接界

伊克哈柳穆魯

臣 秋濤謹案伊克哈柳穆魯在巴顏珠爾克

朔方備乘 卷二十三 北徽山脈考 十五

阿林西其南與中國集爾伯勒卡倫鄂博接

界

德爾集穆魯

臣 秋濤謹案德爾集穆魯在伊克哈柳穆魯

西其南與中國布庫庫謨克鄂博接界

噶勒達台博勒齊爾山

臣 秋濤謹案噶勒達台博勒齊爾山在德爾

集穆魯西其南與中國噶勒達台克鄂博接

界

噶勒達台河源西山

臣 秋濤謹案噶勒達台河源西山在噶勒達

台博勒齊爾山西其南與中國庫謨里卡倫

鄂博接界

坤都倫伯勒齊爾山

臣 秋濤謹案坤都倫伯勒齊爾山在噶勒達

台河源西山西其南與中國巴圖哈達克鄂

博接界

孟克西里山

朔方備乘 卷二十三 北徽山脈考 十六

臣 秋濤謹案孟克西里山在坤都倫伯勒齊

爾山西南其南與中國哈蘇拉科卡倫鄂博

接界

鄂博爾哈蘇拉科河西山

臣 秋濤謹案鄂博爾哈蘇拉科河西山在孟

克西里山西南其南與中國哈里雅古台克

鄂博接界

阿欣阿河源東山

臣 秋濤謹案阿欣阿河源東山在鄂博爾哈

蘇拉科河西山西其南與中國阿欣阿卡倫鄂博接界

興安山

臣秋濤謹案興安山在阿欣阿河源東山西其南與中國公吉爾特鄂博接界

庫木里穆魯

臣秋濤謹案庫木里穆魯俄羅斯設鄂博於此在興安山西南其南與中國庫野卡倫鄂博接界

朔方備乘

卷二十三

北徽山脈考

七

庫布倫台阿林

臣秋濤謹案庫布倫台阿林在楚庫河北其南隔楚庫河與中國鄂羅勒伊克鄂博接界

伊拜商附近山

臣秋濤謹案伊拜商附近山在楚庫河北其南隔楚庫河與中國阿嚕哈當蘇卡倫鄂博接界

伊拜商西山

臣秋濤謹案伊拜商西山在楚庫河北其南

隔楚庫河與中國阿嚕齊都勒卡倫鄂博接界

達布蘇圖淖爾南山

臣秋濤謹案達布蘇圖淖爾南山在鄂伯爾齊都勒拜商西南其南與中國齊克泰卡倫鄂博接界

沙爾巴噶努胡

臣秋濤謹案沙爾巴噶努胡在達布蘇圖淖爾南山西南其南與中國胡魯里科克接界

朔方備乘

卷二十三

北徽山脈考

六

烏林圖阿林

臣秋濤謹案烏林圖阿林在齊蘭河之東其南隔齊蘭河與中國布爾古特阿林穆魯魯接界

齊雅圖河西山

臣秋濤謹案齊雅圖河西山在烏林圖阿林西南其南與中國布拉卡倫接界

鄂爾輝圖山

臣秋濤謹案鄂爾輝圖山

見理藩院則例一作特們

胡珠倭爾輝圖山在齊雅圖河西山西山之

陽為中國山之陰為俄羅斯界

都爾班山

臣秋濤謹案都爾班山俄羅斯設有卡倫在

齊雅圖河西山西其南與中國恰克圖接界

貝勒蘇圖山

臣秋濤謹案貝勒蘇圖山見理藩院則例在恰克圖

西北山之陽為中國山之陰為俄羅斯界

庫克齊老圖山

朔方備乘

卷二十三

北微山脈考

十九

臣秋濤謹案庫克齊老圖山見理藩院則例在澤德

河南山之陽為中國山之陰為俄羅斯界

黃果爾鄂博

臣秋濤謹案黃果爾鄂博見理藩院則例一作紅郭

爾鄂博在庫克齊老圖山西南山之陽為中

國山之陰為俄羅斯界

庸科爾山

臣秋濤謹案庸科爾山見理藩院則例一作永和爾

阿林在澤德河南其西南接庫克齊老圖山

山之陽為中國山之陰為俄羅斯界

博斯口棍咎山

臣秋濤謹案博斯口棍咎山見理藩院則例在黃果

爾鄂博西北山之陽為中國山之陰為俄羅

斯界

呼他海圖山

臣秋濤謹案呼他海圖山見理藩院則例一作胡塔

海圖阿林在博斯口棍咎山西北澤德河西

岸山之陽為中國山之陰為俄羅斯界

朔方備乘

卷二十三

北微山脈考

二十

科山梁

臣秋濤謹案科山梁見理藩院則例一作科謨魯

即穆魯譯言山梁也在呼他海圖山西南山之陽為中

國山之陰為俄羅斯界

巴彥胡蘇山

臣秋濤謹案巴彥胡蘇山俄羅斯設有卡倫

在都爾班山西北澤德河北岸其南與中國

哈拉呼集爾卡倫接界

布呼圖嶺

臣秋濤謹案布呼圖嶺見理藩院則例一作布胡圖

達巴漢在巴彥胡蘇山西北山之陽為中國

山之陰為俄羅斯界

額古登昭山梁

臣秋濤謹案額古登昭山梁見理藩院則例一作額

古登昭德爾集烏占在科山梁之西北山之

陽為中國山之陰為俄羅斯界

多什圖嶺

臣秋濤謹案多什圖嶺見理藩院則例一作多錫圖

朔方備乘 卷二十三 北徽山脈考 三

嶺在布呼圖嶺西哲德河出其北麓山之陽

為中國山之陰為俄羅斯界

克色訥色圖嶺

臣秋濤謹案克色訥色圖嶺見理藩院則例在多什

圖嶺西北山之陽為中國山之陰為俄羅斯

之通肯圖拉界

固爾弼嶺

臣秋濤謹案固爾弼嶺見理藩院則例亦作古爾必

達巴漢在克色訥色圖嶺西南山之陽為中

國山之陰為俄羅斯界

杭哈嶺

臣秋濤謹案杭哈嶺在克色訥色圖嶺西北

額爾口河出其東麓

穆遜阿林

臣秋濤謹案穆遜阿林在杭哈嶺西阿哈河

出其北麓其南與中國烏梁海二佐領接界

努克圖嶺

臣秋濤謹案努克圖嶺在穆遜阿林西蘇特

朔方備乘 卷二十三 北徽山脈考 三

河出其北麓其南與中國烏梁海接界

額爾吉克塔爾噶克台哈之東嶺

臣秋濤謹案額爾吉克塔爾噶克台哈之東

嶺理藩院則例所云額爾吉克塔爾噶克台噶蓋即此亦曰塔爾噶克

東嶺在努克圖嶺西北山之陽為中國山之

陰為俄羅斯界

托羅斯嶺

臣秋濤謹案托羅斯嶺見理藩院則例在塔爾噶克

東嶺西北山之陽為中國山之陰為俄羅斯

界

銀山

臣秋濤謹案謝濟世西北域記云喀爾喀之

北境與俄羅斯界有銀山

額爾吉克塔爾噶克台噶衣瓦爾吉烏占肯哲

瑪達嶺

臣秋濤謹案額爾吉克塔爾噶克台噶衣瓦

爾吉烏占肯哲瑪達嶺亦曰塔爾噶克山在

托羅斯嶺西其北為俄羅斯界其南為中國

朔方備乘

卷二十三

北微山脈考

三

所屬烏梁海界

臣秋濤謹又案理藩院則例有肯哲瑪達霍尼音嶺山之

陽為中國山之陰為俄羅斯界疑即此山異名

歐拉烏納瑚山

臣秋濤謹案歐拉烏納瑚山一作敖蘭烏納

瑚山在烏斯河南其東南為中國烏梁海界

其西北踰克穆河為俄羅斯烏邁圖拉界

克穆克穆齊克博穆山

臣秋濤謹案克穆克穆齊克博穆山

理藩院則例作

克木克木齊在塔爾噶克山西北當噶哈爾

河入大克穆河處山北為俄羅斯烏邁圖拉

地山南為中國所屬烏梁海界

沙弼柰嶺

臣秋濤謹案沙弼柰嶺

見理藩院則例一作沙必柰

嶺在克穆克穆齊克博穆山西南山之陽為

中國山之陰為俄羅斯界

汗阿林

臣秋濤謹案汗阿林亦曰鄂爾噶汗山在亨

吉泊之西其南為中國科布多所屬阿爾泰

朔方備乘

卷二十三

北微山脈考

三

諾爾烏梁海界

科托郭爾嶺

臣秋濤謹案科托郭爾嶺在汗阿林之西山

脈與唐努山相接其東南為哈道里河屬中

國界其西為俄羅斯之鏗格爾圖拉圖拉南

亦屬中國界

布里柰阿林

臣秋濤謹案布里柰阿林在科托郭爾嶺西

南其東為額爾齊斯河河旁即中國之和尼

邁拉虎卡倫乃俄羅斯與塔爾巴哈台交界處也

哈爾滿阿林

臣秋濤謹案哈爾滿阿林在布里奈阿林西其南接中國卡倫界

靄古斯阿林

臣秋濤謹案靄古斯阿林在哈爾滿阿林西其南接中國卡倫及哈薩克界

沙拉哈爾海

朔方備乘

卷二十三

北徼山脈考

三

臣秋濤謹案沙拉哈爾海在俄羅斯納生噶

珊之西額爾斯齊河之東距中國界千里而

近康熙年間有哈喇哈爾榜國亦作哈喇哈

爾以疑即游牧此地之部落也

俄羅斯境內諸山

金阿林

臣秋濤謹案金阿林即東金山也自中國肯

特山分支東北行連峯不斷達俄羅斯境皆

曰外興安嶺又東北曰楊阿林楚庫河出焉

又東北烏的河出其北麓又東北至伊坦珠

拜商東南伊坦珠河出其北麓三水皆西北

流注於色楞格河又東北分爲東西二支其

西支北行約數百里巴爾古錫穆河出西麓

西流注白哈爾湖郭拉河出東麓北流合衛

底穆河又北行折而西德爾集昂噶拉河出

南麓集林噶河出北麓又西抵白哈爾湖北

列訥色欽出其北麓是爲列訥河山北之水

咸匯焉注冰海又折而西北行千餘里東麓

朔方備乘

卷二十三

北徼山脈考

三

之水曰必魯爾集河穆噶河古達河粗存河

郭瓦倭河錫費雅河諾雅河皆注列訥河西

麓之水曰噶們噶河倫多河伊爾尼河特德

拉河散巴特倭拉河巴爾倭登噶河伊里穆

河皆注昂噶拉河又北行分三支一支東抵

惹鞠斯科瓦拉喀河衛推河出北麓東注列

訥河一支沿衛推河北抵列訥河海口有必

雅錫達河及二水出北麓各入冰海一支由

窩集中西行南麓有羅斯瑪納噶河都里噶

河惹勒拉雅河皆注於伊里穆河北麓諸水
匯爲鄂斯羅惹錫湖北流爲必雅建達河合
必雅錫達河入海又折西行分東北西北二
支東北一支向東北行有郭斯里噶河出南
麓又北行抵於海東麓有噶道噶河諸水西
麓有律錫諾湖下游諸水各分流入海西北
一支繞律錫諾湖額塞湖之南又西北行有
多訥斯奇納河噶多噶河烏伯河圖替納河
頗替納河烏伯尼雅河謨斯圖伊噶河皆出

朔方備乘

卷二十三

北徽山脈考

三

西麓入昂噶拉河其東麓千餘里皆窩集額
塞湖水北流爲達拉伊達河注冰海又西北
行至烏格里達海灣爲昂噶拉河入海之口
而自伊坦珠拜商所分之西支至此盡矣其
東支自伊坦珠境東北行恩吉德河出其南
麓注黑龍江又東北尼布楚河出焉南流至
尼布楚城注黑龍江又東北衛底穆河出焉
西北流注於列訥河自此分爲兩大支一東
行抵海爲外興安嶺一東北抵郭列穆斯科

境爲金阿林二大支之間自衛底穆河以東
廣袤各數千里盡窩集也東抵大拉該海南
與中國黑龍江吉林二省相接外興安嶺一
支已詳見前其金阿林一支又東北行都日
爾河希濃河佛倫河瑪雅河皆出西北麓注
列訥河自是又分爲左右兩支右支折西北
行直抵北海又分一支繞郭列穆瑪河西岸
北亦抵海其北有音底日爾噶河阿拉薩納
河伊斯鞠郭特斯都克河袞古瓦河皆出山

朔方備乘

卷二十三

北徽山脈考

三

北麓而注冰海左支折而東郭列穆瑪河出
其北麓北流注於海又東行鄂謨倫河額勒
瑪噶雅河出北麓達達哈河出南麓又折而
北行始曰金阿林安巴鄂壘河阿集格鄂壘
河伯勒蘇格河諸水皆出西麓匯於郭列穆
瑪河其東麓則奔什納河南注大拉該海額
拉博爾河惹博羅訥雅河皆東注郭爾噶海
又分爲三支一支折而東北行阿納巴拉河
出焉又東北抵冰海爲諾斯哈達大山此亞

細亞洲之極東北隅也一支折而東南行數千里斜入於海為岡札德加諸山衛底阿河登屯河巴倫河伊斯奔爾納河索羅烏達納雅河郭斯米納河達魯噶河吉斯圖噶河巴特沙底瑪納雅河勒佛那雅河烏哈魯薩瓦河納努河克羅多和羅瓦河吉爾巴科瓦河倭羅富斯噶瓦河諸水皆出其西南麓鄂爾羅巴河滿河噶拉薩納河鄂納們河瑠都爾噶河額瑪納拉河諸水皆出其東北麓各注

朔方備乘

卷二十三

北微山脈考

三

於海一支折東行抵於海曰郭爾噶諸山其東北即墨領海峽亦曰白令峽踰峽即北亞墨利加洲監札加境也阿納底爾河出其西麓西流折而南又折而東南流注於滿河郭爾噶諸山亦西行抵滿河北岸而止此山亦曰阿爾台山總記云因底牙加河即音底日爾噶河阿那斯加河即阿拉薩納河珂里瑪河即郭列穆瑪河阿那底河即阿納底爾河均發源阿爾台山僅阿那底河一水趨東海餘俱北流而出冰海臣秋濤謹

案諸水皆出東金山而總記謂出阿爾台山蓋蒙古語謂金為阿勒坦與阿爾台音相近皆以其山出金為名東金山與西金山均為崑崙東北幹脈絡既通產金亦同故不嫌於數千里之山同一名也

塔奔們都爾罕阿林

臣秋濤謹案塔奔們都爾罕阿林在俄羅斯

通肯圖拉西北其山由中國杭愛山分支東北行千餘里至交界之多什圖嶺分為東中

朔方備乘

卷二十三

北微山脈考

三

西三支東支向東行南麓所出之水皆入哲德河折東北行抵白哈爾湖南岸而止中支向北行額爾口河出其東麓又北曰塔奔們都爾罕阿林又折而東北行達集雅河出其北麓又東北抵昂噶拉河之西而止西支折而西北行曰克色訥色圖嶺曰杭哈嶺曰穆遜山曰努克圖嶺曰額爾吉克塔爾噶克山曰托羅斯嶺皆為中國與俄羅斯交界處山南所出之水若華克穆河貝克穆河之屬皆

朔方備乘

卷二十三

北微山脈考

三

西金山之目矣

麻科佛斯科嶺

臣秋濤謹案麻科佛斯科嶺蓋金山直北行

一大幹也自唐努山而北為鄂爾噶汗山

東麓之水曰罕騰格里河流合大克穆河山

北麓之水曰察罕米哈河曰阿努河俱自中

國流至俄羅斯界合而東流注伊聶謝河山

西麓之水曰哈屯河曰阿爾泰河皆自中國

流至俄羅斯界合而西流注額爾齊斯河山

匯為大克穆河下游曰伊聶謝河山北所出

之水曰古爾班孟訥斯河曰罕河曰噶們噶

河皆注於昂噶拉河昂噶拉河與伊聶謝河

合流於伊聶謝柏興之南山脈亦盡於是云

魏源謂職方外紀以杭愛山為西金山臣秋

濤謹案杭愛山正幹由喀爾喀東行合肯特

山以北為東北羣山之源若塔奔們都爾雖

有汗山之稱罕阿林然特杭愛之分支達俄

羅斯境以後不過千數百里而止自不得兼

脈向東北行衛巴特河出東麓托穆河出西

麓又北行分二支一支西北行惹羅日噶河

必格納河烏集納河皆出北麓綽里穆河出

南麓又西北至格野斯科而止一支東北行

抵瑪古斯歸即麻科斯科也其山曰麻科佛

斯科嶺自昂噶拉河舟行至伊聶謝柏興由

陸路過此嶺凡三日行至揭的河仍登舟沿

途水路直達托博爾城山不甚大俱林藪地

甚泥淖多蚊虻此使臣圖理琛所記也山脈

朔方備乘

卷二十三

北微山脈考

三

又北行東麓諸水曰科穆河傅爾底雅多瓦

河曰噶里克河曰德薩底納河曰色勒斯尼

河皆東注昂噶拉河西麓水曰揭的河亦作

達格河又折西北行連峯不斷北麓諸水曰

音多沙雅河曰達羅瓦雅河曰欣河曰惹老

烏河曰惹羅珊河並東北流注昂噶拉河南

麓諸水曰瑪傅斯噶河曰阿色爾河曰哈塞

野河曰鄂良河曰鄂爾羅什噶河曰赫里錫

阿河曰里錫薩河曰訥里謨瓦河皆西南流

注揭的河又折西行抵大窩集廣袤千里山分東北西北二支其東北一支繞惹羅珊河之西折而北行伊哈河出東麓注昂噶拉河達斯河出西麓北注阿比灣海又折西北行伊薩拉克河舍達河並出東麓注昂噶拉河鄂索圖魯克河出西麓注阿比灣海又北行抵烏格里達海灣之西阿比海灣之北凡三面皆距海而東北一支山脈極矣其西北一支又分爲二左支自窩集中西行抵布爾湖

朔方備乘

卷二十三

北微山脈考

三

汗阿林

臣秋濤謹案汗阿林在中國科布多西北乃

金山西北大幹隨額爾齊斯河東岸以北者也唐書稱黠戛斯依貪漫山亦作貪汗山當卽汗山之別名其山南起科布多境有烏梁海部落居之蒙古王公表傳所稱汗烏梁海卽以所居之山爲號也汗阿林層峯相接山脈向西北行其東麓有亨吉泊其西麓有色爾喀斯喀拉泊又西北有數水出東麓注鄂布河其西麓有大泊曰惹謨斯夸湖湖水西流入額爾齊斯河又西北繞惹謨斯夸湖之北瓦欣阿河索爾瑪河博索挂河噶錫穆噶河皆出北麓東北流注鄂布河多拉河阿爾噶爾噶河皆出南麓南流注額爾齊斯河山勢折西南行博捫噶河惹穆尼郭博河皆出西麓西北流注額爾齊斯河又西南至托博爾城俄羅斯東偏錫伯利部之總會也汗阿林西北山脈至此而極云

朔方備乘

卷二十三

北微山脈考

三

阿拉克山

臣秋濤謹案阿拉克山在中國塔爾巴哈台

之西北乃天山北幹隨額爾齊斯河西岸以
北者也甘肅迪化州東北有博克達山乃天
山最高之峯自此分支北行踰戈壁至色爾
克山又北至宰桑泊西南又西北繞哈薩克
游牧其東麓水皆注宰桑泊又西北爲哈爾
滿山靄古斯阿林始達俄羅斯界又西北曰
阿拉克山察爾河出東麓東至森博羅特注
額爾齊斯河庫庫烏蘇河出西南麓勒布錫
河出西北麓皆西流注巴爾喀錫淖爾山勢
蜿蜒折而西行金集里克河出南麓渟于錫
拉淖爾謨斯格河布爾哈蘇台河伊爾底斯
河均出北麓注額爾齊斯河又西爲阿爾輝
山靄古斯河庫克薩里河巴哈納斯河皆出
南麓並入巴爾喀錫泊泊南乃沙磧也又西
爲阿滿哈爾海山又西爲錫德特額壘謨阿
林額錫爾河出西北麓注托博爾河又折而
西南層峯疊嶂分二支一支東南行爲瓮套
阿林入大漠中而止當伊犁河所入之巴爾

朔方備乘

卷二十三

北微山脈考

三

喀什泊西北一支西南行至北哈薩克部之
北又折而西爲烏拉爾圖阿林卽烏拉嶺也
烏拉嶺

臣秋濤謹案烏拉嶺亦名烏拉爾圖阿林在
托博爾城西南約一千六百餘里北麓有湖
四皆東北流合爲伊澤特河注托博爾河南
麓有烏拉河亦曰哈拉河西南流合額勒克
河庫庫河察罕河諸水逕塔奇城鄂伊楚克
城南又西南流注裏海山勢西行分爲二支
一支西南行爲德爾特科爾阿林又西南至
大漠中而止西距佛爾格河約二百里一支
西北行至鄂博城蘇扎瓦雅河出東麓注托
博爾河噶拉捫河出西麓注佛爾格河又折
北行分二支一支西北至巨古爾城南薩瑪
拉河出焉一支東北至烏特格城東竺薩瓦
雅河出焉又折而西北至瓦爾郭都里雅城
西卽使臣圖理琛所記費耶爾和土爾斯科
也其山曰佛洛克嶺卽烏拉二字譯音之殊

朔方備乘

卷二十三

北微山脈考

三

耳異域錄云費耶爾和土爾斯科佛洛克嶺在費耶爾和土爾斯科城之西北其間二百餘里山不甚大沿途皆林藪有馬尾松果松杉松楊樺櫻莢刺玫山巔嶺上隨處流泉地甚泥淖上嶺五里許下嶺十里餘自嶺東流出者謂之土拉河嶺西流出者謂之托波兒河俱向東南流過圖敏地方土拉河歸入托波兒河復向東北流至托波兒相對地方入厄爾齊斯河又自山陰流出者謂之喀穆河

朔方備乘

卷二十三

北徼山脈考

三

其大似色楞格河水色赤溜急自東北向西南而流至喀山相對地方歸入佛兒格河其嶺之西北有山名曰帕付林斯科時出諸山土人云冬夏積雪不消人不能至按烏拉嶺說者以為即元史太和嶺元人伐欽察時嘗鑿嶺以通道臣秋濤謹案土拉河亦即元史速不台所居之禿納河皆考之地形而確有可徵者也臣秋濤謹案元史太和嶺有二其一在大同土喇河亦有二其一在和林與此皆同名烏拉嶺又北行勒拉河出異地故附識之

東麓鄂索爾蓋河出西麓又北分爲左右二支左支折而東過伊斯瑪城北魯克達河出北麓博羅河出南麓又東數百里皆窩集也博綽爾湖在窩集中湖水北流爲博綽爾河由布斯堆湖入北海山勢又折而東北行表達河索羅瓦河作爾納雅河皆出東麓注額爾齊斯河巴必努郭羅特城水出西麓注布斯堆湖又北分二支一支東北行抵阿布定噶珊即額爾齊斯河入海之口山至其西岸

朔方備乘

卷二十三

北徼山脈考

三

而止一支西北行繞布斯堆湖北岸分二支一支西抵伯特蘇拉河口即布斯堆湖水入北海處也一支折東北行有索布色噶惹河出東麓注阿比海灣郭達瓦河出西麓注色達登海灣山脈亦分爲二一東北一西北各抵海灣而止其右支復分爲二大支一大支北行繞布斯堆湖之西又北分二支一繞伯特蘇拉河西直抵北海一西北過郭爾郭瓦河源繞其西衛色克達河出其西麓山至

海岸又折而西沿海行至墨三城而止墨三城者美森河入海口也一大支折而西過蓋郭羅特城北卽圖理琛所記改郭羅多也南麓有數水發源皆入喀穆河其北麓則衛色克達河也又西喀穆河出南麓東南流注佛爾格河山脈又折西南行又折西行瓦特噶河烏薩河羅佛羅瑪河皆出南麓一水出北麓注蘇吉納河又西抵倭羅克達城南繞佛爾格河北岸凡南麓水皆入佛爾格河又折

朔方備乘

卷二十三

北徼山脈考

五

而北有數水發源東麓注蘇吉納河北至亞干日城入白海又折而西自此多叢林密箐山形若隱若見色克納河出南麓注佛爾格河一水出北麓注白海又折而西其北麓爲額納噶大湖卽寬田吉思海也速不台之師蓋沿烏拉嶺而至此矣又西南繞佛爾格河北岸折西南佛爾格河出東麓東南流七千餘里而注裏海是爲俄羅斯最大之川自是山脈又分爲二其一支南行格勒斯瑪河出

東麓注佛爾格河涅博爾河出西麓注黑海又南科拉河德斯訥河出西麓入涅博爾河又有諸小水出東麓入鄂噶河又南折東南行鄂噶河出北麓北流注佛爾格河薩穆爾河出南麓西流注涅博爾河多訥特斯河出東麓注端河又東南分二支均抵黑海北岸一西南行至涅博爾河入海處一東南行至端河入海處此烏拉嶺山脈之所極也天下之山皆祖崑崙魏源以烏拉嶺爲葱嶺北幹

朔方備乘

卷二十三

北徼山脈考

罕

卽崑崙之西北一支云

高加索山

臣秋濤謹案南懷仁坤輿圖說曰亞細亞洲高架所山高一百三十一里二百零四丈卽今俄羅斯南境之高加索山也其山西起黑海東枕裏海長二千三百里山嶺連亘峯巒突起壁立萬仞冰雪凝積墜必傷人地多斥鹵古有火山今已息燄尙存溫泉鹹湖襟帶其間地內恒出石漿石漆皆火山遺跡也

阿拉辣山

臣秋濤謹案阿拉辣山在俄羅斯南新藩亞爾美尼部境內祆教之徒相傳以為洪水時有挪亞者乘舟避患及水消其舟至阿拉辣山而泊焉即此山也

里弗依山

臣秋濤謹案坤輿圖說曰莫斯科未亞國有里弗依山高八十三里零七十二丈莫斯科未亞即俄羅斯也魏源曰葱嶺亦名雪山亦

朔方備乘

卷二十三

北微山脈考

望

名香山而西域記則稱在香山之南雪山之北者蓋葱嶺西北出之幹為香山坤輿圖說有里弗依山其高次於葱嶺當即香山矣又曰里弗依山地圖作大布里山在烏拉嶺北即葱嶺北幹也在俄羅斯境內

加美內波亞山

臣秋濤謹案地理備考云歐羅巴州各山其至高且大者有九一名加美內波亞山分呢囉嘶國為一半於歐羅巴半於亞細亞一名

烏拉爾山在歐羅巴亞細亞之間按烏拉爾山已見前加美內波亞山諸書未載附記於此俟考

阿爾泰山正幹分支總論

一統志曰阿爾泰山即古金山在特思河西北綿亘二千餘里高入霄漢盛夏積雪不消為西北諸山之祖其頂在烏普薩西北文峯葛壑分為四枝正北一枝隨額爾齊斯河以北入俄羅斯境不知其遠近

朔方備乘

卷二十三

北微山脈考

望

臣秋濤謹案謂額爾齊斯河之東也為烏蓋郭馬山繞奇勒稽思泊之北又東南為白勒奇那克科山又東為昂奇山空格依河出其南麓烏海河出其東北麓又北為馬噶喇山布勒噶蘇台河出其東麓又東北為大山喀喇河諸水出其南麓其南一枝蜿蜒不斷納鄰河呼勒泰河哈流圖河納斯克河布勒濟河哈巴河奇蘭河喀喇額勒

奇思河阿額勒齊思河俱出其西麓哈勒奇薩
河呵普都河出其東麓山勢旋折而東布顏圖
河出其北麓布拉青吉兒河札克台河出其南
麓又東爲阿爾泰山之尾又東南復分二支如
黑雲二道界瀚海中其東爲庫克西勒山又東
北接巴顏山其南枝爲都特嶺布帶山圖古克
里河出其西麓又南爲布勒堪山空鄂洛阿濟
罕山層峯不斷千餘里橫截沙漠爲阿爾班岳
達察嶺又東南爲古爾板賽漢山其南爲諾默
朔方備乘 卷二十三 北微山脈考 四

北二千里翁金西北五百餘里其山最爲高大
山脈自西北阿爾泰山來東趨踰鄂爾坤土喇
諸水爲大興安肯特諸山又自山西枯庫嶺北
折環繞色楞格河上流諸水發源之處抵俄羅
斯國界千餘里鄂爾坤塔密爾諸河皆發源於
此又曰大興安嶺在敖嫩河北小肯特山東自
此綿亘而東直抵黑龍江入海處山之南爲喀
爾喀界山之北爲俄羅斯國界魏源曰此北幹
興安嶺盡東海之脈絡也
自古語北幹者莫詳於是
朔方備乘 卷二十三 北微山脈考 四

渾山其東南爲五百根山至空可喀喇龍山而
止自空鄂洛阿濟罕山南而爲奇齊格納山拜
轟鄂爾山查喇圖山至伊塔特圖山而止此皆
北幹阿爾泰山上游之脈絡也又云其南八十里
天山自西方來亦蜿蜒而東南橫亘沙漠中千
餘里又東爲活爾活圖山至色公哈占山而止
色公哈占山北至空可喀喇龍山二百里南踰
瀚海至套北陰山五百里魏源曰此天山中幹
支脈之與北幹對值
也者又曰杭愛山在鄂爾渾河之北直陝西甯夏

以前黃河故道安在者何北幹中幹皆盡於興安大嶺則兩幹又似合為一幹者何曰蓄是四疑貽誤千古夫北幹阿爾泰山之脈正從天山而來由伊犁博羅塔拉之西遶額爾齊斯河宰桑泊之東北而起阿爾泰山是葱嶺者天山之始祖天山者北幹之少祖天山以阿爾泰為正幹而其東趨巴里坤哈密者特其分幹分幹短而正幹長故北幹與安大嶺盡於東海視哈密分幹多行六七千里其孰正孰輔判然徑庭矣

朔方備乘

卷二十三

北微山脈考

望

哈密餘支東北盡於安西州之布隆吉河河北為天山支麓河南為祁連山正幹玉門關嘉峪關皆建於此正扼二幹之交會而祁連山脈則上起于閩中經青海下為賀蘭山陰山與天山之脈不相屬故自僧一行以來皆以三危積石為塞垣北戒之祖不言祖於天山蓋葱嶺河源經回部匯於蒲昌海在天山之南于閩山之北故回疆三面皆山惟以東隅為泄水之口則自蒲昌海東至玉關沙磧千餘里又自玉關東至

遼西瀚海六千餘里即北幹中幹天然之大界也使水行沙磧不滲不瀦則蒲昌之水必經龍堆出玉關挾布隆吉河居延澤之水東會克魯倫河黑龍江入海矣無如沙漠旱海水小即滲水大即瀦窮荒枯磧生氣不鍾於是潛源重發於青海之上遂以北幹之界水溢出中幹是為一變河入中幹以後仍隨中幹左枝山脈北流由甘州出塞繞河套以賀蘭山陰山障其北連峯疊嶂偏之入塞至雍冀間而中幹左右兩枝

朔方備乘

卷二十三

北微山脈考

望

交會界水愈狹不足受河於是懷山襄陵或東決平陽或西泛關中尸子言古者呂梁未鑿河出孟門之上故禹不得不闢龍門析底柱以納之使河槽歸一是前則伏出於中幹之底繼則顯冒乎中幹之脊是為再變使循北幹界水之常不入中幹則大漠絕塞皆水草饒沃之地人物繁庶而生氣何由獨鍾中原乎天地之氣聖不能違乃漢武帝時齊人延年上書請徙河塞外不入中國試問徙於既入中幹以後乎則必

使河從朔方冒陰山大磧而過也徙於未入中
 幹以前乎則必使蒲昌海水穿龍堆千里之沙
 再絕瀚海六千里之漠不滲不瀦而東也不察
 天地之氣不明水土之性不考支幹之形勢尙
 足語疏導辨方略乎若職方外紀圖以阿爾泰
 為金山杭愛為西金山外興安大嶺為東金山
 最著北幹之脈惜無遵用之者若夫于闐中幹
 復分數支其在黃河北大漠南者為中幹之北
 幹在黃河南漢水北者為中幹之中幹在漢南
 江北者為中幹之南幹此則九能之士類能道
 之今不更僕焉

朔方備乘 卷二十三 北微山脈考 七

朔方備乘卷二十三 知縣林 穗初校 知縣丁紹 基覆校

朔方備乘卷第二十四 考十八

良維諸水考

額爾古訥河

格爾必齊河

黑龍江

混同江口以北東北海諸水

臣秋濤謹案中國與俄羅斯以水分界有三曰

額爾古訥河曰格爾必齊河曰楚庫河楚庫在

朔方備乘 卷二十四 良維諸水考 一

漠北下游入色楞格說見色楞格河源流考其
 額爾古訥等二水皆在良維宜詳著之以備考
 核至黑龍江為良維大川自中國肯特山發源
 東北流出卡倫入俄羅斯境千餘里過尼布楚
 城復東行入中國境凡興安嶺以南長白山以
 北鉅浸細流靡不匯注以入東海康熙年間羅
 刹所侵之精奇哩江牛滿河恆滾河諸處皆黑
 龍江所受之水乾隆年間俄羅斯東部落被
 災欲借黑龍江運糧蓋自尼布楚城舟運入海

以達甘查甲部也是良維諸水關繫北徼邊防誠不可闕而弗書臣秋濤謹博稽羣籍臚列於篇

額爾古訥河

額爾古訥河為中國與俄羅斯分界之水

臣秋濤謹案康熙二十八年分界石碑云將流入黑龍江之額爾古訥河為界河之南岸屬於中國河之北岸屬於鄂羅斯即此河也一作鄂爾姑納河一統志云額爾古訥河在

朔方備乘

卷二十四

良維諸水考

二

齊齊哈爾城西北二千里龍沙紀略云黑龍江以南拖心河以北諾尼江以西鄂爾姑納河以東八圍人索倫地鄂爾姑納河以西枯輪海以北鄂羅斯人地黑龍江外紀曰額爾古訥河每歲齊齊哈爾察邊者卓帳南岸河之北俄羅斯地

其上游曰克魯倫河

臣秋濤謹案克魯倫河一曰臚胸河一曰喀嚕倫河一曰克魯連河一曰合綠憐河一曰

客魯連河一曰怯綠憐河一曰陸局河或云唐拔野古部之康干河即此未知其審

源出車臣汗部中右後旗大肯特山東南

臣秋濤謹案大肯特山在喀爾喀敖嫩河源之南即克魯倫河發源處山之東南有二水流為克魯倫河水道提綱曰克魯倫河源出肯忒山東南百餘里支峯西南麓兩源西流而合又曰克魯倫河源直河套北二千餘里肯忒山脈西北自敖嫩色禽嶺有東南一

朔方備乘

卷二十四

良維諸水考

三

幹東為忒勒兒即嶺又東為即龍嶺又東起頂為肯忒山甚高大山北麓即敖嫩河也山又東百里許折而南行數十里其西南麓二水西流而合是為克魯倫色禽在西六度六分極高四十八度四分在敖嫩色禽東南三百餘里

西南流納數小水轉東南流

臣秋濤謹案克魯倫河西南流北納集隆河特勒爾集河又南流西納巴彥集魯克山水

博爾肯河折東流經右翼中前旗北納僧庫爾河提綱曰克魯倫河又西流而合又西數十里有一河東北亦自肯忒山南麓西南流而會齊召南曰即北別源也又西南流經肯忒山頂之南齊召南曰去山頂數十里受北來之衣魯河又西南受西北自即龍嶺來之即龍河又西南至布塞山之東南麓齊召南曰布塞山即忒勒兒即嶺南幹盡處有撒納河東自必兒喀嶺之西麓西流合東南一水來會齊召南曰必兒喀嶺即肯忒山之東南幹山也又東南有一河

朔方備乘

卷二十四

良維諸水考

四

北自忒勒兒即嶺東南流來會又西南有白勒官河西北自土喇源山之東麓東南流來會又西南至噶拉泰嶺之東齊召南曰自嶺入土喇自嶺東北之水皆會入此河又西南二百餘里至兩山間齊召南曰岸東山即必兒喀嶺之西南幹山又南百餘里起頂為巴顏烏喇山勢甚高大其岸山西自興安嶺來過平地東為呼商阿山北有呼查不拉河南有噶老台及袞鄂模二池水又東過平地有此山綿亘而東南二百里許克魯倫自源西南流至此已四百數循山麓折而東南流經巴顏烏喇山西麓至南岸山盡處共二百數十里稍折東

流有孫可勒河亦曰僧庫勒河即僧庫爾河也自北合三源南流沙中隱見不常來注之齊召南曰河在巴顏烏喇山之東活拉灰圖之西南其水長三百餘里以行沙地若隱若見

經拖諾山南麓

聖祖御製碑前

賜名飲馬河

臣秋濤謹案克魯倫河又東南百數十里自

沙地經拖諾山南麓康熙三十五年五月丁

朔方備乘

卷二十四

良維諸水考

五

卯 聖駕親征噶爾丹駐蹕是山

御筆勒銘曰瀚海蕩蕩臚胸泱泱親御六

師我武維揚震雷霆威讐日月光翦厥兇醜

安定遐荒提綱曰山在河水之北河自會孫

克勒河東南流前臨沙漠北岸無山者百餘

里惟此地有大山西南與大漠中之拖拉哈

山遙遙相望

轉東北流塔爾河自北來入之

臣秋濤謹案克魯倫河轉東北流經右翼中

左旗車臣汗旗流二百里許塔爾河亦名他
拉几爾即河發源右翼中左旗之東又東南

流自北來匯提綱曰克魯倫河於山前稍折

東北流數十里又東北經喀勒河朔山北麓

齊召南曰山在巴顏烏喇山之東又東北百

數十里有他拉几爾即河西北自必兒喀嶺

西南麓合二源東南流沙土中四百餘里隱

見不常來注之齊召南曰此水自出山行沙

郎袞布拉克也

朔方備乘

卷二十四 良維諸水考

六

又東北流貫沙漠間經右翼左旗左翼右旗左

翼中旗中左旗左翼左旗中左前旗中前旗界

臣秋濤謹案提綱曰克魯倫河又東北數十

里經小山西麓齊召南曰小山曰厄窩得

秃山又東南百餘里為才里剛阿山又東南

三百里為翁文卓托魯可山又南三百餘里

為查漢七老碑山又東南二百里為杜蘭喀

喇又東南五百里為察布圖山又東南為蘇

尼特部落此渡漠要道也自小山北渡河即

厄勒莫山之西南麓地曰克勒布聖社又西

北曰得兒白勒克布拉克即北岸厄勒莫山

其東北幹則數千里綿亘不折東流數十里
斷包敖嫩河南岸諸水東北折東流數十里

至東南麓兩岸沙漠又東北流齊召南曰有

龍山三峯並立在南三百里至庫路鄂模南

稍東經西拉得克西撥各山之陰齊召南曰

又東百里中有沙洲曰尤兒呼尤東北流百

餘里經必拉城南齊召南曰漠北僅有此城

山綿亘而東北者百里許即他本托羅

灰也臣秋濤謹案此城即巴爾和屯又東

經杜勒鄂模南齊召南曰池在又東河心有

沙洲南岸為他本托羅灰之北麓折東南流

又東流二百里至南岸小山折向東北百數

十里至南岸大山東北麓折東南流百數十

里其東岸山即古爾板包活特也至南麓折

東北流百數十里折向正北數十里又東北

流中有沙洲其東南岸外則杜勒鄂模也

又東北入呼倫貝爾城界瀦為呼倫湖

臣秋濤謹案呼倫湖一作呼倫池一作枯倫

湖一作枯淪湖一作俱輪泊一作闊灤海子

一作枯倫河一作枯倫海在齊齊哈爾城西

朔方備乘

卷二十四 良維諸水考

七

北一千一百七十里東距呼倫貝爾總管駐

處二百五十里周五六百里有潮汐黑龍江外紀曰

黑龍江精奇哩江嫩江三江皆無潮汐呼倫貝爾二池有之潮來以朔望挾魚出水無算

近其地有風變土人賴魚以活潮之力也產五色鹽不煮可食唐

書室韋最西有烏素固部與回紇接當俱輪

泊之西南又云北大山外曰大室韋瀕於室

建河河出俱倫臣秋濤謹案室建河即黑龍江而唐書云出俱倫者蓋黑

龍克魯倫二川既合迤而東合那河臣秋濤謹案即

今嫩江忽汗河臣秋濤謹案即今呼爾哈河又東貫黑水靺

朔方備乘

卷二十四

長維諸水考

八

鞞故靺鞨跨水有南北部而東注於海地理

志回紇有延特勒泊泊東北千餘里有俱輪

泊泊之四面皆室韋明金幼孜北征錄闊灤

海子有山如長堤以限水遙望水如高山但

見白浪隱隱此水周圍千餘里幹難臚胸凡

七河注其中臣秋濤謹案幹難河即黑龍江並不匯入呼倫池此明人傳聞

之謬皆謂此湖也又按通志別出庫楞湖詳

其源委方向即此湖而誤分為二也提綱曰

克魯倫河又東北曲曲流三百里經阿兒坦

厄莫兒山之東北瀕為枯倫湖齊召南曰克魯倫自源東

北流至此已二千數百里在黑龍江齊齊哈爾城西一千三百餘里自西南而

東北長徑二百餘里東西闊百餘里周可五

六百里齊召南曰自中偏東六分至東一度四分自極高四十八度七分北至五

十度四分湖西三十里有巴留拉泰山東北近岸有噶兒巴里山正北有敖勒即塞克忒

山龍沙紀略曰枯輪海週而千里在黑龍江

之南開拉里河之左其南有烏里順河烏蘭

泉及俄羅斯之克魯倫河皆北來會於此由

鄂爾姑納達江克魯倫河發源之山與黑龍

朔方備乘

卷二十四

長維諸水考

九

江源阿母巴興安嶺東北相望亦大川也臣秋濤謹案方式濟誤以克魯倫河出俄羅斯境辨見黑龍江條

鄂爾順河首受貝爾池水匯其東

臣秋濤謹案鄂爾順河一作鄂爾遜河一作

烏里順河一作烏順河一作五順河貝爾池

一作布雨爾池一作布育里海一作布育里

鄂模一作布伊爾湖即古捕魚兒海譯音之

異也呼倫貝爾城總管駐此二湖之間因以

為地名故通志亦作呼倫布雨爾一統志曰

布伊爾湖在齊齊哈爾城西一千二十里喀

爾喀河西北流至此匯為大湖又北流為五

順河此湖亦有潮汐

黑龍江外紀云貝爾池亦作布爾池國語布雨二字切讀成貝故並存之古名捕魚兒海方數百里亦產鹽在總管駐處西南三百五十里蒙古境內之喀爾喀河是其源而北流為烏爾孫河則呼倫池水之所會也

網曰克魯倫河瀦為枯倫湖有烏里順河自

東南布伊爾湖會喀爾喀河諸水北流來會

正當湖面之正東又曰烏里順河上源曰喀

爾喀河有數源最東者出阿魯他拉奇嶺之

朔方備乘

卷二十四

長維諸水考

十

西麓有池廣數十里西南流出百餘里而南

源合三水西北流來會又西南流百餘里有

一河合三源自北西南流來會又西分為二

支一南流有阿母巴哈兒渾河合三水自南

來會又西流與北一支復合又西流有衣藍

塞漠河頗大色禽自北大山西南流二百餘

里來會又有一河自西北合三源亦南入之

又西南受南來之哈爾渾河又西有噶兒查

布魯克圖河自東南合噶兒圖思大河及噶

兒巴哈尼河二水北流來會又西有活兒活

河自南來會折西北流經客勒河朔地之北

其北岸有小山又西北百餘里受東北來之

呼魯思大河又西北二百里折而西流百里

許曰喀爾喀河折西南流數十里分支渠西

南匯為巨澤曰布伊爾湖亦曰布育里鄂模

形如瓜瓠自東北至西南徑百四五十里東

西徑七十里亦俱淪泊之亞也自正北流出

百數十里曰烏順河中有沙洲受西南來之

朔方備乘

卷二十四

長維諸水考

十一

烏藍布勒克水又北曲曲流二百數十里折

而東北又西北流入枯倫湖此水源流長一

千餘里龍沙紀略曰枯輪海東南八百里內

有噶爾必海烏蘭海布育里海以受南北山

之水其支河七曰阿母巴哈爾渾曰伊闌色

模曰喀爾扎布魯克圖曰訶爾訶齊曰西巴

拉泰曰呼魯思泰曰喀爾喀各以距三海近

者入之而仍由烏里順河北注以枯輪為歸

宿

哈拉爾河匯其東北

臣秋濤謹案哈拉爾河上源曰特諾克河出

呼倫貝爾城東山二水合西流北合扎敦河

又合北來一水又西依奔河出其東南山二

水合西北流南合輝河來會又西北臣秋濤謹案圖

說作東北誤今考正經呼倫貝爾城東墨勒根河出其

東山二水合西流來會又西北臣秋濤謹案此西北圖說

亦誤作東北今考正緒於呼倫池此水亦名開拉里河

黑龍江外紀云呼倫貝爾通稱海蘭兒指凱喇爾一河亦音轉也臣秋濤謹案凱喇爾即

朔方備乘

卷二十四

良維諸水考

三

開拉里也提綱曰克魯倫河自湖東北角分二支

流出一支於噶兒巴里山之西北地東北流

有開拉里河自東合諸水西北流來會又曰

開拉里河源出諾民河源山之西麓有兩源

西流而合又西數十里有一水自東南來會

又西百里有查薩河自東北來會又西百餘

里合南來一水又西稍北百數十里有忒納

克河自東北合三水來會又西北數十里有

衣本河自東南山合兩水西北流又合南一

水又西北曲曲數百里與南來之灰河北經

西百山者合而北流來會又西北數十里有

烏蘭鄂模自東北合莫勒根河之水西南流

來會又西稍北曲曲四百里許經達哈得兒

山南又西與枯倫湖東北流出之水會此水

源流千餘里

復從湖東北溢為額爾古訥河

臣秋濤謹案提綱曰自出枯倫湖東北流經

黑龍江索倫界兩岸無山土人名為額爾古

朔方備乘

卷二十四

良維諸水考

三

訥河實克魯倫河也又曰開拉里河來會後

又西北流數十里而一支正北流經敖拉即

塞克忒山東麓者又東北數十里復合又東

北流數十里經車里山之東其東岸為西樓

兔山之西麓今會典圖說作西羅圖山

東北流霍爾津池水自西來入之又東北逕阿

巴哈圖卡倫東

臣秋濤謹案霍爾津池提綱在察漢鄂拉卡

倫南池水北流合西來一小水又東流逕蘇

克特卡倫南又東至阿巴哈圖卡倫東南入額爾古訥河

又東北流蒙克西里河入之又東北和倫河入之又東北眉勒爾喀河入之又東北謨里爾肯河入之又東北牛爾河入之又東北伊穆河入之

臣秋濤謹案額里古納河東北流逕蒙克西里卡倫西北蒙克西里河發源達罕德爾山自東南來匯又東北流逕額爾德尼陀羅蓋

朔方備乘

卷二十四

良維諸水考

古

卡倫西北又東北流逕庫克多布卡倫西北和倫河出內興安嶺合諸水自東南來匯又東北流眉勒爾喀河合二水自東南來匯分界碑云南岸之眉勒爾喀河口所有鄂羅斯房舍遷移北岸即指此也又東北流逕巴圖爾和朔卡倫西北又東北流謨里爾肯河源出伊勒呼里山合三水自東南來匯齊召南曰隔山即呼瑪爾河源也又東北流逕巴雅斯呼蘭圖卡倫西北又東北流逕烏裕勒和齊卡倫西北又

東北流牛爾河源出伊勒呼里山合二水自

東南來匯又東北流逕巴彥珠爾克卡倫西

伯爾布拉克卡倫珠爾特伊卡倫西北伊穆

河源出伊勒呼里山西北麓合二水自東南

來匯提綱云克魯倫河又正北曲曲二百里

折而東北二百數十里又折正北流有振河

臣秋濤謹案振河當作根河字之訛也自東南合活輪河臣秋濤謹案即和等五水西北流來會又正北曲曲二

百里有忒兒布勒河臣秋濤謹案即自東南

合兩水來入之又東北百數十里有謀里兒

肯河臣秋濤謹案即自東南合三水來入之

又北流數十里折東北百里許有牛勒河臣

濤謹案即自東南合四水來入之又東北二

百餘里有衣母河臣秋濤謹案自東南合兩

水來入之

又北流逕分界摩崖碑東又北與黑龍江會詳

龍江

篤內

臣秋濤謹案

欽定皇朝通志與俄羅

斯分界碑額爾古納河摩崖提綱曰額爾古

納河又東北流二百里兩岸有山齊召南曰

必見喀嶺之東北而黑龍江自西來會齊召南曰

幹綿亘至此而盡東四度極高五十二度七分此河南臨龍沙

大漠源流長三千八百里徑十四度紀略記黑龍江曰其自界碑橫而東也河之

自南而北入江者四曰鄂爾姑納河曰末河

曰厄牧勒河曰旁庫河鄂爾姑納為俄羅斯

界河故其名獨著小河匯此而入江者十有

一日依木曰牛耳曰黑里兒肯曰特爾布爾

朔方備乘

卷二十四

良維諸水考

六

曰根曰開拉里曰伊密曰特納客曰魁曰莫

勒根曰札敦而伊密特納客魁莫勒根札敦

五河又匯於開拉里以入鄂爾姑納達於江

按方式濟所言水名與今輿圖或同或異錄

以備考

格爾必齊河

格爾必齊河為中國與俄羅斯分界之水

臣秋濤謹案康熙二十八年分界石碑云一

將由北流入黑龍江之綽爾納即烏倫穆河

相近格爾必齊河為界循此河上流不毛之

地有石大興安以至於海凡山南一帶流入

黑龍江之溪河盡屬中國山北一帶之溪河

盡屬俄羅斯一作格爾弼齊河一作格必爾

齊河一作奇里比其河一作吉爾巴齊河臣

秋濤謹案此河有二其在烏魯穆河東者名

格爾必齊河其在烏魯穆河卓魯克齊河西

者名安巴格爾必齊河龍沙紀略作昂班格

里必齊河亦名大格爾必齊河分界石碑即

朔方備乘

卷二十四

良維諸水考

七

建於安巴格爾必齊河東岸黑龍江北岸

源出西北興安嶺合四水東南流入黑龍江

臣秋濤謹案一統志曰大格爾必齊河在黑

龍江城西北一千七百九十里分界石碑在

河之東又格爾必齊河在城西北一千六百

九十里提綱曰黑龍江經界碑南有昂巴奇

里比其河自西北山合四水東南流來會齊

南曰界碑中偏東一度四分龍沙紀略記黑龍

江曰其自界碑橫而東也河之由西北而南

入江者九曰阿集格格里必齊曰卓爾克奇
曰昂班格里必齊曰俄羅曰倭爾多昆曰烏
里蘇曰博倫穆達曰額爾格曰必勒覃也按
方式濟所言水名多與今圖不同錄以備考

黑龍江

黑龍江古黑水也

臣秋濤謹案黑龍江滿洲語曰薩哈連烏喇

薩哈連謂黑烏喇謂江也即古漠北之黑水
靺鞨室韋所居山海經西望幽都之山浴水

朔方備乘

卷二十四

良維諸水考

六

出焉郭璞注浴即黑水蓋黑水之名始見於
此北史謂之完水魏書謂之貌水唐書謂之
室建河黑龍江外紀曰遼史始有黑龍江之
稱道宗本紀太康三年夏四月泛舟黑龍江
前此未之見然觀地理志太祖陵有黑龍門
祖州有黑龍殿陵殿並在上京並名黑龍又
似遼初即名黑龍江陵殿因以為號者近人
以金史有混同一名黑龍之語遂謂黑龍江
名至金始著失之遠矣黑龍江亦稱烏江

聖祖泛松花江詩源分長白波流迅支
合烏江水勢雄又稱烏龍江 聖祖御

製 福陵神功聖德碑北暨嫩江烏龍

江罔不臣服吳兆騫長白山賦出乎松花之

阪注乎烏龍之外蓋本諸此至 盛京通志

曰濱瀛海以帶龍江又曰龍江合流而左注

則直可以稱龍江矣又曰黑龍江水黑古名

黑水土人亦稱黑河松漠紀聞諸書謂黑水

掬之微黑是已然特據其上游或下流言不

朔方備乘

卷二十四

良維諸水考

九

知既受精奇里江以後未會混同江以前其
間水色黑黃各半分界劃然鱗蟲出沒恆就
黑去黃所以然者精奇里江水黃而濁故也
然則世有碧黑合流不混之說不為無據但
黃碧差不同耳又曰黑龍江深十數丈閩人
善泅者嘗暑月測之言其下巨石如削寒不
可耐又曰黑龍江歲以九十月乃冰天命元
年征薩哈連部師次江上忽冰結如橋梁既
濟而半捷還結如初時方八月初旬此天助

也江欲冰前數日先有薄冰片片順流下曰
冰牌復有所謂老羌牌者自俄羅斯淌來往
往有人畜行跡見於上冰既壯嫩江厚等身
黑龍江過之以此驗其地尤寒所謂積陰之
處冰厚六尺晁錯之論不誣

上源曰敖嫩河出喀爾喀車臣汗部西北境肯
特山

臣秋濤謹案敖嫩河一作鄂嫩河黑龍江外
紀作鄂倫河元史作幹難河臣秋濤謹案或
作幹難者字之

朔方備乘

卷二十四

良維諸水考

三

也諺元太祖始興地也自喀爾喀界內肯忒山

西之忒勒爾几嶺西北小肯忒山東麓發源

齊召南曰肯忒山高為漠北羣山東至大海之祖山之西支阜曰即龍嶺又西曰忒勒爾几嶺凡諸嶺以南水皆流入克魯倫河以在克魯倫河源西北三百餘里實小肯忒山土人呼為阿即格肯山山南為喀爾喀地山北為鄂羅斯國邊界嶺之北麓水即楚庫河源北流入色楞格河者嶺之南幹山西南麓水即土喇河源西南流折而西北會鄂爾昆河入色楞格河者此嶺為漠北一大分水嶺敖嫩色禽西八度極出地四十九度弱自小肯忒山東北行為大興安山包絡黑龍諸水之北而東入海一支折而南分為二幹一東南為大肯忒山起頂又東南為必兒喀嶺諸

山為北黑龍南克魯倫諸水之界綿亘千餘里至會合處一西南為圖拉源山又南為噶拉泰嶺折而西南為興安嶺為東克魯倫西土喇諸水又西南而西北至土喇會鄂爾昆河處自此而西北羣山皆以阿爾泰山為祖若論正當漠北大分水之脊一東至東海一北至北海則莫高於肯忒山矣臣秋濤謹案肯忒即肯特又作聖特皆一山也又按龍沙紀略云黑龍江源明一統志云出北山盛京通志亦祇云出西北塞外今按江源出俄羅斯境其上遊為敖嫩源出阿母巴與安諸山之南東流六百里與科勒蘇河合又東北八百里受東流為黑龍江北會泥樸處河經泥樸處城東又三百餘里北流至昂班格里必齊河界碑入我境東抵察哈鹽峯凡一千五百餘里復東南流六百餘里經多斯峯呼麻拉故墟之間至額蘇里與精奇泥江合其合處猶東至艾渾數十里也臣秋濤謹案方式

朔方備乘

卷二十四

良維諸水考

三

濟言江源甚詳然不知敖嫩河發源處本中國境迨流至卡倫外始為俄羅斯地乃直以江源出自俄羅斯是指中國之水為羅刹之川誤之甚矣其指克魯倫河為出俄羅斯境誤與此同臣故錄而辨之

東流轉東南流納諸小水

臣秋濤謹案提綱曰敖嫩河發源東流數十

里折東南流又數十里會北來一水齊召南曰即東

北大幹高又東南經忒勒爾几嶺北麓有一

水自嶺之西北流來會齊召南曰亦又東數

十里經即龍嶺北麓有一河自北大山合二

水南流來會又東數十里經大肯忒山北麓
有一河自北合二水來會又東百餘里有一
河西北自大山合二水東南流來會

又東南流齊扎叟河入之

臣秋濤謹案齊扎叟河亦作啟查魯河會典

圖說載敖嫩河發源後皆東北流水道提綱

則云先東南流再折而東流東北流其說較

詳今酌采之提綱曰敖嫩河稍東南流有啟

查魯河西南自大肯忒山折向東南之支阜

朔方備乘

卷二十四

長維諸水考

三

東北流來會

齊召南曰此水源隔山西麓即克魯倫源處西南流西會諸嶺

以南諸水者也

又東南巴爾喀河入之

臣秋濤謹案巴爾喀河亦作巴拉喀河提綱

曰敖嫩河折東北流又折而東百里有巴拉

喀河合二水自西南必兒喀嶺東北流來會

齊召南曰此河即必爾喀河

又東南齊母爾喀河自南來入之又東南經中

末次旗庫野河自西北來入之轉東北流公古

爾特河自西來入之又東北流阿興阿河自北
來入之

臣秋濤謹案齊母爾喀河即提綱之呼瑪拉

堪河也庫野河出庫野卡倫西公古爾特河

出庫野卡倫東阿興阿河出阿興阿卡倫東

皆自卡倫以外發源南入敖嫩河

臣秋濤謹案此三水

提綱未載其名提綱曰敖嫩河又東南流數十里有

呼瑪拉堪河自南大山合兩源北流來會折

朔方備乘

卷二十四

長維諸水考

三

山東南流來會

齊召南曰此大興安山土人曰阿母巴興安甚高大自此

綿亘而東直抵黑龍江入海處山之南為喀爾喀界山之北為鄂羅斯國界山在西六度

半極出地四十八度六分敖嫩自源至此已合九水矣

又東北科勒蘇河自南來入之

臣秋濤謹案科勒蘇河源出中末次旗東北

流合左翼中旗一水經哈布濟朗裕山西北

麓又北流來匯提綱曰敖嫩河又東北二百

數十里有科勒蘇河自西南大山兩源東北

合二水流四百餘里來會又東北百餘里會

西來一河臣秋濤謹案此西來一水今圖未載

又東流集爾渾河自北來入之

臣秋濤謹案集爾渾河出卡倫外巴彥珠爾

克山南流逕集爾渾卡倫東又南流巴勒集

河自西來匯巴勒集河源出阿魯蘇魯克卡

倫東北山南流逕卡倫東折東流納北來之

哈拉鄂拉河臣秋濤謹案河出庫謨里卡倫西又東納北來

一水臣秋濤謹案水出庫謨里卡倫東又東與集爾渾河會

南入敖嫩河提綱曰敖嫩河又北折東流折

朔方備乘

卷二十四

良維諸水考

五

而東北二百里巴兒雞河合四水自西大

山東北流五百餘里來會臣秋濤謹案巴兒雞河即巴勒集河

提綱蓋以巴勒集為正源其時尚無集爾渾河之名也

又東流布裕克圖河入之

臣秋濤謹案布裕克圖河源出巴彥珠爾克

山東北麓二水合南流合東來一小水經阿

嘎楚卡倫西亦曰阿巴楚河又南流有一水

發源集爾博爾卡倫之東自西來匯又南入

敖嫩河提綱曰敖嫩河又東北折正北流百

餘里有阿巴楚河合三水自西來會

又東北流出卡倫界

臣秋濤謹案敖嫩河至車臣汗部邊境河西

為巴彥阿都爾噶卡倫有二小水東流來匯

河東為烏爾和特卡倫又東北流出卡倫外

又東北克魯河自北來入之

臣秋濤謹案克魯河亦作克爾河提綱未載

又案此河匯處其東南即伯爾克卡倫也

又東北特倫河自北來入之

朔方備乘

卷二十四

良維諸水考

五

臣秋濤謹案江自出卡倫後即達俄羅斯境

李兆洛地圖以克魯河猶屬內地自特倫河

以北始為俄羅斯境不列圖內今考會典諸

書補之水道提綱不言江於何處出卡倫殊

為疎漏其特楞河即此特倫河而列於他拉

巴爾即河之西與會典不同龍沙紀略云江

在俄羅斯境內河之自西而東入江者九曰

巴爾稽曰阿哈楚曰他爾巴哈泰曰圖魯泰

曰他拉巴爾集曰特楞曰俄克碩曰俄倫曰

昂衣德河之自南而北入江者三曰撲拉訶
集曰圖里格曰温多臣秋濤謹案巴爾稽即
巴勒集河與阿哈楚河皆在卡倫內匯敖嫩
河方式濟以為在俄羅斯境內非也其餘水
名與諸書互有異同皆由譯字各殊今並存
之以資考證

又東北塔爾巴爾集河自西來入之又東北納
北來一水又東流圖魯河合一水自西北來入
之又東北流塔爾河自西北合二水來入之

朔方備乘

卷二十四

長維諸水考

三

臣秋濤謹案塔爾河匯流處其南即托克托
爾卡倫也

又東北納北來二水又東北鄂克爾河自西北
合一水來入之又東北鄂拉河自西北合二水
來入之又東北阿古河自西北合一水來入之

臣秋濤謹案敖嫩河達俄羅斯境後提綱所
記水名多異今采其說而箋其異同以備考

核提綱曰阿巴楚河來會又北稍東百數十
里有他兒巴哈太河臣秋濤謹案今圖有塔
爾巴爾集河而無此名

合五水自西來會又東北三百餘里有圖魯
泰河臣秋濤謹案他拉巴爾即河臣秋濤謹
之塔爾河又圖有塔爾巴爾集河而次於圖魯河前與此不合特楞河臣秋
案圖有特倫河臣秋濤謹案當即
而次序不合俄克巧河臣秋濤謹案當即
沙紀略作俄倫河臣秋濤謹案當
俄克碩即圖之鄂拉河先後自西
大山來會

又東北博爾集河自南來入之

臣秋濤謹案博爾集河即潑拉活即河提綱
曰又東北百數十里有潑拉活即河自南合

朔方備乘

卷二十四

長維諸水考

三

五水北流五百里來會

又東北圖爾格河自南來入之

臣秋濤謹案圖爾格河即圖里格河提綱曰
又東北百數十里有圖里格河自南合二水
北流來會

又東北温都河自南來入之恩吉德河自北來
入之始曰黑龍江

臣秋濤謹案温都河即温多河恩吉德河即
昂衣得河提綱曰又東北有温多河自南合

五水北流四百里又有昂衣得河自西北大山東北流合六水折而東南流來並會其口如十字齊召南曰西一度四分極高四十六度七分昂衣得河源流長八百里自此以下曰黑龍江

又東流尼布楚河自北來入之又東經尼布楚城南

臣秋濤謹案尼布楚河一作尼撲處河提綱曰黑龍江折而東北曲曲稍北二百數十里

朔方備乘

卷二十四

良維諸水考

亥

合五水來會齊召南曰此水源在西二度六分極高四十八度九分又

東入內地黑龍江界臣秋濤謹案此語誤當刪蓋尼布楚城已於康熙二十八年割屬俄羅斯也詳尼布楚城考經泥撲處城南齊召南曰即尼布楚城在中度稍偏西二分極高四十六度八分

又東流復入中國界安巴格爾必齊河自西北來入之河東有分界碑詳見格爾必齊河篇內

臣秋濤謹案提綱曰又東南流數十里折向東北二百里折而東稍北二百餘里經界碑南即與鄂羅斯國分界處也有昂巴奇里比

其河臣秋濤謹案即安巴格爾必齊河自西北山合四水東南流來會齊召南曰界碑中偏東一度四分極高四十七度四分

又東流卓魯克齊河自北來入之

臣秋濤謹案卓魯克齊河亦作卓羅克其河亦作卓羅克齊河亦作卓洛克齊河提綱曰黑龍江自界碑前東南百里許折向東北二百數十里有卓羅克其河自西北大山合六水東南流五百里來注之

又東流烏魯穆河自北來入之

朔方備乘

卷二十四

良維諸水考

亥

臣秋濤謹案烏魯穆河內府圖作綽爾納色勒烏魯穆河提綱未載此水

又東北流額爾古納河自西南來會河南有摩崖刻分界碑詳額爾古納河篇內

臣秋濤謹案提綱曰黑龍江又東北二百餘里而克魯倫河西南自枯倫鄂模東北流為額爾古納河來會水勢益盛會處在界碑東北臣秋濤謹案此謂格爾必齊河界碑也五百餘里東西度正極高五十二度七分自源至此已數千里

又東北流墨河自南來入之

臣秋濤謹案墨河龍沙紀略作末河提綱作

謀河內府圖作謨河提綱曰黑龍江既會克

魯倫河東流數十里有謀河自南合三水來

入之

又東北流格爾必齊河自北來入之

臣秋濤謹案格爾必齊河一作哥里比其河

提綱曰黑龍江又東北數十里有哥里比其

河自西北山合四水東南流七百餘里來匯

朔方備乘

卷二十四

良維諸水考

三

又東北流鄂爾河自北來入之

臣秋濤謹案鄂爾河一作俄勒河一作俄羅

河提綱曰黑龍江又東北折而東有俄勒河

自西北合二水來匯

又東流鄂爾多昆河自北來入之

臣秋濤謹案鄂爾多昆河一作倭爾多昆河

一作敖兒多葦河提綱曰黑龍江又東有敖

兒多葦河自西北合三水來匯

又東流烏爾蘇河自西北來入之

臣秋濤謹案烏爾蘇河一作烏里蘇河一作

烏爾斯河提綱曰黑龍江又東百里許折而

東北數十里有烏里蘇河自西北大山

案山之北即合六水東南流六百里來匯

又東北流經雅克薩故城南而東波羅穆達河

自西北來入之額穆爾河自西南來入之

臣秋濤謹案雅克薩城本索倫部落所居

國朝崇德四年征取之而遷其人以充伍後

為羅刹竊據康熙中平之詳雅克薩城考波

朔方備乘

卷二十四

良維諸水考

三

羅穆達河一作博倫穆達河一作波羅穆克

河臣秋濤謹案此水提綱作博魯母打河次

額穆爾河見內一作厄牧勒河一作厄母里

河一統志作額木里河在黑龍江城西北一

千五百二十里臣秋濤謹案此水提綱曰又

東流百餘里經雅克薩城有厄母里河自西

南合三水東北流來注之齊召南曰城在東

十三度弱

又東北流折南流轉而東流旁庫河自西南來

入之

臣秋濤謹案旁庫河一作旁烏河一統志作

平庫河在黑龍江城西北一千四百七十里

提綱曰黑龍江又東稍北八十里齊召南曰黑龍江東

北流至此而極始折南流數十里折而東流有旁庫

河自西南來匯

又東南流額爾格河自西北來入之

臣秋濤謹案額爾格河一作二哥河提綱曰

黑龍江又東曲曲百餘里有博魯母打河自

朔方備乘

卷二十四

良維諸水考

三

北大山東南會四水流七百餘里來匯臣秋濤謹

案此水即波羅穆達河也然提綱敘次與會典諸書不同考之各圖亦不合疑必有誤故

錄而辨之又東曲曲數十里始折向東南流數十

里有二哥河自北大山合五水南流七百餘

里來注之齊召南曰此水源在五十度

又東南流巴爾坦河自西北來入之

臣秋濤謹案巴爾坦河一作必勒譚河一作

必勒潭河提綱曰黑龍江又東南有必勒譚

河自北大山合三水南流來匯此水長七百

里

又東南流瑚瑪爾河自西南來入之

臣秋濤謹案瑚瑪爾河一作呼馬拉河一作

呼麻拉河一作呼馬兒河一作呼瑪爾河康

熙中因羅剎竊據雅克薩城我軍築城於呼

瑪爾與之相持即此河旁地也一統志曰呼

馬爾河在黑龍江城北六百二十里提綱曰

黑龍江又東南曲曲二百餘里經查哈言哈

打地山西麓又東南曲曲三百數十里經道

朔方備乘

卷二十四

良維諸水考

三

土哈達嶺南麓有呼馬拉河自西合數水東

流千餘里來匯又曰呼馬拉河源出衣克古

克達地大山西北流百餘里會西南來一水

又北流數十里折而東北曲曲三百里有一

河合兩源自西來會折東流百里有他哈河

自西南依兒呼里山之北東北流合南一水

而東北來會又東北流曲曲百餘里折東流

又東北數十里有呼即里河自西北山合二

水東南來會又東數十里折東南曲曲四百

里有一河自西北來會又東南數十里有呼
藍河源曰窩勒可河自西南山東流會南來
三水而東北來會又東南曲曲四百餘里入
黑龍江南岸連山之南諸水皆入嫩泥江
又東南流洵斯河自北來入之

臣秋濤謹案會典圖說有洵斯河無必勒言
河提綱則有必勒言河無洵斯河考提綱載
必勒言河自東北發源西流繞道士嶺東麓
而南入黑龍江道士與洵斯音相近蓋卽一

朔方備乘

卷二十四

長維諸水考

三

水也

又東南經烏魯蘇穆丹城南

臣秋濤謹案烏魯蘇穆丹城在黑龍江城西

北三百二十里穆丹譯言河灣乃黑龍江水

中流環繞之灣也提綱曰黑龍江又東南二

百餘里經屋魯蘇木丹地西折而西南二十

餘里折向東南二十里又折向東北三十里

又折向東十餘里又折向西南二十里水勢

凡五曲若鉤已狀

齊召南曰東十度五分至
六分極高四十六度四分

又東南流滾河自西來入之

臣秋濤謹案滾河一作滾必拉哈提綱曰黑

龍江又南流有滾必拉哈合三源自西來匯

臣秋濤謹案必拉譯言河也必拉哈亦作畢
爾罕譯言小河溝蓋細流也猶南人言谿澗
矣

又東南流庫倫河自北來入之

臣秋濤謹案庫倫河一作庫蘭河提綱曰黑

龍江又東南流百餘里有庫蘭河自東北合

二源來注之

朔方備乘

卷二十四

長維諸水考

三

又東南流額蘇里河自東來入之

臣秋濤謹案額蘇里河一作厄蘇里必拉哈

提綱曰黑龍江又東南數十里有厄蘇里必

拉哈合二源自東來匯通志曰額蘇里畢爾

罕在黑龍江城東北四百十里額蘇哩城在

黑龍江城西北八十里按此城北卽額蘇哩

畢爾罕故以爲名康熙年間征羅刹駐官兵

於此城

又南流納西來三小水

臣秋濤謹案三小水會典圖說不著其名提

綱曰黑龍江又南百里有殿河自西北合二

源來注之折西南數十里復南有苦丁河自

西山東南流來注之臣秋濤謹案其上游曰衣士懇河其源西之隔

山水皆西南流入嫩泥者又正南數十里有厄你必拉哈

自西來匯殿河苦丁河厄你必拉哈即三小

水之名也

又南流精奇里江合諸水自東北來會

臣秋濤謹案精奇里江一日精奇尼江一日

朔方備乘 卷二十四 良維諸水考 美

錦衣里江一日淨溪里江一日淨溪里烏喇

北自外興安大嶺發源臣秋濤謹案提綱曰北自俄羅斯國界大

山南流蓋指興安大嶺為與俄羅斯國交界

之山也然本境之水凡流入黑龍江者其上

源盡屬中國隔山之地盡屬俄羅斯何獨於

此云出俄羅斯國界大山提綱所言殊未明

晰通志地理因之遂云錦衣里江出俄羅斯

境南流似此水上源係彼國之地者失之遠

矣今故錄南流合東北山諸大水折西南流

入黑龍江亦巨川也黑龍江自合三小水後

又南折向東流五十里與精奇里江會黑龍

江外紀曰精奇里江水黃俗稱黃河入旗通

志郎談傳恭載 聖祖諭云我兵將至

淨溪里烏喇令索倫接濟牛羊即此江也龍

沙紀略曰精奇尼江 盛京通志不載臣秋濤謹

案此蓋指舊志若精奇尼形容之詞如云誠

哉是也江源出境內極北之山在察哈鹽峯

之北將及千里江形如弓東流八百餘里合

西里母抵河復折而西三百餘里至額蘇里

與黑龍江合河之自西北而東南入於精奇

尼江者二納爾赫蘇希河拖喀河也自東北

朔方備乘 卷二十四 良維諸水考 七

而西南以入者十有七最大者曰阿爾集曰

甯尼曰西里母抵也其小河由阿爾集以達

者額爾格也烏能也烏拉喀也由甯尼以達

者勒都也帖牛也由西里母抵以達者陰鏗

也畢沙也陽奇爾也那拉也鄂爾模爾科也

木龜也翁額也外此曰烏爾格曰託莫曰貝

敦烏爾格與江發源一山雙汊並下不百里

而合託莫貝敦發源於都立奇山後迤邐以

入而江將盡矣提綱曰錦衣里江二源西曰

數十里有尼河自西大山合二源東流經烏喇站北而東來匯

又南流博科里山水自西來入之模里爾克河自北來入之

臣秋濤謹案博科里山水即博庫里河模里

爾克河即模里兒克河

臣秋濤謹案會典圖說與提綱列此二水

次序不同提綱曰黑龍江又東南百里經拖

里兒哈達北麓又東南折而南數十里經阿

克的蘇蘇之西又東南經德聞蘇蘇及扶祿

朔方備乘

卷二十四

長維諸水考

罕

蘇蘇之北又東南八十里至德兒得尼城之

東北有博兒豁里鄂模水北自喀分蘇蘇地

南流經查哈即城西南又合東北來之尤得

赫山水曰模里兒克河者經車赫得城北而

西入黑龍江黑龍江南經德兒得尼城東東

岸數里即車赫得城亦隔水相望也

齊召南曰東十

一度七分極高有博庫里河自西北來繞城

南而東匯之

又南流博屯河自北入之

臣秋濤謹案博屯河即博吞河提綱曰黑龍江又南經博庫里山東麓南匯為湖廣十餘里長三十里有博吞河自東北來會

又南流遜河自西來入之

臣秋濤謹案遜河即孫河提綱曰黑龍江又

南流稍東百餘里至馬哈拉查克丹地之東

南有孫河自西北來合西南來之占河東南

流經格里兒哈達之南而東來匯又曰孫河

源出枯母勒山之北曰孫色沁東北流經枯

朔方備乘

卷二十四

長維諸水考

罕

母勒里站之南折東流百餘里其北有厄育

勒河自西北合北來之厄楞古河東南流來

會又東流折而東南曲曲三百里而占河南

自大山北流合西來二水又東北流二百里

來會折而東南百餘里經格里兒哈達南麓

又東入黑龍江

又東南流科爾芬河自西南來入之

臣秋濤謹案會典圖說云黑龍江又東南科

爾芬河自其西南二水合東北流匯之

提綱作自

南來
匯

又東南流牛滿河自東北合諸水入之

臣秋濤謹案提綱以牛滿為經流圖說以卓

倫奇臣秋濤謹案為經流今按方略牛滿為

著名之川康熙初年羅利侵擾至牛滿等處

即此水也故仍標牛滿之目焉提綱曰黑龍

江又東南百數十里有牛滿河自東北合數

水而南流來匯之又曰牛滿河源出東北大

山南流數十里折西南流百餘里合北來一

朔方備乘

卷二十四

長維諸水考

望

水又正南流九十里合東來一水又西南流

百里折而南數十里合西北一水又南百餘

里合東北來一水又西南百數十里有卓倫

啟河自北合兩源東南流又合一水而東南

來會又西南三百里有塞拉馬河自東北合

三水西南流來會又西南曲曲二百餘里折

而南百里至蘇克西哈達之西北南入黑龍

江此水源流長千二百里

又東流南北各納數小水

臣秋濤謹案會典圖說曰黑龍江又東北合

哈拉河庫爾圖爾河珠春河庫魯河畢占河

南合烏伊河富河布倫山水扎伊河集達河

提綱曰黑龍江又東南經蘇克西哈達南麓

又東南有哈拉河自東北合二水西南流經

哈達東麓來匯又東南百餘里有烏衣河臣

濤謹案即烏伊河自西南合兩水東北流來匯又東

南數十里有甲里河自西南來匯又稍東北

流數十里折而東南有富河自西南來瀦為

朔方備乘

卷二十四

長維諸水考

望

湖復北流入之又東南有枯兒社里河自北

合三水南流來入之又東南折而東流經納

丹哈他拉山之南麓凡百里許有查衣河臣

濤謹案即扎伊河自南合二水北流經布輪山東麓

而北來匯又東稍南數十里抵南岸大山北

麓有枯母奴河自北來匯齊召南曰枯母奴

河即出納丹哈他拉山之北大山中東南

流循山東麓入黑龍江又東北數十里有木

春河自北合二水東南流來匯南岸山即喀

母泥哈達自西綿亘而東者也折東南流經

謀哈達西南麓又數十里有雞壇河自西南合二水來匯又東南數十里其北岸猶是謀哈達東南麓其南岸即木克阿里哈地北大山北麓也齊召南曰黑龍自受富河之後經兩岸大山中如蜀江出峽者五百里有枯育魯河臣秋濤謹案自北合二水來入之又東南有禾喬惠河自北來匯又東南有必占河臣秋濤謹案北自必占窩集山中合二水南流來匯齊召南曰窩集即深山也此河長三百餘里黑龍江至合此水始出兩山間行平地龍沙紀略記黑龍江曰江自

朔方備乘 卷二十四 良維諸水考 罍

蘇爾喜峯復折而東也峯之左曰牛滿河峯之右曰哈拉河又茂峯之左曰吉林河茂峯之右曰枯木占河又有朱春河枯育魯河蘇魯河必占河由東北而入江者八也又臥龍旗河五耳噶爾河西林母地爾河西雅蠻河匯牛滿以達於江者也與牛滿斜對曰擴爾芬河過此又有五音河嘉里河富河宰河葉爾白黑河由西南而入江者六也

又東流入吉林三姓城界與混同江會

臣秋濤謹案提綱曰黑龍江又東南百數十里折而東流土人稱為薩哈連烏喇又數十里折東南流百餘里而松花江會嫩泥河及甯古塔河諸水自西南東北流至查匪噶山之西而北分二支先後來會齊召南曰東十四十七度八分此以下凡曰噶山以居人聚落而名臣秋濤謹案松花江即松阿里江嫩泥河即嫩江又名諾尼江甯古塔河即呼拉哈河亦曰虎爾哈河皆巨川也因係內地之水無關邊防此不具載其吉林東北境水之入混同江者多與俄羅斯接壤故詳錄於後云龍沙紀略曰黑龍江過新艾渾城東稍東南流經拖里爾峯博枯里山西北至蘇爾喜峯之北又折而東經茂峯喀木之間至葉爾白黑河與松阿里江合西北視艾渾城已千里矣又曰盛京通志云黑龍江即薩哈連江薩哈連者黑也金史云混同江一名黑龍江水微黑考混同源出長白山舊名粟末江遼改爲混同江土人呼松阿里江金志誤宋瓦又傳誤松花其流自南而北黑龍江自北而南其與黑龍會歷二千五百里之遙則兩

朔方備乘 卷二十四 良維諸水考 罍

江不得混稱明矣松阿里江北與諾尼江合流折而東北受黑龍江又南受烏蘇里江匯注於海因其納三江之大故名混同則其上流未會於諾尼仍當稱松阿里江也金太祖伐遼將攻黃龍府次混同江無舟楫乘赭白馬竟涉世宗大定二十五年封混同江神立廟致祭蓋坤靈所鍾由來舊矣

又東流奇穆尼河自北來入之

臣秋濤謹案奇穆尼河即乞母泥河提綱曰

朔方備乘

卷二十四

長維諸水考

吳

黑龍江既會松花江東流折東北經查匪噶

山北又東北有數大洲

齊召南曰最大者近北岸之阿西克哈噶

山近南岸之改金噶山也

凡百餘里當改金山之北而支

港復合又東北數十里經衣禿噶山南中有

洲又東有乞母泥河西北自乞母泥窩集山

中合四水東南流來匯之

齊召南曰乞母泥窩集在必占窩集

東北三百里又北三百里為格連窩集皆連山綿亘落葉浮土人跡罕到自此而東至海濱皆杳茫窩集也

又東流與烏蘇里江會

臣秋濤謹案烏蘇里江即古胡里改江自大

山松林發源左右受數十水以在內地茲不

具錄提綱曰黑龍江又東南經乞納林噶山

北其東南即厄母雞山也又東南折而東北

江中有洲長三十里又東北百數十里經喜

魯林噶山兩聚落之北

齊召南曰喜魯林山在聚落西南二百里

又東經克勒母噶山北又東分為一派正派

稍東北數十里折而東南旁派東南流數十

里有烏蘇里江自南合諸水北流而先分一

朔方備乘

卷二十四

長維諸水考

吳

支西北流來會而東北流與正派合二派既

合而東中有大洲又東稍北而復東經松厄

里昂喀地之東北復分二派正派北流二十

里旁派東流十餘里而烏蘇里江一支渠自

西南來會北流經赫真噶山之西即赫克特

里地之西北也又北與正派復合經這乞林

噶山之東

齊召南曰烏蘇里江合處在東十八度三分至七分極高四十三度

四分及五分自合松花江至此四百餘里

又東北流庫魯河自北來入之

臣秋濤謹案庫魯河卽枯魯河提綱曰黑龍江水勢愈盛有枯魯河自西北窩集中東南流經汪達山西麓而南來注之江心有洲數處又東北經母兒枯噶山西北由得行里噶山東南而江心有洲長二十里齊召南曰中有噶山又東北流東西各納數小水

臣秋濤謹案此所納諸水之名會典圖說與提綱互異今具錄之以備參考圖說曰江又東北東合和羅河博敦河畢爾古河西合布

朔方備乘

卷二十四

良維諸水考

吳

庫河傳達里河對罕河提綱曰黑龍江又東折而東北經噶山四處之北而江分二派俱東北流五十餘里齊召南曰中有噶山又北復合經噶山三處之西爲巨浸中有兩大洲有敦敦河自東合五水西北流五百餘里來注之又北經兩處噶山之中北至赫根地東而江又分二派一正北流經五處噶山之東一東北流折而西北經三處噶山之西共百六十里復合有奴壘必兒忒河自西南合三水東北流

四百里來匯又北有巴勒兒河自東南合三水來匯又北有克七河自西來匯又東北受東來之呼兔他拉哈池水又北有富打克他拉哈池自西承西南兩源一河之水東流來匯

又東北格楞河自西北來入之

臣秋濤謹案格楞河卽格林河提綱曰黑龍江又東北經西岸之噶山三東岸之噶山二又北有格林河自西南合數水東流千里來

朔方備乘

卷二十四

良維諸水考

吳

會又曰格林河源出格林窩集在乞母泥窩集之北三百里有兩源南源東北流百餘里北源東南流數十里合西來一水又東南九十里合焉又東北流百數十里會西南一水又東流數十里折向北流有一水自西北來會又東北曲曲二百餘里分爲二派俱東北流六十餘里復合又東北百里有索米河自西北三合三水東南流來會又東稍南流曲曲三百里濬爲勒因鄂模自東北流出百

餘里入黑龍江江心有一大洲也

又東北流東西各納小水以十數

臣秋濤謹案會典圖說云東合倭克特河倭

爾吉河希拉遜河年塔哈河奇吉泊水鄂隄

河鄂敏河瑪哈爾河錫雅里河和勒爾河西

合溝根河庫爾古河綽羅河多林河齊克圖

哈河畢占河圖纏河梅庫河福達哈河按圖

說止著水名其先後匯流之次序則略而不

載今采提綱以補之仍箋其異名以備考提

朔方備乘

卷二十四

良維諸水考

辛

綱曰黑龍江又北有勾根河臣秋濤謹案自

西北合二水東南來匯又東北經福祿馬噶

山東有科兒古河臣秋濤謹案自西北松林

中東南流來匯又東北經科兒古噶山東由

忒噶山西南有由忒河臣秋濤謹案自東南

合二水來匯又東北經東西兩岸噶山各二

有哈兒即河臣秋濤謹案自東南來匯又北

折而東北經南岸噶山一有喜拉孫河臣秋

案即希拉遜河自東南合二源西北流來匯又東北

有截羅河臣秋濤謹案自西北來匯又北有

多林河臣秋濤謹案自西來匯又東北有七

可杜哈河臣秋濤謹案自西北來年塔哈

河臣秋濤謹案自東南並匯又東北經東西

兩岸之噶山各一又東北至西爾木噶山之

北又東分為二派一北流數十里折而東北

經一噶山南又數十里一東北流有克几必

兒忒池臣秋濤謹案自東南合四河之水西

北流來匯齊召南曰克几必兒忒池上源一

朔方備乘

卷二十四

良維諸水考

辛

北流三百里與南源會南源曰喜兒巴喜河

自南山北流合東一水西北流三百餘里會

為池西北流有刀灣河自南來會又西北有

會里河自東南來會又西北流中有大洲三

角分派入黑龍江水口又東北百里許經東

岸噶山一又東北有敖體河臣秋濤謹案自

東南來會又北與前派復合又東北受東南

來一水又東北有必占河臣秋濤謹案自西

大松林合四水東流六百餘里來匯又東有

樂民河臣秋濤謹案自東南來匯江心有洲

其西岸即色楞素山麓也又東北經葵馬山

西麓又北有夏里河臣秋濤謹案自東南來

有圖陳河臣秋濤謹案自西南來並匯又北

有梅苦河臣秋濤謹案西自松林來匯又北

有付打哈河臣秋濤謹案自西北來匯折東

流有馬哈兒七河臣秋濤謹案自東南來匯

稍東又受東來之赫勒里河臣秋濤謹案又

東北有法亭河臣秋濤謹案此水及自東南

來匯又北有氣甯河自東南來匯又北經木

乎勒噶山之西其西岸即松林也又北分爲

朔方備乘 卷二十四 長維諸水考 五

三派齊召南曰有阿可啟河臣秋濤謹案即

載於興滾河之後而東南自厄非金水合二

提綱列此必有一誤源西北流來匯又北復合

又東北流恆滾河自西北來會

臣秋濤謹案恆滾河一作興滾河一作亨滾

河源出楊阿林其北即外興安嶺南麓嶺北

即俄羅斯境也東流南合哈達烏爾河北合

哈滾河又東南流入黑龍江康熙初年羅刹

侵擾赫哲費雅喀人所居抵恆滾地方即此

水也乃吉林之東北境提綱曰黑龍江又北

至莽阿臣噶山之東南有亨滾河西自窩集

合數大水東北流千五百里來會江心有二

洲又曰亨滾河出羊山之東隔嶺東麓曰亨

滾色禽東流二百餘里合北來一水東南流

百數十里合西南來一水又東流百餘里合

北來一水行松漠中東南二百餘里有哈打

五而河西南自松林東流合南水四北水三

而東北流七百餘里來會又東北行松林間

朔方備乘 卷二十四 長維諸水考 五

曲曲八百里有厄米勒河自西北合數水東

南流七百餘里來會又東行二百里稍北經

衣思科路必而忒地之南又東百餘里至莽

阿臣噶山之南東入黑龍江此水自東十七

度八分至東二十四度源流幾二千里

又東北流噶穆河自北來入之

臣秋濤謹案黑龍江既會恆滾河又經集達

特噶城而東噶穆河出其西北山東流經城

北亦來會此水提綱未載

又東北流納諸小水又東北入於海

臣秋濤謹案會典圖說云南合巴爾克河科

奇河北合齊凌集河鄂米河里齊河時發海

河看丹河入於海提綱曰黑龍江又東北有

巴哈河自東南來匯又東北江心有巨洲有

七靈衣河臣秋濤謹案西自衣思科路必而

武池合西北來三水東流來匯之稍北有喀

兔米河自西北合一水東南流匯之又有敖

打里河自東南來匯之又東北經南岸阿而

朔方備乘

卷二十四 長維諸水考

五

哈噶山廟噶山之北受東南一水曰可七河

臣秋濤謹案在阿而哈之西受北來五水其

有名者曰藥米河臣秋濤謹案曰里七河臣

濤謹案即鄂米河臣秋濤謹案皆北出

松林中南流法武海河之東北即查哈達噶

山也又東北至別央阿山西南麓為初入海

之口其南岸即瓦吉噶山也齊召南曰東二

十二度八分九分又東北至達不哈敖佛洛山東麓

有堪達河臣秋濤謹案自北而東南來會其

南岸百里即啟不林敖佛洛山瓦巾朱魯哈

達也是為外口齊召南曰東二十五度四分

十八度混同江口以北東北海諸水

甯爾河

臣秋濤謹案甯爾河即甯艾河出七嘉可山

東南流入於海又按以下諸水皆在三姓城

東北境今敘次自南而北至近俄羅斯界之

索倫河而止

古第河

朔方備乘

卷二十四 長維諸水考

五

臣秋濤謹案古第河在甯爾河西北源出集

達特噶城北山中東北流入於海

圖瑚爾河

臣秋濤謹案圖瑚爾河在古第河西北源出

費雅喀人等所居山中東北流入於海

鄂古河

臣秋濤謹案鄂古河在圖瑚爾河西北源出

費雅喀人等所居山中東北流入於海

吉特河

臣秋濤謹案吉特河在鄂古河西稍北源出

噶穆河北山中東北流入於海

瑪尼噶河

臣秋濤謹案瑪尼噶河在吉特河西北源出

噶穆河北山中東北流入於海

阿拉河

臣秋濤謹案阿拉河在瑪尼噶河西北源出

噶穆河北山中東北流入於海

朔方備乘

卷二十四

良維諸水考

美

索倫河皆入於海

臣秋濤謹案索倫河在阿拉河之北源出外

興安嶺南麓東流入於海此河之北有戾拉

河戾拉河之北有烏底河皆東入海為甌脫

地又北逾大山即俄羅斯境也

朔方備乘卷二十四

知縣林穗初校
知縣丁紹基覆校

朔方備乘卷第二十五

考十九

色楞格河源流考敘

色楞格河

鄂爾坤河

楚庫河

克穆河

阿努河

臣秋濤謹案中國之水由俄羅斯境入北海者

朔方備乘

卷二十五

色楞格河源流考敘

一

以色楞格額爾齊斯為最鉅其他名川細流出

杭愛山北者皆會於色楞格出金山北者皆會

於額爾齊斯二水洶漠北之江河也今考其源

流並所匯各水別自為卷不編入北徼水道中

者以非俄羅斯境所得攝也仍列於北徼水道

之前者尊中國也色楞格所會諸川莫大於鄂

爾坤河且源流俱在中國故置於前列楚庫河

為中國與俄羅斯分界之水故次之克穆河發

源中國達羅剎境始與色楞格會故又次之阿

努河亦發源中國達羅刹境始因克穆河以會色楞格故又次之考會典及一統志諸書於娥河劍水多詳其源而略其委齊召南水道提綱不知克穆河即伊聶謝河至阿努河下游紀載家或誤以為入額爾齊斯蓋言漠北水道若此其難也今蒼萃中西圖籍述為是考或可為講邊防者之一助歟

色楞格河

色楞格河

朔方備乘

卷二十五

色楞格河源流考

二

臣秋濤謹案色楞格河一曰仙娥河見唐書同鵲傳

一曰仙萼河唐書地理志有仙萼州即以水為名也一曰昔令

哥河見朔方圖一曰僕輦傑河見元歐陽元高一

日錫蘭河見元耶律鑄雙溪醉隱集一曰薛靈哥水見元

一曰色冷額河見方略一曰塞倫額河見內一

日薛涼格河見史一曰習靈靄河見瀚海道

提綱曰漠北水之入北海可知者色楞格最

大源發杭愛頂以南凡鄂勒白稽山枯庫嶺

忒呵都伊嶺烏可克嶺以東杭愛尾及都蘭

喀喇山杭亦哈馬喇山與杜蘭喀喇山阿不

達拉太山以北大興安山大小肯特山以西

數千里川澤俱匯而北瀦為白哈兒湖為漠

北第一巨浸所合如厄赫河鄂爾昆河土喇

河者得河臣秋濤謹案者得河即澤德河楚庫河皆巨川也

臣秋濤謹案提綱所舉各水皆在中國其既

入俄羅斯界以後所匯各水尤眾如額爾口

河伊爾尼河巴喀拉河冬古薩河諸水亦皆

巨流至伊聶謝為古劍水其會合處水勢大

朔方備乘

卷二十五

色楞格河源流考

三

於色楞格河然色楞格已瀦為大湖而伊聶

謝並未有湖泊以淳蓄之則較論所納之水

仍以色楞格為尤盛也

上源曰齊老圖河出三音諾顏部中左末旗為

鄂爾哲依圖泊

臣秋濤謹案色楞格河水道提綱載有六源

最北源曰哈喇台爾河出杭愛山頂西南麓

即會典圖說所云德勒格爾河瀚海集所云

哈拉達爾河也次北源曰布克誰河即會典

圖說所云布克綏河也南源有四一日厄得勒河即會典圖說所云伊第爾河瀚海集所云伊得爾河也次南源曰齊老圖河與會典圖說同名即瀚海集所云貳吉兔察罕腦爾河也又次南源曰烏里雅台河即會典圖說所云特爾克河也最南源曰阿濟勒克河即會典圖說所云阿集拉克河也惟會典圖說以齊老圖河為正源不取水道提綱六源並發之說蓋水之入東海者以最西之源為正

朔方備乘

卷二十五

色楞格河源流考

四

源則水之入北海者自應以最南之源為正源就南源中論之特爾克河阿集拉克河皆細流不足當正源之目惟齊老圖河初發源即鍾為巨泊周數十里其為色楞格之上源無疑今謹遵之以為定論云提綱曰齊老圖河源出西界山下之額爾折衣圖察罕泊泊在鄂勒白稽山之南幹百餘里大山下西北經隔山之桑稽晉大來泊百餘里西十六度八分極四十八度七分泊周六十里自泊東

北流出經烏爾圖吳雅山南麓稍東會西北來一水又東百餘里有二水自西南合而來會始曰齊老圖河

東北流經中左旗右翼後旗特爾克河入之

臣秋濤謹案特爾克河即提綱所云烏里雅

台河也齊老圖河又東北二百餘里受南一

水又東北循山麓流百餘里而烏里雅台河

自西南來會烏里雅台河提綱以為即色楞

格又次南一源也出衣孫都蘭喀喇地山北

朔方備乘

卷二十五

色楞格河源流考

五

薩齊召南曰山在烏勒圖吳雅山東 東北流

會西一水南一水折而東而北共三百里會

齊老圖河又東北三十里而阿濟勒克河自

南來會

又東北流阿集拉克河入之

臣秋濤謹案阿集拉克河即提綱所云阿濟

勒克河也出衣孫都蘭喀喇地山之東北支

峯三水東北流合循山北麓東北共二百數

十里北會齊老圖齊老圖又東北二十里會

厄得勒又東北三十里而北源來會齊召南曰齊老圖自源至此長五百里

又東北流伊第爾河入之

臣秋濤謹案伊第爾河即提綱所云厄得勒

河也臣秋濤謹案齊老圖河所會水別有額德爾河與此不同或云此水本名伊第爾作厄得勒者齊

召南之筆誤也源出喀爾喀西界鄂勒白

稽山齊召南曰即杭愛山頂之西南大幹山也隔山西即桑稽晉大來泊也西十六

度九分極兩水自山麓東流而合又東會西

南來一水又東會西北來一水又東會南一

朔方備乘 卷二十五 色楞格河源流考 六

水又東稍北會北來一水及西南來二水之

合而東北者又東北一水自西北來入之齊

南曰共合七水又東名厄得勒河又東北曲曲而東

齊召南曰共行四百餘里而齊老圖河合諸源水自西南

來會

德勒格爾河自扎薩克圖汗部東南流來會

臣秋濤謹案德勒格爾河即提綱所云哈喇

合爾河也會典圖說曰德勒格爾河出唐努

山東南東流踰卡倫又東南流西納伊克和

羅河入喀爾喀扎薩克圖汗部界經右翼右

末旗會托爾和里克河臣秋濤謹案托爾和

河源之東亦東南流入扎薩克圖汗部界南流注於德勒格爾河又經中左

翼末旗西納布克綏河臣秋濤謹案布克綏

也入三音諾顏部界注齊老圖河提綱曰色

楞格河自喀爾喀西北杭愛山頂之西南大

幹諸山發源有六最北者名哈喇台爾河出

杭愛山頂西南麓三水東南流二水東北流

而合經山麓南齊召南曰源西十七度極四十九度七分去頂西稍南百

里又合西南二水并東北流者稍東而杭愛

南澗自西北來會又東受西北來一水即杭

愛東澗也折東南流有二水自西南合而來

會齊召南曰自源至此曲曲已二百餘里又東南始名哈喇台

爾河曲曲而東百數十里受西北來水一折

而南受西來水一又東南數十里經額爾齊

特山東又東南數十里有一河自西來會即

次北一源之布克誰河也布克誰河自山中

合五水東流共三百餘里會哈喇台爾河齊

朔方備乘 卷二十五 色楞格河源流考 七

南曰布克誰河源在杭愛山頂南稍又東南
東二百餘里即西南幹之曲而東者
二十里而南源來會齊召南曰北源至此長五百里

轉東流南納額德爾河阿察河北納北特里河

哈拉鄂倫河特里河又東流經左翼中旗中末旗

臣秋濤謹案額德爾河即南特里河阿察河

即阿又河哈拉鄂倫河即喀喇烏倫河提綱

曰南北源既會始曰色楞格河東流齊召南曰西十

四度八分極四十九度三分有南特里河南自温都勒山

朔方備乘

卷二十五

色楞格河源流考

八

北流來入之齊召南曰亦曰温都里山又東有北特里河

自北合二水南流經哈爾占布勒古得依山

西又南二百里經山麓來入之又東曲曲百

數十里有阿又河南自呼普蘇古兒山之西

北麓東北流來入之齊召南曰北岸有山疑即元時和林上都地山

水迥合西十四度一二分極四十九度三分所云嶺北當指賽堪山及庫庫齊老圖諸嶺

又東有哈喇烏倫河自北山合三水東南流

經納馬納山西麓而南來入之齊召南曰烏倫疑即和林

之轉聲元史以西有喀喇和林河得名然則此河之東色楞格之北即古和林城也

東南折而東北齊召南曰兩岸前後有山有特里河自北
山中合五水東南流三百餘里來入之

又東流哈綏河自西南來會始曰色楞格河

臣秋濤謹案哈綏河即哈瑞河出三音諾顏

部中左末旗東山東北流經右翼前旗西納

珠薩蘭河南納瑚努伊河又東北流入於色

楞格河考提綱以既合哈喇台爾河即名色

楞格而會典圖說則以合哈綏河後始名色

楞格蓋據圖為言也今從會典圖說提綱曰

朔方備乘

卷二十五

色楞格河源流考

九

色楞格河又東北數十里折東流有哈瑞河

自西南合呼納衣河東北流來會亦巨川也

又曰哈瑞河出西南幹山在齊老圖源之南

隔山三百餘里他米勒河源隔山百餘里西

十六度三分極四十七度七分東北流百里

合西南一水又東會西一水又東會南一水

折而北會西一水又東北有一水自西北大

幹山東流合北來衣孫都蘭喀喇地山南二

水而南流來會又東北百數十有一河合

二水自南來會始曰哈瑞河又東北曲曲三百里有米薩朗河自西合二水東流來會又東北循呼普蘇古兒山之南又東有呼納衣河自西南山中東北四百里經賽堪山北麓又東北百餘里來會又東北百餘里入色楞格河此河源流長九百里齊召南曰山脉西枝繞此河諸源之南曲曲千餘里為巴顏濟魯克山又北為賽堪山即賽罕山也又東北為納鄰庫勒墨地北之厄勒黑圖山又東稍南為厄魯墨德衣山峯嶺不斷山西北為哈瑞河山東南為鄂爾渾河

朔方備乘

卷二十五

色楞格河源流考

十

又東流入土謝圖汗部界

臣秋濤謹案色楞格河又東流塔特河自南來入之又東流歐爾河自西南合四水來入

之又東流扎達河自南來入之又東流巴爾

土河自南來入之皆細流也又東流入土謝

圖汗部界提綱曰色楞格河又東南流折東

北而東有哈喇托惠河臣秋濤謹案即塔特河西南自

厄勒黑圖山來入之又東稍北有阿爾達克

河臣秋濤謹案即歐爾河自西南合三水東北流又合

東二水北流來入之齊召南曰東來一水名烏兒河又東受

南來查達河臣秋濤謹案即扎達河又東受南來巴里

北河臣秋濤謹案即巴里土河北字疑杜字之謬

又東流額赫河自西北來會

臣秋濤謹案額赫河即厄赫河上源為庫蘇

古爾泊在唐努山烏梁海東南境伊克杭哈

河納林杭哈河哈拉錫爾河納林和羅河俱

出穆遜山南麓南流瀦焉復自泊東南流出

曰額赫河南北合數水庫克陀羅蓋河達爾

朔方備乘

卷二十五

色楞格河源流考

十一

沁圖河鄂依拉噶河阿拉渾博勒爾河俱出

卡倫外南流折東南亦來會又東經扎薩克

圖汗部三音諾顏部境又東南入土謝圖汗

部界北納努拉河布科倭河東南會色楞格

河提綱曰色楞格河又東稍北齊召南曰西十二度四分

極四十九度餘有厄赫河自西北大山東南流合翁

佳河諸水來會亦巨川也又曰厄赫河出西

北大山下之呼孫古兒泊西十六度至四分

極五十一度三分至七分泊北即大幹山在

湯努山東北千里泊西隔山即俄羅斯國之
烏斯河源也泊南北百數十里東西八九十
里周三百餘里中有山曰舍撥兒拖克阿林
近於西北自東南角流出數十里會西來一
水水南有沙拉達藍山又東南流會北來一
水又東南流有敖即可噶兒漢河自西合二
水東流來會又南流有翁佳河自西合二水
東流來會稍東有敖里可立河合二水自北
大山南合東一水又南合西北來之阿里可

朔方備乘

卷二十五

色楞格河源流考

三

河東北來之烏兀哈河又南百餘里來會又
東南有小水自西南來注之又東南有恩特
河自西南大山東北流合西北一水南三水
來會又東南有巴圖里烏巴什河自北大山
合三水南流來會又東南有拖拉喜河自西
南山合三水東北流來會又東南有額林河
自東北山合二水南流又東合厄不里謀登
苦兒河曲曲南流來會又東南數百里有他
黑巴哈太河自北山合三水南流來會又東

南數百里會色楞格河此水合有名之水有
八源流長千餘里

又東流喀拉瑚集爾河布喀河自南來入之鄂
博爾克倫河自北來入之又東流經右翼左旗
右翼右末次旗特爾格河自北來入之又東流
經中左翼末旗與鄂爾坤河會

臣秋濤謹案提綱曰色楞格河既會厄赫河
水勢愈盛稍東有市呼圖河
自南合三水來入之又東北河心有洲有布

朔方備乘

卷二十五

色楞格河源流考

三

喀河自南合一水來入之又東北受北來一
水又東北有一河自西南布昆沙拉山之北
東北流合東南一水北來入之又東受西南
一小水又東經布龍山北麓
齊召南曰山脈
西南自巴顏濟
魯克山巖堪山綿亘而東北為厄魯墨得衣
山又東為西拉克山為布昆沙拉山又東北
為此山蜿蜒至兩河合處山又東北數百里
為色楞格及鄂爾渾之界
而鄂爾渾河自南合土喇諸河之水東北流
來會
齊召南曰西九度
九分極五十五度
水勢大盛
齊召南曰
色楞格自
源至此已千七百里鄂爾
坤河土喇河二水見後

又東北流經恰克圖西

臣秋濤謹案恰克圖中國與俄羅斯互市處

也有理藩院司官駐此其北有俄羅斯國所

建市圈設有頭人管轄

又北流達俄羅斯國界

臣秋濤謹案色楞格河西岸有永和爾山東

岸有特們瑚珠倭爾輝圖山皆中國與俄羅

斯接界處也

又東北流澤德河自西北來入之

朔方備乘

卷二十五

色楞格河源流考

十四

臣秋濤謹案澤德河即者得河也亦作哲德

河提綱曰色楞格河既會鄂爾渾河又東北

百里有一水自東南來注之又東北百數十

里有者得河自西北大山合三水東流九百

餘里亦巨川也又曰者得河上源出西北大

山三水東流百數十里而合又東數十里有

一水自西來曰阿魯謀敦苦兒河東流會焉

又東南百餘里會北來一水又東南二百餘

里有喀木仰河自北山合三水東南流四百

餘里來會又東南百數十里有遮兒圖勒河

臣秋濤謹案即自西大山合二水東南流又

會西南來之即里多忒河折東北曲曲五百

里來會又東百餘里受北一小水又東百數

十里入色楞格河

又東北流楚庫河自東南來入之

臣秋濤謹案提綱曰色楞格河又東北百七

十里有一河合三水自西來注之又東北百

餘里經鄂羅斯國界之楚庫柏興西南亦曰

朔方備乘

卷二十五

色楞格河源流考

十五

楚庫拜商有楚庫河東南自喀爾喀境合數

水西北流來會齊召南曰西八度色楞格自

合鄂爾渾至此又五百餘里互詳楚庫河篇內

又東北流西納數小水又北流烏德河自東南

來入之

臣秋濤謹案烏德河即烏得河又作烏的河

蓋即漢時烏偁國地提綱曰又東北百八十

里有啟兒活河自東南合三水西北曲曲流

四百里來入之又正北流百餘里有敖龍屋

河自西南合三水東北流來入之又北流折東北百數十里有衣巴勒漢河自西合三水東北流六百里來入之又正北流百里經烏得拜商西南有烏得河自東南大山合兩水四源西北七百里經拜商南而西來入之又北折而東北百數十里有一河自西南山合二水來入之

又東北流折而北流伊談珠河自東南來入之

臣秋濤謹案伊談珠河一作伊坦珠河即衣

朔方備乘

卷二十五

色楞格河源流考

六

灘木河也提綱曰色楞格河又東北折而正北百數十里有衣灘木河自東南大山合兩水四源曲曲西北流五百餘里經衣灘木拜商南而西注之又北經拜商西而北數十里折而東北而西北曲曲百八十里有一河自西南合二水東北流三百餘里來入之又曰自楚庫河而東北如斂兒活河烏得河衣灘木河諸源皆出肯特山東北大幹山之北麓其隔山南麓皆東南流入黑龍江者

又西北瀦為白喀爾鄂模

臣秋濤謹案白喀爾鄂模一日白哈兒湖一

日白哈兒湖均見一統志一日拜喀爾鄂模見內

一日柏海爾湖見異域錄一日貝加爾湖見地理

一日麥嘉湖見總記一日拜加爾湖見地理一

日拜刺湖見圖說一日柏海見一統志一日白海一

日菊海說詳下一日白爾轄湖見坤輿圖說漠北第

一巨浸也提綱曰色楞格河又正北流折而

西北曲曲二百數十里北瀦為巨澤曰白喀

朔方備乘

卷二十五

色楞格河源流考

七

爾鄂模又曰白哈兒湖亦曰小海南北徑二百餘里齊召南曰極出地五十三度八分東西徑九百里或千里齊召南曰自西七度至十度五分色楞格自合鄂爾渾後水清溜急廣四五十丈兩岸多山於湖之正南流入齊召南曰西八度五湖四面俱有山水自東北角流入大有洲曰斂衣葦山臣秋濤謹案一作鄂伊衮南北五十餘里東西二百里十二月冰堅可渡即漢時海北丁零臣秋濤謹案海北當作北海唐時骨利幹都播

二部落北之少海臣秋濤謹案少海非此湖辨見下近黠夏

斯而色楞格即仙娥河劍河也臣秋濤謹案劍河在仙娥

河之西既以色楞格為仙娥河又以為劍河非也湖之大如海一統

志曰白哈兒湖在楚庫柏興北五百餘里亦

曰柏海去喀爾喀北界千餘里乃巨澤也南

北長二百里許東西廣千餘里四面皆山色

楞格河自西南流入臣秋濤謹案諸書皆作自正南流入與此不同

昂噶喇河自西北流出其從東北流入者又

有一河亦名昂噶喇中有洲曰鄂遼漢在湖

朔方備乘

卷二十五

色楞格河源流考

六

內之東北偏南北五十餘里東西二百里上有山岡多野獸水多魚蒙古五十餘戶游牧於此十二月下旬冰始堅可行三月盡冰始解按唐書地理志骨利幹都播二部落北有小海冰堅時馬行八日可渡海北多大山其民狀貌甚偉風俗類骨利幹晝長而夕短所謂小海即此水也又按史記匈奴傳匈奴留郭吉遷之北海上漢書蘇武傳匈奴徙武北海上無人處使牧羝武既至海上廩食不至

掘野鼠去草實而食之杖漢節牧羊單于弟

於軒王弋射海上給衣食賜馬畜王死後人

眾徙去丁令盜武牛羊武復窮厄匈奴使李

陵至海上為武置酒設樂武終不降後漢使

復至匈奴常惠夜見漢使教使者謂單于言

天子射上林中得雁足有係帛書言武等在

某澤中前言北海海上後言某澤以塞外遇

水澤通稱為海也白哈兒湖地在匈奴正北

與丁零正相近史記匈奴傳冒頓北服丁靈

朔方備乘

卷二十五

色楞格河源流考

十九

漢書李陵傳匈奴立衛律為丁靈王師古注

丁靈胡之別種又蘇武傳注丁令即上所謂

丁靈耳然則俄羅斯南境即丁靈故地而白

哈兒湖即蘇武牧羝之北海上歟臣秋濤謹

案柏海白海與北海音俱相近故地志家疑

即一地然骨利幹都播北之小海當是烏格

里達海灣非此湖也元史劉好禮被海都拘

執脫走至菊海蓋此湖又名菊海矣

巴爾古錫穆河入其東南

臣秋濤謹案巴爾古錫穆河異域錄作巴爾古西穆河源出伊談珠拜商東北境大山西麓西流約百餘里至巴爾古錫穆城南又西注於鄂模

德爾集昂噶拉河入其東北

臣秋濤謹案德爾集昂噶拉河源出東北大山南麓其北隔山即集林噶拉河源也西南流注於鄂模蒙古語德爾集上也此湖受色楞

格昂噶拉二水其下游例得互受通稱故俄

朔方備乘

卷二十五

色楞格河源流考

三

羅斯人以入北海之經流槩名昂噶拉河此河因被上游之目矣魏源以昂噶拉河為謙河謂此河即謙河上游誤也

復從鄂模西北溢為昂噶拉河

臣秋濤謹案提綱曰從西北角流出齊召南曰西十

度二分極五十四度七分曰昂噶喇河齊召南曰亦曰昂

阿拉河圖從五十度當即元史所謂吉利吉思之昂可刺河

西北流經伊爾古斯歸城南厄爾庫河自西南來入之

臣秋濤謹案伊爾古斯歸城即義爾古德斯

科異域錄之額爾庫城也亦曰額爾口城凡

喀爾喀邊境事皆此城頭目掌之提綱曰昂

噶喇河西北流百五十餘里至厄爾庫城受

西南來之厄爾庫河即圖之厄里口河也源

出阿爾泰頂之東北大幹厄谷登召山之東

北麓臣秋濤謹案即有兩水俱東北流西源

合四水東源合三水北流而合又東北有一

河自東南合二水東北流折而西北曲曲來

朔方備乘

卷二十五

色楞格河源流考

三

會又北曲曲流兩山間自極五十二度北至

五十五度徑已八百餘里

又西北流噶們噶河自東北來入之又折而西

南流倫多河自北來入之又西南流逕博拉斯

歸城北集達雅河自東南來入之又西南流薩

瑪爾河自東北來入之又西南流納南來一水

臣秋濤謹案有一水出穆遜山北二源並發

北流注昂噶喇河此水發源處在通肯圖拉

西北其東即額爾口河源也

轉西北流伊爾尼河自東北來入之

臣秋濤謹案昂噶喇河折西北流至里庫諾

伊卡倫南
臣秋濤謹案此俄羅斯所設卡倫 納伊爾尼河伊

爾尼河即異域錄之伊里穆河也源出伊林

斯歸城北山
臣秋濤謹案伊林斯歸即異域錄之伊里穆城 榮繞城

之北東南三面折而西南流至里庫諾伊卡

倫東來會約長六百餘里昂噶拉河自合伊

里穆河之後俄羅斯人亦呼為通古斯科河

又西流古爾班孟訥斯河自南來入之

臣秋濤謹案古爾班孟訥斯河源出穆遜山

西北麓其南隔山即中國之騰吉斯河源也

三源並發故以古爾班為名
臣秋濤謹案蒙古語古爾班三

也西北流九百餘里入於昂噶喇河

又西流滿達河自南來入之又西流罕河自東

南來入之

臣秋濤謹案罕河源出托羅斯嶺北麓其南

隔山即中國之伯集克穆河源也西北流二

百里折北流二百餘里合東南來一水又西

轉西北流伊爾尼河自東北來入之

朔方備乘 卷二十五 色楞格河源流考 三

北流合南來一水曰噶捫噶河又西北逕噶

捫噶噶珊南繞其西北入昂噶喇河

又北流伊聶謝河自中國發源合阿努河諸水

曲折東北流來會曰惹尼色河

臣秋濤謹案伊聶謝河即中國之大克穆河

也
互詳克穆河篇內 阿努河亦發源中國
互詳阿努河篇內

齊召南曰聞伊聶謝河長三千餘里受十餘

水較色楞格又大五六月尚有冰當即元史

所云謙河也
臣秋濤謹案惹尼色即伊聶謝譯文之異自此以後直至北海

通稱惹尼色河一作惹尼色斯河一作日尼塞河一作也尼塞河一作因尼西河一作葉尼賽河

又北流逕伊聶謝柏興東

臣秋濤謹案伊聶謝柏興即惹尼色斯歸城

亦曰也尼塞斯科康熙間使臣圖理琛由厄

爾庫城乘舟至此順流晝夜行水程三千餘

里沿途河岸寬闊之處間有田畝其山峻少

平之處亦有耕種者有小柏興甚稀俄羅斯

與布喇特及索倫人等雜處又曰昂噶拉河

轉西北流伊爾尼河自東北來入之

轉西北流伊爾尼河自東北來入之

朔方備乘 卷二十五 色楞格河源流考 三

兩岸奇巒絕壁疊秀橫空斷岸千尺水聲淙
淙巉石嵯峨橫波峭立風高浪激奔注如矢
又曰昂噶拉河內有伯克五處臣秋濤謹案
伯克一作碑
克破落克八處西費喇九處河內高峰及臨
水懸崖俄羅斯人名之曰伯克河兩邊皆峭
壁中有大石水直陡下流者俄羅斯人名之
曰破落克水淺有石水緊溜急之處俄羅斯
人名之曰西費喇五伯克之名曰滅提別西
伯克巴達爾滿斯克伯克多達兒斯克伯克

朔方備乘

卷二十五

色楞格河源流考

五

滅費斯克伯克費達穆克伯克入破落克之
名曰博合滅爾納破落克皮牙乃破落克巴
敦破落克多爾規破落克沙滿斯克破落克
阿普林斯克破落克木爾蘇斯克破落克四
鐵烈洛什破落克九西費喇之名曰鄂標穆
索斯奈西費喇洛什西費喇柏格西費喇郭
洛活瓦西費喇郭費般斯克西費喇噶什那
西費喇鄂費夏那西費喇鄂爾吉那西費喇
郭薩牙西費喇又曰伊聶謝柏興四面皆山

岡伊聶謝河自南流來大於昂噶拉河其昂
噶拉河來自東南離柏興十餘里歸入伊聶
謝河又繞過柏興向東北流入北海
又北流科穆河自西來入之

臣秋濤謹案惹尼色河又北流必特河自東
來入之又北流西納科穆河科穆河出瑪古
斯歸城東北山東北流約二百里逕伊聶謝
柏興之北又東入於昂噶拉河

朔方備乘

卷二十五

色楞格河源流考

五

東來入之
臣秋濤謹案惹尼色河又西北流傅爾底雅
多瓦河自西南來入之又西北流阿巴里尼
雅河自東南來入之又北流伊薩郭瓦河自
東來入之又北流納東來一小水又西北流
噶里克河自西來入之又西北流德薩底納
河自西南來入之又西北流必多巴河自東
來入之又北流色勒斯尼河自西南來入之
諸水皆細流也又折而東北流與鄂羅河合

鄂羅河源出里庫諾伊卡倫北山曲曲西北流四百餘里又西入於惹尼色河

又西北流左右各納數小水

臣秋濤謹案惹尼色河又西北流多羅西河

自東來入之又西北流音多沙雅河自西南

來入之又北流有一水自東來入之達羅瓦

雅河自西來入之又西流折北流有一水自

東來入之欣河自西南來入之

又北流巴喀拉河入之

朔方備乘

卷二十五

色楞格河源流考

三

臣秋濤謹案巴喀拉河源出日爾郭瓦泊在

伊林斯歸城西北泊周數百里日爾郭瓦博

爾薩雅河入其東南日爾郭瓦謨拉達河入

其西南復從泊西北角流出西北流百餘里

與東南來之特德拉河會

臣秋濤謹案此河出伊林斯歸城東

北大山北麓行三百餘里西流來會又西北流散巴納倭拉河

自東北來入之又西流納南來一水又西流

遜噶蘇爾薩雅河自東北來入之此河源出

一泊周數十里又西流納南來一水又西流

日博特噶捫納河又西流丰取斯噶河自北

來入之又西流納南來一水折北流索瑪雅

河自東北來入之又西北流二百餘里日巴

尼巴河有倭羅鄂巴河自東南來入之此河

源出一泊周數十里又西流勒特納雅河自

東南來入之

臣秋濤謹案此河源出索瓦湖湖周百餘里

又西流

始名巴喀拉河又西流入於惹尼色河此水

源流長千數百里亦巨川也

又西北流左右各納數小水

朔方備乘

卷二十五

色楞格河源流考

七

臣秋濤謹案惹尼色河又西北流錫特噶瓦

河自東來入之又西北流納西來一水又北

流巴納音河自東來入之又西北流納南來

一水又北流郭羅古河自東來入之又北流

惹老烏河自西來入之德底噶河自東來入

之又北流米拉河自東來入之又西北流博

集里噶河自西南來入之

又西北流惹羅珊河入之

臣秋濤謹案惹尼色河又西北流約二百里

徑德羅伊特斯郭格廟之西惹羅珊河發源西南窩集中曲曲東北流入百餘里經多羅三色吉城南又東入於惹尼色河

又北流冬古薩河入之

臣秋濤謹案冬古薩河蓋即唐書所載同羅

水也源出希穆斯歸城南希穆斯歸南距伊

林斯歸一千一百餘里北距冰海一千六百

餘里冬古薩河西流曲曲百餘里巴爾倭登

噶河自南來入之又西南流訥巴河自東南

朔方備乘

卷二十五

色楞格河源流考

无

來入之又西流日郭勒斯郭野河又西流博

爾薩惹野里瑪河自東南來入之又西流惹

羅瑪河自南來入之又西北流羅斯瑪納噶

河自東北來入之又西流伊里穆河自東南

來入之臣秋濤謹案異域錄有伊里穆

河即所稱伊爾尼河非此河也又西

流伊爾達河自南來入之都里噶河自東北

來入之又西流惹勒拉雅河自東北來入之

又西流索額達拉雅河自南來入之又西流

達穆拉河自南來入之又西北流勒達訥達

河自南來入之又西北流納東來一水又西北至德羅伊特斯郭格廟北又西入惹尼色河

又西北流迺多羅三色吉城東

臣秋濤謹案多羅三色吉城即唐多濫葛部

地也

又西北流左右各納數小水

臣秋濤謹案惹尼色河自多羅三色吉城東

折西北流繞城北又西流有一水自南來入

朔方備乘

卷二十五

色楞格河源流考

无

之又西流多訥斯奇納河源出窩集中自東

北來入之又西納北來一水折西北流伊哈

河自西南來入之噶多噶河自東北來入之

又西北流烏伯河自東北來入之伊薩拉克

河自西南來入之又西北圖替納河自東來

入之又折西流納南來一水又西北流頗替

納河自東來入之又折東北流烏伯尼雅河

自東來入之又西流舍達河自西南來入之

又西北流謨斯圖伊噶河自東來入之

又北流入於北海

臣秋濤謹案色楞格河入海處名烏格里達

海灣商舶多聚焉圖理琛言伊聶謝柏興距

北海大洋一月程蓋三千里也統計色楞格

河自發源至入北海凡九千一百餘里自烏

格里達浮海而北數百里有大島名伊策三

布拉島南北袤六百餘里東西廣一千三百

餘里唐書謂骨利幹北有小海冰堅八日可

渡者即指烏格里達以北之海也其二云海北

朔方備乘

卷二十五

色楞格河源流考

三

多大山其民狀貌甚偉晝長夕短煮羊胛纔
熟天即曙者即指伊策三布拉島也

鄂爾坤河

鄂爾坤河出三音諾顏旗二水合東流北合一

水經右翼中右旗右翼左末旗中前旗額魯特

旗折北流入土謝圖汗部界經土謝圖汗旗

臣秋濤謹案鄂爾坤河一作鄂爾昆河一作

鄂勒昆河水道提綱曰鄂勒昆河亦曰鄂爾

渾河舊名阿魯渾河音之轉也源有二一出

杭愛山尾南麓齊召南曰西十四度五分極四十七度東南流

日姑洛河齊召南曰杭愛山自西北枯庫嶺蜿蜒而東南四百里又東行百餘

里連峯相接山勢高大折東北數十里曲曲

其麓為姑洛河源又東行蟠際數百里

二百里而南源自西來會南源出鄂爾吉圖

都蘭喀喇山又有二齊召南曰亦作威者伊圖都蘭喀喇山即大黑

山也在杭愛之一自北麓東南流曰阿木勒

稽烏林塔河齊召南曰西十四度六分極四十六度八分亦作烏里雅思他

里而合又東百餘里與姑洛河會始曰鄂勒

朔方備乘

卷二十五

色楞格河源流考

三

昆河東南流兩山間百里折而東北齊召南曰北岸

山即杭愛山東南支阜其南岸即西自都蘭

喀喇綿亘而東為杭亦哈馬勒山隔山而南

即囊金二百餘里經西爾哈阿濟爾罕山西

麓之額勒德尼詔廟臣秋濤謹案額勒德尼詔廟即額爾德尼昭雍

正十年喀爾喀親王額駙策及章鄂山之東

麓齊召南曰章麓山亦高大即杭愛東支阜也疑此即唐時回鶻牙帳西之烏德隄山

而所謂盟昆水即鄂勒昆也

轉西北流濟爾瑪台河入之臣秋濤謹案鄂爾坤河又東北出山流百七

十里折而西北流二百里有濟爾瑪台河自西南來會濟爾瑪台河一作朱爾馬台河出三音諾顏部右翼中右旗東流經額魯特旗入土謝圖汗部界注於鄂爾坤河水道提綱曰朱爾馬台河亦曰朱勒馬台河出額黑鐵木兒山南麓東南流繞布庫鐵木兒山足折而東北流曲曲二百餘里瀦爲池曰察罕鄂模廣數十里又東北流百里有布勒哈爾台河南自達爾湖喀喇巴冷孫地之池水東北流來會又東北入鄂勒昆河又西北流塔米爾河入之

朔方備乘

卷二十五

色楞格河源流考

三

臣秋濤謹案鄂爾坤河又西北流五十里有鄂歸池水自東南來會又西北有塔米爾河自西南合數水東北流來會亦巨川也會典圖說曰塔米爾河出中左末旗東南山東流南北合數水經右翼中右旗察罕鄂倫河出其西山東北流來會又東經額魯特前旗入土謝圖汗部界入於鄂爾坤河水道提綱曰

他米勒河亦曰塔米爾河有南北兩源南源出杭愛山北麓在鄂勒昆源之西者曰呵索郭特河西北流百里許又在其西五十里者兩澗北流而合又在其西南九十里者三澗合而東北流有西北來二水皆會又東北始曰他米勒河又北而會呵索郭特河皆杭愛以北水也又東北會東南來一水其東卽蘇巴勒干山又北經特禮布拉克地東受西北來一小水又東北受西北來之朝穆多河又

朔方備乘

卷二十五

色楞格河源流考

三

東北經布拉干地南受西北來一小水稍東有車車勒里克河自南來會又東北受西北一小水又東北折而北流有一河合四水自西來入之又東北與北源會北源出枯庫東麓在杭愛山西北三百里有二澗東北流而合又北會東南來一水又東北而三澗自西北合而東流稍北來會又東北會西北來一水又東會南來一水又東北會西北一水始曰他米勒河北岸連山卽哈瑞河諸源也又

東流受北一水又東有一河西南自哈龍恩格勒山東北流合二水來會又東縮為台魯勒倭黑池廣數十里中有一山又東流有察罕烏林河自西北來會其南岸即布拉干北山也疑即和甯又東北百數十里而南源自西南來會又東曲曲百里折而東北百里會鄂勒昆河此水兩源俱五百餘里始合又二百里入鄂勒昆自杭愛山以北枯庫嶺以東諸泉皆匯入焉

朔方備乘

卷二十五

色楞格河源流考

三

又合數小水折東流經左翼前旗右翼左後旗與土拉河會

臣秋濤謹案提綱曰鄂勒昆河又西北折東

北流有依蘭喀勒奇拉河合三水自西來入

之又東北折正北循庫庫齊老台山西麓百

里經西里布里都地之蘇都池東

里又西南有小池又西百里即巴顏濟魯克山連峰不斷又北受西一小

水折而東北循西北麓有濟蘭崇古魯克河

自西北賽堪山東南流來入之

齊召南曰賽堪山甚高大

即巴顏濟魯克山之北行正幹又東經納折而東北為厄勒黑圖諸山者鄰庫勒墨地南受北一小水又東北至山麓有厄魯墨河北自厄魯墨得衣山池水南流來入之

齊召南曰池水以北隔山又東經都

水俱北入色楞格河者

關哈喇地北出山

齊召南曰即庫庫齊老台山之麓此山自南而北折

而東長二百數十里當鄂勒昆東南岸其東有溫泉

有哈兒渾木克河自東南來會又東流稍北曲曲四百里有哈

噶思三因杜魯河西北自布昆沙勒山東南

流合一水來會

齊召南曰山即西承阿魯墨得衣及西拉口山東北大幹

又東北為布龍山以

界色楞格南岸者

又東而土喇河自南合

喀魯忒哈河北流來會會典圖說曰土拉河

出土謝圖汗部右翼左末旗南流西納哈拉

圖魯河紅郭爾河經中旗折西流經庫倫又

經中右末旗中右旗喀嚕哈河出左翼中左

末旗北流經中左旗來會又北流經右翼左

朔方備乘

卷二十五

色楞格河源流考

三

旗入鄂爾坤河提綱曰土喇河即圖拉河發源喀爾喀中部敖嫩河源之西南百數十里許忒勒兒几嶺之西曰圖拉色禽

齊召南曰西七度八

分其東隔山即流入克魯倫之武西南流六十里與北源之出嶺北小肯武山南流百餘

里日喀拉禿魯河會齊召南曰北源隔山東北八十度八分西南流九十里有哈奚河自

西北合東來喀拉鄂模水西北來空烏魯河

東南流來會又南五十里有噶拉泰河自東

南大山西流來會齊召南曰山即噶拉泰嶺北自肯武山武勒兒几嶺

綿亘而南又南折而西為放拉薩山其東水皆流入克魯倫其西水皆流入土喇此山又

西南為興安嶺為阿不達拉太山南臨大漠又西為杜蘭喀喇山綿亘土喇河之南岸又

朔方備乘

卷二十五

色楞格河源流考

美

西北至會喀魯武哈河又西南經放拉薩山處而止首尾千有餘里

西麓又西南有阿拉克他河自北來入之又

西南有特勒兒即河自西北大山合東占河

二水東南流又合東北虧羅河來入之齊召南曰

山即肯武山之西南大幹綿亘不斷又南經又西南為阿達海嶺為色兒必嶺

興安嶺西支阜曲曲折而西流經厄圖克山

南麓其南岸即昭莫多地齊召南曰在興安嶺西百里河岸平

地其西曰巴顏朱拉克山 聖祖北征擊殲噶爾丹

勒銘處也折西北曲曲流又折而西經汗山

東北麓有坤河自南來會齊召南曰汗山在亦日慈山為喀爾喀中部駐牧地山三十里之東麓有坤河自南來北入土喇河又西有

烏里牙思太河自北大山來入之又西有色

兒必河自北來入之齊召南曰即色兒必嶺東北麓水也又西

至色兒必嶺南麓曲曲西南二百數十里至

杜蘭喀拉山之北齊召南曰杜蘭南即大漠西十度極四十七度五分

杜蘭喀喇南經甯夏九度經套北陰山六度隨山折而西北流齊

南曰南岸即杜蘭支阜綿亘北岸即色兒必嶺支阜又北行為查木勒山曲曲四

百餘里有喀魯武哈河自西南合數水東北

朔方備乘

卷二十五

色楞格河源流考

美

流來會亦巨川也齊召南曰喀魯武哈河源出平地在賽金河之北二

百里鄂爾昆河北折之東四百里西十二度極四十六度七分有二泉西北流而合又西

北百餘里有一水西南自科洛爾昆山東北

流百里來會山在額勒德尼昭之東南九十里又北流經昆庫勒山西折東北經利克內

山西又北流折而東北曲曲數百里與土喇

河會水口東即查木勒山西麓也此水源流長七百里西十一度四分極四十八度四分

土喇河又東北折而正北流三百里而鄂勒

昆河自西來會齊召南曰西十一度四分極四十九度此水源流長一千

六百 又東北經右翼左旗北合二水南與哈拉河會

臣秋濤謹案提綱曰鄂勒昆河又東北經卽拉哈卽圖布拉克地南有西拉說博太河北自布龍山南支阜合三水南流來入之又東北經喀里呀拉山西南麓中有大洲又北流有衣本河自西北布龍山東南阜合三水東南流來會又東北循山有哈拉河自東南合數水北流來會亦巨川也會典圖說曰哈拉河上源曰通克拉河亦出右翼左末旗南流經庫倫南納魁河折西流經右翼右末旗北

朔方備乘

卷二十五

色楞格河源流考

三

納哈達瑪爾山水南納多拉錫山水博羅河折北流注鄂爾坤河提綱曰哈拉河源出土喇河北與汗山相對之色爾必嶺之北麓曰癸河二澗合而北有那林河自西南來會又北有布勒哈泰河自西來會又北有阿達海河自東南松納拉河自東來會又北有通勒河東北自阿卽肯忒山之西麓合三源西南流來會又北折西北流有一河自東北合數水來會又西經拖羅什山北哈達圖兒山南

有博羅河自南會又西北有查克杜兒河自西南會又西北折正北流經杜拉孫那拉酥查克丹地之東大松嶺也又北經喀里呀拉山東麓又北入鄂勒昆河此水源流六百里又北流伊遜河入之又北流齊雅圖河入之又北與色楞格河會

朔方備乘

卷二十五

色楞格河源流考

三

臣秋濤謹案提綱曰鄂勒昆河又東北有衣魯河自東南合三水來入之又西北流至布龍山東北支阜而色楞格河自西來會自源至此曲折二千餘里按衣魯河當卽伊遜河別名其齊雅圖河則提綱遺之當據會典圖說補正也

楚庫河

楚庫河爲中國與俄羅斯分界之水源出陽阿林

臣秋濤謹案水道提綱曰楚庫河爲俄羅斯及喀爾喀界源出喀爾喀阿卽格肯特山之北麓隔山之南卽土喇河源隔山東南卽敖

嫩色禽也凡三源東北流百餘里而合

自俄羅斯境西流經中國土謝圖汗部卡倫外

右翼左末旗東北山諸水皆北流出卡倫匯焉

臣秋濤謹案水道提綱云又東北行平地中曲
曲三百餘里有一河合三水自東南大山來會
折西北流百餘里有一河合二水自東南大山
來會按提綱所記水皆無名又言楚庫河水東
北流亦與地圖不
合今據圖訂正

臣秋濤謹案楚庫河自俄羅斯境西流至明

几卡倫外庫謨里河自卡倫東三源並發東

北流來會楚庫河又西過庫布倫台山南俄

朔方備乘

卷二十五

色楞格河源流考

罕

羅斯境山也又西南流納雅魯哈當蘇河是

河自明几卡倫西南三源並發出卡倫外北

流入焉楚庫河又西流有一水自烏雅勒喀

卡倫內發源出卡倫東來會楚庫河又西逕

卡倫北有阿魯齊都勒河自肯特山北發源

合二水北流來會楚庫河又西流有一水發

源肯特山北流至庫德里卡倫東來會楚庫

河又西過庫德里卡倫北有哈扎河出博羅

努特山北東北流至卡倫西入於楚庫河

轉北流入俄羅斯界

臣秋濤謹案楚庫河折北流逕俄羅斯伊拜

商西又北流逕鄂爾齊都勒拜商西

又西北流有齊蘭河自南來入之

臣秋濤謹案齊蘭河出齊蘭卡倫外北流入

於楚庫河

又西北流逕楚庫拜商南又西流與色楞格河

會

臣秋濤謹案水道提綱云又西北曲曲流三

朔方備乘

卷二十五

色楞格河源流考

罕

百數十里經楚庫城南而西入色楞格河

克穆河

克穆河出托羅斯嶺

臣秋濤謹案克穆河一作克木河一作客木

河在唐努烏梁海旗境乃俄羅斯國伊聶謝

河之上源也元史謙河亦即此水或以昂噶

喇河為謙河失事實矣托羅斯嶺在穆遜山

西北嶺之陰為俄羅斯界嶺之陽為中國界

曰華克穆河南流陶托泊水入之

臣秋濤謹案華克穆河出托羅斯嶺南麓南流經哲布尊丹巴呼圖克圖門徒所屬烏梁海三佐領之西又南流陶托泊水自東來匯陶托泊水源出穆遜山西麓兩源並發合流曰烏魯河西流瀦為陶托泊和金哈河匯其北有二水匯其南復從泊西北流出入於華克穆河此地即元時撼合納部舊壤也按元史載撼合納部在烏斯之東謙河之源出此其境上惟有二山口可出入撼合納猶言布

朔方備乘

卷二十五

色楞格河源流考

望

囊蓋口小腹巨地形類此因以為名山水林樾險阻為甚野獸多而畜產少貧民無恒產者皆以樺皮作廬帳以白鹿負其行裝取鹿乳採松實及劓山丹芍藥等根為食即此河源所經也亦作熬合納部

轉西流布斯河入之又西多集瑪河入之

臣秋濤謹案華克穆河折西流經扎薩克圖汗部所屬烏梁海一佐領之西北又西流布斯河出章哈山北麓自南來匯又西多集瑪

河自北來匯又西特里泊水入之

臣秋濤謹案特里泊水出唐努山北麓西北瀦為泊又西北流自南來入於華克穆河又西哈爾吉河入之又西扎噶泊水入之

臣秋濤謹案華克穆河又西流哈爾吉河自南來匯又西流有扎噶泊周數十里當唐努山北近吉里克卡倫隔山之東瀦為泊其水東北流哈拉穆楞河自東南來匯又東北流

朔方備乘

卷二十五

色楞格河源流考

望

自南入於華克穆河又轉北流

臣秋濤謹案華克穆河折而北流經扎薩克圖汗部所屬烏梁海一佐領境納東來一小水其西岸當即元謙州舊壤也考元史言謙州亦以河為名去大都九千里在吉利吉思東南謙河西唐麓嶺之北居民數千家悉蒙古回紇人地沃衍宜稼唐麓嶺即今唐努山謙河至此折而北流故謙州得在其西矣

貝克穆河自東北合諸水來會

臣秋濤謹案華克穆河北流約四百里許而會貝克穆河自發源至此已一千一百餘里矣貝克穆河源亦出托羅斯嶺南麓在華克穆河源之西水南流緒為伯魯克泊復南流博爾魯克河自南來匯折西流阿薩斯河亦出托羅斯嶺緒為圖集泊從泊中流出自北來會又西流庫克穆河自南來匯又西流哈彥薩拉克穆河出托羅斯嶺西麓緒為特爾

朔方備乘

卷二十五

色楞格河源流考

畧

里克泊復從泊中流出與北來之伯集克穆河合自北來入於貝克穆河貝克穆河又西流納南來一水及北來之鄂克穆河又西流納南來一水及北來之伊博克河又西與華克穆河會貝克穆河自發源至此凡五百餘里匯有名之水七亦巨川也元史云東北有水曰玉須會於謙而注於昂可刺河玉須水當即貝克穆河矣
二水既合曰大克穆河又西流圖蘭河入之

朔方備乘 卷二五

臣秋濤謹案圖蘭河出塔爾噶克山西南麓南流合西北來之鄂克河又南流自北入於大克穆河元之益蘭州當在圖蘭河旁考元史言謙州益蘭州距大都皆九千里二州之境相距不甚遠也
又西流左右各納數小水

朔方備乘

卷二十五

色楞格河源流考

畧

臣秋濤謹案大克穆河又西流謨什克河巴拉克河皆自南來入之又西流烏蘭烏蘇河自北來入之又西流謨和爾阿拉河自南合一水來匯又西流額錫穆河自北來匯又西流察漢河拉爾河自南合一水來匯又西流特穆爾烏蘇河自北來匯又西流扎庫爾河自南合三水來匯
又折北流克穆齊克河自西來會
臣秋濤謹案克穆齊克河出唐努山北麓其南隔山即烏布薩泊也克穆齊克河東北流巴爾魯克河自南合一水來匯又東北阿克河自西來匯又折東流北納一小水南納集

三八九

爾噶瑚河又東流北納一小水南納扎達克河又東流入大克穆河提綱以此水為克穆河西南源長五百里

又北流達俄羅斯國界噶哈爾河自西來入之又北流烏斯河自東來入之

臣秋濤謹案大克穆河又北流其西岸曰克穆克穆齊克博穆山乃中國與俄羅斯交界處也又北流噶哈爾河自西來入之噶哈爾

河出中國境鄂爾噶汗山之北麓北流達俄

朔方備乘

卷二十五

色楞格河源流考

吳

羅斯界折東流入大克穆河大克穆河又北流有烏斯河自東來匯烏斯河出塔爾噶克

山北麓水道提綱記烏斯河發源處云即呼孫古兒湖之西隔山在杭愛山頂北

六百餘里自東南合三水西北流七百餘里來會

即元烏斯部舊壤也按元史烏斯亦因水為名在吉利吉思東謙河之北其俗每歲六月

上旬刑白馬牛羊灑馬湏成就烏斯水以祭

河神謂其始祖所從出也

又西北流逕烏邁圖喇東

臣秋濤謹案烏邁圖喇蓋即元吉利吉思部舊壤也考元史云吉利吉思南去大都萬有餘里相傳乃滿部始居此及元析其民為九

千戶其境長一千四百里廣半之謙河經其

中西北流又西南有水曰阿浦東北有水曰

玉須皆巨浸也會於謙而注於昂可刺河北

入於海俗與諸國異其語言則與畏吾同廬

帳而居隨水草畜牧頗知田作遇雪則跨木

馬逐獵土產名馬白黑海東青覈其所居蓋

朔方備乘

卷二十五

色楞格河源流考

吳

古黠戛斯境知克穆河即劔河矣

又北流阿努河自中國發源合阿穆哈河諸水

自西南來會

臣秋濤謹案大克穆河又北流六百餘里合

阿努河阿努河即元史之阿浦河也詳阿努

河篇內

又北流逕阿穆哈拜商東又折東北流曰伊聶

謝河又東流與昂噶拉河會

臣秋濤謹案阿努河與阿穆哈河合通稱阿

穆哈河及與大克穆河合俄羅斯人仍呼爲阿穆哈河故拜商卽以是爲名折東北流六百餘里曰伊聶謝河又東流逕伊聶謝柏興南與東南來之昂噶拉河會又北入於海詳見色楞格河篇內

阿努河

阿努河出唐努烏梁海旗北鄂爾噶汗山

臣秋濤謹案鄂爾噶汗山在唐努烏梁海旗

西北阿努河及察罕米哈河阿穆哈河皆出

朔方備乘

卷二十五

色楞格河源流考

吳

其北麓

北流察罕米哈河入之

臣秋濤謹案察罕米哈河發源鄂爾噶汗山

北麓臣秋濤謹案在阿努河源之東北流逕敖蘭烏納瑚山

西臣秋濤謹案山之東卽三音諾顏部所屬烏梁海十三佐領也又北流折

西北流入阿努河

又北流阿穆哈河入之

臣秋濤謹案阿穆哈河發源鄂爾噶汗山西

北麓臣秋濤謹案在北流逕烏梁海十佐領

之東臣秋濤謹案其西卽哈屯河科布折而多所屬阿爾泰諾爾烏梁海境也

東北流入阿努河

又北流達俄羅斯界過烏邁圖喇西境

臣

秋濤謹案阿努河東距烏邁圖喇約二百里

轉東北流南北各納一小水又東北流衛巴特河入之

臣秋濤謹案衛巴特河出托穆斯科東境山

其發源處距托穆斯科約四百里東流入阿

朔方備乘

卷二十五

色楞格河源流考

吳

努河

又東北流逕阿穆哈拜商南

臣秋濤謹案阿努河與阿穆哈河合故互受

通稱也

又東流入於克穆河

臣秋濤謹案阿努河卽元史之阿浦河也近

人有謂阿努河入額爾齊斯河而轉疑元史

所記阿浦會謙河爲誤者蓋未詳考諸水之

源委爾克穆河下游會色楞格河入北海詳

見前

朔方備乘

卷二十五

色楞格河源流考

辛

朔方備乘卷二十五

知縣林 穗初校
知縣丁紹基覆校

朔方備乘卷第二十六

考二十

額爾齊斯河源流考敘

額爾齊斯河

哈屯河

臣秋濤謹案額爾齊斯河發源中國之西北境由俄羅斯以達北海今別為一卷不與北徼諸水同編說已見前凡吉利吉思舊壤以西太和嶺以東谿澗之流鉅細畢赴綜其水道有三要

朔方備乘

卷二十六

額爾齊斯河源流考敘

一

焉南曰宰桑泊巨浸汪洋湖濱沃衍近西域鄰中國自古為匈奴右地西突厥葛邏祿相繼憑陵角逐於此此游牧之要地也中曰托博勒城東通揭的鄂布諸川西扼托波士拉各水為北方之都會此城郭之要地也北曰烏彌河口當冰海之中央為商舶之所聚此海道之要地也是三要者一在中國二在俄羅斯亦可知斯水為西北之樞紐矣臣曾萃圖籍考其源委並所受諸水合而次之至哈屯河亦係發源中國達

俄羅斯境始與額爾齊斯合流茲亦別爲一篇
附著於後云

額爾齊斯河

額爾齊斯河有二源

臣秋濤謹案額爾齊斯河源出金山金山爲

崑崙北支最大之幹故額爾齊斯亦爲正北

方最巨之川一曰也兒的石河見元史太祖紀一曰

葉兒的石河見元史憲宗紀一曰也里的失河見元史武

宗紀一曰額兒的失水見祕史一曰額勒濟思河

朔方備乘

卷二十六

額爾齊斯河源考

二

見水道一曰阿比河見志一曰疴比河見地理

考地理一曰阿被河見坤輿圖說一曰烏彌

河即阿比之聲皆此水之異名也坤輿圖說

云天下名河亞細亞洲阿被河長七千二百

里此河開凍時有大冰如山岳衝擊樹木兩

岸旁溢一千二百里土人遷移入山避之魏

源曰阿被河即額爾齊斯河一源出臺基湖

即宰桑泊也一源出大布里山則葱嶺北幹

也大布里山在烏拉嶺之西北亦名帕付林

斯科山其長直抵北海爲歐羅巴亞細亞二
洲之界在俄羅斯境內或疑阿被河爲葱嶺

以西之流則何由貫烏拉嶺而入北海又何

由列於亞細亞洲名川內乎

一源爲華額爾齊斯河

臣秋濤謹案華額爾齊斯河源出阿勒坦山

阿勒坦即阿爾泰古金山也在科布多西境

阿爾泰烏梁海之西南偏西域水道記曰丹

津多爾濟傳云附西第什哩傳雍正九年準噶爾賊

朔方備乘

卷二十六

額爾齊斯河源考

三

由華額爾齊斯至索勒畢烏拉克沁謀掠喀

爾喀謂此河也

一源爲喀喇額爾齊斯河

臣秋濤謹案華譯言黃也喀喇譯言黑也水

道記曰二水以黃黑異稱未審所由臣秋濤

謹案淮南子言崑崙河水出其東北陬赤水

出其東南陬洋水出其西北陬黃水三周復

其源魏源以爲黃水伏流潛發即阿被河也

山海經言崑崙之邱出河水赤水洋水黑水

與淮南同惟易黃水為黑水魏源以為淮南預指其重源故黃之山海經惟據龍池之初

源故黑之也今按額爾齊斯二源一以黃名

一以黑名故山經鴻烈或稱黃水或稱黑水

實一川也然則斯水之黃黑異稱其所從來

遠矣不須強為之說也水道記曰喀喇額爾

齊斯河出庫爾圖嶺南流百里左會一水復

西南流五十餘里與華額爾齊斯會水道提

綱云華額爾齊斯河徐松曰原作阿額勒濟思河今正西南

朔方備乘 卷二十六 額爾齊斯河源流考 四

流百里折西北百餘里喀喇額爾齊斯河自

東北來會是也阿喇布坦傳云康熙三十六

年噶勒丹自哈薩克圖哈喇阿濟爾罕遣使

土克齊色稜達什召阿喇布坦不赴且奪召

者騎自布延圖河徙阿勒坦之喀喇額爾齊

斯呼里木圖等處噶勒丹欲踰阿勒坦至額

克阿喇勒卓爾名在科布多城東捕魚食慮阿喇布坦

襲已不果尋自殺武功紀盛云傅爾丹出師

敗績於和通淖爾即和通呼爾哈淖爾敵既得志益猖

獺大策零敦多布駐華額爾齊斯小策零敦

多布駐喀喇額爾齊斯日伺釁擾邊按杜爾

伯特部傳云準噶爾台吉舊有策零敦多布

二大策零敦多布善謀小策零敦多布以勇

聞策妄阿喇布坦及子噶勒丹策零倚任之

蓋大小策零猶西燕之有大小逸豆歸矣

二河合為額爾齊斯河

臣秋濤謹案提綱云阿額勒濟思河西南流

百里折西北百餘里有喀喇額爾齊斯河自

朔方備乘 卷二十六 額爾齊斯河源流考 五

東北來會西域圖志云額爾齊斯郭勒有兩

源合而西行二百里東北會哈喇圖郭勒又

西行二百七十里東北會喀喇額爾齊斯郭

勒水道記云華額爾齊斯河西南流百里折

而西流五十餘里與喀喇額爾齊斯會是為

額爾齊斯河極四十六度十分西二十八度

二十分按三書所記里數各異未詳孰是河

之側元時置驛謂之大河驛長春真人西遊

記云辛巳中秋日抵金山東北少駐復南行

其山高深谷長坂車不可行三太子出軍始闢其路乃命百騎挽繩縣轅以上縛輪以下約行四程連度五嶺南出山前臨河止泊從官連幕爲營因水草以待舖牛驛騎有詩三絕其二云金山南面大河流河曲盤桓賞素秋秋水暮天山月上清吟獨嘯夜光球卽紀斯河之勝

西北流蘇布圖河入之

臣秋濤謹案蘇布圖河提綱未載水道記曰

朔方備乘

卷二十六

額爾齊斯河源考

六

額爾齊斯河西北流三十餘里蘇布圖河自北來入之蘇布圖河長百二十餘里

又西北流罕達海圖河入之

臣秋濤謹案罕達海圖河提綱未載水道記

曰額爾齊斯河又西北流三十里罕達海圖

河自北來入之罕達海圖河源處爲庫魯圖

河西南流百里爲罕達海圖河又西南入額

爾齊斯

又西北流奇喇河與克木齊克河入之

臣秋濤謹案奇喇河提綱作奇蘭河會典圖

說作齊蘭河又圖說列齊蘭河於庫魯圖河

之前與水道記異未詳孰是水道記曰奇喇

河在罕達海圖河西三十餘里源發自納林

奇喇境西南流百里一水西流五十餘里來

匯準語奇喇謂山梁也納林奇喇西北四十

餘里有孫都魯克嶺克木齊克河源發焉西

南流百五十里至額爾齊斯河北岸而匯同

入於河提綱云額爾齊斯既會又西折而西

朔方備乘

卷二十六

額爾齊斯河源考

七

北百八十里奇喇河自東南來匯蓋不數克木齊克河也策凌傳云雍正十年小策零敦多布復糾衆三萬由奇喇至額爾德河源策凌偕將軍塔爾岱禦之於本博圖山

又西北流固爾圖河入之

臣秋濤謹案固爾圖河提綱及會典圖說皆

未載水道記曰額爾齊斯河西北逕齊爾袞

特依山北凡四十餘里北會固爾圖河河長

百二十餘里齊爾袞特依山南卽噶勒札爾

巴什淖爾也

又西北流過納林喀喇山北博喇濟河入之

臣秋濤謹案博喇濟河提綱作布勒濟河會

典圖說作博爾集河水道記曰納林喀喇亦

噶勒札爾巴什淖爾北岸山車布登傳云

附布推哈坦巴圖爾傳乾隆二十一年和託輝特逆賊青

衮咱卜叛車布登將以兵會參贊塔爾瑪善

赴烏蘭嶺追勦阿睦爾撒納未至遽由納林

喀喇歸牧即其地山之東為阿勒坦烏梁海

朔方備乘

卷二十六

額爾齊斯河源考

八

山之西為和博克薩里土爾扈特策凌傳載

喀爾喀厄魯特分界議云策妄阿喇布坦存

日游牧和博克薩里察罕呼濟爾迪西數年

來漸越額爾齊斯推是言之和博克薩里初

亦準部地乾隆三十六年始界北三旗土爾

扈特布延圖親王駐之額爾齊斯自固爾圖

河西北流百二十餘里北會博喇濟河博喇

濟者準人名也舊居於此因以名河河二源

東源為霍木河發自阿勒坦山梁而西流西

源為哈那斯河西南流各七十餘里而匯又

西南流百餘里為博喇濟河入於額爾齊斯

車布登傳云罕篤叛由博喇濟遁俄儂河碼

木特傳云乾隆十八年杜爾伯特台吉車凌

等棄準噶爾來降達瓦齊遣碼木特追之由

博喇濟河入喀爾喀汛

又西北過庫克新山北哈布河入之

臣秋濤謹案哈布河提綱及會典圖說並作

哈巴河然提綱列哈巴於布勒濟之前未詳

朔方備乘

卷二十六

額爾齊斯河源考

九

孰是水道記曰額爾齊斯自博喇濟西北流

八十里右會哈布河阿睦爾撒納之來降也

達瓦齊遣策凌及巴雅爾等追之阿睦爾撒

納敗其眾於哈布河庫克新山者碼木特之

所游牧因以名其部故碼木特傳云碼木特

厄魯特人號庫克新今作蓋猶塔爾巴哈台

之厄魯特牧於巴爾魯克山謂為巴爾魯克

部矣元史耶律希亮傳云世祖召希亮赴闕

希亮由苦先城至哈刺火州出伊州涉大漠

以還苦先卽庫克新語解云庫克新者老也
又西北過卑爾素克托羅海境北喀喇哈布河
入之

臣秋濤謹案喀喇哈布河提綱未載會典圖
說作阿爾噶巴克河水道記曰卑爾素克托
羅海者科布多與塔爾巴哈台分界地也額
爾齊斯自哈布河西北流五十里右會喀喇
哈布河河三源並發爲古爾班柯爾河南流
二十餘里經塔布博勒齊爾卡倫東又南流

朔方備乘

卷二十六

額爾齊斯河源考

十

八十餘里爲喀喇哈布河入於額爾齊斯車
布登傳云乾隆二十年定北將軍班第由北
路進勦達瓦齊於伊犁道出阿勒坦以烏梁
海衆潛附準噶爾遣車布登沿途勦捕至古
爾班聶塔克及烏蘭布拉克喀喇哈布地遇
烏梁海副都統察達克屬得木齊綽罕句罕
桑圖布慎屬得木齊喀喇曼濟等眾盡降之
又西北流訥恰庫河入之

臣秋濤謹案訥恰庫河提綱未載會典圖說

作納齊庫河水道記曰額爾齊斯河西北流
六十里訥恰庫河發源烏爾魯嶺南流經噶
爾札爾巴什卡倫東凡二百里來匯

又西北流塔爾巴哈台河入之
臣秋濤謹案塔爾巴哈台河提綱未載會典
圖說作塔爾巴哈爾河水道記曰額爾齊斯
河西北流八十餘里塔爾巴哈台河西南流
折而東南又南經瑪呢圖噶圖勒卡倫東入
額爾齊斯河每歲冬科布多置瑪呢圖噶圖

朔方備乘

卷二十六

額爾齊斯河源考

十一

勒卡倫於河北塔爾巴哈台置瑪呢圖噶圖
勒罕卡倫於河南交守望焉
又西北瀦爲宰桑淖爾

臣秋濤謹案宰桑淖爾會典圖說作齋桑泊
水道記曰額爾齊斯河逕瑪呢圖噶圖勒罕
卡倫北又西北流百三十餘里瀦爲宰桑淖
爾亦曰鴻和圖淖爾鴻和蒙古古語鈴也見元史語解淖爾圓
椭圆形周四百餘里水道提綱作池周百里北極出地自
四十七度之五十九分至四十八度之三十

一分偏西自三十度之四十五分至三十一度之五十八分在阿勒坦山頂之西南百六十里準噶爾時有二十四鄂拓克各置宰桑領其衆凡六十二宰桑宰桑者其大臣也西域山有稱汗者哈瑪爾代青傳有汗阿林國語謂君曰汗阿林即山也淖爾得蒙重臣之目矣
俄儂河果莫孫河匯其東南

臣秋濤謹案會典圖說注淖爾東南者有俄東河特穆爾河當即此二水也水道記曰俄

朔方備乘

卷二十六

額爾齊斯河源流考

三

儂河發自薩里山陰在銜額爾河西銜額爾河即征西將軍祁里德勦厄魯特地也事見朋素克喇布坦傳俄儂河達山外北流五十餘里經俄儂郭勒卡倫東又北流六十里經烏里雅蘇圖卡倫西又西北流二百餘里入淖爾東南隅河之東岸哈薩克公庫庫岱度冬處俄儂河源西南百里爲果莫孫河河發自察罕鄂博舊卡倫東西流百里南匯齊巴克達孫河折而北經輝巴朗山西凡百五十

朔方備乘

卷二十六

額爾齊斯河源流考

三

餘里亦入淖爾東南隅去俄儂河入處三十許里果莫孫河西岸哈薩克台吉罕巴爾度冬處車木楚克扎布傳云附托多額爾德尼傳乾隆二十二年車木楚克扎布偕參贊唐喀祿奏言杜爾伯特貝勒巴圖博羅特公舍稜台吉阿喇善等通阿逆走額爾齊斯臣等偵得狀偕副都統瑚爾起馳赴輝巴朗山後擒巴圖博羅特等並勦烏梁海賊五十戶旋兵赴塔爾巴哈台緝哈薩克錫喇即果莫孫河所經山也

納林河哈流圖河匯其東北
臣秋濤謹案提綱有納思克河哈流圖河皆注額爾齊斯河其說未確今從水道記記曰納林河發自阿斯哈圖嶺西南流百八十餘里入淖爾東北水道提綱云此水出沙地不知名在阿勒坦頂北百餘里西南流三百里入池南去額爾齊斯河口五十餘里哈流圖河發自庫克烏嚕木嶺西南流百三十餘里入淖爾北東去納林河五十餘里臣秋濤謹

案會典圖說
作哈柳圖河

阿布達爾摩多河匯其西

臣秋濤謹案阿布達爾摩多河會典圖說作

阿布塔爾謨多河水道記曰楚呼楚河北為

喀拉瑪嶺嶺北有濟莫爾色克河河之西北

六七十里有水發自哈爾巴哈卡倫西東流

經卡倫北德布色格爾河自南經卡倫東來

匯是為哈爾巴哈河哈爾巴哈河西北五十

餘里有巴雅爾河又西北四十餘里有布古

朔方備乘

卷二十六

額爾齊斯河源考

西

什河二源並發東流而匯經布古什山南又

東經布古什卡倫南諸河皆東北流或百里

或數十里而止布古什河亦曰布固圖河乾

隆二十三年副都統唐喀祿偕厄魯特散秩

大臣和碩齊率兵追捕土爾扈特台吉舍稜

至布固圖河四月十七日獲舍稜弟勞章扎

卜勞章扎卜言舍稜願降狀釋之歸舍稜又

使請定地徙游牧唐喀祿疑其詐和碩齊固

請蒞其營二十日唐喀祿與侍衛富錫爾佛

爾慶額往和碩齊又言恐舍稜疑懼令官兵

下馬舍稜遣人送酒和碩齊飲之俄頃變作

唐喀祿與佛爾慶額俱死富錫爾射殺一賊

競前害之賊眾大譟我兵猝起迎敵至額卜

克特山和碩齊更衣降舍稜官兵多戰沒參

贊阿桂追賊至索勒畢布拉干之博勒齊爾

賊踰喀拉瑪嶺走俄羅斯布固圖河東北百

二十餘里為楚克河二源分東流百餘里而

匯是為阿布達爾摩多河二支匯處置阿布

朔方備乘

卷二十六

額爾齊斯河源考

五

達爾摩多卡倫於南岸河東流七十餘里入

淖爾西

復從淖爾西北溢為額爾齊斯河

臣秋濤謹案自淖爾北出之河西域圖志謂

之北額爾齊斯郭勒水道記曰濱河衍沃利

耕牧杜爾伯特及烏梁海人皆會牧於斯杜

爾伯特部總傳云車凌及車凌蒙克遣宰桑

以善耕卒百赴額爾齊斯成裘扎布傳云

附策
傳乾隆十九年赴額爾齊斯督屯田

科爾沁河入之

臣秋濤謹案科爾沁河會典圖說未載水道記曰額爾齊斯自淖爾西北流十餘里科爾沁河自東來入之科爾沁河發自莫根西里地西南流經烏哈爾卡倫南又西南經愛圖拜山西北入於額爾齊斯東南距哈流圖河百餘里

又西北流布崑河入之

臣秋濤謹案布崑河會典圖說作布坤河水

朔方備乘

卷二十六

額爾齊斯河源流考

六

道記曰額爾齊斯河西北流七十餘里西會布崑河河在阿布達爾摩多河之北百餘里源發自喀拉瑪山東南流經博羅鼐山南凡百里為布崑河又東流五十餘里經畢陵圖淖爾南和通卡倫北又五十餘里入於河嘉慶十九年將軍松筠與塔爾巴哈台參贊愛星阿會疏言塔爾巴哈台西北一帶卡倫綿亘千數百里夏展冬撤其內第三四五卡倫一曰哈爾巴哈一曰布古什一曰阿布達爾

摩多近臨大河河名布崑哈薩克回語布崑

為蚊蠓總名每年五六月間山雪消融眾水匯流入河沿岸衝刷水勢散漫蕩漾滿灘徧生蘆草聚育蚊蠓巡查官兵胼胝沙水應差馬匹圈在木棚每日黎明稍得牧放日出之際馬皆自歸周圍常用糞火煙薰略能住足故多倒斃請移哈爾巴哈於大烏里雅蘇圖移布古什於特穆爾綽爾霍移阿布達爾摩多於阿拉善布拉克並移和通霍爾海於哈喇布雅從之哈爾巴哈河西罕巴爾度夏處布崑河西庫庫岱度夏處庫庫岱者右部哈薩克王阿布勒必斯第六子乾隆五十五年授公爵罕巴爾者西部哈薩克台吉薩呢雅斯第四子嘉慶五年以捕賊功授第五品秩二人不相能故時有控訴

朔方備乘

卷二十六

額爾齊斯河源流考

七

又北烏柯爾烏蘇入之

臣秋濤謹案烏柯爾烏蘇提綱及會典圖說皆未載蓋在卡倫外也水道記曰額爾齊斯

既會布崑北流逕札哈蘇淖爾東

淖爾在布崑河北岸

里札哈蘇二淖爾皆周數十里南北相去里

許兩淖爾間置卡倫淖爾東北八十里為輝

邁拉呼卡倫卡倫臨河西岸其東岸為那瑪

嶺嶺道崎嶇攀援乃能上每歲夏塔爾巴哈

台置輝邁拉呼卡倫於河西科布多置霍尼

邁拉呼卡倫於嶺間臨河以幾禁俄羅斯之

通商者

理藩院事例云俄羅斯等除在恰克圖交易外霍尼邁拉呼卡倫不准通商

額爾齊斯河出卡倫乃東北流百八十餘

朔方備乘

卷二十六

額爾齊斯河源考

支

里烏柯爾烏蘇由東南流百里來匯

又東北流納林河入之

臣秋濤謹案北額爾齊斯之東西岸各有一

納林河蓋同名異地也此為東岸之納林河

水道記曰額爾齊斯東北流五十里納林河

由東南來匯河發自巴爾哈斯淖爾

在阿勒坦烏梁

海西北岸奇車爾庫嶺其水西北流八十餘

里至博恩濟海折而西流四十餘里有托和

喇爾圖河南流百餘里溫都里烏里雅蘇河

北流百餘里皆來匯又西流五十餘里有烏

魯爾河南流百餘里來匯又西流十餘里有

庫蘭阿濟爾罕河北流百餘里來匯又折而

西北六七十里入於額爾齊斯河

又北莫依磷河入之

臣秋濤謹案水道記曰額爾齊斯河東北流

折而北凡百里莫依磷河由西流百里來匯

額爾齊斯河之西岸皆哈薩克境自此而北

出其界納噶察傳云納噶察從阿睦爾撒納

朔方備乘

卷二十六

額爾齊斯河源考

九

班珠爾竄牧額爾齊斯誘哈薩克兵掠準噶

爾境是其地相接矣

又東北流布克圖爾瑪河入之

臣秋濤謹案水道記曰額爾齊斯河東北流

五十里東會布克圖爾瑪河二源東源發

自阿勒坦山梁西源發自和托霍爾嶺分西

流百里匯為海爾庫門河又西北流五十里

為布克圖爾瑪河又西北流百五十里有布

魯勒河西南流七十餘里來匯格塔克延丕

勒傳云附朋素克喇布坦傳康熙五十六年大軍由布

魯勒擒厄魯特羅卜藏錫喇布等又諸爾布

班第傳云附卓特巴傳康熙五十九年隨振武將

軍傅爾丹由布魯勒進剿準噶爾即此河也

布克圖爾瑪河既匯布魯勒又西流百里入

於額爾齊斯河

又東北流達俄羅斯國界

臣秋濤謹案水道記曰塔爾巴哈台所屬哈

薩克之北境科布多所屬阿勒坦淖爾烏梁

朔方備乘

卷二十六

額爾齊斯河源考

二十

海之西北境皆與俄羅斯國毗連水入彼界

難知翔實康熙五十一年使臣圖理琛詣土

爾扈特阿玉奇汗所牧之額濟勒河假道俄

羅斯往返郵程經歷額爾齊斯撰為異域錄

今採其書粗備條貫云臣秋濤謹案西域水道記載額爾齊斯河

達俄羅斯國界過托穆斯科引異域錄云哈

薩克國哈拉哈爾國策妄阿喇布坦與俄

羅斯國分界之處曰托穆斯科云又東

北流過鏗格爾圖喇臣秋濤謹按地圖額爾

齊斯河自出卡倫達俄羅斯界即過鏗格爾

圖喇東西兩岸匯小水無數並無先過托穆

斯科之事其托穆斯科南臨托穆河又南距

阿爾泰淖爾六百餘里托穆河西流入鄂布

河鄂布河又西北流二千餘里始入額爾齊斯河距鏗格爾圖喇已三千餘里矣此西成水道記之誤也考異域錄原文亦無額爾齊斯過托穆斯科之說今刪去之仍為辨正於此

又東北流過鏗格爾圖喇

臣秋濤謹案鏗格爾圖喇一作坑格勒圖拉

俄羅斯小城也水道記曰額爾齊斯河既會

布克圖爾瑪河北流有胡蘇圖水自東來入

之又東北有烏蘭齋水自東來入之圖魯台

水自西來入之又東北有一水自東來入之

朔方備乘

卷二十六

額爾齊斯河源考

二十一

烏達圖水自西來入之又東北有烏里雅蘇

圖水自東來入之額貝圖水自西來入之又

東北有坤達圖水自東來入之阿海圖水自

西來入之又東北有一水自東來入之烏里

雅台水自西來入之又東北有布爾噶蘇台

水自東來入之塔里袞水自西來入之諸水

皆細流也額爾齊斯河又東北逕鏗格爾圖

喇之東

又東北流過森博羅特城

臣秋濤謹案森博羅特亦作僧博羅特水道記曰額爾齊斯河自鏗格爾圖喇東北流有額布根水自西來匯又東北有圖倫亢寄淖爾水自東經哈里爾之北來匯又東北有一水自東來匯阿布水自西來匯又東北有烏蘭布拉克自西來匯又東北逕布里爾之東有一水自東北來匯又東北有烏孫楚謙水自西來匯又東北有察罕鄂爾博水自東來匯又東北有察爾河自西南來匯又東北逕森博羅特城東森博羅特城極五十三度三十分西三十二度二十分地距中國界已千餘里阿睦爾撒納之窟也實由斯以遁定邊右副將軍兆惠奏言委署參領額林策等至俄羅斯森博羅特圖喇向瑪玉爾查問阿睦爾撒納蹤跡瑪玉爾言適據齊倫圖喇報稱有步行二人向刈草之人告云我係阿睦爾撒納可報知爾頭目前來渡我其人即告知喀丕坦遣人操舟前往久未回報復遣人往

朔方備乘

卷二十六

額爾齊斯河源考

三

看並無蹤跡惟於額爾齊斯河曲尋獲渡口小舟蓋由此渡河以東矣又東北流過達布遜淖爾臣秋濤謹案水道記曰額爾齊斯河自森博羅特城東北流有一水自東來匯折而西流數十里包達布遜淖爾之北以至其東淖爾北極出地自五十四度二十五分至五十五度八分偏西三十二度三十分達布遜淖爾者鹽池也康熙五十九年俄羅斯使臣伊思邁羅副言我國之人今於鹽池以南宰桑淖爾之處修葺房屋居住乾隆二十年參贊富德奏言額爾齊斯之北有達布遜圖喇地方其地產鹽又東北折而西北流塔喇河入之臣秋濤謹案塔喇河一作多拉河水道記曰托穆斯科西北二千五百餘里為塔喇斯科元史曷思麥里傳進擊幹羅思於鐵兒山克之鐵兒即塔喇之轉也異域錄云塔喇斯科

朔方備乘

卷二十六

額爾齊斯河源考

三

額爾齊斯河來自東南向西北而流塔喇河
來自東南於塔喇斯科相對地方歸入額爾
齊斯河沿途地平坦俱林藪有杉松馬尾松
楊樺榆叢柳櫻菓沿額爾齊斯河岸皆塔塔
拉人居住間有田畝塔塔拉者原係庫程汗
之人又名貨通自俄羅斯取托波兒等處將
其人散處於阿勒坦山後沿額爾齊斯河一
帶及托波兒並喀山等地方額爾齊斯河之
南岸有廬舍居千餘戶俄羅斯與塔塔拉雜

朔方備乘

卷二十六

額爾齊斯河源考

五

處天主堂六座設管轄柏興頭目一員駐兵
五百名按俄羅斯俗以十六寸為一尺舊以
千步為一里又改五百步為一里以此積算
其地故為遼遠

又西北流托波兒河入之

臣秋濤謹案托波兒河一作托博爾河水道

記曰額爾齊斯河自塔喇斯科西北流一千

二百餘里至托波兒

臣秋濤謹案托波兒即托博勒城乃錫伯利部

總管噶噶林治所一都會也而會托波兒河異域錄云費

耶爾和土爾斯科城之西北二百餘里有費
耶爾和土爾斯科佛洛克嶺山不甚大沿途
皆林藪有馬尾松果松杉松楊樺櫻菓刺玫
山嶺嶺上隨處流泉地甚泥淖上嶺五里許
下嶺十里許自嶺西流出者謂之托波兒河
自嶺東流出者謂之土拉河俱向東南流經
圖敏地方土拉河歸入托波兒河又云自圖
敏由土拉河溯流西北舟行五百餘里至鴉
班沁沁河兩岸有杉松楊樺叢柳甚稀有小

朔方備乘

卷二十六

額爾齊斯河源考

五

柏興二十餘處柏興附近俱種田畝俄羅斯
與塔塔拉雜處土拉河之西岸有柏興廬舍
居人二百餘戶俱俄羅斯人有天主堂三座
設管轄柏興頭目一員無兵鴉班沁西北四
百餘里為費耶爾和土爾斯科城沿途皆山
岡多林藪惟有杉松馬尾松楊樺地甚泥淖
有小柏興四五處土拉河來自西北流經費
耶爾和土爾斯科城之西面向東南而流河
之東岸石山上下及河之兩岸有柏興廬舍

居人七百餘戶俱俄羅斯人天主堂五座有市廛設管轄柏興頭目一員駐兵三百名此處一帶山色奇秀室宇清潔土拉河環抱舟楫往來宛如江南應接不暇忘異鄉行路之崎嶇也又二百餘里經費耶爾和土爾斯科佛落克嶺其嶺峯巒競秀泉脈爭流夾路野花若張錦綺雖極高之處亦泥淖有水斯即土拉河托波兒河所由發源蓋二河並東南流千一百餘里而匯又東北千餘里而至托

朔方備乘

卷二十六

額爾齊斯河源考

三

波兒也托波兒在狄穆演斯科西南六百餘里額爾齊斯河來自東南繞逕托波兒向東北而流托波兒河來自西南於托波兒相對地方歸入額爾齊斯河

又東北流過狄穆演斯科

臣秋濤謹案狄穆演斯科今圖作底穆彥斯歸水道記曰額爾齊斯河自托波兒受托波兒河水東北流六百餘里至狄穆演斯科異域錄云托波兒河歸入額爾齊斯河沿河兩

岸地勢平坦有杉松楊樺櫻菓叢柳小柏興五十餘處左近皆田畝托波兒以北二十餘里河東岸之上有小土山極平坦無城郭居人千餘戶其廬舍皆大木營治有磚造廟宇二所理事公署木房數間其山麓及河岸一帶居人二千餘戶其廬舍亦皆大木營治有市廛天主堂二十餘座駐兵二千餘名有頭目十數員額爾齊斯河自西南向東北而流至狄穆演斯科水濁溜急

朔方備乘

卷二十六

額爾齊斯河源考

三

又東北流過薩馬爾斯科

臣秋濤謹案薩馬爾斯科今圖作薩瑪羅特城水道記曰額爾齊斯河自狄穆演斯科東北流六百餘里至薩馬爾斯科異域錄云自薩馬爾斯科至狄穆演斯科沿河一帶東岸之上皆土山平坂有杉松楊樺櫻菓等樹甚密河邊皆叢柳兩岸有小柏興十餘處間有田畝俄羅斯與鄂斯提牙斯科並塔塔拉人雜處其河東岸土山之上

人五十餘戶皆俄羅斯人柏興之四面皆田
畝有天主堂一座無兵一種草果俄羅斯名
之曰馬里那蒙古人名之曰和厄柏兒濟爾
根形似桑椹色赤味甘酸幹不盈尺額爾齊
斯河岸山內甚多柏興各處小兒鬻賣

又東北流有中國發源之哈屯河亦名鄂布河

合托穆河揭的河諸水西北流來會互詳後哈屯河篇內

臣秋濤謹案異域錄云鄂布河自托穆斯科

二百里外來自東南向西北而流俄羅斯呼

朔方備乘

卷二十六

額爾齊斯河源考

三

為鄂布河其巴爾巴忒人呼為牙巴里河有

托穆河來自東南由西面繞經柏興向西北

而流至百里外歸入鄂布河鄂布河西北流

千餘里有楚里穆河自麻科佛斯科山內發

源向西南歸入鄂布河楚里穆河岸林藪內

皆塔塔拉人散處甚稀捕灰鼠銀鼠狐狸納

貢鄂布河又北流數百里有揭的河來入之

揭的河自麻科佛斯科佛落克嶺發源環流

麻科斯科向西北而流河寬六七丈不等多

灣曲水色赤蚊虻甚多沿河有小柏興四五

處俱俄羅斯居住其地平坦水窪處甚多皆

林藪有馬尾松果松杉松楊樺柳櫻菓刺玫

河岸下多土燕巢穴產熊貂鼠狐狸銀鼠灰

鼠有一種人類索倫名曰鄂斯提牙斯科在

揭的河兩岸林木內散處捕貂作貢一種魚

形類鱈魚口似鮡無鱗脊上並兩肋有骨三

條連生肉味同於鮡魚大者不過三尺俄羅

斯名之曰四帖里烈貼蒙古人名之曰舒里

朔方備乘

卷二十六

額爾齊斯河源考

三

於未凍河之前自北海由鄂布河溯流而來

甚多人皆漁捕曝乾為食亦貨賣由揭的河

順流無晝夜行十一日河面遂寬林木漸稀

河水漸白蚊虻亦多經羅新訥雅爾及茹斯

科村落凡水程二千五百里至那里穆柏興

鄂布河自南流來經柏興向西北而流揭的

河來自東南至柏興附近歸入鄂布河由鄂

布河順流而下水面多白蛾或飛樹上或浮

水面似柳絮乘風楊花鋪地水程西北一千

四百餘里經蘇爾呼忒柏興河濁溜緩水漲
四溢洲渚甚多沿河兩岸地勢平坦皆林木
有杉松楊樺櫻莢河邊多叢柳鄂斯提牙斯
科人在林內散處河之北岸向有柏興廬舍
居人二百餘戶天主堂三座因失火燒燬少
半新結廬舍餘皆穴處俱俄羅斯人設管轄
柏興頭目一員駐兵百名又順流乘風揚帆
而行西南六百餘里至薩馬爾斯科河東岸
有土山不甚大有杉松楊樹河邊有叢柳山

朔方備乘

卷二十六

額爾齊斯河源流考

三

麓一帶有廬舍百餘間居人五十餘戶皆俄
羅斯人有天主堂一座設管理驛站船隻頭
目一員無兵額爾齊斯河自南流來逕薩馬
爾斯科柏興向西北流二十餘里會鄂布河
又東北流入北海

臣秋濤謹案水道記曰額爾齊斯河既會鄂
布河復東北流逕郭特斯科東又東北逕巴
拉索瓦城東又東北逕惹薩克古城西
臣秋濤謹案當作惹薩克古城此城東南五百餘里有布爾湖凡千餘里又東北

百餘里至阿布定噶珊之東入北海漢書西
域傳云北道西踰葱嶺出大宛康居奄蔡奄
蔡國控弦者十餘萬人臨大澤無崖蓋北海
云唐書有流鬼國去京師萬五千里濱北海
元史天文志載四海測驗北海北極出地六
十五度夏至晷景長六尺七寸八分晝八十
二刻夜一十八刻故異域錄云伊聶謝去北
海大洋一月程時夏至前後夜不甚暗日落
夜深猶可圍碁不數刻東方日出也

朔方備乘

卷二十六

額爾齊斯河源流考

三

謹案額爾齊斯入北海處名疴比灣亦曰烏
彌河口其海乃渤海也志略曰前明中葉俄
羅斯既興有商舶於冰消時駛至西伯利海
岸以洋貨易皮貨日漸狎熟盛誇俄羅斯之
富強其頭人有率戶口至俄羅斯者睹其國
都市廛屋宇之壯麗傾心歸向各部競相傳
播咸貢方物為藩屬俄羅斯建礮臺於烏彌
河口扼險要以控制之漸徙罪人供力役築
城戍於是西伯利西方諸部不費兵力咸為

俄羅斯有所謂烏彌河口即此處也控扼水陸實為羅刹北海之要鎮云

哈屯河

哈屯河有二源東曰喀喇河西曰噶老圖河合為納爾噶河

臣秋濤謹案二源俱出阿爾泰烏梁海旗北境阿爾泰山北麓阿爾泰為漠北最高之山亦稱汗山所出之河以哈屯名故烏梁海人亦稱汗哈屯烏梁海以所居之山川為號也

朔方備乘

卷二十六

額爾齊斯河源考

三

亦稱汗烏梁海專以山目之也喀喇河北流合東來二小水噶老圖河東北流合西來三小水二源合為納爾噶河納西來二水又東北流納南來一水

東北流鄂依滿河入之

臣秋濤謹案納爾噶河東北流鄂依滿河自西來北合哈集爾庫捫河又東流來匯

又東北流扎爾滿河入之

臣秋濤謹案扎爾滿河源處當亨吉泊之南

其水東流注於納爾噶河

折東流達爾欽圖河自西南來匯

臣秋濤謹案達爾欽圖河出騰格爾鄂依都

爾山其山當喀喇河源之東南東北流博羅布爾格蘇河

自東南來匯又東北流博和錫克河自哈拉莽那山西流來匯

又東北流始曰哈屯河又東北流經阿爾泰諾爾烏梁海旗西納烏賴河僧瑪爾達河東納喀達林河又北流會亨吉河

朔方備乘

卷二十六

額爾齊斯河源考

三

臣秋濤謹案亨吉河出哈屯河之西曰亨吉泊從泊中流出又東流喀拉瑚吉爾河自南來匯又東流注於哈屯河圖說以為西流來會誤也

又北流入唐努烏梁海界阿爾泰河亦自科布多西北流來會

臣秋濤謹案阿爾泰河源出阿爾泰泊泊在阿爾泰諾爾烏梁海旗東北綽爾齊河沙克爾河巴什庫斯河阿斯巴圖河俱出阿爾泰

諾爾烏梁海旗合北流豬焉東納格吉河西

納巴哈齊里河伊克齊里河郭爾達爾河北

流為阿爾泰河又西北入唐努烏梁海界會

哈屯河

又西北入俄羅斯界逕納生斯噶珊東又西北

流納色畢河

臣秋濤謹案色畢河源出汗阿林東北又北

流有察拉斯河出亨吉泊北山之北而西北

流來會又北流折而東北逕沙拉哈爾海山

朔方備乘

卷二十六

額濟斯河源考

三

麓至納生斯噶珊西北入於哈屯河

又西北流逕蘇斯德必噶珊西納汗阿林山水

臣秋濤謹案有三水皆出汗阿林山合而東

北流逕博蘇噶珊南沙拉哈爾海北又東北

入於哈屯河

又西北逕博蘇噶珊東繞流其北又西北流約

二百餘里曰鄂布河

臣秋濤謹案哈屯河流至此俄羅斯人謂之

鄂布河內府圖作鄂必河巴爾巴忒人呼為

牙巴里河

有托穆河西流來會

臣秋濤謹案托穆河源出托穆斯科城東南

山西流三百餘里逕托穆斯科南繞過城西

此城乃庫程汗舊墟塔塔拉人與巴爾巴忒

人兩種雜處巴爾巴忒即內地之巴爾呼也

元成宗大德十年征海都諸部徙降人於金

山之陽我軍屯田於金山之北此地當即屯

田處異域錄云托穆斯科俄羅斯國哈薩克

朔方備乘

卷二十六

額濟斯河源考

三

國哈拉哈兒叭國策旺拉布坦國四國連界

接壤其所居塔塔拉並巴爾巴忒人與俄羅

斯策旺拉布坦兩國皆納賦不時被哈薩克

國人侵掠臣秋濤謹案托穆斯科之南正與

阿爾泰諾爾烏梁海相接阿爾泰諾爾烏梁

海本準噶爾所屬乾隆間始歸順隸於科布

多則康熙五十一年間策旺拉布坦與俄羅

斯接界於此固其宜也哈拉哈兒叭亦作哈

喇哈爾榜即沙拉哈爾海也蓋兩國中間一

小部落乾隆以後不復聞於上國疑為哈薩克所併哈薩克俗務游牧喜寇鈔與厄魯特游牧錯處故托穆斯科為四國連界地也托穆河又西流逕阿巴圖拉北又西北流百餘里注哈屯河

又西北流納吉爾日斯水

臣秋濤謹案吉爾日斯水源出吉爾日斯噶珊西吉爾日斯噶珊疑即異域錄之克爾紀斯也其水北流逕德勒尼特斯噶珊東又北

朔方備乘

卷二十六

續編新河源考

美

流注哈屯河

轉北流二百里許納東來之綽里穆河

臣秋濤謹案綽里穆河出托穆斯科北山西北流約二百里注哈屯河

又西北流二百餘里逕格野斯歸城西又西北

流逕瓦欣阿噶珊東有揭的河西流來會

臣秋濤謹案揭的河即格達河發源瑪古斯

歸即異域錄之麻科斯科城南山中北流逕城西折西

流逕鄂羅錫舍噶珊北有瑪傅斯噶河自北

來入之又西有一水自南來入之又折而西北逕穆納薩爾噶珊東又西流逕噶珊北又西有一水自北來入之又西有阿色爾河哈塞野河皆自北來入之又西惹羅日噶河自南來入之又西逕色爾日噶珊北又西鄂良河自北來入之又西鄂爾羅什噶河自北來入之又西必格納河自南來入之又西赫里錫阿河自北來入之又西烏集納河自南來入之又折西北流里錫薩河自東北來入之

朔方備乘

卷二十六

續編新河源考

美

又西北有一水自東北來入之又折而西流

訥里謨瓦河出窩集中自北來入之異域錄有那里

穆柏與當在此河之旁以河為名也又西流至格野斯歸西北

與哈屯河合此水源流約千里且通舟楫亦

巨川也

又西北逕納隆城南又西北納南來之瓦欣阿

河又西北逕羅納郭昂噶珊東北納東北來之

謨斯薩河又西北納東北來之端河瓦噶河又

西北納西南來之素爾瑪河又西北納東北來

之傅拉傳安河博爾達挂河又西北逕蘇爾古
特城南有博索挂河自西南來入之又西北逕
瑪齊木噶珊北納西南來之噶錫穆噶河又西
北流至薩瑪羅特城北薩林噶珊南與額爾齊
斯河會

臣秋濤謹案薩瑪羅特城卽異域錄之薩馬
爾斯科也餘詳額爾齊斯河篇內

朔方備乘

卷二十六

額爾齊斯河源流考

美

朔方備乘卷二十六

知縣林 穗初校
知縣丁紹基覆校

朔方備乘卷第二十七

考二十一

北徼水道考敘

大拉該海所受水

甘查甲海所受水

郭爾噶海所受水

冰海所受水

烏格里達海灣所受水

阿比海灣所受水

朔方備乘

卷二十七

北徼水道考敘

一

衛噶特海所受水

白海所受水

波羅的海所受水

黑海所受水

裏海所受水

伊策三布拉島中諸水

諸湖

臣秋濤謹案九州水道詳於禹貢自後班固桑

欽酈元之徒各有著述歷代史冊地志於川瀆

分合亦多紀載然皆詳中原而略邊徼詳於東海南海所受之水而於北海西海所受之水則闕焉莫考今俄羅斯境內水道往牒罕徵職是故也臣秋濤謹詳稽中外圖籍訂證異同經流支派罔弗臚列用補羣書之闕略至中國發源之水流入俄羅斯界者派別雖多大概不外三大支其在肯特山以東水入彼界復歸中國而入東海者東一支也皆匯於黑龍江別詳良維諸水考其在杭愛山以北水入彼界直達北海

朔方備乘

卷二十七

北徼水道考敘

二

者中一支也皆匯於色楞格河別詳色楞格河源流考其在金山以北水入彼界直達北海者西一支也皆匯於額爾齊斯河別詳額爾齊斯河源流考是三大支均非俄羅斯境所得攝也故析其部居不相雜則惟源委均在俄羅斯境者始以北徼水道目之謹發其凡於此云

大拉該海所受水

大拉該海東北方之渤海也亦曰小海

臣秋濤謹案吉林之東襟大海自混同江口

以北海水漸迤西北至索倫河口皆為中國境又北得戾拉河口又北得烏底河口為甌脫地又西北得阿老河口始為俄羅斯境西人地理書謂之大拉該海即唐書黑水靺鞨北境之小海也

迤而西北逾烏底河口襟俄羅斯東境阿老河入之
臣秋濤謹案阿老河源出外興安嶺東入海其西隔山即中國噶穆河源也

朔方備乘

卷二十七

北徼水道考

三

又北鄂斯都爾納薩河入之又北烏底雅河入之又西北烏拉克河入之又西北鄂和達河入之又西北碩羅克瑪河入之

臣秋濤謹案碩羅克瑪河二源並發南流而合東入海

又西北一水入之又西北達溫河入之又西北拉瑪河入之

臣秋濤謹案拉瑪河出外興安嶺北其南隔山即精奇尼色禽也拉瑪河曲曲東流約六

百餘里入海

又西北鄂拉河入之又西北納勒春河入之又轉而北達達哈河入之

臣秋濤謹案達達哈河源出金阿林東窩集中東流五百里入海大拉該海至此轉而北迤

又北衛底阿河入之

臣秋濤謹案衛底阿河自西北發源東南流入海

朔方備乘

卷二十七

北徼水道考

四

又迤而東登屯河入之

臣秋濤謹案登屯河自北山發源南流入海大拉該海至此轉而東迤

又東巴倫河入之又迤而東南奔什納河入之

臣秋濤謹案奔什納河發源金阿林東麓流數十里瀦為巨泊復從泊東北流出曰奔什

納河又東北流五百餘里曰伊斯奢爾納河

又東受北來一水折東南流受東來一水又

南流索羅烏達納雅河自東來入之又南阿

噶隆河自西來入之又南郭斯米納河自東

來入之又東南流有一水自東北山發源流五百餘里來會又折西流入海大拉該海至此轉而東南迤

又東南達魯噶河入之

臣秋濤謹案達魯噶河自東北大山發源二水南流而合又西流二百餘里入海

又東南吉斯岡噶河入之又東南巴特沙底瑪

納雅河入之又東南勒佛那雅河入之又東南

朔方備乘

卷二十七

北徼水道考

五

有五小水入之又東南烏哈魯薩瓦河入之又

東南有一水入之又東南納努河入之又東南克羅多和羅瓦河入之又東南吉爾巴科瓦河

入之又東南倭羅富斯噶雅河入之又東南有

一水自東北來入之

臣秋濤謹案此水兩源並出北山其山之北即噶穆薩特喀城也二源合南流折西南流

入海

又東南有二水入之

臣秋濤謹案大拉該海至此轉而東迤三百餘里又轉而北迤為甘查甲海

甘查甲海所受水

甘查甲海自南迤而北有一水自西來入之又迤而北而西北噶穆薩特喀水入之

臣秋濤謹案噶穆薩特喀水發源噶穆薩特喀城南山中西流受北來一水又西北流受西南來二水折東北流受西來二水又東北

入海

朔方備乘

卷二十七

北徼水道考

六

又迤而西而西南有一水自東來入之又迤而北而西而南而東南復迤而西而西北而西南又迤而北而東北而西又迤而北額瑪納拉河入之

臣秋濤謹案額瑪納拉河源出西山東麓隔山即勒佛那雅河源也東流入海

又迤而西而北而東有一水自西北來入之又東一小水自北來入之又東瑠都爾噶河入之

臣秋濤謹案瑠都爾噶河源出西北大山中

東南流合西來一水南流入海此水源處西隔大山即達魯噶河源也

又迤而東而北有一水自西北來入之又迤而東南而東而北而西北阿布噶河入之又西北噶底爾噶河入之

臣秋濤謹案海至此又迤而西為郭爾噶海郭爾噶海所受水

郭爾噶海亦東北方之渤海也自東迤而西而北阿納底爾河合諸水自西來入之

朔方備乘

卷二十七

北徼水道考

七

臣秋濤謹案阿納底爾河一作阿那底河源出郭爾噶東北山中二源並發北流而合西流逕兩山間千餘里折南流惹博羅訥雅河自西來入之又南流額拉博爾河自西南來入之折東南流五百餘里滿河合諸水自西南來會滿河源出大拉該海之北山中三源並發北流而合曰滿河又北流鄂爾羅巴河合一水自西來入之折而東流又北流噶拉薩納雅河自東來入之又北流與阿納底爾

河會二水既合折東流有一水出西北山東南流四百餘里來會折東南流鄂納們河發源西南山中流百餘里自南來入之又東流入海此水源流二千餘里納有名之水凡六亦巨川也總記言阿爾台山所出之水惟阿那底河趨東海即指此水

又迤而東尼哲爾河入之又東珠郭噶河入之

臣秋濤謹案尼哲爾河珠郭噶河皆出郭爾

噶境北山南流入海自此迤而東而北而

朔方備乘 卷二十七 北徵水道考 八

東北而東南有海峽廣僅五十餘里即墨領

峽一名白令峽者也渡海峽即北亞墨利加

洲境矣自海峽迤而西北千餘里為冰海

冰海所受水

冰海自東南迤西北阿納巴拉河入之

臣秋濤謹案阿納巴拉河源出金阿林東麓

在博特錫倭爾斯歸城南窩集中瀦為一泊

周數十里東流四百餘里入海總記有阿那

斯加河又作阿臘斯加河即此水也

又迤而北襟諾斯哈達大山之東又迤而西襟山北又迤而西南襟金阿林北又迤而西南襟博特錫倭爾斯歸城之北之西郭列穆瑪河合諸水自西南來入之

臣秋濤謹案郭列穆瑪河一作珂里馬河俄

羅斯東北境巨川也源出惹爾莽阿城東南

山中北流七百餘里有一水自西南來會

臣秋濤謹案此水源出惹爾莽阿城西

北山中即郭列穆瑪河西源也又東流逕

朔方備乘 卷二十七 北徵水道考 九

作租城南境 臣秋濤謹案距安巴鄂壘河自

東南來會 臣秋濤謹案安巴鄂壘河出金阿

雅河合鄂謨倫河自東南來會折北流有阿

集格鄂壘河自東來會又西北流三百餘里

入郭列穆瑪河又東北流有一水自東南來入之又

東北流伯勒蘇格河自東南來入之 臣秋濤

勒蘇格河源出金阿林西

麓西流五百餘里來會又東北岐為二水

繞郭列穆斯歸城四面至城東北復合又東

北流逕德爾吉郭列穆斯歸城之西復繞其

北又東北流入海

又迤而西袞古瓦河入之

臣秋濤謹案袞古瓦河在郭列穆斯歸城西作租城東距二城各百餘里發源窩集中岐為二水皆北流百餘里復合又北流三百里入海

又西伊斯勒郭特斯都克河入之

臣秋濤謹案伊斯勒郭特斯都克河源出作租城北窩集中北流五百里入海

又西阿拉薩納河入之

臣秋濤謹案阿拉薩納河源出作租城西境

朔方備乘

卷二十七

北徼水道考

十

山中距城約二百里北流五百餘里入海

又西音底日爾噶河入之

臣秋濤謹案音底日爾噶河有二源皆出作租城西南境大山中北流五百里而合又西

北流三百里入海總記有因底牙加河北流

入冰海即此

又西有一水自東南來入之

臣秋濤謹案此水源出惹爾莽阿城西北境

大山中曲曲西北流千餘里入海

又西有一水自南來入之

臣秋濤謹案此水源出邁歸城東北境山中曲曲西北流八百餘里又北流入海

又西列訥江合眾水自南來入之

臣秋濤謹案列訥江為俄羅斯東境大川自色楞格額爾齊斯以外匯合之多源委之遠

推此水為最一作列訥河一作勒拏河一作

裏那河一作朱爾克河源出柏海爾湖之北

大山北麓曰列訥色欽北流百餘里逕格勒

朔方備乘

卷二十七

北徼水道考

十一

噶珊東又東北流合南來一水又北流合西

來一水又東北流合東南來二水又北流倭

爾郭任斯歸城水自西南來入之又北流合

東南來一小水又北流必魯爾集河自西南

來入之又北流集林噶河自東南來入之又

北流逕鄂爾佛拉特噶珊東折西流繞其北

穆噶河自西南來會

臣秋濤謹案穆噶河源出西南山中北流合一

水又東北合古達河又合南又北流有一水自東南來入之水勢始盛曰列訥烏拉烏拉

者譯言江也俄羅斯境水以江名者惟列訥

而巳列訥江又北流麤存河自西來入之又

北流巴多瑪徐噶雅河自東南來入之又北

流逕米德里斯克噶珊東巴多瑪布爾察雅

河自東南來入之又北流郭瓦倭河自西來

入之又北流衛底穆河自東南來會臣秋濤謹案衛

底穆河源出外興安嶺西北麓曰衛底穆色

欽北流五百餘里折西流百餘里合郭拉河

郭拉河源出巴爾古錫穆城東境大山嶺為

一泊周數十里北流六百里與衛底穆河合

又西北流一千二百餘里至列訥城西南入

列訥江異域錄云有一費提穆河自根特汗

山之陰流出由巴爾古西穆城之東繞過昂

噶拉河源歸入朱爾克河即此衛底穆河也

此水源流長一 又北流錫費雅河自西來入

千七百餘里 之又北流諾雅河自西來入之又北流烏勒

克瑪河自東南來會臣秋濤謹案烏勒克瑪

外興安嶺北千餘里外窩集中緒為巨泊西

流合南來一小水又西北流有三水合流自

南來會又西北逕冬古爾斯歸城南繞其西

又西北流始曰烏勒克瑪河又西北流入列

訥江此水源流 又北流逕惹勒斯歸城東又

長九百餘里 東北流希濃河自東南來會臣秋濤謹案希

爾河源之東北數十里窩集中西北流南合

一小水北合佛倫河又曲曲西北流五百里

朔方備乘

卷二十七

三

北徵水道考

經巴達爾斯歸城西南又西北流三百餘里

至邁歸城西南瑪雅河自邁納甘湖發源合

一水西北流八百餘里來匯又西北流

二百里入列訥江此水源流長千餘里 又西

北流有一水自東南來入之又北流瓦拉喀

河自西南來會臣秋濤謹案瓦拉喀河源出

百餘里合西來之衛推河又 又北流三百餘

里入海自發源至此約三千二百餘里

又迤而西有一水入之

臣秋濤謹案此水發源山中北流五百里入

海其海口東距列訥江口約二百里

又迤而西有一水入之

臣秋濤謹案此水發源山中北流曲曲五百

餘里入海其水源處西隔山有一水即西流

入必雅錫達河者

又迤而西必雅錫達河入之

臣秋濤謹案必雅錫達河源出希穆斯歸城

西北五百里外窩集中東北流二百里瀦為

巨湖曰鄂斯羅惹錫湖臣秋濤謹案有一小

知其復自湖之正北流出東北流百餘里有

朔方備乘

卷二十七

三

北徵水道考

一水自東南大泊中西北流來會又東北流

曰必雅建達河又曲曲東北流六百餘里有

一水自西來會

臣秋濤謹案此水出西南山合一水又東北流來匯源流

長六百餘里又東流一百餘里有一水自東南來

入之又北流二百餘里入海

又西有二水合流自南來入之又迤而西北而

北而西而南而復西有四水合流自南來入之

又西噶道噶河入之

臣秋濤謹案噶道噶河長二百餘里北海細

朔方備乘

卷二十七

北徼水道考

四

流也

又西有三水合流自南來入之又西南郭斯里

噶河合眾水自南來入之

臣秋濤謹案郭斯里噶河源出窩集中在鄂

斯羅惹錫湖之西北隔山相望其水西北流

四百餘里有一水自南發源合四水又合律

錫誥湖水來會

臣秋濤謹案律錫誥湖水乃額塞湖水東北分流互詳後

達拉伊達河篇內

又北流曰噶稻噶河又北流有一

水自西南來納南一水來會又北流入海

水自此迤而西北而北而西而南為烏格里

達海灣

烏格里達海灣所受水

烏格里達海灣即小海也自北迤而南而東南

達拉伊達河入之

臣秋濤謹案達拉伊達河源出東南窩集中

西北流鍾為巨浸曰額塞湖南北袤二百餘

里東西廣百餘里達拉伊達河匯其東南有

一水匯其正西復從湖北面溢出分為二其

朔方備乘

卷二十七

北徼水道考

五

一支東北流瀦為律錫誥湖下流合郭斯里

噶河入冰海其一支西北流曰達拉伊達河

曲曲流六百餘里北入烏格里達海灣烏格

里達海灣乃商船所聚自烏格里達浮海而

北有大島名伊策三布拉島唐書謂骨利幹

北有小海冰堅八月可渡者即指此海而言

也

又迤而西惹尼色河合眾水來入之

臣秋濤謹案惹尼色河即色楞格河也詳色

楞格河源流考海自此迤而北而西千餘里復迤而南而東爲阿比海灣

阿比海灣所受水

阿比海灣正北方之渤海也自北迤而南而東八百餘里鄂索圖魯克河入之

臣秋濤謹案鄂索圖魯克河自東南發源西北流折西流入海源流長百餘里

又迤而東南達斯河入之

臣秋濤謹案達斯河源出窩集中瀦爲巨泊

朔方備乘

卷二十七

北徵水道考

六

自泊中流出曰達斯河北流二百餘里逕薩

達里莽阿斯城東又西北流入海

又迤而西索博爾底納河入之又西布爾湖東

支水入之又西納定河入之又西布爾湖西支

水入之

臣秋濤謹案布爾湖在薩達里莽阿斯城西

南四百里外窩集中南北袤二百里東西廣

二百餘里湖中水分爲三支東支自湖正北

流出行六百餘里入海中支曰納定河自湖

西北流出行七百餘里入海西支自湖西稍

北流出行七百餘里合南來一小水入海

又迤而西南襟惹薩克吉城西北額爾齊斯河

合眾水自南來入之

臣秋濤謹案額爾齊斯河亦名阿比河亦名

烏彌河故其入海處曰阿比灣亦稱烏彌河

口詳見額爾齊斯河源流考

又迤而西襟阿布定噶珊北索布色噶惹水自

南來入之

朔方備乘

卷二十七

北徵水道考

七

臣秋濤謹案索布色噶惹水源出索布色噶

惹城西南山中東北流三百餘里南北各納

一水又北流逕索布色噶惹城西又東流繞

其北又東至阿布定噶珊之北入海海至此

迤而北而西爲衛噶特海

衛噶特海所受水

衛噶特海自東迤西有一水自南來入之

臣秋濤謹案此水入海處海中有島周數百

里名衛噶特島

又西迤而南有一水自東來入之

臣秋濤謹案此水入海處海中有島名色達登島

又南郭郭達瓦河入之又迤而西南而西而北復迤而西伯特蘇拉河入之

臣秋濤謹案伯特蘇拉河上源曰博綽爾湖在托波兒城西北七百里外窩集中南北袤

二百里東西廣一百餘里湖水從湖之西面流出曰博綽爾河地理全志謂之北酌拉河

朔方備乘

卷二十七

北徵水道考

六

其水西北流三百餘里巴必努郭羅特水自

東北來入之

臣秋濤謹案巴必努郭羅特水出巴必努郭羅特城東南窩集

中瀆為大泊復從泊中流出西流逕巴必努郭羅特城南又西流有二水自城東北合流

來會又西流三百餘里入博綽爾河又北流魯克達河自西南

來入之

臣秋濤謹案魯克達河自伊瑪瑪城西北大山北麓二源並發行百餘里

合流東北至伯色爾斯歸城東南入博綽爾河又北流緒為布斯堆

湖南北袤二百餘里東西廣二百餘里復從

湖之北面溢出曰伯特蘇拉河北流逕布斯

堆羅色爾歸城西又北流四百餘里入海

又迤而北而西而南而復西郭爾郭瓦河入之

臣秋濤謹案郭爾郭瓦河源出大山北麓在

改郭羅多城東北五百餘里又北流四百餘里入海其入海處西北海中有多爾格島

又迤而西北有一水自南來入之

臣秋濤謹案此水出大山北麓其南麓水即

南流入衛色克達河者海至此迤而西而北而東北復迤而西而西南又迤而西五百餘

里為白海

朔方備乘

卷二十七

北徵水道考

五

白海所受水

白海俄羅斯正北境之渤海也自東迤而西襟

墨三城之北曰美森灣美森河入之

臣秋濤謹案美森河一作米森河源出東南

窩集中西北流入白海墨三城即以水得名

也

又西襟必納噶城北又西襟阿爾甘惹爾城北

曰亞干日灣都伊納河入之又西都伊納河支

津入之

臣秋濤謹案阿爾甘惹爾一作亞爾干日爾

臣秋濤謹案干一作亞干日都伊納河一作或作干誤也

都納河一作盧威那河一作土味孛河一作

土未那河源出羅瑪諾傳城西南窩集中東

流折東北流逕倭羅克達城西有一水自西

北來入之臣秋濤謹案此水出羅瑪諾傳城

發源合流入之又又東流繞其城北又東北

流曰蘇吉納河有一水自東南來入之又北

流逕索魯歪特集岳克達城又西北流衛色

朔方備乘

卷二十七

北徵水道考

三

克達河自東來入之臣秋濤謹案衛色克達

河發源布羅斯維湖之西

大山西麓西流合北來一水又西流百餘里

有一水自北山合東來二水南流來會又西

流六百餘里至索魯歪特集又西北流合西

岳克達城西北入都伊納河

南來一水又西北流合西來一水又折西流

逕郭爾謨郭羅特城北其北即必噶納城也

又西流逕阿爾甘惹爾城南繞至城西分爲

二支其北支北流入海其西支西流二百餘

里折北流入海

又西阿尼加河自南來入之

臣秋濤謹案阿尼加河源出阿占牙爾城南

窩集中瀆爲大泊自東面流出折北流復折

而東而北而西又北流入海

又西曰阿尼牙灣阿尼牙湖支津入之

臣秋濤謹案阿尼牙湖內府圖作額納噶鄂

謨在俄羅斯西北境周千餘里中有大山數

處即古寬田吉思海也其湖東西南三面各

有小水入之支津東北流入白海白海又迤

而北而東而西北接西北冰海爲瑞典國界

朔方備乘

卷二十七

北徵水道考

三

非俄羅斯轄故從略焉

波羅的海所受水

波羅的海亦曰黃海在俄羅斯國新都彼得堡

之西乃西北方之渤海也

臣秋濤謹案歐羅巴一土在亞細亞極西北

隅中國之所謂大西洋也絕長補短約得亞

細亞四分之一西距大西洋海水由西北

灣環注大地曰波羅的海一作入得海一

作黃海一作洲中海一作斯多各海一作波

得尼亞海轉注東北分兩汊約三四千里波羅的海之西岸與大西洋海相表裏地形如葵扇下垂曰瑞國從南岸突出如臂巨波羅的海之門闕與瑞國作凹凸之勢曰陸國陸國之南東北距波羅的海南岸西北距大西洋海一隅曰日耳曼列國日耳曼之東北臨波羅的海南岸曰普魯士國普魯士之東北臨波羅的海東岸曰俄羅斯國其國新都曰彼得堡在波羅的海東岸康熙中國王始疏

朔方備乘

卷二十七

北徼水道考

三

通波羅的海道水陸皆操形勢羅刹與泰西諸國角逐海上自此始也

其海有三灣在西北者曰波的尼灣瓦叻湖水入焉

臣秋濤謹案波的尼灣西岸為瑞典國界東岸曰芬蘭為俄羅斯國所屬地瓦叻湖水發源東南山中瀦為湖又西北流入彼得尼灣在東北者曰芬蘭灣

臣秋濤謹案芬蘭灣北岸為芬蘭境東岸為

彼得堡所治南岸為彼得堡所屬地集捫河入其北

臣秋濤謹案集捫河源出衛布爾城西北三百里外瀦為大泊水從泊西南流出納北來二水又西南流分為兩支皆南入芬蘭灣納瓦河入其東

臣秋濤謹案訥瓦河一曰尼瓦河一曰內襪河首受刺多牙湖水臣秋濤謹案此湖南北百餘里湖之西南隅有洲洲上有城曰色布留斯博布魯克城西流分為二

朔方備乘

卷二十七

北徼水道考

三

支繞彼得堡城四面又西流入芬蘭灣

在東南者曰利牙灣土味孛河入焉

臣秋濤謹案利牙灣一曰利加灣東岸接斯多尼亞部西南岸接里窩尼亞部此灣為俄羅斯內港大埠頭每年出入商艘千餘土味孛河與入白海之水名同地異

又納博斯布湖水

臣秋濤謹案博斯布湖水源出布郭博噶珊東北四百里外窩集中西流折東北流三百

餘里有一水自東南發源流逕博勒斯古城
西來會又西北流緒爲博斯布湖復自湖北
面流出北流又波羅的海又湖之正西有支
津一西流至多爾斯布爾噶珊南瀆爲大泊
復自泊之西面流出至博爾訥城之北入波
羅的海

又納維士都拉河

臣秋濤謹案維士都拉河源出俄羅斯所屬
之波蘭部西流經洼肖地之北折北流達普

朔方備乘

卷二十七

北徵水道考

十四

魯士國界又北流入波羅的海自此迤而
西非俄羅斯屬地不具錄

黑海所受水

黑海者地中海之分支乃正西方之渤海也

臣秋濤謹案波羅的海之南海水由正西注
入大地曰地中海泰西名墨力特爾勒尼安
一作美的德拉虐由西而東約七千餘里再
分小汊溢東北成巨浸曰黑海泰西名勒必
西內府圖名薩哈連墨德里南懷仁圖謂之

泰海周迴約六七千里臣秋濤謹案瀛環志
略以爲周二三千里

誤南北表一千三四百里至千餘里不等東

西廣一千七百餘里地形如蟹南則大腹蟠
然北則兩螯竦峙端河涅博爾河皆北面巨
川各入一螯兩螯中間有微地再南有地如
蓮葉突入黑海曰哥里米海隅中有二城曰
博羅歸曰喀法皆俄羅斯屬也黑海之西之
南皆屬土耳其國西面所納之川惟多惱河
最大而遠然不隸俄羅斯境今不具錄黑海

朔方備乘

卷二十七

北徵水道考

十五

東面舊亦屬土耳其自康熙以來俄羅斯侵
據其地高加索諾尼阿諸部咸爲所有由是
自黑海以東直抵裏海曩爲回教屬城今爲
羅剎別部矣按泰西人有五大洲之說以黑
海爲歐羅巴南界漢書言呼行王展轉蒲類
秦海之間秦海蓋卽黑海魏收言大秦海亦
渤海也而與中國之渤海東西相望卽指此
海魏源以地中海當秦海則相距太遠非呼
行兵力所能至矣唐時突厥可薩部落當黑

海之北元人滅阿速即今黑海東北隅之地
蓋自古北方強盛之時拓境必至黑海無可
疑也三國志裴松之注引魏略曰大秦國在
安息條支西大海之西從安息界安谷城乘
船直截海西遇風利二月到風遲或一歲無
風或三歲其國在海西故俗謂之海西有河
出其國西又有大海海西有遲散城此言由
安息水路往大秦必浮海也又曰從安谷城
陸道直北行之海北復直西行之海西復直

朔方備乘

卷二十七

北徼水道考

三

南行周迴繞海乃到其國此言由安息陸路
達大秦周迴繞海也按安息即今波斯國正
在黑海東南此路當是由波斯直北行沿黑
海東岸之諾尼阿阿索富等處抵黑海北之
擣里達等部又直西行抵黑海西之西土耳
其等處又直南行由今舉地利亞諸國境以
抵大秦大秦即古羅馬今希臘國也所謂週
繞一周之海即黑海非裏海考古證今無可
疑者近人著地球圖說誤以安息為布哈爾

如德亞為古大秦遂以迴繞一周之海為裏
海不知布哈爾往如德亞可由西南陸路相
通何事環海一周舍近求遠耶志略曰大秦
國之北方亦有陸路可通中國須從舉地利
亞東北行歷俄羅斯南境至裏海之北岸轉
而東行歷西域游牧城郭諸部可抵玉關此
則不入安息境無從遮邊之矣然兩漢時大
秦北境至日耳曼而止時俄羅斯尚未立國
舉地利亞以東以北皆匈奴別部常擾大秦

朔方備乘

卷二十七

北徼水道考

三

邊境斷無可通之理故通中國惟安息一路
既為所遮邊不得不由海道也臣秋濤謹案
大秦以北陸路尚不止此由舉地利亞東北
行經黑海北之計由斯科東抵莫斯科窪又
東抵托波兒即可沿額爾齊斯河至金山矣
元宗王旭烈兀鎮西域每歲由月祖伯地入
貢即此道也若兩漢時俄羅斯雖未立國而
莫斯科窪乃康居北境其北尚有奄蔡諸國
然泰西諸國紀載皆以為匈奴實據舉地利

亞之地蓋匈奴本行國故能跨康居之西而
侵擾大秦也綜觀諸說而秦海之即為黑海
蓋瞭然矣後魏太武帝遣董琬使西域還言
其地為三域自葱嶺以東流沙以西為一域
者舌以南月氏以北為一域兩海之間水澤
以南為一域各域之內諸小渠長蓋以百數
所謂兩海之間即指黑海以東裏海以西今
俄羅斯境是也

其東北隅曰亞速海灣所受水以敦河為最大

朔方備乘

卷二十七

北徵水道考

三六

臣秋濤謹案亞速海灣一作亞速海一作阿

速灣即古阿速國境舊名至今尚存內府圖

名謨額底鄂模即南懷仁坤輿圖所載墨阿

的湖也其與黑海相連處曰以尼加利海峽

敦河亦曰頓河亦曰端河亦曰都汪河

臣秋濤謹案圖作郭河乃敦字傳寫之謬

源出俄羅斯南境澤爾訥城

西兩源並發東流而合又東流逕澤爾訥城

南繞其東有一水自城北來會又東流三百

餘里有一水自德班城西南發源東南流來

會又東流逕多訥特斯城北有一水自南來

人之又東流逕舍勒特斯城南繞其城東折

東流至鄂羅尼城西北鄂羅尼斯西河自北

來會

臣秋濤謹案鄂羅尼斯西河源出都拉城東南德班城西境東北流三百餘里

折東南流百餘里折南流又西南流至德班

城東境復南流折東流逕延噶爾城北又東

流折南流逕達勒特斯城西折東流繞其南

又折南流與敦河合總記云端河自都臘發

源至阿鎮甫入海即指又南流至鄂羅尼城

此水為敦河正源也

西南鄂羅尼斯東河自東來會

臣秋濤謹案鄂羅尼斯東河源出喀山城南七百里外窩集中西流逕色羅克城北境又西流逕畢都克城北境又

西流五百餘里逕鄂羅尼城南又西流入敦河又

四百餘里逕鄂羅尼城南又西流入敦河又

南流折東流曰端河東流九百餘里逕畢都

克城南集壘多訥特河自南來入之

臣秋濤謹案集壘多訥特河源流長六百餘里

又東流逕色羅克城南有一

水自東北來入之又東流三百餘里謨都瓦

臣秋濤謹案謨都瓦底擦河自東北來入之

底擦河自東北來入之

南七百里外窩集中發源其西即鄂羅尼斯

東河源也謨都瓦底擦河南流東合四水又

西南流入敦河源流長七百餘里

又東南流百餘里逕伊羅

法城西南倭爾噶河支津自東來會

臣秋濤謹案倭

爾噶河即佛兒格河詳見裏海篇內

又西南流逕雜里城西北

巴達欣城東南又西南流逕惹爾納雜噶珊

西北又西南流逕薩爾噶珊西北又西南流

逕索啻克薩爾噶珊西北又西南流逕古里

克三噶珊西北有一水自東南來入之折西

流二百餘里納南來二小水又西流三百餘

里至畢斯達賴惹噶珊南多訥特斯河合眾

水自北來會臣秋濤謹案多訥特斯河亦巨

東南流三百里有一水自北來會又東流經

多訥特斯城南境距城四百餘里又東流有

朔方備乘

卷二十七

北徵水道考

三

一水自東北來會又東流至仄爾噶斯歸城

北境折東南流有一水自澤爾訥城南六百

里外大山北麓發源其山南麓即亞速海灣

北岸也二源並發東流而合又東流七百里

南北各合一水東與多訥特斯河會多訥特

斯河又東流四百里北合愛多爾河又東南

流合東北來一水又折而南流合西來之多

爾河又南流合東北來一水又南逕畢斯達

賴惹噶珊之西格爾河又西流逕格里博根城

南又折西南流二百里有一水自東南來入

之又西流有一水自北來入之又西北流有

一水自北來入之又西流逕仄爾噶斯歸城

阿索富城北折南流繞其城西入亞速海灣

阿索富城一作阿鎖甫城即古阿速國也南

懷仁坤輿圖說云大乃河長二千四百里分

三岔入墨阿的湖即指此水惟二千當是三

千之誤南圖別有達乃河與此不同或合為

一非是

又有苦湖水亦入焉

臣秋濤謹案苦湖見南懷仁坤輿圖

黑海東面所受之水有名者曰法色河

朔方備乘

卷二十七

北徵水道考

三

臣秋濤謹案法色河源出郭達底斯城東北

山中西流逕其城北又西流有一水自城南

發源來會又西流逕佛德勒必宋達噶珊北

又西流入黑海

黑海西北隅所受之水有名者曰涅博爾河

臣秋濤謹案涅博爾河地理備考作聶卑爾

河全志作尼泊河志略作地尼伯河源出斯

摩梭斯科東北窩集中西南流納北來一水

又西流有二小水自南來合而入之又西流

又西流有二小水自南來合而入之又西流

逕斯摩梭斯科北又西流鄂爾薩城水自北來入之又西流逕鄂爾薩城南折南流逕圖古魯古傳訥城西又西南流逕因斯拉傳城北又西南流折西流逕斯郭羅傳鳴珊南又折而西南流逕郭賴鳴珊西有一水自布郭傳鳴珊西北發源東南流來入之又西南流折而西流又折北流又折西流又折南流又折東南流又折西南流又折東南流每一折輒數十里如鉤已狀又折西南流鄂爾薩河

朔方備乘

卷二十七

北微水道考

三

自西北來入之臣秋濤謹案鄂爾薩河首受鄂爾薩湖之水東北流折而東南流入又西南流科拉河自東北來會臣秋濤謹案科拉河自斯摩梭斯科東南境二源並發流二百餘里而合又西南曲曲流九百餘里入涅博爾河又南流納西來一小水又西南流博墨欣河自西北來入之臣秋濤謹案博墨欣河自西北發源合南來一水又東南流又南流納西來一水又南流納西南來一水又南流德斯訥河自東北來會臣秋濤謹案德斯訥河自東北窩集發源西南流七百餘里有一水源出巴圖林城東北逕其城南合東一水來入之又西南流有一水源出訥生鳴珊西

南而西流入之又西南流逕博色羅城西北又西南流與涅博爾河會折東南流逕覺傳城東北即幾富城亦曰究部亦曰計由斯科以濱涅博爾河壤最膏腴俄羅斯初起之地也又東南流三百餘里折西南流納東南來之薩穆爾河又西南流逕喀達克城東南有一水自西來入之又西南流分爲兩支一東南流環向西南一西南流環向東南南行三百餘里復合南入黑海

裏海所受水

朔方備乘

卷二十七

北微水道考

三

裏海者大地中央巨澤也

臣秋濤謹案葱嶺之西水皆西流最大者北日納林河南日阿母河皆注於鹹海亦曰達里岡阿鄂模即古稱雷壽海也鹹海之西有巨澤曰裏海蒙古語謂之騰吉斯鄂模泰西人稱爲喀爾士畢安一日加斯比約一日加士比淹又曰北高海距鹹海不過數百里而廣大數倍南北約三千餘里東西約千里所受者西北諸國之水汪洋似海而不通大海

故名裏海其東岸為西域回部極西之境逾裏海而西即俄羅斯東南境與波斯西北境近年俄羅斯拓境日廣其國之南境已盡裏海之西北兩岸由裏海之北岸直趨東南中間所歷之韃靼回部如軍突機窪之類皆尤弱為所服屬由是進攻裏海東南之布哈爾脅而降之以南窺英夷所據之印度蓋裏海之東西北三面皆擅於俄羅斯矣臣秋濤謹又案南懷仁坤輿圖祇有北高海而無鹹海

朔方備乘

卷二十七

北徼水道考

三

其繪葱嶺以西之水如納林阿母二巨川皆入北高海按之地理實係舛誤蓋歐羅巴人於明之中葉始至小西洋各國故於其腹地水道未能致詳魏源海國圖志因之記裏海而遺鹹海且以雷翁海為裏海別名皆非也今因考北徼水道不敢沿襲前人之誤謹為辨別如右至鹹海之西雖亦有俄羅斯侵據之地然與俄羅斯本境不同故茲編於鹹海所受水不具錄焉

烏拉河入其東北

臣秋濤謹案伊犁之北曰哈薩克回部之大者也左右二部皆於乾隆中歸附膺世爵納貢稅維謹其右部之北別有部曰北哈薩克以寇鈔為俗西北二境皆與俄羅斯為鄰時侵掠俄羅斯邊境俄羅斯設兵防之北哈薩克之西北約四百里即烏拉嶺烏拉河出焉北哈薩克之西南約八百餘里即裏海之東北隅烏拉河入馬烏拉嶺亦名烏拉爾圖阿

朔方備乘

卷二十七

北徼水道考

三

林有水出其南麓曰哈拉郭特爾西南流額勒克河自東來會折西流庫庫郭特爾水自北來會折南流逕塔奇城東又南流合東來一水折西南流察罕河亦自烏拉嶺發源南流逕塔奇城西來會又西南流六百餘里逕鄂伊楚克城南又西南流四百餘里至阿斯達拉罕東境入裏海總記云阿林墨部東隅有河發源烏臘嶺謂之烏臘嶺河由境內南歷阿薩塔干而注裏海即此水也全志論歐

羅巴洲水道之最長者烏拉河居其一云

佛兒格河入其正北

臣秋濤謹案佛兒格河一曰佛爾格河一曰

倭爾噶河一曰阿爾吉河一曰窩爾牙河一

曰窩耳加河一曰窩斯加河一曰窩瓦河譯

字雖殊實一川也南懷仁坤輿圖說記歐羅

巴洲名川曰窩耳加河長一千六百里分七

十二流入海總記曰窩爾牙河自諾戈落發

源至阿斯特臘贊入海長二千七百里志略

朔方備乘

卷二十七

北徼水道考

美

曰河流之最長者曰窩瓦東南流七千餘里

而入裏海今考此河源委實七千餘里諸說

里數或有不符蓋傳寫之誤也此河源出倭

斯瑪城之西北四百里外窩集中東流七百

餘里謨羅噶河自西北合一水來入之又東

流色克納河自西來入之臣秋濤謹案色克

爾城東南窩集中流數十里諸為泊復從折

泊中流出西南曲曲流折而東流來匯

東北流納西來一小水又東北流有一水自

西來入之臣秋濤謹案此水首受泊水西南

曲曲流折而東流入佛兒格河

折東南流約二百里訥勒爾河自西南來入

之臣秋濤謹案訥勒爾河源出博勒斯拉博

城西窩集中諸為大泊南北袤百數十

東西廣二百里水從泊之東面流出逕博勒

斯拉博城南曰訥勒爾河又東流四百里復

諸為周數十里之泊水從泊西面流又東流

入自北面流出東北流入佛兒格河

逕惹勒斯拉博城南郭爾多斯瑪城北又東

百數十里羅佛羅瑪河自北來入之臣秋濤

謹案羅

佛羅瑪河出倭羅克達城東境窩集中西南

流三百餘里有一水自東來匯又折南流入

佛兒格河又東流折東南流烏薩河自東北來入

之臣秋濤謹案烏薩河出東北折西南流二

窩集中西南流入佛兒格河

百里格勒斯瑪河自西來入之臣秋濤謹案

格勒斯瑪河

源出倭斯瑪城西南山麓東流逕其城南又

東流逕鄂羅克城北又東流二百餘里有一

水自倭斯瑪城北發源東流逕其城北又東

流逕多倭爾噶城北又東流來會二水既合

東流七百餘里逕倭羅威謨爾城南折東北

流逕郭羅郭至斯德城西又東北流逕其城

北又東流入又西南流郭壘斯城水自東北

佛兒格河

來入之臣秋濤謹案此水出郭壘斯城北又

二源合而西南流入佛兒格河

西南流鄂噶河合眾水自西來會臣秋濤謹

案鄂噶河

源出黑海北岸大山北麓北流二百餘里合

西來一水又北流二百里折東北流百餘里

有一水自南來會又北流合西來一小水又

東北流有一水由都拉城東北發源逕城南

朔方備乘

卷二十七

北徼水道考

毫

自東來入之又折西北流逕博羅城北嚙
魯噶城南又西北流有三水合流自西南來
入之折東北傳噶城南又東北流二百餘里
東流逕古傳噶城南又東北流二百餘里有
一水自西北來入之折東流逕多魯薩城南
又東流有一水自城北來入之又東流逕德
爾必東流傳城南又東流有一水自城北來
之又東流逕巴瑪拉噶城南有一水自南來
入之又東流逕巴瑪拉噶城南有一水自南
斯格城北一出城南至城東而合東流百數
十里貫謨斯夸城南而西流一小水又南
繞科特瑪城之東而西流入鄂噶河鄂
噶河又折南流又東流逕羅散城北又東流
有一水發源窩集中東流逕羅散城北又東流
又東合南來一水逕勒斯科城北而東北入
鄂噶河鄂噶河又東流折東北流納南來一
水又東流逕德拉特瑪城北有一水自西南
發源東北流三百餘里至丹博傳城北合東

朔方備乘

卷二十七

北徵水道考

三

來一水又北流五百餘里入鄂噶河鄂噶河
又東流逕密科艾城北又東北流合南來一
小水又東北流逕巴多斯多傳城北折南流又
東北流三百餘里至尼多納城北又東流與
佛兒格河會按鄂噶河源流又西南流逕尼
長二千八百餘里亦巨川也又西南流逕尼
斯納城東又西南流都拉河自西南合二水
行七百餘里來入之又南流納東北一小水
又南流蘇拉河自西南來入之又東南流逕
喀山城南有一小水自西南來入之又東流
二百餘里逕德都斯城北又東有一水自西
南合一小水來入之又東流喀穆河合眾水

自東北來會 臣秋濤謹案此水異域錄作喀
郭羅多城西北山中東南流至城西南有三
水自城東北合流繞城南來會又南流逕蘇
爾頂城東又西南流逕索里噶穆斯城西
又西南流鄂索爾蓋河自東來入之即異域
錄所云烏索兒科河也又西南流有竺薩瓦
雅河首受泊水西北流合東來一水行六百
餘里自東南來會又西南流南合巨古爾城
西水又西南流逕鄂薩城北薩拉布特城南
又西南流三百里瓦特噶河源出色羅博達
城西高集中西南流逕赫林諾傳城西納西
來一水又西南流逕郭勒布特城西又西南四
百里逕來索爾城東折東南流與喀穆河會
喀穆河又南流 又東流逕巴達雅噶珊南又
入佛兒格河

朔方備乘

卷二十七

北徵水道考

三

薩瑪拉城西薩瑪拉河自東北發源繞其城
之東之南來入之折西南流逕德都爾噶珊
東又西南流二百餘里折東南流錫拴河自
東北來入之又東南流伊爾日斯河自東來
入之又南流逕薩拉多傳城西噶拉捫河自
東北山中發源合南來一水逕薩拉多博城
南來入之又西南流五百餘里有二水自北
合流來入之又西南流錫拉哈米斯城南折
而南分爲二其一支津西流入敦河其一經

流又西南逕達里特薩拉斯城東又南流有一水自東來入之又南流始名額集爾河一作額濟爾河一作額濟勒河一作額濟爾納河自此以南至裏海乃土爾扈特舊游牧處康熙中使臣圖理琛見土爾扈特汗阿玉奇於馬努托海地方卽在此河之旁也至乾隆三十六年土爾扈特歸順中國其未徙之部落仍屬於俄羅斯額集爾河又東南流折南流逕阿噶錫城東又折西流繞其城南又西

朔方備乘

卷二十七

北徼水道考

罕

南流逕揚噶拉城東又南流分爲二其一支東南流至扎穆布魯克回民居處入裏海其一經流又分爲二一支東南流至色爾克斯城東入裏海一支又分爲二繞阿斯達拉罕城四面至城南而合復分數派入裏海

庫墨河得爾集河入其西北

臣秋濤謹案庫墨河源出西北大山東麓東南流百餘里至野特散回民所居地南又東南流入裏海得爾集河亦發源西北大山東

麓東南流二百餘里至得爾集城南其東北卽蓮拉巴斯回民所居地也又東南流入裏海

古爾河阿拉斯河入其正西

臣秋濤謹案古爾河源出沙馬吉城西北大山南麓東南流三百餘里折東流入裏海其入海處北距沙馬吉城約百餘里阿拉斯源出額里旺城西百餘里外大山東麓其西麓水卽西流入黑海者阿拉斯河東流百數十

朔方備乘

卷二十七

北徼水道考

罕

里有一水首受正北大泊南流來會其東岸卽額里旺城也二水合南流折而東流二三百數十里分爲二支皆東流入裏海海之南面東面各有水來匯以非俄羅斯本境茲不具錄

伊策三布拉島中諸水

伊策三布拉島卽新增白臘島唐書所稱海北大山也

臣秋濤謹案伊策三布拉島在烏格里達海

灣之北大海中卽南懷仁坤輿圖之新增白
臘島也島中最東有山曰冰山山南曰雪地
島之西偏有地曰歪加字島之北有二灣曰
聖亞納灣曰白肋福爾得灣大地全球說曰
此地卽唐書所稱骨利幹北渡海日入煮羊
胛方熟東方已曙者或卽以骨利幹當之誤
矣臣秋濤謹案新唐書回鶻傳云骨利幹處
瀚海北其地北距海去京師最遠又北度海
則晝長夜短日入烹羊胛熟東方已明又地

朔方備乘

卷二十七

北徼水道考

聖

理志云骨利幹都播二部落北有小海冰堅
時馬行八日可度海北多大山其民狀貌甚
偉風俗類骨利幹晝長而夕短參考前載海
北大山卽今伊策三布拉島無可疑者唐書
僅稱在骨利幹之北未著地名然此島正與
廣東瓊州南北相望瓊州有海南之稱則此
島卽可以海北爲名矣至新舊唐書又載此
事於天文志止云骨利幹不言又北度海舊
書作者煮羊胛新書作膾羊腍字句亦微有異

同考志傳之修不出一手其間抵牾自所不
免後人援引或止檢天文志而未參覈他卷
則卽指爲骨利幹者亦不得遽謂之誤異域
錄言伊聶謝柏興夏夜極短日落夜深猶可
圍碁是則北海南北大略相同正無須聚訟
紛紜矣

島中之水曰巴都雅河

臣秋濤謹案巴都雅河源處北極出地七十
六度偏西三十五度有奇其水西北流至北

朔方備乘

卷二十七

北徼水道考

聖

極高七十七度偏西三十八度有奇折北流
入海

曰索爾衛斯達河

臣秋濤謹案索爾衛斯達河源處北極出地
七十五度有奇偏西三十七度在巴都雅河
源西南其水西北流至北極高七十六度有
奇偏西三十九度折北流入海

曰集爾集爾河皆北流入於海

臣秋濤謹案集爾集爾河源處北極出地七

十四度有奇偏西三十八度在索爾衛斯達河西南其水西北流至北極高七十六度偏西四十一度折北流入海自此以西至北極高七十四度偏西四十三度處有一水又西至北極高七十三度偏西四十四度處有一水皆西流入海此地爲島之西南隅當卽南懷仁所云歪加字地也

諸湖

臣秋濤謹案俄羅斯境內湖泊極多有源本

朔方備乘

卷二十七

北徼水道考

四

溪河緒爲湖泊者亦有源本湖泊溢爲溪河者均已見前茲不復錄其有水緒爲澤渟而不流或雖有本源自行自止不與他水相會不入於海者無可附麗今彙敘於此以便稽考仍以自東至西爲序至坤輿圖及全志備考各書載諸湖名不具源委概附於後云

鞠里里湖

臣秋濤謹案鞠里里湖在噶穆薩特喀城東南約九百里

巴爾古錫穆城東南泊

臣秋濤謹案巴爾古錫穆城東南二百餘里有三小泊又東有一泊周數十里有一水自東北大山發源西南流四百餘里入此泊其北隔山卽衛底穆河源及郭拉河源其南隔山卽尼布楚河源也
色爾喀斯喀拉淖爾

臣秋濤謹案色爾喀斯喀拉淖爾在汗阿林山西麓其南境卽中國科布多所屬地

朔方備乘

卷二十七

北徼水道考

五

達布遜淖爾

臣秋濤謹案達布遜淖爾在森博羅特圖拉西北淖爾之南之西皆距額爾齊斯河而與河流不相通

錫拉淖爾

臣秋濤謹案錫拉淖爾在伊錫穆斯歸西南七百餘里上源有二曰金集里克河曰巴差河二水合而西流入於淖爾其南皆沙磧也
巴爾喀錫淖爾

臣秋濤謹案巴爾喀錫淖爾在錫拉淖爾西南百餘里勒布錫河匯其東北庫庫烏蘇水匯其東南霽古斯河合庫克薩里河巴哈納斯河匯其西北又有一水發源哈薩克境北流經沙磧中行六百餘里自淖爾之南流入淖爾中有山曰阿拉克圖山

鄂羅穆淖爾

臣秋濤謹案鄂羅穆淖爾在錫德特額壘謨阿林之南瓮衮阿林之東淖爾凡八各周十

朔方備乘

卷二十七

北徵水道考

吳

數里不等東距巴爾喀錫淖爾二百里

胡爾哈爾金淖爾

臣秋濤謹案胡爾哈爾金淖爾在瓮衮阿林西北上源曰努拉河西北流入於淖爾

噶順泊

臣秋濤謹案噶順泊在塔奇城西源出烏拉嶺南流百餘里瀦為泊

薩穆爾泊

臣秋濤謹案薩穆爾泊在噶順泊西南有一

源並出北山南流入泊泊南岸皆沙磧也

塔爾渾泊

臣秋濤謹案塔爾渾泊在薩穆爾泊西北上源曰塔爾渾河出德爾特科爾山西南流三百餘里瀦為泊

塔奔泊

臣秋濤謹案塔奔泊在塔爾渾泊西沙磧中達布孫泊

臣秋濤謹案達布孫泊南倚沙磧西距額濟

朔方備乘

卷二十七

北徵水道考

吳

勒河康熙間土爾扈特阿玉奇汗遊牧於此泊之北

察漢諾爾

臣秋濤謹案察漢諾爾小泊也在揚噶拉城西有二小水自北來匯焉

得爾集城西北大湖

臣秋濤謹案此湖周數百里在得爾集城西北六百里外窩集中

訥倭郭羅特城西南大湖

臣秋濤謹案此湖周二百餘里源出城東南

山麓西流瀕為湖

賽美斯湖

北不斯湖

臣秋濤謹案備考作卑不斯湖

臣秋濤謹案地理全志云歐羅巴洲內之湖

拉多牙湖阿尼牙湖賽美斯湖北不斯湖在

俄羅斯今按拉多牙湖一作拉多加湖即刺

多牙湖也已見波羅的海所受水篇阿尼牙

湖一作疴內加湖已見白海所受水篇其賽

朔方備乘

卷二十七

北徼水道考

吳

美斯等二湖未詳源委附錄於此俟考

薩壹罵湖

臣秋濤謹案備考有塞罵湖當即此也俟考

巴牙納湖

壹爾門湖

臣秋濤謹案地理備考云俄羅斯湖之至大

者一名拉多加一名疴內加一名薩壹罵一

名北壹布一名巴牙納一名壹爾門今按拉

多加疴內加均已見前北壹布湖即博斯布

湖詳波羅的海篇內其薩壹罵等三湖未詳

源委附錄於此俟考

西峩湖

臣秋濤謹案此湖見瀛環志略當與阿尼牙

湖相近

排半湖

蘇米湖

臣秋濤謹案以上二湖見瀛環志略在錫伯

利部境又按俄羅斯西北境湖藪甚多且有

最大者其南之水皆分入裏黑二海以此證

朔方備乘

卷二十七

北徼水道考

吳

魏收書所云水澤以南兩海之間為一域者

即今俄羅斯波羅的海東部以至東俄南俄

諸部地也

閣辣湖

臣秋濤謹案南懷仁坤輿圖有此湖在加大

閣辣地之南閣辣即噶拉之聲轉加大閣辣

即昂噶拉也此湖當即昂噶拉河所匯之水

記以俟考

葛洛瑪湖

臣秋濤謹案南懷仁坤輿圖有此湖當在揭的河附近今無水以應之記以俟考

德勒古里湖

加半古拉湖

臣秋濤謹案以上二湖皆在達爾斯丹境內見地理備考

哥各查湖

臣秋濤謹案哥各查湖在亞爾美尼亞境內見地理備考

朔方備乘

卷二十七

北徼水道考

辛

代木爾湖

臣秋濤謹案代木爾湖在亞細亞州俄羅斯境內見地理備考

別洛湖

臣秋濤謹案別洛湖又名白湖在俄羅斯國境內見地理備考
臣秋濤謹案此湖疑即白哈兒湖

朔方備乘卷二十七

知縣林 穗初校
知縣丁紹基覆校

朔方備乘卷第二十八

考二十二

北徼教門考敘

臣秋濤謹案中庸云天命之謂性率性之謂道

修道之謂教三代以上道一風同有正教無異教異教之興多自西域蓋其地大物蕃流別不一而然也北徼俄羅斯境本苦寒土瘠薄而人樸野初無所謂教門厥後鄰國之教以漸傳入彼國彼國兼收而並用之是故近泰西之地則

朔方備乘

卷二十八

北徼教門考敘

一

尙天主教回部故壤則尙回教蒙古鄰域則尙喇嘛教而其大端則以天主教爲盛康熙中使臣圖理琛入其境所至皆設天主堂數座以教其民他可知已自道術分裂儒別爲八墨別爲三周末已紛然無紀漢唐以來門戶益衆卽釋道二氏亦分爲數支入主出奴鬪諍堅固於一教中操戈競起况殊族異域焉能強之使同哉俄羅斯能兼併西北諸部而不能使黃衣白帽之徒盡奉天主此以知嗜好所在非威勢所能

忌憚亦至此哉不思今日之天下卽三王五帝之天下也祖白謂歷代之聖君聖臣是邪教之苗裔六經四書是邪教之微言將何以分別我大清之君臣而不爲邪教之苗裔乎而弁其端者曰康熙三年柱下史毘陵許漸敬題噫吁異哉以史臣以諫官而亦爲此言耶雖前明之季學士大夫如徐光啟李之藻李天經馮應京樊良樞者多爲天主教作序然或序其歷法或序其儀器或序其算數至進天主書像圖說則罔有序

朔方備乘

卷二十八

北徼教門考

六

之者實湯若望自序之可見徐李諸人猶知不敢公然得罪名教也若望之爲書也曰男女各一以爲人類之初祖未敢斥言覆載之內盡是其教之子孫也祖白之爲書也則盡我中國而如德亞之矣盡我中國古先帝聖師而邪教苗裔之矣盡我歷代之聖經賢傳而邪教緒餘之矣豈止妄而已哉天主教不許供君親牌位不許祀祖先父母真率天下而無君父者也而許漸乃序之曰二氏終其身於君臣父子而莫識

其所爲天卽儒者或不能無弊噫是何言也二氏寺觀供奉龍牌是尙識君臣佛經言供養千辟支佛不如孝堂上二親是尙識父子况吾儒以天秩天序天倫天性立教乎唯天主耶穌以犯其國法釘死是莫識君臣耶穌之母瑪利亞有夫名若瑟而曰耶穌不由父生及皈依彼教人不得供奉祖父神主是莫識父子許漸顛倒之甚至謂儒者言天有弊是先聖乎先賢乎不妨明指其人而攻之如無其人不宜作此非聖之文自毀周孔之教也楊墨之害道也不過曰爲我兼愛而孟子亟距之曰楊墨之道不息孔子之道不著傳概之害道也苗裔我君臣學徒我周孔祖白之意若曰孔子之道不息天主之教不著孟子之距恐人至於無父無君祖白之著恐人至於有父有君而許漸爲祖白作序是距孔孟矣遵祖白矣儒者不能無弊許漸自道之也邪教開堂於京師宣武門之內東華門之東阜城門之西山東之濟南江南之淮安揚州

朔方備乘

卷二十八

北徼教門考

七

鎮江江甯蘇州常熟上海浙之杭州金華蘭谿
閩之福州建甯延平汀州江右之南昌建昌贛
州東粵之廣州西粵之桂林蜀之重慶保甯楚
之武昌秦之西安晉之太原絳州豫之開封凡
三十窟穴而廣東之香山嶽盈萬人盤踞其間
成一大都會以暗地送往迎來若望藉厯法以
藏身金門而棋布邪教之黨羽於

大清京師十二省要害之地其意欲何爲乎明綱之
所以不振者由廢祖宗之法弛通海泄漏之律

朔方備乘

卷二十八

北徼教門考

八

徐光啟以厯法薦利瑪竇等於朝以數萬里不
朝貢之人來而弗譏其所從來去而弗究其所
從去行不監押之止不關防之十五直省之山
川形勢兵馬錢糧靡不收歸圖籍而弗之禁古
今有此翫待外國人之政否

大清因明之待西洋如此習以爲常不察伏戎于莽
萬一竊發百餘年後將有知予言之不得已者
其下篇云天主教所事之像名曰耶蘇手執一
圓像問爲何物則曰天問天何以持於耶蘇之

手則曰天不能自成其爲天如萬有之不能自
成其爲萬有必有造之者而後成天主爲萬有
之初有其有無元而爲萬有元超形與聲不落
見聞乃從實無造成實有不需材料器具時日
先造無量數天神無形之體次乃造人其造人
也必先造天地品彙諸物以爲覆載安養之需
故先造天造地造飛走鱗介種植等類乃始造
人男女各一男名亞當女名厄穢以爲人類之
初祖天爲有始天主爲無始有始生於無始故

朔方備乘

卷二十八

北徼教門考

九

稱天主焉次造天堂以福事天主者之靈魂造
地獄以苦不事天主者之靈魂人有罪應入地
獄者哀悔於耶蘇之前並祈耶蘇之母以轉干
天主卽赦其人之罪靈魂亦得升於天堂惟諸
佛爲魔鬼在地獄中永不得出問耶蘇爲誰曰
卽天主問天主主宰天地萬物者也何爲下生
人世曰天主憫亞當造罪禍延世世後裔許躬
自降生救贖於五千年中或遣天神下告或托
前知之口代傳降生在世事蹟瑣題其端載之

國史降生期至天神報童女瑪利亞胎孕天主
瑪利亞怡然允從遂生子名曰耶穌故瑪利亞
爲天主之母童身尙猶未壞問耶穌生於何代
何時曰生於漢哀帝元壽二年庚申噫荒唐怪
誕亦至此哉夫天二氣之所結撰而成非有所
造而成者也設天果有天主則覆載之內四海
萬國無一而非天主之所宰制必無獨主如德
亞一國之理獨主一國豈得稱天主哉既稱天
主則天上地下四海萬國物類甚多皆待天主

朔方備乘

卷二十八

北徼教門考

十

宰制天主下生三十三年誰代主宰其事天地
既無主宰則天亦不運行地亦不長養人亦不
生死物亦不蕃茂而萬類不幾息矣乎天主欲
救亞當胡不下生於造天之初乃生於漢之元
壽庚申天主造人當造盛德至善之人以爲人
類之初祖猶恐後人之不善繼述何造一驕敖
爲惡之亞當致子孫世世受禍且其子孫中又
有聖有賢有智有仁不盡肖亞當所爲又何人
造之哉天主下生救之宜過化存神型仁講讓

以登一世於隳熙其或庶幾乃不識其大而好
行小惠惟以瘳人之疾生人之死履海幻食天
堂地獄爲事又安能救一世之雲初去惡而遷
善以還造化之固有哉釋氏銷罪必令懺悔彼
教則但崇事耶穌母子者卽升之天堂不奉之
者卽下之地獄使奉者皆善人不奉者皆惡人
猶可言也苟奉者皆惡人不奉者皆善人不皆
顛倒賞罰乎謂佛墮地獄中永不得出誰則見
之而耶穌生釘十字架則現身劍樹苦海豈有

朔方備乘

卷二十八

北徼教門考

十一

主宰天地萬物之人而不能自主其一身之性
命者乎以造化世界之上帝而世人能戕之戮
之者乎剽竊釋氏天堂地獄之唾餘而翻唇謗
佛則雖道教方士之剽佛謗佛不如是甚也且
又援儒而謗儒歷引六經之上帝而斷章以證
其爲天主曰蒼蒼之天乃上帝所役使或東或
西無頭無腹無手無足未可爲尊況於下地乃
衆足所踐污穢所歸安有可尊之勢夫不尊天
地而尊上帝猶可言也尊耶穌爲上帝則不可

言也耶蘇而誠全天德之聖人也則必一言而為法後世一事而澤被四海若伏羲文王之明易象堯舜之致時雍大禹之平水土周公之制禮樂孔子之明道德斯萬世之功也耶蘇有一於是乎如以瘳人之病起人之死為功此華佗良醫之流幻術之事非大聖人之事也更非主宰天地萬物者之事也苟以此為功則何如不令人病之功更大也以上帝之聖神廣運一一待其遇病瘳之遇死起之則已不勝其勞遇耶

朔方備乘

卷二十八

北徼教門考

三

蘇者一二不遇耶蘇者無量無邊其救世之功安在也且利瑪竇之書止載耶蘇救世功畢復升歸天而諱其死於王難至湯若望點不若利瑪竇乃並其釘死受罪圖寫而直布之其去黃巾之張角五斗米之張魯幾何而世尙或以其制器之精奇而喜之或以其不婚不宦而重之不知其儀器精者兵械亦精適足為我隱患也不婚宦者其志不在小乃在誘吾民而去之如圖日本取呂宋之事已可鑒也詩曰相彼雨雪

先集為霰傳又曰鷹化為鳩君子猶惡其眼今者海氛未靖譏察尙嚴揖盜開門後患宜甚甯使今日晉予為妬口毋使異日神予為前知斯則中國之厚幸也夫魏源曰案福音書耶蘇自稱為神父未嘗謂耶蘇即上帝也此所論稍未中肯其餘大槩得之

天主教考

魏源天主教考上篇曰天學全函諸書未之見也所見者西夷述救世主耶蘇新遺詔書用漢文譯刊凡十餘卷曰馬泰傳福音書第一馬可

朔方備乘

卷二十八

北徼教門考

三

傳福音書第二路加傳福音書第三約翰傳福音書第四皆述耶蘇降生行教靈蹟始末也聖徒言行傳第五述耶蘇死後諸大弟子傳教事蹟也聖徒保羅寄人書十篇聖徒約翰寄人書三篇又聖徒耶哥伯書彼得羅猶大士書皆其門人闡揚師教猶中土人論學之書也又聖人約翰天啟之傳則言天地劫毀天主重造人物之事計自開闢至今將六千年自耶蘇降生千有八百三十餘年稱耶蘇為基督其先世自亞

伯喇罕至大辟十四代自大辟至流巴庇倫十四代自流巴庇倫至基督亦十四代共四十二代其母曰瑪利亞童女有身徵兆奇異言是上帝之子降生代天行化及長能使病者愈死者生聾者聰瘖者語盲者視跛者行能履海濤能服邪鬼能榮槁木能以七餅分給四千人食能通各國語言遣其十二門人行化各郡國言上帝爲神父耶穌爲神子敬其子卽敬天年三十有二爲猶太國異教所嫉毀之國王擒而釘

朔方備乘

卷二十八

北徵教門考

古

之十字架死後三日復活母子重逢生於天上坐於上帝之右其現身酷死所以代衆生之罪故惟敬耶穌可以免罪獲福免地獄生天上萬歷中陽瑪諾著天問略曰天有十二重最高之十二重爲天主上帝諸神聖所處永靜不動廣大無比卽天堂也其內第十一重爲宗動天其第十第九重爲東西歲差天南北歲差天其動極微僅可推算而甚微妙又其內各重爲日月諸星本動之天皆自西而東宗動天自東而西

故先論九重未及十二也福音書曰元始有道道卽上帝萬物以道而造其造生者人類之光也光輝耀於暗而居暗者不識有上帝所遣之人名約翰來爲其光所證合衆得信真光照世卽耶穌也其身非由私欲而生乃上帝之子也耶穌之教始於阿細亞州而西行於歐羅巴近則並行於墨利加其西洋人發揮彼教之書曰大西各國惟知崇拜一上帝此外無所祈禱此教何所始曰有一舊遺聖書乃上帝指示摩西

朔方備乘

卷二十八

北徵教門考

圭

聖人所錄而摩西子孫傳於後世也其一言上帝之出沒其二言萬民之本分其三言後世之永福永禍夫上帝先乎天地萬物不可得知其所由來惟無所不知無所不能無所不在至正至大至智至誠則人人可信故風雷雲雨日月星辰草木花卉飛禽走獸鱗介昆蟲凡天地所覆載莫非上帝創造故名之曰天父曰救世主曰聖神其實一上帝而已此當知者一人生於世莫不稟受於天旣稟受於天則此身心皆上

帝所生上帝卽人之親矣爲子者可不愛敬其
大父母乎次則生我之父母亦當報罔極之恩
推及同氣與天下同類之人此當知者二且人
莫不有靈魂常不息不滅故信上帝而爲善則
死後其靈永享天福違上帝而爲惡則死後其
靈永受苦罰此當知者三上帝無形無聲恐人
不知故留書以教世其聖書始於夏終於漢前
者已閱三千年後者已閱二千年餘矣其書半
是亞細亞之西希伯來人所錄半是歐羅巴之

朔方備乘

卷二十八

北徼教門考

六

東希臘人所錄又有神理論曰天地內有神爲
極大全能造化萬物管理萬物人不能自生物
不能自造日星何以循環山川何以凝載草木
何以榮落飛走潛介何以視聽鳴動曰靈曰魂
曰心曰性皆神之所謂也是神獨一無二最始
無前儻有對待有後起卽非神天之神也莫大
於天地然天地有形可見神天無形天地有終
始神天無終始天地乃受造之物所造之者神
也天地乃運動之機器所以運之者神也天地

尙不可稱神而世人常敬數神千百神如日月
雲雷山海社稷則以其尊大顯赫而神之古人
有文武出衆功德在人者則神之不知天上帝
下止有一神所管更無二神可抗故專言神恐
鄰於祇鬼專言天恐泥於形氣惟合言神天乃
足該至大至靈之宗卽儒書所謂造化所謂上
帝非世俗玉皇大帝之謂者也謂神曰靈亦可
但有人靈有仙靈有天靈人靈與身體相結不
脫於物亦神所造非神也仙靈乃神之使者無

朔方備乘

卷二十八

北徼教門考

七

靈重之身而有細妙之身亦神所造非神也惟
天靈卽神天全無身體無方所無在無不在故
易曰陰陽不測之謂神妙萬物之謂神不疾而
速不行而至之謂神

其中篇曰天主垂世爲十大誠十大誠者當中
國商朝時神天降旨如德國之西奈山文在石
碑又以大聲音宣其命令惟召聖人摩西上山
受上帝之命藏在金匱千年至耶蘇興始以其
法示人凡天覆地載皆宜祇遵其一神天曰除

十 卷二十八 北 教 門 考

我外不可有別神也原注凡人手所作之木偶土石及山川祖宗等神皆

不可奉蓋拜祭之禮止可施於神天不可施於他人以分此心宜全心一意以敬神天也其

二神天曰不可為我而造雕畫之像不可立廟

設位陳牲酒施鼓樂讚誦而事神也原注禮拜之日雖耶

蘇及聖母之像十字之架皆不可其三神天曰

爾不可輕用神名原注古時以色爾國國民受神

言自然而然之神也凡發願發誓祈禱其四神

天曰撒巴日宜守禮其前六日可兼營爾業惟

第七日不可務別業並爾子女婢僕牲口門內

朔方備乘 卷二十八 北教門考 支

之客皆然蓋六日內神主造天地海第七日乃

神主安息日故宜守之原注撒巴即禮拜日也

亦息內念已往未來一切閒事勿念一心專念

神天或拜神或讀聖書或省察己心或勸化他人皆所以保

靈魂體造化以上四誠皆屬敬天以下六條乃

及五常其五神天曰敬爾父母六日不可殺人

原注不但害人靈魂不可即自戕者其靈魂七

日不可姦人妻原注不惟禁外淫并不許養妾

不可置妾無子亦原注上八日不可盜人物九日不可

妄證及爾鄰者十日不可貪人之所有原注上

外事此則並心 耶蘇曰爾以全心全靈魂全明

悟而愛爾主爾神此乃第一大誠其第二則必

愛爾鄰如己焉此耶蘇述十誠大意歸此敬天

愛人二者然敬天則無不愛人故二者中又以

敬天為要聖徒保羅曰惡報有三一者今世諸

難二者死亡大痛三者死後永苦凡有罪者不

能脫免惟信耶蘇可得救之何者耶蘇在世成

全律法有大功勞信之則其功歸我又耶蘇曾

受艱苦代我當罪信之則我罪歸他大哉盛哉

朔方備乘 卷二十八 北教門考 充

施舍生命以免我苦以其痛苦我得平安以其

死亡我得生活以其禍害我得永福天上神仙

其力有限其位非高不如耶蘇力大尊極貴為

神子位為參天自棄天光降此紅塵代人受苦

以救萬世不信之者雖善人亦墮落解信之者

即罪人立升天堂至萬萬年猶有餘祥焉

其下篇曰天學全函諸書四庫全書列諸存目

今略錄其提要曰二十五言一卷明利瑪竇撰

西洋人之入中國自利瑪竇始西洋教法傳中

國亦自此二十五條始大旨多剽竊釋氏而文詞尤拙蓋西方之教惟有佛書歐羅巴人取其意而變幻之猶未能甚離其本厥後既入中國習見儒書則因緣假借以文其說乃漸至蔓衍支離不可究詰自以為超出三教上矣附存其目庶可知彼教之初所見不過如是也又天主實義二卷明利瑪竇撰是書成於萬曆癸卯凡八篇首篇論天主始制天地萬物而主宰安養之二篇解釋世人錯認天主三篇論人魂不滅

朔方備乘 卷二十八 北徼教門考 三

大異禽獸四篇辨釋鬼神及人魂異論天下萬物不可謂之一體五篇排辨輪迴六道戒殺生之謬而明齋素之意在於正志六篇解釋意不可滅並論死後必有天堂地獄之賞罰七篇論人性本善併述天主門士之學八篇總舉泰西俗尚而論其傳道之士所以不娶之意並釋天主降生西土來由大旨主於使人尊信天主以行其教知儒教之不可攻則附會六經中上帝之說以合於天主而特攻釋氏以求勝然天堂

地獄之說與輪迴之說相去無幾特小變釋氏之說而本源則一耳又畸人十篇二卷附西琴曲意一卷明利瑪竇撰是書成於萬曆戊申凡十篇皆設為問答以申彼教之說一謂人壽既過誤猶為有二謂人於今世惟僑寓耳三謂常念死後利行為祥四謂常念死後備死後審五謂君子希言而欲無言六謂齋素正旨非由戒殺七謂自省自責無為為尤八謂善惡之報在身之後九謂妄詢未來自速身凶十謂富而貪

朔方備乘 卷二十八 北徼教門考 三

吝苦於貧窶其言宏肆博辨頗足動聽大抵攝釋氏生死無常罪福不爽之說而不取其輪迴戒殺不娶之說以附會於儒理使人猝不可攻較所作天主實義純涉支離荒誕者立說較巧以佛書比之天主實義猶其禮懺此則猶其談禪也未附西琴曲意八章乃萬曆庚子利瑪竇覲京師所獻皆譯以華言非其本旨惟曲意僅存以其旨與十論相發故附錄書末焉又七克七卷明西洋人麗迪我撰書成於萬曆甲辰其

說以天主所禁罪宗凡七一謂驕傲二謂嫉妬
三謂慳吝四謂忿怒五謂迷飲六謂迷色七
謂懈惰於善迪我因作此書發明其義一日伏
傲二曰平妬三曰解貪四曰熄忿五曰塞贅六
曰防淫七曰策怠其言出於儒墨之間就所論
之一事言之不爲無理而皆歸本敬事天主以
求福則其謬在宗旨不在詞說也其論保守童
身一條載人或難以俱守貞不婚人類將滅乃
答以儻世人俱守貞人類將滅天主必有以處

朔方備乘

卷二十八

北徼教門考

三

之何煩過慮其詞已遁又謂生人之類有生必
有滅亦始終成毀之常若得以此終以此毀幸
甚大願則又詞窮理屈不覺遁於釋氏矣尙何
闢佛之云乎又辨學遺牘一卷明利瑪竇撰是
編乃其與虞淳熙論釋氏書及辨蓮池和尚竹
窗三筆攻擊天主之說齊固失矣楚亦未爲得
也又交友論一卷明利瑪竇撰萬曆己亥利瑪
竇遊南昌與建安王論友道因著是編以獻其
言不甚荒悖然多爲利害而言醇駁參半如云

友者過譽之害大於仇者過訾之言此中理者
也又云多有密友便無密友此洞悉物情者也
至云視其人之友如林則知其德之盛視其人
之友落落如晨星則知其德之薄是導天下以
濫交矣又云二人爲友不應一富一貧是止知
有通財之義而不知古禮惟小功同財不概諸
朋友一相友而卽同財是使富者愛無差等而
貧者且以利合又豈中庸之道乎王肯堂鬱岡
齋筆塵曰利君遺余交友論一編有味哉其言

朔方備乘

卷二十八

北徼教門考

三

之也使其素熟於中土語言文字當不止是乃
稍刪潤著於篇則此書爲肯堂所點竄矣又西
學凡一卷明西洋人艾儒略撰儒略有職方外
紀已著錄是書成於天啟癸亥天學初函之第
一種也所述皆其國建學育才之法凡分六科
所謂勒鐸理加者文科也斐錄所費亞者理科
也默第濟納者醫科也勤義斯者法科也加諾
搦斯者教科也陡錄日亞者道科也其教授各
有次第大抵從文入理而理爲之綱文科如中

國之小學理科則如中國之大學醫科法科教
科者皆其事業道科則在彼法中所謂盡性致
命之極也其致力亦以格物窮理爲本以明體
達用爲功與儒學次序略似特所格之物皆器
數之末而所窮之理又支離神怪而不可詰是
所以爲異學耳又靈言蠡勺二卷明西洋人畢
方濟撰而徐光啟編錄之書成於天啟甲子皆
論亞尼瑪之學亞尼瑪者華言靈性也凡四篇
一論亞尼瑪之體二論亞尼瑪之能三論亞尼

朔方備乘

卷二十八

北徼教門考

五

瑪之尊四論亞尼瑪所同美好之情而總歸於
敬事天主以求福其實卽釋氏覺性之說而巧
爲敷衍耳明之季年心學盛行西士慧黠因據
佛經而變幻之以投時好其說驟行蓋由於此
所謂物必先腐而後蟲生非盡持論之巧也又
空際格致二卷明西洋人高一志撰西法以火
氣水土爲四大元行而以中國五行兼用金木
爲非一志因作此書以暢其說然其窺測天文
不能廢五星也天地自然之氣而欲以強詞奪

之烏可得乎適成其妄而已矣竇有詮六卷明
西洋人溥汎際撰書亦成於天啟中其論皆宗
天主又有寰滿純體不壞等十五篇總以闡明
彼法案歐羅巴人天文推算之密工匠製作之
巧實逾前古其議論夸詐迂怪亦爲異端之尤
國朝節取其技能而禁傳其學術具存深意其書
本不足登冊府之編然如竇有詮之類明史藝
文志中已列其名削而不論轉慮惑誣故著於
錄而闢斥之又明史載其書於道家今考所言

朔方備乘

卷二十八

北徼教門考

五

兼剽三教之理而又舉三教全排之變幻支離
真雜學也故存其目於雜家
魏源曰西域三大教天主天方皆闢佛皆事天
卽佛經所謂婆羅門天祠其教皆起自上古稍
衰于佛世而復盛於佛以後然吾讀福音諸書
無一言及於明心之方修道之事也又非有治
歷明時制器利用之功也惟以療病爲神奇稱
天父神子爲劫制尙不及天方教之條理何以
風行雲布橫被四海莫不尊親豈其教入中土

者皆淺人拙譯而精英或不傳歟神天既無形氣無方體乃降聲如德之國勒石西奈之山殆甚於趙宋祥符之天書而摩西一人上山受命遂傳十誡則西域之王欽若也印度上古有婆羅門事天之教天方天主皆衍其宗支益之誦誕既莫尊於神天戒偶像戒祀先而耶蘇聖母之像十字之架家懸戶供何又歧神天而二之耶斥佛氏之戒殺而力言禽獸異於人之靈魂萬物不可爲一體以濟其口腹庖宰之欲是上

朔方備乘

卷二十八

北徼教門考

三

帝果不好生而好殺乎人之靈魂最貴故人不
可殺亦不可自殺即殉難自殺亦必陷地獄則
申生扶蘇召忽屈原皆地獄中人反不如臨難
苟免之人乎謂上帝初造人類時止造一男一
女故人各一妻妻即無道不可議出即無子不
可娶妾則何以處淫悍不孝且何又許富貴人
婢僕無數豈陰許其實而陽禁其名乎謂人一
命終善惡皆定受報苦樂永無改易更無復生
輪迴之事則今生皆初世爲人人皆天主所造

何不但造善信毋造邪惡乎耶蘇自身受罪可代衆生之罪則佛言歷劫難行苦行舍頭目腦髓若恆河沙功德當更不可量耶蘇又曷斥之乎謂孔子佛老皆周時人僅閱二千餘歲有名字朝代但爲人中之一人不能宰制萬有則耶蘇詎非西漢末人又安能代神天以主造化且聖人之生孰非天之所子耶蘇自稱神天之子正猶穆罕默德之號天使何獨此之代天則是彼之代天則非乎歷覽西夷書惟神理論頗近

朔方備乘

卷二十八

北徼教門考

三

吾儒上帝造化之旨餘皆委巷所談君子勿道又其書皆英夷所刊布而英吉利舊傳不奉天主教原注見海國聞見錄及考每月統紀傳則又言英吉利民遷墨利加洲新地不服水土瘴氣流行皆赴神天之堂籲救得息於是國人奉事天主七日禮拜又以耳得蘭島距國數百里結黨抗教國王勒之歸順且禁買黑奴亦以耶蘇之道豈昔闢之而近日奉之歟抑遵波羅士特之天主教而不遵加特力之天主教門戶不

同指歸小異歟董子曰道之大原出於天故吾儒本天與釋氏之本心若冰炭乃天方天主亦皆本天而教之冰炭益甚豈辯生於末學而本師宗旨或不盡然歟周孔語言文字西不逾流沙北不暨北海南不盡南海廣谷大川風氣異宜天不能不生一人以教治之羣愚服智羣愚訟服正直文中子曰西方之聖人也中國則泥莊子曰八荒以外聖人論而不議九州以外聖人議而不辨或復謂東海西海聖各出而心理

朔方備乘

卷二十八

北徼教門考

三

同則又何說焉

俄羅斯所攻之務魯木即天主教本國

俄羅斯事輯云俄羅斯嘗攻距西藏五千里外之務魯木瀛環志略曰務魯木即羅馬之轉音乃土耳其其所屬地考泰西地志羅馬一稱教宗國古羅馬舊都也當全盛時文物聲名為西洋第一大都會至劉宋時為北狄特族所據故王居室大半殘毀書冊舊典亦掃蕩無遺由是民俗大變非其舊矣天主教自東漢時傳播西

土羅馬人崇信尤篤故國既為狄所據天主教之徒乘機招誘黨羽日繁大權歸其掌握佛即西既滅我特族遂以其地歸天主教師號曰教王教王歿則大會各教主僉議推老成者一人嗣位略如前後藏喇嘛坐牀之俗其教傳布各國有不遵者輒挑釁搆兵夷滅之或教其民叛主佛即西之創霸也教王為之加冕英吉利北族之起兵也請於教王教王封以英土其權如此至前明時日耳曼人路得別立耶蘇教稱為

朔方備乘

卷二十八

北徼教門考

三

正教斥天主教為異端邪教於是諸國半歸耶蘇教而教王之權頓衰所據之羅馬都城古蹟最多天主教堂極崇宏光彩射日入教之徒如蟻各食教王俸精別國之祭司遠方之信士焚香禮拜者踵相接也天主之外所崇奉者耶蘇之母馬氏稱為天后籲禱尤虔其民情於農事野多曠土山內多藏兇盜捕急則逃入天主堂無復過問者據此是務魯木專奉天主教諸書或以為奉佛教乃紀述之誤也

俄羅斯奉天主教之始

臣秋濤謹案俄羅斯之奉天主教始自羅馬志略云西國自剖判以來惟意大里疆域最鉅肇造邦土在成周中葉開拓在西漢之中分裂在東晉之末宗社之墟在明景泰間傳世之久泰西無其比也據泰西人所記載其創業之主曰羅暮路原注一作羅母洛於周幽王年間始建城於羅馬別五土之宜教民以耕稼造戟弩以習戰子努馬原注一作又馬嗣位初設律例愛育黎元分等威

朔方備乘

卷二十八

北徼教門考

三

別貴賤境內大治傳七世至達爾癸虐蘇比爾伯淫虐無人理民廢王選賢者二人居高爵立公會以治事高爵每年一易由是國無王而勢日強盛意大里諸部皆歸版圖阿非利加北境有大國曰加爾達額原注一作迦大其舊名非尼西亞立國最早由希臘遷於地中海之南岸其國善於商賈擅地中海之利權又兼併西班牙富強無與埒羅馬初興時加爾達額屢侵軼之又奪其屬島西治里後羅馬漸強始稱勅敵搆兵數

百年迭為勝負西漢初加爾達額命其大將漢

尼巴合西班牙之兵大舉伐羅馬連戰皆克陷

南境諸城羅馬大將發比約馬西摩堅壁以老

其師而遣別將馬爾塞羅伏奇兵邀其歸路又

遣西比揚潛師渡海襲其都城漢尼巴聞警還

救遇伏大潰比渡海將至西比揚回兵邀擊於

海中全軍盡覆漢尼巴乘漁舟奔西里亞求援

時漢高祖六年也是時希臘分數部馬基頓最

強諸部為所凌侮求庇於羅馬羅馬以兵護諸

朔方備乘

卷二十八

北徼教門考

三

部因脅降為屬國諸部悔之密約西里亞為援

西里亞者原注一作敘里亞亞細亞大部在猶太之北

舊本巴庇倫地波斯滅巴庇倫地歸波斯後馬

基頓王亞勒散得伐波斯盡取其地亞勒散得

卒於軍諸將裂其土自王分為數國後並入西

里亞為一國勢頗強大故希臘諸部欲倚之以

拒羅馬而漢尼巴又盛稱羅馬師疲易敗漢惠

帝五年西里亞王安的約哥帥兵赴希臘羅馬

迎擊之西里亞兵大敗奔回羅馬軍乘勝逐北

圍其都城安的約哥納土降漢尼巴自殺因移
兵征馬基頓馬基頓亦降希臘諸部皆獻土漢
景帝十年羅馬以大兵伐加爾達額圍其都城
城將陷加爾達額闔城自焚羅馬毀其城因略
定其屬部復征服西班牙置為別部原注時葡
班牙西邊
尚未立國是時地中海南岸尚有兩強國一曰
奔多一曰入占爾達奔多有高哥斯大山為屏
蔽其王覓的里達隄強武好戰恃天險不肯資
服羅馬命大將西拉盧占祿征之連兵二十六

朔方備乘

卷二十八

北徼教門考

三

年屢破其軍覓的里達隄扼險不肯降漢景帝
元年羅馬大將奔彪以奇兵破奔多殺覓的里
達隄入占爾達尤險遠漢武帝元封五年羅馬
大將馬黎約征服之由是地中海南岸諸部盡
入版圖猶太麥西亦納款北境拓地至日耳曼
復西關佛郎西渡海征英吉利土番建為大部
西土數萬里無復抗顏行者初羅馬廢國王立
公會高爵由眾推選原議一年一易後因兵事
不得易漸有久於位者高爵子孫名巴的黎西

疴推舉高爵半由巴的黎西疴黎庶雖有奇傑
多阻遏不得進而高爵子孫席富貴以勢凌黎
庶積不能平時諸將四征不庭各擁強兵兵皆
百戰悍不馴至是四方略定諸將各凱旋屯畿
甸適有夷族自東北來侵亞細亞諸部多翻城
應之大將綳標原注一
作潘沛往勦方戰勝收復境土
而內變作先是馬黎約之兵與希臘之兵詬誶
交鬪黎庶之黠者乘機倡亂殺高爵子孫民與
紳鬪兵與兵訐既而兵民紳分黨相攻數旬之

朔方備乘

卷二十八

北徼教門考

三

內反者如蝟毛而起屠戮凡數萬人綳標聞變
即回兵大將愷撒原注一作人
略塞薩爾方西征亦旋師
共平內難盡戮反者前後死者凡十餘萬人國
乃定是時大權歸兩帥綳標為羅馬宿將征伏
麥西猶太重定亞細亞建功最早貪權位漸驕
恣而愷撒負英略學術過人平佛郎西英吉利
建為大部勳業尤著兩人積不相能愷撒素得
民心綳標度不能抗託故之東部起兵攻愷撒
愷撒率眾禦之戰於希臘之法爾薩里亞綳標

兵潰單舸奔麥西麥西王斬其頭獻羅馬由是
 愷撒總大綱立法制羅馬大治時高爵有不盧
 多加西約者忌愷撒之得大權將帝制遣客刺
 殺之高爵馬爾各安多尼約因擅權專制將自
 王愷撒猶子唯大屋原注一作塞薩爾起兵攻之
 戰於黑細約河馬爾各安多尼約大敗攜其孥
 而逃不盧多加西約皆自剄死漢成帝建始二
 年唯大屋踐王位是為羅馬復立國王之始當
 是時羅馬東境至亞細亞原注即土耳其西境至
 朔方備乘 卷二十八 北徼教門考 三

西班牙英吉利北境括日耳曼諸部南境包阿
 非利加之北境地兼三土原注亞細亞歐周圍
 數萬里盡入版圖波斯遣使乞和天竺亦遣使
 通好徼外諸夷部皆附之建始三年唯大屋更
 名曰奧古土都原注一作奧烏土多銷兵罷戰親閉仍納
 廟門原注仍納兵主之神兵性寬大厚待功臣
 親愛士民為羅馬極隆平之世其後駕里古喇
 尼囉相繼立皆苛暴荒淫比于幽厲大將菲士
 巴山素得民譽眾推戴為國王時猶太叛亂命

其子第度伐之攻破猶太都城居之已而第度
 嗣立慈惠愛民稱為賢主未幾卒其弟嗣立煩
 刑苛斂國人不堪其虐弑之東漢和帝九年王
 大喇壤嗣位時匈奴侵北鄙命將擊走之王性
 寬惠矜庶獄有仁聲晚歲好土木比頑童論者
 惜其不終繼立之王好武屢伐匈奴勝之順帝
 十二年王安敦嗣立博物好古明於治體修律
 度振綱紀號為中興時匈奴逐水草屢犯邊王
 親率大兵渡河深入不解甲者數年窮追至北
 朔方備乘 卷二十八 北徼教門考 三

海犁其庭幕伏屍百萬由是烽燧銷息數十年
 無鳴吠之警臣秋濤謹案據此則漢時俄羅斯
 未言及亦北海之境嘗為羅馬所伐諸書皆
 異聞也 東漢之末昏庸在位骨肉相殘國大
 亂蜀漢後帝年間稱王者三十人日相屠攻有
 奧哩都者削平僭逆光復舊物羅馬再康後因
 東方多邊患恆屯重兵以備之晉懷帝永嘉元
 年王君士但丁原注或作公胆廷嗣位性謙柔有遠略
 建大城於他大尼里海峽之北岸以控制東方
 即名曰君士但丁城原注一作康思胆胎諾格
爾又作官士丹的諾伯拉

又稱控是為羅馬東都君士但丁卒三子爭立

嗜爾國文幾亂嗣立之王好佛仇耶蘇教伐波斯中

流矢卒王約菲安嗣位温恭好禮修好四鄰稱

為太平先是東北有義特族者原注一作厄為

匈奴所攻降於羅馬羅馬處之北境恣其游牧

生聚年久日漸强盛羅馬既立東都悉以勁兵

防東邊西都守備單弱義特突以兵犯羅馬羅

馬王禦之殞于陣國大震乃與之和王弟阿多

西嗣位潔白自修稱為合辟東晉孝武帝二十

朔方備乘

卷二十八

北徼教門考

三

二年分國為兩以羅馬為西都以君士但丁為

東都立二王分治之其後西都屢為義特所侵

日就衰弱王何挪流嗣立貪饕喜淫刑義特屢

來攻肆行殺掠城邑蕭然宋蒼梧王元徽三年

義特圍羅馬都城王出降義特囚之軍中憂懼

死羅馬民私葬之由是西都遂為義特所據而

東都仍稱羅馬國梁武帝二十五年東王如地

尼安嗣位精於吏治因舊例煩苛令羣臣刪訂

之歸於寬簡臣民稱便時國人有航海至中國

者攜蠶桑之種以歸試植之與土性宜由是南

絲之利興焉原注泰西與蠶桑之利已一千數

粵東唐初回回教之摩哈默興於阿刺伯新兼

波斯勢張甚欲強羅馬入回教羅馬不從由是

為阿刺伯所怒數數被兵是時俄羅斯興於北

土以兵侵羅馬羅馬與之和以女嫁之從此俄

羅斯崇天主教已而阿刺伯攻羅馬之東境西

里亞猶太買諾諸部皆陷峽東地全成敵境僅

餘故希臘片土原注即土勢益孤弱元末土耳

朔方備乘

卷二十八

北徼教門考

三

其起於買諾兼併峽東諸部數渡峽原注即他

已詳土耳攻羅馬侵割其旁邑殆盡明景泰三

年攻陷君士但丁都城羅馬遂亡考後漢書大

秦國一名犁鞬以在海西原注此海亦云海西

國所居城邑周圍百餘里置三十六將皆會議

國事其王無有常人皆簡立賢者其人民皆長

大平正有類中國故謂之大秦與安息即波斯

竺即印度交市於海中其王常欲通使於漢為安

息遮遏不能自達至桓帝延熹九年大秦王安

敦遣使自日南徼外獻象牙犀角瑇瑁始乃一通焉云云考之泰西人所紀載羅馬都城最大與漢書周圍百餘里之說相合又羅馬自努馬七世後不立國王選賢者居高爵立公會以治事與漢書王無常人簡立賢人之說相合漢成帝二年唯大屋踐王仍世及漢書所云乃其往事又漢順帝十二年王安敦嗣位號爲中興與漢書延熹九年大秦王安敦遣使入貢之說年代名氏均相合則意大里之爲大秦無可疑矣

朔方備乘

卷二十八

北徼教門考

三

意大里在兩漢時歐羅巴一土隸幅員者十七八故大秦之外別無海西部落之名見於范書惟安敦之入貢由日南徼外其爲航海東來可想而知然則謂歐羅巴諸國明以前未通中國者殆不其然惟市舶之聚於粵東則自前明始耳原注唐宋以來指拂菻爲大秦不知拂菻乃大秦之東鄰屬部猶之稱浩罕爲安集延也然自宋以後拂菻爲回部所據並不屬大秦中國不知其原委故因仍而不改耳泰西人所刻耶蘇之書甚多其敘述謂上古之世有至人摩西者受神天教於西奈山原注在阿刺伯西北境

垂十誠以教世人其先有哲人曰亞伯拉罕十四世而生大辟兩人皆西土名賢能教化人大辟十四世爲巴別倫巴別倫又十四世而生耶穌基督原注基督如中國之云神靈耶穌之父曰約色弗母曰馬利亞馬利亞感神而孕漢哀帝五年生耶穌於猶太國之伯利恆邑有異人從東方來云有星降於猶太爲國王其王希羅得潛使人物色殺之約色弗夢神人告使避難抱兒逃於麥西希羅得死乃回以色列地又遷於加利利之

朔方備乘

卷二十八

北徼教門考

三

拿撒勒耶穌既長神異特甚時有先耶穌聞道者曰約翰耶穌就而領洗禮原注洗謂澡身領洗禮蓋受業之意約翰知耶穌爲至人不敢自居先輩通告人使師耶穌由是耶穌宣傳教法戒殺戒淫戒盜戒誣證謂天爲父己爲上天之獨子降生以拯濟世人謂人之生也靈魂爲重軀殼爲輕軀殼時至而毀靈魂歷劫不磨修道之人升靈魂於天國與天無極受業者十二弟子最著者爲西門彼得羅爲耶哥伯爲馬太耶穌能以神術醫人

疾痲者瘡者癱者瞽者魘者以手撫摩之立愈
 所至男女數千人隨之喧傳耶蘇為猶太之王
 有祭司元魁原注主持 禮拜之人該亞法與眾謀欲擒而
 殺之耶蘇豫知數不可逃語門人以後事門人
 有猶大士者受賄賣其師密導人往執之送於
 大吏彼拉多彼拉多審其無罪欲釋之眾怒噪
 謂彼拉多縱叛民堅請釘之十字架彼拉多不
 得已從之耶蘇遂被釘死葬之明日失其屍其
 後門人數數形見云耶蘇死後彼得羅與諸弟

朔方備乘 卷二十八 北徼教門考 甲

子往來各國傳布其教有士提者聞而篤信以
 傳道自任猶太人以石擊斃之有保羅者初與
 耶蘇之徒為仇攻之甚力後悔悟入教進道最
 勇所著之書亦最多云云其書文義詰曲而俚
 蓋彼土學漢文者所釋其中有帶機鋒似禪語
 者而義則粗淺其所謂洗禮七日安息禮拜之
 類自摩西以來即有之非始於耶蘇也

天主教與耶蘇教同異

志略曰按耶蘇生於猶太其教之盛行則起於

羅馬自教王擅權之後諸國王侯聽其頤指有
 不從者則國輒被兵主輒被廢數百年無敢違
 異其教稱為天主教天主者以耶蘇為上天之
 主宰也明初有日耳曼人路得者起而攻其說
 謂天主教解耶蘇之書皆謬誤以刑戮強人入
 教乃異端邪說非耶蘇本旨於是取耶蘇之書
 重加譯解別立教規稱耶蘇為救世主名其教
 為耶蘇教諸國之奉天主教者多翻然從之教
 王大怒令諸王捕殺耶蘇教人然其教已盛行

朔方備乘 卷二十八 北徼教門考 甲

不可遏止由是君與民因分教相殺國與國因
 分教相攻數百年來西土之民肆市朝膏原野
 者不知幾百萬皆因爭教而起也今歐羅巴從
 天主教者曰意大里亞曰佛郎西曰比利時曰
 西班牙曰葡萄牙從耶蘇教者曰英吉利曰荷
 蘭曰噠國曰瑞國曰普魯士曰米利堅此外兩
 教參雜者曰奧地利曰日耳曼列國天主教規
 立十字架作銅人肖耶蘇被釘受難之形旁有
 女人像肖耶蘇之母馬利亞耶蘇教不設十字

架不肖像其餘七日禮拜皆從同又別有希臘教者亦天主教別派額里士俄羅斯尚之與兩教教規又不同近泰西人稱天主教爲公教稱路得等教爲修教余謂耶蘇之立教以救世也乃諸國以分教之故殘殺不已耶蘇而有知也其謂之何

臣秋濤謹案自明季利瑪竇之徒入中國於是天主教盛傳於世其所刻之書有論歷法算術制器之法者治世所不廢也其自別爲理編者

朔方備乘

卷二十八

北徼教門考

聖

皆論天主教之說當時或崇奉其教或辭而闕之皆祇知有所謂天主教而路得所創之耶蘇教中國未有聞焉蓋其時耶蘇教尙未盛行於泰西也至於今日公教修教門戶迥殊兩不相下奉公教之國以佛即西爲最大奉修教之國以英吉利爲最大而俄羅斯則別奉所謂希臘教者亦謂之額力教蓋同一天主教分而爲三而三大國者各奉其一皆欲以行諸天下何異說之滋繁歟然公教斥修教爲後起之異端修

教斥公教爲橫行之邪說二家之辨齟齬尤甚中國之論者亦無以決其是非臣秋濤嘗取諸家紀載詳觀之恍然知其剖判之故蓋天之生人莫不與以四端五常之性而異教出自絕域於倫理之重轉致囿於不知然其心之良知良能則固未嘗不同於中國也特未有以開發而誘迪之耳今天主教之在西國設教王以奪各國國王之權是無君也民之農者商者皆不得有其利而悉歸之教中是虐民也彼路得者目

朔方備乘

卷二十八

北徼教門考

聖

睹夫國君之受制於教王民俗之被害於教衆痛心疾首而知其非耶蘇戒殺戒淫之本意也於是別爲耶蘇教以政令之柄歸之國王以貨財之利歸之民庶國王民庶皆以爲便而從之路得之教遂行於諸國矣夫此不忍凌王不忍虐民之心正也其斥天主教爲異端邪說宜也是人之尊君愛民良知良能彼國之人未嘗不同有是心一經路得之開發誘迪羣然信從使其聞周孔之教漸仁義之俗一旦豁然知父

子之當相親夫婦之當有別天良未滅感激奮興安在不可化異教為倫常中之教乎昔夷之既學墨翟之學而葬親從厚孟子即藉其一端之明以啟迪之臣謂如路得者亦夷之之流亞也誠以孔孟之心為心將欲因其機而導之入善豈可不留意於是哉

朔方備乘

卷二十八

北徼教門考

罽

朔方備乘卷第二十九

考二十三

北徼方物考敘

臣秋濤謹案尙書大傳載夏后氏時四海異物有西海之魚骨魚幹魚脅北海之魚劍魚石諸物咸會於中國鄭康成注云言德能及之異物來至也漢唐以後遐荒阻隔西北海方物罕有紀載欽惟我

朔方備乘

卷二十九

北徼方物考敘

一

聖朝化洽中外荒服來賓時則俄羅斯國地居北徼屢貢土產如黑狐紫貂玻璃魚牙之屬咸露采呈英以充庭實嗣經

恩准互市於是異域品彙輻輳而來足廣見聞如磬鼠馴鹿黑龍江麥之類或蒙

聖製蒐羅或荷

奎章題詠雖在微物亦渥膺乎奇遇焉臣秋濤纂輯是

編詳加採錄稱名辨物別性類情纖悉無遺胥登鉛槧他若史傳所載亦為旁參而互證之首以穀蔬果品次以草木金石重食貨也禽畜必

朔方備乘卷二十八

知縣林穗初校
知縣周錦心覆校

區其種蟲魚必辨其形詮物理也人力之所醞
釀製造工商之所治鑄經營成別白之不相雜
厠究實用也至於奇器爲中國所罕知販運中
國貨物爲邊防所當謹則附著其事綴於卷末
焉於以見

聖世聲教所被咸五登三迥非前代所能比隆已

穀類

俄羅斯穀種

臣秋濤謹案雍正三年喀爾喀土謝圖汗旺

朔方備乘

卷二十九

北徼方物考

二

札勒多爾濟等經理額爾德尼昭等處屯田

因乏相宜穀種遣人購之俄羅斯得

旨嘉獎並

資幣見藩部要略按所云穀種其類不一故列於前若

龍沙紀略諸書所言老羌穀形狀殊異乃百

穀中之一種茲別錄於後不相雜厠云又按

志略曰加匱地腴坦宜稼產穀甚豐南俄在

大俄小俄之南土脈膏腴產穀最多波蘭地

蕩平如砥穀果俱豐總記曰戈蘭豐五穀莫

斯科布爾多注悉比釐阿窩爾希尼皆產穀
又濱涅博爾河端河窩瓦河之地皆宜稼穡
大概俄羅斯產穀之區不外此數處也

老羌穀

臣秋濤謹案老羌穀穗長尺許色如血見黑

龍江外紀一作老槍穀龍沙紀略云老槍穀

莖葉如雞冠高丈許實如柃櫚子深赤色取

粒作粥香美按此穀之種出自俄羅斯故以

老羌爲名

朔方備乘

卷二十九

北徼方物考

三

盛京通志謂之高麗穀或高麗亦有是種未可知

也

粟

臣秋濤謹案唐書堅昆國有粟

稻

臣秋濤謹案總記曰比特革產稻又阿臘爾

產稻穀運售於比特革異域錄云喀山有稻

又曰薩拉托付有稻米問出產之處俄羅斯

言稻米本地不出係沙漳汗所屬科索里巴

什地方所產皆沙漳汗國阿爾米牙那之貨
通人挽運販賣

黍

臣 秋濤謹案備考曰厄羅斯國西南二方黍
麥豐登

稷

臣 秋濤謹案異域錄云喀山有稷又曰薩拉
托付有稷米問出產之處俄羅斯言稷米乃
本地所產

朔方備乘

卷二十九

北徼方物考

四

稷

臣 秋濤謹案本草綱目言稷卽古之稷九穀
考以爲非是今仍分列二條唐書堅昆稷以
三月種九月穫以飯以釀酒

黑龍江麥

臣 秋濤謹案黑龍江麥種最佳色潔白性復
宜人相傳其種自俄羅斯來見

聖祖仁皇帝御製幾暇格物編

大麥

臣 秋濤謹案異域錄言楚庫柏興厄爾口城
托波兒城喀山薩拉托付皆有大麥總記曰
悉比釐阿產大麥

小麥

臣 秋濤謹案異域錄言楚庫柏興厄爾口城
喀山薩拉托付皆有小麥又云薩馬爾斯科
多水窪無田畝皆從托波兒托穆斯科等處
挽運麥石而食總記曰比特革莫斯科布爾
多洼產麥薩加社宜麥悉比釐阿產小麥

朔方備乘

卷二十九

北徼方物考

五

蕎麥

臣 秋濤謹案異域錄言楚庫柏興厄爾口城
托波兒城喀山薩拉托付皆有蕎麥備考云
厄羅斯國北方宜莠麥龍沙紀略云黑龍江
等三城並產蕎麥甘香如雪宜糕餅中土所
未得有蓋北徼附近皆宜蕎麥也

油麥

臣 秋濤謹案異域錄言楚庫柏興厄爾口城
托波兒城喀山薩拉托付皆有油麥地理備

考曰厄羅斯國北方宜油麥

青稞

臣秋濤謹案唐書堅昆有青稞步磴以為麩

麻

臣秋濤謹案異域錄言厄爾口城托波兒城

薩拉托付皆有麻志略云俄羅斯地之所產者麻與皮為多

胡麻

臣秋濤謹案備考云厄羅斯國胡麻徧地茂

朔方備乘

卷二十九

北徼方物考

六

盛

黃麻

臣秋濤謹案備考云厄羅斯國黃麻徧地茂

盛

豌豆

臣秋濤謹案異域錄言喀山薩拉托付皆有

豌豆

蔬類

俄羅斯菘

臣秋濤謹案龍沙紀略曰老槍菜即俄羅斯

菘也抽臺如蒿苣高二尺餘葉出層層刪之

其末層葉相抱如蓬取次而舒已舒之葉老

不堪食割毬烹之畧似安肅冬菘郊圃種不

滿二百本八月移盆官弁分畜之冬月苞紙

以貢

欽定皇朝通志曰俄羅斯菘一名老鎗菜抽臺如蒿苣

高二尺許葉出層層其末層葉葉相抱如毬

畧似安菘見

朔方備乘

卷二十九

北徼方物考

七

盛京通志又黑龍江外紀曰有蔬類蒿苣而葉深

碧上有紫筋名老羌白菜其種自俄羅斯來

人家偶見之非園圃所重又柳邊紀略曰阿

羅斯其菜莖若蒿苣而短葉若臺包者白舒

者青魚腥臭食之味淡諸書所言皆一物也

盛京通志誤書作俄羅斯松並入之木類今改列

蔬類以符其實又按異域錄言楚庫柏興厄

爾口城托波兒城薩拉托付皆有白菜

蘿蔔

臣 秋濤謹案蘿蔔卽萊菔也異域錄言厄爾口城有蘿蔔楚庫柏興薩拉托付皆有兩種

蔓菁

臣 秋濤謹案異域錄言楚庫柏興厄爾口城托波兒城皆有蔓菁

葱

臣 秋濤謹案異域錄言楚庫柏興厄爾口城托波兒城薩拉托付皆有葱

朔方備乘

卷二十九

北徼方物考

八

蒜

臣 秋濤謹案異域錄言楚庫柏興厄爾口城托波兒城薩拉托付皆有蒜

王瓜

臣 秋濤謹案異域錄言托波兒城薩拉托付皆有王瓜當作黃瓜

盛京通志云黃瓜種出西域今爲常蔬非月令之

王瓜也

倭瓜

臣 秋濤謹案此瓜種出東洋故名異域錄言托波兒城薩拉托付皆有倭瓜

老羌瓜

臣 秋濤謹案英和卜魁城賦曰綿綿瓜瓞畝計橫縱老羌西壺之種葉密實豐自注曰老羌瓜近日始有土人謂老羌卽俄羅斯西壺盧俗名可備蔬食學圃雜疏所謂菜瓜爾雅瓠棲蒹疏一名瓠棲或物相類音之轉耶又龍沙紀事詩序曰兩兒以老羌瓜作饅佐以

朔方備乘

卷二十九

北徼方物考

九

黃花爲萸節之獻喜而啖之名以金屑饅

芫荽

臣 秋濤謹案芫荽一作荳荽俗呼香菜異域錄言托波兒城有芫荽

果類

草荔枝

臣 秋濤謹案草荔枝叢生朱顛味甘似普盤果而無子內地所無惟塞外興安及烏拉有之

聖祖命移植避暑山莊

錫以今名較之閩貢獨渴生津未易伯仲並蒙

高宗奎藻題詠謹案外興安嶺與俄羅斯交界故列於

此

馬里那

臣秋濤謹案一種草果俄羅斯名之曰馬里

那蒙古人名之曰和尼柏兒濟爾根形似桑

椹色赤味甘酸幹不盈尺額爾齊斯河岸之

山內甚多柏興各處小兒鬻賣見異域錄

朔方備乘

卷二十九

北徼方物考

十

蘋果

臣秋濤謹案蘋果卽頻婆果異域錄言喀山

有之

沙果

臣秋濤謹案沙果似蘋果而小異域錄言喀

山有之

櫟子

臣秋濤謹案櫟子似花紅而大柰之屬也異

域錄言喀山有之

松子

臣秋濤謹案契丹國志云女真多產松實異

域錄言喀山有松子

榛子

臣秋濤謹案宋會要云新羅出榛子

盛京通志云榛子經荒火燒落者尤佳俗呼火燎

榛子本此異域錄言喀山有之

核桃

臣秋濤謹案核桃卽胡桃異域錄言喀山有

朔方備乘

卷二十九

北徼方物考

十一

之

櫻菓

臣秋濤謹案異域錄言楚庫柏興喀山揭的

河蘇爾呼忒柏興狄穆演斯科托波兒城佛

落克嶺塔喇斯科托穆斯科伊里穆城皆有

櫻菓

都克什

臣秋濤謹案都克什滿洲語謂阜李子也異

域錄言喀山有此果

乏乏哈

臣 秋濤謹案乏乏哈

盛京通志作法佛哈滿洲語謂紅櫻也異域錄言

喀山有此果

楂

臣 秋濤謹案楂俗呼山裏紅異域錄言喀山

有此果

梨

臣 秋濤謹案異域錄言喀山有梨

朔方備乘

卷二十九

北徼方物考

三

厄衣克特克

臣 秋濤謹案厄衣克特克滿洲語謂杜棣也

又名杜梨異域錄言喀山有此果

枸奶子

臣 秋濤謹案枸奶子一作枸柰子形如麥實

小味酸色紅異域錄言喀山有之

歐梨

臣 秋濤謹案異域錄言阿玉奇汗指盤內歐

梨曰中國亦有此果否噶扎爾圖答曰中國

有此果品黑龍江外紀曰歐李野果也異域

錄作歐梨或云卽郁李大如櫻桃色味皆如

李漬以飴蜜秋日下酒佳品

白蓮

臣 秋濤謹案異域錄言土爾扈特游牧地方

其河澤內產白蓮

葡萄

臣 秋濤謹案志略言小俄三部葡萄繁生備

考言達爾斯丹產葡萄

朔方備乘

卷二十九

北徼方物考

三

柑

臣 秋濤謹案志略言小俄三部多柑

橘

臣 秋濤謹案志略言小俄三部多橘

木類

杉

臣 秋濤謹案一統志曰杉俄羅斯各處有之

異域錄言揭的河岸蘇爾呼忒柏興薩馬爾

斯科狄穆演斯科托波兒城鴉班沁佛落克

嶺索里喀穆斯科改郭羅多喀山塔喇斯科
托穆斯科伊里穆城皆有杉

松

臣秋濤謹案一統志曰松俄羅斯各處有之
異域錄言揭的河岸蘇爾呼忒柏興薩馬爾
斯科狄穆演斯科托波兒城鴉班沁費耶爾
和土爾斯科佛洛克嶺索里喀穆斯科改郭
羅多喀山塔喇斯科托穆斯科伊里穆城皆
有松

朔方備乘

卷二十九

北徼方物考

四

矮松

臣秋濤謹案萬國地理全圖集曰西伯利北
地不毛惟有矮松楊樹

果松

臣秋濤謹案松之結子者為果松異域錄言
伊聶謝柏興揭的河岸佛洛克嶺托穆斯科
皆有之

馬尾松

臣秋濤謹案異域錄言伊聶謝柏興揭的河

岸費耶爾和土爾斯科佛洛克嶺索里喀穆
斯科改郭羅多喀山塔喇斯科托穆斯科伊
里穆城皆有馬尾松

樺

臣秋濤謹案一統志曰樺俄羅斯各處有之
異域錄言揭的河岸蘇爾呼忒柏興狄穆演
斯科托波兒鴉班沁費耶爾和土爾斯科佛
洛克嶺索里喀穆斯科改郭羅多喀山薩拉
托付塔喇斯科托穆斯科伊里穆城皆有樺

朔方備乘

卷二十九

北徼方物考

五

楊

臣秋濤謹案異域錄言伊聶謝柏興揭的河
岸蘇爾呼忒柏興薩馬爾斯科狄穆演斯科
托波兒鴉班沁費耶爾和土爾斯科佛洛克
嶺索里喀穆斯科改郭羅多喀山薩拉托付
塔喇斯科托穆斯科伊里穆城皆有楊志略
言小俄三部多垂楊萬國地理全圖集曰西
伯利北地不毛惟有矮松楊樹

柳

臣 秋濤謹案異域錄言色楞格河沿岸有柳
又揭的河岸蘇爾呼忒柏與河邊薩馬爾斯
科狄穆演斯科托波兒鴉班沁喀山塔喇斯
科托穆斯科伊里穆城皆有叢柳志略言小
俄三部多綠柳

榆

臣 秋濤謹案異域錄言色楞格河岸喀山薩
拉托付塔喇斯科托穆斯科皆有榆

刺玫

朔方備乘

卷二十九

北徼方物考

去

臣 秋濤謹案

盛京通志玫瑰俗通呼刺玫紅者可入食品黃者
花微小異域錄言伊聶謝柏與喀山揭的河
岸佛落克嶺皆有之

椴

臣 秋濤謹案

盛京通志曰葉大皮黑紋細微赤者曰紫椴質白
者曰糠椴邊外人參多生此樹之下異域錄
言喀山薩拉托付皆有此樹

柞

臣 秋濤謹案異域錄言喀山薩拉托付皆有
柞黑龍江外紀曰柞木一名鑿子木取枯心
以引石火謂之木火茸

波羅

臣 秋濤謹案異域錄言喀山薩拉托付皆有
波羅按波羅一作薄羅卽椴也與櫟相類櫟
一名濠故有謂椴樹別名波羅者

荆條

朔方備乘

卷二十九

北徼方物考

去

臣 秋濤謹案

盛京通志云荆條一名牡荆異域錄言喀山有之
五色木

臣 秋濤謹案總記曰俄羅斯產五色木

木材

臣 秋濤謹案志略曰加區五部產木材總記
曰阿羅義斯多樹少五穀仰商販阿占牙爾
糧食俱由商舟運至舟不回帆至卽拆鬻爲
薪以材木賤也

炭

臣秋濤謹案志略曰波蘭部產炭案炭亦木所為也故附於此

草類

默克爾

臣秋濤謹案默克爾草實名生漠北野鼠每

取藏穴中以為食喀爾喀窮乏之人多有掘得之以充饑然必留少許穴中不欲盡絕其

糧恭釋

朔方備乘

卷二十九

北徼方物考

六

高宗純皇帝御製讀蘇武傳注闕漢書張宴注謂蘇武

取鼠並實而食之之謬使千古譌傳一旦發

蒙振贖即師古是蘇林之說以為取草實而

食之亦所載未詳蓋其時為方隅所限局於

耳目故也案蘇武所處之北海上即今俄羅

斯境故錄於此

蘆

葦

菰

蒲

臣秋濤謹案異域錄云土爾扈特游牧地方其河澤內產蘆葦蒲又曰自塔喇斯科至鄂布河生蘆荻處甚多

藥類

一切藥物

臣秋濤謹案異域錄云阿玉奇汗日今道路不通我國人不能達至西藏凡一切藥物甚是難得

朔方備乘

卷二十九

北徼方物考

九

黃連

臣秋濤謹案異域錄云土爾扈特游牧地方其河澤內產黃連一作黃蓮字之誤也

百合

臣秋濤謹案唐書骨利幹草多百合都播不知稼穡土多百合草撥其根以飯

山丹

芍藥

臣秋濤謹案元史撼合納貧民無恒產者以

白鹿負其行裝採松實及刷山丹芍藥等根為食

金類

五金鑛

臣秋濤謹案總記曰俄羅斯產五金又曰悉比釐阿五金產自烏拉嶺及阿爾臺山又有沙漠千餘里中亦產金道光八年三處產金五十三躉志略曰綜西伯利全土兼產金銀銅鐵各鑛又曰德波爾斯科產金銀銅鐵鑛

朔方備乘

卷二十九

北徼方物考

辛

又曰多木斯科俄有大酋駐此總理東方兼督鑛務

黃金

臣秋濤謹案志略曰俄羅斯東界之山產金備考曰厄羅斯國產黃金慕維廉曰亞西亞多出金西卑利為最烏拉嶺下亦甚富道光五年出精金大塊重十七斤四周之塊重二三斤不等其東方之地大如佛郎西者金藏於土下層磐石藏更多道光十三年阿爾泰

山有地同於英國產金之多後十年中所產值洋銀二千萬圓

白金

臣秋濤謹案俄羅斯有白金形狀與中國之銀無異惟以輕重為別白銀方寸重五兩黃金方寸重十六兩白金方寸重二十一兩見漢黃德道王壽同所記按爾雅白金美者謂之鐐山海經往往以銀與白金並舉知銀之外別有白金正與此說相合

朔方備乘

卷二十九

北徼方物考

壬

銀

臣秋濤謹案志略曰義爾古德斯科出銀鉛鑛又曰俄羅斯東界之山產銀總記曰悉比釐阿近日銀鑛不旺歲產不過四五六萬棒慕維廉曰東州之間烏拉嶺阿爾泰山銀鑛尤富亞爾美尼亞那多里皆產銀

銅

臣秋濤謹案志略曰加匱五部產銅又曰俄羅斯東界之山產銅又曰俄羅斯物產之最

多者曰銅鐵總記言未壓加巴母新麥塞皆產銅慕維廉曰西卑利在在產銅

鐵

臣秋濤謹案志略曰都拉部其民冶鐵鑄造各器又曰加匱五部產鐵又曰綜西伯利全土西部兼產金銀銅鐵各鑛鐵尤多每歲得百餘萬擔泰西各國皆仰給焉又曰俄羅斯東界之山產鐵慕維廉云阿爾泰山烏拉嶺鐵類甚多中有一山皆有吸鐵石高於海面一千五百尺總記曰西俄羅斯產鐵阿那里麻都臘出鐵器新麥塞巴母皆產鐵

朔方備乘

卷二十九

北徼方物考

三

迦沙

臣秋濤謹案唐書堅昆國每雨必得鐵號迦沙為兵絕犀利

錫

臣秋濤謹案總記曰都莫司部產錫備考曰達爾斯丹西卑里亞波羅尼亞皆產錫

鉛

臣秋濤謹案志略曰義爾古德斯科出銀鉛鑛每年所得鉛甚多總記曰悉比釐阿產鉛又曰雅古薩科利弗產鉛

石類

釘窗石片

臣秋濤謹案異域錄云一種石片其大如掌層疊而生人皆逐層揭起而用視其所揭石片薄而透明似玻璃琉璃之類俄羅斯國人所居廬舍之窗皆以此石片合釘為之問其

朔方備乘

卷二十九

北徼方物考

三

所出言有一費提穆河自根特汗山之陰流出由巴爾古西穆城之東繞過昂噶拉河源歸入朱爾克河其沿河山內產此石片莫斯科窪城托波爾等處皆用此石總記曰悉比釐阿產一種石刀切成片可代玻璃即此

石煤

臣秋濤謹案志略曰波蘭部產煤

石鹽

臣秋濤謹案總記曰悉比釐阿產石鹽慕維

廉曰亞爾美尼烏拉嶺皆產石鹽甚多波蘭亦有之

石髓

臣秋濤謹案總記曰悉比釐阿產石髓

石油

臣秋濤謹案總記曰悉比釐阿產石油

石漿

臣秋濤謹案全志曰高加索部地內恒出石

漿

朔方備乘

卷二十九

北徼方物考

酉

石漆

臣秋濤謹案全志曰高加索部地內恒出石

漆

礬

臣秋濤謹案備考曰厄羅斯國產礬西卑里

亞亦有之

硝

臣秋濤謹案備考曰厄羅斯國產硝西卑里

亞亦有之

信石

臣秋濤謹案備考曰西卑里亞產信石

礪沙

臣秋濤謹案備考曰西卑里亞產礪砂

硫磺

臣秋濤謹案備考曰波羅尼亞西卑里亞達

爾斯丹皆產硫磺

紋石

臣秋濤謹案備考曰厄羅斯國產紋石又曰

朔方備乘

卷二十九

北徼方物考

丑

西卑里亞波羅尼亞皆有紋石

滑石

臣秋濤謹案備考曰厄羅斯國產滑石

康干石

臣秋濤謹案唐書拔野古有川曰康干河斷

松投之三年輒化為石色蒼緻然節理猶在

世謂康干石按黑龍江有木變石卽此類也

綠石 石綠附

臣秋濤謹案坤輿圖說云翁加里亞有一水

色沈綠凍則便成綠石永不化慕維廉曰西

卑利產銅處有石綠

舊紅砂石

臣秋濤謹案慕維廉地理全志論地質云第

二迹層為歐州高土之大半皆以先層之渣

滓沈於海底而成自下至上共分六層一曰

舊紅砂石其層或厚一千丈中有紅黃砂石

珊瑚灰石集成石土壤等其色因鐵鏽而然

生物之迹已見千餘種此層見於英峨雪山

朔方備乘

卷二十九

北徼方物考

美

之南

煤層諸石

臣秋濤謹案慕維廉地理全志論地質云一

曰煤層其下有山粉石上有煤及鐵石磨石

泥版石沙石相間此層見於峨羅斯

黃灰石

臣秋濤謹案慕維廉地理全志論地質云一

曰黃灰石層中有花蕊石石膏沙石惟黃灰

石最多時有積粒之形此層見於英日義等處

行差石

臣秋濤謹案慕維廉地理全志論地質云有

水遷層即在亞墨利加歐羅巴之北方雜以

大磐或角或圓為水所摩盪而成皆自故處

遷徙數百里其層在此二土名行差石又名

北漂因其石與北山之石同以意度之由彼

至此去山愈遠其石愈小俄羅斯之石尤大

移自瑞典山向東南約有三千里此石必因

冰山而移然後沈於水底其時冰洋布於州

朔方備乘

卷二十九

北徼方物考

毛

北淹沒於峩地偏隅約百餘丈至南高緯度

之中今猶見此石犖犖滿於洋海冰山焉

番鹼

臣秋濤謹案志略曰加匱五部產番鹼總記

作番覲按覲字字書所無仍當作鹼為是

雜寶類

白玉

臣秋濤謹案備考曰厄羅斯國產白玉又曰

波羅尼亞產白玉

綠玉

臣秋濤謹案全志曰綠玉恒見於西卑利等處

珠

臣秋濤謹案柳邊紀略曰阿羅斯其帽綴珠

珊瑚

臣秋濤謹案柳邊紀略曰阿羅斯其帽綴珠寶珊瑚

紅瑪瑙

朔方備乘 卷二十九 北徼方物考 三

臣秋濤謹案全志云紅瑪瑙恒見於西卑利等處

金剛鑽

臣秋濤謹案柳邊紀略曰阿羅斯貴者貂銀鼠襪錦蒙其表綴珠寶珊瑚金剛鑽於邊志略曰俄羅斯東界之山產金鋼石全志曰烏拉嶺廣土有金剛石總記曰悉比釐阿產鑽

石

寶石

臣秋濤謹案總記曰俄羅斯貴人衣皆飾以寶石又曰俄羅斯產寶石

紅寶石

臣秋濤謹案總記曰悉比釐阿產紅寶石

淡黃石

臣秋濤謹案全志曰淡黃石恒見於西卑利等處萬國地理全圖集曰西伯利產嫩黃玉即此

青金石

朔方備乘 卷二十九 北徼方物考 三

臣秋濤謹案總記曰悉比釐阿產青金石全志曰青金石產於貝加爾湖之山

玻璃

臣秋濤謹案總記曰悉比釐阿產玻璃

玻璃鏡

臣秋濤謹案張玉書外國紀曰俄羅斯康熙十五年來貢玻璃鏡

水晶

臣秋濤謹案總記曰悉比釐阿產水晶

綠晶

臣秋濤謹案總記曰悉比釐阿產綠晶

琥珀

臣秋濤謹案坤輿圖說曰波羅尼亞其屬國波多理亞地易發生種一歲有三歲之獲海濱出琥珀是海底脂膏從石隙流出初如油天熱浮海面見風始凝天寒出隙便凝每為大風衝至海濱按波羅尼亞即波蘭國今併入俄羅斯波多理亞今為俄羅斯之屬部

朔方備乘

卷二十九

北徼方物考

三

錢幣類

大小銀錢

臣秋濤謹案異域錄云俄羅斯用瓜種大小銀錢有值三文十文五十文百文之銀錢柳邊紀略云其錢銀質無肉好大若瓜子率重一分陰作交戟或人馬形陽則其國書也若楚經一錢必書數十字不可辨或曰文字用臘底諾話臘底諾者西洋各國之官話也

紅銅大錢

紅銅小錢

臣秋濤謹案異域錄云俄羅斯亦有紅銅大錢與小錢通用

禽類

雞

臣秋濤謹案異域錄言楚庫柏與厄爾口城托波兒城薩拉托付皆有雞

鵓雞

臣秋濤謹案異域錄言伊聶謝柏與林藪內

朔方備乘

卷二十九

北徼方物考

三

有鵓雞龍沙紀略曰鵓雞雌者毛色若灰雄者若濃靛譌呼黑雞

聶穆沁雞

臣秋濤謹案異域錄言有一種雞身大似鵝腳高尾短有蒼黑色而花紋者亦有白色而青斑者其雄雞之冠不時變幻各色人稍侵之即鳴而舒翼毛羽豎立冠便下垂比戶畜之甚多俄羅斯言此聶穆沁地方所產之雞後得種於聶穆沁今蕃息甚多俄羅斯人又

呼西費耶斯科國為聶穆沁

鴨

臣秋濤謹案鴨即鶩也唐書堅昆有鶩異域

錄言厄爾口城托波兒城薩拉托付皆有鴨

野鴨

臣秋濤謹案總記曰悉比釐阿產野鴨

鴈

臣秋濤謹案總記曰悉比釐阿產鴈

鵝

朔方備乘

卷二十九

北徼方物考

三

臣秋濤謹案異域錄言托波兒城薩拉托付

皆有鵝總記曰悉比釐阿產鵝

土燕

臣秋濤謹案異域錄言揭的河崖下土燕之

巢穴甚多

千里紅

臣秋濤謹案千里紅頂有紅毛喜食蘇子俗

呼蘇雀俞正燮云蘇雀即阿羅素雀急呼黑龍江稱老鎗雀

出俄羅斯地雪後即來羣飛入海見

盛京通志又龍沙紀略曰老鎗雀一名千里紅與

雀無異惟顛有紅毛產俄羅斯地至以十一

月罔而取之炙食甚美籠畜之輒死

烏

臣秋濤謹案唐書堅昆有烏

鵲

臣秋濤謹案唐書堅昆有鵲

海青

臣秋濤謹案海青一名海東青乃鵟之最俊

朔方備乘

卷二十九

北徼方物考

三

者身小而捷能擒天鵝大者力能制鹿多出

吉林黑龍江等處乾隆中仰蒙

高宗奎藻題詠異域錄云使臣言聞爾國有窩雛海青

可取來一觀噶噶林曰我等養海青亦係捕

捉方得並無窩雛不知在何處結巢隨將所

養本色海青出示

鷹

臣秋濤謹案唐書堅昆有鷹

隼

臣 秋濤謹案唐書堅昆有隼

海鳥

臣 秋濤謹案志略曰岡札德加部海鳥翔集

如蠅蚋

畜類

馬

臣 秋濤謹案唐書堅昆國畜馬至壯大以善

鬪者為頭馬一統志曰今俄羅斯所產馬皆

高大逾常異域錄言楚庫柏與厄爾口城托

朔方備乘

卷二十九

北徵方物考

畜

波兒薩拉托付阿玉奇汗游牧之阿斯塔爾

漢及瑪努托海皆有馬

骨利幹馬

臣 秋濤謹案唐書骨利幹產良馬首似橐駝

筋幣壯大日中馳數百里唐太宗時獻馬號

十驥

駁馬

臣 秋濤謹案唐書駁馬國以馬耕田馬色皆

駁故以名國云

駝

臣 秋濤謹案異域錄言楚庫柏與厄爾口城

牛

臣 秋濤謹案異域錄言楚庫柏與厄爾口城

托波兒薩拉托付皆有牛志略曰俄羅斯南

方多牛牛之皮與油運出無窮

羊

臣 秋濤謹案異域錄言楚庫柏與厄爾口城

托波兒城薩拉托付皆有羊

朔方備乘

卷二十九

北徵方物考

畜

豕

臣 秋濤謹案異域錄言厄爾口城托波兒城

薩拉托付皆有豕

犬

臣 秋濤謹案異域錄言楚庫柏與厄爾口城

托波兒城薩拉托付皆有犬職方外紀曰莫

哥斯未亞人競畜猛犬見人則噬晝置奔中

夜聞鐘聲始放人亟匿影閉戶矣志略曰亞

爾干日爾部極北濱海之民皆短小以犬為

馬蓋與使犬諸部同俗

異狗

臣 秋濤謹案地理全志云異狗毛有文者見於高加索阿爾泰山

貓

臣 秋濤謹案異域錄言楚庫柏與厄爾口城托波兒城薩拉托付皆有貓

俄倫

臣 秋濤謹案俄倫即中國馴鹿也異域錄云朔方備乘 卷二十九 北徼方物考 三

自厄爾口城至伊聶謝柏與其間水程三千餘里河岸寬闊之處間有田畝俄羅斯與布喇特及索倫人雜處俄羅斯呼索倫為喀穆尼漢又呼為通古斯俱畜鹿以供乘負馱載其鹿灰白色形似驢騾有角名曰俄倫按中國東海有使鹿俄倫春部落又有使鹿之喀木尼堪部即索倫別部所謂喀木尼漢者也欽定皇朝通志云馴鹿東海鄂羅春奇稜部所產牝亦有角與常鹿稍異勝負載似牛堪乘騎似馬

依媚於人仰經

高宗奎藻題詠志略曰俄羅斯亞爾干日爾部極北濱海之民以鹿為牛蓋附近北海之地皆有使鹿之俗也博物新編曰鹿為北方之產其性耐寒北人藉以作工凡牽車負荷于冰雪之上有非牛馬所可及者且其筋可作弦骨可作器角可熬膠皮可製服故北諺曰家有五百鹿錢財必豐足殆勝於南人黑牡丹矣黑龍江外紀曰四不像亦鹿類俄倫春役之如牛馬有事哨之則來舐以鹽則去部人賴之不殺也

朔方備乘

卷二十九

北徼方物考

三

國語謂之俄倫布呼而異域錄稱之為角鹿嘗見清文彙書云四不像牝牡皆有角食苔則稱角鹿不為無本土人飼以石花即苔也 臣 秋濤謹案今內地亦有四不像之名然未聞可供驅使蓋物性因地而殊也唐書鞠國在拔野古東北有木無草地多苔無羊馬人豢鹿若牛馬惟食苔俗以駕車元史撼合納在烏斯東

謙河之源所從出也貧民無恒產者皆以樺皮作廬帳以白鹿負其行裝取鹿乳採松實及刷山丹芍藥等根爲食此皆使鹿之國載於正史者鞠國在外興安嶺之北據合納則與伊聶謝柏興相近

獸類

各種野獸

臣秋濤謹案異域錄云鄂遼漢洲產各種野

獸

朔方備乘

卷二十九

北徼方物考

彙

虎

豹

臣秋濤謹案地理全志曰貝加爾湖有虎總

記曰西俄羅斯產豹

海虎

臣秋濤謹案總記曰悉比釐阿產海虎

熊

臣秋濤謹案異域錄言楚庫柏興伊聶謝柏

興揭的河皆有熊總記曰西俄羅斯產熊博

物新編曰熊鼻厚而長多產於北方嚴寒之地以山巖樹穴爲巢爪長而利力能挖地作窖走以四足行以兩足其勢甚雄每用前足扼殺生獸性頗畏人皮可作裘脂油可作燈燭能治風溼腸可捫窗明如玻璃筋可作綫韌如麻絲喜食樹根野果尤嗜蜜汁饑極則食肉飲血冬至必入地成蟄類與羆同而體細於羆

黑熊

朔方備乘

卷二十九

北徼方物考

彙

臣秋濤謹案地理全志言黑熊居於叢木北

冰洋有之

白熊

臣秋濤謹案博物新編言北方之熊有黑白

櫻三種此其異也

櫻色熊

臣秋濤謹案地理全志言熊之櫻色者產於

北方自那威東至堪察加皆有之

海熊

臣秋濤謹案地理全志言海熊產於北平洋近白令峽

羆

臣秋濤謹案地理全志云羆見於結冰道之間時至哈德孫灣濱臘不拉多五十緯度博物新編曰羆為北極最大之獸高約四尺長七八尺毛色純白獨行不羣力能以兩手抱馬而行在山攫野獸入水捕海狗獸狗絕跡則食蔬每產二子性甚慈愛人捉其子母必

朔方備乘

卷二十九

北徼方物考

罕

冒險尋覓上樹如貓以爪爬行下樹如人以足先落履冰踏雪行走如飛實獸類中之靈動者也按俗呼羆為人熊或謂羆為熊之雌者非是

豺

臣秋濤謹案博物新編云俄羅斯地近北極寒冷異常豺狼最盛甚為民害又曰豺犬類也惟犬尾捲上豺尾下垂微有差別

狼

臣秋濤謹案異域錄言楚庫柏與伊聶謝柏與皆有狼總記曰西俄羅斯產狼

堪達韓

臣秋濤謹案異域錄言伊聶謝柏與有堪達韓堪達韓一作堪達漢即駝鹿也埤雅曰北方有鹿形如駝一統志云出寧古塔烏蘇哩江頸短形類鹿色蒼黃無斑項下有肉囊如繁纓大者至千餘觔角扁而濶瑩潔如玉中有黑理截之鏤為決勝象骨直數萬錢乾隆

朔方備乘

卷二十九

北徼方物考

罕

四十八年仰經高宗奎藻題詠黑龍江外紀曰堪達漢鹿類背上頂下鬃鬃駝駝性極馴而水行尤速皮中為韃土人食其鼻而美之號猩脣云

狐

臣秋濤謹案異域錄言楚庫柏與伊聶謝柏與揭的河皆有狐西北域記曰狐之族七蒙古產者二毛黃而長曰草狐短而黠音天黃白色曰沙狐沙狐賺曰天馬皮領曰烏雲豹其曰

金雲豹者西產也俄羅斯產者五狻音茂毛

黑而毫白曰元狐其次身黼音湍黃而廉黑

曰獨刀又其次身黼音天黃而廉青曰火狐

此外又有白狐灰狐

白狐

臣秋濤謹案一統志言伊聶謝之北地名土

兒汗斯科產此獸總記曰悉比釐阿產白狐

西北域記曰俄羅斯產白狐慕維廉曰白狐

居於北極之地

朔方備乘

卷二十九

北徼方物考

望

元狐

臣秋濤謹案黑龍江外紀曰元狐最爲上品

異域錄言噶噶林送使臣元狐皮十張卻之

西北域記曰俄羅斯產絨黑而毫白曰元狐

黑狐

臣秋濤謹案張玉書外國紀曰康熙十五年

俄羅斯貢黑狐總記曰悉比釐阿產黑狐慕

維廉曰黑狐居於西卑利

紅狐

臣秋濤謹案總記曰悉比釐阿產紅狐紅狐

當即火狐也西北域記曰俄羅斯產身黼而

廉青曰火狐慕維廉曰紅狐居於北亞墨利

加樹林

灰狐

臣秋濤謹案西北域記曰俄羅斯產灰狐

海狐

臣秋濤謹案總記曰悉比釐阿產海狐

獨刀

朔方備乘

卷二十九

北徼方物考

望

臣秋濤謹案西北域記曰俄羅斯產身黼而

廉黑曰獨刀

狸

臣秋濤謹案異域錄言楚庫柏興伊聶謝柏

興揭的河皆有狸

野貓

臣秋濤謹案地理全志曰野貓見於北亞西

亞即俄羅斯地也

白兔

臣秋濤謹案異域錄言楚庫柏興有白兔

青兔

臣秋濤謹案異域錄言黑林諾付產大青兔
番名博羅托賴

獺

臣秋濤謹案異域錄言柏海爾湖黑林諾付
皆有獺地理全志曰亞西亞東北海濱及阿
律森等島出獺其皮最貴

海獺

朔方備乘

卷二十九

北徼方物考

罽

臣秋濤謹案總記曰悉比釐阿產海獺

海獅

臣秋濤謹案地理全志言海獅在亞西亞東
北界四十六十緯度

鹿

臣秋濤謹案異域錄言楚庫柏興有鹿案此
乃野鹿也與前俄倫爲馴鹿者不同故別見
慕維廉曰鹿類甚繁北寒道之鹿能當寒氣
故居至高之緯度其南界在瑞典國六十緯

度北亞西亞寒於歐州漸近五十緯度即多

野鹿

冰洲鹿

臣秋濤謹案地理全志云此鹿本產於斯必
巴然哥里蘭前一百年不見於冰洲時有三
鹿自那威釋之今羣游於冰洲山間

紅鹿

臣秋濤謹案地理全志言我羅斯出紅鹿自
裏海以北東至貝加爾湖皆有之

朔方備乘

卷二十九

北徼方物考

罽

無尾鹿

臣秋濤謹案地理全志言無尾鹿出西卑利

黑尾

臣秋濤謹案唐書堅昆國獸有黑尾黑尾者
似麀尾大而黑

麀

臣秋濤謹案麀即麀也俗作狍鹿類色蒼赤
異域錄言楚庫柏興有此獸

野馬

臣 秋濤謹案唐書堅昆國有野馬

海驃

臣 秋濤謹案地理全志云海驃見於歐羅巴

亞西亞寒道溫道之間又曰東州之海驃遊

於內河在三十六六十七緯度之間亞西亞

中見於疴比河之旁至日尼塞河以東則罕

見焉

野豬

臣 秋濤謹案異域錄言楚庫柏興有野豬地

朔方備乘

卷二十九

北徼方物考

異

理全志言野豬亞西亞極北有之約在六十

緯度

黃羊

臣 秋濤謹案唐書堅昆國獸有黃羊異域錄

言楚庫柏興有黃羊

獬狴

臣 秋濤謹案唐書堅昆國獸有獬狴

羚羊

臣 秋濤謹案地理全志云歐羅巴有羚羊行

則奇速居於高加索山巔

山羊

臣 秋濤謹案地理全志言高加索有山羊

大角野羊

臣 秋濤謹案地理全志言野羊有大角者自

堪察加至蒙古沙漠中山西迄高加索皆有

之

獅牛

臣 秋濤謹案地理全志言歐羅巴產獅牛狀

朔方備乘

卷二十九

北徼方物考

異

醜而猛有脅骨十四雙居於樹林見於黑海

裏海四週之土又曰獅牛產於波蘭

骨咄

臣 秋濤謹案唐書堅昆國獸有骨咄物理小

識云骨咄犀碧色蛇角也 臣 秋濤謹案唐書

以骨咄為獸則非蛇也其形狀未詳

磈鼠

臣 秋濤謹案磈鼠即冰鼠也亦名鼯鼠神異

經云北方層冰萬里厚百丈有磈鼠在冰下

土中焉形如鼠食草木肉重千斤可以作脯
食之已熱其毛八尺可以為褥臥之却寒其
皮可以蒙鼓聞千里其毛可以來鼠此毛所
在鼠輒聚焉

欽定皇朝通志云鼯鼠產俄羅斯近海地亦名摩門橐
窪形似鼠而身大如象穴地行見風日即斃
其骨類象牙可製器物其肉性甚寒食之已
熱見

聖祖御製幾暇格物編又接一統志曰麻門橐窪華言
朔方備乘 卷二十九 北徼方物考 吳

鼠也產於極東北近海處牙特庫之地異域
錄云伊聶謝柏興北地最寒有一種獸行地
內遇陽氣即死身大重萬筋骨色甚白潤類
象牙質柔不甚傷損每於河濱土內得之俄
羅斯獲其骨製碗碟梳篦用之內性最寒人
食之可除煩熱梵名麻門橐窪華名候鼠康

熙五十五年

聖諭曰淵鑑類函有云候鼠有重至萬筋者今亦有之
其身如象其牙亦似象牙但稍黃耳又六十年

聖諭曰神異經云北方層冰之下有大鼠肉重千筋名
為鼯鼠穿地而行見日月光即死今俄羅斯近海北
地有鼠如象穴地以行見風日即斃其骨類象牙土
人以製碗碟梳篦朕親見其器方信為實

臣秋濤謹
案四裔考
作鼯鼠神異經本作候鼠太
平御覽引神異經亦作候鼠

野鼠

臣秋濤謹案野鼠漠北多有之蒙古名曰鄂
和托納每取草實藏穴中以為食漢書蘇武
傳張宴注謂武取鼠並草實而食之劉攽又

朔方備乘 卷二十九 北徼方物考 吳

以為北方野鼠之類甚多皆可食實為舛謬
高宗聖製闕而論之足破前史耳食之謬

銀鼠

臣秋濤謹案銀鼠毛色潔白皮製裘可禦輕
寒金史地理志遼陽府產白鼠皮即此異域
錄言伊聶謝柏興揭的河皆有銀鼠又言至
蘇爾呼忒柏興管柏興官設宴出十數活銀

鼠視之

灰鼠

臣 秋濤謹案灰鼠古稱青鼠灰白為上灰黑者次之契丹國志女真獸有青鼠即此異域錄言伊聶謝柏興揭的河皆有之總記曰悉比釐阿產灰鼠西北域記曰俄羅斯皮鼯音健之屬有灰鼠即鼯音魂說文曰鼠出也銀鼠即鼯音煩玉篇也價鼯倍鼯鼯倍羔然羔一裘可十年鼯一年則鼯音義玉篇鼯數年則黃臣秋濤謹案據說文鼯出了零即今俄羅斯地然本草以鼯為黃鼠而謝濟世指

朔方備乘

卷二十九

北徼方物考

五

為灰鼠似非

貂鼠

臣 秋濤謹案異域錄曰揭的河兩岸樹林內有一種人類乎索倫名曰鄂斯提牙斯科捕貂作貢又曰於布喇忒索倫鄂斯提牙斯科兀良海齊爾給斯等打牲人令其交納貂鼠狐狸銀鼠灰鼠皮張兀良海即烏梁海也總記曰悉比釐阿產貂鼠西北域記曰烏蘭海即烏梁海亦產貂不如俄羅斯良穴土食松子夏

原注音芬而冬毳及其毳取之舊傳人裸臥雪中貂就而温之人因撲而殺之其說妄也

黑貂

臣 秋濤謹案一統志曰俄羅斯有黑貂皮甚貴產極東北牙特庫之地

紫貂

臣 秋濤謹案張玉書外國紀曰康熙十五年俄羅斯貢紫貂皮

朔方備乘

卷二十九

北徼方物考

五

冰中象骨

臣 秋濤謹案慕維廉地理全志云西卑利冰地尤多象骨或全身葬於冰泥毛肉猶鮮豺狗食之有一目睚存於墨斯科博物院按象乃熱道之獸何以古時至西卑利之地或云古時西卑利氣候炎熱故象居之或云洪水來時驅象至於寒地二說未知孰是

各種獸骨

臣 秋濤謹案慕維廉地理全志云在地質形

迹無有奇於西卑利者象形羣集已閱數百年其牙爲商賈所利北冰洋島其跡殆滿雜以他獸之骨其種已滅其跡猶存

鱗類

鱣魚龍

臣秋濤謹案志略曰阿斯達拉干部窩瓦河從西北來由此入裏海裏海產鱣魚龍土人長於釣捕販行甚遠慕維廉曰鱣龍魚產於波羅的海裏海黑海窩瓦河卽此鱣魚龍也

朔方備乘

卷二十九

北徼方物考

五

龜蛇

臣秋濤謹案異域錄云阿玉奇汗游牧地方地產龜蛇自注云蛇身如黑漆按元劉郁西使記云訖立兒城所產蛇皆四跗長五尺餘首黑身黃皮如鯊魚口吐紫豔當卽圖理珠所謂龜蛇也

各種魚

臣秋濤謹案異域錄言柏海爾湖昂噶拉河內皆產各種魚

橫公魚

臣秋濤謹案神異經云北方荒中有石湖方千里岸深五丈餘恆冰唯夏至左右五六十日解耳湖有橫公魚長七八尺形如鯉而赤晝在水中夜化爲人刺之不入煮之不死以烏梅二枚煮之則死食之可止邪病按此湖卽俄羅斯境之白哈兒湖也其魚怪異今所未聞以磳鼠例之亦未可遽斥爲誣妄故錄以備考焉

朔方備乘

卷二十九

北徼方物考

五

四帖里烈帖魚

臣秋濤謹案異域錄曰一種魚形類鱈口似鮑無鱗脊上並兩肋有骨三條連生肉味同於鮑魚大者不過三尺俄羅斯名之曰四帖里烈帖蒙古人名之曰舒里於未凍河之前從北海由鄂布河溯流而來甚多人皆漁捕曝乾爲食亦貨賣一統志作四帖黑烈帖魚黑里二字形相類必有一誤異域錄又云喀山薩拉托付皆有此魚

鴨嘴魚

臣秋濤謹案異域錄言喀山薩拉托付皆有鴨嘴魚

哈打拉魚

臣秋濤謹案哈打拉魚一作哈達喇魚滿洲語謂鯰條魚也異域錄言楚庫河有之

鄂莫裏魚

臣秋濤謹案異域錄言楚庫河有一種魚俄羅斯呼為鄂莫裏大似牙魯長丈餘於白露

朔方備乘

卷二十九

北徼方物考

書

後五日內由柏海兒湖逆流而來甚多俄羅斯國人各行漁捕醃以度臘儲鱸以此魚為食相繼而來

他庫魚

臣秋濤謹案他庫魚一作塔帖魚滿洲語謂鱈頭魚也異域錄言楚庫河有之

穆舒兒呼魚

臣秋濤謹案穆舒兒呼魚一作穆舒爾帖魚滿洲語謂黃魚也異域錄言楚庫河有之

松阿打魚

臣秋濤謹案松阿打魚一作松阿達魚滿洲語謂赤稍魚也其魚身白翅紅故名異域錄言楚庫河有之

勾深魚

臣秋濤謹案異域錄言楚庫河有勾深魚即勾星魚也龍沙紀略曰勾星魚鱗斑然如列星長喙漁者間以箸探其口齧之至死不釋段刃之釜中猶躍躍也腥穢不可食

朔方備乘

卷二十九

北徼方物考

書

牙魯魚

臣秋濤謹案異域錄言楚庫河有牙魯魚

鱸魚

臣秋濤謹案異域錄言楚庫河有鱸魚

鱈魚

臣秋濤謹案異域錄言楚庫河有鱈魚

鯛魚

臣秋濤謹案異域錄言楚庫河喀山薩拉托付皆有鯛魚鯛字字書未載

白魚

臣秋濤謹案異域錄言喀山薩拉托付皆有

白魚

魴魚

臣秋濤謹案異域錄言喀山薩拉托付皆有

魴魚

鯉魚

臣秋濤謹案異域錄言楚庫河喀山薩拉托

付皆有鯉魚

朔方備乘

卷二十九 北徼方物考 美

鯽魚

臣秋濤謹案異域錄言楚庫河喀山薩拉托

付皆有鯽魚

鮎魚

臣秋濤謹案異域錄言喀山有鮎魚

鱒魚

臣秋濤謹案異域錄言薩拉托付有鱒魚

鮭魚

臣秋濤謹案鮭魚一作遮魯魚一作遮鱸

魚一作哲綠魚滿洲語謂白肚鱒魚也異域

錄言楚庫河薩拉托付皆有之又言鮭鱒以

鄂莫裏魚為食龍沙紀略曰遮鱒魚類白魚

而首銳無骨味若鱸一名赭鱸一名細鱗黑

龍江外紀謂哲綠魚即鱸魚未知是否

鱒子魚

臣秋濤謹案異域錄言薩拉托付有鱒子魚

鱒魚

臣秋濤謹案異域錄言楚庫河薩拉托付皆

朔方備乘

卷二十九 北徼方物考 美

有鱒魚刊本一作禪魚誤

鱒魚

臣秋濤謹案異域錄言薩拉托付有鱒魚鱒

字字書未載

石斑魚

臣秋濤謹案異域錄言楚庫河有石斑魚

鱒白魚

臣秋濤謹案地理全志云鱒白魚每歲出于

北冰洋游至西歐合眾部堪察加亞律森島

奇勒必魚

臣 秋濤謹案額爾齊斯河有無鱗魚謂之奇勒必魚見西域圖志

圖魯魚

臣 秋濤謹案圖魯魚出額爾齊斯河長丈餘見西域圖志

茂魚

臣 秋濤謹案唐書堅昆國魚有茂者長七八尺

朔方備乘

卷二十九

北徼方物考

五

莫痕魚

臣 秋濤謹案唐書堅昆國魚有莫痕者無骨口出頤下

獨角魚

臣 秋濤謹案地理全志言獨角之魚居近北冰洋之濱

鯨睛

臣 秋濤謹案唐書室韋拂涅部開元天寶間獻鯨睛其地南距渤海北東際於海西抵室

韋今俄羅斯岡札德加地也慕維廉言鯨魚

外狀及所居之處如魚內形及胎產皆如走獸有黑白二種黑者可取油白鯨見於北冰洋更在北平洋近白令峽處

魚牙

臣 秋濤謹案張玉書外國紀曰俄羅斯康熙十五年來貢魚牙魚牙大與象牙等

介類

海馬

朔方備乘

卷二十九

北徼方物考

五

臣 秋濤謹案

盛京通志曰海馬馬頭蝦身俄羅斯國總記曰甘查甲產海馬當卽此也又物理小識云海馬其牙堅白而瑩淨文理細如絲髮可爲念珠等物博物新編云海馬齒如象可作器多處冰上此又別是一種非介蟲類也

蟲類

蜂蜜

臣 秋濤謹案志略曰波蘭部出蜂蜜總記曰

西俄羅斯產蜜備考曰亞巴西亞高加索皆產蜜坤輿圖說曰莫斯科未亞有蜜林其樹悉為蜂房國人各界其樹為恒產

蠟

臣秋濤謹案總記曰俄羅斯產蜜蠟備考曰亞巴西亞高加索皆產蠟

白蛾

臣秋濤謹案鄂布河內水面白蛾甚多或飛樹上或浮水面似柳絮乘風楊花鋪地見異

朔方備乘

卷二十九

北徼方物考

卒

域錄

蚊

虻

臣秋濤謹案異域錄言俄羅斯地多蚊虻

飲食類

酒

臣秋濤謹案異域錄云俄羅斯國法律私賣煙酒者重責籍其家發遣又曰其俗喜飲酒親友至必出酒以飲之不知茶

臣秋濤謹案此所記康熙

年間俄國喜飲酒不飲茶至乾隆以後則俄羅斯亦嗜飲茶矣

志略曰荷慕斯科善釀酒人多沉湎總記曰都莫司產酒

虛糕

臣秋濤謹案柳邊紀略曰阿羅斯其所食多虛糕如今之西洋糕者而色純白軟潤經月不硬

鹽

臣秋濤謹案異域錄曰索里喀穆斯科柏與西北有鹽場場內有方木井四十餘處咸取

朔方備乘

卷二十九

北徼方物考

卒

井水煎鹽其鄰近之小柏與亦皆煎鹽莫斯科

科窪城等處俱食此地鹽西域水道記曰俄

羅斯達布遜圖喇產鹽總記曰阿薩塔干東

南隅有阿喇湖可以煮鹽慕維廉曰裏海鹹

海死海烏爾米厄爾敦多士拉鹹湖皆在亞

西亞之西洋海出鹽百分之四死海出鹽百

分之二十六厄爾敦出鹽百分之二十九為

我所需鹽三分之二也

糖

臣秋濤謹案總記曰俄羅斯產糖又曰西俄羅斯產糖

潼酪

臣秋濤謹案唐書駱馬國雖畜馬而不乘資

潼酪以食

鹿乳

臣秋濤謹案元史撮合納取鹿乳爲食

脂膏

臣秋濤謹案總紀曰都莫司產脂膏

朔方備乘

卷二十九

北徼方物考

奎

煙

臣秋濤謹案俞正變喫煙事述云煙草出於

呂宋其地名曰淡巴姑明時由閩海達中國

故今猶稱建煙琉球商船亦載煙草至福建

售賣見山東巡撫奏是呂宋琉球煙皆歸福

建建煙味最沈也性德深水亭雜識云今所

嗽煙草孫光憲已言之載於太平廣記有僧

曰世尊曾言山中有草然煙嗽之可以解倦

初疑爲蘭州水煙然煙本名煙酒沈氏西清

筆記云朝鮮進煙筒曰煙杯似旱煙水煙本

爲一唐譯根本說一切有部尼陀那卷四云

室羅伐城具壽白世尊諸苾芻畜飲煙筒畜

灌鼻筒畜飲水器畜盛針筒以何物作佛言

除寶餘皆應畜其所謂飲煙筒蓋旱煙水煙

同名毗耶那雜事律云吸藥煙以兩碗相合

底上穿孔以鐵管長十二指置孔吸之則明

人所言鴉片煙也明楊士聰玉堂薈記云煙

自天啓中調廣兵乃漸有之崇禎十二年定

朔方備乘

卷二十九

北徼方物考

奎

例喫煙者死後洪承疇請開其禁初以喫煙

聲似喫燕故惡之蚓庵瑣語云煙葉出閩中

北方多寒疾關外至以馬一匹易煙一斤初

惟南兵北戍者喫之崇禎末嘉興徧處栽種

三尺童子莫不食煙煙利厚而喫燕聲惡民

間賣者題曰熙朝瑞品以諷官吏使不究詰

今沿而不改

欽定皇朝通考刑考云崇德三年嚴出境貨買煙草之

禁謂明境高麗境

盛京通志物產

欽定皇朝通志昆蟲草木略並云煙草本名淡巴菰亦

稱為煙酒隴旁隙地多種之葉肥大至徑尺

食之禦寒熱河志云隴旁隙地多種煙草其

近頂處數葉曰蓋露是

盛京熱河皆種煙矣關東煙葉味厚尤勝建煙也

崇德六年二月

諭王貝勒大臣不習射之罪非用煙可比用煙之禁前

因爾輩私用故不能治人蓋喫煙之禁此後不在科

朔方備乘

卷二十九

北徼方物考

畜

條矣由呂宋琉球而閩廣由閩廣而中土由

朝鮮而遼東由遼東而蒙古其後煙漸行而

北乃至俄羅斯通考四裔考云俄羅斯私賣

煙者籍其家發遣之是也

布帛類

麻布

臣秋濤謹案異域錄言俄羅斯服氊褐麻布

厄爾口城產麻布

帆布

臣秋濤謹案志略曰地之所產者麻與皮為

多麻織帆布售於各國

麤布

臣秋濤謹案總記曰加婁牙產麤布

襪錦

臣秋濤謹案柳邊紀略曰阿羅斯其服貴者

貂銀鼠襪錦蒙其表

絲

臣秋濤謹案總紀曰薩加社產絲

朔方備乘

卷二十九

北徼方物考

畜

髮

臣秋濤謹案總記曰薩加社產髮阿薩塔干

部巴社之絲髮寶石諸貨皆售諸此按以髮

作髮亦服飾之類故附錄焉

皮革類

皮貨

臣秋濤謹案志略曰義爾古德斯科兼產皮

貨每年所得鉛與皮甚多足助國用南界有

甲他城即內地所稱恰克圖彼以皮來我以

茶往亞古德斯科人戶稀少射獵之外無生計俄人取其所得之皮以當賦稅疴哥德斯科俄設官以賦其皮岡札德加俄人設口收皮海中各島皆產皮俄船往來收皮鬻於中國北亞墨利加之西北隅曰監札加地寒凍無他產所得者皮貨而已

熏牛皮

臣秋濤謹案異域錄言厄爾口城產熏牛皮

硝皮

朔方備乘 卷二十九 北徼方物考 矣

臣秋濤謹案志略言加匱五部其民善於硝

皮

狐皮

臣秋濤謹案志略云俄羅斯出狐皮

盛京通志云沙狐腹下皮集為裘名天馬皮類皮

名烏雲豹

貂皮

臣秋濤謹案志略云俄羅斯出貂皮

盛京通志云近東北邊者色黃邊外者色紫黑

海龍皮

臣秋濤謹案志略云俄羅斯出海龍按即海

獺皮也

洋灰鼠皮

臣秋濤謹案志略云俄羅斯出洋灰鼠

獺皮

臣秋濤謹案黑龍江外紀言俄羅斯來互市

有獺皮

羔皮

朔方備乘 卷二十九 北徼方物考 矣

臣秋濤謹案黑龍江外紀言俄羅斯來互市

有羔皮

羶屬類

毳毼

氈

罽

臣秋濤謹案唐書堅昆國諸下皆帽白氈女

衣毳毼錦罽綾異域錄云俄羅斯服氈褐

猩猩氈

臣秋濤謹案柳邊紀略曰阿羅斯其帽或用猩猩氈縫貂

綠絨

臣秋濤謹案總記曰俄羅斯產綠絨

多羅絨

臣秋濤謹案寧古塔紀略曰邏車國產多羅

絨

哆囉呢

臣秋濤謹案張玉書外國紀曰俄羅斯康熙

朔方備乘

卷二十九

北徼方物考

矣

十五年貢哆囉呢一作朶羅尼柳邊紀略曰

阿羅斯著朶羅尼

麤尼

臣秋濤謹案總記曰加婁牙產麤尼

大呢

臣秋濤謹案總記曰悉比釐阿產大呢

駱駝絨

臣秋濤謹案志略言俄羅斯出駱駝絨

冠服類

帽

臣秋濤謹案唐書云堅昆國阿熱冬帽貂夏

帽金釵銳頂而卷末諸下皆帽白氈賤者衣

皮不帽柳邊紀略曰阿羅斯其帽青頂縫貂

於內外綴珠寶珊瑚或用猩猩氈縫貂黑龍

江外紀曰瑪玉爾冠上插物類雞毛帚或卽

以是分爵秩龍沙紀略曰冠高尺許頂方而

約其下

衣服

朔方備乘

卷二十九

北徼方物考

矣

臣秋濤謹案柳邊紀略曰阿羅斯其服方領

小袖袍長褂賤者著朶羅尼貴者貂銀鼠襪

錦蒙其表綴珠寶珊瑚金剛鑽於邊而絕少

網緞龍沙紀略曰衣冠皆織屬爲之禿袖方

領

木屐

臣秋濤謹案總記曰薩加社女子多躡木屐

行纏

臣秋濤謹案黑龍江外紀曰俄羅斯其人髀

至胛纏厨布坐則伸足

用器類

卓

臣秋濤謹案異域錄言楚庫柏興厄爾口城托波兒城薩拉托付皆有卓俗作桌

牀

臣秋濤謹案異域錄言楚庫柏興厄爾口城托波兒城薩拉托付皆有牀

椅

臣秋濤謹案異域錄言楚庫柏興厄爾口城托波兒城皆有椅

凳

臣秋濤謹案異域錄言楚庫柏興厄爾口城托波兒城薩拉托付皆有凳

刀

臣秋濤謹案唐書堅昆國喜佩刀礪黑龍江外紀曰其人衷甲佩刀

礪

密的支

臣秋濤謹案唐書堅昆國阿熱駐牙青山周柵代垣聯瓊為帳號密的支它首領居小帳綏服紀略言俄羅斯所居有瓊廬即此亦謂之蒙古包

樺皮帳

樺皮帳

臣秋濤謹案元史撼合納以樺皮為廬帳

鹿角

臣秋濤謹案異域錄言西穆必爾斯科以木為鹿角安置城之內外及河岸

尺

臣秋濤謹案異域錄言俄羅斯以十六寸為一尺按西洋每寸當中國之七分而俄羅斯尺寸獨長亦一異也

權

臣秋濤謹案異域錄言俄羅斯以十二兩為一筋

匙

朔方備乘

卷二十九

北徼方物考

丰

朔方備乘

卷二十九

北徼方物考

圭

小叉

臣秋濤謹案異域錄言每食用匙並小叉無箸黑龍江外紀曰瑪玉爾食則用匕彼俗不

慣用箸

水磨

臣秋濤謹案異域錄言厄爾口城有水磨

磴

臣秋濤謹案唐書堅昆有青稞步磴以為麪

紙

朔方備乘

卷二十九 北徼方物考 圭

臣秋濤謹案柳邊紀略曰阿羅斯其紙厚若山西毛頭大減十之三微脆中有暗花若戈戟之狀色白

漆器

臣秋濤謹案甯古塔紀略曰邏車國產漆器

最精

織機

臣秋濤謹案總記曰窩祿那俗向織機不產五穀皆仰商販

磚

臣秋濤謹案總記曰加匱先時街道咸鋪木板嗣因不戒于火改用磚石

磁器

臣秋濤謹案備考曰厄羅斯國產磁器

老羌斗

臣秋濤謹案黑龍江以北山谷多樺木土人以為箭筈為鞍版為刀柄皮以貼弓為車蓋

為穹廬為扎哈臣秋濤謹案扎哈小船也縫之如栲栳大

朔方備乘

卷二十九 北徼方物考 圭

擔水小盛米麪謂之樺皮斗俄羅斯亦有之極小雕鏤精巧宜儲檳榔鼻煙號老羌斗見黑龍江外紀

妝鏡

鐵盤

臣秋濤謹案黑龍江外紀曰俄羅斯來互市其所有不過佩刀妝鏡鐵盤樺皮斗及羔獺等皮

舟車類

艇

臣秋濤謹案唐書青山之東有劔水偶艇以渡劔水即俄羅斯境之伊聶謝河也

大船

臣秋濤謹案異域錄言色楞格河船寬丈餘長七八丈不等揭的河船寬一丈長七丈許

海船

臣秋濤謹案志略云彼得羅王巡行邊界開通海口嘗以俄羅斯人不善駛船變姓名走

朔方備乘

卷二十九

北徼方物考

畜

荷蘭投舟師為弟子盡得其術乃歸自是俄羅斯與西洋諸國角逐海上由得製海船之法也又俄之內港有大埔頭曰利牙每年出入商艘千餘物理小識曰利瑪竇言船三等小者舟腹自上達下僅留一孔四圍點水不漏下填以石風浪起時惟操舟者縛身檣桅一日行千里中者容數百人大者上下八層桅長十四丈有船師歷師將卒客商千人用木石多則獨鹿木其縫以椰索貫而瀝青石

腦油塗之

戰船

臣秋濤謹案列國版圖說曰俄羅斯有師船三十六隻即戰船也志略曰俄羅斯水師大兵船四十隻又戰船三十五隻兵船二十八隻小船三百隻

車

臣秋濤謹案北史高車國人乘高輪車車輪高大輻數至多異域錄言楚庫柏與厄爾口

朔方備乘

卷二十九

北徼方物考

畜

城薩拉托付皆有車

木馬

臣秋濤謹案唐書堅昆東至木馬突厥三部落日都播爾列哥俄支俗乘木馬馳冰上以板藉足屈木支腋蹠輒百步勢迅激堅昆之人得以役屬之又云拔野古乘木逐鹿冰上亦木馬之類也

拖牀

臣秋濤謹案拖牀即冰牀也亦曰扒犁滿洲

語曰法喇黑龍江外紀曰扒犁制如凌牀而不施鐵條屈木為轆駕之馬行雪上疾於飛鳥異域錄言楚庫柏興厄爾口城皆有拖牀

樂器類

鐘

臣秋濤謹案職方外紀曰莫哥斯未亞有大鐘以搖不以撞欲搖非三十人不能異域錄言厄爾口城托波兒城皆有鐘

鼓

朔方備乘 卷二十九 北徼方物考 美 臣秋濤謹案唐書堅昆樂有鼓異域錄言厄爾口城托波兒城皆有鼓

木笛

臣秋濤謹案唐書堅昆樂有笛異域錄言厄爾口城托波兒城皆有木笛

噴呐

臣秋濤謹案噴呐亦樂器也其製木管蘆頭銅底異域錄言厄爾口城托波兒城皆有噴

呐

銅絃箏

臣秋濤謹案異域錄言厄爾口城托波兒城皆有銅絃箏

胡琴

臣秋濤謹案異域錄言厄爾口城托波兒城皆有胡琴

西洋琴

臣秋濤謹案異域錄言至蘇爾呼忒柏興管柏興官鼓西洋琴以獻廣東通志有銅絃琴

朔方備乘

卷二十九

北徼方物考

美

削竹扣之錚錚然即此

喇叭

臣秋濤謹案唐書堅昆樂有觶栗即今之喇叭也格致鏡原曰喇叭卷銅吹之異域錄言托波兒有喇叭

笙

臣秋濤謹案唐書堅昆樂有笙

鈴

臣秋濤謹案唐書堅昆樂有盤鈴

兵器類

甲

臣秋濤謹案總記曰薩加社部甲堅能禦銃

彈

弓矢

臣秋濤謹案唐書黠戛斯其戰有弓矢異域錄載噶噶林曰我俄羅斯國從前亦射箭自從現在之汗莅事以來廢棄二十餘年矣綏服紀略言俄羅斯無習射者蓋以此也

朔方備乘

卷二十九

北徼方物考

表

旗幟

臣秋濤謹案唐書黠戛斯其戰有旗幟異域錄言使臣至楚庫柏興排列伊國旗幟兵丁引導至厄爾口城排列旗幟烏鎗鼓吹而迎

盾

臣秋濤謹案唐書黠戛斯其騎士析木爲盾蔽股足又以圓盾傳肩可捍矢刃

俄羅斯烏鎗

臣秋濤謹案藩部要略曰崇德三年土謝圖

汗貢俄羅斯烏鎗車臣汗亦貢俄羅斯烏鎗

柳邊紀略曰阿羅斯長於步戰善烏鎗甯古

塔紀略曰邏車國善放烏鎗異域錄曰阿玉

奇汗季子車領車多布進烏鎗一桿黑龍江

外紀曰齊齊哈爾等城有俄羅斯烏鎗數千

桿存庫俄羅斯烏鎗其受藥筒中凹凸如梅

花不圓此與內地烏鎗迥異察邊至墨里勒

克者購而售之俄倫春利嘗數倍

火器

朔方備乘

卷二十九

北徼方物考

表

臣秋濤謹案俄羅斯國爲元太祖所滅封其

長子朮赤至明孝宗時有以萬王始起兵恢

復俄羅斯舊疆其時人猶椎悍未諳西洋技

藝至康熙年間彼得羅王坐牀離其國都微

行游於巖士達覽等處船廠火器局講習工

藝旋國傳授所造火器戰艦轉優於他國

羅剎礮

臣秋濤謹案黑龍江外紀曰雅克薩城所獲

羅剎礮三位烏甯克爾珠爾亨所獲羅剎礮

二位皆齊齊哈爾庫存永遠不動

西瓜礮

臣秋濤謹案寧古塔紀略云邏車國有名西瓜礮者其形如西瓜量敵營之遠近雖數里外必到敵營始裂

大礮

臣秋濤謹案坤輿圖說曰莫斯科未亞所造大銃長三丈七尺用藥二石內容二人掃除總記曰莫斯科有大礮一寬可容坐一人從

朔方備乘

卷二十九 北徼方物考

平

未施放

奇器類

飛車

臣秋濤謹案飛車即所謂輕氣球也王壽同云聞俄羅斯國能製飛車其法以皮為船為樞機以吸氣人入其中持其橐籥機緘而鼓盪之氣則滿滿則上升可飛入雲表昔呂宋攻英吉利利用飛車載兵上升焚其城邑英夷憎服議和後英夷知其法而習之復攻滅呂

宋俄羅斯書目內載有天下奇物六本奇物鑑工作器具等書當必有其法

火輪船

臣秋濤謹案西洋諸國火輪船之製起於嘉慶以後今俄羅斯亦有之貿易通志曰夾板船順風逆風皆能駛駕而無風則不能行爰有智士深思天地間空中運動流轉之物惟風水火三者今風力水力皆無可恃惟有火力可借火藥之力能裂金石震虛空愈悶之

朔方備乘

卷二十九 北徼方物考

全

則力愈大豈不可以火輪代風輪水輪乎於是以火蒸水包之以長鐵管插柄上下張縮其機借炎熱鬱蒸之氣遞相鼓激施之以輪不使自轉既驗此理遂造火輪舟舟中置釜以火沸水蒸入長鐵管繫輪速轉一點鐘時可行三十餘里翻濤噴雪溯流破浪其速如飛不論風之順逆風之有無潮之長落溜之上下借陰陽之鞫鞫施造化之鹿盧巧矣極矣彌利堅與歐羅巴隔海數月程五印度與

歐羅巴遠地數萬里而火輪遊駛不過四五旬大則軍旅小則貿易往返傳命有如咫尺誠利器也近時又有用地氣行舟之法無須煤炭尤足徵巧思云

火輪車

臣秋濤謹案火輪車火輪機與火輪船同一機軸今以類附載於此貿易通志曰火機所施不獨舟也又有火輪車車旁插鐵管煮水壓蒸動輪其後緊縛數十車皆被火車拉動

朔方備乘

卷二十九

北徼方物考

全

每一時走四十餘里無馬無驢如翼自飛欲施此車先平其險路鋪以鐵轍無坑坎無紆曲然後輪行無滯道光十年英吉利國都兩大城間造轍路九十餘里費銀四百萬圓其費甚鉅故非國都繁盛之地不能用近日西洋各國都城多效之然地有紆曲高下不可行火輪者則用石衢鐵轍之法其法填平道路將碎石墁地使其平坦兩旁軌轍以鐵爲槽行時溜轉如飛則一馬之力牽六馬之重

矣

火輪機

臣秋濤謹案西洋各國有火輪機凡作布帛不假人力而自成經緯所售洋布卽其製也無須紡織巧奪天工不但費省功倍而已

販運中國貨物類

茶葉

臣秋濤謹案總記曰恰克圖互市中國茶葉華事夷言曰俄羅斯不准船到粵只准陸路

朔方備乘

卷二十九

北徼方物考

全

帶茶六萬六千箱計五百萬棒因陸路所歷風霜故其茶味更佳非如海船經過南洋暑溼致茶味亦減澳門月報曰歐羅巴銷用茶葉以荷蘭俄羅斯兩國爲最俄羅斯茶在北邊蒙古地方買茶道光十年買五十六萬三千四百四十棒道光十二年買六百四十六萬一千棒皆係黑茶由喀克圖旱路運至擔色再由水旱二路分運娜阿額羅

大黃

臣秋濤謹案總記曰恰克圖互市中國大黃
簷曝雜記曰俄羅斯以中國之大黃為上藥
疾病非此不治綏服紀略曰俄羅斯多食魚
需大黃以解魚毒乾隆間因俄羅斯有數事
渝約絕其互市遂禁大黃不許出口嗣因俄
羅斯悔過籲懇情詞恭順始准其開市詳見
互市始末篇內

磁器

臣秋濤謹案總記曰恰克圖互市中國磁器

朔方備乘

卷二十九

北徼方物考

金

每年交易約值二三十萬棒臣秋濤謹案備
考言厄羅斯國產磁器蓋所產不多故仍資
於中國也

絲

臣秋濤謹案總記曰恰克圖互市中國絲又
案總記言薩加社產絲又巴社販來之絲多
售於阿薩塔干之地說詳下

髮

臣秋濤謹案總記曰恰克圖互市中國髮又

案總記言薩加社產髮又巴社販來之髮多
售於阿薩塔干之地蓋本境所產無多故仍
資中國及巴社貿易也

棉花

臣秋濤謹案總記曰恰克圖互市中國棉花

煙葉

臣秋濤謹案總記曰恰克圖互市中國煙葉

龍沙紀略言黑龍江邊卒攜煙草三四斤易
俄羅斯一牛又案俄羅斯本境亦產煙詳前

朔方備乘

卷二十九

北徼方物考

金

飲食類

燒酒

臣秋濤謹案華事夷言曰夷船禁燒酒同於
中國之禁鴉片水手好酒同於中國之嗜煙
蓋水手在船晝受炎熱夜卧風露加以燒酒
之力一飲則必醉一醉則必發寒熱往往不
治禁令雖嚴而水手以酒為命時時盜買多
藏於水桶船主望見但見是水不知皆酒也
臣秋濤謹案俄羅斯近亦浮海情形與各國

相等異域錄言俄羅斯國法律私鬻酒者籍其家發遣之其禁酒殆亦因致疾之故歟

朔方備乘

卷二十九

北徼方物考

矣

朔方備乘卷二十九

舉人胡景桂初校
知縣周錦心覆校

朔方備乘卷第三十

考二十四

烏孫部族考敘

臣秋濤謹案俄羅斯國之始起論者不一或以為即古高車則以其游牧之俗近於北部也或以為即古大食則以其商賈之風近於西域也然二說皆未確惟吳兆騫楊賓諸人以俄羅斯即古烏孫部族說本元人王惲玉堂嘉話或者因其相去遼遠而疑之今按其形貌之符合察其國名聲音之轉變則知俄羅斯實烏孫之遺裔諸家之論未嘗無據不可以荒遠而略之也在漢時烏孫介乎匈奴西域之間兼有北方游牧西域商賈之俗在今日俄羅斯介乎蒙古歐羅巴之間亦兼有北方游牧西域商賈之俗烏孫本行國隨水草轉移游牧無常所即如漢初大月氏本在祁連敦煌之間為匈奴所破轉徙而西乃臣服大夏都媯水上為王庭元耶律大石率眾西奔遂有西域之地建國幾及百載此

朔方備乘

卷三十

烏孫部族考敘

一

皆行國轉徙由衰而盛之顯驗烏孫舊國本亦在祁連敦煌間故俄羅斯人自稱曰老羌敦煌祁連間正西羌所聚處也由是轉徙而至赤谷由是又轉徙而至葱嶺此皆烏孫遷徙之事見於正史者也自後葱嶺之間不聞有烏孫而俄羅斯始著於烏拉嶺以西烏拉即葱嶺之西北幹則俄羅斯即為烏孫部族之轉徙固確有可據矣近時土爾扈特由雅爾遠徙額濟勒河東距舊牧凡五六千里而北距俄羅斯莫斯科窪

朔方備乘

卷三十

烏孫部族考敘

二

都城僅二千餘里信土爾扈特之能遠徙而不信烏孫之能遠徙不亦固哉歷觀往籍如怛羅斯城藥殺水之類皆以國名目其地正可為烏孫漸徙而西之明證爰述烏孫部族考以折羣疑云

烏孫部族考

楊賓柳邊紀略曰阿羅斯一作俄洛斯即羅刹邊外呼為老鎗臣秋濤謹案老鎗即老羌之譌為人深目碧瞳隆準黃虬髯長身多力而好睡睡輒不即覺長

於步戰善烏鎗不畏弓矢著身徐徐拔之相視笑自言自開闢至今康熙丁卯共七千九百十有四年其族卑幼見尊長去帽俯首先指左右肩次指左右膝或曰先指額次腹次右肩次左肩西洋所謂反十字也最奉佛見必俯伏而哭或曰非佛也奉者天主俯伏而哭者天主教也其居室正方上下四旁皆板其器精巧類西洋其帽青頂縫貂于內外綴珠寶珊瑚或用猩猩羶縫貂其服方領小袖袍長掛賤者著朶羅

朔方備乘

卷三十

烏孫部族考

三

尼貴者貂銀鼠雜錦蒙其表綴珠寶珊瑚金剛鑽於邊而絕少綢緞其錢銀質無肉好大若瓜子率重一分陰作交戟或人馬形陽則其國書也若梵經一錢必書數十字不可辨或曰文字用臘底諾話臘底諾話者西洋諸國之官話也其紙厚若山西毛頭大減十之三微脆中有暗花若戈戟之狀色白其菜莖若萵苣而短葉若薑包者白舒者青魚腥臭食之味淡其所食多虛糕如今之西洋糕者而色純白軟潤經月不

硬其國都相傳在正西之北高海中臣秋濤謹案北高海

即裏海其國在裏海之北非在海中也水陸曉夜行十三閱月乃

至雅克薩城而西陲今略以為在金山西北七

日臣秋濤謹案金山西北七日行已入俄羅出塞

紀略以為漢之堅昆唐之黠戛斯又曰紇吃斯

臣秋濤謹案堅昆黠戛斯故壤皆在今俄羅斯境但非其國名之所自始耳王秋澗

玉堂嘉話則以為古烏孫即今幹落絲余以滿

音叶之此音本在烏幹孫絲之間而無適合之

字譯者不得已以已音之相近者當之中原譯

朔方備乘 卷三十 烏孫部族考 四

者音隨地變以訛傳訛名稱遂異不知其國固

二千年如一日也余向見秋笏集作烏孫以為

非後從塞外見其國人狀貌皆與顏師古注烏

孫者合因復疑之今得秋澗語始恍然矣至於

地之方位路之遠近余不暇辨

顏師古漢書注曰烏孫於西域諸戎其形最異

今之胡人青眼赤鬚狀類彌猴者本其種也徐

松補注曰焦氏易林云烏孫氏女深目黑醜是

其形異也臣秋濤謹案烏孫國唐書不詳其事蹟然據師古所言當以目驗知之是

唐初烏孫尚至京師其後蓋益徙而西乃不相聞耳

漢書張騫傳曰烏孫王號昆莫昆莫父難兜靡

本與大月氏俱在祁連敦煌間小國也大月氏

攻殺難兜靡奪其地人民亡走匈奴子昆莫新

生傅父布就翎侯抱亡置草中為求食還見狼

乳之又烏銜肉翔其旁以為神遂持歸匈奴單

于愛養之及壯以其父民眾與昆莫使將兵數

有功時月氏已為匈奴所破西擊塞王塞王南

走遠徙月氏居其地昆莫既健自請單于報父

朔方備乘 卷三十 烏孫部族考 五

怨遂西攻破大月氏臣秋濤謹案此烏孫國之始而烏孫傳未載僅見於

張騫傳中今錄之以備考證云

烏孫傳曰烏孫國大昆彌臣秋濤謹案亦作昆

時稱烏孫王匈奴傳治赤谷城臣秋濤謹案師

以翁主妻烏孫王古不言赤谷所

在徐松曰烏孫舊治赤谷城神爵中分為大小

昆彌別為部大昆彌仍其舊治後魏書云居赤

谷城後西徙葱嶺中是烏孫在南山之證今阿

克蘇城北鹽山土色純赤疑是其地陳湯傳鄧

支擊烏孫深去長安八千九百里徐松曰溫宿

入至赤谷城八千七百二十八里烏孫戶十二萬口六十三

萬勝兵十八萬八千八百人徐松曰西相大祿

徐松曰傳有中子大祿臣秋濤左右大將二人

謹案大祿當是官名非人名徐松曰宋祁云楊本無左右二字按傳有大樂

為左大將馮夫人為右大將妻則楊本非也

侯三人大將都尉各一人徐松曰各一人者有

將都尉宋祁引楊本大監二人大吏一人舍中

大吏二人騎君一人東至都護治所千七百二

十一里徐松曰以去長安較之當作千六百六

案若在山北西至康居蕃內地五千里徐松曰

當言東南也西至康居蕃內地五千里陳湯傳

里地莽平多雨寒山多松楸師古曰莽平謂有

不居者且千里是蕃內地居境內四千餘

日莽莽平野之貌楸木名其心似松音武元翻

徐松曰烏孫之境西自捐毒之北東迄焉耆之

北旁白山之陽亘三千五百餘里故曰地莽平

倚山故多雨雪而寒楸有二訓一曰松心一曰

木名言松心者莊子所謂液楸言木名者此傳

及左傳楸木之下馬融廣成頌履修楸也諸書

惟廣韻不誤今本說文云楸松心木段氏以為

有奪誤顏君所據蓋同今本說文左傳音義楸

即蕩翻又莫昆武元二不田作種樹師古曰樹

翻馬融傳注音莫寒翻不田作種樹植也徐松

日近山故隨畜逐水草與匈奴同俗國多馬富

人至四五千匹民剛惡貪很無信多寇盜最為

疆國故服匈奴師古曰故謂舊時也服屬于匈

莫長守後盛大徐松曰大宛傳昆莫收養其民

于西域後盛大攻旁小邑控弦數萬習攻戰

取羈屬不肯往朝會師古曰言纔羈縻屬之而

諸長少會單于祠五月大會龍城祭其先天地

鬼神秋馬肥大會蹕林課校人畜計是匈奴朝

會東與匈奴直至焉耆以北其東則車師是與

匈奴西北與康居徐松曰言西面北面皆接西

與大宛徐松曰捐毒休循北境皆南與城郭諸

國相接徐松曰謂姑墨本塞地也大月氏西破

走塞王塞王南越縣度大月氏居其地徐松曰

第謂南走懸後烏孫昆莫擊破大月氏大月氏

徙西臣大夏徐松曰據張騫傳昆莫蓋殺月氏

王其夫人臣大夏也顏君彼注云

以大夏為臣而烏孫昆莫居之故烏孫民有塞

種大月氏種云始張騫言烏孫本與大月氏共

在敦煌間徐松曰敦煌之置在元今烏孫雖疆

大可厚賂招令東居故地徐松曰史記作招以

妻以公主與為昆弟徐松曰匈奴傳劉敬奉宗

為兄弟以和親今以制匈奴語在張騫傳徐松

用其法于烏孫也武帝即位徐松曰汪校

域傳所謂綜其行事也武帝即位徐松曰汪校

字令騫齎金幣往徐松曰騫傳言拜為中郎

羊以萬數齎金幣昆莫見騫如單于禮師古曰

帛直數千鉅萬昆莫見騫如單于禮師古曰

比于騫大慙謂曰徐松曰據大宛傳騫知蠻夷貪故謂之天子致

賜王不拜則還賜師古曰還賜謂將賜物還歸漢也昆莫起拜

其它如故徐松曰其禮仍用單于禮初昆莫有十餘子中子

大祿疆善將師古曰言其材力優強能為將將

眾萬餘騎別居大祿兄太子太子有子曰岑陼

師古曰岑音仕林翻陼音子太子蚤死師古曰蚤古早

字謂昆莫曰必以岑陼為太子昆莫哀許之大

祿怒徐松曰史記作大祿怒其不得代太子也迺收其昆弟將眾畔

謀攻岑陼徐松曰史記作謀攻岑娶及昆莫昆莫與岑陼萬餘

朔方備乘

卷三十

八

騎徐松曰史記作昆莫老常恐大祿殺岑娶令別居昆莫亦自有萬

餘騎以自備國分為三大總羈屬昆莫徐松曰史記作

而其大總取羈屬昆莫言昆莫但能羈縻之騫既致賜諭指曰徐松曰

天子意指曉告之君張騫傳注曰以烏孫能東居故地則漢遣公

主為夫人結為昆弟共距匈奴不足破也烏孫

遠漢未知其大小師古曰遠音于萬翻又近匈奴服屬日

久其大臣皆不欲徙昆莫年老徐松曰冒頓死于孝文六七年

間昆莫生于冒頓未破月氏之前至元鼎時年蓋六十餘國分不能專制迺

發使送騫徐松曰大宛傳作送騫還按騫使因烏孫歸在元鼎二年明年騫卒

獻馬數十匹報謝徐松曰顏君張騫傳注云其與騫相隨而來報謝天子

使見漢人眾富厚歸其國其國後迺益重漢匈

奴聞其與漢通怒欲擊之徐松曰是時匈奴伊穉斜單于死子烏維

立為單于又漢使烏孫乃出其南抵大宛月氏相屬

不絕師古曰抵至也屬音之欲翻徐松曰烏孫在北道者沿塔里木河烏孫于是恐徐松曰漢通

北岸皆在烏孫境南徐松曰張騫傳得烏願得尙漢

公主為昆弟徐松曰事在元封初天子問羣臣議許曰因

議而曰必先內聘徐松曰內讀日納然後遣女烏孫以

許之徐松曰內讀日納然後遣女烏孫以

朔方備乘

卷三十

九

馬千匹聘師古曰入聘財漢元封中遣江都王建女細

君為公主以妻焉徐松曰王建女于武帝為孫行江都國除于元朔六年易

王子侯者至元鼎五年免盡細君無寵賜乘輿

故嫁外國自王建死至此十四五年服御物徐松曰劉昭輿服志公主油畫斬車服

鑄飾以白珠今為備官屬宦官侍御數百人徐

遠嫁特寵異之日按劉昭百官志諸公主每主家令一人丞一

人家丞一人直吏三人從官二人此有贈送甚

宦官侍御數百人者皆特置異于常制盛徐松曰玉臺新詠石崇王昭君辭序昔公主

嫁烏孫令琵琶馬上作樂以慰其道路之思烏孫昆莫以為右夫人匈奴亦遣女妻昆莫

莫以為左夫人徐松曰按匈奴傳常以太子為左屠者王是匈奴尙左昆莫先

匈奴女者仍徐松曰公主至其國自治宮室居烏孫雖

逐水草而有城郭故得建宮室玉臺新詠引作自治室宮歲時一再與昆莫

會置酒飲食以幣帛賜王左右貴人昆莫年老

語言不通公主悲愁自為作歌曰吾家嫁我兮

天一方徐松曰玉臺新詠作吾家之嫁我兮天一方遠托異國兮烏

孫王穹廬為室兮旃為牆徐松曰顏君匈奴傳注曰穹廬旃帳也其

形穹隆故曰穹廬案周禮共其毳毛為氈旃為氈之假借字玉臺新詠作氈以肉為

食兮酪為漿師古曰食謂飯音飲徐松曰匈奴傳以視不如重酪之便美也懷祖

朔方備乘

卷三十 烏孫部族考

十

先生曰肉上本無以字後人以上下文皆八字

為句而此句獨少一字故加以字耳不知穹廬

為室旃為牆肉為食酪為漿皆相對為文不得

獨于肉上加以字也御覽北堂書鈔藝文類聚

文選注引皆無以字松按玉臺新詠亦無以字居常土思兮心內傷師古

日土思謂憂願為黃鵠兮歸故鄉師古曰鵠音

思而懷本土日顏若昭帝紀注黃鵠大天子聞而憐之問歲

鳥一舉千里者非白鵠也遣使者持帷帳錦繡給遺焉師古曰問歲者謂

徐松曰劉昭與服志公主嫁娶得服錦綺羅縠繪采十二色重緣袍昆莫年老欲

使其孫岑陬尙公主徐松曰史記作昆莫日我老乃令其孫岑娶妻翁主

公主不聽上書言狀天子報曰從其國俗欲與

烏孫共滅胡徐松曰言此者岑陬遂妻公主昆

莫死岑陬代立岑陬者官號也徐松曰官號不

置不常名軍須靡昆莫王號也名獵驕靡後書昆

彌云師古曰昆莫本是王號而其人名獵驕靡

有輕重耳蓋本一也後遂以昆彌為其王號也

徐松曰注為其王號汪校無其字按烏孫人名

多有靡字是其語音如此昆彌亦仍其語音未

必取意昆莫驕靡也錢氏大昕曰昆彌即昆莫

彌莫聲相轉莫之為彌譯音有輕重而名號未

改非取王名之一字而沿以為號也臣秋濤謹

案今俄羅斯國王號未有費持二字人名亦多

有魚赤二字或作玉赤或作委翅皆靡字之轉

音俄羅斯即古烏孫此亦一證岑陬尙江都公主生一女少夫

師古曰公主死徐松曰公主在烏漢復以楚王

名少夫孫僅四五年而死戊之孫解憂為公主徐松曰楚王戊景帝三年

子妻岑陬徐松曰在岑陬胡婦子泥靡尙小岑

陬且死以國與季父大祿子翁歸靡徐松曰季

前中子大祿日泥靡大以國歸之徐松曰約待泥靡

翁歸靡既立號肥王復尙楚主解憂生三男兩

女徐松曰上言岑陬胡婦子長男日元貴靡次

日萬年為莎車王徐松曰莎車傳言小子萬年

中傳終次曰大樂為左大將徐松曰下又長女

朔方備乘

卷三十 烏孫部族考

十

弟史為龜茲王絳賓妻小女素光為若呼翎侯

妻師古曰弟史素光皆女名徐松曰烏孫有布

比昭帝時公主上書言匈奴發騎田車師徐松曰匈奴

烏孫唯天子幸救之漢養士馬議欲擊匈奴徐松曰言

帝初即位公主及昆彌皆遣使上書徐松曰常

二年遣惠使烏孫公主徐松曰常

擊烏孫取車延惡師地名功臣表下摩侯冠支

將家屬闌入惡師居即此地按匈奴傳收人民

朔方備乘 卷三十 烏孫部族考 三

去使使謂烏孫趣持公主來徐松曰常惠傳作

使使脅求公主匈奴傳范明友乘烏桓敵擊之

匈奴是恐不能出兵即使使之烏孫求欲得

漢公欲隔絕漢昆彌願發國半精兵徐松曰劉

上書入自給人馬五萬騎徐松曰烏孫勝兵十

公主昆彌漢兵大發十五萬騎五將軍分道並

出語在匈奴傳徐松曰匈奴傳本始二年漢大

石仇健習騎射者皆從軍遣御史大夫田廣明

友三萬餘騎出張掖前將軍韓增三萬餘騎出

酒泉雲中太守田順為虎牙將軍三萬餘騎出

五原凡五將軍兵十餘萬騎出塞各二千餘里

按宣帝紀是年秋調遣校尉常惠使持節護烏

孫兵徐松曰據惠傳公主昆彌遣使因惠言是

常惠以校尉光祿大夫持節顏昆彌自將翎侯

君昭帝紀注云持節而為使

以下五萬騎從西方入至右谷蠡王庭徐松曰

右王將居西方直上郡以西接氏羌後書班超

傳注南面以西為右匈奴之西方接烏孫按匈奴

如麗翻顏君谷從服音蠡音落奚翻後書杜篤

謂單于所常居此言庭者匈奴以左右賢王左

朔方備乘 卷三十 烏孫部族考 三

大故亦言庭獲單于父行及嫂居次徐松曰常

音行胡浪翻匈奴傳漢天子我丈人行名王

犁汗徐松曰匈奴傳言右賢王犁汗王四千騎

于賢王者左犁汗左或作都尉徐松曰都尉在

大都千長騎將以下徐松曰匈奴傳諸二十四

長神小相都尉四萬級徐松曰常惠傳作三

歲本始三年也徐松曰功臣表長羅侯以本始四年四月封傳因敘用兵事併

言漢遣惠持金幣賜烏孫貴人有功者徐松曰時公主

亦應有賜後書耿恭傳大昆彌元康二年徐松曰通

鑑考異以蕭望之於神爵元年為大鴻臚傳文

始四年距神爵二年凡十一年烏孫有大功不

便道擊龜茲宣帝不許大將軍霍光風惠以便

入年不足據二也且傳敘龜茲事云常惠斬姑

翼時烏孫公主正遣女至京比自京還龜茲又

得請於元康元年來朝常惠傳明言斬姑翼而

還未言復至烏孫不應烏孫是時遣女入京而

傳云遷大鴻臚先是烏孫昆彌翁歸靡因常惠

朔方備乘

卷三十

西

朔方備乘

卷三十

圭

上書詔下公卿議望之以為非長策天子不聽
神爵二年送公配元貴靡未出塞翁歸靡死
惠上書云望之復以不可蓋先是大鴻臚時也
敘以起復為不可之詞非直謂為大鴻臚時也
此傳因之始云大鴻臚蕭望之舍本傳而用此
傳不足據四也合諸傳考之蓋惠於本始四年
賜烏孫地節元年即斬姑翼還京至元康二年
詔遣常惠將兵揚威武車師旁其時車師王在
烏孫故烏孫因惠烏孫昆彌因惠上書願以漢
上書是元康不誤
外孫元貴靡為嗣得令復尙漢公主結婚重親
徐松曰為結畔絕匈奴願聘馬羸各千匹詔下
兩重姻親
公卿議大鴻臚蕭望之徐松曰元康二年望之
鴻臚以為烏孫絕域變故難保徐松曰蕭望之
誤

里結婚非不可許上美烏孫新立大功徐松曰元康二
長策也徐松曰元康二年
年去本始三年又重絕故業師古曰重難也故
僅六年故日新業謂先與烏孫婚
親遣使者至烏孫先迎取聘徐松曰昆彌及太
子徐松曰太子左右大將將下有軍字都尉皆
遣使凡三百餘人入漢迎取少主徐松曰取上
迺以烏孫王解憂弟子相夫為公主徐松曰弟
子蓋楚王延壽之妻弟行與宣帝為姑也宋祁
校云越本弟下無子字按楚主在烏孫已四十
年不應尙置官屬侍御百餘人徐松曰用舍上
林中學烏孫言師古曰舍止也徐松曰天子自
舍苑中以容車騎
臨平樂觀會匈奴使者外國君長大角抵設樂
而遣之徐松曰平樂觀在上林中武帝紀元封
六年夏京師民觀角抵於上林平樂觀
東方朔傳董氏常從遊戲北宮馳使長羅侯徐
逐平樂觀雞鞠之會角狗馬之足徐松曰蕭望之
日汲古閣本光祿大夫惠為副徐松曰蕭望之
作長盧誤徐松曰蕭望之
長羅侯惠使送凡持節者四人送少主至敦煌
公主配元貴靡
未出塞徐松曰出塞出玉門陽關也趙充國傳
自敦煌至遼東萬一千五百餘里乘塞
列聞烏孫昆彌翁歸靡死烏孫貴人共從本約
徐松曰從岑陬之約蕭望之立岑陬子泥靡代
傳作背約為背翁歸靡之約
為昆彌號狂王徐松曰蓋以不惠上書願留少
與主和號日狂

王敦煌惠馳至烏孫責讓不立元貴靡為昆彌

徐松曰蕭望之傳作責 還迎少主事下公卿望

以負約因立元貴靡 之復以為烏孫持兩端難約結

徐松曰蕭望之傳作亡堅約 前公主在烏孫四十餘年恩愛不親密邊竟未

得安 師古曰竟 此已事之驗也今少主以元貴

靡不立而還信無負于夷狄中國之福也少主

不止絲役將興 徐松曰通鑑注絲古徭字通蓋

公主任在絕域贈送之使與發勞 其原起此天子從之徵還少主狂王復尙楚

主解憂 徐松曰楚主 生一男鴟靡不與主和又

朔方備乘 卷三十 烏孫部族考 六

暴惡失眾漢使衛司馬魏和意副候任昌送侍

子 徐松曰通鑑注候衛候也為和 公主言狂王

為烏孫所患苦易誅也遂謀置酒會罷使士拔

劍擊之劍旁下 師古曰不正下徐松 狂王傷上

馬馳去其子細沈瘦 師古曰瘦音搜徐松 會兵

圍和意昌及公主於赤谷城數月都護鄭吉發

諸國兵救之酒解去 徐松曰通鑑繫此事於甘

漢遣中郎將張遵 徐松曰蓋期 持醫藥治狂王

賜金二十斤采繒 徐松曰下傳言金二十斤繒

因收和意昌係瑣 徐松曰通鑑注係 從尉犁檻

車至長安斬之 徐松曰和意昌蓋繫在烏壘故

從尉犁行觀此知漢北道近河 北岸在今

道之南也 車騎將軍長史張翁 徐松曰百官公

將軍皆 留驗公主與使者謀殺狂王狀 徐松曰

有長史 即將秩比二千石將軍長史秩千石蓋張翁為

遵之副遵送和意等還長安故翁留也下副使

季都蓋亦 主不服叩頭謝張翁掉主頭罵詈 師

同時使者 日梓持其頭音材兀翻徐松曰說文梓持頭髮

也金日碑傳梓胡投何羅殿下晉灼曰胡頸也

蓋持頭梓 主上書翁還坐死副使季都別將醫

養視狂王 徐松曰醫養謂 狂王從十餘騎送之

知醫者及厮養 徐松曰但言送都是 都還坐知狂王當誅見便

不發下 蠶室 徐松曰公主和意謀殺狂王固漢

意也特以不死委罪和意耳張翁 季都之獲罪皆 初肥王翁歸靡胡婦子烏就屠

不知朝廷之意 狂王傷時驚與諸翎侯俱去居北山中 徐松曰

嶺以東至博羅圖山所謂天山以在烏 揚言母

孫北故曰北山此又烏孫在南山之證 徐松曰北山之陰為今伊

家匈奴兵來 徐松曰北山之陰為今伊 故眾歸

之後遂襲殺狂王自立為昆彌漢遣破羌將軍

辛武賢 徐松曰據趙充國傳辛武賢以神爵元

年自酒泉太守為破羌將軍二年五月 將兵萬

罷歸酒泉太守官後七年復為破羌將

軍征烏孫是討烏就屠事在甘露元年

朔方備乘 卷三十 烏孫部族考 七

五千人至敦煌遣使者案行表穿卑鞮侯井以

面孟康曰大井六通渠也下泉流湧出在白龍堆東土山下徐松曰宋祁云面當作西通鑑注謂時立表穿渠於卑鞮侯井以西按今敦煌縣引黨河穿六渠經縣西下流入疏勒河歸哈喇淖爾爾淖爾西即大沙欲通渠轉穀積居廬倉

積豈古六通渠遺跡歟以討之徐松曰通渠轉穀欲水運也廬倉謂建倉國朝雍正中大將軍岳鍾琪於黨

河議行初楚王侍者馮嫪也故以爲名徐松曰

水運詩陳風倭人僚今傳僚好貌釋文僚本亦作嫪說文嫪女字也僚好貌方言針嫪好也蓋僚嫪通婦人以爲美稱顏能史書徐松曰通鑑注史君訓慧未知所出能史書吏也史書猶言吏書按段氏曰漢人謂隸書爲史書故孝元帝孝成許皇后王尊嚴延年馮嫪後漢孝和帝和熹

朔方備乘 卷三十 烏孫部族考 六

鄧皇后順烈梁皇后北海敬王睦樂成靖王黨安帝生母左姬魏胡昭史皆云善史書大致皆謂適於時用如貢禹傳云郡國擇便巧史書者以爲右職又蘇林引胡公云漢官假佐取內郡善史書者給諸佐府也藝文志言史書令史亦謂能史書之令史然則胡氏謂史書爲吏書意亦通

習事徐松曰通鑑注內習漢事外習西域諸國事也嘗持漢節爲

公主使行賞賜於城郭諸國敬信之號曰馮夫

人爲烏孫右大將妻右大將與烏就屠相愛都

護鄭吉徐松曰段會宗傳爲西域都護三歲更盡還如舊日邊吏三歲一更今鄭吉自神爵二年爲都護至甘露元年已八年不更者或吉時未定此制使馮夫人說

烏就屠以漢兵方出必見滅不如降烏就屠恐

曰願得小號徐松曰願得小昆彌之號宣帝徵夫人自問狀

徐松曰此必鄭遣謂者竺次屬光祿勳期門

甘延壽爲副徐松曰謁者秩比六百石期門比郎而爲之副其侍郎即中殿甘延壽傳遷爲郎送馮夫人馮夫人錦車持節服虔試弁爲期門送馮夫人馮夫人錦車持節服虔

車以錦衣車也徐松曰通鑑引詔烏就屠詣長

此注作應劭錦車漢紀作輜車詔烏就屠詣長

羅侯赤谷城徐松曰烏就屠或仍居北山中常惠蓋與辛武賢同討而獨至烏孫

也立元貴靡爲大昆彌烏就屠爲小昆彌徐松曰

長幼爲皆賜印綬破羌將軍不出塞還徐松曰

大小後烏就屠不盡歸諸匈奴侯民眾徐松曰烏

露元就屠前與

年事諸匈奴漢復遣長羅侯惠將三校徐松曰陳湯俱去漢復遣長羅侯惠將三校徐松曰陳湯

朔方備乘 卷三十 烏孫部族考 九

別爲六校顏君謂一校則別爲一部軍故稱校按辛慶忌傳時爲右校丞是分中左右三校歟

屯赤谷因爲分別其人民地界徐松曰辛慶忌傳爲右校丞隨

長羅侯常惠屯田烏孫赤谷城與欽侯戰陷陣卻敵蓋分其人民有不從者故與之戰大

昆彌戶六萬餘小昆彌戶四萬餘徐松曰是時戶不足十二

萬也以上當然眾心皆附小昆彌元貴靡鴟靡

皆病死公主上書言年老土思願得歸骸骨葬

漢地天子聞而迎之公主與烏孫男女三人徐

曰據下文言孫三人此處行烏字懷祖先生曰孫男女三人者公主之孫男孫女共三人也御

覽引此無鳥字俱來至京師是歲甘露三年也徐松曰按宣帝紀公主歸於三年冬時年且七十賜以公主田宅奴婢奉

養甚厚朝見儀比公主後二歲卒徐松曰蓋黃龍元年三

孫因留守墳墓云徐松曰劉昭百官志云公主子孫奉墳墓於京師者亦隨

時見會位在元貴靡子星靡代為大昆彌弱師古

博士議郎下馬夫人上書願使烏孫徐松曰馮夫人或隨公主來歸

尚幼少鎮撫星靡漢遣之卒百人送焉徐松曰俗本送下有烏孫二字

都護韓宣徐松曰韓宣代鄭吉當在元帝初奏烏孫大吏大祿

大監皆可以賜金印紫綬徐松曰通鑑注漢列侯金印紫綬今特賜

朔方備乘

卷三十

烏孫部族考

三

之 以尊輔大昆彌漢許之後都護韓宣復奏星

靡怯弱可免更以季父左大將樂代為昆彌漢

不許後段會宗為都護徐松曰段會宗傳竟甯中以杜陵令五府舉為

西域都護按竟甯元年封騎都尉甘招還亡畔

安定之師古曰有人眾亡畔者皆招而還之故安定也徐松曰眾附小昆彌故亡畔

星靡死子雌栗靡代小昆彌烏就屠死子拊離

代立師古曰拊讀與撫同徐松曰說文拊搯也段氏云古作拊搯今作撫搯是拊撫古今

帝建始初為弟日貳所殺漢遣使者立拊離

子安日為小昆彌徐松曰按段會宗傳安日為會宗所立日貳亡

阻康居徐松曰陳湯傳西域都護段會宗為烏孫兵所圍驛騎上書願發城郭敦煌兵

以自救丞相王商大將軍王鳳議數日不決上

召湯見宣室湯知烏孫瓦合不能久攻故事不

過數日詘指計其日曰不出五日當有吉語聞

居四日軍書到言已解即日攻圍之事按段

會宗以竟甯元年為都護此事在建始漢徙已

元二年王商時為右將軍言丞相相誤

校屯姑墨師古曰有戊已兩校兵此直徙已欲

候便討焉徐松曰以上為安日使貴人姑莫匿建始二年事

等三人詐亡從日貳刺殺之師古曰詐畔亡而投之因得以刺殺

都護廉褒徐松曰廉褒見百官公卿表又傳常鄭甘陳段傳贊云廉褒以恩信稱

賜姑莫匿等金人二十斤繒三百匹徐松曰以上為建始

朔方備乘

卷三十

烏孫部族考

三

河平後安日為降民所殺徐松曰安日之立蓋間事後安日為降民所殺已十二三年段會宗

傳小昆彌為國民漢立其弟末振將代徐松曰所殺諸翎侯大亂漢立其弟末振將代段會宗

孫徵會宗為左曹中郎將光祿大夫使安輯烏

又四使西域此為使西域之一在永始二年漢

立其弟會宗傳作兄以下文及會宗傳末振將

是兄字誤時大昆彌雌栗靡健翎侯皆畏服之

告民牧馬畜無使入牧師古曰勿入昆彌牧中牧疑當謂入所牧為稅猶今哈薩克部國中

段會宗傳在立末振將之明年是永始三年事

漢欲以兵討之而未能

遣中郎將段會宗徐松曰段會宗傳不載此事此為使西域之二持金幣與都護圖方畧

徐松曰段會宗之再為都護更盡於鴻嘉二年自鴻嘉三年至永始四年凡六載當有二都護按傳於康居下有都護郭舜據傳贊敘郭舜於廉褒後孫建前則舜正在永始時

立雌栗靡季父公主孫

伊秩靡為大昆彌徐松曰伊秩靡或大樂子漢沒入小昆彌

侍子在京師者徐松曰為久之大昆彌翎侯難其有罪

栖殺末振將徐松曰段會宗傳作末振將兄安未振將病死與此異

日子安犁靡代為小昆彌師古曰末振將之兄名安日安日之子名

朔方備乘

卷三十

烏孫部族考

三

安犁靡徐松曰段會宗傳作烏犁彌漢恨不自責誅末振將徐松曰宋

字按汪校亦無復使段會宗即斬其太子番邱

番音盤還賜爵關內侯是歲元延二年也徐松曰段

會宗傳元延中復遣會宗發戊己校尉諸國兵

即誅末振將太子番邱會宗留所發兵墊婁地

選精兵三十弩徑至昆彌所在召番邱責以未

振將骨肉相殺殺漢公主子孫未伏誅而死使

者受詔誅番邱即手劒擊斬番邱會宗還奏事

公卿議會宗權得便宜以輕兵深入烏孫即誅

內侯黃金百斤按此為會宗使西域之三會宗以翎侯難栖殺末振將雖不指為漢合于討賊奏以為堅守都尉徐松曰以賞責大祿大吏功特置此官

大監以雌栗靡見殺狀奪金印紫綬更與銅墨

云徐松曰劉昭與服志注引東觀書云公侯金印紫綬中二千石至四百石皆銅印墨綬

末振將弟卑爰寔師古曰寔音竹二翻徐松曰按匈奴傳哀帝建平二年烏

孫庶子卑援寔翁侯人眾入匈奴西界寇盜牛

畜頗殺其民單于聞之遣左大當戶烏夷冷將

五千騎擊烏孫殺數百人略千餘人毆牛畜去

卑援寔恐遣子趨遂為質匈奴即其人也爰援

通息夫躬傳注蘇林曰寔音欬噓之噓晉灼曰

音詩載寔其尾之寔匈奴傳注服虔音獻捷之

捷顏君以本共謀殺大昆彌將眾八萬餘口北

朔方備乘

卷三十

烏孫部族考

三

附康居徐松曰以番謀欲藉兵師古曰藉借也

藉為兼并兩昆彌徐松曰息夫躬傳烏孫兩昆彌弱卑爰寔強盛居疆煌之

地擁十萬之眾東兩昆彌畏之親倚都護師古曰倚

結單于遣子往侍復遣會宗使安輯與都護孫建并力哀帝元

壽二年大昆彌伊秩靡與單于並入朝漢以為

榮徐松曰哀帝紀二年正月匈奴單于烏孫大昆彌來朝按匈奴傳是時為烏珠留若鞮單

于至元始中卑爰寔殺烏日領以自效漢封為

歸義侯兩昆彌皆弱徐松曰按王莽傳言大昆彌中國外孫是伊秩靡至

始建國卑爰寔侵陵徐松曰謂侵都護孫建襲

殺之徐松曰段會宗傳稱都護孫建在建平烏孫分立兩昆彌後漢用憂勞且無甯歲師古曰或

鎮撫或威制之故多事也徐松曰王莽傳始建國五年烏孫大小昆彌遣使貢獻莽見匈奴諸邊益侵意欲得烏孫心迺遣使者引小昆彌使置大昆彌使上保成師友祭酒滿昌劾奏使者日夷狄以中國有禮誼故誦而服從大昆彌君也今序臣使于君使之上非所以有夷狄也奉使大不敬莽怒免昌官西域諸國以莽積失恩信焉者先畔殺都護但欽

杜佑通典曰自烏孫分立兩昆彌其後無聞至

後魏時亦朝貢數為蠕蠕所侵西徙葱嶺臣秋

案自是烏孫希見於史蓋遠徙之後音轉為怛

漢西域有烏孫國音一加之復知其為烏孫也

正與俄鄂相近又按後魏太武帝使董琬使西

域還言其地為三城自葱嶺以東流沙以西為

朔方備乘

卷三十

烏孫部族考

五

為一域即今敖罕安集延諸國境也其西蓋限裏海兩海之間水澤以南為一域兩海當即裏海黑海今俄羅斯都城之水皆由佛爾格河入裏海所謂水澤以南蓋即指佛爾格河以南其裏海以西黑海以東即俄羅斯之南新藩高加索部也然則烏孫西徙葱嶺由葱嶺再徙即為今之俄羅斯地

杜環經行記曰從安西西北千餘里有敦達嶺

臣秋濤謹案唐嶺南是大唐北界嶺北是突騎書作勃達嶺

施南界西南至葱嶺二千餘里其水嶺南流者

盡過中國而歸東海嶺北流者盡經胡境而入

北海又北行數日度雪海其海在山中春夏常

雨雪故曰雪海中有細道道旁往往有水嵌空萬仞轉墮者莫知所在臣秋濤謹案此即今阿

也敦達嶺北行千餘里至碎葉川臣秋濤謹案

川其川東頭有熱海茲地寒而不凍故曰熱海

臣秋濤謹案唐碎葉水在伊麗河西今伊犁河

西之水最大者為特穆爾圖爾即熱海也淖

爾所受之水有察察爾哈奈和賴布拉克其水

分流西北為吹河行千有餘里入和什泊所謂

碎葉川當即指吹河言之因此泊寒而不凍故

稱熱海乃唐岑參熱海行詩云側聞陰山胡兒

語西頭熱海水如煮海上眾鳥不敢飛中有鯉

魚長且肥是因水名熱海而謠傳海水似煮在

唐人已不免此誤矣又有碎葉城天寶七年北庭節度使

王正見薄伐城壁摧毀邑居零落昔交河公主

所居止之處建大雲寺猶存其川西接石國約

長千餘里臣秋濤謹案石國居於藥殺水都柘

藥殺即羅利此可為俄羅斯別名羅利川中有

之證蓋俄羅斯本起於哈薩克西鄙也

異姓部落有異姓突厥臣秋濤謹案兩異姓字

德後突騎施衰黃黑姓皆立可汗相攻中國方

多故不暇治也乾元中黑姓可汗阿多裴羅猶

能遣使各有兵馬數萬城堡間雜日尋干戈凡

是農人皆環甲冑專相虜掠以為奴婢臣秋濤

即今塔什罕境塔什罕東北與右部哈薩克接

城一千三百里漢大宛康居交界處其川西頭

唐則石國地也攻掠成俗至今猶然

有城名曰怛羅斯臣秋濤謹案俞正燮以怛羅斯即俄羅斯音轉蓋烏孫自葱嶺徙居此後又轉徙而西故城名尚仍其舊耳石國人鎮即天寶十

年高仙芝行軍之地從此至西海以來臣秋濤謹案此所謂西海即裏海自三月至九月天無雲雨皆以雪水

種田宜大麥小麥稻禾豌豆飲蒲萄酒糜酒醋

乳

遼史太宗本紀會同元年八月庚子吐谷渾烏

孫靺鞨皆來貢臣秋濤謹案王圻續文獻通考云烏孫遼太祖時嘗來貢今按烏孫部族考

朔方備乘 卷三十 三

史文乃太宗時也王圻說誤兵衛志遼屬國可紀者五十有

九烏孫臣秋濤謹案自遼史以後烏孫之名不復見蓋史家紀載皆作阿羅思幹洛絲等字相沿既久遂無有知其為烏孫者矣

朔方備乘卷三十

知縣林 穗初校
知縣吳壽坤覆校

朔方備乘卷第三十一

傳一

漢魏北徼諸國傳敘

匈奴 鮮卑 柔然 高車

康居 奄蔡 室韋 地豆于

烏洛侯 堅昆 呼偈

臣秋濤謹案西漢之匈奴東漢魏晉之鮮卑後魏之柔然其庭幕在喀爾喀而封豕則遠及北海今俄羅斯東偏之錫伯利部地咸為所兼并

朔方備乘 卷三十一 漢魏北徼諸國傳敘一

朔沿革者不得略焉至如康居奄蔡之屬地偏

乎西凡俄羅斯地之近西北海者皆其故壤室

韋地豆于之屬地偏乎東凡俄羅斯地之近東

北海者皆其舊部臣詳考各史覈其方隅孳究

始終芟繁撮要以為之傳至於錫伯之名本出

鮮卑康居之境直抵兀魯辨神兒即耶蘇之教

考呼得即呼偈之譌凡有管窺並從箋記非敢

謂考證勝於前人庶可省獯祭之勞云爾

匈奴傳臣秋濤謹案匈奴盛時北取丁零堅昆等國併有今俄羅斯錫伯利

部地又按漢書後漢書匈奴傳文盈數
卷難以盡錄今撮舉大要爲此傳云

匈奴先祖夏后氏之裔曰淳維殷時奔北方居之伊尹四方令有匈奴則亦貢獻于亳矣周末七國時匈奴與燕趙秦爲邊鄰趙孝成王時使李牧備匈奴以計破之十餘歲不敢近趙邊城秦始皇使蒙恬北擊胡悉逐出塞收河南地渡河以陰山爲塞而通直道自九原至雲陽因邊山險塹谿谷可繕者繕之起臨洮至遼東萬餘里匈奴北徙十餘年後冒頓自立爲單于遂東

朔方備乘

卷三十一

漢魏北徵諸國傳

二

襲東胡王西擊走月支南并樓煩白羊河南王侵燕代悉復收秦蒙恬所奪匈奴地服從北夷而南與諸夏爲敵國單于姓孛提氏其國稱之曰撐犁孤塗單于匈奴謂天爲撐犁子爲孤塗單于者廣大之貌也置左右賢王左右谷蠡左右大將左王將居東方直上谷以東接濊貊朝鮮右王將居西方直上郡以西接氏羌而單于庭直代雲中各有分地逐水草移徙是時漢初定天下匈奴大攻圍馬邑高帝自將擊之圍於

白登七日後乃結和親之約武帝時衛青出雲中取河南地築朔方復繕故秦時所爲塞因河爲固漢亦棄上谷之斗辟縣造陽地以予之霍去病復出隴西北地二千里過居延攻祁連山徙關東貧民處所奪匈奴河南地新秦中以實之青復出定襄絕漠單于自度戰不能如漢兵遂獨與壯騎數百潰西北遁走去病出代二千餘里左賢王遁去乃封狼居胥山禪姑衍臨瀚海而還自後漠南無王庭漢度河自朔方以西

朔方備乘

卷三十一

漢魏北徵諸國傳

三

至今居往往通渠置田官吏卒五六萬人稍蠶食地接匈奴以北宣帝時五單于爭立更相攻伐呼韓邪單于兄左賢王呼屠吾斯自立爲郅支骨都侯單于攻呼韓邪破走之郅支遂都單于庭呼韓邪自款五原塞朝天子於甘泉宮漢寵以殊禮留月餘遣歸國單于自請願留居光祿塞下郅支自度力不能定匈奴乃益西破堅昆北降丁零

臣秋濤謹案此以郅支自度不能定匈奴乃引兵西甘延壽陳湯傳則云郅支以爲呼韓邪破弱降漢不能自還卽西收右地二說皆班氏所載互相歧異未知孰

是數遣兵擊烏孫勝之堅昆東去單于庭七千里南去車師五千里郅支留都之其後呼韓邪歸北庭人衆稍稍歸之國中遂定郅支恐見襲擊欲遠去會康居王數爲烏孫所困使使至堅昆迎郅支郅支遂引兵西至康居建昭三年西域都護甘延壽以副都護陳湯議發兵即康居誅郅支呼韓邪且喜且懼上書復入朝願保塞上谷以西至敦煌請羅邊備帝下有司議郎中侯應曰臣聞北境塞至遼東外有陰山東西千

朔方備乘

卷三十一

漢魏北徵諸國傳

四

餘里草木茂盛多禽獸本旨頓單于依阻其中治作宮室爲寇孝武出師征伐斥奪此地攘之于漠北建塞徼起亭隧築外城設屯戍以守之然後邊境得少安漠北地方少草木多大沙匈奴來寇少所蔽隱從塞以南經深山谷往來差難邊長老言匈奴失陰山之後過之未嘗不哭如罷備塞戍卒示以大利不可帝納之初漢給單于印文曰匈奴單于璽及王莽僭號更曰新匈奴單于章單于始求稅烏桓莽不許重以印

文改易釁由是生都護但欽上言匈奴寇擊諸國莽大怒議十道並出窮追單于北邊騷動天下耗竭光武帝時蒲奴立爲單于而匈奴中連年旱蝗赤地數千里其從父兄比密遣人奉匈奴地圖求內附八部大人共議立比爲呼韓邪單于以其大父嘗依漢得安故襲其號於是款五原塞願永爲藩蔽捍禦北部匈奴始分爲南北單于詔聽南單于入居雲中北單于使騎擊敗之復詔徙居西河美稷明帝永平十六年大

朔方備乘

卷三十一

漢魏北徵諸國傳

五

發緣邊兵征匈奴時北匈奴衰耗黨衆離叛南部攻其前丁零寇其後鮮卑擊其左西域侵其右不復自立加以饑蝗降者前後至南單于上言宜及北庭分爭出兵討伐破北成南併爲一國和帝永元初乃以耿秉爲征西將軍與車騎將軍竇憲率騎及南單于衆出朔方擊北匈奴大破之二年南單于復大破北部單于輕騎數十遯走不知所在其弟右谷蠡王於除鞬自立爲單于將千人止蒲類海道使款塞大將軍竇

憲以塞北地空欲結恩北部乃上書請置中郎將領護如南單于故事方欲輔歸北庭會寶憲被誅五年於除鞬自叛還北帝遣任尙追斬之破滅其衆後遂無聞先是朔方以西障塞不修鮮卑因此數寇南部單于上言求復障塞乃增修緣邊諸郡兵列屯塞下順帝永建中去特若尸逐就單于立左部勾龍吾斯等背叛寇西河單于本不預謀中郎將陳龜以單于不能制下逼迫之單于自殺勾龍吾斯等立勾龍王車紐

朔方備乘

卷三十一

漢魏北徵諸國傳

六

爲單于東引烏桓西收羌戎及諸胡等數萬人寇掠并涼幽冀四州呼蘭若尸逐就單于兜樓儲先在京師漢安元年立之遣中郎將護送歸國建康初中郎將馬寔募刺殺勾龍吾斯送首洛陽進擊餘黨烏桓七十萬餘口皆降靈帝中平五年右部醯落與休屠各胡十萬餘人反攻殺單于單于子右賢王於扶羅立而叛者亦立須卜骨都侯爲單于時於扶羅詣闕自訟會靈獻之際天下雲擾復欲歸國國人不受乃止河

東須卜骨都侯爲單于一年而死南單于遂虛其位獻帝興平二年於扶羅死弟呼厨泉立爲單于以兄被逐不得歸國曹操以其旣在內地人衆猥多懼必爲寇始分其衆爲五部立其中貴者爲帥選漢人爲司馬監督之晉武帝初塞外匈奴大水寒泥黑難等一萬餘落歸化俱納之使居河西大康七年又有匈奴種類大小凡十萬口來降並撫納之惠帝時劉淵最爲強盛卽曹操所立左部都尉左賢王之孫也

朔方備乘

卷三十一

漢魏北徵諸國傳

七

臣秋濤謹案鮮卑盛時併有今俄羅斯東境
鮮卑東胡之支也別依鮮卑山因號焉漢初爲冒頓所破遠竄遼東塞外與烏桓相接未嘗通中國光武初與烏桓寇抄北邊建武二十一年遼東太守祭彤擊破之由是內屬和帝永元中寶憲遣右校尉耿夔擊破匈奴北單于遁走留者尙有十餘萬落鮮卑因此徙其地而有其人由此漸盛或降或畔與匈奴烏桓更相攻擊桓帝時鮮卑檀石槐者立庭于彈汗山歆仇水上

去高柳北三百餘里兵馬甚盛東西部大人皆歸焉盡據匈奴故地東西萬四千餘里南北七千餘里臣秋濤謹案以方隅里至覈之檀石槐已併有今俄羅斯東境分其地為三部東接扶餘濊貊二十餘邑為東部從右北平以西至上谷十餘邑為中部從上谷以西至燉煌接烏孫二十餘邑為西部各置大人主之魏時步度根立眾稍衰弱不為寇害軻比能本小種鮮卑以勇健不貪推為大人眾遂強盛後州刺史王雄遣勇士刺殺軻比能立其弟素

朔方備乘

卷三十一

漢魏北徵諸國傳

八

利彌加厥機在遼西右北平漁陽塞外其後諸子爭立眾離散諸部大人慕容托跋宇文更盛焉臣秋濤謹案鮮卑音轉為錫伯亦作席北今黑龍江南吉林西北境有錫伯部落即鮮卑遺民俄羅斯東境稱西伯利部亦作西畢爾亦作昔白利牙臣秋濤謹按爾字利字牙字皆語助可有可無皆即鮮卑譯字之異蓋鮮卑檀石槐盛時併有俄羅斯東境地後其部落北徙苗裔至今猶存紀載闕略賴稱名未改猶可考也

柔然傳臣秋濤謹案柔然北侵高車深入其地則抵今俄羅斯東境矣柔然姓郁久閭氏其始祖曰木骨閭本為代王猗盧騎卒遁匿廣漠谿谷之間至其子車鹿會雄健始自號柔然後魏太武以其無知狀類于蟲改其號為蠕蠕本骨閭六代孫社崙兇狡甚有權變度漠北侵高車深入其地遂并諸部北徙弱洛水其西北有匈奴餘種國尤富強盡為社崙所并其西則焉耆之地東則朝鮮北則度沙漠窮瀚海南則臨大磧其常所會庭則燉煌

朔方備乘

卷三十一

漢魏北徵諸國傳

九

張掖之北小國皆苦其寇掠羈縻附之於是自號邱豆代可汗頻擾北邊後魏神麌二年太武率兵十餘萬襲之其主大檀震怖挾其族黨焚燒廬舍絕跡西走於是國落四散太武緣粟水西行過漢將寶憲故壘六月次于菟園水去平城三千七百里分軍搜討東至瀚海西接張掖水北度燕然山東西五千餘里南北三千里前後歸附三十餘萬收其人戶畜產百餘萬孝明帝熙平初其主醜奴善用兵西攻高車大破之

盡併叛者國遂強盛醜奴死阿那瓌立經十日其族兄俟力發示發率眾伐之阿那瓌輕騎南走歸魏封朔方郡公既而俟力發婆羅門率眾討示發破之眾推婆羅門為主會婆羅門為高車所逐率部落詣涼州降於是蠕蠕數萬相率迎阿那瓌為汗婆羅門尋謀叛投噉噉噉三妻皆婆羅門姊妹也仍為州軍討擒之始阿那瓌初復其國盡禮朝廷迨六鎮繼叛中原雲擾不復稱臣及齊受東魏禪後阿那瓌為突厥所破自殺文宣立其子菴辰為主置之馬邑州後背叛文宣親討大破之時又累為突厥所破以至於亡

朔方備乘

卷三十一

漢魏北徼諸國傳

十

高車傳 臣秋濤謹案高車即丁零本國在匈奴北今俄羅斯義爾古德部地其西至高昌者部落南徙之故也

高車蓋古赤狄之種也初因號為狄歷北方以為勅勒諸夏以為高車丁零焉其語略與匈奴同而時有少異或云其先匈奴之人也其種有狄氏袁紇氏斛律氏斛氏異氏奇斤氏其俗

本無都統大帥督當種各有君長為性麤猛黨類同心至於寇難翕然相依聞無行陣頭別衝突乍出乍入不能堅戰婚姻用牛馬納聘以多為榮俗無穀不作酒迎娶之日男女相將持馬酪熟肉即主人延賓亦無行位窮廬前叢坐飲宴終日復留其宿明日將婦歸既而將夫黨還入其家馬羣揀取良馬俗不潔淨喜致震霆每震則叫呼射天而奔之移去至於來秋馬肥復相率集于震所埋殺羊燃火拔刀女巫祝說似

朔方備乘

卷三十一

漢魏北徼諸國傳

十一

如中國祓除而羣隊馳馬旋繞百帀及止持一束柳枝回曲豎之以乳酪灌焉婦人以皮裹羊骹戴之首上縈屈髮髻所交反而綴之有似軒冕其死亡葬送掘地作坎坐屍於中張臂引弓佩劍挾稍無異於生而露坎不掩走馬繞旋多者數百帀男女無大小皆集會之其遷徙隨水草衣皮食肉牛羊畜產盡與蠕蠕同唯車輪高大輻數至多後徙于鹿渾海西北百餘里部落強

大常與蠕蠕為敵亦每侵盜于魏魏道武渡弱

水西至鹿渾海襲破之復討其餘種于狼山又大破之又自骸髡水西北狗略其部破其雜種三十餘部虜獲男女五萬餘口馬牛羊百餘萬高車二十餘萬乘而還其後太武帝征蠕蠕還至漠南聞高車東部在已尼陂相去千餘里遣騎襲破之降數十萬皆徙置漠南千里之地後又相率北叛高車之族又有十二姓一曰泣伏利氏二曰叱盧氏三曰乙旃氏四曰大連氏五曰窟賀伏氏六曰達薄于氏七曰呵喻氏八曰

朔方備乘

卷三十一

漢魏北徵諸國傳

三

莫允氏九曰侯斤氏十曰副伏羅氏十一曰乞表氏十二曰右外沛氏先是副伏羅部為蠕蠕所役屬魏孝文帝太和十一年蠕蠕主豆喻犯塞其酋阿伏至羅率所部之眾西叛阿伏至羅死弟子彌俄突立遣使朝貢宣武詔曰蠕蠕嚙嗑與吐谷渾所以交通者皆路由高昌國犄角相接今高昌內附遣使迎引蠕蠕既與吐谷渾路絕姦勢亦阻於卿彼蕃便有所益行途經由宜相供俟不得令羣小擁塞王人彌俄突尋與

蠕蠕主伏圖戰於蒲類海北大敗明帝初彌俄突又被蠕蠕主醜奴大敗殺之弟越居靜帝時為兄子比適所殺越居子去賓自蠕蠕奔後魏封為高車王肆州刺史死于鄴至隋有突越失國即後魏時之高車國矣

康居傳臣秋濤謹案康居東境在今哈薩克地其國王夏所居地距卑闐城九千餘里則直抵今俄羅斯大俄諸部境矣漢書西域傳中有康居傳語多脫誤今依徐松說考正其失故與漢書多有異同云

康居國王治卑闐城城近闐池因以為名臣秋濤謹

朔方備乘

卷三十一

漢魏北徵諸國傳

三

案陳湯傳涉康居界至闐池西即此雖以卑闐為治所而其王冬夏皆不居之猶今哈薩克部以塔什干城為都會而其汗王冬夏各有游牧之所惟沒則歸葬於塔什干城哈薩克本古康居地故其遺俗相沿有如此者卑闐去長安萬二千三百里不屬西域都護其城至王冬所治樂越匿地馬行七日至王夏所居蕃內九千一百四里徐松曰蕃內地大約在卑闐城之西烏孫在其東言去蕃內地五千里不得去卑闐轉九千餘里也臣秋濤謹按徐松以蕃內為地名故疑漢書本文里數有誤今按蕃內猶言境內烏孫西距康居境五千里康

居卑闕城距其王夏所居境內地九千一百四里以今地理診之東南起哈薩克西北抵俄羅斯之莫斯科窪境皆漢時康居國地明矣奄蔡又在康居西北二千里為今俄羅斯北境其北臨大澤無涯即北海無可疑者漢時匈奴北境未能詳考故漢書於奄蔡北海尚作疑詞也近刻瀛環志略乃以奄蔡北臨大澤為即裏海其謬甚矣 戶十二萬口六十

萬勝兵十二萬人東至都護治所五千五百五

十里與大月氏同俗 徐松曰大月氏在古道康居在北道而俗同者後魏書云康國者康居之後王本月氏人被匈奴所破西踰葱嶺遂有其國支庶各分王故俗同於月氏

地利暖饒桐柳蒲萄多牛羊出好馬東羈事匈奴 顧炎武曰言不純臣但羈縻事之與烏孫羈縻同意臣秋濤謹案合康居王冬

朔方備乘

卷三十一

漢魏北徼諸國傳

古

夏所居地論之康居全境在匈奴之西故漢書直云東羈事匈奴 宣帝時匈奴

乖亂五單于並爭漢擁立呼韓邪單于而郅支

單于怨望殺漢使者西阻康居 師古曰依其險阻以自保固也

徐松曰按匈奴傳郅支既殺使者自知負漢又聞呼韓邪益疆恐見襲擊會康居王數為烏孫所困使迎郅支單于置東邊合兵取烏孫郅支遂與相結引兵而西到康居 其後都

護甘延壽副校尉陳湯發戍已校尉西域諸國

兵至康居誅滅郅支單于語在甘延壽陳湯傳

是歲元帝建昭三年也至成帝時康居遣子侍

漢徐松曰通鑑繫于元延二年胡三省註云元帝時康居遣子入侍陳湯上言其非王子命

復遣子入侍焦氏易林貢獻 徐松曰通鑑注云云區脫康居慕仁入朝貢獻既遣子入侍而又奉貢 然自以絕遠獨驕嫚不肯與諸國相望都

護郭舜數上言本匈奴盛時非以兼有烏孫康

居故也及其稱臣接非以失二國也漢雖皆受

其質子 徐松曰匈奴傳鴻嘉元年搜諸單于遣子左祝都韓王胥留斯侯入侍按烏孫

小昆彌時亦有然三國內相輸遺交通如故 通

注三國謂匈奴亦相候伺見便則發 徐松曰三國

相侵烏孫康居 合不能相親信離不能相臣役以今言之

略 結配烏孫竟未有益反為中國生事然烏孫既

朔方備乘

卷三十一

漢魏北徼諸國傳

古

結在前今與匈奴俱稱臣義不可距而康居驕

黠訖不肯拜使者都護吏至其國坐之烏孫諸

使下王及貴人先飲食已乃飲啗都護吏故為

無所省以夸旁國 師古曰言故不省視漢使也徐松曰通鑑注夸者自矜耀

其能做漢也 以此度之何故遣子入侍其欲賈

市為好辭之詐也 徐松曰通鑑注謂特欲行賈以市易其為好辭者詐也

匈奴百蠻大國今事漢甚備聞康居不拜且使

單于有自下之意 師古曰言單于見康居不事漢以之為高自以事漢為太

卑而欲改志也 宜歸其侍子絕勿復使以章漢家不通

無禮之國敦煌酒泉小郡及南道八國給使者

往來人馬驢橐駝食皆苦之師古曰言二郡八國皆以此事為困

苦徐松曰敦煌郡戶萬一千有奇酒泉郡戶萬

八千有奇故為小郡康居在北道而蘇難與韃

已入吐火羅境在葱嶺西南故得從南道空罷耗所過送迎驕黠絕

遠之國師古曰罷非至計也漢為其新通重致

遠人師古曰以此終羈縻而未絕康居有小王

五徐松曰陳湯傳有康居副一曰蘇難王治蘇

王徐松曰新唐書史國或曰佉沙曰揭霜那

朔方備乘 卷三十一 漢魏北徵諸國傳 七

餘徑危險既絕人跡又少水草東南山行三百

狹徑加之險阻兩旁石壁其色如鐵既設門扉

又以鐵錮多有鐵鈴懸諸門扇因其險固遂以

為名出鐵門至觀貨去都護五千七百七十

六里徐松曰去康居二百二十里隋書去陽關

八千二十五里徐松曰較以去都護里數去陽

蘇難在葱嶺西南入葱嶺二曰附墨王治附墨城

徐松曰唐書何國或曰屈霜你迦曰貴霜匿即

康居小王附墨城故地西域記屈霜你迦國周

千四五百里東西狹南北去都護五千七百六

長按此在康居極東境十七里去陽關八千二十五里

去陽關正同去都護三日窳匿王師古曰治窳

惟差九里疑有誤窳音庾

匿城徐松曰唐書石國或曰柘支曰柘折曰赭

有芍殺水入中國謂之真珠河亦曰質河東南

有大山生瑟瑟西域記赭時國周千餘里西臨

葉河東西狹南北長按此在康居極北境臣秋

濤謹按俞正變以石國為俄羅斯始起之地即

此去都護五千二百六十六里去陽關七千五

百二十五里徐松曰唐書言石南五百里為康

關入千六四曰罽王治罽城徐松曰唐書安國

百八十里喝西瀕烏許河治阿濫謚城即康居小君長罽

王故地西域記捕喝國周千六七百里東西長

南北狹案此去都護六千二百九十六里去陽

在康居東境關七千五百五十五里

喝捍國又西四百餘里至捕喝國是罽城在附

墨西六百餘里傳文去都護之數相距五百二

十九里似近之去陽關五日與韃王治與韃城

則相距千三十里疑誤徐松曰唐書火尋或曰貨利習彌曰過利居烏

許水之陽康居小王與韃城故地西域記貨利

習彌迦國順縛芻河兩岸東西二三十去都護

里南北五百餘里按此在康居東南境六千九百六里去陽關八千三百五十五里

朔方備乘 卷三十一 漢魏北徵諸國傳 七

日西域記捕喝國又西四百餘里至伐地國又

西南五百餘里至貨利習彌迦國又西南三百

餘里至韃霜那國是較蘇難近三百餘里而傳

紀都護之數遠于蘇難千一百三十里陽關之

數遠于蘇難三百三十里即核之罽城惟都護

之數以為相距六百十里者近之其陽關又轉

近二百里誤尤顯然凡五王屬康居康居國至晉武帝泰

始中遣使獻善馬後魏太武帝大延中遣使朝

貢其國又稱者舌至隋時謂之康國都於薩寶

水上阿祿廼城俗事天神崇敬甚重云神兒七

月死失骸骨事神之人每至其月俱著黑疊衣

徒跣撫胸號哭涕淚交流丈夫婦女三五百人

散在草野求天兒骸骨七日便止臣秋濤謹案

通典引韋節西番記詳其所言即天主教每七日禮拜耶蘇之事天兒即耶蘇也據此知康居舊壤久已信奉耶蘇惟今天主教禮拜不必限於七月蓋異教之俗亦隨時改易難以概論也

朔方備乘

卷三十一

漢魏北徵諸國傳

六

奄蔡傳

臣秋濤謹案奄蔡即今俄羅斯西偏之北近白海地

奄蔡一曰闐蘇漢時通焉西與大秦接東南二

千里與康居接控弦十餘萬與康居同俗而屬

於康居臨大澤無涯蓋即北海也岸多楨松白

草及貂畜牧逐水草至後漢時改名阿蘭那國

臣秋濤謹案一作後魏時曰粟特國一名温那阿蘭那未知孰是

沙初匈奴殺其王而有其國至文成帝初遣使

朝貢其王名忽倪傳國已三代矣周武帝時亦

遣使來貢

室韋傳臣秋濤謹案南室韋當在車臣汗東黑龍江北境其北室韋則當在

外興文嶺之北鉢室韋大室韋皆今俄羅斯國錫伯利部地

室韋有五部後魏末通焉並在靺鞨之北路出

柳城諸部不相總一所謂南室韋北室韋鉢室

韋深末怛室韋大室韋並無君長人眾貧弱突

厥沙鉢略可汗常以吐屯播埏統領之蓋契丹

之類也其在南者為契丹在北者號室韋南室

韋在契丹北三千里後魏書云自契丹路經吸

百里又經屈利水始到其國土地卑溼至夏則移向西貨勃

朔方備乘

卷三十一

漢魏北徵諸國傳

七

欠對二山多草木饒禽獸又多蚊蚋人皆巢居

以避其患後漸分為二十五部有餘莫不滿咄

猶酋長也死則子弟代立之嗣絕則擇賢豪而

立之盤髮衣服與契丹同乘牛車籬條為室如

突厥毯車之狀度水則束薪為楫或有以皮為

舟者馬則織草為鞵結繩為轡寢則屈水為室

以籬條覆移則載行以猪皮為席編木藉之氣

候多寒田收甚薄無羊少馬多猪牛造酒食噉

言語與靺鞨同婚姻之家二家相許塔輒盜婦

去然後送牛馬為聘婦人不再嫁以為死人妻

難以共居部落共為大柵人死則置屍其上居

喪三年其國無鐵取給于高麗自南室韋北行

十一日至北室韋分為九部落其部落渠帥號

乞引莫賀咄氣候最寒冬則入出居穴中牛畜

多凍死饒麋鹿射獵為務鑿冰投水中而網射

魚鼈地多積雪懼陷坑穿騎木而行俗皆捕貂

為業冠以狐貉衣以魚皮又北行千里至鉢室

韋依胡布山而住人眾多於北室韋不知為幾

朔方備乘 卷三十一 漢魏北徼諸國傳 辛

部落用樺皮蓋屋其餘同北室韋從鉢室韋西

四日行至深末恒室韋因水為號也冬月穴居

以避太陰之氣又西北數千里至大室韋逕路

險阻言語不通尤多貂及青鼠北室韋後魏武

定隋開皇大業中並遣使朝獻唐時所聞有九

部焉屢有朝貢所謂嶺西室韋北室韋黃頭室

韋大如者室韋小如者室韋納婆萬室韋達末

室韋駱駝室韋並在柳城郡之東北近者二千

五百里遠者六千八百里

地豆子傳 臣秋濤謹案一作地豆干未詳孰是此地當與俄羅斯相近

地豆子在室韋西千餘里多牛羊出名馬皮為

衣服無五穀惟食肉酪後魏孝文帝延興二年

遣使朝貢

烏洛侯傳 臣秋濤謹案通典洛作落欽定皇朝文獻通考曰烏洛

侯即俄羅斯也

烏洛侯亦曰烏羅渾國後魏通焉在地豆子之

北其土下溼多霧氣而寒冬則穿地為室夏則

隨原阜多豕有穀麥無大君長部落莫弗皆代

朔方備乘 卷三十一 漢魏北徼諸國傳 壬

為之 臣秋濤謹案莫弗者頭目之名其俗繩髮衣服以珠為飾

人尚勇不為姦竊故慢藏野積而無寇盜好獵

射樂有胡空侯本槽革面而九絃其國西北有

貌水 臣秋濤謹案北史作完水東流合於難水東入於海又

西北二十日行有于已尼大水所謂北海也太

武帝太平真君四年來朝稱其國西北有魏先

帝舊墟石室南北九十步東西十四步高七十

尺室有神靈人多祈請太武帝遣中書侍郎李

敞告祭焉刻祝文於石室之北而還其後至唐

貞觀六年遣使朝貢云烏羅渾國亦謂之烏護

乃言訛也東與靺鞨南與契丹北與烏丸為鄰

風俗與靺鞨同臣秋濤謹案此烏丸乃別一小國非漢魏時烏桓也詳見舊唐書室

書室

堅昆呼偁傳

堅昆在今俄羅斯境額爾齊斯河下游東去單

于庭七千里南去車師五千里呼偁國在堅昆

東蓋即今俄羅斯揭的河地二國皆漢時匈奴

鄰國後為郅支單于所兼併臣秋濤謹案通典曰堅昆魏時聞焉

朔方備乘

卷三十一

漢魏北徼諸國傳

三

在康居西勝兵二萬人隨水草畜牧多貂有好馬呼得魏時聞焉在葱嶺北烏孫西北康居東北勝兵萬餘人隨水草畜牧出好馬亦多貂丁令魏時聞焉在康居北勝兵六萬人出名鼠皮白子青昆子皮此上三國堅昆中央俱去匈奴單于庭安習木七千里南至車師六國五千里西南去康居界三千里西去康居王理八千里或以為此丁令即匈奴北丁令也而此丁令在烏孫西似其種別也按通典所記道里與漢書密合呼得即漢呼偁也是此三國皆漢時舊國非至魏時始聞乃杜佑誤分丁令為二遂並堅昆呼得列入西方蓋千慮之一失今附正其誤於此云

朔方備乘卷三十一

知縣林 穗初校
知縣吳壽 坤覆校

朔方備乘卷第三十二

傳二

周齊隋唐北徼諸國傳敘

突厥 西突厥 阿史那賀魯

突騎施 驅度寐 拔悉彌

流鬼 鐵勒 薛延陀

同紇 僕骨 同羅

都波 拔野古 多濫葛

斛薛 阿跋 鞠國

朔方備乘

卷三十二

周齊隋唐北徼諸國傳敘

一

俞价 大漢 白霄

骨利幹 結骨 駁馬

鬼國 鹽漠念 大食附載

臣秋濤謹按突厥初盛於周齊之間再盛於隋唐之際北盡北海鐵勒諸部西盡西海可薩諸部凡今俄羅斯全境悉歸統轄洵朔漠之強國也遇唐太宗之賢英衛之將略一舉殘破遂不復振而鐵勒諸部各起紛爭薛延陀同紇相繼稱汗受唐封冊所據皆在色楞格河一帶古匈

奴左地是也西突厥分據古匈奴右地屢起屢
蹶賀魯突騎施諸部並為唐所摧殄皆北徼掌
故不可不書至僕骨等部地在東偏結骨等部
地在西偏駁馬等部北負冰海皆今俄羅斯之
地自突厥薛延陀敗後咸附唐請更設都督刺
史等官太宗所以稱天可汗也大食國在西域
然其後亦併有今俄羅斯南境地故附著焉

突厥傳 臣秋濤謹按突厥地北至
北海全有今俄羅斯境

突厥之先蓋匈奴之別種姓阿史那後魏末其

朔方備乘 卷三十二 齊唐北徼諸國傳 二

酋帥土門部落稍盛始至塞上通中國發兵擊
蠕蠕大破之遂自號伊利可汗其季子俟斤立
為木杆可汗勇而多智務于征伐西破嚙嚙東
走契丹北并契骨 臣秋濤謹按契骨即
堅昆今俄羅斯地 威服塞
外諸國其地東自遼海以西至西海萬里南自
沙漠以北至北海五六千里皆屬焉俟斤既盛
累破蠕蠕蠕蠕主奔關中俟斤使於西魏請得
而甘心宇文泰執蠕蠕主及其部落三千人付
突厥使者殺之俟斤死捨其子大邏便而立其

弟是為他鉢可汗中國憚其強猛周齊爭結婚
姻傾府庫事之仍歲給綵綵十萬段他鉢益驕
曰使我在南兩兒孝順何患貧也他鉢卒國中
立其子菴邏為嗣大邏便心不服每遣人詈辱
之菴邏不能制國中相與議曰四可汗子攝國
最賢因迎立之為大可汗號沙鉢略可汗居都
斤山菴邏降居獨洛水稱第二可汗以大邏便
為阿波可汗還領所部既而沙鉢略忌阿波驍
悍因襲擊大破之阿波西奔達斯可汗達斯者

朔方備乘 卷三十二 周齊唐北徼諸國傳 三

名玷厥沙鉢略之從父也舊為西面可汗既而
遣阿波率兵而東與沙鉢略相攻於是分為東
西部互相侵掠連兵不已沙鉢略既為達斯所
困又東畏契丹遣使詣隋告急請將部落度漠
南寄居白道川詔許之其子雍虞間立是為頡
伽施多那都藍可汗隋平陳後以陳叔寶屏風
賜大義公主公主沙鉢略妻周千金公主也主
心恒不平因書屏風為詩敘陳亡以自寄隋聞
惡之時沙鉢略子曰染干號突利可汗居北方

遣使求婚隋令裴矩謂曰當殺大義公主方許
婚突利譖之都藍因發怒遂殺公主于帳隋妻
以宗女安義公主突利以故南徙度斤舊鎮錫
賚優厚雍虞閭怒曰我大可汗也反不如染干
於是與玷厥舉兵攻染干染干夜以五騎歸朝
隋拜染干爲意利珍豆啓民可汗於朔州築大
利城以居之部落歸者甚衆雍虞閭又擊之遂
遷于河南在夏勝二州之間雍虞閭旋爲部下
所殺啓民遂有其衆大業三年煬帝幸榆林啓

朔方備乘

卷三十二

周齊隋唐北徵諸國傳

四

民來朝帝親巡雲中泝金河而東北幸啓民所
居明歲啓民卒其子吐吉立是爲始畢可汗十
一年八月始畢率其種落入寇圍帝于雁門援
兵至始畢引去隋末亂離華人多往依之薛舉
竇建德王世充劉武周梁師都李軌高開道之
徒雖僭尊號皆稱臣受其可汗之號東自契丹
室韋西盡吐谷渾高昌諸國皆臣之控弦百萬
唐起義太原使劉文静聘其國引以爲援武德
二年始畢卒其子室鉢苾以年幼不堪嗣位立

爲泥步設使居東偏直幽州之北立其弟俟利
弗設是爲處羅可汗迎隋蕭后及齊王暕之子
正道於竇建德所因立爲隋王奉隋後隋人在
北者悉隸之行隋正朔置百官居定襄衆萬人
明年處羅死其弟咄苾嗣是爲頡利可汗頡利
始爲莫賀咄設牙直五原北薛舉陷平涼與連
和唐遣光祿卿宇文歆賂之使與舉絕隋五原
太守張長遜以所部五城附突厥歆并說還五
原地皆見聽太子建成議廢豐州并割榆中地

朔方備乘

卷三十二

周齊隋唐北徵諸國傳

五

於是處羅子郁射設以所部萬帳入處河南以
靈州爲塞頡利以什鉢苾爲突利可汗使居東
七年頡利與突利兵並起自源州連營而南太
宗北討軍至幽州可汗萬騎奄至舉軍失色太
宗乃親率百餘騎馳詣陣前告之曰國家於突
厥無負何爲深入我秦王也故來一決可汗若
自來我當與可汗兩人獨戰若或兵馬總來我
惟百騎相禦耳頡利弗之測笑而不對太宗又
馳騎語突利曰爾往與我盟急難相救今將兵

來何無香火情也亦宜早出一決勝負突利亦不對頡利見兵少又聞與突利語陰相忌乃不欲戰因遣使請和許之貞觀元年陰山以北薛延陀回紇拔曳固等十餘部皆相率叛頡利遣突利討之不勝輕騎走頡利怒拘之十餘日突利由是怨憾內欲背之三年頡利遣使奏言與突利有隙請擊之詔秦武通以并州兵馬隨便應接明年薛延陀自稱可汗於漠北遣使求貢方物頡利始稱臣詔兵部尙書李靖擊之於馬

朔方備乘

卷三十二

周齊隋唐北徵諸國傳

六

邑頡利走九俟斤以眾降拔曳固僕骨同羅諸部霄奚渠長皆來朝於是詔李靖出定襄道并州都督李世勣出通漢道左武衛大將軍柴紹出金河道靈州大都督任城王道宗出大同道幽州都督衛孝節出恒安道營州都督薛萬徹出暢武道並受靖節度以討之突利及都射設蔭奈特勒並帥所部來奔四年正月李靖進屯惡陽嶺夜襲定襄頡利驚擾因徙牙於磧口大酋蘇密等以隋蕭后及楊正道來降頡利計窘

走保鐵山靖襲擊之盡獲其眾頡利得千里馬獨奔沙鉢羅行軍副總管張寶相禽之其國遂亡復定襄恒安地唐斥境至大漠矣伊吾城之長素臣突厥舉七城以降因其地爲西伊州頡利之亡其下或走薛延陀或入西域而來降者尙十餘萬自幽州屬靈州建順佑化長四州爲都督府割頡利故地左置定襄都督右置雲中都督二府統之乃以突利可汗爲順州都督令率其下就部初頡利之立用次第爲延陀設

朔方備乘

卷三十二

周齊隋唐北徵諸國傳

七

主延陀部以突利主契丹靺鞨部東方之眾皆屬焉突利歛取無法下不附故薛延陀奚霫等皆內屬突利入朝拜右衛大將軍北平郡王及爲都督入朝道病卒子賀邏鶻嗣突利弟結社率以即將宿衛十三年從幸九成宮陰結部落得四十餘人並擁賀邏鶻相與夜犯御營折衝孫武開率兵奮擊尋皆斬之詔原賀邏鶻流於嶺外於是羣臣多言處突厥中國非是乃立阿史那思摩爲乙彌泥熟俟利苾可汗賜氏李樹

牙河北悉徒突厥還故地思摩者頡利族人也
太宗令統頡利舊部落舉磧以北延陀主之磧
以南突厥保之其地南大河北白道居三年不
能得其眾思摩遂輕騎入朝殘眾稍稍南渡河
分處勝夏二州車鼻可汗乃盜有其地車鼻者
世爲小可汗頡利敗時諸部欲君長之曾薛延
陀稱可汗乃往歸焉其爲人沈果有智數頗爲
眾所附延陀畏逼將殺之乃率所部遯去竄金
山之北三垂斗絕惟一面可容車騎壤土夷博

朔方備乘

卷三十二

周齊隋唐北徵諸國傳

八

卽據之勝兵三萬自稱乙注車鼻可汗距長安

萬里西葛邏祿北結骨皆并統之

臣秋濤謹案
結骨卽前契

骨是車鼻亦
統俄羅斯矣

二十一年遣子沙鉢羅特勒獻方

物且請身自入朝太宗遣使徵之竟不至太宗

大怒遣右驍衛郎將高侃發回紇僕骨兵擊之

師次阿息山部落不肯戰車鼻攜愛妾從數百

騎走追至金山獲之送于京師處其餘眾于薛

督軍山詔建狼山都督府統之初其子羯漫陀

泣諫車鼻請歸國不聽乃遣子菴鑠入朝後來

降拜左屯衛將軍建新黎州使領其眾於是突

厥盡爲封疆臣矣始置單于都護府領狼山雲

中桑乾三都督蘇農等二十四州瀚海都護府

領金微新黎等七都督仙萼賀蘭等八州卽擢

領首爲都督刺史麟德初改燕然爲瀚海都護

府領回紇徙故瀚海都護府於古雲中城號雲

中都護府磧以北蕃州悉隸瀚海磧以南蕃州

隸雲中後改雲中府爲單于大都護府高宗東

封泰山狼山都督葛邏祿叱利等三十餘人皆

朔方備乘

卷三十二

周齊隋唐北徵諸國傳

九

從至泰山下勒名於封禪之碑自永徽以後三

十年北方無戎馬警調露初單于府大酋温傳

奉職二部落反立阿史那泥熟匄爲可汗二十

四州並應之高宗遣鴻臚卿蕭嗣業等討之反

爲所敗更拜禮部尙書裴行儉爲定襄道行軍

大總管率太僕少卿李思文等討之明年行儉

戰黑山大破之其下斬泥熟匄以降禽温傳奉

職還餘眾保狼山永隆中温傳部又迎頡利族

于伏念於夏州走度阿立爲可汗諸部響應復

詔行儉討之行儉兵壁代之陘口縱反間因擊
敗之伏念益北留輜重妻子保金牙山行儉遣
部將掩得其輜重乃北走保細沙行儉遂虜伏
念送京師斬東市永淳元年骨咄祿又反骨咄
祿者頡利之疎族伏念敗骨咄祿嘯聚亡散保
總材山又治黑沙城有眾五千盜九姓畜馬稍
强大乃自立為可汗時單于府檢校降戶部落
阿史那元珍者為長史王本立所囚會骨咄祿
來寇元珍請諭還諸部贖罪許之至即降骨咄

朔方備乘

卷三十二

周齊隋唐北徵諸國傳

十

祿與為謀遂以為阿波達干悉屬以兵乃寇單
于府北鄙垂拱間連寇朔代掠吏士右鷹揚衛
大將軍黑齒常之與戰黃花堆大破之追奔四
十餘里避走磧北天授初骨咄祿死弟默啜自
立為可汗契丹首領李盡忠等反默啜請擊賊
自效乃引兵擊契丹盡獲其家口酋長敗潰武
后嘉其功冊為特進頡跌利施大單于立功報
國可汗初咸亨中突厥內屬者分處豐勝靈夏
朔代間謂之河曲六州降戶至是默啜索此降

戶兼請粟田種十萬斛農器三千具鐵數萬斤
武后初不許納言姚璿等建議與之乃歸粟器
降人數千帳默啜寢強詔淮南王武延秀就納
其女為妃遣右豹韜衛大將軍閻知微攝春官
尚書持節護送默啜猥曰我女擬嫁與李家天
子兒今將武家兒來我世降附李家今聞惟有
兩兒在我當立之即囚延秀等妄號知微為可
汗自將十萬騎南向破蔚州飛狐進殘定州后
大怒改默啜為斬啜尋又圍逼趙州進攻相州

朔方備乘

卷三十二

周齊隋唐北徵諸國傳

十一

時中宗還自房陵為皇太子拜行軍大元帥以
納言狄仁傑為副默啜聞之取趙定所掠男女
八九萬悉阮之出五回道去默啜兵與頡利時
略等地縱廣萬里諸蕃悉往聽命後立子匄
為小可汗是時連歲寇邊景龍二年三月張仁
愿於河北築三受降城自是突厥不得度山放
牧朔方無寇掠默啜西滅婆葛遂役屬契丹奚
因虐用其下部落怨叛十姓左五咄陸右五弩
失畢俟斤皆請降葛邏祿胡屋鼠尼施三姓大

漠都督特進朱斯陰山都督謀落匄雞元池都督蹋實力胡鼻率眾內附詔處其眾于金山以右羽林大將軍薛納為涼州鎮軍大總管屯涼州右衛大將軍郭虔瓘為朔州鎮軍大總管屯并州默啜婿高麗莫離支高文簡與跌跌都督思太吐谷渾大酋慕容道奴等合萬餘帳相踵款邊詔納之阿南默啜討九姓戰磧北九姓潰思結等部來降默啜又北討拔曳固戰獨樂河拔曳固大敗默啜輕歸不設備道大林中拔曳

朔方備乘

卷三十二

周齊隋唐北徵諸國傳

三

固殘眾突出擊默啜斬之乃與入藩使郝靈佺傳默啜首至京師骨咄祿子闕特勒合故部攻殺小可汗立其兄默棘連是為毗伽可汗是時奚契丹相率款塞突騎施蘇祿自立為可汗突厥部眾多貳默棘連乃召默啜時衙官燉欲谷為謀主初默啜死闕特勒盡殺其用事臣惟燉欲谷者以女為默棘連可敦獨免俄而降戶跌思太等自河曲叛歸開元八年冬御史大夫王峻為朔方道大總管奏請西徵拔悉密東發

奚契丹兩蕃期以明年秋引朔方兵集稽落水上分道掩其牙默棘連大恐燉欲谷曰拔悉密今在北庭與兩蕃東西相去極遠勢必不合王峻兵馬亦必不能來即皆能來我當前三日悉眾北徙彼糧竭自去拔悉密輕而好利必先至擊之可取也俄而拔悉密果引眾逼突厥牙知峻等不至乃引却突厥欲擊之燉欲谷曰此眾去家千里必將死戰不如躡之距北庭二百里燉欲谷分兵間道先掩北庭因縱擊拔悉密之

朔方備乘

卷三十二

周齊隋唐北徵諸國傳

三

眾悉禽之還出赤亭掠涼州突厥遂大振盡有默啜餘眾明年因乞和是時天子東巡泰山默棘連遣大臣阿史那頡利發入獻遂從封禪吐蕃以書約與連和鈔邊默棘連封上其書天子嘉之引使者梅錄啜宴于紫宸殿詔朔方西受降城許互市二十二年默啜連為梅錄啜所毒忍死殺梅錄啜夷其種乃卒子伊然可汗嗣二十八年卒于登利可汗年初其母婆匄與小臣飢斯達干亂遂預政諸部不協登利從父分掌

東西兵號左右殺勁兵皆屬焉可汗與其母誘
斬右殺奪其兵左殺懼勒兵攻登利殺之左殺
者判闕特勒也復立毗伽可汗子俄為骨咄葉
護所殺立其弟又殺之葉護乃自立為可汗天
寶初其大部回紇葛邏祿拔悉密並起攻葉護
殺之國人奉判闕特勒子為烏蘇米施可汗拔
悉密等三部共攻之殺烏蘇米施其弟白眉特
勒鶻隴匄立是為白眉可汗於是突厥大亂國
人推拔悉密首為可汗詔朔方節度王忠嗣以

朔方備乘

卷三十二

周齊隋唐北徵諸國傳

十四

兵乘其亂抵薩阿內山擊其左阿波連千一
部破之獨其右未下而回紇葛邏祿殺拔悉密
可汗奉回紇骨力裴邏定其國毗伽可汗妻婆
匄及骨咄祿可敦率眾自歸天子御花萼樓宴
羣臣賦詩美其事始突厥國于後魏大統時至
是滅後或朝貢皆舊部九姓云其地盡入回紇
西突厥傳臣秋濤謹案西突厥地北至今
俄羅斯之多木斯科西至今俄
羅斯之端
戈薩斯境
西突厥者始為突厥右地及木杆可汗之子大

邏便為阿波可汗始自為國說詳突厥傳其國居烏
孫之故地東至突厥國西至雷翥海南至疎勒
北至瀚海在京師西北七千里自焉耆國西北
七日行至其南庭臣秋濤謹案今由哈喇沙爾
西北至空格斯六百里則今
之空格斯即西
突厥南庭地自南庭又正北八日行至其北
庭臣秋濤謹案今由空格斯北至伊犁四百五
十里又北三百餘里當即西突厥北庭地西
域志引唐書誤以為在
焉耆正北八日行非也鐵勒龜茲及西域諸國
皆歸附之其人雜有都陸及弩矢畢葛邏祿處
月處密伊吾等諸種風俗大抵與突厥同惟言

朔方備乘

卷三十二

周齊隋唐北徵諸國傳

十五

語微異其官有葉護有設有特勒常以可汗子
弟及宗族為之又有乙斤屈利啜闕洪達頡利
發吐屯俟斤等官皆世襲其位大邏便旋為處
羅可汗所擒其國立鞅素特勒之子是為泥利
可汗至其子達漫號泥掘處羅可汗與北突厥
處羅可汗
號同非
一人也其母向氏本中國人生達漫而泥利卒
而向氏又嫁其弟婆實特勒隋開皇末婆實與
向氏詣長安處羅可汗居無常處然多在烏孫
故地立小可汗分統所部一在石國北以制諸

胡一居龜茲北其地名應婆每五月八月相聚祭神煬帝大業六年帝將西討吐谷渾遣侍御韋節召處羅會于大斗拔谷其國人不從處羅謝使者辭以故適會其酋長射匱使求婚裴矩因奏曰處羅不朝自恃强大臣請以計弱之分裂其國則易制也射匱之祖父世爲可汗君臨西面今聞其失職附隸于處羅故遣使來以結援耳願厚禮其使拜爲大可汗突厥勢分兩從我矣帝從之遂召其使者言處羅不順之意稱

朔方備乘

卷三十二

周齊隋唐北極諸國傳

六

射匱有好心吾將立爲大可汗令發兵誅處羅然後當爲婚也帝取桃竹白羽箭一枝以賜射匱因謂之曰此事宜速疾如箭也使者返路經處羅處羅愛箭將留之使者請而得免射匱聞之大喜與兵襲之處羅大敗棄妻子將左右數千騎東走遁于高昌東保特羅漫山高昌王麴伯雅上狀帝遣裴矩將向氏親要左右往曉諭之遂入朝詔留其羸弱萬餘口令其弟闕達設牧畜會寧郡處羅可汗隋煬帝大業中與特勒

大奈入朝仍從煬帝征高麗賜號爲曷薩那可汗遇江都之亂從宇文化及至河北化及敗歸唐封歸義郡王俄貢大珠于高祖上勞之曰珠信爲寶王但赤心珠無所用不受自處羅朝隋後射匱遂有其地處羅既先與始畢有隙及在京師始畢遣使請殺之高祖不許羣臣諫曰若不與則是存一人而失一國也後必爲患遲迴久之不得已乃引曷薩那可汗於內殿與縱酒既而送至中書門下省縱北突厥使殺之太宗

朔方備乘

卷三十二

周齊隋唐北極諸國傳

七

卽位令以禮改葬初曷薩那之朝隋被留也其國人遂立射匱爲可汗始開土宇東至金山西臨西海自玉門以西諸國皆役屬之遂與北突厥爲敵乃建庭於龜茲北三彌山尋卒弟統葉護可汗代立勇而有謀善攻戰北并鐵勒西拒波斯南接罽賓悉歸之控弦數十萬霸有西域據舊烏孫之地又移庭於石國北千里其西域諸國王悉授頡利發并遣吐屯一人監統之督其征賦西戎之盛未有也武德三年遣使貢條

支巨卯時北突厥作患高祖厚加撫結與之并力以圖北蕃統葉護許以五年冬大軍當發頡利可汗聞之大懼復許統葉護通和無相征伐統葉護尋遣使來請婚高祖謂侍臣曰西突厥去我懸遠急疾不能得力今來請婚計將安在封德彝對曰當今之務莫若遠交而近攻正可權許其婚以威北狄待三數年後中國全盛徐思其宜高祖許之婚令高平王道立至其國統葉護大悅遇頡利可汗頻歲入寇西蕃路梗由

朔方備乘

卷三十二

周齊隋唐北徵諸國傳

六

是未果為婚貞觀元年遣真珠統俟斤與道立來獻萬釘寶鈿金帶馬五千疋時統葉護自負其強無恩於國部落咸怨葛羅祿種多叛之頡利可汗不欲中國與之和親數遣兵入寇又遣人謂統葉護曰汝若迎唐家公主要須經我國中而過統葉護患之未克婚為其伯父所殺而自立是為莫賀咄俟屈利毗可汗初統葉護令伯父分統突厥種類為小可汗及此自稱大可汗國人亦附弩矢畢部共推泥熟莫賀設為可

汗泥熟不從時統葉護之子唃利特勒避莫賀咄之難亡在康居泥熟遂迎而立之是為乙毗沙鉢羅肆葉護可汗連兵不息俱遣使來朝各請婚於我太宗不許諷令各保所部無相征伐其西域諸國及鐵勒先役屬於西突厥者悉叛之國內虛耗肆葉護既是舊主之子為眾心所歸其西面都陸可汗及莫賀咄可汗二部豪帥多來附之又興兵以擊莫賀咄莫賀咄大敗遁於金山尋為咄陸可汗所殺國人乃奉肆葉護

朔方備乘

卷三十二

周齊隋唐北徵諸國傳

九

為大可汗肆葉護可汗立大發兵北征鐵勒薛延陀逆擊之反為所敗肆葉護性猜狠信讒無統馭之略有乙利可汗者於肆葉護功最多由是授小可汗以非罪族滅之羣下震駭莫能自固肆葉護素憚泥熟陰欲圖之泥熟遂適焉者其後設卑達官與突厥弩矢畢二部豪帥潛謀擊之肆葉護以輕騎遁於康居尋卒國人迎泥熟於焉者而立之是為咄陸可汗亦稱大度可汗其父莫賀設本隸統葉護武德中常至京師

時太宗居藩務加懷輯與之結盟爲兄弟既被推爲可汗遣使詣闕請降太宗賜以名號及鼓纛貞觀七年遣鴻臚寺少卿劉善因至其國冊爲可汗明年泥熟卒其弟同俄設立是爲沙鉢羅唃唃利失可汗以貞觀九年上表請婚獻馬五百匹朝廷唯厚加撫慰未許其婚俄而其國分爲十部每部令一人統之號爲十設每設賜以一箭故稱十箭焉又分十箭爲左右廂各置五箭其左廂號爲五咄陸部落置五大啜管一箭

朔方備乘

卷三十二

周齊隋唐北徵諸國傳

子

右廂號爲五弩矢畢置五大俟斤管一箭其後或稱一箭爲一部落大箭頭爲大首領五咄陸部落居碎葉以東五弩矢畢部落居於碎葉以西自是總號爲十姓部落唃唃利失旣不爲衆所歸部衆攜貳爲其統吐屯所襲麾下亡敗唃唃利失以左右百餘騎拒之戰數合統吐屯不利而去唃唃利失奔其弟步利設與保焉耆其阿悉吉闕俟斤與統吐屯等召國人將立欲谷設爲大可汗以唃唃利失爲小可汗統吐屯爲人所殺欲

谷設兵又爲其俟斤所破唃唃利失復得其故地

弩矢畢處月處密等並歸唃唃利失十二年西部竟立欲谷設爲乙毗咄陸可汗與唃唃利失中分其國自伊列河以西屬咄陸以東屬唃唃利失咄陸可汗又建庭於烏鏃曷山西謂之北庭白厥越失拔悉彌駁馬結骨火燭觸木昆諸國皆臣之十三年唃唃利失爲吐屯俟利發與欲谷設通謀作難唃唃利失窮蹙奔於鏃汗而死弩矢畢部落酋帥迎唃唃利失弟伽那之子薄布特勒而立

朔方備乘

卷三十二

周齊隋唐北徵諸國傳

子

之是爲乙毗略沙鉢羅葉護可汗乙毗可汗旣立建庭於雖合水北謂之南庭東以伊列河爲界自龜茲鄯善且末吐火羅焉耆石國史國何國穆國康國皆受其節度累遣使朝貢太宗降璽書慰勞貞觀十五年令左領軍將軍張大師冊授焉賜以鼓纛於時咄陸可汗與葉護頻相攻擊會咄陸遣使詣闕太宗諭以敦睦之道咄陸兵衆漸強西域諸國復來歸附未幾咄陸攻殺葉護并其國弩矢畢諸姓不服皆叛之咄陸

復率兵擊破吐火羅遣兵寇伊州安西都護郭孝恪率輕騎二千自烏骨邀擊敗之咄陸又遣處月處密等圍天山縣孝恪又擊走之孝恪乘勝進據處月俟斤所居之城追奔及於遏索山斬首千餘級降其處密之眾而歸咄陸初以泥熟噉自擅取而斬之以狗尋為泥熟噉部將胡錄屋所襲眾多亡逸其國大亂貞觀十五年部下屈利噉等謀欲廢咄陸各遣使詣闕請立可汗太宗遣使齎璽書立賀咄乙毗可汗之子是

朔方備乘

卷三十一

周齊隋唐北徵諸國傳

三

為乙毗射匱可汗既立乃發弩矢畢兵就白水擊咄陸大敗之咄陸自知不為眾所附乃西走吐火羅國中國使人先為咄陸所拘者射匱悉以禮資送歸長安復遣使貢方物請賜婚太宗許之令割龜茲于闐疎勒朱俱波慈嶺等五國以充聘禮及賀魯之叛射匱部落為其所并

阿史那賀魯傳

臣秋濤謹案賀魯所據地由碎葉至石國乃俄羅斯

始起地其役屬諸國直至西海故列於此

阿史那賀魯者曳步利設射匱特勒之子也咄

陸可汗立賀魯為葉護居於多邏斯川在西州直北千五百里統處月處密姑蘇葛邏祿畢矢五姓之眾其後咄陸西走吐火羅國射匱可汗遣兵迫逐賀魯不常厥居貞觀二十三年乃率其部落內屬詔居庭州尋授左騎衛將軍瑤池都督永徽二年與其子啞運率眾西遁據咄陸可汗之地總有西域諸部建牙於雙河及千泉自號沙鉢羅可汗統攝咄陸弩矢畢十姓其咄陸有五噉弩矢畢有五俟斤各有所部勝兵數

朔方備乘

卷三十一

周齊隋唐北徵諸國傳

三

十萬並羈屬賀魯其咄陸有五噉一日處月木魯以女妻之三日攝舍提噉噉四日突騎賀羅陀噉五日鼠泥陀處半噉弩矢畢有五俟斤一日阿悉結關俟斤最為強盛二日哥舒關俟斤三日拔塞幹噉沙鉢俟斤四日阿悉結泥熟俟斤五日哥舒西域諸國亦多附隸焉賀魯尋立啞運為賀咄葉護數侵擾西蕃諸部又進寇庭州三年詔遣左武侯大將軍梁建方右騎衛大將軍契苾何力率燕然都護所部回紇兵五萬騎討之前後斬首九千級虜渠帥六十餘人四年咄陸可汗死其子真珠葉護與五弩矢畢請

擊賀魯破其牙帳斬首千餘級顯慶二年遣左屯衛將軍蘇定方燕然都護任雅相副都護蕭嗣業左驍衛大將軍瀚海都督回紇婆閭等率師討擊仍使右武衛大將軍阿史那彌射左屯衛大將軍阿史那步真持節爲安撫大使定方至曳咥河西賀魯率胡祿屋闕啜等二萬餘騎列陣而待定方率嗣業總管任雅相與之交戰賊眾大敗斬其大首領護都塔吐答達官等二百餘人賀魯及闕啜輕騎奔竄渡伊麗河兵馬

朔方備乘

卷三十二

周齊隋唐北徵諸國傳

五

溺死者甚眾嗣業至千泉賀魯建牙之處彌射進軍伊麗水處密處月部落率眾來降彌射進次雙河賀魯先便步失達官鳩集散卒據柵拒戰彌射步真攻之大潰又與蘇定方攻賀魯於葉水大破之賀魯與咥運欲投鼠罽設至石國之蘇咄城傍人馬饑乏城主伊沮達官詐將酒食出迎賀魯信其言入城卽被拘執蕭嗣業既至石國鼠罽設乃以賀魯及其屬俘至京師獻於昭陵及太社高宗特免死分其種落置崑陵

濛池二都護府其所役屬諸胡國皆分置州府西盡於波斯並隸安西都護府四年賀魯卒詔葬於頡利墓側刻石以紀其事

突騎施傳臣秋濤謹案突騎施在碎葉西北亦近南俄羅斯部落故列於此

突騎施烏質勒者西突厥之別種也初隸在斛瑟羅下號爲莫賀達干後以斛瑟羅用法嚴酷擁眾背之尤能撫卹其部落由是爲遠近諸胡所歸附其下置部督二十員各統兵數千人常

朔方備乘

卷三十二

周齊隋唐北徵諸國傳

五

屯聚碎葉西北界後漸攻陷碎葉徙其牙帳居之東北與突厥爲鄰西與諸胡國相接至庭州斛瑟羅以部眾削弱自武太后時入朝不敢還蕃其地並爲烏質勒所并及卒其長子娑葛代統其眾詔使立娑葛爲金河郡王仍賜以宮女四人初娑葛代父統兵烏質勒下部將闕啜忠節甚忌之以兵部尙書宗楚客當朝任勢密遣使齎金七百兩以賂楚客請停娑葛統兵楚客乃遣御史中丞馮嘉賓充使至其境陰與忠節

籌其事并自致書以申意在路為娑葛遊兵所獲遂斬嘉賓仍進兵攻陷火燒等城遣使上表欲索楚客頭景隆三年娑葛弟遮弩恨所分部落少于其兄遂叛入突厥請為鄉導以攻娑葛默啜乃留遮弩遣兵二萬人與其左右來攻娑葛遂擒娑葛以歸殺之默啜兵還娑葛下部將蘇祿鳩集餘眾自立為可汗蘇祿者突騎施別種也頗善綏撫十姓部落漸歸附之有眾二十萬遂雄西域之地尋遣使來朝開元三年制授

朔方備乘

卷三十二

周齊隋唐北徵諸國傳

美

蘇祿為左羽林衛大將軍金方道經略大使特遣侍御史解忠順齎書冊立為忠順可汗自是每年遣使朝獻上乃立史懷道女為金河公主以妻之時杜暹為安西都護公主遣牙官齎馬千疋詣安西互市使者宣公主教與暹暹曰阿史那氏女豈合宣教與吾節度使也杖其使者留而不遣其馬經寒雪盡死蘇祿大怒發兵分寇四鎮會暹入為相趙頤貞代為安西都護城中久乏由是四鎮貯積及人畜並為蘇祿所

掠而去安西僅全俄又遣使入朝獻方物十八年蘇祿使至京師上御丹鳳樓設宴時突厥使與蘇祿使爭長遂於東西幕下兩處分坐突厥使在東突騎施使在西宴訖厚賚而遣蘇祿性尤清儉每戰所獲盡分與將士及諸部落其下愛之甚為其用潛又遣使南通吐蕃東附突厥皆嫁女與之蘇祿既以三國女為可敦又分立數子為葉護費用漸廣先既不為積貯晚年抄掠所得者留不分之又因風病一手孿縮自是

朔方備乘

卷三十二

周齊隋唐北徵諸國傳

老

其下諸部心始攜貳有大首領莫賀達干都摩度兩部最為強盛百姓又分為黃姓黑姓兩種互相猜阻二十六年莫賀達干勒兵夜攻蘇祿殺之都摩度初與莫賀達干連謀俄又相背立蘇祿之子吐火仙為可汗以輯其餘眾與莫賀達干自相攻擊莫賀達干遣使告安西都護蓋嘉運嘉運率兵討之大破都摩度之眾臨陣擒吐火仙并收得金河公主而還又欲立史懷道之子昕為可汗以鎮撫之莫賀達干不許曰討

平蘇祿本是我之原謀若立史昕爲主則國家何以賞於我乃不立史昕便令莫賀達干統衆二十七年嘉運率將士詣闕獻俘上御花萼樓以宴之仍命將吐火仙獻於太廟至德後黃姓黑姓各立可汗相攻中國方多故不暇治也代宗以後葛邏祿盛徙居碎葉川盡有碎葉怛羅斯諸城臣秋濤謹案怛羅斯即俄羅斯始起地黃黑二姓皆臣屬焉然限同紇故不能自達於朝

驅度寐傳

朔方備乘

卷三十二

周齊隋唐北漢諸國傳

天

驅度寐隋時聞焉在室韋之北其人甚長而衣短不索髮皆裹頭居土窟中唯有猪更無諸畜人輕捷一跳三丈餘又能立浮臥浮履水沒腰與陸走不別數乘大船至北室韋抄掠無甲冑以石爲矢鏃臣秋濤謹案此國在今俄羅斯甘查甲部濱大拉該海

拔悉彌傳

拔悉彌一名弊刺國隋時聞焉在北庭北海南結骨東南依山散居如燉煌九千餘里有渠帥

無王號戶二千餘其人雄健能射獵國多雪恒以木爲馬雪上逐鹿其狀似楯而頭高其下以馬皮順毛衣之令毛著雪而滑如着屨屐縛之足下若下阪走過奔鹿若平地履雪卽以杖刺地而走如船焉上阪卽手持之而登每獵得鹿將家室就而食之盡更移處其所居卽以樺皮爲舍丈夫剪髮樺皮爲帽臣秋濤謹案拔悉彌一作拔悉密唐貞觀二十三年始來朝開元八年王峻爲朔方道大總管奏請西徵拔悉密東

朔方備乘

卷三十二

周齊隋唐北漢諸國傳

天

發奚契丹兩蕃期以明年秋掩突厥牙突厥謀臣燉欲谷曰拔悉密今在北庭與兩蕃東西相去絕遠勢必不合王峻兵馬亦必不能來拔悉密輕而好利必先至擊之可取也俄而拔悉密果引衆逼突厥牙知峻等不至乃引卻突厥欲擊之燉欲谷曰不如躡之距北庭二百里燉欲谷分兵閒道先掩北庭因縱擊拔悉密之衆悉擒之是拔悉密部距北庭最近也天寶初拔悉密與同紇葛邏祿並起兵攻突厥殺葉護可汗

突厥國人立判闕特勒子為烏蘇米施可汗拔
悉密等三部又攻殺之於是突厥大亂國人推
拔悉密大酋阿史那施為賀臘毗伽可汗遣使
者朝唐元宗賜紫文袍金鈿帶魚袋不三歲回
紇與葛邏祿合兵攻破之阿史那施奔北庭臣秋
壽謹案突厥傳云回紇葛邏祿攻殺拔悉密可汗而拔悉密葛邏祿二傳皆云阿史那施出奔不言見殺今從之後朝京師拜左武衛將軍拔悉密遂
亡地與眾皆歸回紇是時回紇徙居突厥舊地
既併拔悉密復攻破葛邏祿收二部落之眾各

朔方備乘

卷三十二

周齊隋唐北徵諸國傳

三

置都督一人每行止戰鬪以二客部落為軍鋒
云臣秋濤謹又案拔悉彌與駃馬同一種類故
唐書言駃馬亦名弊刺國一作曷刺其乘木馬
善射獵風俗並同但駃馬在結骨之北見寰地
甚廣大而拔悉彌在結骨東南戶止二千其為
駃馬中分出一小部落明甚地在北庭之北海
之南此所謂海當即伊犁北之巴什噶爾泊拔
悉彌居其南岸正當俄羅斯托穆斯科東南境也

流鬼傳

流鬼在北海之北北至夜叉國餘三面皆抵大
海南去莫設鞋鞞船行十五日無城郭依海島
散居掘地深數尺兩邊斜豎木構為屋人皆皮
服又狗毛雜麻為布而衣之婦人冬衣豕鹿皮
夏衣魚皮制與獠同多沮澤有鹽魚之利地氣
沍寒早霜雪每堅冰之後以木廣六寸長七尺
施繫其上以踐層冰逐及奔獸俗多狗勝兵萬
餘人無相敬之禮官僚之法不識四時節序有
他盜入境乃相呼召弓長四尺餘箭與中國同

朔方備乘

卷三十二

周齊隋唐北徵諸國傳

三

以骨石為鏃樂有歌舞死解封樹哭之三年無
餘服制鞋鞞有乘海至其國貨易陳國家之盛
業於是其君長孟蟬遣其子可也余志以唐貞
觀十四年三譯而來朝貢初至鞋鞞不解乘馬
上即顛墜其長老人傳言其國北一月行有夜
叉人皆豕牙翹出嗽人莫有涉其界未嘗通聘
臣秋濤謹案流鬼當即今俄羅斯國東北境之
岡札德加部亦名甘查甲部其國北行一月而
至夜叉國當即疴哥德部近北冰海之地與北

亞墨利加洲相近北亞墨利加洲舊俗殺人祭
魔與所云夜叉國噉人之俗正同若豕牙翹出
則因其噉人而附會耳

鐵勒傳臣秋濤謹案鐵勒乃總名其各部
落在俄羅斯境者俱分注於各部

下之

鐵勒之先匈奴之苗裔也種類最多自西海之
東依據山谷往往不絕獨洛河北有僕骨同羅
韋紇臣秋濤謹案
韋紇即同紇拔野古覆羅並號俟斤蒙陳
吐如紇期結渾斛薛等諸姓勝兵可二萬伊吾

朔方備乘

卷三十二

周齊隋唐北徵諸國傳

三

以西焉耆之北傍白山則有契弊薄落職乙咥
蘇婆那曷烏護骨紇也咥於尼護等勝兵可二
萬金山西南有薛延陀咥勒兒十盤達契等萬
餘兵康國北傍阿得水臣秋濤謹案阿得
水在俄羅斯境則有
阿咥曷嶽撥忽吨干具海曷比悉阿嵯蘇拔也
未渴達等三萬餘兵傍得疑海東西蘇路羯三
索咽茂促薛忽等諸姓八千餘兵拂菻東則有
思屈阿蘭北振九離伏嗚昏等嗚烏
沒翻近二萬人
北海南則都波等雖姓氏各別總謂爲鐵勒並

有君長屬東西兩突厥隨水草流移人性兇忍
善於騎射貪婪尤甚以寇掠爲生近西邊者頗
爲藝植多牛羊而少馬突厥國有東西征討皆
資其用以制北荒按十六國慕容垂時塞北後
魏末河西並云有敕勒部鐵勒蓋言訛也隋大
業元年突厥處羅可汗擊鐵勒諸部厚其稅歛
又猜忌薛延陀等恐爲變遂集其魁帥數百人
盡誅之由是一時反叛拒處羅遂立侯利發俟
斤契弊歌模爲易真莫何可汗居食汗山復立

朔方備乘

卷三十二

周齊隋唐北徵諸國傳

三

薛延陀內俟斤字也咥爲小可汗處羅旣敗莫
何始大焉耆得衆心爲鄰國所憚伊吾高昌焉
耆諸國悉附之其俗大抵與突厥同唯丈夫婚
畢便就妻家待產乳男女然後歸此其異也
薛延陀傳臣秋濤謹案突厥之地薛延
陀盡得之其北跨俄羅斯界
薛延陀者先與薛種雜居後滅延陀有之號薛
延陀姓一利咥氏風俗大抵與突厥同保燕末
山其主夷南率部帳七萬附頡利可汗後突厥
衰夷男反攻頡利弱之於是諸性多叛頡利歸

之者唐太宗方圖頡利冊拜夷男為眞珠毗伽
可汗乃樹牙鬱督軍山直京師西北六千里東
靺鞨西葉護突厥南沙磧北俱倫水地大衆附
頡利之滅夷男率其部稍東保都尉健山獨邏
水之陰遠京師纔三千里而羸東室韋西金山
南突厥北瀚海蓋古匈奴地也勝兵二十萬以
二子大度設突利失分將之號南北部太宗以
李思摩為可汗夷男惡之使大度設勒兵二十
萬南絕漠壁白道川擊思摩思摩走朔州言狀

朔方備乘

卷三十二

周齊隋唐北徵諸國傳

三

於是詔營州都督張儉統所部與奚靺契丹乘
其東朔州道行軍總管李勣衆六萬騎三千營
朔州靈州道行軍總管李大亮衆四萬騎五千
屯靈武慶州道行軍總管張士貴衆萬七千出
雲中涼州道行軍總管李襲譽經略之大度設
次長城會勣兵至行墟屬天遠率衆走赤柯度
青山勣選敢死士與突騎經臘河趨白道大度
設顧不脫度諾眞水陳以待勣擣其罅虜潰斬
首數千級獲馬萬五千大度設亡去殘卒奔漠

北俄為回紇所屠其昆弟子咄摩支立為可汗
遣使者上言願保鬱督軍山帝詔勣等曰降則
撫之叛者擊之咄摩支陰欲拒戰外為好言乞
降勣知之縱兵擊斬五千餘級繫老稚三萬遂
滅其國

回紇傳

臣秋濤謹案回紇舊國在今俄羅斯境

回紇其先匈奴也舊國在薛延陀北境居延婆
陵水去長安萬六千九百里元魏時亦號高車
部或曰勅勒訛為鐵勒至隋臣於突厥大業中

朔方備乘

卷三十二

周齊隋唐北徵諸國傳

三

處羅可汗攻脅鐵勒部哀責其財既又恐其怨
則集渠豪數百悉阮之乃叛去自為俟斤稱回
紇姓藥羅葛氏有時健俟斤者衆始推為君長
子曰菩薩材勇有謀與薛延陀共攻突厥北邊
頡利遣欲谷設領騎萬人討之菩薩身將五千
騎破之馬鬣山追北至天山大俘其部人聲震
北方繇是附薛延陀相唇齒號活頡利發樹牙
獨樂水上臣秋濤謹案獨樂水即今土拉河也自突厥衰滅其國
漸盛國主亦號可汗貞觀二十一年內附薛延

陀既亡其故地悉爲回紇所有龍朔三年移燕
然都護府於回紇部落仍改名瀚海都護府以
積爲界大抵北蕃悉隸之天寶初裴羅助拔悉
密擊走烏蘇可汗後三年襲破拔悉密南居突
厥故地徙牙烏德韃山昆河之間南距西城千
七百里西城漢高闕塞也北盡積口三百里明
年裴羅又攻殺突厥白眉可汗斥地愈廣東極
室韋西金山南空大漠盡得古匈奴地至德初
出兵助國討平安史之亂故累朝恩禮最重然

朔方備乘

卷三十二

周齊隋唐北徵諸國傳

美

恃功橫恣朝廷雖患其邀求無厭頗姑息聽從
之元和中改爲回鶻會昌中其國衰亂爲黠戛
斯所攻其相馭職與龐特勒十五部奔葛邏祿
殘衆入吐蕃安西於是可汗牙部十三姓奉烏
介特勒爲可汗南保錯之山旣而爲幽州張仲
武所破滅龐特勒自稱可汗居甘沙西州無復
昔時之盛矣臣秋濤謹案回紇自薛延陀滅後
徙牙帳於烏德韃山居昆河之間南距西受降
城千七百里唐書地理志中受降城正北如東

八十里有呼延谷又五百里至鷓鴣泉又十里
入積經慶鹿山鹿耳山錯甲山八百里至山鷲
子井又西北經密粟山達旦泊野馬泊可汗泉
橫嶺綿泉鏡泊七百里至回鶻衙帳東有平野
西據烏德韃山南依崑崙水北六七百里至仙
娥河烏德韃山左右崑崙河獨邏河皆屈曲東
北流至衙帳東北五百里合流此其後徙居處
也距長安僅三千三百餘里若其始居薛延陀
北境延婆陵水去長安萬六千九百里當在今

朔方備乘

卷三十二

周齊隋唐北徵諸國傳

美

俄羅斯國北境近北海處

僕骨傳

僕骨鐵勒之別部習俗與突厥略同在多濫葛
東境勝兵萬餘與同羅宿敦鄰好最居北偏先
臣於頡利苦頡利亂政後附薛延陀太宗貞觀
中遣使朝貢及延陁之滅也其大酋婆旬俟利
發歌藍伏延詣闕內附太宗以其地爲金微都
督府拜酋長爲都督臣秋濤謹案僕骨部入中
國亦作僕固氏僕固懷恩卽其胄也以地勢診

之當在今肯特山北楚庫河附近僕骨即楚庫之音轉也

同羅傳

同羅者鐵勒之別部也在薛延陁之北去長安萬七千五百里戶萬五千俗與突厥略同初臣突厥苦頡利之政亂太宗時其酋俟利發時健噉遣使內附以其地為龜林都督府拜其酋長為都督中間無聞泊天寶初其酋帥阿布思以萬餘帳來降處之朔方河南之地給其廩食每

朔方備乘

卷三十二

周齊隋唐北徼諸國傳

天

歲仍費繪絮數十萬段其河曲郡縣倉廩為之空虛至十年背叛劫掠諸姓部落遂還漠北為同紇所破黨眾離散阿布思後奔葛羅祿北庭節度程千里購之以獻戮於京師臣秋濤謹案此國即今俄羅斯冬古薩河旁地其居民今尚稱通古斯族一曰儻俄斯族即同羅音轉也

都波傳

都波者鐵勒別種南去同紇十三日行臣秋濤謹案唐書云骨利幹西行十三日至都播此云南去同紇十三日恐誤分為三部自相

統攝結草為廬無牛羊不知耕稼土多百合草取其根以為糧兼捕魚射獵為食而衣貂鹿之皮貧者緝鳥羽以為服婚姻富者以馬貧用鹿皮及草根為聘禮死亡以木櫃盛尸置山中或懸於樹上送葬哭泣略與突厥類莫知四時之候國無刑罰偷盜倍徵其贖唐貞觀二十一年遣使朝貢後役屬於黠戛斯臣秋濤謹按此國即今俄羅斯德波斯科之地

拔野古傳

朔方備乘

卷三十二

周齊隋唐北徼諸國傳

天

拔野古者亦鐵勒之別部在僕骨東境勝兵萬餘其地豐草盛人皆殷富其酋俟利發屈利失貞觀二十一年舉其部來降太宗以其地為幽陵都督府拜其酋長為都督其地東北千有餘里曰康千河有松木入水二年乃化為石其色青有國人居住其人謂之康千石其松為石以後仍似松文人皆着木腳冰上逐鹿以耕種射獵為業國多好馬又出鐵風俗與鐵勒同言語稍別臣秋濤謹案此國即今俄羅斯國巴爾古

錫穆城地

多濫葛傳

多濫葛在薛延陀東界居近同羅水勝兵萬人自古未通中國其大酋俛斤多濫葛於貞觀二十一年率所部朝見太宗以其地為燕然都督府拜其酋為都督臣秋濤謹案同羅水當即今俄羅斯境之通古斯河河旁有多羅三色吉城疑即古多濫葛國地

斛薛傳

朔方備乘

卷三十二

周齊隋唐北後諸國傳

罕

斛薛亦鐵勒之別部在多濫葛北境兩姓合居勝兵七千貞觀二十一年舉部內附以為高闕州拜其酋長為刺史臣秋濤謹案今俄羅斯北境多羅三色吉城北有烏伯河當即此國舊壤

阿跋傳

阿跋亦鐵勒之別部在多濫葛西北勝兵千七百隋代號訶啞部是也遷徙無常所舊唐書作阿跋部貞觀二十一年舉部內附以阿跋部為雞田州拜其酋長為刺史臣秋濤謹案今俄羅斯

斯境有薩達里莽阿新城當即此國

鞠國傳

鞠國在拔野古東北五百里六日行至其國有樹無草但有地苔無羊馬家畜鹿如中國牛馬使鹿牽車可勝三四人衣鹿皮食地苔其國俗聚木為屋尊卑共居其中貞觀二十一年通中國臣秋濤謹案此國當即今俄羅斯國義爾古德斯科地

俞柁傳

臣秋濤謹案新唐書作俞折

朔方備乘

卷三十二

周齊隋唐北後諸國傳

罕

俞柁國在鞠國東十五日行其土地寬大百姓眾多風俗與拔野古同少牛馬多貂鼠貞觀二十一年通中國臣秋濤謹案此國當即今俄羅斯國雅庫斯科部南境外興安嶺以北地

大漢傳

大漢國在鞠國北饒牛馬人極長大長者至丈三四尺問其國云北有骨師國共大漢相接貞觀二十一年通中國臣秋濤謹案此國當即今俄羅斯國土爾汗之地新唐書曰大漢與鞠俱

鄰於點夏斯劔海之瀕劔海蓋即劔水所瀦之泊也

白霄傳

白霄在拔野古東勝兵三千人其渠帥貞觀二十一年率其所部歸附太宗以其地為賓顏州拜其酋長為刺史臣秋濤謹案此國當在今尼布楚城以北俄羅斯境

骨利幹傳

骨利幹居迴紇北方瀚海之北二侯斤同居勝

朔方備乘

卷三十二

周齊隋唐北徵諸國傳

聖

兵四千五百人草多百合地出名馬頭類橐駝筋骨粗壯好者日行數百里其地北距海去京師最遠又北度海則晝長夜短日沒後天色正曛煮一羊胛纔熟而東方已曙蓋近日入出之所臣秋濤謹案煮羊胛事乃指骨利幹之北海所島非即謂骨利幹本國也通典所載語多未晰今從新唐書唐太宗貞觀二十一年骨利幹遣使朝貢太宗遣雲麾將軍康蘇密往慰撫之仍列其地為元闕州俄又遣使隨蘇密入朝獻良馬十匹太宗奇其駿異為之制名號為十驥一曰騰

霜白二日皎雪馳三日凝露馳四日懸光馳五日決波輪六日飛霞驟七日發電赤八日流金九日翺麟紫十日奔虹赤又為文以敘其事臣秋濤謹案此國當即今俄羅斯國伊聶謝斯科部地

結骨傳

結骨在迴紇西北三千里勝兵八萬其國南阻貪漫山多林木夏沮洳冬積雪往來險阻有水從迴紇北流踰山逕其人並依山而居身悉長

朔方備乘

卷三十二

周齊隋唐北徵諸國傳

聖

大赤色朱髮綠睛有黑髮者以為不祥人皆勁勇鄰國憚之丈夫健者悉黥以為異婦人嫁訖自耳以下至項亦黥之其人服飾以貂貉食用手其俗大率與突厥同婚姻無財聘性多淫佚與外人通者不忌男女雜處每一姓或千口五百口共一屋一床一被若死唯哭三聲不斃面火葬收其骨逾年而為墳墓以木為室覆以木皮土宜菽麥稌豆之屬無果菜有馬出貂天每兩鐵收而用之號曰伽沙以為刀劔甚鈔利其

國獵獸皆乘木升降山墜追赴若飛唐貞觀二十一年其君長遂身入朝臣秋濤謹案結骨國後改黠戛斯當在今阿勒坦山之北卽俄羅斯國之托穆斯科等部地夏沮沕冬積雪據圖理琛異域錄敘之甚詳

駁馬傳

駁馬其地近北海去長安萬四千里經突厥大部落五所乃至焉有兵三萬人馬三十萬匹其國以俟斤統領與突厥不殊有弓箭刀稍傍排

朔方備乘

卷三十二

周齊唐北後諸國傳

器

無宿衛隊仗不行賞賜其土境東西一月行南北五十日行土地嚴寒每冬積雪樹木不沒者纔一二尺至煖消逐陽坡以馬及人挽犁種五穀好漁獵取魚鹿獺貂鼠等肉充食以其皮爲衣少鐵器用陶瓦釜及樺皮根爲盤盃隨水草居止累木如井欄樺皮蓋以爲屋土牀草蓐如氊而寢處之草盡卽移居無定所馬色並駁故以名云其馬不乘但取其乳酪充食而已與結骨數相侵伐貌類結骨而言語不通唐高宗

永徽中遣使朝貢突厥謂駁馬爲曷刺亦名曷刺國又作弊刺臣秋濤謹案駁馬國當卽今俄羅斯郭列穆斯科部地

鬼國傳

鬼國在駁馬國西六十日行其國夜游晝隱身著渾剝鹿皮衣服鼻耳與中國人同口在頂上食用瓦器土無米粟噉鹿豕及蛇臣秋濤謹案此國以道里計之當在俄羅斯白海之濱然今不聞有口在頂上之異恐唐書所記或傳聞失

朔方備乘

卷三十二

周齊唐北後諸國傳

器

實也

鹽漠念傳

駁馬國南三十日行至突騎施三十日行至鹽漠念咄陸闕俟斤部落又北八日行至可史擔部落其駁馬鹽漠念無牛羊雜畜婚姻嫁娶與突厥同土多松樺樹每年稅貂獺青白二鼠皮以奉酋長臣秋濤謹案此部當在今俄羅斯境

大食傳

大食國本在波斯之西隋大業中有波斯牧駝

胡人於俱紛摩地那之山糾眾起兵渡恒曷水劫奪商旅其眾漸盛遂割據波斯西境自立為王波斯拂菻各遣兵討之皆為所敗永徽二年始遣使朝貢其姓大食氏名曠密莫末賦自云有國已三十四年歷三主矣其國男子色黑多鬚鼻大而長似婆羅門婦人白皙亦有文字出駝馬大於諸國兵刃勁利其俗勇於戰鬥好事天神土多沙石不堪耕種唯食駝馬等肉俱紛摩地那山在國之西南鄰於大海龍朔初擊破

朔方備乘

卷三十二

周齊隋唐北徵諸國傳

巽

波斯又破拂菻始有米麴之屬又將兵南侵婆羅門吞併諸國勝兵四十餘萬長安中遣使獻良馬景雲二年又獻方物開元初遣使來朝進馬及寶鈿帶等方物其使謁見唯平立不拜憲司欲糾之中書令張說奏曰大食殊俗慕義遠來不可寘罪上特許之尋又遣使朝獻自云在本國惟拜天神雖見王亦無致拜之法所司屢詰責之其使遂請依漢法致拜其時西域康國石國之類皆臣屬之其境東西萬里東與突騎

施相接焉一云隋開皇中大食族中有孤列種代為酋長孤列種中又有兩姓一號益泥奚深一號益泥末換其奚深後有摩訶末者勇健多智眾立之為主東西征伐開地三千里兼尅夏臘一名釤城釤音所鑿翻摩訶末後十四代至末換末換殺其兄伊疾而自立復殘忍其下怨之有呼羅珊木粗人並波悉林舉義兵應者悉令著黑衣旬月間眾盈數萬鼓行而西生擒末換殺之遂求得奚深種阿蒲羅拔立之末換已前謂

朔方備乘

卷三十二

周齊隋唐北徵諸國傳

巽

之白衣大食自阿蒲羅拔後改為黑衣大食阿蒲羅拔卒立其弟阿蒲恭拂至德初遣使朝貢代宗時為元帥亦用其國兵以收兩都寶應大歷中頻遣使來恭拂卒子迷地立迷地卒子卒栖立卒栖卒其弟訶論立貞元中與吐蕃為敵敵蕃軍大半西禦大食故鮮為邊患其力不足也臣秋濤謹案波斯距長安一萬五千里大食又在其西其時吐蕃陷安西北庭唐通大食蓋北出回紇西徑黠戛斯今俄羅斯裏海以北道

也大食盛時併石國康國直接堅昆卽南峩數部地皆在其囊括中矣唐與吐蕃爲敵而西結二萬里外之大食卒獲其力以制強鄰然則謀國者其可忽於遠圖哉

朔方備乘

卷三十二

周齊隋唐北徼諸國傳

吳

朔方備乘卷三十二

知縣林 穗初校
知縣吳壽 坤覆校

朔方備乘卷第三十二

傳三

遼金元北徼諸國傳敘

轄戛斯 乃蠻 克烈

幹羅思 欽察 康里

阿速 吉利吉思 昂可刺

烏斯 撼合納 謙州

益蘭州 報達附載

臣秋濤謹案遼金二史於外國僅載高麗西夏

朔方備乘

卷三十三

遼金元北徼諸國傳敘

一

二傳餘皆闕之其時東南西三方之國有通使於宋者尙可以宋史參考至北陲則惟與遼金相接二史俄空殊屬疏漏今考遼之北陲接壤於轄戛斯乃蠻金之北陲有克烈部皆今俄羅斯境臣秋濤詳考羣書補輯成傳至奇渥温氏西北拓境極廣今俄羅斯東西二土咸入版圖乃元史亦概從闕略殊不可解臣秋濤亦爲補苴以便觀覽若報達卽波斯今其北境亦入羅刹爰附著之其他西域印度諸國事與北徼無

涉則不具錄云

韃戛斯傳

臣秋濤謹奏韃戛斯全境皆今俄羅斯地

韃戛斯即黜戛斯在遼時為北陲大國遼史未立傳故其事首尾不著臣秋濤謹考諸書詮次

如左按黜戛斯古堅昆國也地當伊吾之西焉

耆之北臣秋濤謹奏焉耆即今喀喇沙爾其北日葛邏祿即今塔爾巴哈台又北始為

焉耆故唐書云然然白山之旁或曰居勿或曰

結骨其種雜丁零乃匈奴西鄙也匈奴封漢降

將李陵為右賢王衛律為丁零王後郅支單于

朔方備乘

卷三十三

遼金元北徽諸國傳

一

破堅昆其地東距單于廷七千里南至車師五千里郅支留都之後世得其地者訛為結骨又號紇骨亦曰紇挖斯云其人皆長大赤髮皙面綠瞳以黑髮為不祥黑瞳者必曰陵苗裔也結骨東有木馬突厥三部落曰都播彌列哥餓支其酋長皆為頡斤樺皮覆室多善馬俗乘木馬馳冰上以板藉足屈木支腋蹴輒百步勢迅激夜鈔盜晝伏匿結骨之人得以役屬之結骨本強國也地與突厥等突厥以女妻其酋豪突厥

敗始隸薛延陀延陀以頡利發一人監國其首

長三人曰訖悉輩曰居沙波輩曰阿米輩共治

其國未始與中國通貢貞觀二十二年聞鐵勒

等已入臣即遣使者獻方物其酋長俟利發失

鉢屈阿棧身入朝太宗勞享之謂羣臣曰往渭

橋斬三突厥自謂功多今俟利發在席更覺過

之俟利發酒酣奏願得持笏帝以其地為堅昆

府拜俟利發左屯衛大將軍即為都督隸燕然

都護高宗世再來朝景龍中獻方物中宗引使

朔方備乘

卷三十三

遼金元北徽諸國傳

三

者勞之曰而國與我同宗非它蕃比屬以酒使者頓首元宗世四朝獻乾元中為回紇所破自是屬於回紇不能通中國後語訛為黜戛斯蓋回紇謂之若曰黃赤面云又訛為戛戛斯眾數十萬勝兵八萬直回紇西北三千里南依貪漫山地夏沮洳冬積雪男少女多以環貫耳俗趨仇男子有勇黥其手女已嫁黥項雜居多淫佚以十二物紀年如歲在寅則曰虎年氣多寒雖大河亦半冰稼有禾粟大小麥青稞步磴以為

麩糜稌以三月種九月穫以飯以釀酒而無果
蔬畜馬至壯大以善鬪者爲頭馬有橐它牛羊
牛爲多富農至數千其獸有野馬骨咄黃羊羆
羝鹿黑尾黑尾者似麀尾大而黑魚有蔑者長
七八尺莫痕者無骨口出頤下鳥雁鷺烏鵲鷹
隼木松樺榆柳蒲松高者仰射不能及顛而樺
尤多有金鐵錫每兩俗必得鐵號迦沙爲兵絕
犀利常以輪突厥其戰有弓矢旗幟其騎士析
木爲盾蔽股足又以圓盾傅肩可捍矢刃其君

朔方備乘

卷三十三

遼金元北徼諸國傳

四

曰阿熱遂姓阿熱氏建一纛下皆尙赤餘以部
落爲之號服貴貂豹阿熱冬帽貂夏帽金釧銳
頂而卷末諸下皆帽白氊喜佩刀礪賤者衣皮
不帽女衣毳氍錦屬綾蓋安西北庭大食所貿
售也阿熱駐牙青山周柵代垣聯氊爲帳號密
的支它首領居小帳凡調兵諸部役屬者悉行
內貂鼠青鼠爲賦其官有宰相都督職使長史
將軍達干六等宰相七都督三職使十皆典兵
長史十五將軍達干無定數諸部食肉及馬酪

唯阿熱設餅餌樂有笛鼓笙箏築盤鈴戲有弄
駝獅子馬伎繩伎祠神爲主水草祭無時呼巫
爲甘昏嫁納羊馬以聘富者或百千計喪不斃
面三環尸哭乃火之收其骨歲而爲墓然後哭
泣有節冬處室木皮爲覆其文字言語與回鶻
正同法最嚴臨陣撓奉使不稱妄議國若盜者
皆斷首子爲盜以首著父頸非死不脫阿熱牙
至回鶻牙所橐它四十日行使者道出天德右
二百里許抵西受降城北二百里許至鷓鴣泉

朔方備乘

卷三十三

遼金元北徼諸國傳

五

泉西北至回鶻牙千五百里許而有東西二道
泉之北東道也回鶻牙北六百里得仙娥河河
東北曰雪山地多水草青山之東有水曰劔河
偶艇以度水悉東北流經黠戛斯合而北入於
海臣秋濤謹案仙娥河卽今色楞格黠戛斯幅
河劔河在其西當卽今克穆河也頓甚廣自突厥破滅安西北庭淪陷後其國東
與骨利幹西南與葛邏祿大食南與吐蕃相接
而東南受役屬於回鶻然常與大食吐蕃葛邏
祿相依杖吐蕃之往來者畏回鶻剽鈔必住葛

邏祿以待黠戛斯護送大食有重錦其載二十
橐它乃勝既不可兼負故裁為二十匹每三歲
一餉黠戛斯而回鶻授其君長阿熱官為毗伽
頓頡斤回鶻稍衰阿熱即自稱可汗其母突騎
施女也為母可敦妻葛祿葉護女為可敦回鶻
遣宰相伐之不勝拏鬪二十年不解阿熱恃勝
乃肆詈曰爾運盡矣我將收爾金帳於爾帳前
馳我馬植我旗爾能抗亟來即不能當疾去回
鶻不能討其將句錄莫賀導阿熱破殺回鶻可

朔方備乘

卷三十三

遼金元北徼諸國傳

六

汗諸特勒皆潰阿熱身自將焚其牙及公主所
廬金帳者回鶻可汗常坐也乃悉收其寶貨并
得太和公主遂徙牙牢山之南牢山亦曰賭滿
距回鶻舊牙度馬行十五日阿熱以公主唐貴
女遣使者衛送公主還朝為回鶻烏介可汗邀
取之并殺使者會昌中阿熱以使者見殺無以
通於朝復遣注吾合素上書言狀注吾其姓也
合言猛素者左也謂武猛善左射者行三歲至
京師武宗大悅班渤海使者上以其處窮遠能

修職貢命太僕卿趙蕃持節臨慰其國詔宰相
即鴻臚寺見使者使譯官考山川國風宰相李
德裕上言宜法貞觀故事為王會圖以示後世
有詔以鴻臚所得續著之又詔阿熱著宗正屬
籍是時烏介可汗餘眾託黑車子阿熱願乘秋
馬肥擊取之表天子請師帝令給事中劉濛為
巡邊使朝廷亦以河隴四鎮十八州久淪戎狄
幸回鶻破弱吐蕃亂相殘齧可乘其衰乃以右
散騎常侍李拭使黠戛斯册君長為宗英雄武

朔方備乘

卷三十三

遼金元北徼諸國傳

七

誠明可汗未行而或謂黠戛斯小種不足與唐
抗詔百官集議皆曰回鶻盛時有册號今幸衰
又加黠戛斯後且生患乃止至大中元年竟詔
鴻臚卿李業持節册黠戛斯為英武誠明可汗
逮咸通間三來朝然卒不能取回鶻其後無聞
遼時稱轄戛斯為北陞大國太宗六年正月轄
戛斯國慕化來貢穆宗應歷二年十月回鶻及
轄戛斯皆來貢景宗保甯八年十二月轄戛斯
國遣使來貢金時不復著見或曰元初吉利吉

思卽其裔或曰蓋西徙爲幹羅思云

乃蠻部傳

乃蠻部遼時始著耶律大石西奔由乃蠻抵畏吾兒卽此部也其部初居於今俄羅斯境古謙河之旁後益強盛拓地至烏隴古河東與克烈部南與西遼接待其兵力雄長漠北其酋曰卜魯欲可汗是時克烈部王罕脫里之弟苦其兄殘暴來奔卜魯欲可汗爲發兵攻脫里盡奪其衆脫里走遇元太祖振給之始復盛旣而太祖

朔方備乘

卷三十三

遼金元北徼諸國傳

八

與脫里合兵攻卜魯欲可汗卜魯欲可汗出不意襲脫里於土兀刺河大勝之以太祖救得解及太祖旣滅克烈時乃蠻卜魯欲可汗已卒太陽可汗嗣立心思太祖遣使謀於白達達部主阿刺忽思曰近聞東方有稱帝者天無二日民豈有二王邪君能益吾右翼吾將奪其弧矢也阿刺忽思執其使來告太祖與約同攻乃蠻歲甲子大會於帖麥該川羣臣以方春馬瘦爲言太祖弟幹赤斤曰事所當爲斷之在早乃蠻欲

奪我弧矢是小我也彼恃其強大吾攻其不備

可克也帝悅遂進兵太陽可汗合諸部兵來拒兵於沆海山欲誘帝深入然後戰而擒之其將火力速八赤曰先王戰伐勇進不回馬尾人背不使敵見今爲遷延計得非怯乎太陽可汗怒卽躍馬索戰時札木合部長將援乃蠻見帝軍整懼而先遁帝與乃蠻軍大戰至晡禽殺太陽可汗諸部軍皆潰太陽可汗子屈出律率餘衆遁至塔米爾河太祖兵追及復走阿勒台山先

朔方備乘

卷三十三

遼金元北徼諸國傳

九

是蒙古居烏桓之北與乃蠻同鵠接壤世修貢於遼金號微弱至是滅克烈降乃蠻兼收朵魯班塔塔兒哈答吉散只兒四部駸駸乎稱雄矣元年丙寅十二月太祖大會諸部長建九旂白旗卽尊位於幹難河之源羣臣共上尊號曰成吉斯可汗實宋寧宗開禧二年金宣宗泰和六年也帝旣卽位復發兵征乃蠻時屈出律與蔑里乞部長脫脫合兵於也兒的石河上太祖進攻大敗之脫脫西奔欽察屈出律南奔西遼太

祖遂盡取乃蠻部之地既而西遼主直魯古出獵屈出律襲而奪其位尊直魯古為太上皇太祖聞之復決計西伐蓋蒙古兵鋒及於西域滅國四十其端肇於乃蠻云

克烈部傳

克烈部金時始著其舊居在吉利吉思西南謙河之西唐麓嶺之北距大都九千里唐麓嶺蓋即唐努山金為烏梁海游牧距京師止四千餘里以地形里至計之克烈部舊居當在今俄羅

朔方備乘

卷三十三

遼金元北徽諸國傳

十

斯東境伊聶謝柏與以南也其部長名脫里者南徙土刺河與元烈祖壤地相接烈祖諱也速該即元太祖之父也初脫里多戮辱兄弟其叔父菊兒汗攻之脫里敗走以百餘騎奔烈祖烈祖親將兵逐菊兒汗奪還其部眾脫里德之與烈祖盟稱按答猶今云諸達也烈祖殂太祖尙幼部落離散又為蔑里乞部所攻虜夫人宏吉刺氏太祖訴於脫里脫里念舊德與札木合連兵救太祖襲蔑里乞破走之以烈祖舊眾歸太

祖太祖能撫其眾日益強盛時塔塔兒部叛金金遣丞相完顏襄率兵逐叛者太祖聞之使告脫里同攻塔塔兒部太祖起兵自斡難河迎討大破之於納刺禿失圖之野獲大珠金銀綳車各一金主冊脫里為王即元太祖本紀所稱王罕也封元太祖為察兀忽魯猶言招討使也元太祖由是兵力益強既而脫里之弟叛歸乃蠻乃蠻部長為發兵伐克烈復奪脫里之眾脫里遁走中道糧絕困乏甚太祖親迎撫勞之為伐

朔方備乘

卷三十三

遼金元北徽諸國傳

十一

蔑里乞部取其資財田禾遺之脫里見部眾稍集遂不告於帝自率兵再攻蔑里乞大掠而還於帝一無所遺帝不以屑意會乃蠻卜魯欲可汗臣秋濤謹案通鑑及親征記皆作孟祿可汗以音相近也方強帝復與脫里合兵攻之時札木合起兵援乃蠻見乃蠻敗欲帝與脫里有隙乃言於脫里曰我於君為白翎雀他人如鴻雁耳白雀寒暑常在北方鴻雁遇寒則南飛就暖謂太祖心不可保也脫里聞而惑焉於是太祖復與脫里征孟祿可汗至黑

辛八石之野敵遣也的脫不魯領百騎爲前鋒
我軍逼之走據高山其馬騎轉墜擒之及太祖
與乃蠻將遇於拜答刺邊只兒之野日暮列陣
對宿是夜脫里多燃火於所陣地示人不疑潛
移衆於哈薩兀里河太祖見脫里移去曰此輩
無乃異志乎亦解去駐撒里川脫里至土兀刺
河乃蠻乘其不備掠其部民輜重脫里命其子
亦刺合將兵追之且遣使來告曰乃蠻不道掠
我人民太子有四良將能假我雪恥乎太祖釋

朔方備乘

卷三十三

遼金元北徼諸國傳

十三

前憾遂遣博兒朮木華黎博羅渾赤老温四將
往救大敗其衆盡奪所掠還之脫里謝曰曩以
困乏來歸荷太子加意存撫今已亡之國又奪
之歸不知將何以報未幾太祖與脫里議昏不
成札木合復乘間謂脫里子亦刺合曰鐵木真
太子嘗通信乃蠻將不利於君父子君能加兵
我當陰爲助亦刺合數言於其父脫里信之歲
癸亥遂舉兵來侵方誓衆牧人乞失力夜馳告
太祖太祖止軍阿闌塞急移輜重於失連真河

遣折里麥爲先鋒脫里亦領兵由忽刺河卜魯
哈二山來太祖移軍合闌只之野整兵出戰屢
敗之脫里子亦刺合來衝陣我軍射中其頰太
祖將兵四千六百騎分兩隊行駐軍董歌澤遣
使責脫里曰君爲菊兒所逐困迫來歸吾父卽
攻菊兒敗之於河西收其土地人民以與君其
功一也君爲乃蠻所攻西奔日沒處君弟札阿
紺卜在金境我亟遣人召還比至又爲蔑里乞
部人所逼我使兄弟往殺之其功二也君貪餒

朔方備乘

卷三十三

遼金元北徼諸國傳

十三

無依我歷取各部羊馬資財盡以奉君其功三
也君不告我往掠蔑里乞大獲而還未嘗纖毫
分我及君爲乃蠻所傾我遣四將奪還爾人民
重立爾國家其功四也我征朶魯班等五部如
海東鷲禽之於鴻雁見無不獲獲則必致於君
其功五也今乃易恩爲讐忍加兵於我哉遂整
兵至班朱尼河河水方渾帝飲之以誓衆曰使
我克定大業當與諸君同甘苦苟渝此言有如
河水凡與飲者謂同飲渾河水時脫里勢強衆

頗危懼與戰於哈蘭真沙陀之地脫里敗走路
逢乃蠻部將為所殺克烈部由是遂滅

幹羅思欽察康里傳

幹羅思欽察康里三國元時始著幹羅思即烏
孫音轉今之俄羅斯也欽察在今俄羅斯北境
地近北海去大都三萬餘里康里在欽察之東
元太祖初征蔑里乞部其部長脫脫與乃蠻部
長屈出律合兵也兒的石河以拒太祖太祖進
攻破之脫脫西遁由康里部奔欽察太祖遣使

朔方備乘

卷三十三

遼金元北徽諸國傳

十四

索之欽察部長亦納思不與太祖怒命速不台
率師伐之製鐵車以賜曰蔑里乞脫脫吾深仇
也今戰敗遠遁如馬帶竿如鹿負箭汝其追之
若飛汝作鷹鷂若入穴汝作鋤若入海汝作網
與汝鐵車所以堅汝志也速不台受命率精銳
三千人踰高山涉險阻抵欽察境亦納思已老
國中大亂其子舉族迎降至癸未年速不台復
請討欽察引兵繞寬田吉思海輾轉至太和嶺
鑿石開道出不意遇欽察酋長玉里吉及塔哈

爾方聚於布租河縱兵奮擊潰之遂收其境又
至阿里吉河與幹羅思部大小密赤思老遇一
戰降之略阿速部而還蓋自脫脫西奔而欽察
等諸國悉被兵矣其俗驍勇善戰元師退輒復
拒守太祖征西域時復命長子朮赤率哲伯曷
思麥里等分道征之以幹羅思等三部地封朮
赤太宗時又命朮赤子拔都及速不台等征之
時定宗憲宗皆在軍中至憲宗時又命諸王旭
烈兀由西域征兀林國下一百二十城兀林亦
即幹羅思也蓋累世用兵而後元之斥境極於
波羅的海矣康里亦作康鄰其子孫仕元多以
文學顯欽察降衆別為軍討叛王海都等多得
其力云餘詳諸王及將帥傳

阿速傳

阿速元時撫有其地明史言其國近天方撒馬
兒罕幅員甚廣城倚山面川川南流入海有魚
鹽之利土宜耕牧俗敬佛畏神好施惡鬪物產
富寒暄適節人無饑寒夜鮮寇盜雅稱樂土

朔方備乘

卷三十三

遼金元北徽諸國傳

十五

秋濤謹案以今地形考之阿速卽俄羅斯南境之阿索富城也城北臨端河亦名敦河西濱黑海卽所云川南流入海者其海灣至今猶號阿速灣云南道通亞喇伯卽天方東道通尋思干卽撒馬兒罕方隅形勢約略可考徐松西域水道記曰元史每言阿速與欽察爲鄰疑阿速卽哈薩克又曰元史言欽察阿速諸國速不台傳與曷思麥里傳互異速不台傳云收欽察境又至阿里吉河與幹羅思部大小密赤思老遇一

朔方備乘

卷三十三

遼金元北徼諸國傳

六

戰降之略阿速部而還是先欽察而幹羅思而阿速也曷思麥里傳云太祖命曷思麥里從哲伯爲先鋒攻乃蠻克之斬其主曲出律帝親征至薛迷思干追其主札刺丁至懸顏城西塞札刺丁逃入於海取玉兒谷德痕兩城繼而懸顏城亦下帝遣使趣哲伯疾馳以討欽察命曷思麥里招諭曲兒忒失灣兒沙等城悉降至谷兒只部及阿速部以兵拒敵皆戰敗之招降黑林城進擊幹羅思於鐵兒山克之獲其國主密只

思臘臣秋濤謹案密只思臘卽密赤思老也哲伯命曷思麥里獻

諸朮赤太子誅之尋征康里至孛子八里城與其主霍脫恩罕戰又敗其軍進至欽察亦平之是曷思麥里由西域轉戰而北先阿速而幹羅思而康里而後欽察也然曷思麥里傳先言帝趣哲伯疾馳以討欽察則征欽察究在先曷思麥里徇西域諸城而北先至阿速則阿速在欽察之南阿速與哈薩克音亦相近也臣秋濤謹案徐松論元祖用兵征欽察阿速先後次第引

朔方備乘

卷三十三

遼金元北徼諸國傳

七

證頗爲詳備惟以阿速爲卽哈薩克則尙沿舊說案哈薩克在裏海東北曷思麥里由西域征阿速部是時元兵已踰尋思干城而西曷思麥里必不更折而東繞出裏海之北也惟自布哈爾等國西行取道於裏海之西黑海之東以征俄羅斯則阿索富城正當孔道是阿速卽阿索富城無可疑者明乎此則幹羅思諸地疆域皆瞭如指掌矣

吉利吉思諸部傳

元置嶺北行省於和林和林之北有吉利吉思
昂可刺烏斯撼合納謙州益蘭州等處元時撫
有其地皆在今俄羅斯東境吉利吉思者初以
漢地女四十人與烏斯之男結婚取此義以名
其地南去大都萬有餘里相傳乃滿部始居此
及元析其民為九千戶其境長一千四百里廣
半之謙河經其中西北流又西南有水曰阿浦
東北有水曰玉須皆巨浸也會於謙而注於昂
可刺河北入於海俗與諸國異其語言則與畏

朔方備乘

卷三十三

遼金元北徵諸國傳

六

吾同廬帳而居隨水草畜牧頗知田作遇雪則
跨木馬逐獵土產名馬白黑海東青昂可刺者
因水為名附庸於吉利吉思去大都二萬五千
餘里其語言與吉利吉思特異晝長夜短日沒
時炙羊肋熟東方已曙矣即唐史所載骨利幹
國也烏斯亦因水為名臣秋濤謹案今俄羅斯境有烏斯河在塔爾噶克山北當即此水在吉利吉思東謙河之北其俗每歲
六月上旬刑白馬牛羊灑馬漣成就烏斯水以
祭河神謂其始祖所從出也撼合納猶言布囊

蓋口小腹巨地形類此因以為名在烏斯東謙
河之源出此其境上惟有二山口可出入山水
林樾險阻為甚野獸多而畜產少貧民無恒產
者皆以樺皮作廬帳以白鹿負其行裝取鹿乳
採松實及劔山丹芍藥等根為食冬月亦乘木
馬出獵謙州亦以河為名去大都九千里在吉
利吉思東南謙河西唐麓嶺之北居民數千家
悉蒙古回紇人有工匠數局蓋元初所徙漢人
也地沃衍宜稼夏種秋成不煩耘耔或云克烈

朔方備乘

卷三十三

遼金元北徵諸國傳

七

部始居此益蘭者蛇名初州境山中居人見一
巨蛇長數十步從穴中出飲河水腥聞數里因
以名州距京師九千里世祖至元七年遣劉好
禮為吉利吉思撼合納謙州益蘭州等處斷事
官好禮字敬之汴梁祥符人幼通國語廉訪府
辟為參議至元五年嘗應詔建言有司奏請宜
先啟皇太子俾得閱習庶政陝西重地宜封皇
子諸王出鎮創築都城宜給直市民地選格不
宜以中統三年為限後是者不錄帝是其言敕

中書省施行至是遷益蘭州等五部斷事官大修官庫置傳舍以益蘭爲治所先是數部民俗皆以杞柳爲杯皿不知陶冶剝木槽以濟水無舟航之備好禮請工匠於朝爲鑄金範土篙槩之具以教其民咸便之或言權鹽酒可以佐經費好禮曰朝廷設官要荒務以綏遠寧欲奪其利邪言者慙服會北方諸王叛好禮被執留軍中幾死幸以其善應對得釋十六年春叛王召好禮至欠欠州臣秋壽謹案即謙州曰皇帝疑我致有

朔方備乘

卷三十三

遼金元北徽諸國傳

三

今日好禮曰不疑果疑王召王至京師何還之邪次年春好禮率衆走別部守阨以待兵至遇叛軍追之西踰雪峩嶺好禮自度踰是則無望生還遂以衣賂其下始獲東出鐵壁山口問道南走中道糧絕捕獵以爲食七月至菊海臣秋壽謹案菊海即白哈兒湖俄羅斯東境湖泊之最大者始與戍兵接得乘傳至昌州入見以吉利吉思風俗事宜來上帝賜之食與鈔累官禮部尙書奏言象力最巨上往返兩都乘輿多象駕萬一有失從者雖衆力何

能及未幾象果驚幾傷從者官至北京路總管初海都既叛昔里吉土哇諸王悉起兵相犄角漠北民避亂而南者七十餘萬吉利吉思諸地民亦南徙世祖遷之肇州命劉哈刺拔都魯治之劉哈刺拔都魯者河東人家世業醫至元八年世祖駐蹕白海以近臣言得召見世祖謂其目有火光異之遂留侍左右初賜名哈刺幹脫赤十七年擢太醫院管勾昔里吉叛宗王別里鐵木兒奉命往征帝問曰當行者多避事汝善醫復習騎射能從行乎曰事君不辭難臣不行將何爲卽請授甲帝曰汝安用甲曰臣願備一戰士帝曰醫汝事也甲不可得惟賜以環刀弓矢等物馳至王所及將戰從王請甲王曰上不與汝我何敢與因留之使領輜重慨然曰大丈夫當效命行陣乃守營帳如婦人耶見有甲者飲以酒高價取之明日披以往王望見其介而馳使人走問免胄曰我也一人興善萬人可激我爲萬人激耳中道三遇敵射之皆不中王喜

朔方備乘

卷三十三

遼金元北徽諸國傳

三

甚解衣衣之既擒昔里吉命獻俘行宮帝見其瘠甚撤御膳羊豕以賜既拜受先懷其美者帝問故對曰臣始與母訣今歸母幸存請以遺之帝嘉其志命自今凡賜之食必先賜厥母以功授和林等處宣慰副使二十五年海都犯邊尙書省奏以怯伯往掌和林屯糧帝曰出納非怯伯所知哈刺斡脫赤可勝任遂使怯伯與俱會海都兵至使來報與怯伯南行六日止八兒不刺地距敵軍五六十里怯伯大懼曰事急矣不

朔方備乘

卷三十三

遼金元北徼諸國傳

三

如順之劉哈刺見其有二心遂潛道遁入見帝喜曰人言汝陷賊乃能來耶命與酒饌二十七年遷河東山西道宣慰使奏臣累戰而歸衣裘盡敝河東臣鄉也乞賜錦衣爲榮帝以金織文衣賜之居二年召還諭曰自此而北乃顏故地曰阿巴刺忽者素產魚吾今立城而以兀連臣壽謹案兀連當作兀速蓋兀速即烏斯而速又誤爲連也 愁哈納思乞里吉里三部人居之臣秋壽謹案此即烏斯撼名其城曰肇州汝往爲宣慰使仍別賜汝名曰小龍

兒或曰哈刺拔都魯汝可自擇對曰龍非臣下所敢承帝曰然則哈刺拔都魯可也復賜以繡衣玉帶既至定市里安民居一日得魚九尾皆千斤遣使來獻俄召還及世祖殂太傅伯顏奉皇太后命曰東方汝嘗鎮之今以屬汝勿俟制命乃以爲咸平宣慰使成宗元貞元年召爲御史中丞行至懿州道卒

報達傳

臣秋壽謹案報達北境今屬俄羅斯故列於此

報達國即唐波斯國也按唐書云波斯國在京

朔方備乘

卷三十三

遼金元北徼諸國傳

三

師西一萬五千三百里東與吐火羅康國接北鄰突厥之可薩部臣秋壽謹案可薩部即今俄日可沙至西北拒拂菻正西及南俱臨大海戶數十萬其王居有二城復有大城十餘猶中國之離宮王冠金花冠坐獅子牀服錦袍加以瓔珞俗事天地日月水火諸神西域諸胡事火袄者皆詣波斯受法焉臣秋壽謹案今俄羅斯是火者胥來朝拜其地舊屬波斯今歸俄羅斯轄其事神以麝香和蘇塗鬚點額及於耳鼻用以爲敬拜必交股文字同

於諸胡男女皆徒跣丈夫剪髮戴白皮帽衣不開襟并有巾帔多用蘇方青白色爲之兩邊緣以織成錦婦人亦巾帔裙衫辨髮垂後飾以金銀其國乘象而戰每一象戰士百人有敗衄者則盡殺之國人生女年十歲已上有姿貌者其王收而養之以賞有功之臣俗右尊而左卑以六月一日爲歲首氣候暑熱土地寬平知耕種多畜牧有鳥形如橐駝飛不能高食草及肉亦能噉犬攫羊土人極以爲患又多白馬駿犬所

朔方備乘

卷三十三

遼金元北徼諸國傳

五

謂波斯犬也出驥及大驢獅子白象珊瑚樹高二三尺琥珀車渠瑪瑙火珠玻璃琉璃無食子香附子訶黎勒胡椒華撥石蜜千年棗甘露桃隋大業末西突厥葉護可汗頻擊破其國波斯王庫薩和爲西突厥所殺其子施利立葉護因分其部帥監統其國波斯境臣於葉護及葉護可汗死其所令監統者因自擅於波斯不復役屬於西突厥施利立一年卒乃立庫薩和之女爲王突厥又殺之施利之子單羯方奔拂菻於

是國人迎而立之是爲尹恒支在位二年而卒兄子伊嗣侯立遣使於唐獻一獸名活褥蛇形類鼠而色青身長八九寸能入穴取鼠伊嗣侯懦弱爲大首領所逐遂奔吐火羅未至亦爲大食兵所殺其子名卑路斯又投吐火羅葉護獲免龍朔元年卑路斯奏言頻被大食侵擾請兵救援詔遣隴州南由縣令王名遠充使西域分置州縣因列其地疾陵城爲波斯都督府授卑路斯爲都督是後數遣使貢獻咸亨中卑路斯

朔方備乘

卷三十三

遼金元北徼諸國傳

五

自來入朝高宗甚加恩賜拜右武衛將軍儀鳳三年令吏部侍郎裴行儉將兵冊送卑路斯爲波斯王行儉以其路遠至安西碎葉而還卑路斯獨返不得入其國漸爲大食所侵客於吐火羅國二十餘年有部落數千人後漸離散至景龍二年又來入朝拜爲左威衛將軍無何病卒無嗣而部眾猶存自開元十年至天寶六載凡十遣使來朝并獻方物四月遣使獻瑪瑙牀九載四月獻火毛繡舞筵長毛繡舞筵無孔真珠

乾元元年波斯與大食同寇廣州劫倉庫焚廬舍浮海而去大曆六年遣使來朝獻真珠等蒙古憲宗時遣諸王旭烈兀西征丁巳歲取報達國卽波斯西戎大國也地方八千里其王曰哈里發其城有東西城中有大河西城無壁壘東城固之以甃旭烈兀師至城下一交戰破其兵四十餘萬哈里發以舸走獲焉其國俗富庶爲西域冠宮殿皆用沉檀烏木降真爲之壁皆砌以黑白玉金寶珍珠不可勝記所產大珠曰太

朔方備乘

卷三十三

遼金元北徼諸國傳

美

歲彈蘭石瑟瑟金剛鑽之類帶有直千金者其國六百餘年傳四十主至是而亡人物頗秀於諸國所產馬名脫必察琵琶有七十二絃者

朔方備乘卷三十三

知縣林 穗初校
知縣吳壽坤覆校

朔方備乘卷第三十四

傳四

元代北徼諸王傳敘

朮赤

拔都

旭烈兀

撥綽

合丹

海都

土哇

脫忽

那木罕

臣秋濤謹案北徼俄羅斯地元代全入版圖關土旣遠必資親藩以鎮撫之是故朮赤諸王捷伐於前拔都諸王紹封於後固與三代封建之

朔方備乘

卷三十四

元代北徼諸王傳敘

一

意遙相符合也然其東西偏相距萬里畛域旣分治忽亦異大要視諸王賢否而已在太祖時用兵於俄羅斯之東偏最先皆由漠北進兵蓋東偏與漠北地相聯也其後乃用兵於俄羅斯之西偏皆由西域進兵蓋西偏與西域壤相接也二役之興元祖長子朮赤皆有勞焉故遂以俄羅斯西偏封朮赤旌伐酬庸典至渥已然西徼諸部之地甚廣非一戎衣所能遽平故太宗之世復命朮赤之子拔都等征斡羅思而定宗

憲宗皆在軍中至憲宗之世復命旭烈兀征西域其兵鋒亦至兀林兀林即幹羅思蓋其餘黨猶有未服者積三世之力窮追遠討始克平定可謂難矣然既平之後諸王各安封域朝貢不絕是西偏之事勢先難而後易有如此者若東偏則自太祖之世戈麾所指悉就疆索未嘗再煩軍旅於是太宗分封諸王海都土哇等並設斷事官以莅謙州益蘭州等處且以吉利吉思等路隸嶺北行省蓋以其地附近和林思富庶其民以固根本乃無何而海都諸王相繼弄兵鎮戍征討垂五十載是東偏之事勢先易而後難有如此者合而論之亦有元一代得失之林也元史諸王列傳本極簡略臣蒐采史事補其闕失為尤赤以下諸王傳一卷雖不敢謂無所遺漏然於元代北徼之事足資省覽亦講邊務者所不廢已

朔方備乘

卷三十四

元代北徼諸王傳敘

二

元諸王尤赤傳

尤赤今改卓齊特亦作卓赤

尤赤亦作拙赤太祖長子也太祖始起於幹難

河即今之敖嫩河黑龍江上源也乙丑年太祖命尤赤領右手軍往征林木中百姓以不哈為嚮導有幹亦刺部之忽都哈別乞先來歸附遂引尤赤往征萬幹亦刺部入至失黑失惕於是幹亦刺及禿巴思諸種人皆降至萬乞兒吉思部即吉利吉思也其酋長也廸亦納勒等皆來歸附以白海青白驢馬黑貂為獻尤赤更北略地自失必兒種以南林木中百姓悉收捕之按林木中百姓即今所稱樹中人沿敖嫩河以東自尼布楚城以北烏梁海布特哈捕貂諸部皆是今其地屬俄羅斯轄尤赤師旋太祖以忽都哈別乞先來歸附以皇女扯扯亦堅公主妻其次子亦納勒赤又以尤赤之女豁雷罕妻其長子時汪古部長亦降太祖亦妻以女後太祖定以第三子窩闊台為嗣使尤赤率師征討各國戊寅年吐麻部叛太祖徵兵乞兒部乞兒部不從亦叛去遂命尤赤往討之以不花為前鋒追乞兒部至亦馬兒河而還尤赤率師順謙河水

朔方備乘

卷三十四

元代北徼諸王傳

三

北行遂招降克兒爲思部撼哈思帖良部兀克失部的迷火因部亦而干部於是元斥境至北海矣乞兒爲思卽吉利吉思撼哈思帖良卽撼哈納兀克失卽烏斯餘二部蓋卽謙州益蘭州地也已卯年太祖征西域尤赤從往庚辰年攻斡脫羅兒城克之卽斡羅思也辛巳年尤赤攻克養吉干八兒眞等城後太祖命尤赤及察阿岱窩闊合同領右手軍過阿梅河至兀龍格赤城駐營命尤赤等皆聽窩闊台調遣太祖復命

朔方備乘

卷三十四

元代北徼諸王傳

四

速不台征西域迤北康鄰乞卜察等十一部落康鄰卽俄羅斯北境之康里乞卜察卽俄羅斯北境之欽察也渡亦的勒水札牙黑水直至乞瓦綿客兒綿等城此皆今俄羅斯西境地太祖遂以斡羅思阿速欽察諸地封尤赤爲汗其地極遠去京師數萬里驛騎急行二百餘日方達京師尤赤旋薨子拔都嗣別有傳拔都薨弟撒里答嗣撒里答薨弟忙哥帖木兒嗣忙哥帖木兒薨弟脫脫忙哥嗣脫脫忙哥薨弟脫脫嗣至

大二年封脫脫爲寧肅王賜金印脫脫薨弟伯忽嗣至元七年命伯忽爲札魯忽赤之長伯忽薨弟月卽別嗣一作月祖伯自後部落遂以月祖伯爲號云至大元年月祖伯薨子扎尼別嗣及順帝北走扎尼別之子孫仍世王俄羅斯如故旣而俄羅斯西北境諾戈落部有土人依番者崛起自爲國尤赤之後始式微云
元諸王拔都傳 拔都今改巴都

朔方備乘

卷三十四

元代北徼諸王傳

五

拔都亦作斡魯朶拔都亦作拔都蒙哥鐵木亦作八都罕亦作巴禿尤赤子太祖長孫也太祖時卽封右手大王留鎮北邊尤赤薨拔都嗣凡俄羅斯諸部地悉歸統轄太宗七年命拔都及皇子貴由卽定宗皇姪蒙哥卽憲宗征西域九年春蒙哥征欽察破之欽察部去中國三萬里夏夜極短日斃沒卽出俗勇猛青目赤髮臣秋海謹案今俄羅斯人多綠瞳卽所謂青目也多紅毛卽所謂赤髮也蒙哥率師攻破之其渠長八赤蠻逃入寬田吉思海島蒙哥亟進師至寬田吉思海會大風刮海水淺可渡蒙哥喜

日此天開我道也遂入海島擒之八赤蠻曰吾之逃入於海與魚何異然終被擒天也今水還期將至汝師亦宜早旋蒙哥聞之遽班師前軍甫渡而水至後軍有浮渡者按寬田吉思海論者或疑卽伊犁河所匯之巴勒喀什泊今驗巴勒喀什泊中雖有山島然道里太近不足當寬田吉思海之目西北邊淖爾中有島者非一塔爾巴哈台之西有巴爾喀錫淖爾在巴勒喀什之正北巴爾喀錫之東北千餘里有慈謨斯夸

朔方備乘

卷三十四

元代北徼諸王傳

六

淖爾慈謨斯夸之西北九千里有額納噶淖爾其中皆有島速不台傳云討欽察引兵繞寬定吉思海展轉至太和嶺元之太和嶺有二此爲欽察境之太和嶺或云卽烏拉嶺也欽察夏日晝極長夜極短當爲俄羅斯極北近北海處地理志西北地附錄欽察屬月祖伯分地月祖伯卽月卽別朮赤裔孫也朮赤封地極遠驛騎急行二百餘日方達京師以道里計之惟額納噶泊可以當寬田吉思海今俄羅斯人所稱阿尼

牙湖是也其水通波羅的海所謂大風刮水淺而可涉旋復水至疑卽海之潮汐偶爾愆期如元師入臨安錢塘潮三日不至事正相類史家不言爲潮蓋因憲宗潛邸之事故示神奇耳蒙哥旣克欽察進圍斡羅思部至野烈贊城蒙哥躬自搏戰破之斡羅思今改作俄羅斯野烈贊今改作額里齊或云卽額里齊斯河旁地也又征蔑怯思部穩兒部別里部皆降初貴由征阿速境有功阿速卽今俄羅斯南境阿索富城也

朔方備乘

卷三十四

元代北徼諸王傳

七

其西有部落曰計由斯科或作幾富亦稱究部爲俄羅斯最膏腴地按北人質樸多以人名名其地計由與貴由音近疑卽貴由所克取以已名名之相沿至今也至十二年貴由克西域未下諸部遣使奏捷詔班師十三年太宗復命拔都等討兀魯思部主也烈班爲其所敗圍禿里思哥城臣秋濤謹按思哥卽斯科也此斯科名見於史之始不克拔都等奏遣速不台督戰速不台選哈必赤軍怯憐口等五十人赴之一戰獲也烈班進攻禿里思哥

城三日克之盡取兀魯思所部而還兀魯思即
斡羅思也蓋拔都封地在俄羅斯故附近各部
軍務皆得統之速不台嘗率師圍汴滅金有大
功至是遂從拔都行軍又克馬札兒部至禿納
河太宗殂諸王大會拔都欲不往速不台諫乃
往會於也只里河奉貴由即位是為定宗速不
台西還家於禿納河上而卒先是蒙哥幼太宗
以速不台之子兀良合台世為功臣家使護育
於潛邸分掌宿衛及蒙哥借拔都征欽察兀魯

朔方備乘

卷三十四

元世宗諸王傳

八

思阿孛烈兒諸部兀良合台從征皆有功又從
討平孛烈兒乃捏迷思諸部定宗殂後皇后稱
制三歲無君拔都及兀良合台等咸會詔所立
拔都首先推戴蒙哥兀良合台亦曰蒙哥聰明
睿智人所共知拔都之言良是議遂定蒙哥即
位於斡難河是為憲宗三年春拔都乞買珠銀
萬錠帝與以千錠曰此財本太祖太宗所遺若
一過費將來何以給諸王之賜已宜務節儉此
銀即充歲賜之數拔都旋薨餘事詳元史傳

元諸王旭烈兀傳 旭烈兀今改轄魯
旭烈兀亦作旭烈亦作吁里兀亦作煦烈拖雷
第六子太祖諸孫憲宗世祖之弟也憲宗二年
秋七月命諸王旭烈兀征西域素丹諸國按西
域回部稱其君曰斯丹即素丹也亦作斯單亦
作斯坦亦作斯當亦作算端亦作算灘亦作速
擅今西域痕都斯坦諸國尚襲舊名即哈薩克
有蘇爾統之稱亦斯丹之轉音哈薩克本回部
也旭烈兀之西征也拓境幾萬里所平凡十餘

朔方備乘

卷三十四

元世宗諸王傳

九

國王子年自和林西行至阿母河即西遼河中
府舊地也自此而西伐木刺奚國 臣秋濤謹案
即木乃今國
今之布哈 下一百二十八城又西伐乞都卜國
又西取兀里兒城又西破阿刺汀國又西破乞
石迷國 臣秋濤謹案
即克什米爾 又西滅報達國 臣秋濤謹
案即波斯
國拔三百餘城又西三千里至天房國降之 臣
秋
濤謹案即 下一百八十五城又西降密昔兒國
又西渡海取富浪國 臣秋濤謹案即古拂菻國
又案至此已極西海下文
諸國當在富浪之東蓋轉而東行也 又降石羅子國又取賓鐵國

又西北取兀林國臣秋濤謹案兀林當卽兀魯亦曰兀魯思卽今俄羅斯也案俄羅斯國元人前已取其地此當是其南境未服者得城一百二十四又南取乞里灣國臣秋濤謹案疑卽俄羅斯南境之是爾灣部旭烈兀與大將兀良合台等會兵轉戰萬里所向無敵又與拔都等五道進兵克馬扎兒部遂留鎮西域建庭於忽里模子之地憲宗殂於釣魚山世祖北還旭烈兀自西域遣使勸進丁巳年分食邑彰德路二萬五千五十六戶旭烈兀旋薨子阿八哈嗣亦稱阿不哈至元八年朝廷遣使

朔方備乘

卷三十四

元北徵諸裔

十

徵礮匠以亦思馬因及木發里人阿老瓦丁應詔十五年詔遣札木合等持金十萬兩命阿八哈市藥師子國阿八哈薨子阿魯嗣阿魯薨子合贊嗣大德八年遣使貢珍物延祐六年薨子不賽因嗣自泰定元年以後朝貢無虛歲後卽以不賽因名其部云按旭烈兀所都忽里模子爲西域之極西境距中國絕遠自泉州入海十萬里至馬八兒國馬八兒國水程得便風十五日不至阿不哈大王城其陸路則由篤來帖木兒

月祖伯兩部以達上都篤來帖木兒封於于闐卽今西域和闐由嘉峪關朝貢之路月祖伯封於俄羅斯卽今俄羅斯南通波斯土耳其之路也亦可見旭烈兀建庭地與俄羅斯相近矣

元諸王撥綽傳

撥綽拖雷第八子太祖諸孫也憲宗卽位撥綽以諸王奉命率師北征欽察部有功賜號拔都丁巳歲分食邑蠡州三千三百四十七戶撥綽薨子薛必烈傑兒嗣薛必烈傑兒薨子牙忽都

朔方備乘

卷三十四

元北徵諸裔

十一

嗣至元十二年從北安王北征十八年加封來陽州五千三百四十七戶二十七年封鎮遠王賜塗金銀印大德十一年進封楚王賜金印牙忽都薨子脫列帖木兒嗣

元諸王合丹傳臣秋濤謹案元諸王同時之孫至元十二年從有二哈丹其一爲合赤溫乃顏叛誅非此也

合丹亦作哈丹太宗第六子也太宗時與諸王拔都等五道進兵攻附近俄羅斯之馬扎兒部憲宗二年憲宗以諸王欲立失烈門者多後言

乃遷合丹於別失八里地卽今喀刺沙爾也遷
茂里於葉兒的石河卽今額爾齊斯河也遷海
都於海押立地在今俄羅斯金山以北遷別兒
哥於曲兒只地遷脫脫於葉密立地皆在今伊
犁以北遷蒙哥都及太宗之皇后乞里吉忽帖
尼於擴端所居之西禁錮失烈門於沒脫赤之
地六年遷合丹於舊居近亦集乃之地中統元
年世祖卽位合丹有推戴功丁巳年分食邑汴
梁在城戶至元三年改撥鄭州十八年撥江南

朔方備乘 卷三十四 元代北徵諸王傳 三

鈔常甯州二千五百戶合丹薨子都爾赤嗣

元諸王海都傳

海都合矢子太宗諸孫合失早死海都嗣封憲
宗之世忌諸王修怨於太宗遷蒙哥都脫脫合
丹茂里等於遠亦遷海都於金山北之海押立
以是諸王咸怨有二心憲宗六年令諸王還所
部遣斷事官石天麟使海都海都拘留不遣海
都所封地在金山以北爲今俄羅斯東境錫伯
利部地東距昂噶拉河西距額爾齊斯河北抵

北海海都恃其險遠有跋扈志世祖卽位以合
丹有勸進功推恩太宗諸王加賜金帛海都與
焉至元元年西北諸王率所部來歸而憲宗諸
王以阿里不哥構亂不自安河平王昔里吉煽
惑諸王海都遂掠畏兀兒虜其民十一年追海
都所給金銀符朝議欲用兵世祖曰宗室也惟
當懷之以德命平陽馬步站達魯花赤鐵連往
覘之至則海都與之宴酒半鐵連求衣爲歡海
都將解衣其妃止之界皮衣二襲歸白世祖曰

朔方備乘 卷三十四 元代北徵諸王傳 三

海都兵繁而銳不宜速戰來則堅壘去則勿追
世祖然其計十二年皇子北平王那木罕右丞
相安童與牙忽都備邊於阿力麻里八魯渾拔
都兒粘闐與海都通牙忽都擒之昔里吉遂誘
諸王叛從之者曰脫鐵木兒曰要木忽兒曰撒
里蠻曰扎刺忽曰火魯火孫曰禾忽曰忽魯帶
日兀魯思不花曰乃蠻帶曰幹羅思曰失班曰
也孫禿阿曰捏坤曰忽都答兒曰禿滿曰阿魯
灰曰禿曲滅曰禿魯干曰闊闊帶曰哈丹又有

從哈丹者曰阿禿曰訥答兒曰聶怯來曰朶列禿曰八里帶曰斡里羅忽里帶從阿禿者曰朶羅帶曰脫迭出曰抄兒赤曰合麥安童攻禾忽獲其輜重諸叛王報之合兵攻北平王擒牙忽都世祖命宗正府札魯花赤昔班諭海都罷兵海都以覺由安童不從十四年七月昔里吉劫北平王械繫安童以入海都掠憲宗所御大帳世祖始決意用兵詔宗王別里鐵穆兒右丞相伯顏帥師忽魯帶來歸與伯顏軍合擊之於斡

朔方備乘

卷三十四

元代北徵諸王傳

古

兒罕河牙忽都逃歸西域于闐王阿魯忽亦叛應海都十九年撒里蠻悔過執昔里吉來歸乃蠻帶亦降二十一年牙忽都與土土哈得海都謀人知其虛實衝其精兵海都敗走得所俘掠軍民迎北平王安童與石天麟還是時乃顏反遼東海都伺其隙二十五年六月海都遣將暗伯著暖犯業里千淖爾冬又數犯邊拔都也孫脫死之於是成宗鎮金山前衛親軍都指使玉哇失從甯遠王闊闊出丞相朶兒朶懷擊海都

軍復擊其將八憐八憐敗海都復使禿苦馬領精卒三萬據撒刺思河以拒玉哇失率善射三百人却之二十六年六月海都兵至和林宣慰司怯伯同知乃滿帶副使八里鐵兒皆叛應海都北鄙大震七月世祖親征皇孫晉王抵杭海戰不利車駕歸明年海都又入寇官軍不戰而潰二十九年諸王明里帖木兒叛從海都伯顏敗之於阿撒忽禿嶺會有譖伯顏與海都通者御史大夫玉昔帖木兒代之未上而海都又至

朔方備乘

卷三十四

元代北徵諸王傳

古

伯顏欲誘之深入且戰且行七日衆不可海都遂脫去是年秋土土哈略地金山獲海都之戶三千餘詔土土哈進取乞里吉思三十年春王師次謙河海都引兵至虜都阿思之民元貞初海都犯西番界大德元年土土哈之子牀兀兒北征踰金山至答魯忽河敗其將帖良古追奔五十里還次阿雷河與海都援師李伯遇李伯陣河上高山牀兀兒渡河擊敗之追奔三十餘里五年海都與土哇大入八月朔戰於鐵堅古

山越二日海都悉眾來大戰於合刺合塔王師失利明日復戰官軍分爲五爲海都所乘囊加台以勇敢千人衝之乃退其明年海都又犯邊不得志去旋死諸叛王多先後降土哇亦內附海都子察八兒因請和十一月遣諸王滅怯禿玉龍鐵木而使於察八兒八年察八兒使至賜幣六百匹九年又與土哇遣使至賜銀千四百兩鈔七千八百餘定自海都創亂其民七十餘萬散居雲朔間北邊不靖者垂五十年至大三

朔方備乘

卷三十四

元代北徽諸王傳

七

年尙書省言昔世祖有旨以叛王海都分地五戶絲爲幣帛俟彼來降賜之藏二十餘年今其子察八兒向慕德化歸覲闕廷請以賜之帝曰世祖謀慮深遠若是待諸王朝會頒賞旣畢卿等備述其故然後與之使彼知愧六月壬申察八兒來朝詔設宴大庭諸王大臣被宴服就列康里脫脫卽席陳西北諸藩始終離合之由去逆效順之義且告祀太廟延祐二年封察八兒爲汝甯王置王傅官察八兒薨子完者帖木兒

嗣完者帖木兒薨子忽刺台泰定元年嗣汝甯王泰定帝殂爲其太子起兵拒文宗兵敗走不知所終

元諸王土哇傳

土哇今改都幹

土哇亦作篤娃拙赤孫拔都子太祖嫡長曾孫也不得立居恆怏怏而拔都乃心王室故至元之初土哇叛跡未露旣嗣位以所分地居金山南據要害海都地在金山北土哇與接壤金山今謂之阿勒坦山自額爾齊斯河南岸繞而北

朔方備乘

卷三十四

元代北徽諸王傳

七

直抵俄羅斯境西接烏拉嶺皆金山也土哇陰通海都與諸王相攻至元十二年土哇與卜思巴等率兵十二萬圍火州火州亦都護所治也土哇使說亦都護降且聲言曰阿只吉奧魯只諸王以三十萬眾猶不能抗我而自潰爾敢以孤城當吾鋒乎亦都護不從受圍凡六月不解土哇以書繫矢射城中曰我亦太祖諸孫何以不附我爾祖嘗尙公主爾能以女與我則休兵不然急攻爾亦都護恐以其女也立亦里迷失

別吉厚載以茵縫城下乃解去二十三年秋土哇與海都同侵別失八里虜屯田管軍總管李進時宣慰司恭公直從伯顏進戰於洪水山公直子瑗戰死公直與妻俱陷二十五年九月土哇又犯邊海都連年大入土哇與相為表裏大德二年牀兀兒攻海都八憐土哇與徹徹禿等潛師襲火兒哈禿阻山為營牀兀兒選勇而善步者持挺及四面上奮擊覆其軍五年土哇又與海都南侵武宗與戰於鐵堅古山王師為海

朔方備乘

卷三十四

元代北徽諸禿

六

都所乘土哇復與大軍相持於兀兒禿牀兀兒與玉哇失以精銳馳其陣阿失射土哇中其膝號而遁而海都又死土哇失所倚乃與察八兒明里帖木兒謀曰我太祖艱難成帝業我子孫弗克靖恭連年構兵以相殘殺是自隳祖宗之業也不若請命罷兵休息吾民七年請內附月赤察兒方副武宗撫軍言於武宗曰土哇請降為我大利固當待命於上然往返再閱月必失事機土哇之妻我弟馬兀合刺之妹也宜遣之

往許其成八年九月土哇與察八兒同遣使降皆賜幣九年二月賜土哇使者幣五百匹四月又賜使者銀鈔十月駙馬按魯不花自土哇所歸朝賜銀鈔其時定制諸王駙馬之使者支鋪馬有程期過限不再給是年陝西行省言於朝曰諸王駙馬多邊藩鎮戍其所遣乃為軍需纜過程期即不祇應使其人市食步趨非所宜也今迤北土哇等遣使人覲驛騎往來儻揚聞於外誠非國家柔遠人懷萬邦之良規朝廷躋之

朔方備乘

卷三十四

元代北徽諸禿

七

為改制十年九月土哇遣其子寬閣來賀聖誕節次年卒土哇故偃蹇終其身未肯入朝至大元年寬閣嗣月赤察兒既破禿曲滅遣使奏曰禿曲滅分地金山本懷攜貳而察八兒遊兵近境儻合謀致死則垂成之功不就且長為國患臣以為昔者土哇先眾請和雖死宜安撫寬閣使不我異乃賜寬閣金銀鈔七月遣塔察兒九人往使九月又使焉且以薛迷思干等城二年賦與之禿曲滅果欲奔寬閣不見納亦來降

元諸王脫忽傳

脫忽蔑里子也蔑里爲憲宗所遷居於葉兒的石河葉兒的石河卽今之額爾齊斯河其水發源科布多之西瀦爲宰桑泊又北入俄羅斯境行七千餘里注北海元太祖自西域班師於葉兒的石河過夏次年乃歸土拉河地在金山之北今杜爾伯特舊游牧處在額爾齊斯下游宰桑泊之北濱湖地腴宜耕牧當是元祖過夏處蔑里所遷則更在其北屬今俄羅斯境脫忽旣

朔方備乘

卷三十四

元太祖諸王傳

三

嗣爵意不自得昔里吉之劫北平王也脫忽與知之至元十四年宗王別里鐵穆兒征昔里吉師次金山有使者云自脫忽王所來曰我受分地守之不敢失凡上所使與昔里吉之過我者吾皆飲食之今聞王來甚喜一見可乎王以爲信左右曰詐也脫忽所居地險殆與昔里吉爲耳目乃羈其人遣兵從間道窺之獲游騎三十得其情知脫忽方酣飲進擊之獲昔里吉所遣使脫忽因太宗孫嘗藏太宗玉璽傳至孫禿滿

朔方備乘

卷三十四

元太祖諸王傳

三

獻之封陽翟王族有察阿台者嗣王居故地延祐三年武宗長子和世璜爲丞相鐵木迭兒等所間不得立以周王出鎮雲南行次延安西行至金山察阿台聞之率衆迎周王至其部與定約束每歲冬居扎顏夏居幹羅幹察山春則耕於野泥十餘年歲戊辰七月泰定帝殂僉樞密院事燕帖木兒謀舉義立周王爲帝是爲明宗十月明宗發北邊察阿台與沿邊元帥朶列捏萬戶買驢等帥師扈行踰金山明年正月明宗卽位和林北帝謂中書左丞躍里帖木兒曰朕至上都宗藩皆會諸王察阿台從朕遠來有司供張皆宜豫備其與臣僚議之八月次王忽察都明宗遇弒至正元年錄扈從明宗諸王官屬功凡八百七人賜金銀鈔幣有差

元諸王那木罕傳

那木罕今改諾摩罕

那木罕亦作那沒罕亦作南木合世祖第四子至元二年封北平王命丞相安童輔之建幕府於和林北阿力麻里之地在北庭西北四五千

一多一子 九 然作西 卷三十四 3 片上夕

里十四年七月河平王昔里吉叛執那木罕昔里吉者憲宗第四子也至元五年封亦居阿力麻里賜駝紐金印魏源曰其封地在海都之西金山之北東至額爾齊斯河西至烏拉嶺今俄羅斯國都莫斯科地也當世祖時海都方跋扈昔里吉潛與脫脫木兒藥木忽兒等謀劫那木罕以叛械繫丞相安童使通好於海都遂率兵至和林城北帝命伯顏將兵拒之過於幹魯歡河夾水而陣相持彌日伺其懈掩擊破之十九年昔里吉為諸王撒里蠻所執那木罕始得歸改封北安王仍鎮北邊二十一年還朝賜鈔一萬二百四十六錠重給金印與之大德五年薨延祐七年賜諡昭定昔里吉被執後為漢軍都元帥李庭所襲擒啟皇子只必帖木兒誅之李庭復引兵會諸王納里忽渡塔迷兒河殲其餘黨河西悉平塔迷兒河即塔米爾河在烏里雅蘇台之東會鄂爾坤以入色楞格者也詳攷地勢知那木罕所鎮之阿力麻里實在北而不在西

朔方備乘

卷三十四

元代北徵諸王傳

三

西域水道記以伊犁之阿里瑪圖當之其說固未確已

朔方備乘卷三十四

知縣吳壽坤初校知縣成明郁覆校

朔方備乘

卷三十四

元代北徵諸王傳

三

朔方備乘卷第三十五

傳五

歷代北徼用兵將帥傳敘

甘延壽

以上漢將 陳湯

李勣

蘇定方

以上唐將 博爾忽

月赤察兒

速不台

曷思麥里

忙哥撒兒

郭寶玉

郭德海

郭侃

土土哈

牀兀兒

以上元將

臣 秋濤謹案宣威敵愾賴有將帥之臣北徼俄

朔方備乘

卷三十五

歷代北徼用兵將帥傳敘

一

羅斯境距中國最遠然邳支持堅昆之強而甘延壽陳湯誅之薛延陀阻諾真之險而李勣破之賀魯遠遁石國而蘇定方擒之則知專閫得人戰無前敵豈不信哉元太祖初興在黑龍江源之幹難河故長子朮赤及博爾忽等先取菊海謙河以北地皆在今俄羅斯東境迨用兵西域由阿速進平欽察幹羅思等部速不台曷思麥里等諸將功績懋著由是今俄羅斯西境亦全入版圖迨海都諸王據謙河北地以叛則土

土哈牀兀兒父子戰績尤偉其用兵山川城堡

之形勢攻取屯戍之事蹟具在方策按之今日

地形釐然可攷語曰前事不忘後事之師也諸

將列傳分載各史艱於檢閱允宜合而編之以

備覽觀故彙次為一卷云

臣秋濤謹案遼金元三史人名地名對音

未能確當前於乾隆年間曾經改定茲因兼採諸家文集說部互相考證若概行改依對音則

考訂之處轉覺歧互是以仍載原名加以考訂附記於此

漢甘延壽陳湯傳

甘延壽字君况北地郁郅人也少以良家子善

朔方備乘

卷三十五

歷代北徼用兵將帥傳

二

騎射為羽林投石拔距絕于等倫

應劭曰投石以石投人也

師古曰拔距者有人連坐相抱據地距以為堅而能拔取之皆言其有手擊之力今人猶有拔

爪之戲蓋拔距之遺法 嘗超踰羽林亭樓由是遷為郎試

弁為期門弁手搏也以材力愛幸稍遷至遼東太守

免官車騎將軍許嘉薦延壽為郎中諫大夫使

西域都護騎都尉與副校尉陳湯共誅斬郅支

單于封義成侯薨諡曰壯侯傳國至曾孫王莽

敗酒絕

陳湯字子公山陽瑕丘人也少好書博達善屬

文家貧句貧無節不為州里所稱句乞也貧今作貸借也

西至長安求官得太官獻食丞數歲富平侯張

勃與湯交高其能初元二年元帝詔列侯舉茂

材勃舉湯湯待遷父死不葬喪司隸奏湯無循

行勃選舉故不以實坐削戶二百會薨因賜諡

曰繆侯師古曰以其繆舉人也湯下獄論後復以薦為郎

數求使外國久之遷西域副校尉與甘延壽俱

出先是宣帝時匈奴乖亂五單于爭立呼韓邪

單于與郅支單于俱遣子入侍漢兩受之後呼

朔方備乘 卷三十五 歷代徵異傳 三

韓邪單于身入稱臣朝見郅支以為呼韓邪破

弱降漢不能自還即西收右地會漢發兵送呼

韓邪單于臣秋濤謹案郅支自將西收右地則左地空虛而漢以是時送呼韓邪還

遂不勞而定左地矣此漢之得策而郅支之失

計也左地蓋謂金山以東右地則金山以西

郅支由是遂西破呼僞堅昆丁令服虔曰呼僞小國名在何

奴北僞音起厲翻令與零同臣秋濤謹案郅支失左地不能東行故遂西三國皆舊屬匈奴在

今俄羅斯悉伯利部境匈奴傳郅支單于北擊

烏揭降發其兵西破堅昆北降丁令是堅昆在

烏孫北烏揭之西兼三國而都之臣秋濤謹案

丁令又在其北也郅支單于留

都堅昆東距單于庭七千里南距車師五

千里當在俄羅斯國額爾齊斯河附近地怨漢

擁護呼韓邪而不助已困辱漢使者江迺始等

初元四年遣使奉獻因求侍子願為內附漢議

遣衛司馬谷吉送之御史大夫貢禹博士匡衡

以為春秋之義許夷狄者不一而足師古曰言皆稱其

所求也今郅支單于鄉化未醇所在絕遠宜令

使者送其子至塞而還吉上書言中國與夷狄

有羈縻不絕之義今既養全其子十年德澤甚

厚空絕而不送從塞還示棄捐不畜師古曰畜謂愛養也

使無鄉從之心棄前恩立後怨不便議者見前

朔方備乘 卷三十五 歷代徵異傳 四

江迺始無應敵之數知勇俱困以致恥辱即豫

為臣憂臣幸得建疆漢之節承明聖之詔宣諭

厚恩不宜敢桀師古曰言郅支畏威當不敢桀黠也臣秋濤謹案敢桀猶云傲

慢師古若懷禽獸臣秋濤謹案一說非是加無道于臣

則單于長嬰大罪嬰猶帶也必遁逃遠舍不敢近邊

沒一使以安百姓國之計臣之願也願送至庭

師古曰上以示朝者禹復爭以為吉往必為國

取悔生事不可許右將軍馮奉世以為可遣上

許焉既至郅支單于怒竟殺吉等自知負漢又

問呼韓邪益疆遂西奔康居康居王以女妻支

支支亦以女予康居王康居甚尊敬支欲

倚其威以脅諸國支數借兵擊烏孫深入至

赤谷城殺略民人歐畜產烏孫不敢追西邊空

虛不居者且千里支單于自以大國威名尊

重又乘勝驕不為康居王禮怒殺康居王女及

貴人人民數百或支解投都賴水中師古曰支其四支也都賴支水名發民作城日作五百人二歲迺已

又遣使責闐蘇大宛諸國歲遺師古曰胡廣云康居北可一千

朔方備乘

卷三十五

歷代北極用兵將帥傳

五

里有國名奄蔡一名闐蘇然則闐蘇即奄蔡也歲遺者年常所獻遺之物遺音弋季翻

敢不于漢遣使三輩至康居求谷吉等死師古曰死尸也

也支支困辱使者不肯奉詔而因都護上書言

居困阨願歸計疆漢遣子入侍師古曰故為此言以調戲也歸

計謂歸附而受計策也其驕嫚如此建昭三年湯與延壽

出西域湯為人沈勇有大慮多策謀喜奇功每

過城邑山川常登望既領外國與延壽謀曰夷

狄畏服大種其天性也西域本屬匈奴今支

單于威名遠聞侵陵烏孫大宛常為康居畫計

欲降服之如得此二國北擊伊列西取安息南

排月氏山離烏弋數年之間城郭諸國危矣服

曰山離烏弋不在三十六國中夫中國二萬里師古曰謂西域國為城郭者言不隨畜牧遷徙

以別於匈奴也且其人剽悍剽輕也好戰伐數取勝久

畜之必為西域患支單于雖所在絕遠蠻夷

無金城強弩之守如發屯田吏士歐從烏孫眾

兵師古曰驅師之令隨從也直指其城下彼亡則無所之守

則不足自保之往也干載之功可一朝而成也

延壽亦以為然欲奏請之湯曰國家與公卿議

朔方備乘

卷三十五

歷代北極用兵將帥傳

六

大策非凡所見事必不從師古曰言凡庸之人不能遠見故壞其事也

延壽猶與不聽會其久病湯獨矯制發城郭

諸國兵車師戊己校尉屯田吏士延壽聞之驚

起欲止馬湯怒按劍斥延壽曰大眾已集會豈

子欲沮眾邪延壽遂從之部勒行陳益置揚威

白虎合騎之校張晏曰西域之名也師古曰一校則別為一部軍故稱校耳湯

特新置此等諸校名以為威聲也漢兵胡兵合四萬餘人延壽

湯上疏自劾奏矯制陳言兵狀即日引軍分行

別為六校其三校從南道踰蔥嶺徑大宛其三

校都護自將發温宿國從北道入赤谷過烏孫

涉康居界至闐池西而康居副王抱閼將數千

騎寇赤谷城東闐音填殺略大昆彌千餘人歐畜

產甚多從後與漢軍相及頗寇盜後重重謂輜

湯縱胡兵擊之殺四百六十人得其所略民四

百七十人還付大昆彌其馬牛羊以給軍食又

捕得抱閼貴人伊奴毒入康居東界令軍不得

為寇間呼其貴人屠墨見之間謂密呼也諭以威信

與飲盟遣去徑引行未至單于城可六十里止

朔方備乘 卷三十五 歷代徵用兵將帥傳 七

營復捕得康居貴人貝色子男開牟以為導貝

色子即屠墨母之弟皆怨單于由是具知郵支

情明日引行未至城三十里止營單于遣使問

漢兵何以來應曰單于上書言居困阨願歸計

疆漢身入朝見天子哀閱單于棄大國屈意康

居故使都護將軍來迎單于妻子恐左右驚動

故未敢至城下使數往來相答報延壽湯因讓

之我為單于遠來而至今無名王大人見將軍

受事者師古曰名王諸王之貴者受事受教命而供事也何單于忽大

計失客王之禮也兵來道遠人畜罷極食度且

盡恐無以自還願單于與大臣審計策明日前

至郵支城都賴水上離城三里止營傅陳傳讀

敷布望見單于城上立五采幡織織讀曰幟音式志翻數

百人被甲乘城乘謂登之備守也又出百餘騎往來馳

城下步兵百餘人夾門魚鱗陳師古曰言其相

講習用兵城上人更招漢軍曰闕來更互也音上行翻

百餘騎馳赴營營皆張弩持滿指之騎引却頗

遣吏士射城門騎步兵騎步兵皆入延壽湯令

朔方備乘 卷三十五 歷代徵用兵將帥傳 八

軍聞鼓音皆薄城下薄迫也四面圍城各有所守

穿塹塞門戶鹵楯為前戟弩為後印射城中樓

上人樓上人下走土城外有重木城從木城中

射頗殺傷外人外人發薪燒木城夜數百騎欲

出外迎射殺之初單于聞漢兵至欲去疑康居

怨已為漢內應又聞烏孫諸國兵皆發自以無

所之郵支已出復還曰不如堅守漢兵遠來不

能久攻單于乃被甲在樓上諸闕氏夫人數十

皆以弓射外人外人射中單于鼻諸夫人頗死

單于下騎傳戰大內師古曰下騎謂下樓而騎之內室也言且戰夜過半木城穿中人卻入土城乘城呼乘登也時康居兵萬餘騎分爲十餘處

四面環城亦與相應和夜數奔營不利輒卻平明四面火起吏士喜大呼乘之乘逐也鉦鼓聲動

地康居兵引卻漢兵四面推鹵楯並入土城中

單于男女百餘人走入大內漢兵縱火吏士爭

入單于被創死軍候假丞杜勳斬單于首得漢

使節二及谷吉等所齎帛書諸鹵獲以畀得者

朔方備乘

卷三十五

歷代北徵用兵將帥傳

九

師古曰畀予也各以與所得人凡斬閼氏太子名王以下千五

百一十八級生虜百四十五人降虜千餘人賦

予城郭諸國所發十五王師古曰賦謂班與之也所發十五王謂所

發諸國之兵共圍到支者也於是延壽湯上疏曰臣聞天下

之大義當混爲一昔有唐虞今有疆漢匈奴呼

韓邪單于已稱北藩唯邳支單于叛逆未伏其

辜大夏之西以爲疆漢不能臣也邳支單于慘

毒行於民大惡通於天臣延壽臣湯將義兵行

天誅賴陛下神靈陰陽並應天氣精明陷陳克

敵斬邳支首及名王以下宜縣頭臺街蠻夷邸

間晉灼曰黃圖在長安城門內臺街街名也以示

萬里明犯疆漢者雖遠必誅事下有司丞相匡

衡御史大夫繁延壽繁音蒲何翻以爲邳支及名王

首更歷諸國蠻夷莫不聞知月令春掩骼埋胔

之時宜勿縣車騎將軍許嘉右將軍王商以爲

春秋夾谷之會優施笑君孔子誅之方盛夏首

足異門而出宜縣十日迺埋之有詔將軍議是

初中書令石顯嘗欲以姊妻延壽延壽不取及

朔方備乘

卷三十五

歷代北徵用兵將帥傳

十

丞相御史亦惡其矯制皆不與湯湯素貪所鹵

獲財物入塞多不法師古曰不法者私自取之不依軍法司隸校

尉移書道上繫吏士按驗之湯上疏言臣與吏

士共誅邳支單于幸得禽滅萬里振旅師古曰振旅振整也旅眾也宜有使者迎勞道路今司隸反逆收

繫按驗是爲邳支報讎也上立出吏士令縣道

具酒食以過軍既至論功石顯匡衡以爲延壽

湯擅興師矯制幸得不誅如復加爵土則後奉

使者爭欲乘危微幸生事于蠻夷爲國招難漸

漸

不可開元帝內嘉延壽湯功而重違衡顯之議重難也議久不決故宗正劉向上疏曰郅支單于

囚殺使者吏士以百數事暴揚外國傷威毀重羣臣皆閉馬陛下赫然欲誅之意未嘗有忘西

域都護延壽副校尉湯承聖指倚神靈總百蠻之君搃城郭之兵師古曰搃總持之也出百死入絕域遂

陷康居屠五重城奪欵侯之旗音騫斬郅支之首懸旌萬里之外揚威昆山之西埽谷吉之

恥立昭明之功萬夷懼伏莫不懼震懼恐也呼韓

朔方備乘 卷三十五 歷代北徵用兵將帥傳 十一

邪單于見郅支已誅且喜且懼鄉風馳義稽首來賓願守北藩累世稱臣立千載之功建萬世

之安羣臣之勲莫大焉昔周大夫方叔吉甫為宣王誅獫狁而百蠻從其詩曰嘽嘽焯焯如霆

如雷顯允方叔征伐獫狁蠻荆來威師古曰小雅采芑之

詩也嘽嘽眾也焯焯盛也言車徒既眾且盛有如雷霆故能克定獫狁而令荆土之蠻亦畏威而來易曰有嘉折首獲匪其醜師古曰離上九爻辭也嘉善也

醜類也言王者出征克勝言美誅首惡之人而諸不順者皆來從也今延壽湯所誅震雖易之

折首詩之雷霆不能及也論大功者不錄小過舉大美者不疵細瑕司馬法曰軍賞不踰月欲

民速得為善之利也蓋急武功重用人也吉甫之歸周厚賜之其詩曰吉甫宴喜既受多祉來

歸自鎬我行永久師古曰小雅六月之詩也鎬地名非豐鎬之鎬此鎬及方

皆在周之北時獫狁侵鎬及方至于涇陽吉甫薄伐自鎬而還王以燕禮樂之多受福賜以其

行役有功日千里之鎬猶以為遠况萬里之外其勤至矣延壽湯既未獲受祉之報反屈指命

朔方備乘 卷三十五 歷代北徵用兵將帥傳 十二

之功久挫於刀筆之前非所以勸有功厲戎士也昔齊桓公前有尊周之功師古曰謂伐楚責苞茅及會王太子

于首後有滅項之罪師古曰項國名也春秋僖十七年夏滅項公羊傳曰齊滅之也不言齊為桓公諱也桓公嘗有繼絕存亡之功故君子為之諱君子以功

覆過而為之諱行事師古曰行事謂滅項之事也貳師將軍李廣利捐五萬之師靡億萬之費經四年之勞

靡音而屢獲駿馬三十匹雖斬宛王母鼓之首師古曰西域傳作母寡而此云母鼓鼓寡聲相近蓋戎狄之言不甚諦也猶不足以復費其私罪惡甚多孝武以為萬里征伐不錄

其過遂封兩侯三卿二千石百有餘人今康居

國疆于大宛邛支之號重于宛王殺使者罪甚於留馬而延壽湯不煩漢士不費斗糧比于貳師功德百之且常惠隨欲擊之烏孫鄭吉迎自來之日逐猶皆裂土受爵故言威武勤勞則大于方叔吉甫列功覆過則優于齊桓貳師近事之功則高于安遠長羅師古曰安遠侯鄭吉長羅侯常惠也而大功未著小惡數布臣竊痛之宜以時解縣通籍孟康曰縣罪未竟也如言縣罰也通籍不禁止令得出入也除過勿治尊寵爵位以勸有功於是天子下詔曰匈奴邛支單

朔方備乘

卷三十五

歷代非微用兵將帥傳

三

于背畔禮義留殺漢使者吏士甚逆道理朕豈忘之哉所以優游而不征者重動師眾勞將率重難也故隱忍而未有云也今延壽湯暗便宜乘時利結城郭諸國擅興師矯制而征之賴天地宗廟之靈誅討邛支單于斬獲其首及闕氏貴人名王以下千數雖踰義干法內不煩一夫之役不開府庫之臧因敵之糧以贍軍用立功萬里之外威震百蠻名顯四海為國除殘兵革之原息邊境得以安然猶不免死亡之患罪當在

于奉憲朕甚閔之其赦延壽湯罪勿治詔公卿議封馬議者皆以為宜如軍法捕斬單于令匡衡石顯以為邛支本亡逃失國竊號絕域非真單于元帝取安遠侯鄭吉故事封千戶衡顯復爭迺封延壽為義成侯賜湯爵關內侯食邑各三百戶加賜黃金百斤告上帝宗廟大赦天下拜延壽為長水校尉湯為射聲校尉延壽遷城門校尉護軍都尉薨於官成帝初即位丞相衡復奏湯以吏二千石奉使顛命蠻夷中不正身

朔方備乘

卷三十五

歷代非微用兵將帥傳

古

以先下而盜所收康居財物戒官屬曰絕域事不覆校雖在赦前不宜處位湯坐免後湯上書言康居王侍子非王子也按驗實王子也湯下獄當死太中大夫谷永上疏訟湯曰臣聞楚有子玉得臣文公為之仄席而坐師古曰子玉楚大夫也得臣其名也春秋僖二十八年子玉帥師與晉文公戰於城濮楚師敗績晉師三日館穀而文公猶有憂色曰得臣猶在憂未歇也及楚殺子玉公喜而後可知也禮記曰有憂者仄席而坐蓋自貶也趙有廉頗馬服彊秦不敢窺兵井陘師古曰廉頗趙將也馬服君趙奢亦趙將也井陘之口趙之西界山險道也近漢有邛都魏

尙匈奴不敢南鄉沙幕由是言之戰克之將國

之爪牙不可不重也蓋君子聞鼓鞀之聲則思

將帥之臣師古曰禮之樂記曰鼓鞀之聲謹謹

則思將帥以立動動以進衆君子聽鼓鞀之聲

之臣也竊見關內侯陳湯前使副西域都護

忿郅支之無道閔王誅之不加策慮愾億義勇

奮發愾億憤怒之貌也愾音皮逼翻卒興師奔逝橫厲烏孫踰

集都賴如淳曰踰遠也遠集郅支都賴水屠三

重城斬郅支首報十年之逋誅雪邊吏之宿恥

逋亡也威震百蠻武暢西海漢元以來征伐方外

朔方備乘 卷三十五 歷代北徵用兵將帥傳 五

之將未嘗有也今湯坐言事非是幽囚久繫歷

時不決執憲之吏欲致之大辟昔白起爲秦將

南拔郢都北阬趙括以繼介之過賜死杜郵地名

也在咸陽西秦民憐之莫不隕涕今湯親秉鉞席卷

喋血萬里之外薦功祖廟告類上帝張晏曰謂

國事類告天地介胄之士靡不慕義以言事爲罪無赫

赫之惡周書日記人之功忘人之過宜爲君者

也尙書之外夫犬馬有勞于人尙加帷蓋之報

師古曰禮記稱孔子云敝幃弗棄爲種馬也敝蓋弗棄爲種狗也况國之功臣

者哉竊恐陛下忽于鼓鞀之聲不察周書之意

而忘帷蓋之施庸臣遇湯卒從吏議師古曰以

待遇之也使百姓介然有秦民之恨介然猶非

卒終也所以厲死難之臣也書奏天子出湯奪爵爲士

伍後數歲西域都護段會宗爲烏孫兵所圍驛

騎上書願發城郭敦煌兵以自救師古曰西域

敦煌郡丞相王商大將軍王鳳及百僚議數日

不決鳳言湯多籌策習外國事可問上召湯見

宣室湯擊郅支時中寒病兩臂不詘申湯入見

朔方備乘 卷三十五 歷代北徵用兵將帥傳 六

有詔毋拜示以會宗奏湯辭謝曰將相九卿皆

賢材通明小臣罷癯不足以策大事上曰國家

有急君其毋讓對曰臣以爲此必無可憂也上

曰何以言之湯曰夫胡兵五而當漢兵一何者

兵刃朴鈍弓弩不利今聞頗得漢巧然猶三而

當一又兵法曰客倍而主人半然後敵今圍會

宗者人衆不足以勝會宗唯陛下勿憂且兵輕

行五十里重行三十里今會宗欲發城郭敦煌

歷時迺至所謂報讎之兵非救急之用也上曰

奈何其解可必乎度何時解湯知烏孫瓦合不能久攻師古曰瓦合謂碎瓦之雜居不齊同故事不過數日師古曰故事謂以舊事測之因對曰已解矣詘指計其日曰不出

五日當有吉語聞居四日軍書到言已解大將軍鳳奏以為從事中郎莫府事一決于湯時成都侯商新為大司馬衛將軍輔政素不善湯白湯惑眾下獄治制曰湯前有討郅支單于功其免湯為庶人徙邊於是湯徙敦煌久之敦煌太守奏湯前親誅郅支單于威行外國不宜近邊

朔方備乘

卷三十五

歷代北極用兵將帥傳

七

塞詔徙安定議郎耿育上書言便宜因冤訟湯曰延壽湯為聖漢揚鉤深致遠之威雪國家累年之恥討絕域不羈之君係萬里難制之虜豈有比哉先帝嘉之仍下明詔宣著其功改年垂歷傳之無窮師古曰詔改年為竟甯也不以此事蓋當其年上書者附著耳應是南郡獻白虎邊垂無警備會先帝寢疾然猶垂意不忘數使尚書責問丞相趣立其功獨丞相匡衡排而不予封延壽湯數百戶此功臣戰士所以失望也孝成皇帝承建業之基乘征伐

朔方備乘

卷三十五

歷代北極用兵將帥傳

八

之威兵革不動國家無事而大臣傾邪讒佞在朝曾不深惟本未之難以防未然之戒欲專主威排妬有功使湯塊然被冤拘囚不能自明卒以無罪老棄敦煌正當西域通道令威名折衝之臣旋踵及身復為郅支遺虜所笑誠可悲也至今奉使外蠻者未嘗不陳郅支之誅以揚漢國之盛夫援人之功以懼敵棄人之身以快讒援引也音爰豈不痛哉且安不忘危盛必慮衰今國家素無文帝累年節儉富饒之畜又無武帝薦延臬俊禽敵之臣如淳曰薦延使羣臣薦士而延納之師古曰臬謂斬其首而縣之也後謂敵之魁率郅支是也獨有一陳湯耳假使異世不及陛下尚望國家追錄其功封表其墓以勸後進也湯幸得身當聖世功曾未久反聽邪臣鞭逐斥遠使亡逃分竄死無處所師古曰分謂散離也遠覽之士莫不計度以為湯功累世不可及而湯過人情所有湯尚如此雖復破絕筋骨暴露形骸猶復制于唇舌為嫉妒之臣所係虜耳此臣所以為國家尤戚戚也書奏天子還湯卒於長安

唐李勣傳

李勣曹州離狐人也本姓徐氏名世勣永徽中以犯太宗諱單名勣焉先事李密後歸唐累立大功太宗卽位拜并州都督貞觀三年爲通漠道行軍總管至雲中與突厥頡利可汗兵會大戰於白道突厥敗屯營於磧口遣使請和詔鴻臚卿唐儉往赦之勣時與定襄道大總管李靖軍會相與議曰頡利雖敗人衆尙多若走渡磧保於九姓道遙阻深追則難及今詔使唐儉至

朔方備乘

卷三十五

歷代北徵用兵將帥傳

九

彼其必弼備我等隨後襲之此不戰而平賊矣靖扼腕喜曰公之此言乃韓信滅田橫之策也於是定計靖將兵逼夜而發動勒兵繼進靖軍旣至賊營大潰頡利與萬餘人欲走渡磧勣屯軍於磧口頡利至不得渡磧其大酋長率其部落並降於勣虜五萬餘口而還時高宗爲晉王遙領并州大都督授勣光祿大夫行并州大都督府長史十一年改封英國公勣在并州凡十六年令行禁止號爲稱職太宗謂侍臣曰隋煬

帝不能精選賢良安撫邊境惟解築長城以備

突厥情識之惑一至於此朕今委任李世勣於并州遂使突厥畏威遁走塞垣安靜豈不勝遠築長城耶十五年徵拜兵部尙書未赴京會薛延陀遣其子大度設帥騎八萬南侵突厥李思摩部落思摩遣使請救命勣爲朔州行軍總管率輕騎三千又蒲州刺史薛萬徹率步騎數萬赴之踰白道川至青山與大度設相及追之累月至諾真水大度設知不脫乃亘十里而陳兵

朔方備乘

卷三十五

歷代北徵用兵將帥傳

十

先是薛延陀擊沙鉢羅及阿史那社爾等以步戰而勝及其將來寇也先講武於國中教習步戰每五人以一人經習戰陣者使執馬而四人前戰克勝卽授馬以追奔失應接罪至於死沒其家口以賞戰人至是遂行其法突厥兵先合輒退延陀乘勝而逐之勣兵拒擊而延陀萬矢俱發傷我戰馬乃令去馬步陣率長稍數百爲隊齊奮以衝之其衆潰散副總管薛萬徹率數千騎收其執馬者其衆失馬莫知所從因大縱

斬首三千餘級獲馬萬五千匹甲仗輜重不可勝計大度設跳身遁餘眾大奔伏屍蔽野夷男遣使謝罪是役也勣斬名王一人俘獲首領虜五萬餘計以功封一子為縣公十七年轉太子詹事兼左衛率加位特進同中書門下三品十八年太宗親征高麗授勣遼東道行軍大總管攻破蓋牟遼東白崖等數城以功封一子為郡公二十年薛延陁部落擾亂詔勣將二百騎便發突厥兵討擊至烏德鞬山大戰破之其大首

朔方備乘

卷三十五

歷代北魏用兵將帥傳

三

領梯真達于率眾來降其可汗咄摩支南竄於荒谷遣通事舍人蕭嗣業招慰部領送於京師磧北悉定二十二年轉太常卿仍同中書門下三品旬日復除太子詹事二十三年出為疊州都督高宗即位召拜洛州刺史尋加開府儀同三司册拜尚書左僕射永徽四年拜司空總章元年命為遼東道行軍總管伐高麗滅之二年加太子太師薨年七十六

臣秋濤謹案唐初將帥之著聞者首推英衛勣

朔方備乘

卷三十五

歷代北魏用兵將帥傳

三

之滅突厥頡利也與靖合謀及後再破薛延陁則勣獨將功尤多考其地域破頡利於磧口乃今內蒙古吳拉忒部西北地繼追及薛延陁於青山則在今外蒙古喀爾喀地又追累月至諾真水蓋即今俄羅斯境內之水其破大度設即在此水之上蓋是時唐之兵威已及俄羅斯矣迨貞觀二十年大破薛延陁於烏德鞬山則在今杭愛山之北按唐書天寶初回紇表羅徙牙烏德鞬山昆河之間南距西受降城千七百里又地理志中受降城正北如東八十里有呼延谷又五百里至鵲鷄泉又十里入磧經廢鹿山鹿耳山錯甲山八百里至山鷲子井又西北經蜜粟山達旦泊野馬泊可汗泉橫嶺鏡泊七百里至回鶻衙帳東有平野西據烏德鞬山南依盟昆水北六七百里至仙娥河烏德鞬山左右盟昆河獨邏河皆屈曲東北流至衙帳東北五百里合流以地理水道考之盟昆河即鄂爾坤河仙娥河即色楞格河獨邏水即獨樂水又作

獨洛水亦名合羅水亦名同羅水今謂之土喇
 河者也皆在今車臣土謝圖兩部境內考突厥
 自木杆可汗強盛時東至海西至西海萬餘里
 南自沙漠北至北海五六千里今俄羅斯全境
 皆其地也貞觀初太宗方圖頡利册薛延陀部
 長夷男為真珠毗伽可汗夷男建牙於鬱督軍
 山在長安西北六千里迴紇拔野古阿跌同羅
 僕骨雷諸大部落咸屬焉鬱督軍山距長安六
 千里當在今俄羅斯東境距北海不遠之地迨
 朔方備乘 卷三十五 歷代北徼用兵將帥傳 三

頡利既為唐擒薛延陀夷男始南保都尉犍山
 居獨邏水之陰遠京師纔三千里而羸都尉犍
 山即烏德鞬山也是薛延陀本居於今俄羅斯
 東方悉伯利部地其南徙烏德鞬山距為李勣
 所破始末不過十餘年耳其南徙後北海以南
 諸部猶服屬之李勣奏烏德鞬山之捷在貞觀
 二十年至二十一年而都波即今俄羅斯都莫司部拔野
 古即今俄羅斯巴爾古錫穆城鞠即今俄羅斯義爾古德部俞即今俄羅斯拔野
 庫部即今俄羅斯白霄當在今尼布楚城
 南境大漢即今俄羅斯土爾汗地

骨利幹即今俄羅斯伊聶謝斯科結骨即今俄羅斯托穆斯科地諸國或
 舉部來降或遣使朝貢諸國均在今俄羅斯國
 東境極於北海是皆薛延陀舊屬聞捷來降者
 也然則勦之用兵北徼聲威遠震功誠偉矣太
 宗之撫有四裔稱天可汗豈不賴有良將哉
 唐蘇定方傳

蘇定方冀州武邑人也父邕大業末率鄉閭數
 千人為本郡討賊定方驍勇多力膽氣絕倫年
 十餘歲隨父討捕先登陷陣父卒郡守又令定
 朔方備乘 卷三十五 歷代北徼用兵將帥傳 四

方領兵破賊首張金稱于郡南手斬金稱又破
 楊公卿于郡西追奔二十餘里殺獲甚眾鄉黨
 賴之後仕竇建德建德將高雅賢甚愛之養以
 為子雅賢俄又為劉黑闥攻陷城邑定方每有
 戰功及黑闥雅賢死定方歸鄉里貞觀初為匡
 道府折衝隨李靖襲突厥頡利于磧口靖使定
 方率二百騎為前鋒乘霧而行去賊一里許忽
 然霧歇望見其牙帳馳掩殺數十百人頡利及
 隋公主狼狽散走餘眾俯伏靖軍既至遂悉降

之軍還授左武侯中郎將承徽中轉左衛勳一
 府中郎將從左衛大將軍程知節征賀魯為前
 軍總管至鷹娑川臣秋濤謹案鷹娑川在今喀喇沙爾所屬珠勒都斯地
 突厥有二萬騎來拒總管蘇海政與戰互有前
 卻既而突厥別部鼠尼施等又領二萬餘騎續
 至定方正歇馬隔一小嶺去知節十許里望見
 塵起率五百騎馳往擊之賊眾大潰追奔二十
 里殺千五百餘人獲馬二千匹死馬及所棄甲
 仗綿亘山野不可勝計副大總管王文度害其

朔方備乘

卷三十五

歷代北徵用兵將帥傳

三

功謂知節曰雖云破賊官軍亦有死傷自今正
 可結為方陣輜重並納腹中四面布隊人馬被
 甲賊來即戰自保萬全無為輕脫致有傷損又
 矯稱別奉聖旨以知節恃勇輕敵使文度為其
 節制遂收軍不許深入終日跨馬被甲結陣由
 是馬多死士卒疲勞無有戰志定方謂知節曰
 本來討賊今乃自守馬餓兵疲逢賊即敗怯懦
 如此何功可立又公為大將聞外之事不許自
 專別遣軍副專其號令理必不然須囚繫文度

飛表奏之知節不從至怛篤城臣秋濤謹案一本作恒篤城誤
 有胡降附文度又曰比我兵迴彼還作賊不如
 盡殺取其資財定方曰如此自作賊耳何成伐
 叛文度不從及分財唯定方一無所取師還文
 度坐處死後得除名明年擢定方為行軍大總
 管又征賀魯以任雅相迴紇婆潤為副自金山
 之北指處木昆部落臣秋濤謹案今額敏地大破之其俟
 斤嬾獨祿以眾萬餘帳來降定方撫之發其千
 騎進至突騎施部賀魯率胡祿屋闕臣秋濤謹案即

朔方備乘

卷三十五

歷代北徵用兵將帥傳

三

今綏來 懾舍提噉臣秋濤謹案即今庫爾喀喇烏蘇地 鼠尼施
 處半噉臣秋濤謹案即今珠勒都斯地 處木昆屈律噉凡五努
 失畢兵馬眾且十萬來拒官軍定方率迴紇及
 漢兵萬餘人擊之賊輕定方兵少四面圍之定
 方令步卒據原攢稍外向親領漢騎陣於北原
 賊先擊步軍三衝不入定方乘勢擊之賊遂大
 潰追奔三十里殺人馬數萬明日整兵復進於
 是胡祿屋等五努失畢悉眾來降賀魯獨與處
 木昆屈律噉數百騎西走餘五咄陸聞賀魯敗

各向南道降於步員於是西蕃悉定唯賀魯及

唃廝囉率其牙內餘眾而奔定方追之復大戰於

伊麗水上臣秋濤謹案殺獲略盡賀魯及唃廝囉

十餘騎逼夜亡走定方遣副將蕭嗣業追捕之

至於石國臣秋濤謹案石國或曰柘支曰柘折

日赫時東北距西突厥西北波臘右

涯素葉河西南有藥殺水入中國謂之真珠河

亦曰質河東南有大山俞正燮云即俄羅斯始

起處也其國有恒羅斯城擒之而還高宗臨軒

定方戎服操賀魯以獻列其地為州縣極於西

海定方以功遷左驍衛大將軍封邢國公又封

朔方備乘

卷三十五

歷代職官將帥傳

三

子慶節為武邑縣公俄有思結闕侯斤都曼先

鎮諸胡擁其所部及疎勒臣秋濤謹案即朱俱

臣秋濤謹案唐朱俱般國亦作朱俱波葱嶺

在今葉爾羌所屬之裕勒阿里克界嶺

臣秋濤謹案唐喝盤陀國治葱三國復叛詔定

嶺山中蓋即此今拔達克山地方為安撫大使率兵討之至葉葉水而賊保馬

頭川於是選精卒一萬人馬三千匹馳掩襲之

一日一夜行三百里詰朝至城西十里都曼大

驚率兵拒戰於城門之外賊師敗績退保馬頭

城王師進屯其門入夜諸軍漸至四面圍之伐

木為攻具布列城下都曼自知不免面縛開門

出降俘還至東都高宗御乾陽殿定方操都曼

特勤獻之葱嶺以西悉定以功加食邢州鉅鹿

真邑五百戶顯慶五年從幸太原制授熊津道

大總管率師討百濟定方自成山濟海至熊津

江口賊屯兵据江定方升東岸乘山而陣與之

大戰揚帆蓋海相續而至賊師敗績死者數千

人自餘奔散遇潮且上連舳入江定方於岸上

擁陣水陸齊進飛檝鼓譟直趣真都去城二十

許里賊傾國來拒大戰破之殺虜萬餘人追奔

入郭其王義慈及太子隆奔於北境定方進圍

其城義慈次子泰自立為王嫡孫文思曰王與

太子雖並出城而身見在叔總兵馬即擅為王

假令漢兵退我父子當不全矣遂率其左右投

城而下百姓從之泰不能止定方命卒登城建

織於是泰開門頓顙其大將禰植又將義慈來

降太子隆并與諸城主皆同送款百濟悉平分

其地為六州俘義慈及隆泰等獻於東都定方

朔方備乘

卷三十五

歷代職官將帥傳

三

前後滅三國皆生擒其王賞賜珍寶不可勝計
乃拜其子慶節為尙輦奉御定方俄遷左武衛
大將軍乾封二年卒年七十六高宗聞而傷惜
謂侍臣曰蘇定方於國有功例合褒贈卿等不
言遂使哀榮未及興言及此不覺嗟悼遽下詔
贈幽州都督諡曰莊

臣秋濤謹案蘇定方破西突厥賀魯追至石國
擒之石國在今右哈薩部西北其地有藥殺水
恒邏斯城俞正燮云藥殺即羅刹恒邏斯即俄

朔方備乘

卷三十五

歷代職官兵將傳

元

羅斯也唐西域傳云恒邏斯城石國常分兵鎮
之自此抵西海矣故定方擒賀魯於石國列其
地為州縣至於西海所謂西海蓋指裏海而言
今俄羅斯正臨裏海之上與唐書所言相合唐
之兵力及此較漢征大宛尤為難已

元博爾忽月赤察兒傳

博爾忽元明善勳德碑作博爾渾臣秋許兀慎
濤謹案亦作博羅渾博羅歡

氏與木華黎等四將並事太祖為第一千戶身
經百戰功甚多吐麻部王都刺莎合兒既附而

叛太祖命博爾忽及都魯伯討平之博爾忽卒

於其地臣秋濤謹案吐麻一作禿滿地當子脫

歡襲職佐憲宗四征不庭有拓地功脫歡子失

烈門從征大理歿於軍失烈門之子月赤察兒

性仁儉年十六召見奏對詳明世祖喜曰博爾

忽可謂有後矣命領四怯薛太官帝討叛王子

杭海眾皆陣月赤察兒奏曰丞相安童伯顏御

史大夫月魯那顏皆受命專征三人者臣不可

以後之今勅敵逆命敢禦天戈惟陛下察臣使

朔方備乘

卷三十五

歷代職官兵將傳

三

臣一戰帝曰卿以安童輩與爾家同功一體各
立戰功自恥不逮然親屬囊鞬恭衛朝夕爾功
非小何必身踐行伍手事斬馘然後快意邪桑
哥既擅政多殺異己者平章也速答兒太官屬
也潛以其事來白月赤察兒奮然劾奏桑哥伏
誅帝嘉其口伐大奸以沒入桑哥金及水田水
磴別墅賜之都水使者請鑿渠西導白浮諸水
經都城東入潞河俾江淮之舟既達廣濟渠可
直泊都下帝勅四怯薛及諸府人專其役刻日

使畢工月赤察兒率屬著役者服操畚鍤以倡
趨者雲集渠成賜名通惠河帝語近臣曰是渠
非月赤察兒身率眾手成不速也成宗卽位加
太保錄軍國重事初金山南北爲叛王海都篤
哇所據命月赤察兒副晉王甘麻刺往備邊叛
王適入寇大軍分爲五隊鋒旣交頗失利月赤
察兒怒披甲持矛身率一軍陷陣四軍隨之合
擊寇始敗後篤哇來請臣時武宗亦在軍中月
赤察兒遣使議曰篤哇請降爲我大利固當待

朔方備乘

卷三十五

歷代徵用兵將帥傳

三

命於上然往返再閱月必失事機事機一失將
爲國患人民困於轉輸將士疲於討伐無已時
矣宜先遣報使許其臣附眾是其議旣遣始以
事聞帝嘆其有識叛王滅里鐵木兒等屯金山
武宗帥師出不意先踰金山月赤察兒以諸軍
繼進警之以威啖之以利乃率其部降察兒
者海都長子也海都死嗣領其眾月赤察兒遣
使奏曰諸王禿苦滅本懷攜貳而察兒遊兵
近境叛黨素無悛心儻合謀致死則垂成之功

廢於一旦今篤哇雖死其子款徹先眾請和宜
遣使撫安之使不我異又諸部旣已來歸我之
牧地不足宜處諸降人於金山之陽吾軍屯田
金山之北軍食旣饒又成重成就彼有謀吾已
擣其腹心矣武宗善其謀令移軍阿答罕三撒
海地已而察兒禿苦滅果欲奔款徹不見納
進退失據遂相率來降自是北邊以安碑云詔
兒女妻之賜以世祖宴幄以察八
成宗御輦及幘人樂工 帝曰卿先世佐我祖
宗常爲大將攻城野戰功烈甚著卿弼亮三朝

朔方備乘

卷三十五

歷代徵用兵將帥傳

三

宣忠底績靖謐中外朕入繼大統卿之謀猷居
多今立和林等處行中書省以卿爲右丞相特
封淇陽王宗藩將領實贈卿麾進止其母替所
服至大四年入朝以疾卒於第敕少府以香木
爲棺斂焉諡忠武

元速不台傳

速不台蒙古兀良氏先世嘗獵於斡難河上遇
元之先世敦必乃汗因相結納至太祖時已五
世矣其父曰哈班生二子長名忽魯渾次則速

不台俱驍勇善射速不台尤有膽略太祖初建興都於班朮納海即龍居河也哈班常驅羣羊入貢遇盜被執忽魯渾兄弟馳救刺殺盜父乃得免帝與乃蠻部戰於長城南忽魯渾以百戶從射却其眾奔開出檀山而潰時速不台以質子事帝亦為百戶歲壬申年攻金桓州先登拔其城丙子帝會諸將討蔑里乞部問誰能前驅者速不台請行帝壯之選裨將阿里出率百人先覘其虛實速不台戒之曰汝止宿必載嬰兒

朔方備乘

卷三十五

歷代用兵備傳

三

具以行去則遺之若為挈家逃者蔑里乞信之不設備大軍至蟾河與戰獲其二將部王霍都奔欽察臣秋濤謹案或云欽察即今俄羅斯所屬之奔薩部也按欽察當在俄羅斯北境或奔薩因欽察人遷此遂以為名耳眾盡降壬午帝征回鶻其王滅里委國而去命速不台追及於灰里河速不台駐軍河東使人燕三短以張軍勢其王望之夜遁復命統兵萬人由不罕川必里罕城追之晝夜兼行比至滅里逃入海死盡獲其所棄大珠銀器以獻明年奏請討欽察隨引兵繞寬

田吉思海轉至太和嶺鑿石開道出不意至則遇其部長玉里吉及塔塔哈兒方聚於不租河縱兵奮擊眾潰走遂收其境又至阿里吉河與幹羅思部大小密赤思老遇臣秋濤謹案幹羅思即今俄羅斯一戰降之大掠阿速部而還臣秋濤謹案阿速部即今俄羅斯南境之阿索富城帝欲征河西以速不台在外久諭令歸省速不台奏愿從西征帝命度大磧以往攻下撒里畏吾特勒赤閱等部及德順鎮戎蘭會洮河諸州會太祖殂乃還己丑太宗即位以禿滅

朔方備乘

卷三十五

歷代用兵備傳

三

干公主妻之命從太弟拖雷經理河南道出牛頭關遇金將完顏合達帥步騎數十萬待戰太弟問以方略對曰城居之人不耐勞苦數挑以勞之戰乃可勝也師集三峯山大風雪士卒多僵仆師乘之殺戮殆盡壬辰夏拖雷還駐官山留速不台統諸道兵圍汴金主棄汴走蔡金元帥崔立以汴降俘金太后王氏后徒單氏及荆王從恪梁王守純等進圍蔡州城中鞍靴敗鼓糜煮皆盡甲午蔡州破金亡時汴梁受兵久歲

饑米升至銀一兩速不台下令縱民北渡就食

初金帥完顏合撻被獲將就死問速不台安在

請一識之速不台出曰汝須與人耳識我何為

曰君勇蓋諸將天生英傑豈偶然耶吾見君甘

心瞑目矣乙未太宗命諸王拔都及皇子貴由

皇姪蒙哥征西域遂再征欽察諸王拔都以速

不台為先鋒其主八赤蠻聞之懼逃入海復討

兀魯思部臣秋濤謹案兀魯思即前幹羅思譯字偶異非二部也圍禿里

思歌城不克遣速不台往一戰獲其主也烈班

朔方備乘

卷三十五

歷代北極異將帥傳

三

諸城皆下盡取所部而還經哈咂里山攻馬扎

爾部拔都等五道分進速不台出奇計誘其主

怯憐至灑甯河時諸王軍上流水淺又有橋速

不台軍下流水深方謀結棧以故諸王得先涉

爭利反為所乘及速不台既濟師諸王以敵勢

盛欲還對曰王欲歸自歸我不至禿納河馬扎

兒城不還也疾馳去拔都從之遂拔其城太宗

殂諸王大會拔都欲不往速不台曰大王於族

屬為兄安得不往遂會於也只里河定宗既立

朝會畢還家禿納河上卒年七十三追封河南

王諡忠定

元曷思麥里傳

曷思麥里西域谷則幹兒朶人初為西遼闕兒

可汗近侍太祖西征率部長迎降大將哲伯以

聞臣秋濤謹案哲伯即者別帝命為先鋒攻乃蠻克之斬其

主曲出律令持首往徇其地諸城望風皆下又

從征你沙不兒城諭降之帝親征至薛迷思干

與其主札刺丁戰於月亦心揭赤之地敗之追

朔方備乘

卷三十五

歷代北極異將帥傳

三

襲至阿刺黑城戰於禿馬温山又敗之追至熬

顏城西寨又敗之札刺丁逃入海曷思麥里收

其珍寶而還取玉兒谷德痕兩城既而熬顏城

亦下帝遣使趣哲伯疾馳討欽察命曷思麥里

招諭曲兒忒失兒灣沙等城悉來附至谷兒只

部及阿速部以兵拒敵皆戰敗始降又招下黑

林城臣秋濤謹案黑林城蓋即俄羅斯之赫林諾付進克幹羅思於鐵

兒山臣秋濤謹案徐松曰鐵兒山即俄羅斯之塔喇斯科也獲其國王密

只思臘獻諸朶赤太子誅之尋征康里臣秋濤謹案康

里即喀山部地也在今俄羅斯東境至字子八里城與其主霍脫

思可汗戰敗其軍進至欽察亦平之軍還哲伯

卒會帝親征河西曷思麥里持所獲珍寶及七

寶繼迎見於阿刺思不刺思之地帝顧羣臣曰

哲伯常稱曷思麥里之功其形貌雖小而聲名

實大就以所進金寶命隨其力所勝悉賜之俾

常居左右至也吉里海牙又討平失的兒威從

太祖征汴至懷孟令領奧魯事帝由白坡渡黃

河會皇子拖雷兵攻金將完顏合達敗之回駐

朔方備乘

卷三十五

歷代北徽用兵將帥傳

三

金蓮川授懷孟二州達魯花赤帝以其從軍西

域宣力居多特命歸西域大帥察罕行省帖木

迭兒奏留之帝允其請進懷孟河南二十八處

都達魯花赤卒于官

元忙哥撒兒傳

忙哥撒兒姓札刺兒氏事太子拖雷甚恭謹嘗

從攻鳳翔首立奇功定宗擢為斷事官剛明能

舉職憲宗在潛邸深知其人從征幹羅思阿速

穩兒別里欽察諸部

臣秋濤謹案幹羅思即俄羅斯阿速即俄羅斯南境

之阿索富城欽察在俄羅斯北境焉兒別里二部當亦在今俄羅斯境內造舟為梁

伐山通道皆身先士卒及以所俘寶玉頒諸將

則退然一無所取憲宗益重之使治藩邸分民

間出遊獵則長其軍士動如紀律雖太后及諸

嬪御小有過輒知無不言即中老成人莫不敬

憚共推為札魯忽赤位居三公上

即斷事官之長既拜

命出欵囊坐熊席其僚列坐者四十人忙哥撒

兒問曰主上以我長此官當以何道守官眾皆

默然又問有夏人和幹居下坐進曰夫札魯忽

朔方備乘

卷三十五

歷代北徽用兵將帥傳

三

赤之道猶宰之封羊也解肩者不使傷其脊在

持平而已忙哥撒兒聞之即起入帳內眾不知

所為皆咎其失言既入乃為帝言和幹之言善

帝召見曰是可用之才也定宗殂宗王拔都大

會宗親議所立忙哥撒兒獨推戴憲宗眾不敢

異宗王按赤台等謀作亂劄車轅藏兵其中以

入轅折兵見克薛傑知之上變忙哥撒兒即發

兵迎之按赤台不虞事遽覺倉卒不能戰悉就

擒憲宗親簡其有罪者付鞫忙哥撒兒悉誅之

帝以其奉法不阿委任益專有當刑者輒伏法然後入奏帝無不報可帝或臥未起忙哥撒兒入至帳前扣箭房帝問何言即可其奏以所御大帳行扇賜之以病酒而卒追封充國公

元郭寶玉傳

郭寶玉字玉臣華州鄭縣人唐中書令子儀之裔也通天文兵法金末封汾陽郡公引軍屯定州歲庚午童謠曰搖搖吾吾至河南拜闕氏既而太白經天寶玉嘆曰北軍南汴梁即降天改

朔方備乘

卷三十五

歷代北魏皇將帥傳

五

姓矣金築烏沙堡屯兵三十萬會木華黎軍至敗之寶玉舉眾降木華黎引見太祖問取中原計對曰中原勢大不可忽也西南諸番勇悍可用宜先取之藉以圖金必得志焉帝從其言又條新令五章請凡出軍不得妄殺皆見頒行帝將西伐患番城多依山險難攻寶玉曰使其城在天上則不可取否則何難之有帝益壯其言授抄馬都鎮撫從帝討契丹遺族歷古徐鬼國訛彝朶等城破其兵三十餘萬胸中流矢帝命

剖牛腹置其中少頃乃蘇尋復戰收別失八里

別失蘭等城次忽章河西人列兩陣迎拒戰方

酣寶玉望其眾疾呼曰西陣潰矣其兵果走追

殺幾盡進兵下尋思干城次暗木河臣秋濤謹案即阿母

河敵築十餘壘陳船河中俄風濤暴起寶玉令

發火箭射其船乘勝破護岸兵遂平諸壘收馬

里四城既而可弗又國唯算端罕破乃滿國引

兵據尋思干聞帝將至棄城南走入鐵門關屯

大雪山寶玉追之遂奔印度帝駐大雪山前時

朔方備乘

卷三十五

歷代北魏皇將帥傳

罕

谷中雪深二丈寶玉請封山川神乃封崑崙山

為元極王大鹽池為惠濟王復從哲伯速不台

二大將收契丹渤海諸國有功累遷斷事官卒

於賀蘭山

元郭德海傳

郭德海字大洋寶王子也資貌奇偉知父北降

遁入太行山大軍至始出授為抄馬彈壓從先

鋒哲伯西征渡乞則里入海臣秋濤謹案即科布多西南之赫薩

爾巴攻鐵山臣秋濤謹案當即鐵兒山今俄羅斯塔喇斯科地逾雪嶺

臣秋濤謹案即今俄羅斯境之雪峯嶺 西北萬里進軍平答里國

還至崢山吐蕃帥尼倫回紇帥阿必丁反復破

斬之從大軍入關中破南山八十三寨由漢中

轉戰至鈞州與大軍會于三峯山以功遷右監

軍已破金師於黃龍岡取申唐二州後討河南

叛兵礮傷足輿疾歸卒初太宗詔天下置學廩

育人材立科目選之入仕皆從德海請也

元郭侃傳

郭侃字仲和德海子也弱冠為百戶鸞勇有謀

朔方備乘

卷三十五

歷代職用兵將帥傳

聖

略從攻汴以功擢千戶歲壬子送兵仗至和林

命從宗王旭烈兀西征初至木乃兮國臣秋濤謹案一作木刺奚當即布哈爾國今亦作木哈臘可證其國今與俄羅斯接壤 其國聖道

置毒水中侃破其兵五萬下一百二十八城斬

其三兀朱算灘算灘亦作速檀譯言王也臣秋濤謹案此與今西域稱斯丹斯

坦進至乞都卜其城在稽寒山上懸梯上下築

城圍之莫能克侃令架大礮擊其城守將卜者

納失兒開門降宗王復遣侃復說兀魯兀乃算

灘來降其父阿力走據東城侃攻殺之西行至

兀里兒城伏兵城下今日聞鉦聲則起敵果至

伏發盡殲之海牙算灘降又西至阿刺打破其

游兵三萬馮彬答兒算灘降至乞石迷部忽里

算灘降臣秋濤謹案乞石迷今改西戎大國也

臣秋濤謹案劉郁西使記乞石迷之後有報達國乃西戎大國蓋即波斯國在今俄羅斯南境

此傳脫去報達國然下文地方八千里云云則又是報達國事趙翼陔餘叢考以為乞石迷誤矣附辨

於此 地方八千里傳位四十二世勝兵四十

萬侃至破其兵七萬屠西城又破其東城城中

殿宇皆構以沈檀木舉火焚之香聞百里得七

朔方備乘

卷三十五

歷代職用兵將帥傳

聖

十二絃琵琶五尺珊瑚燈檠兩城間有大河侃

預造浮梁以防其逸城破合里法算灘登舟欲

遁有浮梁扼之乃自縛詣軍前降拔三百餘城

又西行三千里至大房臣秋濤謹案大房當作天房即天方國今名亞

喇其將住石致書請降左右信之不設備侃曰

欺敵者亡軍機多詐若中彼計恥莫大焉乃嚴

備以待住石果來邀戰大破之巴兒算灘降下

其城一百八十五又西行四千里至密昔兒會

日暮已休侃復驅兵起留數病卒守營若而大

軍西行十餘里乃頓舍下令營中銜枚轉箭更
 漏寂然是夜敵果潛兵來襲殺數病卒可乃算
 灘大驚曰東天將軍神人也遂降又西渡海收
 富浪侃諭以禍福兀都算灘即出降師還西南
 至石羅子敵嚴陣以待侃單騎直前掠陣一鼓
 敗之換斯干阿答畢算灘降至賓鐵侃以奇兵
 奄擊大敗之加葉算灘降至兀林臣秋濤謹案
兀林即兀魯
 乃兀魯思幹羅思之異文此即今俄羅斯國擊敗其游兵四萬阿別
 丁算灘懼乞降得城一百二十四又南至乞里

朔方備乘

卷三十五

歷代徵用兵將帥傳

聖

灣忽都馬算灘降西域平侃經營西域前後凡
 七年誅名王一降其國十餘得城以千計捷至
 釣魚山會憲宗殂乃還世祖即位侃上疏陳平
 宋之策大略謂宋據東南以吳越為家其要地
 則荆襄而已今日之計當先取襄陽既克襄陽
 彼揚廬諸城彈丸地耳置之勿顧直趨臨安疾
 雷不及掩耳江淮巴蜀不攻自下後皆如其策
 又言宋人羈留信使宜興師問罪淮北可立屯
 田三百六十所每屯置牛三百六十具計一屯

所出足供軍旅一日之用帝是其言擢萬戶江
 南平遷知甯海州居一年卒侃行軍有紀律野
 爨露宿雖風雨不入民舍所至興學課農吏民
 畏服

元土土哈傳

土土哈其先本武平北折連川按答罕山部族
 自曲出徙居西北玉里伯里山因以為氏號其
 國曰欽察去中國三萬餘里曲出生峻末納唆
 末納生亦納思世為欽察國王太祖征蔑里乞

朔方備乘

卷三十五

歷代徵用兵將帥傳

雷

其王火都臣秋濤謹案
一作霍都奔欽察欽察納之太祖
 遣使問曰汝奚匿吾負箭之虞亟以相還不然
 禍且及亦納思答曰逃鷓之雀叢薄猶能生之
 吾顧不如草木邪太祖怒命討之會亦納思老
 國亂其子忽魯速蠻遣使欲歸順時太祖已命
 皇孫蒙哥帥師抵其境忽魯速蠻之子班都察
 遂舉族降命掌上方馬畜歲時捐馬乳以進色
 清而味美號黑馬乳因目其屬曰哈刺赤哈刺
黑也
 土土哈班都察子也中統初襲父職備宿衛宗

王海都將構亂世祖以國家根本之地詔皇子北平王率諸王兵鎮之至元十四年諸王脫脫木兒昔里吉叛寇抄諸部掠憲宗所御大帳土土哈率兵進討敗之於納蘭不刺邀諸部以還應昌部族只兒瓦台叛脫脫木兒起兵應之途遇土土哈將戰先獲其候騎數十脫脫木兒引去追至秃兀刺河臣秋濤謹案即今土喇河三宿而返尋敗之于幹歡河臣秋濤謹案即幹難河今敖嫩河也奪回所掠大帳明年大軍北征詔率欽察驍騎千人從追昔里

朔方備乘

卷三十五

歷代職用兵將帥傳

巽

吉踰金山擒其黨札忽台等來獻又敗寬折哥等裹瘡力戰獲羊馬輜重無算還朝帝慰勞仍賜以奪還所掠大帳諭曰祖宗武帳非人臣所得御以卿能歸之故以為賜二十年請以所部哈刺赤屯田畿內詔給霸州文安縣田四百頃益以宋新附軍八百人俾領其事賜水磴一區近郊田二千畝藉河東諸路蒙古軍子弟四千六百人隸其麾下拜樞密副使尋置欽察親軍衛命兼都指揮使叛王海都兵犯金山詔與大

將朶兒朶懷共備邊會宗王乃顏叛陰遣使來結也不干勝刺哈二部長為土土哈所執盡得其情實勝刺哈設宴來邀二大將朶兒朶懷欲往土土哈謂其意叵測遂止計不得行未幾有旨令勝刺哈入朝將由東道進土土哈言於北安王曰彼分地在東脫有不虞是縱虎入山林也乃命從西道進既而言也不干叛者益眾王欲先聞於朝後發兵土土哈曰兵貴神速若彼果叛我軍出其不意可即圍之否則與約而還

朔方備乘

卷三十五

歷代職用兵將帥傳

巽

即行疾馳七晝夜渡秃兀刺河戰於李怯嶺大敗之也不干僅以身免時世祖親征乃顏方在軍間之遣使命收其餘黨沿河而下遇叛王鐵哥軍萬騎擊走之并擒叛王哈兒魯等獻俘行在時成宗以皇孫北撫諸軍詔土土哈從追乃顏黨於哈刺温山諸叛王兀塔海盡降其眾諸王也只里為叛王火魯火孫所攻來告急復從皇孫移師往援敗諸兀魯灰夜渡貴烈河復擊敗叛王哈丹軍盡得遼左諸部置東路萬戶府

世祖多其功以也只里女弟塔倫妻之二十六年從晉王甘麻刺征海都抵杭海嶺敵先據險諸軍被圍土土哈引勁卒陷陣翼王出追騎大至選精銳設伏待之寇不敢逼秋帝自將至北邊召見慰諭之曰昔太祖與臣下同患難者飲班朱河水以記功今日之事何愧前人卿其勉之還至京大宴復謂曰朔方人來聞海都言杭海之役使彼邊將皆如土土哈者吾屬安所置哉論功行賞帝欲先欽察之士土土哈言慶賞

朔方備乘

卷三十五

歷代北邊將帥傳

罕

之典蒙古將吏宜先帝曰爾母事過讓蒙古人誠居汝右力戰豈在汝右邪命籍建康廬饒租戶爲哈刺赤戶益以俘獲千七百戶賜之仍官一子督其賦土土哈奏言哈刺赤軍以萬計足備戰守之用于是率其軍北獵於漢塔海邊寇聞之皆引去二十九年秋略地金山獲海都之戶三千餘還至和林有詔進取乞里吉思臣秋濤謹案冰行數日始至其境盡收五部之眾屯兵守之奏功給行樞

密院印海都聞取乞里吉思引兵至欠河土土哈復敗之擒其將成宗卽位詔以邊境事重免會朝遣使就賜七寶金壺盤盃白氈帳一獨峯馳五諸王附海都者率眾來歸邊民驚擾土土哈身至玉龍罕界饋餉安集之導諸王岳木忽兒等入朝帝解御衣以賜奉命還北邊行至宣德府卒加封延國公諡武毅

元牀兀兒傳

牀兀兒土土哈子也初以大臣子拜左衛親軍

朔方備乘

卷三十五

歷代北邊將帥傳

罕

都指揮使常執嬰杓以進漣飲親幸無比繼襲父職領征北諸軍踰金山攻巴鄰地臣秋濤謹案巴鄰地當在今俄羅斯境巴鄰之南有答魯忽河其將帖良台阻水而軍伐木柵岸自蔽士皆持弓矢蹲而待我軍不能進牀兀兒命吹銅角舉軍大呼聲震林野敵眾不知所爲爭起就馬於是麾師畢渡湧水拍岸木柵漂散因奮師馳擊盡得其人馬廬帳還次阿魯河與海都援將孛伯遇急麾軍渡河蹙之追奔三十餘里孛伯遠遁大德二年

北邊諸王篤哇徹禿等潛師襲火兒哈禿之地敵兵據高山牀兀兒選勇而善步者持挺刃四上奮擊盡覆其軍入朝授僉樞密院事兼欽察親軍都指揮使復還邊四年秋叛王禿麥幹魯思等犯邊牀兀兒迎敵於闊客之地及其未陣直前搏之追踰金山乃還海都兵越金山而南止於鐵堅古山因高以自保牀兀兒急引兵敗之復與篤哇相持于兀兒禿之地以精兵馳其陣殺傷幾盡遣御史大夫禿只等集諸王軍

朔方備乘

卷三十五

歷代北邊用兵將帥傳

兗

將問戰勝功狀以牀兀兒居最命尙雅忽禿楚王公主察吉兒及使者以功簿奏帝復出御衣遣使臨賜之七年秋入朝帝親諭曰卿鎮北邊累建大功雖以黃金飾汝身猶不足盡朕意賜衣帽金珠物甚厚拜樞密院副使諸王篤哇子款徹海都子察八兒等相聚謀曰前與土土哈戰既弗克勝今與其子牀兀兒戰又無功不若遣使請命通好使吾兵民傷殘疲憊者得以休息使至帝許之於是皆罷兵入朝特置驛以通

往來成宗廂武宗時在渾麻出之海上牀兀兒請急歸定大業武宗納其言即日南還及卽位加平章政事進封容國公至大二年入朝加封句容郡王邵遠平曰武宗紀作至大三年正月事仁宗紀延祐三年六月復載此條似屬重出帝曰世祖征大理時所御武帳及所服珠衣今以賜卿其勿辭翌日又出世祖所乘安輿曰以卿有足疾更賜此牀兀兒泣辭曰貪寵過當臣實不敢帝顧左右曰他人不知辭此別命有司置馬輜俾得乘至殿門仁宗延祐初擊叛

朔方備乘

卷三十五

歷代北邊用兵將帥傳

辛

王也先不花等軍于亦忒海迷失之地方接戰有敵將一人持戟入陣牀兀兒擗其戟揮大斧碎其首乘勢奮擊大敗之已又敗其所遣將忽都帖木兒於赤麥干之地追出境至鐵門關遇其大軍於札亦兒之地又敗之帝憫其老召入商議中書省事大理國進象牙金飾輜即賜乘之待以宗室親王之禮常曰老臣受朝廷之賜厚矣吾子孫當以死報國英宗至治二年卒天歷二年追封揚王

朔方備乘卷三十五

拔貢張惇德初校知縣成明郁覆校

朔方備乘

卷三十五

歷代北徼用兵將帥傳

至

朔方備乘卷第三十六

傳六

國朝北徼用兵將帥傳敘

明安達哩 郎坦

沙爾瑚達

巴海 朋春

薩布素

瑪拉 佟國綱

臣秋濤謹案我

朝順治康熙年間北徼俄羅斯所屬之羅利侵犯

吉林黑龍江二省邊境竊據雅克薩等處前後

朔方備乘

卷三十六

國朝北徼用兵將帥傳敘

一

幾四十年我

世祖章皇帝

聖祖仁皇帝屢次

命將出征勦撫兼施始克平定維時黑龍江乍闢榛蕪

初設屯戍地處僻遠記述甚稀徧檢羣籍惟八

旗通志及

盛京通志中備載當年統兵諸臣有若明安達哩

有若郎坦有若沙爾瑚達有若巴海有若朋春

有若薩布素有若瑪拉有若佟國綱鉅細事迹

靡弗詳其間有事關切要為

平定羅利方略諸書所已載者得此傳足為互證亦有

奏疏軼事為諸書所未記者得此傳足廣見聞

伏思古人用兵先蒐圖籍誠以山川險夷道里

遠近皆當參覈今昔情形至荒裔絕域古書茫

昧者尤須追尋新舊冊檔發潛闡幽務期詳確

庶使往跡不湮可為徵驗今此諸臣事蹟皆係

通志所載通志乃奉

詔特修非尋常郡邑志乘可比諸臣稟受

朔方備乘

卷三十六

國朝徽用兵將帥傳敘

二

廟謨建功邊徼允宜詳書始末不沒其櫛風沐雨嬰冒

鋒鏑之勞彙而列之益以見

大聖人神武戡定之烈

天威遠震寰海鏡清固億萬年如一日也

明安達哩傳

臣秋濤謹案
哩一作禮

明安達哩蒙古正白旗人姓西魯特氏世居科

爾沁父博博圖

太祖高皇帝時率七十餘戶來歸即授為佐領俾轄所

屬

太宗文皇帝天聰元年隨征明錦州破於陣予三等輕

車都尉世職明安達哩襲兼管佐領崇德三年

任護軍參領隨貝勒岳託征明由密雲毀邊牆

入攻克南和縣六年隨大軍圍錦州擊敗敵兵

敘功晉二等輕車都尉七年隨大軍征明薊州

進略山東八年擢禮部參政兼正白旗蒙古副

都統

世祖章皇帝順治元年隨大軍入山海關擊敗流賊李

自成二年隨英親王征自成於延安府七戰皆

朔方備乘

卷三十六

國朝徽用兵將帥傳

三

捷招撫鳳翔等府降三十餘城三年改兵部侍

郎值蘇尼特部騰吉斯與弟騰吉特叛明安達

哩隨豫親王率師往征扼據險要騰吉斯等聞

風遁走明安達哩乘夜追逐至鄂特克山大破

賊眾斬其台吉茂海復同鎮國將軍瓦克達等

追勦手斬十一人獲其輜重並擊敗土謝圖汗

及碩類汗兵五年擢正白旗蒙古都統七年兼

任兵部尚書九年列議政大臣復遇

恩詔晉二等子是年俄羅斯所屬之羅利侵犯東北邊

界駐防甯古塔之章京海色率所部擊之戰於烏扎拉村失利十一年明安達哩自京師統兵往征羅刹敵於黑龍江十二年進抵呼瑪爾諸處攻其城頗有斬獲旋以餉匱班師十三年世祖以明安達哩在部日久練達庶務授理藩院尙書十五年十二月

命爲安南將軍率師駐防荊州十六年海賊鄭成功犯江甯明安達哩率師赴援擊敗僞都督楊文英等於三山峽旋奉

朔方備乘

卷三十六

國朝北徼用兵將帥傳

四

詔移師浙江駐防舟山十七年還京仍授兵部尙書

聖祖仁皇帝康熙三年考滿加太子太保六年調吏部尙書旋因疾致仕八年二月卒

賜祭葬如禮謚敏果

郎坦傳

臣秋濤謹案坦一作談

郎坦滿洲正白旗人姓瓜爾佳氏內大臣烏拜之子也年十四任三等侍衛

世祖章帝順治六年遷二等侍衛隨端重親王博洛征叛鎮姜瓖師次渾源州城圍之賊渡濠來犯

郎坦射其首貫心而殪遂敗賊眾師還擢一等侍衛八年以烏拜附和內大臣洛什等造言構覺獲罪並革郎坦任九年授三等侍衛尋復一等侍衛

聖祖仁皇帝康熙二年代父管佐領遷護軍參領隨定西將軍圖海征流賊李來亨等於湖廣茅鹿山同護軍參領葉楚赫深入賊巢擒僞官十一人四年襲父一等子爵仍任一等侍衛十二年京城有邪教陳三道等設壇惑眾郎坦率諸侍衛

朔方備乘

卷三十六

國朝北徼用兵將帥傳

五

逮繫之十三年奉

命行邊捕獲逃盜張飛腿等於板城十九年擢正白旗蒙古副都統明年調本旗滿洲副都統二十一年八月

聖祖以俄羅斯屢擾黑龍江邊境久踞雅克薩地

命郎坦同副都統朋春率兵沿黑龍江行獵覘雅克薩情形相度水陸往來遠近十二月疏言俄羅斯久踞雅克薩恃有木城若發兵三千攜紅衣礮二十具即可攻取陸行自興安嶺以往雖無險

山而林木叢雜途徑窄隘冬雪之時沙結堅冰
夏日遇雨泥深淤阻惟輕裝可行水程自雅克
薩還至愛渾城於黑龍江順流行船僅需半月
觀兩岸悉可繹挽若逆流行船約須三月視從
陸路倍期於運糧餉礮具輜重為便現有大船
四十小船二十六宜增造小船五十餘奏入
詔寧古塔將軍巴海等造船備礮擇要地駐守暫緩進
兵二十二年二月擢郎坦為前鋒統領九月

命往會黑龍江將軍薩布素酌議駐兵額素哩事宜臣秋
朔方備乘 卷三十六 國朝北極用兵傳 六

壽謹案額素哩即額蘇哩還奏額素哩今年七月即經霜雪
來年宜乘春和時以寧古塔諸處兵分為三班
更番往駐

聖祖以更番戍守非久長策不允行二十三年甄別入
旗營兵官員之弗勝任者罷郎坦前鋒統領以
子爵隨旗行走二十四年正月都統朋春同臺
灣投誠左都督何祐率兵征雅克薩副都統班
達爾沙護軍統領佟寶為參贊郎坦以副都統
銜隨征師既行

聖祖遣侍衛往

諭朋春日朕以仁治天下素不嗜殺爾其嚴諭將士毋
違朕旨以我兵馬精強器械堅利俄羅斯勢不能敵
必獻地歸誠爾時勿殺一人俾還故土宣朕柔遠至
意五月師薄雅克薩城朋春班達爾沙等軍其城南
何祐等集戰船於城東南潛進紅衣礮於城北
與副都統溫岱等將來攻之先集柴城下為焚
城狀其城長額里克舍乞降郎坦宣

恩諭宥其罪額里克舍稽顙謝引六百餘人徙去其願
朔方備乘 卷三十六 國朝北極用兵傳 七

來內附者巴什里等四十五人挈妻子及前此
被掠之索倫達呼爾戶口百餘俱隨大軍還奉
詔安插內地毀其木城郎坦與議政大臣等會議鎮守
事宜議於墨爾根築城駐兵是年冬俄羅斯復
踞雅克薩築城明年二月

命同班達爾沙攜礮率藤牌兵百往會黑龍江將軍薩
布素進征旋奉

詔以郎坦諳悉地形即令參贊軍務六月師薄其城鑿
壕築壘四面列圍賊出拒阻擊敗之斬額里克

舍尋以俄羅斯察罕汗遣使詣

闕謝罪請釋雅克薩圍

聖祖命以別遣使來議地界

詔釋圍退駐查克丹待之尋還駐寧古塔明年擢郎坦

正白旗蒙古都統二十八年俄羅斯議界使人

費耀多囉等至尼布楚

聖祖遣領侍衛內大臣索額圖等同郎坦往議以格爾

必齊河及額爾固訥河為界毀雅克薩城令其

人徙去是年調正白旗滿洲都統二十九年古

朔方備乘

卷三十六

國朝北徵用兵將帥傳

八

北口外突聚羣盜劫掠屯莊郎坦奉

命偕侍衛赫濟爾亨等督石匣城古北口官兵捕勦出

喜峯口追及之龍鬚門盜以烏鎗抗禦逃踞山

頂擲石拒阻傷害綠旗兵三人從役一人赫濟

爾亨率兵發矢殪十餘盜復發兵山坡繞後截

擊斬四十餘盜無一脫者郎坦還奏下部議卹

賞紀錄有差三十年正月

聖祖以噶爾丹肆掠喀爾喀逼我邊境授郎坦安北將

軍駐防大同二月疏請出邊駐喀喇穆倫以偵

賊情申嚴邊備

詔暫駐歸化城七月

命同副都統碩鼐參領素丹等勘閱甯夏延綏西甯沿

邊進兵道路以

聞三十一年擢領侍衛內大臣兼火器營總管列議政

大臣三十二年授昭武將軍率兵駐甘州八月

擒獲哈密回人之輸稅厄魯特者訊知噶爾丹

所在請於來春率兵進勦疏下王大臣等議以

噶爾丹已遣使乞宥罪止之三十三年三月

朔方備乘

卷三十六

國朝北徵用兵將帥傳

九

聖祖以甯夏近賀蘭山為邊隘要地

諭郎坦率兵移駐與甘肅提督孫思克分偵噶爾丹及

其姪策妄阿喇布坦構釁事遇有邊警會商禦

勦七月

聖祖聞噶爾丹將逼圖拉

諭郎坦熟練邊情移兵圖拉禦勦尋以圖拉無警還京

仍任領侍衛內大臣預議政三十四年五月

命往盛京察視邊隘至八虎口疾劇

遣太醫往視六月卒年六十有二櫬至通州

遣侍衛四人奠茶酒

賜祭葬如例子拉忻襲爵

沙爾瑚達傳

臣秋濤謹案
瑚一作虎

沙爾瑚達姓瓜爾佳氏其先蘇完人世居虎爾哈

太祖高皇帝時從其父桂勒赫來歸任佐領隸滿洲鑲

藍旗天命初從征瓦爾喀部有功授騎都尉世

職天聰元年大軍圍錦州沙爾瑚達時任前鋒

參領累戰皆捷三年大軍征明抵北京沙爾瑚

朔方備乘

卷三十六

關北徵用兵將帥傳

十

達敗其郭外兵論功授三等輕車都尉世職九

年與步軍統領巴奇蘭等征黑龍江以功加一

雲騎尉崇德元年從征朝鮮率兵敗敵於南漢

山城二年列議政大臣六年罷前鋒統領及議

政俾任參領七年松阿里江虎爾喀部煽亂沙

爾瑚達受

詔與葉赫珠瑪喇討平之招降喀爾喀木等十屯俘丁

壯千餘獲馬羸牲畜無算凱還

賜宴及布帛有差

世祖章皇帝順治元年沙爾瑚達征庫爾喀及黑龍江

皆有功復隨大軍追流賊李自成於潼關四年

授副都統守東昌五年隨討江西賊六年勦河

間賊七年在鑲藍旗滿洲副都統九年七月奉

詔統率官兵駐防甯古塔十年擢都統仍留鎮守

賜冠服鞍馬十五年七月俄羅斯犯塞沙爾瑚達擊走

之斬獲甚眾十六年卒年六十有一

命大臣祭奠贈太子太保謚襄壯子巴海別有傳

巴海傳

朔方備乘

卷三十六

關北徵用兵將帥傳

十一

巴海滿洲鑲藍旗人姓瓜爾佳氏沙爾瑚達長

子也初任佐領順治十四年授秘書院侍讀學

士十六年襲父一等男爵

世祖章皇帝諭吏部曰甯古塔係邊疆要地沙爾瑚達

駐防年久甚得人心今已病故其子巴海素著勤慎

堪代其父授為甯古塔總管十七年俄羅斯犯邊境

巴海同副都統尼哈哩等率兵至黑龍江松花

江交會處偵賊在費雅喀一作飛西境即疾趨

使大部界分布舟師潛伏江隈賊船踵至合擊

之賊敗卻棄船登岸竄走巴海督兵追戰斬六十餘級溺水死者甚眾獲其船及鎗礮軍器因招降費雅喀百二十餘戶敘功加一雲騎尉十八年追論禦擊俄羅斯時有五船兵失利不以實奏削一等男及雲騎尉康熙元年改總管為將軍仍以巴海任之十年

聖祖詣盛京

召巴海問甯古塔及瓦爾喀瑚爾哈人民風俗

諭曰朕向聞爾賢能今益知爾矣費雅喀赫哲雖服然

朔方備乘

卷三十六

國朝北極星傳

十一

其性暴戾當廣布教化多方訓迪俄羅斯雖云投誠當加意防禦訓練士馬整備器械毋墮狡計爾膺邊方重任尙其黽勉以報朕知遇之恩初邊境蒙古有默爾哲勒氏者累世輸貢至是巴海招之其長扎努喀布克托等愿率眾內移巴海請安輯於甯古塔附近地設佐領四十以扎努喀布克托及諸族屬任之分轄其眾號為新滿洲十三年冬巴海率諸佐領入

觀

頒賚有差

聖祖特賜巴海黑狐裘貂朝衣各一襲十七年

諭獎巴海暨副都統安珠瑚實心任事撫輯新滿洲戶

口咸令得所各予一等輕車都尉兼一雲騎尉世職

二十一年巴海疏言巡輯採獲官兵宜分別所

獲多寡定獎賞之例

聖祖諭部曰盜採者緝獲視所獲多寡議敘甚為允當

其非採獲而子身採捕他物者毋得妄拘並詳議著

為令時

朔方備乘

卷三十六

國朝北極星傳

十一

聖祖幸吉林旋蹕

諭巴海以吉林兵丁勞苦宜加憐憫

命除捕鷹取魚諸徭役俾勤耕種二十二年以奏報田

禾歉收分數不實經部臣議以革世職

聖祖諭曰巴海遷移新滿洲不可謂無功應仍令襲三

等輕車都尉世職惟罷其將軍任二十三年授鑲藍

旗蒙古都統尋列議政大臣三十五年卒

賜祭葬如例乾隆年間

勅修盛京通志列巴海於名宦且稱巴海父子俱鎮守

吉林甯古塔綏輯有方深得民心云

朋春傳 臣秋濤謹案 朋一作彭

朋春滿洲正紅旗人姓棟鄂氏何和哩之四世

孫也順治九年六月襲其父哲爾本一等公爵

聖祖仁皇帝康熙十五年

恩加太子太保授正紅旗蒙古副都統二十一年二月

調本旗滿洲副都統八月

命同副都統郎坦率兵赴黑龍江時俄羅斯人來邊境

者咸稱為羅刹朋春奉

朔方備乘

卷三十六

國朝被用兵將帥傳

古

諭曰羅刹犯我黑龍江邊境昔曾發兵進討未獲剪除

近又侵入精奇哩江諸處恃雅克薩城為巢穴蔓延

益甚爾等至達呼爾索倫遣人赴尼布楚諭以捕鹿

之故因詳視陸路近遠沿黑龍江行圍徑薄雅克薩

城下勘其居址形勢度羅刹斷不敢出戰如出戰姑

勿交鋒但率眾引還朕別有區畫

賜御用裘服及弓矢以行十二月還奏羅刹久踞雅克

薩恃有木城若發兵三千攜紅衣礮二十具即

可攻取陸行自興安嶺以往雖無險山而林木

叢雜途徑窄隘冬雪之時沙結堅冰夏日遇雨

泥深淤阻惟輕裝可行水程自雅克薩還至愛

濤城於黑龍江順流行船僅須半月觀兩岸悉

可牽挽若逆流行船約須三月視從陸路倍期

於運糧餉礮具輜重為便現有大船四十小船

二十六宜增造小船五十餘

詔甯古塔將軍巴海副都統薩布素建木城於黑龍江

呼瑪爾二處調所部兵一千五百往駐造船運

礮二十二年正月擢正紅旗蒙古都統三月調

朔方備乘

卷三十六

國朝被用兵將帥傳

圭

本旗滿洲都統二十四年正月

詔選福建投誠善用藤牌兵在八旗及安插山東山西

河南者四百人付鑾儀使林興珠臺灣投誠左

都督何祐轉領赴

盛京朋春統之進勦以副都統班達爾沙瑪拉護

軍統領佟寶等及林興珠參贊軍務師既行

聖祖遣侍衛關保往黑龍江傳

諭曰兵凶器戰危事古人不得已而用之朕以仁治天

下素不嗜殺爾其嚴諭將士毋違朕旨以我兵馬精

強器械堅利羅刹勢不能敵必獻地歸誠爾時勿殺一人俾還故土宜朕柔遠至意五月師薄雅克薩城遣人以書諭降不從軍其城南集眾船於城東南進紅衣礮於城北將夾攻之城下二面積柴爲焚城狀城中大驚其頭目額里克舍窮感乞降乃宣

恩諭宥其罪額里克舍垂涕稽顙謝引六百餘人徙去毀其城以願來歸附之巴什里等四十五戶及前此掠往之索倫達呼爾百餘戶移內地安輯

朔方備乘

卷三十六

國朝北徵用兵將帥傳

六

師旋紀功二十九年七月

聖祖命裕親王福全爲撫遠大將軍勦噶爾丹以朋春與都統蘇努等參贊軍務蘇努率左翼朋春率右翼八月朔至烏蘭布通噶爾丹依山列陣右翼兵爲河岸泥淖所阻左翼兵由山腰衝入大破之日暮收兵次日噶爾丹遣使矢誓請和以緩我師乘夜由大磧山遁去十一月師旋部議王大臣調度乖方不追勦敗寇罪革職任聖祖以此舉既擊走噶爾丹概從寬處分朋春降四級

留任三十一年三月解都統任赴西路軍前管營隊三十五年正月仍復正紅旗蒙古都統命爲撫遠大將軍費揚古參贊由西路勦噶爾丹五月破賊於昭莫多凱旋因本隊陣亡護軍驍騎十八人未收遺骸議罪以應敘昭莫多軍功抵免三十六年七月彙敘西路出師奮勇勞績增注所襲一等公

勅書三十八年六月以疾解都統任四十年四月疾卒

薩布素傳

臣秋濤謹案素一作蘇

朔方備乘

卷三十六

國朝北徵用兵將帥傳

七

薩布素滿洲鑲黃旗人姓富察氏其四世祖充順巴本

太祖高皇帝時由岳克通鄂城率丁壯屯吉林遂家焉薩布素初由領催授驍騎校遷協領皆在吉林康熙十六年四月

聖祖仁皇帝以長白山爲

本朝肇迹發祥宜崇秩祀

勅遣內大臣覺羅武默訥侍衛費耀色

臣秋濤謹案一作費雅什塞

護禮索爾等前往瞻視六月至吉林欲選曾往

者導引弗可得甯古塔將軍巴海令協領薩布

素率兵二百攜三月糧以隨循溫德亨河陸行

七日至卓隆鄂河臣秋濤謹案一作扎倫果河復乘舟由幹

努呼河臣秋濤謹案一作幹穆呼河逆流二日至佛多和河

順流一日抵訥殷臣秋濤謹案一作額音陸路為林木所

阻翌日薩布素率兵伐木開路行三十餘里陟

山巔升樹而望又行數里登高峯望之遣人還

告武默訥望見片片白光即長白山計相距止

百餘里矣武默訥等後一日至復開路行一日

朔方備乘

卷三十六

國朝北極用兵將帥傳

六

詰朝又行雲霧寒徑恍惚聞鶴鳴六七聲尋聲

疾走因得鹿蹊密林叢翳進至山麓跪誦

勅旨畢雲霧忽開有路可登半山石砌若平臺五峰環

拱南一峰稍下如門山水左流為松花江右流

為大小訥殷河臣秋濤謹案一作額音河中潭不流者周三

十餘里由潭邊陟山五十餘丈香樹紛郁黃花

燦爛徧地積雪即向所望見片片白光也薩布

素曰此地人跡罕到不宜久留遂叩拜而返至

山麓有羣鹿自山奔墜時竚立視者七人鹿適

仆其七薩布素謂武默訥曰此山靈所贈也令

從者挈之以行不數十步回首瞻望已雲霧漫

山矣仍由訥殷行十五日乃還吉林八月武默

訥等入奏

勅禮臣詳議尊封長白山之神秩祀如嶽鎮自是春秋

望祭於吉林城西南九里溫德亨山永著為典

十七年八月擢薩布素甯古塔副都統二十一

年八月

聖祖遣副都統郎坦朋春率兵赴黑龍江時俄羅斯人

朔方備乘

卷三十六

國朝北極用兵將帥傳

九

來邊境者咸稱為羅利郎坦朋春奉

諭曰羅利犯我黑龍江邊境昔曾發兵進討未獲剪除

近又侵入精奇哩江諸處恃雅克薩城為巢穴蔓延

益甚爾等往偕甯古塔副都統薩布素率兵至達呼

爾索倫遣人赴尼布楚諭以捕鹿之故因詳視陸路

近遠沿黑龍江行圍徑薄雅克薩城下勘其居址形

勢度羅利斷不敢出戰若以食物來餽可受而量答

之其自黑龍江至額蘇哩舟行水路及額蘇哩通甯

古塔之路擇隨行之參領侍衛同薩布素往視十二

月郎坦朋春還奏雅克薩城易取狀

聖祖命建木城於黑龍江呼瑪爾二處調甯古塔兵一千五百往駐造船艦運礮具以薩布素同將軍巴海統之二十二年四月薩布素與巴海奏言黑龍江呼瑪爾距雅克薩城尙遠若駐兵兩處則勢分道阻且過雅克薩有尼布楚等城羅利儻水陸運糧增兵救援更難爲計宜乘其積儲未便速行征勦一俟造船畢度七月初旬能抵雅克薩卽統兵直薄城下疏下議政王大臣議

朔方備乘

卷三十六

國朝北徼用兵將帥傳

三

如所請

聖祖以所議七月進攻未協機宜令再議因

諭曰甯古塔兵未諳行軍紀律將軍與副都統分管又不能齊心巴海可留守吉林薩布素同甯古塔副都統瓦禮祐領兵前往俟抵彼相度形勢奏請酌行尋允王大臣議額蘇哩在黑龍江呼瑪爾之間可以藏船且有田隴舊跡宜建立木城令薩布素瓦禮祐統兵駐守七月索倫總管博克等招降羅利三十一人

詔賞其頭目二人衣帽赴薩布素軍前効力九月

命前鋒統領郎坦會商駐兵事宜尋奏言額蘇哩今年七月卽經霜雪若於來秋移甯古塔兵往駐恐地寒霜早諸穀不穫難以糊口應就近移達呼爾兵五百人先於來春赴額蘇哩耕種量其秋收再以甯古塔三千餘兵分爲三部更番駐防聖祖曰兵丁煩事更番必致困苦非長久計宜在黑龍江建城永戍豫備礮具船艦設斥候計程置驛有警則乘蒙古馬馳擊常時按程以行由水路陸續運糧

朔方備乘

卷三十六

國朝北徼用兵將帥傳

三

積貯黑龍江仍設將軍副都統領之十月調薩布素爲黑龍江將軍十一月疏言羅利來歸之宜番鄂噶番席圖頌三人効力勤勞宜與新投誠之吉禮過哩鄂佛那西等酌給官職以示鼓勵得旨授宜番驍騎校餘授七品官其新投誠之鄂佛那西等

賜裘帽令馳驛赴薩布素軍前酌遣招撫二十三年五月疏報營總鄂羅順抵羅利界遣宜番等招撫二十一人以歸七月疏請今年暫停攻勦俟來

年四月進兵

聖祖曰前遣侍衛關保傳諭薩布素率水陸兵丁刈羅利所種田禾則雅克薩城自困薩布素亦言羅利田禾應行踏毀今乃奏請暫停是坐失機宜矣薩布素

尋以失誤軍機上疏請罪

聖祖以薩布素現在領兵進剿

諭部俟事竣察議

命都統瓦山侍郎果丕與薩布素會議師期二十四年

正月奏言我兵四月杪水陸並進攻雅克薩城

朔方備乘

卷三十六

關北徵用兵將帥傳

三

儻萬難攻取則刈其田禾

聖祖諭王大臣曰薩布素所奏四月進兵不過刈取田

禾事必無成此皆發遣黑龍江狂悖之人從中阻議

不欲事成而薩布素出身微賤高視若輩不敢有違

用兵所關甚鉅宜周詳籌畫期於必克儻謀事草率

羅利將益肆猖狂矣乃

命都統朋春鑾儀使林興珠台灣投誠左都督何佑

濤謹案一作何祐

分率八旗綠旗兵丁及藤牌兵赴黑

龍江會勦五月抵雅克薩遣人以書諭之不從

薩布素同朋春等軍其城南集戰船於城東南列紅衣礮於城北將夾攻之先積柴城下為焚城狀城中大驚其頭目額里克舍窮蹙乞降先是薩布素屢奉

諭行軍不可多行殺戮至是朋春宣

上恩德額里克舍垂涕稽顙謝引六百餘人徙去我軍

毀雅克薩城捷

聞

諭議政王大臣曰大兵迅速征行破四十年盤踞之羅

朔方備乘

卷三十六

關北徵用兵將帥傳

三

利於數日之間獲雅克薩城克奏厥績薩布素向來

逗遛不進兵之罪概從寬免至雅克薩城雖已克取

防禦決不可疎應於何地馳兵彈壓其速議具奏尋

允所議以副都統溫岱納泰駐守黑龍江薩布素移駐

墨爾根建城防禦二十五年正月薩布素奏遣

人往偵羅利復至雅克薩築城盤踞請於冰消

時督修戰艦相機進剿

諭曰羅利復築雅克薩城若不速行撲勦勢必積糧堅

守圖之不易其令薩布素暫停墨爾根等處兵遷移

家口速修船艦統甯古塔等處兵赴黑龍江城酌留
盛京兵守之所部二千人攻取雅克薩城尋

命副都統即坦班達爾沙領兵會勦八月奏言臣等遵

旨圍雅克薩城已三面掘壕築壘壕外置木椿鹿角分

汎防禦城西對江另設一軍於未流漸時泊船

東西兩岸令堵尼布楚援兵至流漸時卽藏船

上流之港內以資守禦軍中馬匹有疲羸者請

半發黑龍江半發墨爾根駐防兵飼秣得

旨如所請行九月俄羅斯察罕汗遣使上疏納款乞撤

朔方備乘

卷三十六

關北徽恩兵將傳

五

雅克薩之圍

聖祖諭以別遣使來議地界

命薩布素撤圍城兵列艦結營尋以俄羅斯使臣費耀

多囉等已抵喀爾喀土謝圖汗境詔薩布素還

駐墨爾根又以噶爾丹侵掠喀爾喀傳

諭費耀多囉等緩期定議二十八年四月費耀多囉等

至尼布楚

詔調黑龍江兵一千五百隨內大臣索額圖等赴尼布

楚定議令俄羅斯自毀雅克薩城徙其人去以

格爾必齊河臣秋濤謹案一作吉爾巴齊河北岸爲彼界立碑

垂示久遠二十九年薩布素以前此索倫總管

安珠瑚等所種官田二千餘畝分給墨爾根兵

丁屯種三十一年同甯古塔將軍佟寶奏建齊

齊哈爾城及伯都納木城以科爾沁獻進之錫

伯卦爾察臣秋濤謹案一作卦勒察哈呼爾臣秋濤謹案一作達瑚哩壯

丁萬四千有奇分駐二城編佐領隸上三旗並

設城守尉防禦等官三十四年遵

旨陳奏進勦噶爾丹豫備事宜與安嶺北形勝之地

朔方備乘

卷三十六

關北徽恩兵將傳

五

索約爾濟山爲最已遣熟識路徑官兵自

盛京吉林墨爾根三路度至山遠近分置程站其

無水處掘井以待若山之東北呼倫貝爾諸處

有警則與臣駐軍之地近卽率墨爾根兵先進

吉林

盛京兵繼之若山之西烏勒輝諸處有警則

盛京兵先進臣率部下兵及吉林兵繼之皆會於

索約爾濟山以待

聖祖可其奏又

諭曰聞噶爾丹順克魯倫河而至薩布素速即遠行偵探
探僕賊犯車臣汗地聽酌量禦勦即踵其尾以進三

十五年二月

聖祖親征噶爾丹由獨石口出中路大將軍費揚古由

歸化城出西路

命薩布素扼其東路

諭領侍衛內大臣等曰近聞噶爾丹將欲東行故令薩

布素整兵設偵防其竄逸所派盛京甯古塔兵及科

爾沁兵以薩布素總轄凡口外所報軍務悉使知之

朔方備乘

卷三十六

國朝北徵用兵將帥傳

三

尋奏言期各路調集之兵於四月初由索約爾

濟山進克魯倫河四月

聖祖親臨克魯倫河噶爾丹西竄為費揚古所敗薩布

素奉

詔就喀爾喀河附近擇好水草處秣馬六月命率兵一

千移駐科圖餘皆遣還七月

詔分所部兵五百隸費揚古軍三十六年正月

召還京尋令仍回原任九月疏報沿河被水之十八莊

請以舊貯糧米按丁給散

聖祖曰薩布素前曾奏稱收貯糧米三萬餘石年久漸

朽與其積之腐爛何若散之為有益且出陳可濟軍

糧易新易於收貯其如所請行初邊境有墨爾哲勒

氏屯長累世輸貢康熙十年其屯長扎努喀布

克託請率眾內移甯古塔將軍巴海安輯之墨

爾根編四十佐領號為新滿洲三十四年薩布

素奏於墨爾根兩翼各立一學設助教官選新

滿洲及錫伯索倫達呼爾每佐領下幼童一名

教習書藝是為黑龍江建學之始

朔方備乘

卷三十六

國朝北徵用兵將帥傳

三

聖祖嘗問薩布素免死罪犯聚集黑龍江慮生事否薩

布素奏言兇徒俱分給新滿洲為奴勢孤力散

惡不能逞至是

聖祖憶其言以

諭大學士等曰人命所關重大朕數年以來凡盜案止

誅首惡其從犯俱免死發遣黑龍江每慮聚集或至

生事曾問及薩布素據所云則不惟全活甚眾且新

滿洲亦資益良多矣三十七年四月奏錫伯達呼爾

佐領阿穆瑚朗巴琳等曠誤防哨

諭曰薩布素任黑龍江將軍年久諳練地方事務亦得軍民之心錫伯達呼爾編入佐領已數年矣理合遵行禁令今曠誤防哨不可不嚴加處分佐領阿穆瑚朗巴琳俱革職交薩布素懲治嗣後若有此等不遵法紀者令薩布素酌量治罪以聞九月

聖祖巡幸吉林

諭大學士等曰薩布素授任以來為國効力訓練士卒平定羅剎勤勞可嘉其予一等輕車都尉世職並以朕御袍及纓緯於眾前宣諭賜之三十八年黑龍江

朔方備乘

卷三十六

國朝北徵用兵將帥傳

三

副都統關保為其所劾罷之協領都爾岱訐告濫用驛站車馬諸款薩布素以訐告在劾罷後

陳奏

聖祖以關保未任副都統時久為侍衛

諭大學士等曰薩布素辦事明敏然器局卑瑣朕巡幸吉林每見其逢迎近侍朕聽政多年何事未歷僉王端良夫豈不辨彼近侍何能為關保各款俱實料薩布素不能袒護可即令其察審尋覆奏察審關保疲勞驛站擬革職枷責

命從寬降五級調用三十九年五月薩布素奏黑龍江屯堡因灾荒積欠米石請俱俟豐年陸續交倉得

目前因羅剎侵擾內地是以駐兵黑龍江設立官堡遣員屯糧原欲多積米石厚備軍儲仍令革任總督蔡毓榮經理十二堡薩布素曾奏其皆有成效後因其十二堡荒棄無收復請停止屯種將壯丁改歸驛站其餘官堡通課日多並從前貯存倉米支散無餘致駐防兵餉匱乏薩布素難辭其咎令明白回奏八月

朔方備乘

卷三十六

國朝北徵用兵將帥傳

三

奏言官屯耕種雖未失時而地氣早寒秋霜損稼又累經水旱不能交納官糧兵丁糊口無資因以舊存倉米按丁支放由臣庸劣不能遠謀所致至前奏蔡毓榮所管十二屯堡停止耕種罪實難辭今以齊齊哈爾墨爾根駐防兵每年輪派五百人遣往錫伯等處耕種官田督令未及霜降悉行收穫夏秋間以船載穀運至齊齊哈爾倉收存其所買耕牛田器籽種先於備存俸餉內支用俟次年收穫日扣還歸款則糧儲

裕而兵餉可充疏下戶部察議尋議錫伯諸處屯種事宜應如所請行其以蔡毓榮荒廢之屯地妄報成效實屬瞻徇又以存儲穀石混行給散不能嚴飭兵丁屯種納糧應令賠償通穀一千二百三十餘石歸倉並請

旨嚴加治罪

聖祖命侍郎滿丕等前往察訊四十年正月滿丕等奏

薩布素狗私捏報屯種浮支倉穀應斬得

旨免死革任并革去一等輕車都尉世職在佐領上行

朔方備乘

卷三十六

關北徵用兵將傳

三

走尋授散秩大臣未幾卒乾隆年間

勅修盛京通志列薩布素於名宦且稱薩布素任黑龍

江將軍年久經理地方事務諳練明敏深得軍

民之心其平羅利及興建黑龍江學時稱其有

文武幹濟之才云

瑪拉傳

臣秋濤謹案一作馬喇

瑪拉滿洲鑲白旗人姓納喇氏尙書尼堪從子

也尼堪卒無子瑪拉與叔阿穆爾圖阿錫圖及

其弟兆資分襲尼堪二等子爵瑪拉襲二等輕

車都尉初任理藩院筆帖式

世祖章皇帝順治五年逆鎮姜瓖叛英親王阿濟格帥

師圍大同令瑪拉調蒙古兵隨征七年任戶部

副理事官累遷理藩院郎中康熙十四年察哈

爾布爾尼叛

聖祖仁皇帝命信郡王鄂扎帥師討之瑪拉自陳久任

理藩院習知蒙古情形願赴軍前效力遂奉

命與員外郎色稜赴科爾沁翁牛特巴林敖漢喀喇沁

土默特扎魯特諸部調選兵馬協勦凱旋擢通

朔方備乘

卷三十六

關北徵用兵將傳

三

政使十五年遷禮部侍郎十六年擢工部尙書

十七年同內大臣喀岱往科爾沁諸外藩宣

諭禁令二十年三月因

饗殿器用修造疎忽革尙書任仍留世職二十二年四

月

聖祖以俄羅斯數犯邊界擾害索倫及斐雅喀諸部

命集兵黑龍江爲進征計

遣瑪拉往索倫豫備軍實並支部帑四千兩量買貨物

攜赴軍前市易糧米牛羊瑪拉尋疏言索倫總

管博克等所獲俄羅斯人及軍前招降者皆迫於大兵始投誠索倫密邇俄羅斯不宜久留應移之內地事下部議行二十三年五月疏言雅克薩尼布楚二城久爲俄羅斯所據臣密詢情形雅克薩惟耕種自給尼布楚人歲捕貂與喀爾喀貿易資以養贍請

勅喀爾喀車臣汗禁止所部與尼布楚貿易並

勅黑龍江將軍水陸並進作攻取雅克薩狀因刈其田

禾則俄羅斯不久自困

朔方備乘

卷三十六

國朝恭親王將帥傳

三

聖祖是其言卽以瑪拉所奏檄知喀爾喀並以大兵將

次進勦傳示俄羅斯二十四年正月

詔遣都統朋春等帥師往黑龍江策議進兵又

念瑪拉自遣用以來甚爲奮勉且頗知雅克薩諸地形

勢

特授副都統銜參贊軍務三月瑪拉遣蒙古三十人往

雅克薩城生擒俄羅斯七人得城中設備及遣

人乞援各部狀遞送至京六月朋春等收復雅

克薩城大兵告捷瑪拉在事有功二十五年黑

龍江佐領鄂色以耕牛多斃農器損壞時近東作奏請儲備

命瑪拉往黑龍江督理農務

諭曰農事關係兵餉須令合力播種收穫豐稔懋著成

效二十七年授護軍統領是時俄羅斯遣使費耀多

囉等至邊境請會議地界

命內大臣索額圖偕瑪拉前往中途值噶爾丹侵掠喀

爾喀部

聖祖命傳諭費耀多囉等緩期定議二十八年偕索額

朔方備乘

卷三十六

國朝恭親王將帥傳

三

圖等由黑龍江水路赴尼布楚會同俄羅斯使

者議定邊界遂立界碑垂示久遠二十九年

聖祖以噶爾丹肆掠喀爾喀

命瑪拉同都統額赫納前鋒統領碩鼐等率喀爾喀兵

往征噶爾丹

賜內廐馬以行未幾噶爾丹掠烏朱穆沁

聖祖命裕親王福全等分統大兵協力會勦噶爾丹敗

遁師旋三十年正月噶爾丹復犯喀爾喀至阿

爾哈賚地無所掠而遁時以土謝圖汗車臣汗

率眾來歸

駕幸喀爾喀撫綏之瑪拉扈從五月

駕回鑾

命瑪拉同都統瓦岱等率兵赴圖拉偵軍事七月抵克

魯倫聞噶爾丹遠遁遂旋師九月

聖祖以瑪拉才能素著於蒙古事亦諳練

特授西安將軍三十一年三月準噶爾和碩特部巴圖

爾額爾克濟農來降

聖祖因其人未可深信

朔方備乘

卷三十六

國朝北徵用兵將帥傳

五

諭瑪拉概徙入內地毋致復逸瑪拉疏言巴圖爾額爾

克濟農率所屬二千二百餘口窮乏來歸揆其

情形不復逸矣遂遣員弁護送巴圖爾額爾克

濟農及其子育木春來朝

聖祖優賚遣之九月瑪拉以疾卒於任年六十有一

賜祭葬如典禮謚敏恪子瑪哈達襲三等輕車都尉世

職

佟國綱傳

佟國綱滿洲鑲黃旗人姓佟佳氏都統佟圖賴

長子初隸漢軍管佐領任一等侍衛

聖祖仁皇帝康熙元年襲父三等子爵尋任內大臣十

四年察哈爾布爾尼作亂

聖祖命撫遠大將軍信郡王鄂扎統師討之授國綱安

北將軍往鎮宣府賊平乃還十六年因佟圖賴

為

孝康章皇后之父追贈一等公以國綱襲二十年授鑲

黃旗漢軍都統二十二年充教習烏鎗兵丁總

管二十七年疏言臣先世因在撫順倡率明人

朔方備乘

卷三十六

國朝北徵用兵將帥傳

五

來歸故隸漢軍其初實係滿洲曾蒙

太祖高皇帝諭令與佟佳氏之巴都哩蒙阿圖諸大臣

攷訂支派敘明族譜今請仍歸滿洲事下部議

以佟姓官職眾多應仍留漢軍現任國綱本支

准改入滿洲是年俄羅斯遣使費耀多囉等至

尼布楚請定邊界

聖祖命國綱同內大臣索額圖等往議既抵色稜額因

噶爾丹侵掠喀爾喀

召還令遣人曉諭費耀多囉等緩期得其復書奏

聞明年四月同索額圖等往尼布楚定議以額爾固納河及格爾必齊河爲界立碑垂示久遠二十九年七月

命撫遠大將軍裕親王福全征噶爾丹以國綱參贊軍務八月朔師次烏蘭布通噶爾丹於隔岸林中臥駝於前而兵伏其後國綱兵奮勇進擊賊突發烏鎗國綱中創遂沒於陣櫬至京

命皇子及內大臣侍衛迎奠茶酒及將葬

諭領侍衛內大臣曰佟國綱爲國効力忽爾陣亡每一

朔方備乘

卷三十六

國北徵用兵將帥傳

美

思之痛不能已必須一視其喪朕心庶幾少慰國綱

弟國維及諸臣叩阻再三乃

命諸皇子及上三旗大臣侍衛部院大臣皆往送

賜祭葬如典禮謚忠勇以長子鄂倫岱襲一等公其陣

亡所得之騎都尉又一雲騎尉世職以第三子

夸岱襲

世宗憲皇帝時贈國綱太傅入祀昭忠祠並

勅立家廟

朔方備乘卷三十六

知縣林穗初校
知縣成明郁覆校

朔方備乘卷第三十七

紀事始末一

俄羅斯互市始末敘

臣秋濤謹案神農氏日中爲市致天下之民聚天下之貨交易而退各得其所漢時鮮卑互市欲得中國珍異之物南越關市禁鐵器蓋邊徼之地設市易以示羈縻資鎮撫其從來遠矣俄羅斯國在明代阻於朔漠未通中國然我

朝崇德二年喀爾喀土謝圖汗貢物有俄羅斯鳥

朔方備乘

卷三十七

俄羅斯互市始末敘一

鎗車臣汗貢物亦有俄羅斯鳥鎗蓋二部地居

嶺北因以市易所購獻諸天府也可知謙河菊

海之間早有通商之事至康熙雍正年間喀爾

喀已全部內屬俄羅斯亦遣使入貢始於庫倫

恰克圖等處派員經理著於令甲乾隆以來派

駐大臣規制益爲詳備我

列聖懷柔遠人仁育義正之意胥見於此敬查官修諸

書多在乾隆中年以前是以未紀三次閉關及

復准通市諸事近刻雜記年月率多抵牾事迹

亦難徵信謹備考公私紀載臚陳始末詳著於篇其 京師及黑龍江互市事闕北徼亦備著焉庶以祛羣疑備掌故云

俄羅斯互市總裁

臣 秋濤謹案我

朝與俄羅斯互市凡三曰 京師互市曰黑龍江互市曰恰克圖互市今一一詳考原委臚列於後此外塔爾巴哈台所屬之和尼邁拉呼卡倫定例不准通商又卡外之唐努山烏梁海等處

朔方備乘

卷三十七

俄羅斯互市始末

二

禁止商民前往貿易皆於便民利用之中寓杜漸防微之意亦不可不知也

京師互市

俄羅斯國於順治十二年始遣使入貢十三年又至十四年又遣使來途經三載十七年始至京師康熙九年遣使奉表十五年遣陪臣尼果賴等進貢方物 臣 秋濤謹案俞正燮云順治十二年十七年皆附貿易商人至 京城奏書康熙十五年貿易商人尼果賴等至

聖祖仁皇帝召見之

賜察罕汗書論邊界事是其國通貢之始即已兼攜方

物貿易是以尼果賴一人或稱陪臣或稱商人

也維時其國所屬羅刹滋擾黑龍江境出沒於

尼布楚雅克薩諸地屢經大兵勦撫而盤踞如

故康熙二十一年

聖祖以俄羅斯頻年肆害屢行曉諭令撤還其眾歸我

逋逃各居疆土互相貿易以安生業數次遣人

往諭亦於來使處屢有文移總無一次回報時

朔方備乘

卷三十七

俄羅斯互市始末

三

大臣馬喇奉

命往索倫諸部豫備軍需奏言雅克薩城恃田禾為食

尼布楚城與車臣汗部所屬巴爾呼接壤時以

牲畜易貂皮宜刈田禾絕互市以困之乃

詔車臣汗諾爾布飭所屬與絕市迨二十七年

命以屢論情由作書付荷蘭及西洋國轉達俄羅斯察

罕汗處察罕汗尋上疏乞撤雅克薩城之圍於

二十八年經內大臣索額圖等赴尼布楚議定

疆界立約曰和好既定以後一切行旅有準令

朔方備乘

卷三十七

俄羅斯互市始末

四

往來文票者許其貿易不禁二十九年俄羅斯使人吉里古里伊法尼齊等至京三十二年察罕汗遣使入貢以其奏文不合款式將貢物奏文一併發回帶來貨物仍令貿易是年定例俄羅斯國准其隔三年來京貿易一次不得過二百人在路自備馬駝盤費一應貨物不令納稅犯禁之物不准交易到京時安置俄羅斯館不支廩給限八十日起程還國此在京互市著名之始也

臣秋濤謹案俞正燮俄羅斯事輯云康熙三十三年其使自土魯番哈密來入

嘉峪關互市時為立館於京城中玉河橋西定三年一互市來者不得過二百人以八十日為期按通考會典皆載此事於三十二年疑即一事而俞正燮誤記為三十三年也

九年俄羅斯遣使者齎奏至臣秋濤謹案此次亦富有貿易人借至又按三年一互市係康熙三十二年癸酉定例蓋嗣後皆以己酉丑年來京此次係庚辰年較早四十四年十一月俄羅斯貿易人至大學士等以來文進呈

聖祖閱之曰此喇提諾托忒烏珠克俄羅斯三種文也

臣秋濤謹案此四十八年十二月俄羅斯貿易人至京

聖祖因馬齊舊管俄羅斯事復令其管理

臣秋濤謹案此次係己丑

年又案馬齊先為大學士因事鐫職是時特起管理五十二年俄羅斯商人科密薩爾至

京師貿易臣秋濤謹案此次係壬辰年較早一

年又案異域錄云五十一年七月二十三日圖理瑛等至楚庫柏興向俄羅斯國官言來時我

大皇帝猶恐從爾國經過沿途馬匹供

應不能接濟騷擾爾等特宜旨大臣傳

詢爾商人科密薩爾爾科密薩爾云一應馬匹

供應斷不致誤因此方遣我等前來在楚庫柏

興候察罕汗信任五箇月零三日五十二年往

京師貿易之科密薩爾俄佛那斯夜委翅至

楚庫柏興於我四人處各送白狐皮三十張並

果品等物我等言來時蒙我大皇帝恩

賜一切所用什物俱已全備並無缺乏爾科密

薩爾亦係行路之人何勞如此餽送璧辭科密

朔方備乘

卷三十七

俄羅斯互市始末

五

薩爾遣人復懇曰我等不時往中國貿易屢沾我中國方今既幸遇雖盡心恭奉猶為不足伏乞辱納再三懇乞我等言科密薩爾既如此說將食物收受其狐皮發回告爾科密薩爾我中國向來凡奉君命差遣人員一切禮物毫不敢受却其狐皮答以果餅據此是五十二年科密薩爾已自京師貿易事畢故歸其本國而遇圖理瑛等是年有俄羅斯屬尼布楚城居住之庫似克等共十口越界至中國伐木打牲經兵役拏獲本應照議定條約治罪

聖祖從寬宥免以文書交商人科密薩爾帶回彼國六

十年俄羅斯人來朝言其地距北極二十度以

上名為冰海臣秋濤謹案此雍正五年察罕汗遣使表賀

世宗憲皇帝登極附貢方物八月

命郡王策凌伯四格侍郎圖理琛等與彼國使臣薩瓦等議定楚庫河等處邊界尋

召見薩瓦等賞賜遣歸國十月理藩院奏俄羅斯頭目郎喀呈請以商人馬匹牛羊留於張家口外牧放

允之令郎喀嚴約所屬毋許滋事遣司官一員照料並朔方備乘 卷三十七 俄羅斯互市始末 六

飭附近張家口諸總管如俄羅斯貿易商人馬匹牲畜遺失查而歸之如不獲即令賠還毋俾困於行旅臣秋濤謹案是年仍在京師互市故郎喀有此請也是年以圖理琛擅納俄羅斯貿易人入界臣秋濤謹案蓋年非貿易之期議罪擬辟尋

宥免九年九月俄羅斯貿易之郎喀等前來由邊疆地方申報奉

旨特賞銀一萬兩以為途中買換馬畜之資嗣經理藩院奏准定例俄羅斯買賣人來時喀爾喀土謝

圖汗等報院具奏請

旨委官一人馳驛前往恰克圖地方伴接沿途照看

其買賣人仍依原議不給口糧食物一應夫馬

聽其自備由張家口至京路途歇寓令官兵護

送看守到京進館後兵部奏派副都統及官兵

看守買賣人出館行走皆令護軍等伴行

特簡內大臣部院堂官數人總理俄羅斯事務其監

視貿易官二人開列侍讀學士科道等職名引

見簡用十年三月俄羅斯使入貢道被劫車臣汗部

朔方備乘 卷三十七 俄羅斯互市始末 七

台吉敦多卜遣人護之行且給以糧事聞奉

旨獎諭賜銀幣臣秋濤謹案此事見蒙古王公表傳案此次貢使蓋即九年九月到邊界之郎喀等候京中遣官前往伴送故是年理藩院奏

准定例俄羅斯貿易事畢起程時照例委官撥

兵沿途護送並開列監視貿易官等職名候

欽點一人送至邊界乾隆二年監督俄羅斯館御史

赫慶奏俄羅斯互市止宜在於邊境其住居京

城者請禁貿易止令以貨易貨勿以金銀相售

在京讀書子弟亦不可任其出入使知內地情

形與圖違禁等物禁勿售與臣秋濤謹案此奏見

欽定皇朝通典及

欽定皇朝文獻通考蓋自是俄羅斯停止在京貿易而

互市之事統歸於恰克圖矣伏查乾隆五年

恩准準噶爾台吉通商酌定章程奉

諭旨云貿易之事亦如俄羅斯例四年一次人數不得

過二百限八十日還部再爾部人來若與俄羅斯同

在一年恐與爾等無益今定於寅午戌年來京子辰

朔方備乘

卷三十七

俄羅斯互市始末

八

申年至肅先期奏到遣官護理恭讀

聖諭知從前俄羅斯來京貿易係定於己酉丑年也自

乾隆二年停止京師互市之後俄羅斯惟喇嘛

及換班學生在京居住乾隆五十八年

上勅諭唎唎國王曰昨據爾使臣以爾國貿易之事

稟請大臣等轉奏皆係更張定制不便准行據爾使

臣稱爾國買賣人要在天朝京城另立一行收販貨

物發賣仿照俄羅斯之例一節斷不可行京城為萬

方拱極之區體制森嚴法令整肅從無外藩人等在

京城開設貨行之事爾國向在澳門交易亦因澳門

與海口較近且係西洋各國聚會之處往來便益若

於京城設行發貨爾國在京城西北地方相距遼遠

運送貨物亦甚不便從前俄羅斯人在京城設館貿

易因未立恰克圖以前不過暫行給屋居住嗣因設

立恰克圖以後俄羅斯在該處交易買賣即不准在

京城居住亦已數十年現在俄羅斯在恰克圖邊界

交易即與爾國在澳門交易相似爾國既有澳門洋

行發賣貨物何必又在京城另立一行天朝疆界嚴

朔方備乘

卷三十七

俄羅斯互市始末

九

明從不許外藩人等稍有越境攪雜是爾國欲在京

城立行之事必不可行

聖謨洋洋洞悉外裔情形敬錄於此以見京師互市之

原委云

黑龍江互市

臣秋濤謹案黑龍江省地鄰俄羅斯自康熙二

十八年立碑分界後每年派官兵巡察邊境因

各以土產交易無遠省之商無難得之貨亦未

嘗專派大員督理蓋與會甯中江諸市同為市

易之小者故其事不甚著今采諸書所記以備稽考

盛京通志曰秋盡俄羅斯來互市或百人或六七

十人一官統之宿江之西居氊幕植二旗於門

衣冠皆織罽為之易縑布煙草薑椒糖錫等物

龍沙紀略曰俄羅斯來互市禿袖方領冠高尺

許頂方而約其下行坐有兵卒監之所攜馬牛

皮毛玻璃佩刀之類又曰每年五月三城各遣

大弁率百人巡邊三城謂卜魁城墨爾根城艾

朔方備乘

卷三十七

俄羅斯互市始末

十

齊齊哈爾城艾至鄂爾姑納河臣秋濤謹案即

渾即黑龍江城額爾古納河分

界處也河以西俄羅斯境察視東岸沙草有無牧

痕防侵界也往返各五六十日卜魁往者渡諾

尼江臣秋濤謹案指西北過特爾姑爾峯與安嶺

臣秋濤謹案涉希尼客河開拉里依木等河草

路彌漫無轍迹辨方而行刻大樹以識歸路墨

爾根往者亦渡諾尼江西北過興安嶺盤旋層

嶂中其路徑為易識艾渾往者從黑龍江湖流

北上折而西過雅克薩城故墟至界碑

黑龍江外紀曰黑龍江與俄羅斯分界處歲以

五六月間派齊齊哈爾墨爾根黑龍江協領各

一員佐領驍騎校各二員共兵二百四十名分

三路至格爾畢齊額爾古訥默里勒克楚爾海

圖等河巡視謂之察邊格爾畢齊額爾古訥二

河齊齊哈爾卓帳處也墨里勒克河墨爾根卓

帳處也楚爾海圖河黑龍江卓帳處也察邊之

事歲於七月內咨報理藩院而邊界清謐例於

年終專摺奏

朔方備乘

卷三十七

俄羅斯互市始末

十一

問將軍惟新任者察邊餘不爾 又曰察邊者既至

格爾畢齊河瑪玉爾先來謁待以賓禮明日請

我官過其地盛設酒肴極款洽意酒五色頗香

清然限三爵不多進食則用匕瑪玉爾俄羅斯

官名也 又曰官兵與俄羅斯問答以索倫蒙

古語亦有通其語者不過數句其人衷甲佩刀

髀至骭纏罽布坐皆伸足瑪玉爾冠上插物類

雞毛帚或即以是分爵秩其妻服衫甚長見通

草花印板畫易以皮毳殊珍重官兵緣以為利

會典事例曰康熙三十二年以俄羅斯奏文體式不合將貢物奏文一併發還其帶來貨物仍令貿易嗣後俄羅斯奏文先令黑龍江將軍開看若有不合式處即自邊地駁回驗明合式方令入奏

龍沙紀略曰俄羅斯來文二函一彼國字一蒙古字貴官與商賈名悉載康熙丙申歲來文稱察罕汗一千七百一十六年署銜具先代官職於前重世祿也將軍以其文達兵部理藩院

朔方備乘

卷三十七

俄羅斯互市始末

三

傳謹案此即互市時噶噶林所移印文也故貴官與商賈名並列

欽定皇朝通典曰初凡通市諸物有噶噶林印記者准市餘則否康熙五十六年七月俄羅斯邊城頭目以文來請於將軍托留欲私行貿易

上命托留移文切責之

臣秋濤謹案盛京通志托柳滿洲鑲紅旗人康熙五十五年

任黑龍江將軍即此托留也以上數條皆康熙年間黑龍江互市之事

黑龍江外紀曰今互市所有不過佩刀妝鏡鐵盤樺皮斗及羔獺等皮而官兵利已三倍若墨里勒克所得遠勝此地顧其人犷悍不易制故

官兵輜重皆納窖中以防竊蓋其人乃俄羅斯之得罪戍邊者臣秋濤謹案黑龍江外紀係西清所著此嘉慶年間黑龍江互市之事也

恰克圖互市

菊海以南燕然以北廣袤數千里商賈皆萃於庫倫所屬之恰克圖亦朔漠之間一都會也康熙年間初設互市本在庫倫迨雍正五年卡倫既設乃遷於卡倫外之恰克圖而庫倫駐大臣司稽覈焉考庫倫本漠北名勝地臣秋濤謹案庫倫亦作庫

朔方備乘

卷三十七

俄羅斯互市始末

三

論亦作苦另蕪之鎗後出塞錄有云自黑龍江西行三千五百餘里至圖拉必喇已在歸化城之正北再逾一橫往北數十里即苦另山山甚峻上有番僧奉大佛寺及諸商賈俱集於此皆與俄羅斯國貿易者下苦另山千里即俄羅斯國界望之皆坦途且有池塘溪港大小舟航絡繹其間芳草長堤柳掩映宛然中華風致非復黃沙白草之地也松筠曰所謂庫倫者蒙古語城圈也該處有喇嘛木柵如城故曰庫倫臣秋濤謹案或謂庫倫即崑崙之音轉此地為漠北大分水之脊其東出之水流入東海北出之水流入北海猶西域之有崑崙山也說亦可通存以備考庫倫南十餘里有汗山綿亘高聳茂林如畫春秋祭祀禁止採樵山北帶河曰圖拉源出庫倫東北肯特依山是水曲折流二千餘里西入鄂爾坤河鄂爾坤河入色楞格河色楞格河由恰克圖西側北流入俄羅斯之拜噶勒淖爾一統志所稱白哈兒湖異域錄所云

柏海兩湖也元史謂之菊海匯合諸水為漠北第一巨浸下流入於北海以此言之庫倫一帶實據俄羅為哲布尊丹巴呼圖克圖坐牀處秋斯上游也為哲布尊丹巴呼圖克圖坐牀處秋班禪額爾德尼為最勝其次則哲布尊丹巴呼圖克圖也漠北四大部咸宗仰焉其駐處即庫倫先是康熙二十七年喀爾喀為噶爾丹所襲舉部潰走眾議就近投入俄羅斯為使請決於哲布尊丹巴呼圖克圖呼圖克圖曰俄羅斯素不尚佛俗尚不同莫若攜全部內徙歸投大皇帝可邀萬年之福眾欣然羅拜乃同度漠南乞內附遂蒙我聖祖再造之恩松筠言哲布尊丹巴呼圖克圖明哲善斷如此洵不愧為眾所宗仰也

自京師皇華驛北行二千八百八十里而至庫倫臣秋濤謹案會典曰凡驛北路皆由阿爾泰軍臺達之張家口外阿爾泰軍臺自出內扎薩克四子部落境起由第十九站奇拉伊木呼爾至賽爾烏蘇凡六站由賽爾烏蘇至庫倫凡十四站由庫倫至恰克圖凡十二站以備巡查卡倫並達俄羅斯互市

朔方備乘

卷三十七

俄羅斯互市始末

古

爾噶勒臺又八十里至博羅諾爾臺又七十里至呼齊干臺又一百二十里至他沙爾臺又八十里至伯特格臺又七十里至勒莫格特依臺又六十里至庫特勒那爾蘇臺又八十里至噶薩那臺又一百二十里至努克圖臺又五十里至庫都格諾爾臺又六十里至恰克圖

臣秋濤謹案恰

朔方備乘

卷三十七

俄羅斯互市始末

古

克圖亦作必齊科圖東倚貝勒蘇圖山西臨色楞格河北與俄羅斯之都爾班卡倫接界泰西人記俄羅斯義爾古德斯科南界恰克圖名初有甲他城即恰克圖北之市圈也

不著以互市故始大顯臣秋濤謹案康熙五十年爾扈特假道俄羅斯境即由此路然其時尚未著恰克圖之名蓋邊境互市未有定所故也自雍正五年始定以恰克圖為常互市所他處不得通貿易而恰克圖之名始大著矣故今述互市事首尾自康熙五十九年庫倫之市始先是俄羅斯人祇准隔三年來京貿易一次而喀爾喀土謝圖汗部與俄羅斯接壤其邊界之民互相貿易向惟土謝圖汗自為經理初未設官彈壓亦未著於功令也康熙五十九年理藩院議准哲布尊丹巴呼圖克圖庫倫地方俄羅斯與喀爾喀互相貿易民人叢集難以稽察嗣後內地民人有往喀爾喀庫倫貿易者令該管官出具印文將貨物人數開明報院給與執照出何邊口令守口官弁驗明院照放行如帶軍器禁物立即查拏送院交該部從重治罪由院委監視官一人前往會同喀爾喀土謝圖汗等彈壓稽查二年一次更代是為庫倫准互市之

始設官著令皆肇於此臣秋濤謹案此事見會典事例會典又云康熙五十九年始准於庫倫互市即指此今庫倫理藩院派駐司官二人筆帖式二人蓋後有增設之員六十年也

詔允哲布尊丹巴呼圖克圖之請

賜土謝圖汗旺札勒多爾濟印文曰鄂齊賴巴圖土謝

圖汗

命督理俄羅斯邊境事臣秋濤謹案定制庫倫辦事大臣二人一由喀爾喀扎薩克內

特派其事始此雍正四年旺札勒多爾濟購穀種於俄

羅斯先是康熙五十四年征策旺阿喇布坦於

朔方備乘

卷三十七

俄羅斯互市始末

六

推河駐大軍議屯田以裕軍食

詔旺札勒多爾濟奏所部可耕地因言額爾德尼昭

等十餘處皆可耕及是旺札勒多爾濟因額爾

德尼昭之相宜穀種遣人購之俄羅斯並請助

屯田兵糧得

旨褒獎並

賜幣五年八月遣郡王策凌內大臣伯四格侍郎圖理

琛等與俄羅斯使臣薩瓦議定楚庫河等處邊

界安設卡倫

臣秋濤謹案此事見皇朝通典及四裔考又案西域水欽定

道記引蒙古親王策凌傳云雍正五年策凌偕內大臣四格等赴楚庫河與俄羅斯使薩瓦立石為界即指此事綏服紀略則云雍正五年特派尚書三員察畢那特古忒圖麗琛前往會同俄使勘定疆界並設卡倫數其所記宜為一事而人名不同或者親王策凌與四格等乃立議之人尚書察畢那特等繼為安設卡倫而往亦未可知然策凌因議定疆界後陳兵鳴礮謝天為四格劾奏議罪應削爵詔罰俸三年侍郎圖理琛亦以是事被劾並擅納俄羅斯貿易人入界議罪擬辟尋宥免是圖理琛是年奉使定界時官止侍郎綏服紀略以為尚書係屬外誤其所記察畢那特等之名以恰克圖為常互市所人數不得過二百設監視官一員由

理藩院司官內揀選二年一次更代是為恰克

朔方備乘

卷三十七

俄羅斯互市始末

七

圖准互市駐部員之始

詔非市期毋許俄羅斯踰楚庫河界

臣秋濤謹案藩部要略云雍正五年

以恰克圖為土謝圖汗部與俄羅斯互市地

詔非市期毋許俄羅斯踰楚庫河界蓋自是庫倫之市移於恰克圖以庫倫在卡倫內恰

克圖在卡倫外故也綏服紀略云是時庫倫尚未派駐大臣凡此卡倫俱係辦理夷

務之喀爾喀王丹津多爾濟統轄是年定議

規條所有喀爾喀俄羅斯屬下人等沿邊互相

偷盜者皆繩以法而卡倫處所儻有被盜馬匹

者即令事主呈報該卡倫踴躍交與對面卡倫

按限嚴緝拏獲審明罰賠治罪如不能拏獲即

於不能嚴緝之該卡倫追賠給還事主兩相不食通逃及恰克圖貿易兩無權稅等款共十一則刊刻刷印頒行自是喀爾喀俄羅斯沿邊人眾咸知約束以聽規治俄羅斯有辦事公廨名曰薩那特臣秋濤謹案特一作忒其國遇有事件即由薩那特申文直達理藩院奏請定奪永為定制時俄羅斯人初同內地人民於市集交易一切維恐見笑故其詞色似少遜順經恰克圖司員諭以中外一家之道俄羅斯懽忻感激信睦尤著

朔方備乘

卷三十七

俄羅斯互市始末

六

其內地商民至恰克圖貿易者強半皆山西人由張家口販運烟茶緞布雜貨前往易換各色皮張氈片等物初時俗尚儉樸故多獲利嗣是百貨雲集市肆喧闐恰克圖遂為漠北繁富之區云九年奏准俄羅斯買賣人來時土謝圖汗等報院請

旨委官

一人馳驛前往恰克圖伴接

臣秋濤謹案此是進京貿易之商人

亦限令由恰克圖進口也

乾隆二年監督俄羅斯館御史赫慶奏言俄羅斯互市止宜在於邊境其住居京

城者請禁貿易自此以後統歸恰克圖貿易矣七年理藩院議准駐劄庫倫司官改為三年一次更代兵部議准硝磺牛角鋼鐵等物及各項軍器不許賣與俄羅斯如有私賣偷出邊口不行嚴拏該管官及兵役知情故縱者皆交刑部治罪不知情者守關口官革職該管上司降五級調用十年

朔方備乘

卷三十七

俄羅斯互市始末

九

命土謝圖汗部親王額璘沁多爾濟督理俄羅斯邊境事十二年議准恰克圖駐劄司官改為三年一次更代二十一年九月土謝圖汗部台吉琳不勒多爾濟自科布多軍營調回庫倫協理俄羅斯邊境事二十三年土謝圖汗部親王參贊大臣桑齋多爾濟赴庫倫協理俄羅斯邊境事十二月土謝圖汗部台吉三都布多爾濟協理俄羅斯邊境事二十四年二月桑齋多爾濟請以茶布易俄羅斯馬

詔如所請是年議准庫倫恰克圖貿易事務日繁駐劄司官應給關防各一顆凡各商至庫倫恰克圖

者皆給以理藩院票由直隸出口者在察哈爾都統或多倫諾爾同知衙門領票由山西出口者在綏遠城將軍衙門領票以該商姓名貨物及所往之地起程之期書單黏合院票給與其已至所往之處又欲他往者許呈明該處將軍大臣扎薩克改給執照其各商領票後至庫倫者由庫倫辦事大臣理藩院司官稽察至恰克圖者出卡倫時由卡倫上會哨之扎薩克稽察至商集由恰克圖理藩院司官稽察凡票商令

朔方備乘

卷三十七

俄羅斯互市始末

三

以現銀現貨交易定限一年催回不准藉索欠為名潛留各部落娶妻立產不准取蒙古名字無票者即屬私商查出照例治罪逐回貨物一半入官恰克圖商集以理藩院司官一人主之設書吏畢協齊臣秋濤謹案該班蒙古章京昆都瑪那奇等每歲支給口糧賞需銀二百十二兩有奇又該司員給賞俄羅斯瑪玉爾普爾魯克喀密薩爾等綢緞價值皆於口北道衙門支領報銷商集分設八行選商之良善殷實者為

行首與眾商會同估定貨價該司官按各商到集日期先後令以次交易蒙古扎薩克及哲布尊丹巴呼圖克圖等差人來市者價值百兩以下聽其交易百兩以上由扎薩克及商卓特巴以印文咨恰克圖司官交各行首交易後覆文遣回其有不肖商人希圖射利頂冒者察出將該商與喇嘛蒙古等一併治罪貨物入官扎薩克商卓特巴參處此庫倫恰克圖兩處司員職守之大略也二十六年

朔方備乘

卷三十七

俄羅斯互市始末

三

命桑齋多爾濟赴恰克圖購馬尋命車臣汗部台吉貢楚克扎布赴恰克圖助購馬事二十七年始設欽差大臣駐劄庫倫辦理夷務於是理藩院議准派駐庫倫辦事大臣三年更換由理藩院開列請旨會典云置庫倫辦事大臣以司俄羅斯邊務東西會兩將軍而理之又曰庫倫辦事大臣二人一由在京滿洲蒙古大臣內簡放一由喀爾喀扎薩克內

特派所屬庫倫本院司官二人筆帖式二人恰克圖

本院司官一人轄卡倫會哨之各扎薩克以理

邊務凡行文俄羅斯薩那特衙門皆用庫倫辦

事大臣印文其東黑龍江境內則由黑龍江將

軍呼倫貝爾副都統其西至近吉里克以西則

由定邊左副將軍科布多參贊大臣經理皆與

庫倫辦事大臣會同酌辦此庫倫辦事大臣職

掌之大略也二十九年停止恰克圖互市臣秋

案初次閉關諸書紀載不一理藩院舊檔謂因

俄羅斯私增貨稅之故綏服紀略則云因俄羅

朔方備乘 卷三十七 俄羅斯互市始末 三

斯遺失馬匹以少報多之故按私增貨稅之事

見於大臣任內稽查檔案見聞較確伏查

聖訓有云近因俄羅斯不遵舊制違背近約蓋

違約非止一事即妄報失馬亦在其中但舊檔

記其事為二十七年與綏服紀略年分不同恐

鈔寫或謬今依綏服紀略載於二十九年若西

域聞見錄載二十年後以阿睦爾撒納之故土

爾扈特之嫌絕其貿易不復與通今按年月考

之二十二年彼國來借黑龍江運糧二十三年

獻阿睦爾撒納屍二十四年六月購馬於

彼國不與通亦未停其貿易也俞正燮知西域

聞見錄之非而所事輯以爲二十三年正月

彼國獻阿逆屍四月舍榜叛投彼國檄索不與

高宗怒絕其貿易至四十四年開市云

云按二十三年雖有舍榜投彼國之事然恰

克圖並未閉關二十四年方以貿易事繁添給

部員關防又連年皆令蒙古購馬於彼國則非
因舍榜事絕市甚明俞正燮所記亦係揣摩失
指魏源等因而述之皆非也且四十四年乃二
次閉關之時而以爲開關尤謬乾隆間三次閉
關惟第三次凡歷八年爲時最久若如所云二
十三年閉至四十四年始開則是已閱二十一
年考之諸書無一合者總之官書於三次閉關
原委均未詳載四裔考載三十年上諭
云恰克圖貿易近因俄羅斯不遵舊制違背禁
約甚且私收貨稅苦累商人是以前旨停止恭
釋 聖諭是前數年停止非指本年也俞
正燮以爲四裔考載三十年閉關亦屬誤會今
併不 先是有烏梁海人瑪木特呈遞俄羅斯文
書

高宗以俄羅斯人狡詐叵測恐其假此爲由窺伺烏梁

朔方備乘 卷三十七 俄羅斯互市始末 三

海

命將瑪木特解京訊問又桑齋多爾濟奏稱從前俄羅

斯賊匪竄入將喀爾喀裘達囉拉噶駐卡官兵

戕害劫擄旋又持械進索倫游牧又在塔爾巴

哈台地方偷竊而俄羅斯轉飾詞抵賴奉

旨以此等事邊疆大臣並未先行具奏切責之時俄羅

斯漸淪禁約私收貨稅又附近卡倫之喀爾喀

俄羅斯互有遺失馬匹數至逾千無憑稽查而

俄羅斯以少報多殊爲狡猾奉

旨嚴行申飭至是遂閉恰克圖不與市易既而桑齋多爾濟商同庫倫大臣丑達私與俄羅斯交易丑達與司員額爾經額藉以漁利事覺鞠實三十

年十一月

詔削桑齋多爾濟郡王爵又

諭曰恰克圖貿易一事近因俄羅斯不遵舊制違背禁約甚且多收貨稅苦累商人是以降旨停止原以俟其自知悔過抒誠祈請再准其通商貿易恐桑齋多爾濟身係蒙古未能深曉事宜復派大臣前往稽查

朔方備乘

卷三十七

俄羅斯互市始末

十四

彈壓協同辦理其所以責成者甚重當桑齋多爾濟起意私通交易時丑達係特派大臣理應正言阻止阻之不從即應據實參奏乃不惟不行阻止參奏並且通同舞弊貿易多次核其贓私竟至數千兩之多藐法營私殊出情理之外及經拏解來京尙敢冀免顯戮在路延推負恩喪心實屬可惡此斷不可以一日容留丑達已依議正法至額爾經額係隨往司員若丑達等恪遵禁令嚴絕貿易則額爾經額決不敢自行罔利其情較丑達稍輕是以改爲斬監候此中

輕重權衡惟一秉至公毫無成見期協乎情罪之至當而已可將此曉諭中外并軍營辦事大臣知之尋命復封桑齋多爾濟爲郡王俄羅斯後知悔過於三十年八月遣使申請馬匹舊事概無庸議懇乞開關交易時庫倫辦事大臣慶桂同喀喇沁貝子瑚圖靈阿稟遵

訓旨會同彼國廓密薩爾定議章程以俄羅斯恭順情形入奏欽奉

朔方備乘

卷三十七

俄羅斯互市始末

十五

諭曰此次通商特因俄羅斯恭順誠切一切遵奉章程是以俯准所請瑚圖靈阿等當妥協辦理從前俄羅斯漸欲增稅亦因內地商人圖利私增價值之故以致停止貿易今復行通商毋得仍蹈故轍著傳諭瑚圖靈阿等明白曉示商衆如有前項情弊嚴查治罪卽勒保所帶同人亦令與商人一體貿易不得以官價爭買三十六年土爾扈特汗烏巴錫及舍楞等由俄羅斯來歸或謂不宜納彼國屬部虞啟邊釁高宗以上爾扈特本係塔爾巴哈台一帶游牧部落今

係復歸故土非我受彼叛人至舍榜本我叛臣
曩奔俄羅斯屢索之而違約不與今既來歸自
當收納

命理藩院以此意行文諭之俄羅斯誓服無他言仍通
市如故或以為因土爾扈特來歸之嫌絕市非

也四十四年再停恰克圖互市臣秋濤謹案理
十三年俄羅斯瑪玉爾妄自尊大有傷和氣因
而閉市綏服紀略亦云四十四年奏停市易惟
會典事例載停互市事時俄羅斯有應會審夷
犯彼國頭目瑪玉爾並不即時會辦經庫倫辦

朔方備乘

卷三十七

俄羅斯互市始末

三

事大臣索林一面閉關一面奏請暫停市易未
免過於急迫因奉

諭旨嚴行責飭時尙書博清額奉

命馳往率同土謝圖汗徹登多爾濟悉心查辦俄羅斯

悔罪懲治夷犯求開市易於四十五年奉

旨准其仍前交易是年開關一應章程均照舊例辦理

其內地商民至卡倫時查驗部給執照與其車

輛駝隻等數目相符另給執照俟至恰克圖時

恰克圖部員再行查驗如無卡倫所給執照不

准入市又奉

諭旨嗣後沿邊地方有孥獲私走或逃出之俄羅斯男
婦訛無別項情故者或將伊等放回或遣人送回俄
羅斯以示天朝不留彼處人民大體儻有成羣私來
偷竊馬匹等項事故者著孥獲後奏明請旨四十九
年奉

旨恰克圖事務甚屬緊要所有恰克圖部員亦著隸駐
劄庫倫大臣管理是年庫倫有商民斬明者前赴附
近卡倫之烏梁海游牧貿易被俄羅斯所屬之

朔方備乘

卷三十七

俄羅斯互市始末

三

布哩雅特等數人劫去貨物例應會同彼國緝
犯正法以示懲警時庫倫辦事大臣勒保同喀

爾喀副將軍郡王蘊敦多爾濟盟長貝子遜都

布多爾濟三人共理邊務設法訪知盜首夷名

奏請檄行俄羅斯駐劄額爾口城之固畢納托爾

臣秋濤謹案俄羅斯守邊大頭目日名拉木巴

者飭令捕盜會審旋即獲烏呼勒咱臣秋濤
謹案一

作烏拉數犯遣其咭那喇爾臣秋濤謹案俄羅
斯管兵頭目日咭

爾那喇臣秋濤謹案俄羅
斯管兵頭目日咭送赴恰克圖同該處駐劄司員審明遂將

照例罰賠之十倍貨物如數呈繳正宜將賊犯
明法示眾乃其咭那喇爾人本糊塗意以呈出
罰賠貨物事已完結遂將數犯鞭笞鉗其鼻耳
發遣伊境東北無人處所並未詳細知會恰克
圖司員其辦理殊屬率謬庫倫大臣發檄詢之
固畢納托爾拉木巴者愚頑無知一如咭那喇
爾推諉竟以結案爲辭庫倫大臣遂以烏呀勒
咱持械進卡搶奪彼國延不交犯劾奏因奉

諭旨著理藩院行文與薩那忒飭令換回其固畢納托

朔方備乘 卷三十七 俄羅斯互市始末 天

爾等秉公治罪乃薩那忒於五十年春申文亦
僅希冀了事理藩院奉

旨發檄責飭旋撤恰克圖貿易時松筠方奉使吉林查
辦參務旋京復

命之日卽派往庫倫協理其事

召見時

聖諭諄諄以邊務宜示大公俾荒夷畏威懷德方爲盡

善松筠凜遵

訓旨馳抵庫倫會同辦理諭令俄羅斯悔過自省旋以

閉關後例應嚴禁私販而卡倫兵役以及沿邊
蒙古必需之煙茶布疋自宜酌辦勿使乏用因
遵

旨查其人戶多寡擬定章程凡卡倫官兵所需者行令
各該旗兩月一送卡倫官兵各有打牲所獲皮
張隨時發給該旗歸還商民沿邊蒙古所需者
令商民領票前往發賣並飭令各旗扎薩克留
心查察不使商民潛出卡倫與俄羅斯私行貿
易時議以大黃藥料尤爲俄羅斯必需之物恐

朔方備乘 卷三十七 俄羅斯互市始末 天

商販私爲偷漏

諭嚴禁之蓋俄羅斯新都在彼得羅堡濱海多魚舊都
在莫斯科窪五穀較少惟魚是食須大黃以解
魚毒其東偏錫伯利諸部本韃而韃舊壤風俗
多同蒙古不食五穀惟嗜牛羊酥乳臟腑火盛
亦必須大黃以蕩滌之至俄羅斯南境毗連安
集延回疆等處食大黃者雖少而多用以染色
故俄羅斯特派頭人專司收買大黃散給屬下
官賣濟眾此彼國不可一日無大黃之實在情

形也既停通商自應絕其接濟於是節次傳

諭庫倫恰克圖及新疆等處駐劄大臣嚴禁大黃出口

又以俄羅斯接壤西洋恐其向西洋各國轉販

大黃當

諭令盛京直隸山東江南浙閩粵東各督撫等飭屬於

沿海口岸實力稽查毋許姦商偷販大黃出洋

致轉售於俄羅斯希圖厚利尋松筠奏言大黃

一項庫倫所屬蒙古僧俗內間或存有十餘斤

止為染色而用其恰克圖販賣大黃者僅有青

朔方備乘

卷三十七

俄羅斯互市始末

三

海回民一家最為俄羅斯所信服他商販此則

不能售該商頗知大體屢荷

恩賞實屬感激守法故庫倫所屬地方毋庸查禁大黃

五十四年以哈密北山葫蘆溝等四處出產大

黃其性甚寒難以合藥現在內地嚴禁販賣大

黃恐姦民或因嘉峪關稽查嚴密潛往哈密偷

挖販賣假充內地大黃販往新疆回部等處亦

未可知奏奉

諭旨一體禁止

臣秋濤謹案此事見會典事例兵部邊禁門

嗣是新疆烏什

等處辦事大臣以查禁私販大黃情形奏入奉

旨以查辦過當嚴加責飭並著出示曉諭安慰回眾復

諭曰大黃一種不特內地民人用資療疾即出口地方

如熱河八溝等處人煙輻輳亦與內地無異若查禁

過嚴致商販裹足不前於民間亦多未便第各省查

禁私販固不可有意從嚴亦不可漫無稽察著督撫

等各就地方情形妥立給票章程定以限制斤兩酌

議每處需用大黃若干發給官票於經過各關隘時

將票呈驗如無官票可憑即係私行販運查拏治罪

朔方備乘

卷三十七

俄羅斯互市始末

三

飭令地方官妥為經理毋令不肖吏胥藉端需索有

票者不禁無票者即係私販並於通衢僻壤出示曉

諭以現與俄羅斯不通貿易是以不准大黃出口俟

將來俄羅斯送出賊犯後仍可開關通市則大黃一

種原應照常販運自毋庸給與官票有累經商各督

撫一面酌議奏聞即一面徧行出示不必俟部覆到

時始行辦理免致往返稽遲有誤閭閻需用又

諭曰大黃藥料為民間療病所必需前因不准與俄羅

斯交通貿易恐姦商私行偷漏是以諭令沿海各省

督撫飭屬實力稽查旋經續降諭旨不可查辦過當以致因噎廢食並令各就地方情形妥立章程發給官票以憑查驗原恐各處海口地方偷販出洋轉售俄羅斯希圖厚利必須嚴加查禁至內地各州縣本可任其商販流通若一概令請官票始准採買行運地方官辦理不善非特胥吏藉端訛索擾累商人而各州縣不肖官員亦難保無從中染指之弊以致商販裹足藥材短缺於民間多有未便殊非朕惠愛閭閻之意嗣後大黃一種止須於各省沿海口岸及直

朔方備乘

卷三十七

俄羅斯互市始末

三

隸之山海關等關口近邊地方嚴行飭禁毋許絲毫偷漏卽陝甘兩省亦祇當於嘉峪關榆林等處加意查察其內地省分如臺灣瓊州崇明等處地懸海外仍著各該地方官酌定限制給與官票呈驗以防私販偷漏其餘各州縣均聽其照常販運毋庸給發官票以免紛擾而便民用當是時俄羅斯因撤貿易實知悔過將其債事之固畢納托爾拉木巴撤回另派妥人駐劄額爾口遍覓遣犯烏喀喇哈並無蹤跡屢行申文懇求均經理藩院遵

旨飭駁迨乾隆五十四年秋有衛勒千卡倫巡兵齊巴克等出卡竄蹤忽遇俄羅斯打牲之哈哩雅特數人查問來歷哈哩雅特恐被捕捉遂放鳥鎗以致齊巴克受傷斃命松筠曰此舊事未了又生旁枝矣然亦可謂了事之機耳所有鎗斃齊巴克一案因不知兇首夷名卽時具

朔方備乘

卷三十七

俄羅斯互市始末

三

先後拏獲縛送恰克圖會審聲明舊犯烏喀喇哈已無蹤跡懇將現獲之犯示眾辦理並完舊案松筠等因卽繕摺具奏遂赴恰克圖督令司員等審明卽於界所將正犯二名先後處死示眾其從犯一名重責發遣奏請以結新舊之案奉諭以松筠等未經先行請旨擅自辦理殊屬錯謬嚴加責飭仍宥其應得之咎時俄羅斯乞

恩貿易文書將至適有西路塔爾巴哈台之土爾扈特

喇嘛薩邁林

臣秋濤謹案一作薩麻林

因迷路入哈薩克及

俄羅斯界攜有書信還收謬言俄羅斯有誘致

土爾扈特陰謀不軌之意因解京審訊並飭松

筠等於恰克圖詢訪情形以俄羅斯仍前恭順

實無可疑覆奏奉

旨著理藩院以俄羅斯現在懇求貿易果如薩邁林所

言未曉其意何居究係有無之事檄詢俄羅斯

令其明白稟覆仰見

朔方備乘

卷三十七

俄羅斯互市始末

三

聖謨神武正大光明實非臣下之所能及也俄羅斯奉

到檄文無不駭怖其守邊頭目備述伊等自來

守法况正在懇求市易又何敢另有陰謀情詞

甚屬可信蓋哈薩克慣造謠言而薩邁林適因

迷路至彼復入俄羅斯界乃還其或聽信哈薩

克謠言抑或故為是言駭眾以圖免其私出卡

倫之罪均未可定旋據俄羅斯薩那特衙門稟

覆言我國實無干犯邊境之事並查詢各處亦

無見有薩邁林者薩邁林所攜之信係屬偽造

向來此等書信從無用印兩顆之理况鈐蓋之

處不合款式並非邊界頭目手記我國於

天朝素習恭順不敢稍存異念所有從前未結各案

懇求早為剖斷至土爾扈特久已投誠

大國生聚有年安居得所豈敢冀其復還故土想

蒙

大皇帝俯念忱悃信其無他從前恰克圖貿易通商於

俄羅斯大有裨益敢乞轉奏

大皇帝施恩復准開市等情具奏奉

朔方備乘

卷三十七

俄羅斯互市始末

三

旨復提薩邁林根詢薩邁林驚懼無詞置對奉

旨即行正法此事若非

聖明勅令檄詢何以折謬言而釋眾疑守土者尤宜欽

佩也五十六年冬奉

旨著理藩院檄行俄羅斯准其所請開關市易時以俄

羅斯誠心恭順我

聖皇樂天宇小故有是檄欽奉

訓旨此次開關市易必須詳查情形妥為定擬章程明

白曉諭俾俄羅斯永遠遵奉方為盡善松筠等懷遵

訓旨酌擬規條奏請檄調固畢納托爾色勒裴特訂期
會議閉關既久俄羅斯不得貿易殊爲拮据一
聞檄令定期會議羣夷無不歡舞色勒裴特遂
由額爾口城乘馬車飛馳前來聽命時松筠已
任滿來代之辦事大臣副都統普福亦抵庫倫
會同松筠與協辦貝子遜都布多爾濟於乾隆
壬子孟春遵

旨前赴恰克圖既到之日色勒裴特遣人致意次日親
來謁見因即遵

朔方備乘

卷三十七

俄羅斯互市始末

三

旨諭以前此烏呼勒咱一案爾從前之固畢納托爾及
咭那喇爾等辦理實屬錯謬嗣後爾邊界頭目
如遇會辦事件自應照例急速完結不可仍前
延緩以至追悔無及據稱從前之固畢納托爾
等均已撤回另換我等前來一切敬聽指示遵
行斷不敢再有推諉情詞誠懇遂欽遵

高宗指示一切仍照舊章至命盜案件嗣後邊地設有
犯者無論喀爾喀俄羅斯各宜按限緝獲送赴
恰克圖會審明確各照本例正法後彼此文移

知會於犯事處所明白曉示其沿邊一帶應剴
切曉諭以禁盜竊兩相和睦勿再滋事所有恰
克圖貿易漢夷商販彼此嚴行約束不使互有
積欠以致口角生非各款一一曉諭固畢納托
爾惟命是從因即遵

旨立約五條一恰克圖互市於中國初無利益
大皇帝普愛眾生不忍爾國小民困窘又因爾薩那特
衙門籲請是以

允行若復失和罔再希冀開市一中國與爾國貨物原

朔方備乘

卷三十七

俄羅斯互市始末

三

係兩邊商人自相定價爾國商人應由爾國嚴
加管束彼此貨物交易後各令不爽約期即時
歸結勿令負欠致起爭端一今爾國守邊官皆
恭順知禮我游牧官羣相稱好爾從前守邊官
皆能視此又何致兩次妄行失和以致絕市乎
嗣後爾守邊官當慎選賢能與我游牧官遜順
相接一恰克圖以西十數卡倫爾之布里雅特
哈里雅特不法故致有烏呼勒咱之事今爾國
宜嚴加禁束杜其盜竊一此次通市一切仍照

舊章已頒行爾薩那特衙門矣兩邊民人交涉事件如盜賊人命各就近查驗緝獲罪犯會同邊界官員審訊明確後本處屬下人由本處治罪爾處屬下人由爾處治罪各行文知照示眾其盜竊之物或一倍或幾倍罰賠一切皆照舊例辦理據俄羅斯使臣一一悅服遵依出具甘結存案仍書寫條約互相收執永為定例遵行公事既畢遂恭宣

聖主仁育義正之至意因畢納托爾深知感畏以手加額曰

朔方備乘

卷三十七 俄羅斯互市始末

三

大皇帝是天且頻以指扣眉緣其俗不習跪拜之儀以指叩眉即如跪叩其葵向頂感之誠形於辭色松筠等以俄羅斯既知感畏宜遵

訓旨示以撫綏因設宴款待色勒裴特甚悅因曰向來會辦事件俱於界所安設瓊廬會議事畢即各

回寓今蒙

大皇帝天恩諸事協和故我日前親來市圍衙門會議今蒙如此款待深為感激欲請大人下臨俾我

稍申誠悃因許之彼尤懽感無似蓋看待外夷不可與之戲笑如其不知不曉者應正色婉言以諭之不使慚愧不宜露有慢色言動惟誠惟和所謂忠信篤敬是也色勒裴特初來謁見帶兵三百餘名似有疑懼既見我大臣言動誠信及再至已減隨從而詞色更形依戀是日松筠等三人過彼僅以辦事司員及蒙古台吉等隨往示以不疑由恰克圖市圍至彼約里許固畢納托爾豫派小頭人步行擺隊遠迎時孟春雨

朔方備乘

卷三十七

俄羅斯互市始末

三

雪天寒殊甚人皆大幅重裘其俗見其汗時皆脫帽去裘乃為至敬此次固畢納托爾脫帽去裘先於門外迎立益見其感激

皇仁倍申誠敬其室內北壁上懸其哈屯汗圖像服飾一如西洋固畢納托爾聲稱今

大皇帝恩賜優渥欽差大人如此光臨故屏像設席以表外國敬意三人因即背依圖像上坐固畢納托爾陪司員等旁坐言動一切極為遜順果品菜蔬皆類西洋固畢納托爾一一獻畢親捧觴

厄敬葡萄酒遂作樂令歌舞以伸仰慕之意並
述伊係邊外夷人嗣後如有事件請先為明白
指示以便遵行斷不敢稍有違誤松筠等因賞
賜舞人以示優厚旋即據情列款具奏奉

旨以俄羅斯咸遵約束誠多恭順即著擇吉開關遂於
孟夏望日通商市易時西藏因貿易啟釁致廓
爾喀滋擾藏地

命將征討膚功既奏辦理善後事宜

高宗因訓諭庫倫大臣以恰克圖市易勿使內外商販

朔方備乘

卷三十七

俄羅斯互市始末

甲

互有欺詐致起衅端松筠等擬定禁款出示曉
諭先是恰克圖商販多奢侈淫佚自閉關八年
以來前之不安本分者盡至困苦是亦

上天垂教示懲之意因諭商民回思舊習痛加改悔示

以所禁之條心各悅服

臣秋濤謹案松筠言官
買皮張均宜按時價而

自上市幸以樸素則風俗漸歸淳厚其間或有頑
民驕難化導誠以格之不過初費唇舌久則懷
德自化免致生事至沿邊各旗扎薩克游牧往
往有商民以值數錢銀之磚茶除與蒙古一年
償還指不收取必欲按年增利一年索其
大馬收之此弊不但有關蒙古生計而貪婪如
此竟有被蒙古因定以一木一利通飭遵行如此則
壓服蒙古因定以一木一利通飭遵行如此則

邊氓無重利之害而恰克圖商民自知警誠亦
不敢愚弄夷商致生忿恨俄羅斯雖屬荒夷其
為人也頗知訓睦從前恰克圖市圍夜火俄羅
斯市圍頭人聞知遣兵役前救立時撲滅是皆

示遇事即開誠布公導以信義凡檄諭言辭不
可急切以示寬期從儻有應緝盜犯務須教以密
捕之方稍寬期自無不欣感踴躍實力捕獲
請以會辦者蓋誠格之嘉慶二年理藩院奏定
道更易於明罰勅法耳

俄羅斯除在恰克圖交易外其霍尼邁拉呼卡

倫俱不准通商若由薩那特衙門行文即將原

文報明本院聽候辦理四年奏定貿易商人支

領部票章程嗣後察哈爾都統歸化城將軍多

朔方備乘

卷三十七

俄羅斯互市始末

甲

倫諾爾同知衙門給票後即知照所往地方大

臣官員衙門不准聽其指稱未及支領部票由

別衙門支領路引為憑貿易一經查出照無部

票例治罪其商人部票著大臣官員查驗存案

務於一年內勒限催回免其在外逗遛生事如

商人已到所往地方欲將貨物往他方貿易者

即呈報該處衙門給予信票一面知照所往地

方大臣衙門再遇有私行貿易並無部票者柳

號兩箇月期滿答四十逐回原省貨物一半入

官五年議准俄羅斯送給恰克圖部員禮物均應酌量彼處應用顏色綢緞賞給仍呈報駐劄庫倫大臣察核開銷自是以後俄羅斯恪守成規恭順

天朝至今互市不絕云

俄羅斯互市雜記

俄羅斯國東西長約二萬餘里南北約六七千里至四五千里不等疆土固為恢闊然所有者多北裔窮荒之土其東部層冰積雪草不繁牲

朔方備乘

卷三十七

俄羅斯互市始末

望

不畜惟恃皮鑛之利然五金之鑛多供泰西諸國之用惟皮貨專售中國故恰克圖貿易於俄羅斯國計所關甚鉅

俄羅斯物產之最多者曰銅鐵曰麻布曰木料曰牛馬鄰近諸國多取給焉不必求售遠方最珍貴者皮貨如狐貂海龍駱駝絨洋灰鼠之類專以供中國之用入海船而載至中國計無不朽敗者通市之在陸而不由海職是故也

義爾古德斯科地極廣大出銀鉛鑛兼產皮貨

每年所得鉛與皮甚多足助國用南境抵外興安嶺與喀爾喀蒙古土謝圖汗車臣汗兩部接壤南界有甲他城即內地所稱恰克圖中國與俄羅斯人互市於此庫倫辦事大臣司其事彼

以皮來我以茶往 亞古德斯科射獵之外無生計俄羅斯人取其所得之皮以供賦稅 疴

哥德斯科俄羅斯設頭目以賦其皮城建海濱與海東各島通商以收皮貨 岡札德加俄羅

斯人設口收皮 自亞細亞極東北至亞墨利

朔方備乘

卷三十七

俄羅斯互市始末

望

加海中各島稱亞律羣島迤南接日本各島稱古利羣島皆產皮俄羅斯船往來收皮鬻於中國 北亞墨利加之西北隅曰監札加俄羅斯人逾墨領海峽跨而有之地寒凍無他產所得者皮貨而已 俄羅斯西土海東波蘭及高加索三部地之所產者五穀之外麻與皮為多麻織帆布售於各國皮轉售於中國

北亞墨利加英吉利屬部北至冰疆南界米利堅東距大西洋海西距大洋海地氣嚴寒略如

中國之塞北西偏林木樛轉毛蟲所宅英人窮

險極幽獵野獸而取其皮貂鼠騷鼠洋灰鼠海

龍海駝之屬皆有之所得之皮由俄羅斯轉鬻

中國臣秋濤謹案以上本
米利堅人雅裨理說

俄羅斯不准船到粵只准陸路帶茶六萬六千

箱計五百萬棒因陸路所歷風霜故其茶味反

佳非如海船經過南洋暑濕致茶味亦減然俄

羅斯亦托外國船隻帶貨至粵貿易臣秋濤謹
案此條本

魏源夷
情備采

朔方備乘

卷三十七

俄羅斯互市始末

四

朔方備乘卷三十七

知縣林 穗初校
知縣成明 郁覆校

朔方備乘卷第三十八

紀事始末二

土爾扈特歸附始末敘

臣秋濤謹案中國神州之境居大地東南隅以

故西北之壤廣莫無垠其部落有居國行國之

別自葱嶺以東天山北多行國天山南多居國

自葱嶺以西如康居大宛大夏之屬有城郭之

固資畜牧之饒蓋兼有居國行國之俗焉漢世

距今二千餘年山川風土猶大略相同也土爾

朔方備乘

卷三十八

土爾扈特歸附始末敘

一

扈特舊居在葱嶺東天山北本為行國迨徙於

葱嶺西額濟勒河與俄羅斯屬城郭雜處蓋地

近古康居大宛俗相沿無足異者然溯其始遷

跡由交惡有類慕容氏之遷於吐谷渾其居於

馬努托海也本俄羅斯歐脫地非甘為之屬部

也迨乎挈屬東歸款關請吏較之漢呼韓唐葉

護尤為恭順其事多與俄羅斯相涉諸家紀述

頗有異同非旁蒐參考未易明也爰臚其始末

以資省覽云

土爾扈特歸附始末

土爾扈特者額魯特蒙古四部中之一部也當明時謂額魯特曰衛拉特亦作瓦刺分爲四大部曰準噶爾綽羅斯部牧地在阿爾台曰和碩特部牧地在烏魯木齊曰杜爾伯特部牧地在額爾齊斯曰土爾扈特部牧地在雅爾所屬之額什爾努拉地雅爾卽今塔爾巴哈台所屬其地僻遠瘠苦夏生白蠅遺蛆人目冬則大雪不堪其寒四部雖各有牧地而皆以伊犁爲會宗

朔方備乘

卷三十八

土爾扈特歸附始末

一

處綽羅斯部實擅其利以故最强土爾扈特之始祖曰翁罕六傳至瑪哈齊蒙克子二長曰貝果鄂爾勒克次曰翁貴貝果鄂爾勒克子四長曰卓立甘鄂爾勒克次曰衛衮察布察齊三曰保蘭阿噶勒琥四曰莽海其卓立甘鄂爾勒克之子曰和鄂爾勒克六傳而至烏巴錫臣秋濤謹案亦作渥巴錫亦是爲舊土爾扈特衛衮察布察齊之子曰額濟內泰什五傳而至舍稜是爲新土爾扈特自乾隆三十六年歸附後始

詔以新舊別稱而其先代系族之可考者具如右明崇

禎年間土爾扈特部長和鄂爾勒克與綽羅斯部長巴圖爾琿台吉交惡巴圖爾琿台吉者噶爾丹父也和鄂爾勒克遂棄雅爾牧地挈其族馱西走越哈薩克回部西抵俄羅斯境之額濟勒河臣秋濤謹案額濟勒河亦作額濟爾亦作厄濟兒亦作額集爾此水發源於俄羅斯國都之莫斯科窪境俄羅斯人屯且牧焉所居呼爲佛爾格河亦曰倭爾噶河地曰瑪努托海倚騰吉思巨澤北界俄羅斯南界哈薩克東界哈喇哈爾榜西界圖里雅斯科

朔方備乘

卷三十八

土爾扈特歸附始末

二

處乎四國之間而與俄羅斯察罕汗尤爲切近蓋所收本俄羅斯國之甌脫地而土爾扈特饒馬俄羅斯與之市易土爾扈特資其贍給凡有征調多從之往俄羅斯嘗與雪西洋及西費耶斯科戰土爾扈特以兵助之後土爾扈特寢弱俄羅斯遂指土爾扈特爲已屬國土爾扈特習蒙古俗務畜牧逐水草徙而俄羅斯城郭居風俗旣異土爾扈特重佛教敬達賴喇嘛而俄羅斯尙天主教不事佛以故土爾扈特雖受其役

屬而心不甘恆歸向中國和鄂爾勒克有子六人長書庫爾岱青次伊勒登諾顏次羅卜藏諾顏餘三人無嗣不著順治十二年書庫爾岱青遣使錫喇布鄂木布奉表入貢是爲土爾扈特通貢我

朝之始十三年伊勒登諾顏遣使錫喇尼和碩齊入貢十四年羅卜藏諾顏及子多爾濟遣使沙克錫布特句達爾漢烏巴什句阿巴賴等貢駝馬二百餘復攜馬千乞市歸化城

朔方備乘

卷三十八

土爾扈特歸附始末

三

詔許之始書庫爾岱青爲子棚楚克納巴圖爾琿台吉女爲婦生子阿玉奇育於巴圖爾琿台吉所及和鄂爾勒克徙牧時未之攜也書庫爾岱青旣嗣爲部長仍赴唐古特熬茶供佛謁達賴喇嘛還時假道準噶爾索阿玉奇以歸書庫爾岱青卒棚楚克嗣棚楚克卒阿玉奇嗣始自稱汗康熙中表貢不絕其貢道始皆由哈薩克經準噶爾地達嘉峪關嗣後土爾扈特部與準噶爾部仍以戚黨故往來不絕策妄阿拉布坦乞婚阿

玉奇仍妻以女阿玉奇子散扎布台吉率萬餘眾偕往康熙三十五年

大兵征噶爾丹阿玉奇聞噶爾丹敗遣宰桑以所部兵千防諸阿爾台之土魯圖旣而阿玉奇所屬諾顏和碩齊色布騰蒙克等從策妄阿拉布坦使入貢慶捷

優賚遣歸是時阿玉奇與策妄阿拉布坦方修媾睦初不料後此之大爲讐敵也自噶爾丹旣滅策妄阿拉布坦潛謀兼併始與阿玉奇構釁留散扎

朔方備乘

卷三十八

土爾扈特歸附始末

四

布不遣西歸阿玉奇索之乃遣散扎布歸而盡奪其屬尸萬餘阿玉奇嫂攜其子阿喇布珠爾入藏禮佛策妄阿拉布坦關之不得歸又不使阿玉奇入藏熬茶並邀奪阿玉奇貢使賜物而絕其貢道阿喇布珠爾旣不得歸款關乞內附我

朝封爲貝子昇黨色爾騰地爲游牧臣秋濤謹案此地介居黨河及色爾騰海之間故名黨色爾騰一統志云土爾扈特國王阿玉奇弟阿喇布珠爾自西藏還不能歸內屬封貝子令居嘉峪關外黨色爾騰之地卽此事也阿喇布珠爾旋卒子丹忠襲

雍正九年以色爾騰牧地通噶斯之察罕齊老圖權準噶爾掠乞內徙乃徙於額濟納即今甘肅邊外額濟納舊土爾扈特旗也方思所以送之歸者而阿玉

奇亦以貢道梗塞遣使假道俄羅斯由庫倫路入貢於是使圖理琛等亦假道俄羅斯報之自是土爾扈特始與中國隔絕非假道俄羅斯不得通矣圖理琛之出使也自康熙五十一年五月北行五十三年始至薩喇托付蓋土爾扈特與俄羅斯界也阿玉奇遣台吉宰桑等導至設帳處我使授

朔方備乘

卷三十八

土爾扈特歸附始末

五

敕宣諭訖語之曰阿喇布珠爾已

賜爵優養欲遣歸爾牧以策妄阿拉布坦惡爾恐戕之而詭以哈薩克哈喇爾榜為辭也爾若欲令阿喇布珠爾歸當自俄羅斯來迎阿玉奇曰俄羅斯乃嗜欲不通言語不通之區也若以往來數故不假我道則我無由達中國矣阿喇布珠爾幸為

天朝臣僕請勿遣歸時阿喇布珠爾之父納札爾瑪木特亦贈我使臣馬及方物我使以入境無私

交辭阿玉奇待之有隆禮留旬餘筵宴不絕五十四年春圖理琛等仍由俄羅斯回京復

命蓋前後歷四載乃還其詳見圖理琛自著異域錄中

臣秋濤謹案圖理琛一作圖麗琛字瑞圃此事諸家紀載或專繫於康熙五十二年誤也今考

正覈其程途所經大抵山川寥闊七難八阻夏

苦泥淖冬苦積雪甚寒舟行每以凍阻騎行一

遇泥淖咫尺地不相往來又其居民鮮少挽舟

供驛民力皆甚竭蹶遲延之故半緣於此非盡

由彼國之故為紆途也乾隆二十一年土爾扈

朔方備乘

卷三十八

土爾扈特歸附始末

六

特使吹扎布等入

覲稱奉其汗惇囉布喇什令假道俄羅斯亦三載乃至

請赴唐古特謁達賴喇嘛

上遣官護往二十二年自唐古特還並

頒賜惇囉布喇什幣物二十三年新疆盡入版圖先是

有台吉舍稜者本土爾扈特之族不從西徙仍

居伊犁境為準噶爾屬台吉

大軍征準部獲達瓦齊阿睦爾撒納等以叛相繼

誅滅舍稜獨抗不降竄匿庫克烏蘇喀喇塔拉

境於是將軍成衮扎布兆惠等馳勦舍稜竄博
羅塔拉將為奔俄羅斯計我軍尾及之子布什
古河源射擒其從弟勞章什布舍稜乃詭約降
計戕我副都統唐喀祿馳踰喀喇瑪嶺遣使俄
羅斯俄羅斯執之舍稜潛遁間道將赴土爾扈
特俄羅斯羈諸森博羅特圖喇臣秋濤謹案森博羅特圖喇一作僧博羅特城在額爾齊斯河西北極出地五十三度三十分偏西三十二度二十分地距中國界已千餘里阿睦爾撒納之窟也亦由斯以遁兆惠等率大兵追討遣署參領額林策等至森博羅特圖喇向俄羅斯之瑪玉爾等查問蹤跡蓋此地為西北孔道往來所必經也

朔方備乘

卷三十八

土爾扈特歸附始末

七

詔遣兵擊之未至俄羅斯徙舍稜入其境

諭理藩院檄俄羅斯以舍稜獻舍稜懼由俄羅斯歸額
濟勒土爾扈特牧倬囉布喇什已前卒子烏巴
錫嗣為汗當是時土爾扈特部西徙額濟勒河
已閱七世百七十餘年矣乾隆三十六年烏巴
錫忽棄其游牧率數十萬眾東趨伊犁初和鄂
爾勒克至額濟勒時人戶微牲畜少百年生息
戶口日蕃其隨烏巴錫居於額濟勒河南岸者
四十六萬餘戶北岸所居數亦相當當是時俄

羅斯察罕汗屢徵土爾扈特兵與鄰國戰敗績
土爾扈特部眾死者七八萬人察罕汗思雪其
恥復徵兵於土爾扈特土爾扈特諸部落人人
憂懼烏巴錫計無所出其自伊犁逃來之舍稜
等因說烏巴錫曰伊犁等處舊居之綽羅斯特
和碩特輝特皆為

大兵勦滅萬里之地空虛無人可據而有也烏巴
錫或焉遂與合吉喇嘛密議東徙約定北岸所
居人戶於河冰凍結後同赴伊犁舍稜流言於

朔方備乘

卷三十八

土爾扈特歸附始末

八

眾曰察罕汗今又徵兵令十六歲以上者盡數
赴敵是欲殲滅土爾扈特之人也眾皆洵懼烏
巴錫乃集大小宰桑諭以逃走伊犁之利眾喜
皆為遠行之計時三十五年十月也是歲冬溫
河冰不凍烏巴錫不能待河北人戶遂殺俄羅
斯匠役千人及貿易人等攜四十餘萬部眾東
走沿途劫掠攻破俄羅斯城池四處察罕汗聞
之使其濟納拉喇領兵數萬追襲臣秋濤謹案濟納拉喇彼
國之將烏巴錫人眾已逾坑格勒圖喇臣秋濤謹案即
軍也

鏗格爾圖喇俄羅斯小城而南已入中國地界也或云係俄羅斯卡倫名濟納拉喇乃引兵還烏巴錫既入中國乃由巴爾噶什淖爾而進其間經過之戈壁五日行雖

有水泉寸草不生牲畜倒斃無算行至青可斯

察漢臣秋濤謹案西域水道記作慶吉斯察罕哈薩克汗阿布賚及

阿布勒必斯阿布勒班畢特與之戰又有合吉

額勒里納拉里要劫之相持二十餘日向沙喇

伯勒而進至沙喇伯勒南界布魯特聞之人各

喜躍相慶聚集十餘萬騎星飛雲擁烏巴錫避

朔方備乘 卷三十八 土爾扈特歸附始末 九

入沙喇伯勒北界而千餘里戈壁無滴水寸草

時際三月天氣溫暖人皆取馬牛之血而飲瘟

疫大作死者三十萬人牲畜十存三四經十餘

日狼狽逃出而布魯特久候於戈壁之外或前

或後或聚或散日夜追殺搶奪被劫之男婦子

女牲畜什物數倍於哈薩克直至他木哈地與

內地卡倫相近布魯特始斂兵退烏巴錫至他

木哈所屬男婦大小猶有二十七八萬口伊犁

將軍伊勒圖遣侍衛普濟保察哈爾領隊大臣

納旺散秩大臣額魯特碩通滿洲協領全鑑巴虎佐領呼圖克前往問其來意烏巴錫與其台吉喇嘛計議六七日始定以投誠

大皇帝為詞時與烏巴錫同來之台吉策伯克多爾濟

先已遣格隆訥木庫巴勒珠爾宰桑集布贊等

赴將軍前請安備陳投順之情各委員等乃引

烏巴錫謁見將軍因獻玉器自鳴時刻表定宣

窯器自來火烏鎗拉古爾木椀金錢等物並

獻其先世所受明永樂八年漢篆封爵玉印一

朔方備乘 卷三十八 土爾扈特歸附始末 十

顯於是伊勒圖先將其眾安置伊犁隙地馳驛

以其事上

聞先是

高宗純皇帝聞土爾扈特將至慮伊勒圖一人不能經

理得宜特

命舒赫德前往視事遵

旨收撫安戢所至如歸時廷議以舍稜同來情屬叵測

上以受降如受敵自不可不稍為之備然彼既背棄俄

羅斯豈敢復與我為難是其歸順之事十有八九詭

計之伏十之一耳至舍稜既借眾來若聲言前罪受眾降而獨拒舍稜則窮無所歸必寇掠邊鄙且恐舍稜不來同行之眾亦疑懼不前儻俟其既至執舍稜罪之尤非所以昭威信示懷徠也乃決計宥其已往

悉加

恩錫或又以為不宜受俄羅斯叛臣虞啟邊釁

上曰舍稜即我之叛臣歸俄羅斯者何嘗不一再索取而俄羅斯訖未與我也今既來歸即以此語折俄羅斯彼亦將無辭以對因令理藩院以此意傳檄示知

朔方備乘

卷三十八

土爾扈特歸附案

十一

俄羅斯並

命額駙色布騰巴爾珠爾等馳赴伊犁慰諭率領烏巴

錫並掄其台吉頭目應入

覲者偕舍稜凡十有三人咸赴熱河引

見蓋我

朝

列聖相承撫綏藩部內蒙古最先附外蒙古喀爾喀次

之既而降杜爾伯特平準噶爾和碩特及是土

爾扈特來歸而四衛拉特之眾胥隸帡幪從茲

蒙古之族悉為王臣矣土爾扈特自順治年間間道入貢至是凡一百二十餘年竟全部內附聖祖之遠道遣使初非欲招而致之也然

深仁厚澤固結人心宜阿玉奇汗之子孫世世感念不

忘

高宗克繩

祖武措置咸宜百萬之眾指麾立定即此一事不已足

徵

兩朝

朔方備乘

卷三十八

土爾扈特歸附案

十二

大聖人先天弗違後天奉若之

至德歟誠自生民以來未有之盛舉也

臣秋濤謹案

高宗之處土爾扈特也可謂仁如天智如神矣始聞歸

順之信方嘉其攜孥遠來之意甚誠即察其阨

危求息之情甚憊蓋各大臣遵

旨設汛偵探於俄羅斯之兵追哈薩克布魯特之劫掠

皆已洞悉其情狀

乾隆三十八年將軍伊勒圖奏哈薩克汗阿布賚請將在

哈薩克之土爾扈特與在土爾扈特之哈薩克

互相更換等語奉上諭此事毋庸辨理

土爾扈特自阿濟勒來投時已被哈薩克擄掠多人此在進卡以前之事難以管理今若彼此查換亦屬紛煩而哈薩克貪得無厭藉此又不免別生事端且土爾扈特投誠時勢極窮蹙多方加恩籌其生計稍得其宜如更換後伊等不能養贖轉為不便著傳諭伊勒圖如阿布賚再提及此即言土爾扈特哈薩克同係大皇帝臣僕不拘何地俱可遊牧不必互相更換等語明白曉諭按西域聞見錄記土爾扈特進卡以前被掠各情形最詳觀此知其所記皆實也

以故於此數萬之眾凍餒疴瘠之形時懸於目而惻於心凡

宵旰所究圖郵函所

諮訪無暇無輟乃得悉其大要於是為之口給以食人

朔方備乘

卷三十八

土爾扈特歸附始末

三

授以衣分地安居使就米穀而資耕牧則以屬之伊犁將軍舒赫德出我牧羣之孳息驅往供饋則以屬之張家口都統常青發帑運茶市羊及裘則以屬之陝甘總督吳達善而嘉峪關外董視經理則以屬之西安巡撫文綬維時諸臣以次馳牘入告於伊犁塔爾巴哈台之察哈爾厄魯特凡市得馬牛羊九萬五千五百其自達哩剛愛商都達布遜牧羣運往者又十有四萬而哈密關展所市之三萬不與焉撥官茶二萬

餘封出屯庾米麥四萬一千餘石而初至伊犁賑贍之茶米不與焉甘肅邊內外暨回部諸城購羊裘五萬一千餘襲布六萬一千餘疋棉五萬九千餘斤氈廬四百餘具而給庫儲之氈棉衣布不與焉計費帑銀二十萬兩而賞貸路費及宴次賚予不與焉伏讀

聖製文詳言其事蓋籌畫無不悉明惠無少靳而土爾扈特諸部落之人乃得以休養生聚共安熙皞之風也允矣其

朔方備乘

卷三十八

土爾扈特歸附始末

四

仁如天哉土爾扈特之安居額濟勒也已一百數十年可謂久矣一旦盡棄其故土不遠數千里內投中國非人情也蓋其外以歸順為名而內實欲竊據伊犁此則情事之灼然無疑者然其欲游牧伊犁自

大聖人觀之則亦不足為罪何則自古用兵朔漠往往勝其人而不居其地是故匈奴歸漢而鮮卑據其故壤突厥降唐而回紇有其舊庭此前事之明鑒也當時土爾扈特聞準噶爾已亡伊犁已

虛而不知中國之設鎮置戍列亭障於西海之上也其欲逐逐固可誅而其貿貿然來亦可憫迨起程以後疊經羅刹之追擊蘇對即哈薩克魯特即布魯特之剽奪數十萬眾道殣相望此則有可憫而無可誅矣故

聖皇之政一以優卹爲事然苟於疆理之時忽不加意俾數萬眾聚處一隅一旦故智復萌難保不變生肘腋是以

聖慮深遠先事籌防

朔方備乘

卷三十八

土爾扈特歸附始末

五

詔以新舊別稱分爲五部各設扎薩克異牧而處曰烏訥恩蘇珠克圖盟舊土爾扈特部以汗烏巴錫領之仍分賜牧地爲東西南北四路皆和鄂爾勒克裔烏巴錫所屬舊部也曰青色特啟勒圖盟新土爾扈特部以郡王舍稜領之別授貝子一皆衛察察布察齊裔從舍稜往而復歸者也五部各設盟長又各有大臣以莅其眾如珠勒都斯南路也以喀喇沙爾大臣統之和博克薩里北路也以塔爾巴哈台大臣統之庫爾喀喇

烏蘇東路也以庫爾喀喇烏蘇大臣統之惟精河西路地近伊犁不另設大臣統領而合四路並轄於伊犁將軍其新土爾扈特駐牧阿勒台山布爾干河之地轄於科布多參贊大臣蓋分給牧地是用賈誼眾建諸侯而少其力之法各部分設大臣則又仿漢制設護匈奴中郎將護羌校尉之例至與烏巴錫同來之和碩特額魯特並沙畢納爾人等則又別其種類分隸他處俾不相雜厠焉析其族實弱其勢也經制既定不愆不忘而土爾扈特諸部落億萬年享承平之福收臂指之效矣允矣其

朔方備乘

卷三十八

土爾扈特歸附始末

六

智如神哉

臣秋濤又按烏巴錫初來之時伊犁將軍早得探報說者謂緩服紀略及西域聞見錄所記各有不同今詳攷其事知二書所記正可互證非相抵牾也緩服紀略云伊犁將軍伊勒圖聞有土爾扈特欲來之信尙未知其來意因一面具奏一面探聽消息時哈薩克等既見土爾扈特

輜重絡繹未免垂涎遣人謁見伊勒圖稟稱土爾扈特大眾此來未知意欲何為如用哈薩克幫兵情願效力伊勒圖笑曰土爾扈特攜眾遠來自係仰慕

大皇帝聖德歸順無疑爾等斷不可藉端滋釁即用兵本將軍現在精兵若干亦不忍勞爾外藩然已見爾等效順之心深為嘉悅賞給肉食綴疋遣回時屬員等僉以土爾扈特來意如何尙無確信似可姑從所請將軍曰爾輩殊不深思耶

朔方備乘

卷三十八

土爾扈特附錄

七

此來之哈薩克爾眾相識乎眾曰不識曰吾語爾眾今土爾扈特自異域遠來素知伊犁多兵戍守必不敢稍萌異志况其內或有從前懼罪逃往之徒心存疑貳故使哈薩克前來探聽消息亦未可知若從所請姑備以兵土爾扈特聞知轉生疑懼或致釀成事端所關非細無論其是何來意應先示之誠信以昭懷徠如此則土爾扈特雖有異志亦可感發天良保無意外之虞而况

聖主威德遠敷吾意土爾扈特傾誠來附無疑後果如所言竟有從前畏罪逃往之舍稜在內眾俱悅服噫伊將軍其神乎所言者理也實可為守邊大臣寶鑑故書以自勗按此是伊犁將軍並未

許哈薩克助兵之請也西域聞見錄則云烏巴錫既入中國臣秋濤謹案自鏗格爾圖喇以北為俄羅斯境其南則為哈薩克地故錄云入中國也行至青可斯察漢即哈薩克汗阿布賴及阿布爾比斯臣秋濤謹案新疆部乾隆二十三年率右阿布爾班必案新疆識

朔方備乘

卷三十八

土爾扈特附錄

六

略作阿布勒班畢特即右部哈薩克之汗管轄之境哈薩克人等既慮擾其游牧又利土爾扈特牲畜人口遂羣起劫奪日日相持互有殺傷亦不能阻其前進轉據得哈薩克人口為之嚮導至克齊克玉子地方其人強橫近布魯特習於戰鬪其二品頂翎侍衛職銜之哈薩克合吉額勒里納拉里人明白為眾哈薩克所服遂將附近人戶牲畜徙之遠處親領精銳萬人出迎於克齊克玉子之要路屯劄一面移會阿布賴迎頭截殺而令鄂托

克五處台吉於中途四出邀截使其首尾不能相顧時阿布賴已將土爾扈特棄俄羅斯而來伊犁並青可斯察漢打仗情形日行八百里稟知伊犁將軍聽候指示矣土爾扈特大眾俱集額勒里納拉里見其勢眾料難阻攔而烏巴錫亦畏其精銳不敢輕進相持半月有餘將軍諭到令哈薩克人等加意保護地方不許土爾扈特在游牧之處穿走如有不馴卽行殺戮額勒里納拉里見諭卽遣人告知烏巴錫烏巴錫與

朔方備乘

卷三十八

土爾扈特歸附始末

九

其台吉喇嘛計議欲由哈拉他爾行走以其地多水草也俟至伊犁再看光景而額勒里納拉里堅執不從又相持四五日適哈拉他爾人眾聞風亦各聚集多而且銳一俟土爾扈特入境卽行打仗及伊犁將軍傳諭原委烏巴錫等均已知覺計出無奈遂與額勒里納拉里講和向沙喇伯可而進而額勒里納拉里所領克齊克玉子及哈拉他爾之人出其不意從中截斷肆行劫掠土爾扈特死者無算行至沙喇伯可南界云云

按此是伊犁將軍檄諭哈薩克等嚴守地界毋許土爾扈特穿過如有不順聽其殺戮也二書說有不同以事理揆之一則示寬大以廣招徠一則固疆圉以防侵軼二者不可偏廢蓋皆當日所行之事而諸家各就所聞記之故令人疑爲歧異耳

朔方備乘

卷三十八

土爾扈特歸附始末

十

軍言土爾扈特各愛滿較俄羅斯所習經典俱異早有來歸聖主之意今者烏布沙決意南來由伊啟之越數日烏布沙至以道遠又值春煖馬匹損傷至哈薩克時阿布資領兵相持前路又與阿拉里努拉立打仗部眾散失今自奎屯聚眾前來其道路所歷與見聞錄所敘略同來歸之由實由舍楞咬搶伊犁既至而知其不可逞也舍歸順更無他法其人尙眾又當計無復之舍撫之亦更無他

法且其始事不為眾曉徒以烏巴錫即烏布沙棄俄

羅斯而來其部眾不思勤儉立業偷盜賣姦為

他部所不齒歸罪烏巴錫則其事不明土爾扈

特本游牧額什爾努拉其汗和鄂爾勒克與綽

羅斯特汗巴圖魯璉台吉不合遂攜子書庫爾

岱青以眾歸俄羅斯而游牧於額濟勒河南馬

努脫哈臣秋濤謹案即瑪努托海書庫爾岱青有子曰棚楚

克璉台吉塔也生阿玉奇璉台吉留養之書庫

爾岱青入藏拜佛還經伊犁攜之歸阿玉奇妹

朔方備乘

卷三十八

志書特歸附始末

三

多爾濟拉布坦嫁和碩特鄂齊爾圖車臣汗而

生女曰察罕撒摩以妻阿玉奇子沙克都爾札

布鄂齊爾圖汗臣秋濤謹案鄂齊爾圖異域錄亦作鄂奇爾圖又按俞正燮原文止作車臣汗與喀爾喀之車臣汗相涵今依藩部要略增改以下皆改稱鄂齊爾圖以昭覈實

長女嫁璉台吉子噶爾丹臣秋濤謹案據要略乃鄂齊爾圖孫

女阿努非長女也噶爾丹殺鄂齊爾圖汗占其部鄂齊

爾圖汗孫曰羅卜藏衮布阿拉布坦來歸

聖祖賜以游牧臣秋濤謹案即今阿拉善旗察罕撒摩親姪也鄂齊

爾圖汗姪巴圖魯額魯克濟農復敗於噶爾丹

亦來歸察罕撒摩兄也鄂齊爾圖汗亡多爾濟

拉布坦歸依其兄噶爾丹死策妄阿拉布坦據

伊犁阿玉奇嫂攜其子沙拉布珠爾率眾入藏

禮佛策妄阿拉布坦聞之不得歸康熙四十三

年亦來歸

聖祖封以貝子編一旗臣秋濤謹案即今額濟納土爾扈特旗俞正燮以為居青海非

是沙拉布珠爾之行阿玉奇並遣使入貢

聖祖優賜之使歸經策妄阿拉布坦地為所羈阿玉奇

夫婦兄妹子婦及部眾皆戴

朔方備乘

卷三十八

志書特歸附始末

三

聖祖厚恩以南道不通假道俄羅斯由喀爾喀入貢

聖祖鑒其誠使圖理琛往報之阿玉奇大喜其妃達里

睦巴拉子沙克都爾札布各置宴勞請使者使

者之歸也阿玉奇問中國事甚詳又問滿洲蒙

古之所以分又言我與滿洲衣冠皆同今居俄

羅斯與俄羅斯教不同此情若蒙使者轉奏

大皇帝自有籌畫又曰屢經俄羅斯中恐其厭而阻我

此後無由自達矣又曰南路不通藏中藥物不

可得所仗者

天朝耳多爾濟拉布坦及察罕撒摩以鄂齊爾圖汗
故宴使者並多餽遺感念

天恩求使者代奏是阿玉奇全家歸心中國但中國無
誘降俄羅斯所屬人之理故久置之阿玉奇卒
子沙克都爾札布嗣沙克都爾札布卒子敦魯
布拉什嗣於乾隆十九年假道俄羅斯入貢二
十一年始至至是其子烏巴錫來歸是爲卓里
克圖汗其以不與俄羅斯同教爲辭合於阿玉
奇言是有默啓之者獨恨烏巴錫不能知其先

朔方備乘

卷三十八

土爾扈特歸附始末

三

人感戴中國之忱其始念差耳然非以搶伊犁
之故其部眾必憚於遠徙俄羅斯亦不甘於置
之不問我

高宗覆載同量然以俄羅斯界碑舊約亦不能直受之
而無疑也是知其中有天焉

聖人不探人之至隱而予其事之順也此天之所以爲
大也車伯克多爾濟者阿玉奇汗次子衮札布
之後今膺王爵當圖理琛之歸也阿玉奇幼子
策楞敦多布進

大皇帝烏鎗一杆使者問欲有奏言否笑言無有我爲
大皇帝禮佛祝

聖壽萬萬歲耳見圖理琛異域錄其人尤可念惜其後
未有聞也烏巴錫子策楞那木札布以乾隆三
十九年嗣汗位方今中外一家均無歧視而土
爾扈特獨蒙惡聲故詳檢官私著述爲訂證之
臣秋濤謹案俞正燮所考土爾扈特事至爲詳
覈故附錄於此

朔方備乘

卷三十八

土爾扈特歸附始末

三

朔方備乘卷三十八

拔貢張惇德初校
廩生陳文煜覆校

朔方備乘卷第三十九

記一

俄羅斯進呈書籍記敘

臣秋濤謹案道光二十五年十一月俄羅斯國

因換班學生進呈書籍三百餘種臣秋濤因所

聞敬為之記或曰中國聖賢經籍汗牛充棟茲

邊裔之書聊備庭實似無足采錄臣秋濤應之

曰唯唯否否蓋聞驕驢騾天下之駿乘也而

以之捕鼠則不如狸鼯珍琳珉玕希世之瓊寶

朔方備乘

卷三十九

俄羅斯進呈書籍記敘

一

也而以之礪刃則不如砥石物各有長難於偏

廢治世者所以貴集思廣益為學者所以貴兼

收並蓄也且夫歷代正史及通典通考諸書皆

有外夷列傳

欽定四庫全書亦采錄西洋人艾儒略南懷仁等與地

之說誠以邊徼之事不可或略故雖商賈之言

荒渺之論亦多存而不廢矧茲圖籍百卷不求

自至詎可以輕心忽之哉昔夷務之興中國患

不知遠人情偽今之所記安知不收一壺千金

之用是在籌邊者加之意而已

俄羅斯進呈書籍記

大清受天命奄有九有薄海內外罔不臣服西北有

俄羅斯國地荒遠負北冰海南鄰蒙古及諸回

部慕我

朝德化歲時使其國秀穎子弟來

都城學滿漢文字誦習經史諸書

國家厚給廩糈精選文學之官以教習之歲滿則歸

其本國復使其子弟來代謂之換班蓋我

朔方備乘

卷三十九

俄羅斯進呈書籍記

二

朝

聲教遠訖漸仁摩義舉凡遐荒遠徼莫不欲使之習

道德而敦詩書斯誠亘古以來所未有之盛舉

也二百年來其國漸被風化文章益盛國人以

本國文字纂集成書不下數十百種然限於疆

域傳至中國者絕少其國民各分種族曰薩刺

瓦族曰力丁族曰芬族曰日耳曼人曰猶太散

民皆重希臘教門亦天主教別派也曰韃韃里

族游牧於國南鄙奉同教即西域回部種類曰

甲才族亦游牧於國東南鄙奉佛教卽中國蒙古之別部也初蒙古土爾扈特部與準噶爾構釁北依俄羅斯俄羅斯以額濟勒河地處之乃明季時事也至乾隆三十六年土爾扈特汗渥巴錫率其河東戶口十餘萬人至伊犁歸附其河西戶口尙居俄羅斯皆習佛教道光二十五年俄羅斯國王表言丹珠爾經乃佛教所重而本國無之奏求頒賜

上命發雍和宮藏本八百餘冊賜之越數月其國王因

朔方備乘

卷三十九

俄羅斯進呈書籍記

三

肄業換班學生進京乃盡繕俄羅斯所有書籍來獻凡三百五十七號每號爲一秩裝飾甚華有書有圖惟通體皆俄羅斯字人不盡識當事者議發還之或曰斯乃所以爲報也卻之轉拂遠人之情則奏請收存於理藩院以俟暇日將繙譯焉於是軍機處存注檔冊例須先譯書名迺得共三百五十七號之書目好事者爭相傳錄臣秋濤亦得而逐焉考其中言彼國史事地理武備算法之書十之五醫藥種樹之書十之

二字學訓解之書十之二其天主教書與夫詩文等類僅十之一而已此其中足備掌故考核者多矣置之典屬掌之樞庭將來取次譯之於邊防軍政大有裨益其所繫豈淺鮮哉昔大西洋利瑪竇等以明神宗時入中國獻所著各書當時稱爲盛事不知西洋距中國絕遠利瑪竇等自進所爲書與其國王無與也至如艾儒略之職方外紀南懷仁之坤輿圖說皆入中國後所編纂類多張大彼教誇詭誕謾之詞不足爲

朔方備乘

卷三十九

俄羅斯進呈書籍記

四

據今俄羅斯漸被

文德淪浹已久其國王自獻書籍至三百餘種之多皆確實而有微遠勝艾南諸書之荒陋又其慕德恭順之懷迥逾尋常尤爲自古所未有夫豈明代利瑪竇等進書之事所可比擬於萬一哉臣秋濤謂此千古希逢之盛會也不可以不記因次其書目於左方以告來者

俄羅斯國進呈書籍總目

第一號俄羅斯國汗製總例十五本

第二號俄羅斯國汗製續纂新例三本

第三號俄羅斯國各省州邑資學治理畫一條

例誌一本

第四號治國齊民誌一本

第五號俄羅斯國性理齊治誌一本

第六號俄羅斯國條例彙纂一本

第七號俄羅斯國防守叢林隘口推廣條例一

本

第八號發明天地物理指南全書一本

朔方備乘

卷三十九

俄羅斯進呈書籍記

五

第九號天地物理彙說一本

第十號釋明凡物性理指南誌五本

第十一號教習靈魄自知文一本

第十二號論性文一本

第十三號靈魄不泯釋文一本

第十四號魂化自持釋文一本

第十五號俄羅斯國行效外國事務論二本

第十六號各國彙史二本

第十七號資學古今寰海史三本

第十八號資學寰海世系史三本

第十九號寰海古今史彙纂十二本

第二十號資學寰海各國史一本

第二十一號外國史彙纂一本

第二十二號寰海史通纂三本

第二十三號發明西洋各國通例三本

第二十四號天下各國表文一本

第二十五號因時指訂各國歷代疆域地理圖

一本

朔方備乘

卷三十九

俄羅斯進呈書籍記

六

第二十六號俄羅斯國音丕喇托爾在位時發

明西洋政事論二本

第二十七號竊佔俄羅斯汗位記六本

第二十八號開闢阿彌葉里喀新洲地理誌一

本

第二十九號名媛彙史二本

第三十號名士圖像一本

第三十一號名士表傳一本

第三十二號俄羅斯國史十三本

第三十三號又六本

第三十四號又五本

第三十五號初學必讀俄羅斯史一本

第三十六號初製資學國史一本

第三十七號俄羅斯史一本

第三十八號俄羅斯史彙一本

第三十九號又一本

第四十號南方居民史三本

第四十一號南方都汪河駐兵史三本
臣秋濤謹案都

朔方備乘 卷三十九 俄羅斯進呈書籍記 七

汪河蓋即端河亦稱敦河

第四十二號俄羅斯國汗史一本

第四十三號又二本

第四十四號又二本

第四十五號俄羅斯國妃通鑑三本

第四十六號俄羅斯國妃史二本

第四十七號俄羅斯國妃自製誌六本

第四十八號俄羅斯國地理圖一本

第四十九號俄羅斯國武備誌三本

第五十號置兵出戰書五本

第五十一號行師各國書三本

第五十二號平定費陽梁地紀略一本

第五十三號武備誌四本

第五十四號又二本

第五十五號征法喇錫戰策一本
臣秋濤謹案法喇錫即佛

郎西又稱法蘭西

第五十六號武備誌一本

第五十七號又一本

朔方備乘 卷三十九 俄羅斯進呈書籍記 八

第五十八號紀年誌一本

第五十九號博羅抵腦戰策一本

第六十號邪普哩勇犯界戰策誌二本

第六十一號平定空谷爾國方略二本

第六十二號又三本

第六十三號又二本

第六十四號又三本

第六十五號寄舟師信函二本

第六十六號舟師記四本

第六十七號名士集傳五本

第六十八號統兵元帥傳四本

第六十九號宰相元帥傳二本

第七十號征法噶錫名帥傳四本

第七十一號水師名帥傳四本

第七十二號俄羅斯國史十五本

第七十三號又三本

第七十四號又一本

第七十五號又一本

朔方備乘

卷三十九

俄羅斯進呈書籍記

九

第七十六號又四本

第七十七號俄羅斯國妃史六本

第七十八號又一本

第七十九號俄羅斯國大元帥傳一本

第八十號又一本

第八十一號又二本

第八十二號又三本

第八十三號武臣傳三本

第八十四號俄羅斯國言行記三本

第八十五號俄羅斯國征法噶錫言行記一本

第八十六號言行記四本

第八十七號俄羅斯國大帥言行記一本

第八十八號俄羅斯國汗踐祚典禮一本

第八十九號各國地理誌一本

第九十號各國資學誘掖地理彙書二本

第九十一號地理總誌必讀一本

第九十二號地理總誌彙纂一本

第九十三號古地理總誌彙纂一本

朔方備乘

卷三十九

俄羅斯進呈書籍記

十

第九十四號經行沿海記一本

第九十五號經行南洋記三本

第九十六號經行四方記四本

第九十七號週行沿海四方記三本

第九十八號又一本

第九十九號經行地理圖一本

第一百號入海經行記一本

第一百一號北海經行記三本

第一百二號四次北海記一本

第三百三號阿彌葉喇喀州記一本 臣秋濤謹案
當即亞墨利

州加

第三百四號阿細亞州記七本 臣秋濤謹案
即亞細亞州

第三百五號發蒙週行天下四方記二本

第三百六號巡查南洋記三本

第三百七號經行沿海記一本

第三百八號天下奇物誌四本

第三百九號又二本

第三百十號天下地理人物圖像記二本

朔方備乘

卷三十九

俄羅斯進呈書籍記

十一

第三百十一號殊方景物圖覽一本

第三百十二號圖集三本

第三百十三號空谷爾國誌二本

第三百十四號奇物名人記傳彙書八本

第三百十五號奇物鑑五本

第三百十六號天下山水古蹟圖二本

第三百十七號格呼齊雅國景物圖一本

第三百十八號什魏擦爾濟雅國景物圖一本

第三百十九號民生財產記一本

第三百二十號天下地理鑑三本

第三百二十一號俄羅斯國地理誌二本

第三百二十二號又一本

第三百二十三號童蒙必讀俄羅斯地理誌一本

第三百二十四號俄羅斯國誌二本

第三百二十五號俄羅斯國資治總記二本

第三百二十六號俄羅斯國各處方物誌一本

第三百二十七號俄羅斯國各處民生誌一本

第三百二十八號俄羅斯國辨明誌六本

朔方備乘

卷三十九

俄羅斯進呈書籍記

十二

第三百二十九號喀法喀斯所屬各處誌四本

第三百三十號俄羅斯都城誌三本

第三百三十一號又一本

第三百三十二號又三本

第三百三十三號莫斯科瓦南都城誌一本 臣秋濤
謹案即

莫斯科
科窪

第三百三十四號莫斯科瓦都城誌二本

第三百三十五號擦爾色庫葉都城記一本

第三百三十六號驛站指程二本

第三百三十七號俄羅斯國誌一本

第三百三十八號俄羅斯國時憲書一本

第三百三十九號古今錢法三本

第三百四十號各國錢法異同一本

第三百四十一號葉瓦魯巴州錢法一本

第三百四十二號俄羅斯國事功鑄錢集成一本

第三百四十三號地丁全書二本

第三百四十四號耕耘成法論二本

第三百四十五號地丁工作新編三本

朔方備乘

卷三十九

俄羅斯進呈書籍記

三

第三百四十六號地丁工作成法一本

第三百四十七號地丁究源六本

第三百四十八號耕牧論一本

第三百四十九號鄉民耕種資學一本

第三百五十號又一本

第三百五十一號又一本

第三百五十二號耕種總論二本

第三百五十三號月令集要一本

第三百五十四號地丁書四本

第三百五十五號耕耘論一本

第三百五十六號種樹論一本

第三百五十七號種花草論一本

第三百五十八號種菜論一本

第三百五十九號防守植木論一本

第三百六十號山野養植樹木發明一本

第三百六十一號花木園亭圖一本

第三百六十二號建造樓臺書一本

第三百六十三號村居器具造法二本

朔方備乘

卷三十九

俄羅斯進呈書籍記

四

第三百六十四號居家事務須知四本

第三百六十五號織染發明二本

第三百六十六號淘金新法發明一本

第三百六十七號各項工作發明二本

第三百六十八號俄羅斯國工作器具記四本

第三百六十九號本艸綱目二本

第三百七十號初學必讀本艸綱目一本

第三百七十一號又一本

第三百七十二號禽獸集圖一本

第七十三號又二本

第七十四號又一本

第七十五號本艸損益二本

第七十六號俄羅斯國植木記一本

第七十七號草木記二本

第七十八號又六本

第七十九號金石記一本

第八十號發明土產金寶記二本

第八十一號金石總鑑三本

朔方備乘

卷三十九

俄羅斯進呈書籍記

五

第八十二號土產辨明二本

第八十三號醫法論一本

第八十四號形體全錄一本

第八十五號形體全錄理解二本

第八十六號希嚕爾吉醫書二本

第八十七號醫法新編四本

第八十八號千金一方一本

第八十九號療病用藥記一本

第九十號又一本

第九十一號本艸備要一本

第九十二號貼藥爾撤醫書十本

第九十三號內症記一本

第九十四號形體記二本

第九十五號對症用藥記五本

第九十六號又三本

第九十七號又一本

第九十八號慎疹病形書一本

第九十九號小兒疾病辨明論一本

朔方備乘

卷三十九

俄羅斯進呈書籍記

六

第一百號發明涼水治病論一本

第一百一號醫獸用藥指明一本

第一百二號醫病法解一本

第一百三號發明痔瘡論一本

第一百四號種牛痘法一本

第一百五號眼科二本

第一百六號魂病論一本

第一百七號延壽法一本

以上醫書三十九號

第一百八號算法全書二本

第二百九號資學算法全書一本

第二百十號算法本源一本

第二百十一號資學算法本源一本

第二百十二號算法數目一本

第二百十三號算法歸除共一本

第二百十四號歸入前號

第二百十五號阿勒喀布拉數書一本

第二百十六號貼斐葉楞齊數書一本

第二百十七號貼斐葉楞齊數書發明一本

朔方備乘

卷三十九

俄羅斯進呈書籍記

七

第二百十八號又二本

第二百十九號又一本

第二百二十號又一本

第二百二十一號又一本

第二百二十二號地勢高下圖一本

第二百二十三號隴畝分界書一本

第二百二十四號日月星辰論一本

第二百二十五號阿斯托羅密雅書一本

第二百二十六號初學天地日月星辰論一本

第二百二十七號宿繪卅篇一本

第二百二十八號氣運靈機二本

第二百二十九號天地定理一本

第二百三十號五行晰解一本

第二百三十一號天地性理習解二本

第二百三十二號費依什喀書一本

第二百三十三號又一本

第二百三十四號風水工作器用晰解一本

第二百三十五號擇地列陣建營圖說一本

朔方備乘

卷三十九

俄羅斯進呈書籍記

六

第二百三十六號定準日出日入書一本

第二百三十七號用兵技藝謀略論一本

第二百三十八號軍營修造晰解三本

第二百三十九號用兵技藝謀略論二本

第二百四十號兵技論二本

第二百四十一號又一本

第二百四十二號戰策一本

第二百四十三號堅壘論二本

第二百四十四號礮兵法解二本

第二百四十五號阿爾塔列勒書一本

第二百四十六號行兵進退論一本

第二百四十七號行兵戰守論二本

第二百四十八號管船官員事宜論一本

第二百四十九號慎守造用軍器發明一本

第二百五十號戰陣總論一本

第二百五十一號俄羅斯國兵丁各項衣服器

械記三本

第二百五十二號樂記一本

朔方備乘

卷三十九

俄羅斯進呈書籍記

九

第二百五十三號樂理晰解一本

第二百五十四號傳真古法全書一本

第二百五十五號俄羅斯字書一本

第二百五十六號俄羅斯資學字書一本

第二百五十七號俄羅斯字式新書一本

第二百五十八號俄羅斯習字書一本

第二百五十九號初學俄羅斯字式一本

第二百六十號俄羅斯字式發明一本

第二百六十一號又一本

第二百六十二號俄羅斯各種字式發明一本

第二百六十三號俄羅斯字式理解一本

第二百六十四號俄羅斯各種字式發明一本

第二百六十五號戶學須用俄羅斯字式一本

第二百六十六號俄羅斯字式新書一本

第二百六十七號俄羅斯國方言易學發明一

本

第二百六十八號俄羅斯國方言易學發明約

編一本

朔方備乘

卷三十九

俄羅斯進呈書籍記

十

第二百六十九號又一本

第二百七十號又一本

第二百七十一號又一本

第二百七十二號俄羅斯國方言資學一本

第二百七十三號俄羅斯文理解一本

第二百七十四號又一本

第二百七十五號又二本

第二百七十六號又三本

第二百七十七號又四本

第二百七十八號又一本

第二百七十九號詩一本

第二百八十號西洋各國文風記二本

第二百八十一號文理新解一本

第二百八十二號俄羅斯國文風記一本

第二百八十三號古文風記一本

第二百八十四號又一本

第二百八十五號斯拉費揚各部落風俗書一

本

朔方備乘

卷三十九

俄羅斯進呈書籍記

三

第二百八十六號俄羅斯方言晰解二本

第二百八十七號俄羅斯國文風記二本

第二百八十八號俄羅斯國方言叢書六本

第二百八十九號德爾日費英氏文人編五本

第二百九十號底米忒里氏詩集一本

第二百九十一號柯里嚕幅氏詩集一本

第二百九十二號喀拉馬星氏各家文人編九

本

第二百九十三號又九本

第二百九十四號又二本

第二百九十五號又十一本

第二百九十六號又二本

第二百九十七號又十二本

第二百九十八號又四本

第二百九十九號又三本

第三百號又一本

第三百一號又一本

第三百二號又四本

朔方備乘

卷三十九

俄羅斯進呈書籍記

三

第三百三號寄休致武弁傳一本

第三百四號俄羅斯名家叢文十六本

第三百五號俄羅斯論一本

第三百六號俄羅斯文人百家傳二本

第三百七號各種文編五本

第三百八號俄羅斯文編法選二本

第三百九號俄羅斯文編摘釋一本

第三百十號依里瓦達詩集二本

第三百十一號養幼編一本

第三百十二號養幼發解二本

第三百十三號幼學四本

第三百十四號又二本

第三百十五號幼學各種文風集六本

第三百十六號又二本

第三百十七號幼學十本

第三百十八號幼學故事四本

第三百十九號益幼全書七本

第三百二十號歸入前號

朔方備乘

卷三十九

俄羅斯進呈書籍記

三

第三百二十一號幼藝必讀一本

第三百二十二號幼學各國名士傳十二本

第三百二十三號初學次序七本

第三百二十四號歸入前號

第三百二十五號發蒙各種圖籍一本

第三百二十六號幼學故事二本

第三百二十七號類鑑十七本

第三百二十八號又七本

第三百二十九號天下地理全圖一本

第三百三十號又一本

第三百三十一號古地理圖一本

第三百三十二號俄羅斯國地理圖一本

第三百三十三號天下東西地理圖二本

第三百三十四號五州地理圖一本

第三百三十五號額俄羅斯伯州地理圖一本秋

濤謹案額俄羅斯伯州即歐羅巴州

第三百三十六號鄰國地理全圖一本

第三百三十七號俄羅斯水陸地圖一本

朔方備乘

卷三十九

俄羅斯進呈書籍記

四

第三百三十八號天下土產圖一本

第三百三十九號額俄羅斯伯州地理圖一本

第三百四十號丕葉忒爾布爾噶城等處圖說

二幅 臣秋濤謹案志略云彼得羅堡又作桑爾噶也 比斯德爾不爾扼當即此丕葉忒爾布

爾噶也

第三百四十一號又一幅

第三百四十二號又二幅

第三百四十三號又二幅

第三百四十四號又二幅

第三百四十五號又二幅

第三百四十六號又二幅

第三百四十七號丕葉忒爾布爾噶宮室圖一

幅

第三百四十八號戰圖一幅

第三百四十九號又一幅

第三百五十號又一幅

第三百五十一號又一幅

第三百五十二號又一幅

朔方備乘

卷三十九

俄羅斯進呈書籍記

三

第三百五十三號舟師海戰圖一幅

第三百五十四號法啣錫兵丁渡河圖一幅

第三百五十五號祝謝天主圖一幅

第三百五十六號天地儀器二具

第三百五十七號天地儀器釋文一本

朔方備乘卷三十九

知縣吳壽坤初校
廩生陳文煜覆校

朔方備乘卷第四十

記二

俄羅斯叢記敘

臣秋濤謹案歷代史書分門編纂外或綴以自

序或附以語解至郡國志乘往往有雜錄瑣記

之目大都錯舉遺聞軼事無可附麗者別成卷

帙用補全書所未備所以廣蒐羅便檢閱也北

徼俄羅斯地處荒遐事鮮記載臣既詳考中西

圖籍彙集成編因而汎覽羣書見其間有宣揚

朔方備乘

卷四十

俄羅斯叢記敘

一

聲教兼及絕域者有考訂史事雜述古今者有數語

涉於堅昆而詞意難以割裂者有紀敘及於鄰

邦而門類難以兼攝者皆錄而存之目為叢記

舉凡賸事零文為專門所不載或互見而未詳

者咸勤搜討條系卷內若荒誕傳會詞不雅馴

則概置勿錄庶於旁搜博采中仍寓雜而不越

之義云

俄羅斯叢記

本朝奄有西北二海

四庫全書提要謂元劉郁西使記所述蔥嶺以西各國皆在今新疆亭障堡戍內四裔考曰愛烏罕以西各國逾一二小部落卽西海俄羅斯既爲屬國卽奄有北海臣秋濤謹案

國初征喀木尼堪大兵直抵北海不僅俄羅斯來屬也愛烏罕之西海猶是小西洋耳康熙乾隆間荷蘭意達里亞博爾都英吉利陸續奉表入貢諸部皆大西洋之國是則泰西之西海亦無不臣屬者猗歟盛哉昔唐虞致治聲教訖於四

朔方備乘

卷四十

俄羅斯叢記

二

海說者以四海爲荒遠之國孰如我

聖皇德被無外舉凡骨利幹之北海大秦國之西海靡不嚮

化歸誠獻琛恐後迥非前古之所能及已

恤及俄國所屬之人

臣秋濤謹案圖理琛出使時請

訓

諭曰俄羅斯刑法嚴峻爾等路過伊國下人伺候不週須代隱藏不可令其官長得知是

聖祖仁覆萬國遠過堯舜

造船征俄國

柳邊紀略曰船廠設於順治十八年昂邦章京薩兒吳代造船於此所以征俄羅斯也而鄞縣萬季野以爲卽明永樂間船廠原注永樂間發將以開邊未幾仁宗卽位罷歸宣德時又造後仍罷余初未以爲然旣而至甯古塔聞前省中陳敬尹曰吾初至小吳喇尙無造船之命而穿井輒得敗船板及銹鐵釘又井水或鐵臭季野之言乃信

朔方備乘

卷四十

俄羅斯叢記

三

俄國遣人學痘醫

癸巳存稿曰

國初有查痘章京理旗人痘疹及內城民人痘疹遷移之政令久之事乃定康熙時俄羅斯遣人至中國學痘醫由撒納特衙門移會理藩院衙門在京城肄業西洋地氣寒其出洋貿易回國者官閱其人有痘發則俟平復而後使之入蓋其氣始於南洋今徧及也

俄國居第二

每月統紀傳曰論西國之權柄大有勢力英吉利為第一俄羅斯為第二法蘭西為第三焉

俄國近蒙古

夷情備采曰蒙古在西北之地與歐羅巴相近故飲食性情頗近歐羅巴之人按異域錄俄羅斯境楚庫柏興之色楞格河東岸烏的柏興之西北及柏海爾湖與鄂遼漢洲皆有蒙古人居之至厄爾庫城始少蒙古人跡

俄國鄰紅孩兒

朔方備乘

卷四十

俄羅斯叢記

四

廣東通志曰明時泰西利瑪竇入中國齎進萬國圖分天下為五大洲中國居亞細亞之中若東之朝鮮日本琉球西之小西洋小呂宋如德亞南之暹羅北之俄羅斯紅孩兒廓爾喀痕都斯坦諸國皆亞細亞也臣秋濤謹案此言俄羅斯之鄰國有紅孩兒即控噶爾乃土耳其之別名也

論俄國地勢南高北下

常安宦游筆記曰察天下地勢自南至北由漸

以增高鄂羅斯則由高而漸下古人嘗言極北之地與極南等信不誣也臣秋濤謹案元葉子奇草木子云崑崙天下山之頂也乃天下山之至高處其東面中原也所以江淮河濟水皆東流也其西面西域諸國也自流沙以西水皆西流也南自吐番兩廣水皆南趨也北即沙漠又天下岡脊至高之處直北虎林至海都木鉢子田地地勢又逐漸而低水皆北流南視陰山又為極南之境矣以此觀之地形如一亭子中高而四方下崑崙乃其結頂處也按所云虎林即和林也海都所封在和林之北正今日俄羅斯國地木鉢子田地亦當在俄國境內常安所言與葉子奇所記先後相符可以見山川形勢千古不易也

論俄國水多北流

西齋偶得曰鄂羅斯近北海處水皆北流臣秋濤謹案自杭愛山阿爾泰山以北水皆北流其發源處距北海有遠至六七千里者非必近北

朔方備乘

卷四十

俄羅斯叢記

五

海乃北流也

論俄國有塔塔爾遺民

西齋偶得曰元初塔塔爾之遺民今尚存於鄂羅斯臣秋濤謹案塔塔爾一作塔塔兒一作塔塔拉異域錄云有一種人俄羅斯名之曰塔塔拉在額爾齊斯河沿岸及托波兒並喀山一帶居住詢其來歷俄羅斯人曰原係庫程汗之人又名貨通其托波兒地方歸入我國之後將伊等散處於阿爾台山後沿額爾齊斯河一帶及

朔方備乘

卷四十

俄羅斯叢記

六

托波兒並喀山等地方其中有歸入我教者有不曾歸入我教者看其未入俄羅斯教之人貌似回子俱削髮戴小帽不食猪肉別供佛像按此是塔塔拉之族據有托波兒等地蓋明之初年事也貨通卽和通蓋人雖蒙古之裔教則已習天方矣

俄羅斯議界檔案

八旗通志馬齊傳曰馬齊滿洲鑲黃旗人姓富察氏戶部尚書米思翰次子

聖祖仁皇帝康熙八年六月由廢生授工部員外郎二

十三年遷內閣侍讀學士二十四年授山西布

政使二十五年擢山西巡撫

諭曰爾居官勤慎聲名亦佳若始終如一不易其初則

善矣二十六年四月

上嘉直隸巡撫于成龍清廉

命九卿於各督撫中有似其人者各以所知奏大學士

等以馬齊及范承勳姚締虞對二十七年三月

遷左都御史

朔方備乘

卷四十

俄羅斯叢記

七

命籌議遣官與俄羅斯定界事疏言俄羅斯侵踞疆土

我守邊官兵困之於雅克薩城本可卽行勦滅

蒙

聖慈寬容不忍加誅釋歸故土今悔罪求和已蒙

俞允特遣大臣往議垂之史冊所關甚鉅其檔案宜兼

書漢字漢員一體差往事下部議行尋九卿等

會推應差大臣官員御史陸祖修以病辭楊燦

以年老辭馬齊劾之五月

命內大臣索額圖都統公國舅佟國綱尚書阿爾尼護

軍統領馬喇及馬齊往主其議是月

命馬齊同尚書張玉書等往閱中河諸工暫署河道總

督二十八年十一月疏言數年以來噶爾丹與

喀爾喀構兵

上屢遣大臣曉諭業已和好又分設喀爾喀佐領與內

地蒙古視爲一體此亘古所未有也臣見理藩

院案冊止用滿洲蒙古文並未有漢字請嗣後

兼用以昭垂永久下部議如所請添滿洲漢軍

漢字堂主事二員繙譯漢字滿洲筆帖式每旗

朔方備乘 俄羅斯叢記 卷四十 八

各一員二十九年二月列議政大臣三十年正

月授兵部尚書三月

詔安輯喀爾喀於沿邊內外避噶爾丹劫掠馬齊同侍

卽布圖等先往調集左右翼部長至上都河額

爾屯河兩界中候

上親行撫綏四月

駕臨閱視

命詳定喀爾喀次第宴賚之尋議喀爾喀諸王貝子公

等爲九等分別坐次禮儀以進三十一年調戶

部尚書三十五年

聖祖親征噶爾丹先期

命馬齊往調喀喇沁翁牛特兵還京

命與大學士阿蘭泰等分班值宿禁城是年噶爾丹敗

遁

詔以來春駐蹕邊外調度搜勦機宜

命馬齊於沿邊至甯夏先往安設驛站並察勘行途宿

次三十七年

命偕副都統烏達禪等往莅喀爾喀諸部會盟宣

朔方備乘 俄羅斯叢記 卷四十 九

諭禁令三十八年十一月授武英殿大學士四十八年

正月因事獲罪拘禁十二月俄羅斯貿易人至

聖祖以馬齊舊管俄羅斯事復令其管理五十五年復

授武英殿大學士六十一年

世宗憲皇帝諭賞給一等輕車都尉世職尋晉二等伯

雍正元年改保和殿大學士晉太保十三年九

月引疾乞休奉

高宗純皇帝旨以原品致仕乾隆四年卒年八十有八

贈太傅諡文穆臣秋濤謹案北徼之事以漢字寫檔案

實自馬齊發之

欽定方略蓋仿於此也

圖理琛屢使俄境

圖理琛滿洲正黃旗人姓阿額覺羅氏康熙二十五年由監生考授內閣中書三十六年轉中書科掌印中書尋遷內閣侍讀四十一年監督蕪湖關稅務四十二年充禮部牛羊羣總管四十四年以缺牲被控革職五十一年四月

特命復職出使土爾扈特初土爾扈特汗阿玉奇從子

朔方備乘

卷四十

俄羅斯叢記

十

阿喇布珠爾嘗假道準噶爾赴西藏謁達賴喇嘛已而準噶爾台吉策妄阿喇布坦與阿玉奇構怨阿喇布珠爾不得歸請內屬

詔封貝子

賜牧嘉峪關外黨色爾騰嗣阿玉奇遣使薩穆坦假道

俄羅斯入貢

聖祖欲遣阿喇布珠爾歸國以準噶爾道不通難之命圖理琛偕侍讀學士殷扎納郎中納顏齋勅往諭假道俄羅斯五月圖理琛等自京啟行七月達俄

羅斯境駐楚庫柏興以假道故俟其國察罕汗

信五十二年正月信至始行由烏的柏興越柏

海爾湖而北抵厄爾庫其駐托波爾之噶噶林

遣屬博爾科尼來迎噶噶林者彼國所稱總管

也圖理琛等欲行博爾科尼言噶噶林令迎天

使由水路行而昂噶拉河水未泮請駐俟之五

月由昂噶拉河乘舟抵伊聶謝柏興登陸抵麻

科斯科復乘舟由揭的河順流而行所經者曰

那里穆柏興蘇爾呼特柏興薩瑪爾斯科狄穆

朔方備乘

卷四十

俄羅斯叢記

十一

演斯科七月至托波爾噶噶林名馬提飛費多里魚赤者迎至署留八日仍遣博爾科尼護之行抵鴉班沁登陸由費耶爾和土爾斯科越佛落克嶺抵索里喀穆斯科以路多泥淖需東乃行至十月起程所經地曰改郭羅多黑林諾付喀山西穆必爾斯科十一月至薩拉托付是爲俄羅斯與土爾扈特界水自東北來折而南俄羅斯呼爲佛爾格土爾扈特則呼爲額濟勒阿玉奇汗駐牧地曰瑪努托海距此十日程以雪

盛不能行五十三年四月阿玉奇遣台吉偉徵等來迎五月圖理琛等渡額濟勒河阿喇布珠爾之父納扎爾瑪穆特遣人獻馬卻之六月朔至瑪努托海阿玉奇擇吉聽

宣

勅我使語之曰阿喇布珠爾已賜爵優養欲遣歸爾牧以策妄阿喇布坦惡爾恐戕之爾若欲令阿喇布珠爾歸當自俄羅斯來迎阿玉奇曰我雖外夷然冠服與中國同俄羅斯乃嗜欲不同言語

朔方備乘

卷四十

俄羅斯叢記

十二

不通之國也天使歸經其國當察其情俄羅斯若以往來數故不假道則我無由入貢矣阿喇布珠爾荷

厚恩與歸土爾扈特等復何疑慮於是阿玉奇及納扎爾瑪穆特等各贈馬及方物圖理琛等以越境無私交卻不受阿玉奇待之有隆禮留十四日筵宴不絕復附表奏謝圖理琛等遂行由舊路歸俄羅斯遣護如初五十四年三月還京是役也往返三載餘經行數萬里蓋土爾扈特為俄

羅斯所隔遠阻聲教而俄羅斯又故故導我使紆道行圖理琛自奉使及復

命無辱焉既歸圖理琛撰異域錄首冠輿圖次為行記

一卷呈

覽

聖祖嘉悅授兵部員外郎阿喇布珠爾亦遂留牧黨色爾騰不復遣再傳至其子丹忠遷牧額濟納河是為額濟納舊土爾扈特旗四月圖理琛遷郎中雍正元年七月

朔方備乘

卷四十

俄羅斯叢記

十三

命赴廣東盤查藩庫九月即擢廣東布政使三年正月調陝西布政使四月署陝西巡撫七月實授九月疏言西安延安兩府地廣事繁請改商州同州華州乾州邠州耀州鄜州葭州綏德州俱為直隸州分西安延安所屬縣隸之部議允行四年十月疏言靖邊定邊二所距保安塞膚施三縣甚遠請將靖邊經歷司征收定邊所地丁錢糧歸附近之磚石鹽場二堡令定邊縣縣丞征收下部議行尋遷兵部右侍郎五年四月轉

左六月調吏部右侍郎八月偕喀爾喀郡王額駙策凌等往定喀爾喀與俄羅斯界十二月仍調兵部右侍郎六年三月追議前定界時與俄羅斯使臣薩瓦鳴礮謝天私立木牌於定界處所旋焚之擅納俄羅斯貿易人入界又前任陝西巡撫時將天下兵數繕摺私給延信

命速速治鞠實擬斬十一月宥免十二月

命往築扎克拜達里克城十三年九月

朔方備乘

卷四十

俄羅斯叢記

十四

高宗純皇帝御極授內閣學士十二月授工部侍郎乾隆元年仍為內閣學士三年乞休

允之五年卒臣秋濤謹案圖理琛事蹟世罕知者或以為官止郎中或以為官至尙書皆非也故備錄於此以備考核云

海國聞見錄語多可采

陳倫炯海國聞見錄曰小西洋居於丙午丁未方從麻喇甲暹羅繞西沿山而至於白頭番國人即西域之狀卷鬚環耳衣西洋布大領小袖

人即西域之狀卷鬚環耳衣西洋布大領小袖

纏腰裹白頭故以白頭呼之國有二東為小白

頭西為包社大白頭二國北接三馬爾丹臣秋濤謹案即撒馬兒罕即鳴爾丹之本國也臣秋濤謹案此語誤

一作賽馬兒罕

辨見而三馬爾丹之北鄰細密里也國臣秋濤謹案一

後作昔白利牙一作悉比釐阿今而細密里也之為俄羅斯所併曰錫伯利部

西為俄羅斯國臣秋濤謹案此語於地形密合小白頭東鄰民

呀國民呀人黑穿著皆白類似白頭英圭黎臣秋濤謹案英圭黎即英吉利荷蘭佛蘭西聚此貿易民呀之東

接天竹佛國臣秋濤謹案天竹即天竺亦作印度民呀之東南遠

及暹羅民呀之南臨海民呀之北接哪嗎西藏

及三馬爾丹國屬而小白頭南入於海之地曰

戈什塔東西南三面皆臨大海外懸一島曰西

崙臣秋濤謹案即錫蘭中產大珠戈什塔東之沿海地名

有三曰網礁腦係英圭黎埔頭曰房低者里係

佛蘭西埔頭曰呢顏八達係荷蘭埔頭西之沿

海地名有二曰蘇喇曰網買皆英圭黎埔頭其

地俱係紅毛置買所建也包社大白頭國臣秋濤謹案包社即波斯東鄰小白頭北與小白頭皆聯三馬

東鄰小白頭北與小白頭皆聯三馬

朔方備乘

卷四十

俄羅斯叢記

十五

爾丹西北枕裏海西鄰東多爾其臣秋濤謹案即東土耳其

西南鄰阿黎米也南臨大海 多爾其分東西

二國皆回回東多爾其國不通海東鄰大白頭

東北傍裏海北接惹鹿惹也西鄰西多爾其南

接阿黎米也 裏海者諸國環而繞之東北細

密里也西北俄羅斯東三馬爾丹臣秋濤謹案裏海東有鹹

海鹹海東始為撒馬爾罕臣秋濤謹案此書未載鹹海亦係疏漏西惹鹿惹也謹案裏

海西有日爾日亞部舊為波斯屬地今為俄羅斯所併當即此惹鹿惹也瀛環志略以為惹鹿

惹也即波蘭部大誤西南東多爾其南包社大白頭內注

朔方備乘 卷四十 俄羅斯叢記 七

大海不通海楫其水惟從包社出海故為裏海

臣秋濤謹案裏海不與大海相通此云從包社出海誤也 惹鹿惹也一國

亦不通海東傍裏海西傍死海北聯俄羅斯南

接東西多爾其女人姿色美而毛髮紅氣味臭

衣著同白頭貢於包社 死海者即黑海源從

地中北俄羅斯南西多爾其東惹鹿惹也西岷

岷呻四面環繞不通大海故為死海臣秋濤謹案黑海係

地中海分支非不通大海者此又誤而西多爾其岷呻二國不

通小西洋之海而濱於中海之東北中海係從

大西洋之海而入 荷蘭者噶喇巴之祖家也

西鄰佛蘭西沿佛蘭西而至西北皆臨大海北

面隔海對峙英圭黎東鄰黃旗南接那嗎由荷

蘭北海而至黃旗臣秋濤謹案黃旗即噶國 黃旗者均係

紅毛種類素未通中國近有舟楫來粵營生南

接那嗎岷呻東鄰普魯社為界普魯社係俄

羅斯種類也北接各因西隔海與英圭黎對峙

沿北海而至各因臣秋濤謹案志略以各因與黃旗皆為噶國別名此分爲

兩國者按是時噶國兼有洲中海北之那威國那威即各因也蓋因其兼有是地志略因以為

朔方備乘 卷四十 俄羅斯叢記 七

別名實則本二國非一國也不得合為一地 各因者西北海之國

亦係紅毛種類素未通中國西南隔海與英圭

黎對峙 英圭黎一國懸三島於各因黃旗荷

蘭佛蘭西四國之外海自各因沿海而東繞俄

羅斯自俄羅斯而東至細密里也皆為北海不

能行舟海冰不解故為冰海自各因而南至烏

鬼諸國皆為大西洋紅毛者西北諸番之總名

淨鬚髮披帶赭毛帶青氈卷笠短衣袖緊鞵而

皮履高後底略與俄羅斯至

京師者相似高準碧眸間有與中國人相似者身

長而心細巧凡製作皆堅緻巧思精於火礮究

勘天文地理俗無納妾各國語言各別以摘帽

為禮臣秋濤謹案以上所言風俗禮節與俄羅斯皆同而尊天主者惟

干絲臘是班牙臣秋濤謹案志略以干絲臘是班牙皆西班牙之別名此錄則

以為二國未詳孰是葡萄牙一作葡萄牙黃旗為最而辟

之者惟英圭黎一國臣秋濤謹案英圭黎奉耶穌教故闢天主教此

語教次殊未明晰世人遂有謂英夷不奉天主教者皆因此而誤也又按噶國亦奉耶穌教

此列黃旗於天主教內亦考之未詳也

朔方備乘 卷四十 俄羅斯叢記 六

魏源曰案賽馬爾罕者元時封藩統轄蔥嶺以

西各國至明中葉賽馬爾罕已分十餘國不盡

為所屬矣近日更全變為回國若敖罕若布哈

爾若愛烏罕若巴達克山若克什米爾等凡十

餘國而聞見錄猶以古時賽馬爾罕通稱之誤

矣至又以賽馬爾罕為噶爾丹之國則誤中又

誤矣謂俄羅斯國惟限於西洋而其於中國相

首尾之東北萬里概置不提皆疏舛之尤者書

作於雍正時刊於乾隆八年在新疆未服以前

故傳聞遙揣舉一漏百也臣秋濤謹案大小西

洋諸國地形明人未能確指至利瑪竇艾儒略

南懷仁輩始有成書然出自外域紀述中國疑

於無徵惟陳倫炯以中國人涉歷海洋舉所親

見及聞諸商賈者作為聞見錄一編文簡而語

核事確而理明洵不可少之書也俄羅斯地近

北洋康熙末年始疏通波羅的海道當陳倫炯

著書時商船罕至其地故說不甚詳今採摭而

考訂之以較七十一之西域聞見錄洪亮吉之

朔方備乘 卷四十 俄羅斯叢記 六

乾隆府廳州縣圖志則相去倍蓰矣

論俄國依耶穌教紀年

西齋偶得曰池北偶談載俄羅斯國以順治十

七年稱一千一百六十三年案西洋稱今乾隆

五十三年戊申為一千七百八十八年漢哀帝

庚申年乃其國之第一年予嘗詢之會同館肄

業之俄羅斯官生則云今歲戊申為一千七百

八十八年蓋其國久奉西洋教法故紀年與西

洋同書所記當有誤若回回以隋開皇十九年

已未為阿爾必年至今歲戊申乃一千一百八十九年蓋皆各記其開國立教之始不無侈張之意非若中國之建元也

原注如書則至今戊申歲當為一千二百

九十一年

臣秋濤謹案七十一作西域聞見錄謂俄羅斯

傳國不知其幾千年此乃因其以耶穌教紀年而誤會不足為據俞正燮癸巳類稿等書云俄羅斯立國在南北朝時蓋亦以一千七百餘年之數上溯之不知此乃天主教之始年非俄羅斯

朔方備乘

卷四十

俄羅斯叢記

三

斯立國之始年也鄂書燕說一何可笑博明此論可破其疑矣

茶葉大黃

清河蕭令裕粵東市舶論曰番人性嗜乳酪膠結腸腹惟大黃茶葉蕩滌稱神一不得食立致困病異時恰克圖口不與俄羅斯通市西洋各國市大黃於粵每國限以五百斤防其漏入俄羅斯也比開關如故紅毛花旗諸酋合辭籲請母限定數是知疵癘之祲非藥罔濟旗槍之用

在彼同需今茶斤出口歲計四五十萬類年交易定有積存然茶之為物霉變易生三歲以後不可復食如聞英夷誇詐詡有三十年之蓄此其欺罔不辯自明設有禁斷驚擾內作其必我資者一也

出勒罕

奎照龍沙詩注曰歲五月布特哈貢貂選進後大開互市謂之出勒罕華言會也遠人皆來在下魁城北十餘里畫沙為界各部落人駐其北

朔方備乘

卷四十

俄羅斯叢記

三

商賈官吏游人駐其南中設兵禁俄羅斯人則秋盡始來百十為羣一官統之禿袖方領冠高尺許頂方而約其下來文一函一彼國字一蒙古字貴官與商賈名並載焉

紅呼里

龍沙紀略曰紅呼里索倫屬俗誤紅狐狸應捕貂役隸八圍之內鄂倫春與俄羅斯接壤隸籍者五百六十五人十佐領轄之輸貂如索倫制

喀穆尼漢

黑龍江外紀曰索倫族類至繁有敖喇都喇爾布喇穆等姓布特哈呼倫貝爾皆有之在齊齊哈爾墨爾根黑龍江者寥寥亦有流寓俄羅斯者其國謂之喀穆尼漢又謂之通古斯蓋羅刹作亂劫去者數十年前嘗有願歸故土之請今不聞

黑龍江近俄國境宜停遣

黑龍江外紀曰黑龍江極邊苦寒之地自設將軍鎮守凡旗民雜犯重罪載在刑律者或以免

朔方備乘

卷四十

俄羅斯叢記

三

死或以加等發遣茲士分管束安插當差爲奴諸條各有等差惟官吏奉謫遠夷徒置不在常例其雜犯每歲踵接而至無慮數百人向皆分遞諸城惟呼蘭之地及呼倫貝爾界俄羅斯不多遣邇來爲奴者齊齊哈爾留大半外城不過十之二此輩中由教匪洋盜免死悍戾成性與他命盜案及牽連坐罪者尤不同約計齊齊哈爾今有三千餘名餘城亦千名以外蓋久未停遣東來者日眾游手聚居是在撥遣鈴東之有

法耳臣秋濤謹案嘉慶年間修例將應遣黑龍江各條均改發回疆等處正爲此也

俄國憚沙音

黑龍江外紀曰沙音呼倫貝爾索倫也驍勇號無敵俄羅斯憚之越境盜牲畜不犯其帳一日沙外歸聞牛馬爲俄羅斯掠去徒步追及盡剿取盜者十餘輩驅其牛馬唱以還自是俄羅斯兒夜啼稱沙音來卽止如古人呼麻胡云

訪英俄二夷相去遠近

朔方備乘

卷四十

俄羅斯叢記

三

姚瑩康輶紀行曰

本朝武功莫盛於西北自內外蒙古青海回疆西藏皆入圖籍學人皆得以披考之矣惟東南島夷雖見四裔考及傳記苦不明了海國聞見錄海島逸志頗有圖說亦但據海船所經圖之而海岸諸國及在陸諸國何者接壤孰爲東西孰爲遠近無從知之幸有西人艾儒略南懷仁所刻坤輿圖可以得其形勢蓋卽利瑪竇萬國全圖而爲之也惟方音稱名與中國傳說諸書各

別某卽某地殊費鉤稽道光二十二年奉

命卽諸夷囚問英夷及俄羅斯遠近當以夷酋顛林等

所繪近海諸國地名形勢錄供爲說覆奏倥偬

軍旅之中未能詳加考訂也第就其所繪圖取

海國聞見錄與南懷仁二圖較之形勢實相符

合嘗欲以此三圖參互考訂於其地同名異者

逐一詳辨之旋爲壯逮不果友人邵陽魏默深

得林尙書所譯西洋四洲志及各家圖說復以

歷代史傳及夷地諸書考證之編爲海國圖志

朔方備乘

卷四十

俄羅斯叢記

五

六十卷可謂先得我心余嘗得英夷圖書數部

皆方志也苦無人翻譯覽之茫然顛林言伊國

海船無不齎方志以行蓋備風飄至未經之國

以所見天文度數及人物山川稽之可知其爲

某國也儻至粵中以其書覓人譯而出之不亦

善乎

康輶紀行又曰備兵臺灣有事英夷欽奉

上諭詢英地情事當時第據夷囚顛林所言繪陳圖說

而俄羅斯距英地遠近莫能明焉深以爲恨乃

更勤求訪問適友人魏默深貽以所著海國圖志大獲我心故乍雅之役欣然奉使就藏人訪西事旣得聞所未聞且於英人近我西藏之地與夫五印度俄羅斯之詳蓋有徵焉

顛林說羅沙國

道光二十二年臺灣鎮達洪阿道姚瑩等進呈英夷顛林圖說奏疏曰其陸路自蘭鄰外並無土地東北東南隔海之國甚多顛林所知者曰士祿國羅委國叻倫國顛麥一名黃祈國什卑

朔方備乘

卷四十

俄羅斯叢記

五

厘國達地厘國皆在其東北土壤相接北卽北海冰厚二三丈極寒人不敢往又有荷蘭國拿

達倫國米利堅國佛蘭西國大西洋國鴉沙爾

國布路沙國記利時國埃地利國大呂宋國的

記國皆在其東南國亦相接問以俄羅斯及回

部皆茫然不知惟隔荷蘭黃祈之東有羅沙國

又東南有北叻思國似卽俄羅斯地而字音別

也荷蘭黃祈二國最近英吉利隔海相距一千

二百里諸國皆不相統屬荷蘭頗爲英吉利欺

凌每倚佛蘭西爲援則與英吉利固外好而陰
忌之未必聽英吉利越其國而與俄羅斯貿易
此英吉利以東隔海諸國之情形也

又進呈顛林圖說曰問以俄羅斯及回部皆茫
然不知惟言賀蘭之東北爲羅沙國又東稍南
爲北叻思國與海國聞見錄載俄羅斯隔普魯
社卽係黃祁賀蘭之境相似乾隆年間俄羅斯
女王卽西洋國之女則其相去當不甚遠特地
名字音各別或卽所云羅沙及北叻思也顛林

朔方備乘

卷四十

俄羅斯叢記

三

未至東北諸國故不能明然其所繪圖與康熙
年中西洋人南壤仁之坤輿圖說乾隆年中總
兵陳倫炯之海國聞見錄形勢大略相同二書
收入

欽定四庫中可以參考故大學士_臣松筠嘗爲_臣姚瑩

言俄羅斯大臣多西洋人乾隆五十八年英吉
利貢使瑪噶爾言今俄羅斯之哈屯汗本大西
洋國女乃前哈屯汗之外孫女也其表兄襲汗
娶以爲妻然則俄羅斯與大西洋世爲婚姻英

吉利本近大西洋婦人爲王其俗同人之狀貌
又同則其近可知俄羅斯人有在京者傳詢當
得其實然英吉利既隔海而俄羅斯尙隔黃祁
賀蘭佛蘭西諸國未必與英吉利交結故顛林
及律比皆不知之若回部則以南壤仁及陳倫
炯之圖考之相去甚遠所隔國尤多矣

俄國不許通粵市

葉鍾進夷情紀略曰英吉利國初甚微弱前明
始自大西洋葡萄亞通中國乞得澳門以居

朔方備乘

卷四十

俄羅斯叢記

三

置買茶葉大黃等物歸售各國各國慕之聞風
踵至乾隆年間大開洋禁以粵東爲市易所設
洋商通事西南各國屬至惟俄羅斯船不許開
船蓋其國與我北方蒙古毘連向有權場互易
若再開東南市舶恐礙蒙古生計也至是澳夷
始不得獨擅其利乃以澳門夷屋賃與各國居
止

俄國西境販貨

夷情紀略曰英吉利公司商船最盛然所市皆

非本國土產皆採買他國尤以萬達刺沙即東印度各國採買最眾易茶絲等貨以歸各國及俄羅斯西境皆就近至彼轉販每年三四月間英國海舶雲集其初不過數船近年增至大船二十隻益以小船其茶葉收賦極重約將中國買價又禁他人不得置即船主夥長等人置者到日交公司酌領價值由是富強日盛

俄國近西洋

康輶紀行曰外藩諸國惟溫都斯坦及克什米

朔方備乘

卷四十

俄羅斯叢記

三

爾在葉爾羌西南多江河近通海洋時有閩廣商船至其地餘皆在其西北最大者為鄂羅斯鄂羅斯即俄羅斯東北界海南鄰中國西北鄰普魯社東西距二萬里南北千里至三千里不等以南懷仁陳倫炯顛林三圖觀之已接近西洋諸國矣

俄國爭北印度

瀛環志略曰道光二十年粵東譯出英人新聞紙有英軍攻阿付顏尼戎羅斯約木哈臘欲取

阿付顏尼之說意在爭北印度也二十六年傳聞英人用兵於北印度有取得西刻之加治彌爾與後藏接壤欲赴藏通市之說西刻即塞哥加治彌爾即克什米爾據西人所刻地圖克什米爾在塞哥極北界英人果割地至此則已拊塞哥之背不止喪地實多抑且危如朝露矣

那波利稔攻俄國

四洲記曰法蘭西那波利稔王臣秋濤謹案一作破辰初為總帥時國王使驅逐奧土地喇之

翁王

朔方備乘

卷四十

俄羅斯叢記

三

軍出意大理國境維時法蘭西軍乏錢糧缺兵械又未訓練那波利稔鼓舞將士整頓紀律乘敵未設備突然攻之躬親督戰麾兵衝擊戰勝凱旋為國主所忌遂領兵三萬駕戰船離國至麥西地方乃都耳基之藩屬國也其士兵竭力抵禦終不能勝遂為法蘭西總帥所據自恃善戰既絕本國謂可自開新地適英吉利之師船來助土人擊法蘭西巨艦火藥轟發為英所敗於是退兵嘉慶三年復還國都結黨握權時國

帑甚空民心未服而那波利稔恃其兵力與其才智且國之首領皆其所轄設造新律改正紀綱國中匪徒畏那波利稔之嚴陰謀殺之皆事敗誅死是時鄰敵尋釁來攻那波利稔引精兵潛出山後間道突襲其後敵兵驚潰諸國無敵獨英吉利人與爲仇隙再三水戰互有勝負彼此勸和而退又曰法蘭西國王那波利稔既卽位與英吉利仇隙論飭諸港口逐英吉利之船嚴禁通商欲以窘迫英國英國之水師再三竭

朔方備乘

卷四十

俄羅斯叢記

辛

力燒其戰船法蘭西復與俄羅斯及他國結盟募兵五十萬每十萬兵給錢糧銀六十萬員於嘉慶九年出師來攻英軍拒擊敗其大半三國排陣相抵隨結和而退法蘭西之戰船又與西班牙戰艦合攻英吉利又爲英吉利水師所破法蘭西又與破魯斯國結釁隙損兵折將法蘭西軍保守堅城嗣後與俄羅斯國王會盟結好一理東方一統西方當是時西班牙之國王世子悖命且佞臣弄權故法蘭西王召其父子君

臣至國執而廢之以國封弟西班牙民不服招英吉利之軍助其戰守驅逐敵軍嘉慶十三年佛蘭西復領兵侵西班牙內地土民降服法軍凱旋娶敵國之公主爲后遂諭阿里曼諸國仰之若共主法蘭西之武勢益廣心志益侈聯合諸屬國各領其兵士共五十萬欲攻服俄羅斯俄羅斯軍已退避不意上帝降災大風凜冽雪如山法蘭西諸軍凍死者十有九遁回後又募兵攻阿里曼諸國諸侯皆苦其暴酷破魯斯

朔方備乘

卷四十

俄羅斯叢記

辛

王率兵拒敵歐羅巴列國亦合而攻之互有勝負旣而法軍敗散諸國合兵伐之法蘭西王失國嘉慶十八年避於小嶼創立新國日夜思復仇寢食皆廢粹回法蘭西國逐其新王惟上帝不佑復爲英吉利破魯斯兩軍擊敗於是法蘭西舊王復立禁放那波利稔王於遠嶼欲逃不得道光元年憤恨而死論其才能非不出類超眾惟佳兵好戰以致於亡

殺林那威二國與俄國交涉事略

臣秋濤謹案綏林即瑞典也亦曰瑞國亦曰西

費耶斯科亦曰匪馬爾如國亦曰藍旗國那威

在瑞典之西北亦曰挪爾瓦亦曰玻的亞二國

形勢相聯同屬一區西北界抵冰海西南界抵

耶麻尼海東北界抵麻爾抵海魏源曰案耶麻

所謂斯多各海在歐羅巴洲之內凡大尼國綏

林國皆在此海之北耶麻尼海與麻爾抵海實

一海隨地異名也麻爾底海即波的海音譯之

殊也皆所謂洲中海臣秋濤謹案即波羅的海

朔方備乘

卷四十

俄羅斯叢記

三

之區北隅山深雪厚物產稀少人皆麤魯牧獵

為生綏林與那威以倫佛厘尼斯山為界舊無

酋長唐昭宗光化三年臣秋濤謹案原作耶有

哈羅佛額統領綏眾屢出寇掠人皆畏懼遂自

立為王建都於斯篤和臨距海僅六十里同區

之那威亦屬焉旋又攻得領墨之司蘭阿爾厘

希墨厘斯三島立國三十餘年為領墨馬里額

女王所滅并所屬之那威皆被吞併然綏林土

人不服屢叛屢敗迨至領墨幾利底奄王殘忍

好殺撫治無方明武宗正德十五年臣秋濤謹

五百二十有綏林人額斯達五薩者樹幟恢復

屢破領墨之眾竟抵國都慶戰三載領墨厭兵

遂還綏林故地綏林復國為王又攻耶麻尼取

回歐塞特里阿侵地又并波墨臘厘阿數部落

凡歐羅巴各國有事悉聽綏林號令先是俄羅

斯國地自元時為蒙古所併至是有諾戈落部

人以萬者潛謀起兵割地以賂綏林國王助兵

八千遂攻克莫斯科窪等地是為今俄羅斯國

朔方備乘

卷四十

俄羅斯叢記

三

王立國之始蓋非藉綏林兵力不能復興也後

百餘年俄羅斯日以強盛乃向綏林索所割地

綏林不與自是日尋干戈康熙三十九年臣秋

案原作一千七綏林為俄羅斯國王所敗臣秋

百年今改正所謂渣爾國是時綏林方與俄羅斯察罕汗構

兵西人云俄羅斯國人呼其君曰察爾渣爾即

察爾乃指察罕汗而言非別有一國名渣爾也

求助於都魯機都魯機為之和解遂割厘阿厘

委阿數大部落以賂俄羅斯始罷兵綏林僅守

磽瘠邊境越數十年傳至額斯達瓦斯昏於政

事國內再變王位虛懸眾擇佛蘭西兵帥墨那氏一曰伯爾孛多的者爲國王時嘉慶十餘年也墨那氏恐佛蘭西見討故厚結人心斬以自固又所屬那威貨物至領墨國都交易多被挾制皆綏林之大患也其國有衙門四一官一僧一部落土著一鄉村土著官衙門千二百人分三等曰希臘曰厘那曰西委那凡各首領均世襲僧衙門大僧師曰阿治彌涉次曰彌涉部落中土著衙門由各部落中選舉有租稅者充之

朔方備乘

卷四十

俄羅斯叢記

書

鄉村土著衙門由各鄉村選舉有產業者充之五年期集會議一次期以三月或展至四月所議者文武職官賢否及稅餉增減以待國王酌定凡會議之時非服章服之希臘無坐位那威設立魯多挺衙門隨時會議俟王准駁然一事經三請則王無不允行綏林步兵二萬六千三百二十騎兵四千五百八十火器兵二千四百蘭威阿兵八萬三百六十有八養兵之法平日撥田耕種行陣別給口糧那威步兵九千六百

四十有二騎兵千有七十火器兵千三百七十有八蘭威阿駐防兵糧餉如綏林之制境內倫佛厘尼斯山最大自那威之俄鼎麻汔綏林界峯高八百丈起復綿亘至北海濱忽高起壁立河道四那爾河至額佛里東出海長二百六十里額攬彌河特攬河臘勃河自北發源南出海國中材木皆由此出洋湖二曰委尼湖曰馬里爾湖爲眾水之壑歲濬河道宜洩積水奉波羅特士頓教貌似俄羅斯好文學俗醇無盜作事

朔方備乘

卷四十

俄羅斯叢記

書

忍耐專心技藝推求金石草木質性歐羅巴洲各國皆不及焉產金銅銀鐵黑鉛細呢白礬硫磺材木綏林國四部東界俄羅斯南界洲幅員中海西北界那威二十九萬七千方里戶二百七十七萬千二百五十二口曰綏林勃羅巴部東界海南界曷蘭西北界那威領小部三產細呢硫磺白礬押沙爾每年產銀二三千碼鉛一萬六七千斤鐵礦尤旺化倫每年舊產銅四千萬斤近年只五百六十萬斤金五十碼銀五十碼鐵無定數曰臘

巴蘭部東界俄羅斯南界那蘭斯西北界那威領小部四曰那蘭部東界海南界綏林勃羅巴西界那威北界臘巴蘭領小部一每年舊產金三四十碼近年所產僅十之一曰曷蘭部東南西界海北界綏林勃羅巴領小部九產鐵那威舊別為國後為領墨所兼併嘉慶二十年各國會議割綏林所屬南境地歸領墨而以那威地歸綏林其境東界俄羅斯及綏林西南北俱界海戶百有五萬零百三十二口分大部落六曰

朔方備乘

卷四十

俄羅斯叢記

五

沃牙哈斯部東界綏林南界海及幾力斯底菴山西界麻銀哈斯北界特倫林領小部一土產金銀今漸少曰肥引墨部東南皆界俄羅斯西界那蘭斯北界海領小部一曰那蘭斯部東界臘巴蘭南界特倫林西北界海領小部一產銅曰特倫林部東界那蘭斯南界沃牙哈斯西界海北界那蘭斯領小部二曰麻銀哈斯部東界沃牙哈斯南界幾力斯底菴山西界海北界特倫林領小部一曰幾力斯底菴山部東南西皆

界海北界麻銀哈斯沃牙哈斯領小部一產鐵白礬黑鉛木材綏林之臘巴蘭那威之肥引墨皆負冰海極寒之地其東有廣土曰芬蘭與二部相連倚波羅的海波得尼灣之東芬蘭灣之北舊本綏林東境康熙年間割歸俄羅斯者即此土也

領墨國與俄國交涉事略

臣秋濤謹案領墨即噠國也亦名大尼國亦曰盈黎馬祿加國亦曰黃旗四洲志云在耶麻尼

朔方備乘

卷四十

俄羅斯叢記

五

之西凸出洲中海東西北三面俱界海魏源曰則國在洲中海南明矣乃海錄則謂黃旗國在綏亦古西北同一海島職方外紀謂歐羅巴西北有四國曰大尼亞曰諾爾物亞曰雪際亞曰鄂底亞貿易通志大尼即黃旗而黃旗又為海北之國矣其為一國兼跨海南北無疑蓋來粵貿易者皆北岸之人故粵人謂其國在海北志中紀其本國則又在海南也臣秋濤謹案噠國嘗兼并綏林那威二國後綏林自為國而那威仍屬噠國直至嘉慶二十年後始以那威歸綏林然則諸書謂兼跨海南北者指并有那威時言也四洲志謂在海南者那威已割歸綏林噠無海北之壤故也分別觀之則知諸書皆不誤也南抵耶麻尼之伊爾河為界地勢參差低窪平行高阜出水不過數尺半多湖沙物產歉薄

而陸地衝衢據全洲要害東有三島曰臘蘭曰
府領曰西蘭此外尚有數島西蘭島之戈西哈
疑卽國都也得國最先聲勢最强好侵掠鄰國
無不畏惡自宋真宗天禧元年臣秋濤謹案原
作一千有十七
年今加納王奪得英吉利地旋與耶麻尼波蘭
兩國交兵連勝馬額女王嗣位復統兵征服綏
林那威兩國是時領墨威震西海迨至幾立斯
底奄王酷虐無道國勢浸衰綏林背叛率眾直
抵國都郊外大肆焚掠始還綏林侵地二百年

朔方備乘

卷四十

俄羅斯叢記

美

後綏林又侵取領墨邊地領墨唯守舊疆與海
濱貿易埠頭而已嗣當俄羅斯與佛蘭西爭戰
領墨界兩國間俄羅斯假道欲拒不能欲避不
可乃與佛蘭西合從而佛蘭西旋敗致分蘭之
地竟爲俄羅斯所據臣秋濤謹案此卽嘉慶年
間俄佛交兵之事分蘭地
當在芬蘭海灣中非俄
國西北之芬蘭部也領墨於俄羅斯兵退後
乘間奪得綏林部落旋與議和以新得之波墨
拉厘阿易回綏林侵去之老引墨部落焉陸兵
十萬戰艦大小十有四錢糧歲征七八百萬員

舊無河道疏濬通艘內地所產始得出海自此
稅餉日增然遇意外之費卽不敷用是以其國
虧欠商民至七百五十萬員國都設立書館一
所儲書四十萬部此外尚有大書館二千五百
所蒙童館三千所文士精天文者推第谷爲最
著貿易尙勤儉豪貴不敢凌貧賤也產大呢即
細氈也蓋以國爲名又產糖稻米麥

俄羅斯人行醫

夷情備采云前此西洋耶密等在京作欽天監

朔方備乘

卷四十

俄羅斯叢記

美

曾帶西醫與各官府往來借行克力斯頓教是
以教師必先曉醫道方能爲人所悅又曰前時
有羅問國之耶密奉使至北京投欽天監著有
許多書籍道中國之風俗現在佛蘭西諸國多
有藏本我等得知中國之風俗皆應感耶密也
又曰昔年多麻士至中國傳加特力教時中國
從教者仍信奉鬼神以加特力教中不禁人奉
鬼神之像也及耶密至中國觀前所行之教皆
非正道始刪去許多敬奉鬼神之事高鄴王壽

同云曩曾因子章貝勒奕繪識俄羅斯官學生
在彼國不知何名子章貝勒因其精醫遂名之
曰秦綏其人能為華言每歲朝來賀持名刺即
用秦綏字臣秋濤謹案彼國人之醫療亦多為
行教計觀夷情備采可見也

布哈爾為新疆屏蔽

西屬國記魏源曰新疆南北兩路外夷環峙然
其毗鄰錯壤作我屏蔽者惟哈薩克布魯特兩
部落而已哈薩克三部有汗王公台吉世襲以

朔方備乘

卷四十

俄羅斯叢記

罕

理其游牧三歲一貢歲一市以馬羊易緞疋而
稅其百一布魯特亦如之歲遣領隊大臣巡視
貪市畏威易於羈馭此外巴達克山距葉爾羌
二十五驛愛烏罕距葉爾羌四十驛克什彌爾
距葉爾羌五十一驛温都斯坦距葉爾羌九十
四驛皆西隔蔥嶺無係邊防雖敖罕部之安集
延商賈徧於南北諸城貪貿易無他慮且距葉
爾羌亦二十餘驛敖罕境狹人稀外之不及布
噶爾什二內之僅當阿克蘇一隅其繁庶惟安

集延一區不盡為所屬見新疆議略松筠道光

二十二年敖罕遂為布噶爾所滅虜其酋長頭

目遣使告捷於卡倫布噶爾者距葉爾羌四十

驛其地西北界俄羅斯南界愛烏罕東界敖罕

及布魯特富強數千里統轄數百部不尙回教

自古聲教兵力所不至乾隆以來惟通市不列

朝貢既併敖罕始接邊陲即西域聞見錄所謂

塞克國云臣秋濤謹案據此則近日新疆回疆

俄羅斯也所謂安集延者亦併於布噶爾矣

朔方備乘

卷四十

俄羅斯叢記

罕

論祓古非俄國

海錄曰祓都律切古國在布路牙呂宋佛郎機之

後魏源曰案此都魯機國也祓即都魯二字之

佛郎機之後者言方雙聲疆域大而奉回教是其明證云在呂宋

向大概非必接壤在伊宣各國之北疆域極

大本回回種類人民強盛穿大袖衣裹頭服皮

服不與諸國相往來西洋人謂之仍跛喇多者

猶華人言大國也唯稱中華及祓古為然魏源

洋稱大國者惟中華及俄羅斯海錄中無俄羅斯
斯者專述海船貿易之國也都魯機兼跨歐羅
巴阿細亞二洲之葉圭綏曰祓古即莫斯科之
境故亦云大國

轉而莫斯科即俄羅斯所謂斯科無疑仍跛喇
多華言大國惟稱中國及祓古爲然則非俄羅
斯烏足以當之俄羅斯今雖祓教然本回鶻故
地故云然也葛爾都爾機焉能與中華並論哉
此魏氏之誤也臣秋濤謹案海錄無俄羅斯蓋
謝清高所附西舶專往來於東南洋故於羅刹
之境有未悉耳即如夷酋顛林於羅沙諸國亦
多茫然可見海洋廣大遊展難周未可執一而
論俄羅斯爲大國而海錄偶未論及不足怪也

朔方備乘

卷四十

俄羅斯叢記

望

既稱祓古爲回子種類其爲都魯機無疑仍當
從魏源之說爲正瀛環志略都魯機作土耳其
國

俄國製礮同西洋法

瀛環志略曰唐宋之間西域回部方強時侵擾
歐羅巴諸國蒼黃自救奔命不暇先是火礮之
法創於中國歐羅巴人不習也元末有日耳曼
人蘇爾的斯始仿爲之猶未得運用之法明洪
武年間元駙馬帖木兒王撒馬兒罕威行西域

歐羅巴人有投部下爲兵弁者攜火礮位以
歸諸國講求練習盡得其妙又變通其法創爲
烏鎗用以攻敵百戰百勝以巨艦涉海巡行西
闡亞墨利加全土東得印度南洋諸島國聲勢
遂縱橫於四海現大小共十餘國臣秋濤謹案
明正德中佛郎西泊廣東之香山特火礮爲利
器明人仿製九邊所用佛郎機紅夷火礮是也
俄羅斯國近西洋亦仿其製故甯古塔紀略載
俄羅斯有西瓜礮黑龍江外紀載黑龍江庫中

朔方備乘

卷四十

俄羅斯叢記

望

儲俄羅斯烏鎗皆同洋製云

論俄國土地人民

歐羅巴列國版圖說

泰西人所著

曰俄羅斯國王主

治地三百二萬正方里居民四千一百萬人每
年進帑五千二百萬圓洋銀皆以圓計重者七錢二分輕者四五六錢
不國家欠項二萬萬圓額兵六十萬戰時百萬
餘師船三十六隻臣秋濤謹案此說各國之正
方里與中國開方法不同又按西人地理全志
云俄羅斯國長五千七百里廣五千九百里總

計之七百萬里此指俄之西境乃自烏拉嶺以西地又所屬西伯

利部長一萬四千里廣六千五百里總計之一

千八百萬里此指俄之東境與東三省蒙古接壤者言又所屬高加

索部長二千三百里廣一千五百里總計之四

十萬里據其所言之數較列國版圖說多至倍

蓀未詳孰是康輶紀行曰按歐羅巴人四洲志

云英吉利幅員五萬七千九百六十方里大部

落五十三小部落四百八十五所屬斯葛蘭島

幅員二萬九千六千方里大部落三十小部落

朔方備乘

卷四十

俄羅斯叢記

四

三百三十八愛倫島幅員三萬方里大部落三

十二小部落四百四十二通計三處地不足十

二萬方里澳門人言中國湖廣一省十四萬四

百七十方里以此觀之是英吉利本國與二屬

島尚不及中國湖廣一省地也第不知近年所

佔中東二印度地幅員何若大約不過斯葛蘭

島及愛倫二島之地耳以較俄羅斯之地方二

百五十四萬方里者僅及十分之一差強較之

中國且不及十分之一矣宜其畏吾中國與俄

羅斯也再以人戶考之澳門新聞錄云中國人

民生齒之繁無國可比只湖廣一省已有戶口

四千五百零二萬名江南一省戶口已有七千

二百萬名由此觀之中國只一省已抵佛蘭西

英吉利歐色特厘阿三國之人民又華事夷言

云中國繁庶甲乎四海但即廣東一省之人可

敵他方十餘國各國皆地廣人稀即印度戶口

最稠亦尚有曠土中國則不惟平地皆田即山

嶺嶺側無不層層開墾寸壤不遺其散布於海

朔方備乘

卷四十

俄羅斯叢記

四

外各國者尚不知凡幾誠四海所未有嗟乎海

外諸國其地之幅員何若其人之生齒何若吾

不知也海外夷人講求世務者乃能知之而且

言之併吾中國之土地人民亦能知之言之確

與否亦未知也然大略可觀矣夫以中國土地

之大人民之眾甲乎四海如此海外諸國無不

震驚而尊之如此彼區區英吉利者地不及吾

二十之一人不及吾百之一且其本國有佛蘭

西其新開西海之地有彌利堅新開印度之地

又有俄羅斯皆強鄰逼近與爲仇讐者彼之患在肘腋實有旦夕之虞苟能知其虛實與其要領何難籌制馭之方略乎曷不盡取外夷諸書與留心時事者曰講求之更進外夷之人素讐英吉利者曰咨訪之乎

論羅刹即可薩

臣秋濤謹案

本朝記黑龍江邊境之種族曰羅刹或以爲卽俄羅斯之轉音而官書多云俄羅斯所屬之羅刹

朔方備乘

卷四十

俄羅斯叢記

吳

則俄羅斯乃總國名羅刹乃屬部之名耳然考泰西人所記載未有此名惟薩拉德夫部瀛環志略云其種人曰可薩悍勇善戰馳騎如飛戔人每用以破敵開拓西伯利廣土皆此部兵力也戍守西伯利部亦此部人地理全志則云端可沙部其人種類曰可沙勇悍好鬪尙劫奪善乘馬馳驟如飛國中募爲騎兵卽食其土之所產以爲精糧不取國帑摧堅折銳稱爲勁旅今按可薩可沙與羅刹音相似蓋當年爲患於黑

龍江雅克薩諸城者卽此種人也隋唐時突厥有可薩部近西海與波斯大食鄰境是史籍言可薩之始

夷人拔毛致敬

康輶紀行言英夷事曰夷人見王不跪惟免冠手拔額上毛數莖投地爲敬其國人肌膚皆白長身猫睛高鼻類在京之俄羅斯而髮拳黃故稱紅毛亦有肌白而髮黑者不貴也初奉佛教後奉天主教淨髭鬚卽此徵俄羅斯之禮節風

朔方備乘

卷四十

俄羅斯叢記

望

俗矣

西洋製器全書

高郵王壽同曰曩歲余慕遠仲兄從事粵東軍營有售西洋製器全書者凡海外各國製器之法無不備載需用價三千金仲兄請於祁竹軒制府欲售而譯之以備講習火器舟車之用會有言於大府者云恐譯之而不能徒虛擲此金事遂中輟臣秋濤謹案道光二十五年十一月俄羅斯國進呈書籍中有製造器具之書當

即此類古人有以不龜手之藥破越兵者安見
譯出之書終無所用哉惜當日封疆之臣見不
及此也

論俄國與土耳其接壤形勢

瀛環志略曰泰西諸國跨亞細亞歐羅巴兩土
者惟俄羅斯與土耳其兩國土耳其疆域之大
不及俄羅斯而擅膏腴之壤據形便之地百年
來逐鹿紛紛迄無止戈之日固恃其地大兵強
不肯遽為俄下也七椿園不知其國之本名謬

朔方備乘

卷四十

俄羅斯叢記

哭

稱為控噶爾又因其據東羅馬故地而以千餘
年前一統之羅馬移之於土耳其其荒渺甚矣又
稱俄羅斯本其屬國缺其朝貢又擾其邊控噶
爾用東西迭駕之法俄羅斯大困增貢乞和乃
免此出於烏巴錫詛咒之口而聞見錄乃鑿鑿
言之豈知輿尸纍纍而屢為城下之盟者乃即
所云控噶爾耶兩國黑海巨隔風馬牛本不相
及自俄羅斯開高加索部而與土之東土接壤
又開波蘭諸部而與土之西土毘連其初構兵

在乾隆中年維時俄羅斯勃焉方興戰攻甚銳
土耳其衰機甫兆兵力猶強勝敗之數大略相
當後則土勢日孱屢戰屢北喪師失地割講頻
仍近年內訌四起危若累卵俄國闢地益廣富
強又非昔比悉銳相攻何異摧枯拉朽然土國
猶幸延至今未為俄國兼併者由於英佛兩大
國護持而排解之也歐羅巴人最惡回教土耳其
其之昏虐又諸國之所鄙夷英佛之於土非有
所愛惜而必欲拯其危亡也俄羅斯境土得歐

朔方備乘

卷四十

俄羅斯叢記

哭

羅巴之大半然北地荒寒不長水戰故僅能比
肩英佛而未足以定霸一方若土耳其三土一
旦為所并兼則地兼三海波羅的海黑海地中海於歐羅
巴一土已扼吭而拊其背矣彼且治船礮閱形
勢一旦擁十萬之眾卷甲西馳諸國其能晏然
已乎故英佛之存土非愛土也懼俄國之兼土
而事未有所止也兩國之強俄所素懾亦未敢
開釁端而延大敵不得不隱忍戢兵聽土之姑
延殘喘歐羅巴情勢頗類戰國故縱橫之謀有

不期然而然者臣秋濤謹案俄與土構兵自康熙時始此但言始於乾隆間猶考之未詳也其論歐羅巴情勢則灼有所見

土耳其與俄國構兵

臣秋濤謹案土耳其國亦曰土耳其機亦曰土耳其亞亦曰都耳基亦曰多爾其亦曰都魯機亦曰特爾濟亦曰杜爾格亦曰控噶爾亦曰圖理雅斯科亦曰疴多馬諾亦曰阿多曼回部大國也地分西中東三土西土在歐羅巴界內中土東土在亞細亞界內三土合計縱橫約四五千

朔方備乘

卷四十

俄羅斯叢記

辛

里古時皆羅馬東境即大秦國也後羅馬分東西三土為東羅馬地唐初阿刺伯回部方強取東中兩土建為藩部土耳其者本韃靼種舊游牧蔥嶺之東即今伊犁一帶奉回教展轉西徙入買諾即土耳其其中土居於加拉馬尼亞為亞刺伯回部所驅逃避山穴其後種族漸繁元成宗五年頭人阿多曼一作疴多馬諾招集種人攻奪買諾回國即名其國曰阿多曼至孫默拉德日益強盛東土之猶太敘里諸部即土耳其其東土以次蠶食疆域愈廣佛郎

西日耳曼嘗以兵六萬來攻皆失利去元順帝至元年間土王渡海峽伐東羅馬與敵戰而勝敵有將劄甚卧戰場請王親加刃死無憾王就之敵將忽躍起以短刀刺王中心死其子巴牙

屑一作巴也西得渡海復仇虜一萬人盡殺之會蒙古

來侵即元所封之撒馬兒罕巴牙屑禦之戰敗被虜後有

摩拉多者復奮起侵割東羅馬境土過半子馬

何美德嗣尤梟雄明景泰三年滅東羅馬取君

士但丁城為國郡即土耳其其西土君士但丁一作康思坦胎諾格爾西域聞

朔方備乘

卷四十

俄羅斯叢記

壬

見錄稱為控噶爾臣秋濤謹案內府圖黑海海峽之西有城曰圖里雅斯科國拱喀爾汗所駐和屯即此地也三土遂全歸統轄紅海地中海南岸諸國舊屬阿刺伯者或納土或稱藩阿刺伯亦納款為屬國復東取波斯建為大藩幅員之廣幾比盛於羅馬全國其用兵屠戮最慘每戰斬首以萬級計治法全尚刑威賦斂尤煩苛嘉靖以後嗣王多昏庸醉飽殘殺骨肉以此篡奪頻仍稱為亂國後宮常五六百人初生子者為后回回教主持國柄作威福諸大酋守地者股膏血

以自肥橐滿則王賜帛自絞而簿錄其家蓋西國之昏虐無政未有如土耳其之甚者也初土耳其既得三土之地各分部落領以大酋名曰巴札地廣權重漸成尾大東土尤寫遠難制康熙中其王達哈荷麻孱弱不綱諸巴札專制一方名雖為臣徵調多不應命東偏之亞爾美尼亞古爾的斯丹皆衣租食稅不供國用巴必羅尼亞部即美索不達迷亞部也巴札阿墨嘗據地以叛土王那達沙伐之累年不能取至塞黎慕嗣位始

朔方備乘

卷四十

俄羅斯叢記

五

於嘉慶八年戰勝收復甫二載新設之巴札又叛塞黎慕親伐中流矢死如德亞即猶太之巴札亦跋扈不共命土無如之何也中土買諾諸部為土初起之地部民多韃靼種尙勉供賦役而西土諸部近接國都弄兵者接踵而起南境之希臘已裂土為敵國近年自立為小國者又有三部此外藩國波斯早易姓天方即阿刺伯亦隔絕在阿非利加北境者阿爾及耳已為佛郎西所滅惟突尼斯及的黎波里尙通貢獻麥西為海

南上壤舊設巴札近年其巴札叛土攻取東土諸部勢將內逼英吉利佛郎西勒兵勸和乃分土稱外藩其王自塞黎慕戰死國人立慕斯德發未一載廢之嘉慶十三年馬疴美德立勢益奄奄不振蓋其國中衰已百餘年今則岌岌乎有亡徵焉徒以世臣夾輔又與英佛諸大國合縱故尙得苟延歲月耳北鄰之俄羅斯大國也與土耳其其中隔黑海東西壤地相接乾隆中土耳其與之構兵前後數十年始猶勝負相當繼

朔方備乘

卷四十

俄羅斯叢記

五

則累戰累北乾隆五十四年土王塞黎慕為俄羅斯所敗割地以講後俄羅斯大舉來伐佛郎西救之乃免自是多惱河一帶烽燧頻警奔命不遑道光六年土人侵俄南境戰而敗績俄以大兵圍其都城國幾亡英佛為之講和俄兵乃罷
土耳其西土與俄國相拒
臣秋濤謹案土耳其西土古希臘十二國之地北界俄羅斯舉地利亞南抵地中海地形入海

之處界希臘國東界黑海西抵亞得亞海隅東南與買諾隔一海峽峽名他大尼里後漢書大秦傳所云有飛橋數百里可度海北即指此峽也寬止數里相傳古有石橋圯廢已久范蔚宗云數百里當是傳聞之誤魏書董琬使西域還上言西域諸國分爲四域蔥嶺以西海曲以東爲一域所謂海曲即指他大尼里峽也縱橫各二千餘里南北高嶺橫亘多惱河縈帶其間地多山少平土南境海灣凹凸島嶼紛羅地爲歐

朔方備乘

卷四十

俄羅斯叢記

五

羅巴初勦之土土耳其以兵力強取之其民本習天主教不染回教又不堪土之苛斂近年已成四分五裂之勢地分八部建都之部曰羅美里亞都城即君士但丁海港深廣商舶輻輳其北境之部曰西里斯的黎亞一作不牙在羅美里亞之北北阻多惱河風俗語音近俄羅斯其民勤苦力作奉希臘教會城曰所非居民五萬陸路通商之地也所轄順刺城形扼山險一夫可以當關爲土國北門鎖鑰恃此以禦俄軍多

惱河一帶城堡甚多皆爲備俄而設又一部曰襪拉幾亞一作瓦拉基在西里斯的黎亞之北阻大山南距多惱河縱一千八百里橫四百五十里地形平坦河流文貫土沃宜麥草場豐茂牧畜蕃孳民奉耶蘇教勤苦力作而土政苛虐培克百端其地有大酋如列國小侯都城曰不加勒斯多一作布加力居民八萬俄羅斯時擁護之近已立國納貢於土又一部曰摩爾達維亞一作末大味即南懷仁坤輿圖所載末耳

朔方備乘

卷四十

俄羅斯叢記

五

大末亞也在襪拉幾亞之北西有山嶺間隔地極廣莫居民五十萬產五穀諸果葡萄煙密蠟硝鹽馬牛猪每歲售馬鄰封可萬匹其地亦有大酋如列侯都城曰鬻西一作牙西藉庇於俄羅斯逃土虐政近亦立國納貢於土

土耳其東土與俄國相拒

臣秋濤謹案土耳其東土在買諾之東乃亞細亞地也北枕黑海東北隅接俄羅斯東界波斯南連亞刺伯麥西西抵地中海縱約二千餘里

橫約千餘里東北一帶大山疊聳最高者曰阿臘曰黎巴嫩阿付臘底斯河一作阿倫得河發源西北底格里士河一作地額河發源正北相對而東南流至巴索拉合流入海其地為泰西諸國勦建之祖大國名都代興者凡十數自為回部所據其民種類各殊在海岸海島者皆額力西種即希臘謂之上等人居於西里亞美索不達迷亞各部者半阿丹種即阿刺伯美善善騎長於經商多素封居於東北山中者為戈達曼種游

朔方備乘

卷四十

俄羅斯叢記

五

牧為生健勇喜關好虜掠土俗類韃韃里謂西域游居於黎巴嫩山中者曰馬羅奈底士曰特魯西士曰黑爾西諸種皆回民馬羅奈底士為天主教名師馬倫所化因以得名阿丹以兵力脅入回教戶口繁多其俗儉嗇特魯西果敢輕生戰不長平陸而長山險鳥鎗從高擊下發無不中黑爾西戰鬪最勇以少敵眾從未敗回土耳其與俄羅斯戰倚此兩種為勁旅諸部地界遼闊距王都絕遠自土耳其中衰守土之首多

擁地自擅不供賦役百餘年來僅僅羈縻勿絕而已地分五部惟亞爾美尼亞部在東北境與俄羅斯國接壤

土耳其中土與俄國通商

臣秋濤謹案土耳其中土曰買諾亞細亞極西之地黑海地中海環其三面縱約千里橫約二千餘里南北峻嶺嵯峨中多腹壤土耳其起於此土韃韃種人散布雜居故國雖中衰尚無分裂所產者穀麥五金之礦蠶絲乾葡萄南果酒

朔方備乘

卷四十

俄羅斯叢記

五

油蜜香料藥材地分六部其東北一部曰德勒孫比達一作德比孫在馬拉士之東北隅南界東土之亞爾美尼亞北距黑海其埔頭為土耳其與俄羅斯通商之地

俄國隱圖土耳其

臣秋濤謹案地中海之南阿非利加州境麥西為最著之地一作厄日多一作扼入多一作厄日度一作埃及多一作埃及一作以至比多一作迤志比多一作伊揖一作伊齊不托在紅海

地中海之間北臨地中海東臨紅海東北一隅與亞細亞之猶太阿刺伯相連西北連的黎波里西南連沙漠南界努北阿縱橫皆一千七百余里地本沙磧有尼羅河從南方發源沿紅海之西岸北流入地中海兩岸塗泥淤爲良田故近河之地阡陌雲連戶口繁密而距河稍遠則平沙浩浩曠無人煙其立國在有夏之初時歐羅阿非兩土草昧未闢麥西獨顯西土之制度文物皆其所創鄰近諸部咸臣服有商中葉希

朔方備乘

卷四十

俄羅斯叢記

五

臘諸國興而麥西之權分周末爲波斯所滅後爲希臘之馬基頓所取西漢時意大里之羅馬興麥西歸降爲屬國數百年唐初阿刺伯取其地由是爲回回部落明初土耳其取爲別部鎮以大酋嘉慶三年佛郎西遣大將攻克之越三載復以其地歸土耳其近年麥西酋叛土王自立爲國土王以大衆伐之搆兵累年不能勝麥西攻土耳其東土諸部皆下之土王告急於諸鄰波斯欲助土耳其因脅取麥西爲藩部俄羅

斯以衆兵入土境名爲救土將隱圖之英吉利佛郎西皆勒兵勸和麥西酋乃還所侵地復通貢於土耳其爲外藩

俄國援希臘

臣秋濤謹案希臘一作額里士一作額力西一作厄勒祭一作厄肋西亞古名國也今爲新造土耳其西土之南界地形如臂入地中海其盡處槎牙似人掌是爲希臘國縱約五百里橫約七百五十里當上古時歐羅巴人昏濛未啟有

朔方備乘

卷四十

俄羅斯叢記

五

夏中葉有義納孤者從猶太抵希臘始教土人以構屋耕田有商中葉灑哥落從厄日多來立國於雅典始以文字傳其土人歐羅巴之開瀆閩通文學實自希臘始商周時希臘分十二國結爲同盟西漢時意大里亞之羅馬方強希臘亦屬焉後土耳其興滅羅馬東王希臘地屬土耳其其者四百年近年土政苛虐雅典之民不能堪嘉慶二十五年逐去土酋土人以兵攻之雅典堅守不下英吉利佛郎西俄羅斯三國壯希

民各以兵擁護之土耳其無奈何乃聽其自立為國即今之希臘國也

俄國欲恢復荷蘭

四洲記曰佛蘭西兵取彌爾尼王臣秋濤謹案即今通商之

比利時國旋進據荷蘭於是兩國為佛蘭西所屬臣秋濤謹案此嘉慶四年臣秋濤謹案原作千七

俄羅斯英吉利欲恢復荷蘭不克臣秋濤謹案厥後佛郎西

王拏破倫既敗荷蘭復立故王之裔嘉慶二十年荷蘭與日耳曼列國相結號同盟四十國云

俄國覓南冰洋洲島

朔方備乘

卷四十

俄羅斯叢記

本

秋濤謹案彼得第一島在南冰洋海中道光

元年俄羅斯船主名北令厚森者覓得此島地

史論曰此島緯綫六十八度五十七分是時覓

地者此為極南云

俄羅斯語言分派

地理備考言五州之言詞約有八百六十種歐

羅巴則有五十三種其通用者共一十有七一

呢囉嘶一烘哥里亞一伯羅尼亞一不威迷亞

以上四者乃古斯加拉窩尼亞話所分派者也

臣秋濤謹案伯羅尼亞即波羅尼亞又曰波蘭其地今全屬俄羅斯矣斯加拉窩尼亞備考他卷中又作斯加拉臥尼亞

斯干的納維亞人取俄羅斯地

地理備考云羅馬既衰其俄羅斯地方歸於古

斯干的納維亞國之瓦肋厄人管轄又云呢囉

嘶本國古稱薩爾馬西亞乃斯加拉臥尼亞分

派所居之地也迨斯干的那威亞國人祿利哥

者與師克之俄羅斯之建國始於此也臣秋濤謹案納

朔方備乘

卷四十

俄羅斯叢記

本

維即那威也

俄羅斯中分三國

地理備考云歐羅巴州分十六處地方每一處

中或一國或數國不等其十四呢囉嘶內三國

一名呢囉嘶國一名波羅尼亞國一名加拉哥

維亞國臣秋濤謹案波羅尼亞即波蘭今已併

入俄國為波蘭路加拉哥維亞國今為俄國附

庸實止俄羅斯一國而已

朔方備乘卷四十

知縣林 穗初校 廩生陳文煜覆校

朔方備乘卷第四十一

考訂諸書一

考訂職方外紀敘

臣秋濤謹案職方外紀係明西洋人艾儒略撰

其書成於天啟癸亥自序謂利氏齋進萬國圖

志龐氏奉命翻譯儒略更增補以成之蓋因利

瑪竇龐我迪舊本潤色之不盡儒略自作也所

紀皆絕域風土為自古輿圖所不載故曰職方

外紀其說分天下為五大州曰亞細亞州曰歐

朔方備乘

卷四十一

考訂職方外紀敘

一

羅巴州曰利未亞州曰亞墨利加州曰墨瓦蠟

尼加州蓋西洋人言地理皆分五大州初非儒

略一人勑論而中國之知有五大州則自見儒

略之書始明人尙疑其誕

國朝順治以來如荷蘭意達里亞博爾都嘉利亞

博爾都噶爾之屬皆嘗奉表入貢即所稱歐羅

巴州之國也是其書於外域地理頗資考覈是

以乾隆中

詔修四庫全書而儒略此書得邀

文淵閣著錄茲考北徼紀載亦采儒略之言詳加

考訂庶可示傳信而祛羣疑至南懷仁之坤輿

圖說與儒略書互相出入有足資引證者亦附

著於末云

職方外紀

莫哥斯未亞

亞細亞西北之盡境有大國曰莫哥斯未亞魏

源日即鄂羅斯也俞正燮議此書不知有俄羅斯

豈知外域音殊字別況此時鄂羅斯尙未兼并

西費雅之地乎即本朝之書稱鄂羅斯有日

羅利有日羅車國者豈亦不知有俄羅斯邪

朔方備乘

卷四十一

考訂職方外紀

二

臣秋濤謹案莫哥斯未亞一作沒箇斯東西徑

未亞即莫斯科窪乃俄羅斯國都之名萬五千里南北徑八千里中分十六道有窩爾

加河最大支河八十皆以為尾閭而以七十餘

口入北高海緒焉不通大海臣秋濤謹案南懷

仁坤輿圖說云天

下名河歐羅巴州窩耳加河長一千六百里分

七十二流入海南氏僅云入海不云入北高海

不及艾說之詳蓋北高海乃一大湖不通大海

不得概目為海也分七十二流亦猶江南太湖

之水分七十二瀾耳國內兵力甚強日事吞并其地夜長

晝短冬至日止二時氣極寒雪下則堅凝行旅

駕車度雪中其馬疾如飛電其室宇多用火温

雪中行旅為嚴寒所侵血脈皆凍堅如冰石如
驀入温室之中耳鼻輒墮於地每自外來者先
以水浸其軀俟僵體漸甦方可入温室內故八
月以至四月皆皮裘多獸皮如狐貉貂鼠之屬
一裘或至千金者熊皮以為卧褥永絕蟻虱產
皮處即用以充賦稅以遺鄰國多至數十車國
人多盜人競畜猛犬見人則噬晝置弄中夜聞
鐘聲始放人亟匿影閉戶矣惟國王許習文藝
其餘雖貴戚大臣亦禁學恐其聰明過主為主

朔方備乘

卷四十一

考訂職方外紀

三

辱也故其國有天王能知國王能知之諺今亦
稍信真教其王常手持十字國中亦傳流天主
之經或聖賢傳記無禁矣俗最澆凡欲貿易須
假託外邦商賈方取信國人若言本土則逆其
詐矣有大鐘以搖不以撞欲搖非三十人不能
惟國王即位及其誕日鳴之所造大礮臣秋濤謹案坤
輿圖說其長三丈七尺一發用藥二石可容二
人入內掃除又有一蜜林其樹悉為蜂房國人
各界其樹為恒產魏源案高爾加河見南懷仁坤輿圖北高海即裏海亦名

騰吉斯海即異域錄之佛爾格河源出土拉嶺
逕俄羅斯之南入騰吉斯海土爾扈特游牧河
旁謂之厄濟爾河者也納林河亦會之同人裏
海至其夜長晝短則別謂俄羅斯北方冰海之
地非黑海地也臣秋濤謹案納林河西入達
里岡河泊乃鹹海非裏海且納林河並不與佛
爾格河相會至云同人裏海尤為舛誤魏
源此註於地理水道皆失其實詳見正誤

附南懷仁坤輿圖說記波羅尼亞

臣秋濤謹

案職方外紀作波羅尼坤輿圖說所載較外紀稍詳故置彼引此

波羅尼亞在亞勒馬尼東北極豐厚地多平行
皆蜜林國人採之不盡多遺棄樹中者又產鹽
及獸皮鹽透光如晶味極厚其人美秀而文和

朔方備乘

卷四十一

考訂職方外紀

四

愛樸實禮賓篤備絕無盜賊人生平未知有盜
國王亦不傳子聽大臣擇立賢君其王世守國
法不得變動分毫亦有立其子者但須前王在
位時豫擬非豫擬不得立即推立本國之臣或
他國之君亦然國中分為四區區居三月一年
而徧其地甚冷冬月海凍行旅常於冰上歷幾
晝夜望星而行有屬國波多里亞地甚易發生
種一歲有三歲之獲草菜三日內便長五六尺
海濱出琥珀是海底脂膏從石隙流出初如油

天熱浮海面見風始凝天寒出隙便凝每為大

風衝至海濱臣秋濤謹案波羅尼亞即波蘭國今為俄羅斯國所併即所云西俄

七部及波蘭入部也故錄此以備考云

附南懷仁坤輿圖說記韃而鞑臣秋濤謹案俄

羅斯之東部錫伯利坤輿圖說作韃而鞑其說較職方外紀語簡而覈故置彼

此引

中國之北迤西一帶直抵歐羅巴東界俱名韃

而鞑江河絕少平土多沙大半皆山大者曰意

貌中分亞細亞之南北其北皆韃而鞑種氣候

朔方備乘 卷四十一 考訂職方外紀 五

極寒冬月無雨入夏微寒僅溼土人性好勇以

病歿為辱少城郭居室駕屋於車以便遷徙產

牛羊駱駝嗜馬肉以馬頭為絕品貴者方得嗽

之道行饑渴卽刺所乘馬瀝血而飲嗜酒以一

醉為榮國俗大都如此更有殊異不倫夜行晝

伏身蒙鹿皮喜食蛇蟻蜘蛛者有人身羊足氣

候極寒夏月層冰二尺有長人善躍一躍三丈

履水如行陸迤西舊有女國曰亞瑪作搦最驍

勇善戰嘗破一名都曰厄弗俗其地建一神祠

宏麗奇巧非思議所及國俗惟春月容男子一

至其地生子男輒殺之今為他國所併存其名

耳又有地曰得白得不以金銀為幣止用珊瑚

至大剛國惟屑樹皮為錢印王號其上當幣其

俗國王死往葬逢人輒殺謬謂死者可事其主

附錄南懷仁坤輿圖各地名臣秋濤謹案坤輿圖

內所載各地名有本為俄羅斯屬地者亦有南懷仁繪圖時本非俄地嗣後陸續併入俄國者茲

皆錄存其名於此

歐羅巴州

朔方備乘 卷四十一 考訂職方外紀 六

沒箇斯末亞臣秋濤謹案即莫斯科窪

俄羅定臣秋濤謹案即佛羅尼使

里福尼亞臣秋濤謹案即異域錄之那耳瓦城一作里窩尼亞

古爾蘭的亞臣秋濤謹案即孤爾蘭的亞一作艾蘭

非納臣秋濤謹案即芬蘭部一作宏蘭

達斯達利亞臣秋濤謹案即哥斯德羅馬部一作郭羅多阿木喀斯科

所爾刺大臣秋濤謹案即倭羅克達

泥閣辣臣秋濤謹案即諾弗哥一作諾弗哥羅

因的日亞

必查納 臣秋濤謹案二地皆即亞干日

官多拉 臣秋濤謹案

亞斯大蠟甘 臣秋濤謹案即阿斯達拉干

納加賀爾達 臣秋濤謹案即阿鄰堡

加撒納 臣秋濤謹案即喀山一作加匿一作加森

木耳度瓦 臣秋濤謹案即西穆必爾斯科一作新比斯克

未亞德加 臣秋濤謹案

白爾米亞

白爾墨勿利各 臣秋濤謹案以上二地皆即白爾摩部

朔方備乘 卷四十一 考訂職方外紀 七

馬耳木樓 臣秋濤謹案即白爾摩南境地

里度瓦你亞 臣秋濤謹案

未爾納 臣秋濤謹案

波多里亞 臣秋濤謹案

利加 臣秋濤謹案

波羅尼亞 臣秋濤謹案

瑪所未亞 臣秋濤謹案

羅桑加 臣秋濤謹案

各北林 臣秋濤謹案

我得蘭的亞島 臣秋濤謹案

墨阿的湖 臣秋濤謹案

亞細亞州

高架所山 臣秋濤謹案

日入阿的亞 臣秋濤謹案

亞兒墨泥亞 臣秋濤謹案

細密里亞 臣秋濤謹案

鞞而鞞 臣秋濤謹案坤輿圖所繪鞞而鞞地極廣凡錫伯利部全境皆是

末機 臣秋濤謹案

朔方備乘 卷四十一 考訂職方外紀 八

都悶 臣秋濤謹案

單護得 臣秋濤謹案

加里勿 臣秋濤謹案唐書云結骨亦名居勿即此加里勿也

亞泥比 臣秋濤謹案以上二地皆在錫伯利部近托穆斯科地

把兒獲 臣秋濤謹案在錫伯利部近北海地

加大閣 臣秋濤謹案當在昂噶拉河之北

閣辣湖 臣秋濤謹案湖在加大閣辣之南

葛洛瑪湖 臣秋濤謹案湖在揭的河附近今不知所在

墨賴爾

意的撒

登都國 臣秋濤謹案以上三地當在義爾古德斯科東北境

新增白臘 臣秋濤謹案即伊策三布拉島

冰山 臣秋濤謹案山在伊策三布拉島東偏

雪地 臣秋濤謹案地在冰山之南

歪加字 臣秋濤謹案地在伊策三布拉島西偏

聖亞納灣

白肋福爾得灣 臣秋濤謹案以上二灣在伊策三布拉島之北偏

亞墨利加州

朔方備乘

卷四十一 考訂職方外紀

九

尼亞俺 臣秋濤謹案地在監札加路東南

朔方備乘卷四十一

知縣吳壽坤初校廩生陳文煜覆校